
ABU ABDULLOH MUHAMMAD IBN ISMOIL AL-BUXORIY

AL-JOMI' AS-SAHIH

(Ishonarli to'plam)

3-jild

Arabchadan Rahmatulloh qori Qosim o'g'li va Xoja Baxtiyor Nabixon o'g'li tarjimasi



KITOB UL-MAG'OZIY

(G'oziylarning fazilatlari va ular qilgan amali solihlar haqida kitob)

1-bob. «Al-Ushayra yoki Al-Usayra janggi» haqida «Rasululloh sallallohu alayhi va sallam ishtirok qilgan gʻazotlarning birinchisi «Al-Abvo» gʻazoti, keyin «Buvot», keyin ersa «Al-Ushayra» gʻazotidir»,— deydilar.

Imom Buxoriy rivoyat qiladilarki, Abu Ishoq bunday debdurlar: «Men Zayd ibn Arqamning yonlarida erdim. Ul kishidan: «Rasululloh sallallohu alayhi va sallam necha gazotda ishtirok qilganlar?»—deb soʻrashdi. Zayd: «19 ta»,— dedilar. Zayddan yana soʻrashdi: «Siz Rasululloh birlan necha gazotda birga boʻlgansiz?». Ul kishi: «17 tasida»—deb javob qildilar».

«Rasululloh sallallohu alayhi va sallam ishtirok qilgan gazotlarning birinchisi qaysi?»—deb Zayddan soʻrasam, ul kishi: «Al-Ushayra (yoki Al-Usayra)»—deb aytdilar, Qatodadan ham soʻragan erdim, ul kishi ham «Al-Ushayra» deb tasdiqladilar»,—deydilar Abu Ishoq.

2-bob. Badr janggida oʻldiriladigan kishi haqida Rasulullohning aytganlari (bashoratlari) toʻgʻrisida

Abdulloh ibn Mas'ud raziyallohu anhu Sa'd ibn Muoz haqida shunday deydilarki, «Sa'd ibn Muoz Umayya ibn Xalafning do'sti erdi. Umayya qachon Madinaga borsa, Sa'dning uyiga, Sa'd Makkaga kelsa, Umayyaning uyiga tushardi. Rasululloh (u kishiga Ollohning salomi bo'lsin!) Madinaga kelganlaridan so'ng, Sa'd umra qilish uchun Makkaga bordida, odatdagiday Umayyaning uyiga tushdi. Unga: «Bo'sh vaqtingda meni kuzatib tursang, Baytullohni tavof qilib olardim!» —dedi. Umayya kunning yarmida Sa'dni tavofga olib chiqdi. Ularga Abu Jahl duch kelib, Umayyadan: «Ey Abo Safvon, yoningdagi kishi kim?» — deb so'radi. Umayya: «Bu kishi Sa'd»,— deb javob berdi. Abu Jahl Sa'dga: «Sen ota-bobosining dinidan qaytgan kishilarni bagriga olib, o'zlarini ularning yordamchisi deb hisoblayotgan kishilarning biri bo'la turib, Makkada xotirjam tavof qilayotganingga taajjub! Bilib qo'y, agar sen Abu Safvon birlan birga bo'lmaganingda erdi, bola-chaqang oldiga salomat qaytmagan bo'lar erding!» — dedi. Sa'd ovozini

baland ko'tarib, Abu Jahlga dedi: «Sen ham bilib qo'y, agar menga tavof qilmoqni man' qilsang, men ham senga bundan badtarroq qilaman — Madinadan o'tadigan Shom yo'lini to'sib qo'yaman!». Umayya Sa'dqa: «Ey Sa'd, butun vodiy ahlining uluqi bo'lmish Abulhakimga baqirma!» — dedi. Shunda Sa'd: «Ey Umayya, biz bilan ishing bo'lmasin, Ollohga qasamyod qilurmenkim, Rasulullohdan eshitganman, albatta bular seni ham oʻldirishlarini aytganlar»,— dedi. «Makkadami?» — deb soʻradi Umayya. Sa'd: «Bilmayman»,— dedi. Shundan keyin, Umayyaning diliga qattiq gulgula tushib, uyiga gaytdi-da, xotiniga: «Ey Safvonning onasi, bildingmi, Sa'd menga nima dedi?» — dedi. Umayyaning xotini: «Sa'd nima dedi?»—deb so'radi. Shunda Umayya: «Sa'd menga aytdiki, Muhammad alayhissalom Quraysh albatta Umayyani oʻldiradi, deb ularga xabar bergan emishlar. Men Sa'ddan: «Makkadami?»—deb soʻrasam, u bilmayman, deb javob berdi. Ollohga qasamyod qilurmen-kim, men Makkadan chiqmayman!» — dedi. Badr kuni kelgach, Abu Jahl odamlarni yig'di-da, ularga: «Savdo karvonlaringizni himoya qilingizlar!»—dedi. Umayya himoyaga chiqishdan bosh tortdi. Abu Jahl uning oldiga kelib: «Ey Umayya! Sen vodiy ahlining ulug'i bo'la turib karvon himoyasiga chiqmayotganingni odamlar ko'rsa, ular ham bosh tortadi»,— dedi. Abu Jahl shunday gattig gistovga oldiki, oxiri Umayya bunday dedi: «Mayli sen yengding, Ollohga gasamyod gilurmenkim, Makkaning eng uchgur tuyalaridan sotib olurmen!». Keyin, Umayya xotiniga: «Ey Safvonning onasi, menga yoʻl tadorikini koʻr!» — deb buyurdi. Xotini unga: «Ey Abo Safvon, yasriblik birodaringiz oʻzingizga aytgan gapni unutdingizmi?»—dedi. Umayya: «Yoʻq, lekin men ular birlan birga ozgina boʻlib qaytib kelaman», — dedi. Umayya yoʻlga chiqqach, qaerda tushmasin, tuyasini tushovlab qo'yardi. U shul tariqa yo'lda davom etib, Badrqa borqanda Olloh taolo undan o'z omonatini oldi».

3-bob. Badr janggi qissasi

Olloh taoloning qavli («Oli Imron» surasi): «Va haqiqatan ham Olloh taolo Badr maydonida sizlarga madad qilgan erdi, vaholanki sizlar ozchilik erdingizlar. Bas, Olloh taolodan qoʻrqingizlar, toki shukrguzor boʻlingizlar! Vaqtiki siz (Muhammad alayhissalom) musulmonlarga der erdingiz: «Ayo, sizlarga bu kifoya qilmasmiki, parvardigoringiz osmondin uch ming farishta tushirib sizlarga madad bersin. Ha, agar sizlar sabru taqvo qilsangizlar va ular (mushriklar) ustingizga toʻsatdan bostirib kelib qolsalar, parvardigoringiz besh ming nishondor farishtalar birla sizlarga madad qilur va buni Olloh taolo sizlarni xushnud etmoq uchungina qildi, toki koʻngillaringiz orom topsin va madad Olloh taoloning oʻz tarafidangina boʻlurki, ul gʻolibu hikmat sohibidur, toki kofirlardan ba'zilarin halok qilsin yohud ularni xor qilsin, keyin ular noumid boʻlib qaytsinlar».

Vahshiy: «Badr kuni Hamza Ta'iyma ibn Adiy ibn al-Xiyorni o'ldirdi», — deydilar.

Olloh taoloning qavli («Al-Anfol» surasi): «Va yod qilinsin ul vaqtniki, Olloh taolo ikki jamoatdan birini sizlarga va'da qilur erdiki, ul sizlarniki bo'lur va sizlar istar erdingizlarki, qurolsiz jamoat qo'llaringizga kelsin».

Abdulloh ibn Ka'b: «Ka'b ibn Molik bunday deb aytar erdi»,— deydilar: «Men Rusululloh sallallohu alayhi va sallam ishtirok qilgan g`azotlarning barchasida qatnashganman, faqat Tabuk g`azotida hamda Badr janggida yo`q erdim. Biroq, buning uchun hech kim meni aybdor sanamadi, chunki Rasululloh sallallohu alayhi va sallam Quraysh karvonini

koʻzlab yoʻlga chiqqan erdilar, Olloh taolo ularni oʻz dushmanlari birlan tasodifan toʻqnashtirib qoʻydi».

4-bob.

Alloh taoloning qavli («Al-Anfol» surasi): «Eslangizlar ul vaqtniki, parvardigoringizga iltijo qilur erdingizlar, keyin ul qabul etdi iltijoingizni, dediki: «Men sizlarga ming farishta ila madad berurmen, paydar-pay kelurlar» Va Olloh taolo oʻzidan bashorat boʻlsin hamda uning ila dillaringiz taskin topsin, degan maqsaddagina sizlarga madad berdi va Olloh taolo madadidan oʻzga madad yoʻqdur, albatta Olloh taolo gʻolibdur, hikmatlidur! Eslangizlar, Olloh taolo taskin topingizlar deb sizlarga yengil uyqu nozil etdi va osmondan sizlarga yomgʻir yogʻdirdi, toki uning ila sizlarni pok qilmoq, sizlardan shayton vasvasasin ketkazmoq va dillaringizni oʻzaro mustahkam bogʻlamoq hamda qadamlaringizni sobit qilmoq uchun. "Vaqtiki, hukm yubordi parvardigoringiz farishtalargaki: «Men sizlar iladurmen, bas sizlar sobitqadam tutinglar musulmonlarni, men xavf solurmen kofirlar dillariga». Bas, ey musulmonlar, sizlar uringlar ularning gardanlariga va uringlar qoʻlu oyogʻlarin atroflariga! Bu shuning uchundurki, ular Olloh taologa va uning rasuliga qarshi turdilar va kimiki Olloh taologa va uning rasuliga xiloflik qilur, albatta Olloh taoloning azobi qattigʻdur!»

Ibn mas'ud raziyallohu anhu bunday der edilar: «Men Miqdod ibn al-Asvad tufayli bir «mashhad»ning guvohi boʻldim (ya'ni, Badr janggi nazarda tutiladi). Shu mashhadda ishtirok qilganimga beriladigan savob mening uchun har qanday dunyoviy mukofotdan mahbubroqdur. Miqdod ibn al-Asvad Paygʻambar alayhissalomning qoshlariga kelganda, ul zot musulmonlarni mushriklarga qarshi jangga da'vat qilib turgan edilar, Miqdod bunday dedi: «Biz sizga musoiylarning Musoga «Ey Muso, oʻzing rabbing birlan borib kofirlarga qarshi jang qilaver!» degan gaplarini aytmaymiz, bilaks biz oʻng tomoningizda ham, chap tomoningizda ham, ortingizda ham, oldingizda ham turib jang qilamiz». «Shunda men Rasulullohning yuzlari yorishib ketganini koʻrdim»,— deydi Miqdod. Chunki, uning gapi Rasulullohni behad xursand qilgan edi-da!».

Ibn Abbos rivoyat qiladilar: «Paygʻambar alayhissalom Badr kuni: «Yo Olloh, va'dangga vafo qilmogʻingni iltijo qilurmen! Yo Olloh, agar istasang, ijobat qilmagaysen!» — dedilar. Shunda Abu Bakr ul zotning qoʻllarini ushlab: «Kifoya!»— dedilar. Janob Rasululloh: «Mushriklar yengilib, ortlariga qochqaylar!» — deya masjiddan chiqdi-lar».

5-bob.

Ibn Abbos janob Rasulullohning «Badr janggiga chiqmagan va chiqqan moʻminlarni oʻzaro tenglashtirib boʻlmaydi» deganlarini eshitgan erkanlar.

6-bob. Badr janggida qatnashganlar soni

Abu ishoq Barrodan naql qiladilar: «Men va Ibn Umar ikkovimiz,— deb erdi Barro,— Badr kuni sag`ir bo`lib qoldik. Badr kuni muhojirlar oltmishdan ortiq va ansorlar ikki yuz qirqtacha erdilar».

Barro raziyallohu anhu bunday degan ekanlar: «Muhammad sallallohu alayhi va sallamning sahobalari Badrda gatnashganlar haqida menga soʻzlab berganlar, ularning

soni Tolutning ashoblari adadicha bo'lgan erkan.

Tolut bilan (Urdun) daryosini kechib oʻtganlar soni 310 kishi-dan ortiqroq edi». «Olloh nomiga qasamyod qilurmenkim, Tolut birlan birga faqat moʻminlargina daryodan oʻta olgan, xolos»,— deydilar Barro.

Barro aytadilar: «Biz Muhammad sallallohu alayhi va sallamning ashoblari birlan Badr ishtirokchilarining soni Tolut birlan (Urdun) daryosini kechib oʻtgan kishilar sonicha boʻlganini oʻzaro gapirib yurar erdik. Daryoni faqat moʻminlar kechib oʻtgan edilar, ular 310 dan koʻproq kishi edilar».

7-bob. Payg'ambarimiz Muhammad sallallohu alayhi va sallamning Quraysh kofirlaridan Shayba, Utba, Valid va Abu Jahl ibn Hishomlarni duoyi bad qilganlari hamda ularning halok bo'lganlari haqida

Abdulloh ibn mas'ud raziyallohu anhu rivoyat qiladilar: «Paygʻambar alayhissalom Ka'baga yuzlarini burib, Qurayshdan bir necha kishini — Shayba ibn Rabi'ani, Utba ibn Rabiy'ani, Valid ibn Utbani va Abu Jahl ibn Hishomni duoyi bad qildilar. Olloh taoloning nomini aytib guvohlik berurmenkim, men ularning oʻligini koʻrdim, kun issiqligidan sasib ketibdi»

8-bob. Abu Jahlning o'ldirilishi haqida

Badr kuni Abdulloh ibn Mas'ud raziyallohu anhu Abu Jahlning oldiga keldilar. Ul jon taslim qilish oldida turgan bo'lib, Abdullohga: «Sizlar o'ldirgan odamdan ko'ra ulug'roq kishi bormi?!-dedi.

Anas ibn Molik rivoyat qiladilar: «Paygʻambarimiz alayhissalom: "Abu Jahlga nima boʻlganini kim bilib keladi?» — dedilar. Ibn Mas'ud raziyallohu anhu borib, Abu Jahlni oʻlar holatda koʻrdilar, ul Afroʻning ikki oʻgʻli (Muoz va Mu'avviz) tomonidan yarador qilingan erdi. Ibn Mas'ud: «Sen Abu Jahlmisan?»—dedilar-da, Abu Jahlning soqolidan ushladilar. Abu Jahl: «Sizlar oʻldirgan (yoki oʻz qavmi oʻldirgan) odamdan koʻra ulugʻroq kishi bormi?!»—dedi». Ahmad ibn Yunus aytgan rivoyatda «Sen Abu Jahlsan» deyilgan.

Anas ibn Molik aytadilarki, «Badr kunida Paygʻambar alayhissalom: «Abu Jahlga nima boʻlganini kim bilib keladi?»—dedilar. Shunda Ibn Mas'ud borib, uni Afroʻning ikki oʻgʻli tomonidan yarador qilingan holda topdilarki, oʻlar holatda erdi. Uning soqolidan ushalab turib: «Sen Abu Jahlmisan?» — dedilar. Shunda Abu Jahl: «Qavmi oʻldirgan (yoki sizlar oʻldirgan) odamdan ulugʻroq odam bormi?!» — dedi».

Anas ibn Molikdan naql qilingan qator rivoyatlarda ham yuqoridagi mazmun takrorlanadi. Ali ibn Abdulloh ham Yusuf ibn al-Mojshundan Badr haqidagi mazkur hadisni yozib olganlarini aytadilar.

Ali ibn Abu Tolibdan rivoyat qilinadiki, ul zot: «Men qiyomat kuni parvardigorning huzurida dushmanimdan oʻch olmoqni birinchi boʻlib talab qilgaymen»,— degan erkanlar.

Qays ibn Ibod aytadilar: «Hazoni xasmoni ixtasamuu fiy rabbihim», ya'ni «Bul ikki xusumatlashuvchi toifa parvardigorlari xususida xusumatlashdilar» degan mazmun-li

oyat Badr kuni yakkama-yakka jang qilganlar haqida nozil qilingandur. Ular — Hamza, Ali, Ubayda ibn al-Hars, Shayba ibn Rabiy'a, Utba ibn Rabii'a, Valid ibn Utba erdilar».

Abu Zarr G'iforiy aytadilar: «Hazoni xasmoni» oyati Qurayshdan bo'lgan 6 kishi, ya'ni Ali, Hamza, Ubayda ibn al-Hars, Shayba ibn Rabiy'a, Utba ibn Rabiy'a va Valid ibn Utbalar haqida nozil qilingan».

Yusuf ibn Ya'qub rivoyat qiladilarki, ushbu oyati karima bani Sudusning mavlosi bo'lmish baniy Zabiy'a haqida nozil bo'lgan ekan.

Ali ibn Abu Tolib raziyallohu anhu: «Hazoni xasmoni» oyati bizning haqimizda nozil boʻldi»,— deb quvohlik beradilar.

Abu Zarr G'iforiy: «Mazkur oyat Badr kuni ro'baro' jang qilgan 6 kishi haqida nozil bo'lgan»,— deb qasamyod qiladilar.

Ya'qub ibn Ibrohim Abu Zarr G'iforiydan naql qiladilar: «Hazoni xasmoni ixtasamuu fiy rabbihim» oyati karimasi Badr janggida ro'baro' qilich solishgan 6 kishi, ya'ni Hamza, Ali, Ubayda ibn al-Hars, Rabiy'aning ikki o'g'li — Utba va Shayba hamda Valid ibn Utba haqida nozil bo'lgan».

Abu ishoqdan naql qilinadi: «Bir kishi Barrodan: «Ali Badrda qatnashganmi?»— deb soʻragan erdi, ul: «Ali ikki qavat sovut kiyib jang qilgan» — deb aytdi, men eshitib turgan erdim».

Abdurahmon ibn Avf bobolari Abdurahmondan naql qiladilar: «Men va Umayya ibn Xalaf bir-birimizni himoya qilmoq haqida ahdlashgan erdik. Badrda jang boʻlgan kuni u va oʻgʻli oʻldirilgani haqida gapirishdi. Shunda Bilol raziyallohu anhu: «Agar Umayya najot topganda men najot topmagan boʻlardim»,— dedi».

Abdulloh ibn Mas'ud raziyallohu anhudan naql qilinadi: «Rasululloh sallallohu alayhi va sallam «Van-Najmi» surasini oʻqib, oyati sajdadan soʻng, oʻzlari va ul yerda hozir boʻlganlar sajda qildilar, lekin bir chol bir siqim tuproqni oldi-da, peshonasiga tekkazib: «Menga shul ham kifoya qilgay!» — dedi. Koʻp oʻtmay, men oʻshal odamning kofir holda oʻldirilganining shohidi boʻldim».

Urvadan naql qilinadi: «Az-Zubayrning tanalarida qilich zarbidan hosil boʻlgan uch jarohatning oʻrni bor erdi, ulardan biri yelkalarida erdi. (Bolaligimda) barmoqlarimni jarohatdan qolgan teshiklarga tiqib oʻynar erdim. Ikkitasi Badr janggida, bittasi Yarmuk janggida boʻlgan erdi. Abdulloh ibn az-Zubayr oʻldirilganda, Abdulmalik ibn Marvon menga: «Ey Urva, az-Zubayrning qilichini bilurmisan?»— dedilar. Men: «Ha»,— dedim. «Uning qanday alomati bor edi?»—dedilar. «Badr janggida tigʻi qaytgan erdi»,— dedim. Shunda Abdulmalik ibn Marvon: «Ha, rost aytding. Dushman birlan qilichbozlik chogʻida tigʻi qaytgan erdi»,— dedilar».

Keyin, oʻshal qilichni Urvaga qaytarib beribdilar. Hishom: «Biz qilichning narxini 3000 deb belgilagan erdik, uni birimiz oldik (Qilich merosda Hishomning akasi Usmon ibn Urvaga tegdi). Men: «Qilich menga tegsa!»—deb orzu qilgan erdim»,— deydilar.

Urva: «Az-Zubayrning qilichi kumush birlan bezatilgan erdi»,— deydilar.

Hishom ham: «Urvaning qilichi kumush birlan ziynatlangan erdi»,— deb rivoyat qiladilar.

Urva otalari az-Zubayr haqida rivoyat qiladilar: «Paygʻambarimizning ashoblari Yarmuk janggida Az-Zubayrga: «Ey Zubayr, dushmanga hamla qilmaysizmi? Biz ham siz birlan birga hamla qilur erdik!» — deyishdi. Az-Zubayr: "Men dushmanga hamla qilsam, sizlar meni aldamaysizlarmi?" — dedilar. Ular: «Aldamaymiz»,— deyishdi. Az-Zubayr yakka oʻzlari dushmanga tashlandilar-da, ularning safini yorib oʻtdilar, soʻng ashoblar tomoniga qaytayotganlarida Rum askarlari (dushmanlar) Az-Zubayrning otlarini jilovidan ushlab qolib, yelkalariga ikki bor qilich birlan zarba berdilar. Bu ikki jarohatning oʻrtasida Badr janggida olgan jarohatlarining ham oʻrni bor erdi».

Urva: «Men yoshlik paytimda ana shu jarohatlar oʻrniga barmoqlarimni tiqib oʻynardim»,— deydilar.

«Yarmuk janggida Abdulloh ibn Az-Zubayr otalari birlan birga boʻlib, oʻn yashar erdilar. Shunda ul kishi Abdullohni otga mindirib, dushmandan himoya qilmoqni bir odamga topshirdilar»,— deydilar Urva.

Anas ibn Molik raziyallohu anhu Taha raziyallohu anhudan naql qiladilar: «Badr kuni payg'ambarimiz Muhammad alayhissalom Quraysh mushriklarining kattalaridan 24 kishining o'ligini Badrdagi eng iflos quduqqa tashlashni buyurdilar. Janob Rasulullohning odati shariflari shunday erdi-ki, agar biror gavm ustidan g'alaba gilsalar, yalanglik joyda uch kecha jangchilarga dam berardilar. Bu gal Badr janggidan uch kun o'tgach, Janob Rasululloh tuyalarini keltirishni buyurdilar. Tuyaga ko'chlari yuklandi, so'ng asta ashoblarini ergashtirib ilgari yurdilar. Ashoblar aytadilarki, Janob Rasululloh biror ishlari bo'lsagina piyoda yo'l boshlar erdilar. Mushriklarning kattalari tashlangan guduq labiga kelib, ularning o'z ismlari va otalarining ismlarini aytib: «Ey falonchi o'g'li falonchi», deb nido gildilar-da, «Agar Ollohga va uning rasuliga itoat gilganlaringizda erdi, sizlarga xursandlik boʻlmasmidi?! Albatta, bizlar parvardigorimiz va'da qilgan narsalarning haq erkanligini bildik, sizlar ham parvardigoringiz va'da qilgan narsalarning rost erkanligini bildingizmi?»—dedilar. Shunda Umar ibn Xattob raziyallohu anhu: «Ey Ollohning payg'ambari, ruhsiz jasadlar ham gapiradimi?»—deb so'radilar. Janob Rasululloh: «Muhammadning joni qo'lida bo'lgan zot (Olloh) nomi birlan qasamyod qilurmenkim, sizlar men aytayotgan gapni ulardan ko'ra eshituvchirog emassizlar!» — dedilar. Qatoda raziyallohu anhu: «Olloh taolo ularni muvaqqat tiriltirib, malomatu xor qilmoq, o'ch olmoq va hasrat-nadomat qildirmoq uchun payg'ambar alayhissalomning gaplarini ularga eshittirdi»,— deydilar».

Ibn Abbos raziyallohu anhu: «Allaziyna baddaluu ni'matallohi kufran» oyatida aytilgan Ollohning ne'matini kufrga alishtirgan kishilar, Ollohga qasamyod qilurmenkim, Quraysh kofirlaridur!» — deydilar.

Amr ibn Diynor: «Ular Qurayshdur, Muhammad alay-hissalom ersalar, Ollohning ne'matidurlar. Quraysh Badr kuni o'z qavmiga «Halokat uyi — do'zax»ni halol qildi, ya'ni, qavmining do'zaxga tushmog'iga sababchi bo'ldi»,— deydilar.

Hishom otalari Urva ibn az-Zubayrdan rivoyat qiladilar: Oisha raziyallohu anhoning huzurlarida aytishdiki, Ibn Umar: «Janob Rasululloh «Darhaqiqat, mayyit oʻz

qarindoshlarining yigʻisi sababli qabrda azoblanadi» deb aytganlar»,— degan emishlar. Shunda Oisha raziyallohu anho bunday debdilar: «Darhaqiqat, Janob Rasululloh: «Oʻlik oʻzining xatosi va gunohi sababidan azoblanadi, shu vaqtda uning qarindoshlari yigʻlab turgan boʻladilar»,— deb aytganlar. Bu gap Janob Rasulullohning Quraysh kofirla-ri tashlangan choh yonida turib aytgan gaplariga oʻxshaydi. Janob Rasululloh oʻshanda: «Albatta, bu mushriklar mening aytayotgan gapimni eshitadilar»,— degan erdilar». Darhaqi-qat, Janob Rasululloh bu birlan «Albatta, mushriklar hozir ilgari men aytgan gapning haq erkanligini biladilar» degan mazmunni iroda qilganlar. Keyin, Oisha «Albatta, siz oʻlganlarning gapini eshitmaysiz va siz qabrda yotganlarning ovozini eshituvchi emassiz» degan oyati karimani oʻqidilar, soʻng «Kofirlar doʻzaxdagi joylariga borganda» deb qoʻshib qoʻydilar».

Ibn Umar aytadilar: «Paygʻambar alayhissalom Badrdagi quduq yoniga kelib, unga tashlangan kofirlarning jasadlariga qarata: «Parvardigoringiz va'da qilgan narsaning rost erkanligin koʻrdingizmi?» —dedilar, soʻng yonlaridagi sahobalarga qarab: «Darhaqiqat, hozir bu kofirlar men aytayotgan gapni eshityaptilar»,— deb aytdi-lar. Shu voqeani Oisha raziyallohu anhoga aytishganda, Oisha: «Albatta, paygʻambarimiz bu gapni «Kofirlar men ilgari ularga aytib yuradigan gapning rost erkanligin biladilar» degan mazmunda gapirganlar»,— dedilar va «Albatta, siz oʻliklarning gapini eshitmaysiz» degan oyatni oxirigacha oʻqidilar».

9-bob. Badrda shahid bo'lganlarning fazilatlari haqida

Anas ibn Molik raziyallohu anhu aytadilar: «Badr janggida Horisa (ibn Suroqa) halok boʻldi. U yosh bola erdi. Onasi Paygʻambar alayhissalomning oldilariga kelib: «Ey Ollohning rasuli, yaxshi bilasizki, men oʻgʻlimni juda ham yaxshi koʻrardim. Agar u jannatga kirsa, men uning halok boʻlganiga sabr qilib, Ollohdan ajr umid qilaman, agar aksincha boʻlsa, nima qilishimni koʻrasiz!» — dedi. Shunda Janob Rasululloh: «Shoʻring qursin, Ollohning jannati bitta ermas, koʻpdur, Horisa Jannat ul-Firdavsda»,— dedilar».

Ali raziyallohu anhu aytadilar: «Janob Rasululloh meni, Abu Marsadni va az-Zubayrni bir yumush birlan jo'natdilar. Biz hammamiz otlig erdik. Janob Rasululloh bizga: «Boringizlar, Xox degan bogʻga yetganlaringizda mushriklardan boʻlgan bir xotinni uchratasizlar, unda Hotib ibn Abu Balta'a mushriklarga yo'llagan maktub bor!»— dedilar. Biz borib, o'shal xotinni uchratdik, uni tuyadan tushirib, maktubni gidirdik, topolmadik. So'ng unga: «Janob Rasululloh yolg'on gapirmaydilar, yo maktubni topib berasan yoki seni yalang'och qilib yechintiramiz!» — dedik. Xotin jiddiy gapirayotganimizni bilib, lozimi orasidan maktubni chiqarib berdi. Biz xatni Janob Rasulullohning huzurlariga olib bordik. Hazrat Umar raziyallohu anhuning g'azablari kelib: «Yo Ollohning rasuli, Hotib Ollohga va uning rasuliga xiyonat qildi, ijozat beringiz, uning bo'ynini uzib tashlayin!» dedilar. Paygambarimiz sallallohu alayhi va sallam Hotibdan: ^Ey Hotib, bunday qilishga seni nima majbur qildi?» — deb so'radilar. Hotib bunday deb javob berdi: «Olloh nomi birlan qasamyod qilurmenkim, men Olloh va uning rasuliga bo'lgan iymonimdan qaytganim yo'k,, faqat dushmanlar orasida mening ham bola-chaqayu mol-dunyomni ulardan himoya qiladirgan bir yaqin kishim bo'lmog'ini xohladim, xalos. Chunki, ashoblaringizdan birortasi yoʻq-ki, u yerda uning molu bola-chaqasini dushmandan himoya qiladirgan yaqin kishisi bo'lmasa». Shunda Payg'ambar alayxissalom: «Hotib rost aytdi, unga faqat yaxshi gapiringialar!»— dedilar. Ammo, Umar raziyallohu anhu: «Axir, Hotib Ollohga va uning rasuliga hamda mo'minlarga xiyonat qildi-ku, ijozat

beringiz, uning boʻynini uzib tashlayin!» — deb takror soʻradilar. Janob Rasululloh: «Hotib Badr janggi qatnashchisi ermasmi? Olloh taolo ersa, Badr ahliga nisbatan oʻz hukmini allaqachonlar chiqarib qoʻygan va ularga: «Koʻnglingiz tusagan ishni (amali solihlarni) qilaveringizlar, sizlarga jannat vojibdur (yoki sizlarning barcha gunohlaringizni magʻrifat qildim)» - degan»,— dedilar. Shunda Umar raziyallohu anhu ikki koʻzlari jiqqa yoshqa toʻlib: «Olloh va uning rasuli yaxshiroq bilgaydur! - dedilar».

10-bob.

Abu Usayd rivoyat qiladilar: «Janob Rasululloh Badr kuni bizga: «Agar dushman sizlarga yaqin kelsa, tosh birlan uringizlar, nayza va oʻqlaringizni asrangizlar!»—deb oʻrgatdilar. Bu hadis ham lafzan va ma'nan avvalgining oʻzidur.

Barro ibn Ozib rivoyat qiladilar: «Paygʻambar alay-hissalom Uhud kuni kamonchi merganlarga Abdulloh ibn Jubayrni boshliq qilib qoʻydilar. Oʻshal kuni bizlardan (musulmonlardan) 70 kishi shahid boʻldi, Badr kuni ersa, Paygʻambar alaydissalom va ul zotning ashoblari mushrik-lardan 40 kishini yarador qilib, 170 kishini asir olgan erdilar, 70 kishi ersa, oʻldirilgan erdi. Shuning uchun ham mushriklarning boshligʻi Abu Sufyon (paygʻambarimizga)- Bugungi kun Badr kunining evaziga boʻldi. Urush suvchelak kabidur (ya'ni, urushda goh u tomon, goh bu tomon zafar qozonadi)»,— dedi».

Abdurahmon ibn Avf rivoyat qiladilar: «Badr kuni men jangchilar safida erdim, qarasam, oʻng va chap yonimda ikki yosh yigit turibdi, ular menda shubha tugʻdirdi. Biri ikkinchsiga eshittirmay, mendan: «Ey amaki, menga Abu Jahlni koʻrsating!» — dedi. Men: «Ey jiyan, uni nima qilasan?" deb soʻradim. Boyagi yigit: «Men Abu Jahlni koʻrsam, oʻldiraman yoki uning qoʻlida oʻlaman, deb Olloh taologa ont ichganmen»,— dedi. Ikkinchi yigit ham birinchisiga eshittirmay menga shu gapni aytdi. Shunda men ularning oʻrnida boʻlmaganimdan afsuslandim. Soʻng, men ularga Abu Jahlni koʻrsatdim. Ikkovi Abu Jahlga burgutday tashlandi-da, uni qilich birlan urib oʻldirdi. Bu ikki yigit Afroʻning ikki oʻgʻli erdi».

Abu Hurayra raziyallohu anhu rivoyat qiladilar: «Janob Rasululloh sallallohu alayhi va sallam Osim ibn Umar al-Xattobning bobolari boʻlmish Osim ibn Sobit al-Ansoriyning boshchiliklarida o'n kishini mushriklar orasiga ayg'oqchi qilib yubordilar. Ular Makka birlan Asfon oralig'idagi Hadda degan joyga yetganlarida, Huzayl gabilasiga mansub Banu Lihyon mushriklari sezib qoldilar. Mushriklar musulmoilar to'xtab dam olgan yerdan xurmo danagini topib olgan hamda uning Yasrib (Madina) xurmosi danagi erkanligini bilgan erdilar. Yuztacha mergan mushrik musulmonlarni ta'qib qila boshladi. Osim va boshqa musulmonlar buni bilib qolib, bir tepalik ortiga yashirindilar. Mushriklar ularni qurshab olib: «Tushingizlar, qoʻlni qoʻlga berib yarashaylik, sizlardan birortangizni ham o'ldirmaymiz, deb va'da berurmiz!» — deyishdi. Shunda Osim ibn Sobit: < Ey mushriklar, men siz kofirlardan panoh so'rab tushmayman »—dedilar, so'ng: «Yo Olloh, bizning holimizdan rasulingni xabardor qilgaysen!» — deb iltijo qildilar. Mushriklar nayza otib Osimni o'ldirdilar. Musulmonlardan uch kishi — Hubayb, Zayd ibn Dasina va yana bir kishi dushmanning va'dasiga ishonib pastga tushdilar. Mushriklar kamoplarining iplarini yechib, musulmonlarni bog'ladilar. Shunda uchinchi kishi: «Xudo haqi, bu xiyonatning boshidur, men sizlarga aslo taslim bo'lmagaymen, albatta men o'limni afzal ko'rib, sheriklarimga ibrat boʻlgaymen!»—dedi. Mushriklar uni koʻp majbur qilib qiynadilar, ammo ul taslim bo'lmogdan bosh tortdi. Badr janggidan so'ng, mushriklar Hubayb birlan

Zayd ibn Dasinani qul kilib sotdilar. Hubaybni Hars ibn Omir ibn Navfal avlodlari sotib oldi Hubayb Hars ibn Omirni o'ldirgan bo'lib, u Hars ibn Omirning bolalari huzurida bir necha muddat asirlikda turdi Keyin, ular otalarining gasosi uchun Hubaybni oʻldirmogga qaror qildilar Shunda Hubayb Harsning qizlaridan biridan ustara so'rab olib, tozalandi Shu asnoda o'shal ayolning o'g'ilchasi Hubaybning huzuriga kirib keldi. Ayol bolasini izlab, uni Hubaybning tizzasida oʻltirgan holda topdi, Hubaybning qoʻlida ersa ustara bor erdi «Mening gattiq qo'rqqanimni sezib, Hubayb «Bolamni o'ldiradi, deb qo'rqyapsanmi, men hech gachon bunday gilmayman'» —dedi,— deydi ael,— Olloh nomi birlan gasamyod gilurmenkim, men Hubaybdan ko'ra yaxshirog asirni ko'rmaganman, qasamed qilurmenkim, bir kuni men uning bir bosh uzum yeb turganini koʻrdim, vaholanki, (shu vaqtda) Makkada uzum bo'lmay, buning ustiga qo'li ham kishanlangan erdi» Ayol buni mo"jiza deb bilar va «Hubaybga Olloh taoloning o'zi rizg gilib beryapti»,— der erdi Hubaybni qatl qilmoqqa olib chiqqanlarida, u «Ikki rak'at namoz oʻqimoqqa menga ijozat beringizlar » —dedi Unga ijozat berganla-ridan sung, ikki rak'at namoz oʻqidi, keyin «Agar sizlar meni oʻlimdan qoʻrqyapti deb uylamaganingizda, men ko'proq g'amoz o'qigan bo'lardim. Yo Olloh, bu kofirlarning birortasini ham qoldirmay halok qilgin»—dedi-da, quyidagi she'rni o'qidi.

«Musulmon holda oʻlsam, zarra parvoyimga kelmas, Qaysi yon birla yiqilmogʻimni Olloh farqlamas, Saxovat sohibi boʻlmish oʻzi tanho ilohimga, Qiyma-qiyma jismima bermoq savob hech gap emas »

Soʻng, Abu Sirva'a Aqaba ibn Hars oʻrnidan turib, Hubaybni oʻldirdi. Shu-shu boʻldi-yu, oʻlimga hukm qilingan har bir musulmonning oʻlimi oldidan namoz oʻqimogʻi darkorligi Hubaybdan sunnat boʻlib qoldi. Janob Paygʻambarimiz ularga musibat yetgan kuni ashoblariga xabar bergan erdilar Quraysh mushriklari Osimning oʻldirilgani toʻgʻrisidagi xabarni eshitib, bunga ishonch hosil qilmoq uchun uning bir a'zosini kesib kelmoqqa odam joʻnatdi, chunki Osim Quraysh kattalaridan birini oʻldirgan erdi. Olloh taolo Osimning jasadini himoya qilmoqqa arilar toʻdasini yubordi, mushriklar uning hech bir a'zosini kesib olishga muvaffaq bulmadilar»

Ka'b ibn Molik: «Aytishlaricha, Mirora ibn Rabi' Al-Umariy va Hilol ibn Umayya Al-Voqifiy ikkovlari ham solih kishilar bo'lib, Badrda shahid bo'lgan erkanlar»,— deydilar.

Ubaydulloh ibn Abdulloh ibn Utbadan rivoyat qilinurki, ul kishining otalari Abdulloh Umar ibn Abdulloh ibn al-Arqam az-Zuhriyga xat yozib, unga Subay'a binti Hars al-Aslamiyyaning huzuriga kirmoqni hamda undan Rasulullohdan fatvo so'raganda nima deb javob qilganlari haqida bilib bermoqni buyurdi. Umar Abdulloh ibn Utbaga javob xat yozib, bunday deb xabar berdi «Subay'a binti al-Harsning aytishicha, u Baniy Omir qabilasidan bo'lmish Badr jangi qatnashchisi Sa'd ibn Xavlaning xotini bo'lgan. Eri Hajjat ul-Vido'da vafot qilgan. Shu vaqtda Subay'a homilador bo'lib, erining vafotidan ko'p o'tmay tuqqan va nifosdan pok bo'lishi birlanoq sovchi kutib, yasanib olgan. Shu payt uning huzuriga Abussanobiyl ibn Ba'kak kirib «Ne uchun yasanib olding, erga tegmoqchimisan? Ollohga qasamyod qilurmenkim, to'rt oy-u o'n kun o'tmasidan burun erga tegmoqqa haqqing yo'q»—dedi «Menga u shu gapni aytgandan so'ng,— deydi Subay'a,— kiyimlarimni almash-tirdim-da, Janob Rasulullohning huzurlariga borib shul haqda fatvo bermoqlarini so'radim. Janob Rasululloh bolamni tuqqanimdayoq halol bo'lganimni, agar xohlasam, erga tegmoq'im mumkinligini aytib, fatvo berdilar»

11-bob. Maloikalarning (farishtalarning) Badrda bo'lganlari haqida

Maoz ibn Rufoa otalaridan naql qiladilar: (otalari Badr gʻazoti qatnashchisi erdilar) «Bir kuni Jabroil alayhissalom kelib, paygʻambarimizga «Badrda qatnashgan sahobalaringiz haqida ne deysiz »—dedilar Janob Rasululloh «Ular musulmonlarning eng yaxshilaridurlar»,— dedilar yoki shunga oʻxshash gapni aytdilar Shunda Jabroil alayhissalom «Badrda qatnashgan farishtalar ham eng yaxshi farishtalardur»,— dedilar»

Maoz ibn Rufoa ibn Rofe' rivoyat qiladilar: «Rufo'a Badr janggi, Rofi' ersa Aqaba voqeasi ishtirokchisi erdilar Rofi' o'g'illariga «Men Aqaba voqeasi o'rniga Badr janggida qatnashganimda ko'proq xursand bo'lur erdim, chunki bu haqda Jabroil alayhissalom payg'ambarimizdan so'raganlar» deb yuqoridagi hadisga ishora qildilar»

Yahyo ibn Muoz Rufoadan naql qilib, bir farishta paygʻambarimizdan Badr ishtirokchilari haqida soʻraganini, Yazid ibn Hod ersa, bu farishta Jabroil alayhissalom erkanliklarini aytganligini rivoyat qiladilar

Ibn Abbos rivoyat qiladilar: «Janob Paigʻambarimiz otlari jilovidan Jabroil alayhissalomning Badr kuni jang libosini kiygan holda qanday yetaklab yurganlarini koʻrsatdilar»

12-bob.

Anas raziyallohu aphu: «Abu Zayd oʻldi, ammo undan zurriyot qolmadi, u Badr ishtirokchisi erdi»,— deydilar.

Ibn Xabbobdan rivoyat tsiliiurki, Abu Sa'id al-Xudriy raziyallohu anhu safardan qaytib keldilar. Shunda ul kishining xotinlari qurbonlik go'shtidan pishirilgan taom keltirdi. Abu Sa'id: «Men aniqlamagunimcha, bu go'shtni yemayman!»— deb o'gay akalari Qatoda ibn Nu'monning oldiga bordilar, ul kishi Badr ishtirokchisi bo'lib: «Siz safarga ketgandan so'ng, qurbonlik go'shtini uch kun o'tgach yeyishlikni man' qiluvchi hukm bekor bo'ldi»,— dedilar.

Zubayr ibn Avvom aytadilar: «Men Badr kuni Ubayda ibn Sa'idga ro'baro' bo'ldim, u shu qadar jang liboslariga burkanib olgan erdiki, hatto ikki ko'zi bazo'r ko'rinar erdi. Uning laqabi Abu Zotil-Karsh bo'lib, u menga: «Men Abu Zotil-Karshman!»—dedi Men unga nayza birlan hamla qilib, ko'zini ko'r qildim, shu ondayoq o'ldi. So'ng, oyog'imni unga tirab turib nayzani tortib olmoqchi bo'ldim-u, qiynaldim, nihoyat sug'irib oldim, shunda nayza ikki ko'zini ham yulib chiqdi».

Urvaning aytshilaricha, Janob Rasululloh Zubayrdan oʻshal nayzani soʻraganlar, Zubayr ul kishiga berganlar. Janob Rasulullohning vafotlaridan soʻng, Zubayr nayzani qaytarib olganlar. Keyin, uni Hazrat Abu Bakr soʻrab oldilar, ul kishidan keyin Umar raziyallohu anhu, keyin ersa Usmon raziyallohu anhu oʻz xalifalik davrlarida soʻrab olib saqlaganlar. Usmon raziyallohu anhu qatl qilinganlaridan keyin, nayza Ali raziyallohu anhuning xonadonlarida qoldi. Soʻng, uni Abdulloh ibn Zubayr soʻrab olib, qatl qilingunlarigacha oʻzlarida saqladilar.

Badr ishtirokchisi boʻlmish Uboda ibn As-Somit raziyallohu anhu rivoyat tsiladilarki, Janob Rasululloh: «Menga bay'at qilingizlar!» - deb aytibdilar.

Paygambarimizning jufti xalollari — Oisha onamizdan rivoyat tsilurlarki, Badr ishtirokchisi boʻlmish Abu Huzayfa Solim degan yigitni asrab olib, unga jiyanlari Hind binti Valid ibn Utbani nikohlab berdilar. Solim ansoriylardan boʻlgan bir ayolning quli boʻlgan erdi. Shuningdek, Janob Rasululloh ham Zaydni asrab olgan erdilar. Johiliyat davrida asrandi bola asrab olgan kishining oʻgʻli deb hisoblanar va asrab olgan kishi oʻlsa, unga merosxoʻr ham boʻlardi. Qachonki, Olloh taolo «Asrandilarni oʻz otalari nomi birla atanglar!» degan oyatni tushirgandan keyin, Abu Huzayfaning xotini Janob Rasulullohning huzurlariga keldi va: «Ey Ollohning rasuli! Erim Abu Huzayfa meni asrandi oʻgʻlim Solimdan rashk qilyapti»,— dedi. Shunda Rasululloh sallallohu alayhi va sallam: «Unday boʻlsa, Solimni emizgil!»— dedilar. Xotin: «Solimning soqoli chiqib yotibdi-ku! — deb e'tiroz bildirdi. Janob Rasululloh: «Uni emizgil, mahram boʻlib qolgaysan, ering ham rashk qilmagay!»— dedilar. Shundan soʻng, Abu Huzayfaning chehrasi yorishdi.

Rabi binti Mu'avviz aytadilar: «Men kelin boʻlib tushirilgan kechaning ertasiga ertalab Janob Rasululloh kirib keldilar-da. men solgan toʻshakka xuddi siz oʻltirganingizdek oʻltirdilar. Qizchalar ersa, doira chalishib, Badrda vafot qilgan otalarini eslashardi, ularning bittasi: «Oramizda Janob Paygʻambar borlar, ertaga nima boʻlishini ham biladilar» — deb kuyladi. Shunda Janob Rasululloh: «Bunday deb aytmagil, avvalgi marsiyangni aytavergil!» — dedilar».

Ibn Abbos raziyallohu anhu rivoyat tsiladilar: «Janob Rasulullohning doʻstlari, u kishi birlan birga Badrda ishtirok qilgan kishi — Abu Talha raziyallohu anhu Janob Rasulullohning «Qaysi bir uyda it boʻlsa yoki jonli narsaning surati boʻlsa, oʻsha uyga farishtalar kirmaydi-lar» deb aytganlari haqida xabar berdilar».

Husayn ibn Ali rivoyat tsiladilarki, Hazrat Ali bunday deb aytgan erkanlar: «Badr janggida menga berilgan g'animatlar (o'ljalar) orasida bir tuya ham bor erdi, uni Janob Rasululloh o'lja taqsimlayotgan vaqtlarida menga bergan erdilar. Men Janob Rasulullohning qizlari Fotimaga uylanadigan boʻlganimda, Baniy Qaynuqo' qabilasidan boʻlmish bir boʻyoqchi men birlan birga boʻyoqchilar huzuriga borib, ulardan menga isiriq olib berishni va'dalashdi. Undan nikoh to'yimda foydalanmoqchi erdim. Ikki tuyam ansoriylardan birining uyi yonida cho'kkan erdi. Men egar-jabduqlarni olib, tuyalarimning yoniga bordim. Ne ko'z birlan ko'rayki, ikki tuyam o'rkachi kesilgan, qorni yorilgan, jigari qirqib olingan holda yotardi Bu manzarani ko'rib dahshatga tushdim, «Buni kim qildi?» — deb so'radim. Shunda odamlar menga bunday deyishdi: «Hamza ibn Abdulmuttalib shunday qildi. U bir necha ichuvchi ansorlar birlan mana bu uyda o'ltiribdir. Yonida gayna (qo'shiqchi ayol) va yaqin do'stlari ham bor. Qayna ashula aytayotib. «Ey Hamza, semiz tuya so'ya olurmisan?!»—dedi g'amza qilib. Shunda Hamza darhol o'rnidan turdida, tuyalarning o'rkachini kesdi, qornini yerib jigarini qirqib oldi». Men Janob Rasulullohning huzurlariga bordim, nyolarida Zayd ibn Horisa oʻltirgan erkanlar. Janob Rasululloh ne magsadda kelganimni so'radilar. Men: «Yo Rasulalloh Bugun Hamza menga qattiq tajovuz qildi, tuyalarimning o'rkachini kesib, qornini yorib, jigarini qirqib oldi, o'zi bir necha aroqxo'rlar birlan bir uyda o'ltiribdi»,— dedim. Janob Rasululloh ridolarini keltirishni buyurdilar, so'ng uni kiyib, piyoda yo'lga tushdilar. Men va Zayd ibn Horisa ortlaridan ergashdik. Janob Rasululloh Hamza va boshqa aroqxoʻrlar oʻltirgan

uyga borib, ichkariga kirishga ruxsat soʻradilar. Ijozat boʻlgach, ichkariga kirdilar va Hamzani qilgan ishi uchun malomat qila boshladilar. Shu payt Hamza mastlikdan qizargan koʻzlari birlan Janob Rasulullohning avval yelkalariga. keyin yuzlariga tikildi, soʻng: «Siz kim boʻlibsiz, mening otamning qulisiz, xolos!» — dedi. Janob Rasululloh Hamzaning qattiq mastligini, unga nasihat befoyda erkanini bilib, orqalari birlan ohista qaytib chiqib ketdilar, biz ham birga chiqdik».

Ibn Mu'atstsal rivoyat tsiladilarki, Hazrat Ali Sahl ibn Hanifning Badr ishtirokchisi erkanligini aytibdilar. Hazrat Ali Sahl ibn Hanifdan 5 yoki 6 yosh katta erdilar.

Hazrat Umar raziyallohu anhudan nakl tsilinadiki, u kishining qizlari Hafsa binti Umar avval Xanis ibn Huzofaning xotini erdi. Xanis ibn Huzofa Janob Rasulullohning ashoblaridan bo'lib, Badrda ishtirok qilganlardan erdi. U kishi Madinada vafot qilib, Hafsa tul qolganlarida Umar raziyallohu anhu Hazrat Usmonga kelib: «Agar xohlasangiz, Hafsani sizga nikohlab qo'yaman»,— dedilar. Hazrat Usmon: «Men o'ylab ko'rayin», deb javob berdilar. «Men bir kun kutdim,— deydilar Hazrat Umar,— keyingi kun Hazrat Usmon: «Buguncha uylanmay turishga garor gildim»,— deb uzr aytdilar. Keyin, Abu Bakr Siddigga uchradim-da, u kishiga: «Agar xohlasangiz, Hafsani sizga nikohlab berayin»,— dedim. Abu Bakr ersa. hech qanday javob qilmadilar. Men Abu Bakrdan gattig g'azablandim. Bir kecha kutdim. Uchinchi kun Janob Rasululloh Hafsaga sovchi yubordilar, men uni ul zotga nikohlab berdim. Keyin, Abu Bakr menga kelib: «Siz menga «Hafsani nikohlab berayin» deganingizda, men javob qilmadim, siz mendan qattiq g'azablangan bo'lsangiz kerak, shundaymi?»—dedilar. Men: «To'g'ri»,— dedim. Abu Bakr: «Men taklifingizga rozi boʻlardim-u, lekin Janob Rasululloh gizingizga uylanmog niyatida erkanliklarini aytgan erdilar, men bu sirni sizga ocha olmadim. Agar Janob Rasululloh unga xaridor bo'lmaganlarida, men olgan bo'lardim»,— dedilar».

Abu Mas'ud al-Badriy rivoyat tsiladilarki, Janob Rasululloh: «Erkak kishining oʻz oilasiga qiladirgan sarfi ham sadaqadur»,— degan erkanlar.

Urva ibn Az-Zubayr xalifa Umar ibn Abdulazizga bunday deb hikoya tsiladilar: «Mugʻiyra ibn Shu'ba Kufa shahrining amiri boʻlgan paytda bir kun asr namozini kechiktirdi. Shunda Badr ishtirokchisi boʻlmish Abu Mas'-ud Uqba ibn Amr al-Ansoriy uning huzuriga kirib, bunday dedi: «Yaxshi bilasizki, Janob Rasulullohning huzurlariga Jabroil alayhissalom tushib, namoz oʻqidilar. Janob Rasululloh ham ul zot birlan birga besh vaqt namoz oʻqidilar, keyin Hazrat Jabroil Rasulullohga: «Sizga shunday namoz oʻqish buyurildi»,— dedilar». (Bu hadisning ma'nosi shuki, har bir namoz oʻz vaqtida oʻqilishi kerak).

Abu Mas'ud al-Badriydai nakl kilinadiki, Janob Rasululloh bunday degan erkanlar: «Baqara» surasining oxirida ikki oyat bor, kimki shu ikki oyatni kechasi oʻqisa, unga kifoya qiladi (Bu ikki oyatning savobi ulugʻligiga ishoratdur). Oyatlar quyidagicha: «Omanar-rasulu bimo unzila ilayhi mirrabbihi val-mu'minun kullun omana billohi va maloikatihi va kutubihi va rusulihi, lo nufarriqu bayna ahadim-mirrusulih va qolu sami'no va ata'no gʻufronaka rabbano va ilaykal-masir.

Lo yukallifullohu nafsan illo vus'aho, laho mo kasabat va alayho moktasabat, robbano lo tuoxizno in nasiyno av axta'no, rabbano va lo tahmil alayno isran kamo hamaltahu alallaziyna min qablino, rabbano va lo tuhammilno mo lo toqata lano bih va'fu anno

vag'fir lano varhamno, anta mavlono, fansurno alal-qavmil-kofirin»

(Oyatlarning mazmuni: «Paygʻambar oʻziga parvardigori tomonidan nozil qilingan narsaga iymon keltirdi va moʻminlar ham hammalari Olloh taologa va uning farishtalari, kitoblari hamda elchilariga iymon keltirdilar. (Ular derlarki): «Biz Olloh taolo elchilarining hech birini ajratmasmiz, Ey rabbimiz, biz eshitdik va itoat etdik, sening magʻrifatingni tilarmiz va sening dargohingga qaytmoqlik bordur!» va (yana) derlarki: «Olloh taolo hech kimga qudrati yetmaydirgan narsani buyurmas, kishining yaxshiligi ham, yomonligi ham oʻziga boʻlur. Ey rabbimiz, agar (biror hukmingni) unitib yo xato qilib qoʻysak, bizni kechirgil! Ey rabbimiz, bizga bizdan ilgarigilarga yuklaganing kabi ogʻir yuk yuklamagil! Ey rabbimiz, bizga qudratimiz yetmaydirgan yukni ham yuklamagil, bizni kechirgil, magʻfirat qilgil va rahm etgil, sen bizning xojamiz erursan, bizni kofirlar ustidan gʻolib qilgil!»).

Mahmud ibn Rabi'adan naql kilinadiki, Janob Rasulullohning Badr ishtirokchisi bo'lgan ashoblaridan biri Atbon ibn Molik bir kuni Jonob Rasulullohning huzurlariga keldi...

(Imom Buxoriy bu va bundan oldingi hamda keyingi hadislarni, ularning mazmunidan qat'iy nazar, roviylarning Badr ishtirokchisi ekanliklari uchungina keltirganlar).

Abdulloh ibn Omir ibn Rabi'a rivoyat kiladilarki, Xalifa Umar ibn Xattob Qudoma ibn Maz'unni Bahraynga hokim qilib yubordilar. U Badr ishtirokchilaridan bo'lib, Xazrat Umarning o'g'illari Abdulloh va qizlari Hafsaga tog'a erdi.

Rofi' ibn Xudayj Badr ishtirokchisi boʻlmish ikki amakilaridan naql kilib: «Rasululloh sallallohu alayhi va sallam ekinzorlarni ijaraga berib foyda olmoqdan qaytarganlar»,— debdilar. Shunda roviylardan biri boʻlmish Solim ibn Abdullohga: «Siz ham ekinzorlarni ijaraga berib foydalanasiz-ku?!»— deyishibdi. Solim: «Ha, Rofi'ning oʻzi ham bu ishni koʻp qilardi»,— debdilar.

Abdulloh; ibn Shaddod: «Men Rufo'a ibn Rofi' al-Ansoriyni ko'rdim, u kishi Badr ishtirokchisi erdilar»,— deydilar.

Badr ishtirokchisi boʻlmish Amr ibn Avf rivoyat kiladilarki, paygʻambarimiz Muhammad sallallohu alayhi va sallam Abu Ubayda ibn Jarrohni Bahraynga soliq yigʻib kelmoqqa yubordilar. Chunki, Janob Rasululloh Bahrayn birlan sulh tuzib, u yerga Alo ibn al-Hazramiyni amir etib ta'yinlagan erdilar. Abu Ubayda Bahrayndan koʻp mol birlan qaytib keldi. Bu xabarni eshitgan ansoriylar bomdod namozini oʻqib boʻlib, Janob Rasulullohga roʻpara boʻldilar. Janob Rasulullox. ularni koʻrib kuldilar-da: «Abu Ubaydaning koʻp mol birlan qaytganini eshitibsizlar-da!»—dedilar. Hammalari baravariga' «Ha, eshitdik, yo Rasulalloh!» — deb javob berdilar. Shunda Janob Rasululloh: «Xursand boʻlingizlar, Ollox taolo muyassar qiladirgan narsaga umid qilingizlar, lekin Ollox taologa qasamyod qilamanki, sizlarning kambagʻallashmogʻingizdan ermas, boyib ketmogʻingizdan, boylikka mehr qoʻymogʻingizdan qoʻrqaman. Chunki, sizdan oldingi qavmlar ham boyib, boylikka mehr qoʻygandan soʻnq, boylik ularni xalok qilgan erdi»,— dedilar.

Nofi' rivoyat kiladilarki, Ibn Umar raziyallohu anhu har qanday ilonni koʻrsalar, oʻldirar edilar. Abu Luboba al-Badriy raziyallohu anhu Janob Rasulu.llohning uylarda yashovchi jinlarni oʻldirmoqdan qaytarganlari haqidagi hadislarini aytganlaridan keykn. Ibn Umar

ham uy ilonlarini oʻldirmaydigan boʻldilar. (Chunki odamlarninig uyida yashovchi oq rangli yoki kichkina ilonlar jinlar toifasidan erkanligi aytiladi).

Anas ibn Molik raziyallohu anhu rivoyat qiladilar: «Ansoriylardan bir necha kishi Janob Rasulullohdan izn soʻrab, bunday dedilar: «Yo Rasulalloh, ijozat bersangiz, jiyanimiz Abbosning fidyasidan kechsak!». Janob Rasululloh: «Olloh taologa qasamyod qilurmenki, bir dirdam ham kechmaysizlar!»—dedilar (Badr janggida asirga tushgan makkalik mushriklarning har biridan jarima olib, qoʻyib yuborishga qaror qilingan erdi. Shu asirlar orasida Janob Rasulullohning amakilari Abbos ham bor erdilar. Hazrat Umarning Abbosning qoʻl-oyogʻlarini mahkamroq bogʻlaganlarini Janob Rasululloh koʻrib, kechasi birlan uxlamay chiqdilar Bundan xabar topgan ansorlar kechasi Abbosning qoʻl-oyogʻlarini yechib yuborib, buni Rasulullohga aytdilar. Shunda Janob Rasulullohning bir oz chehralari yorishganini koʻrgan ansorlar: «Abbosni butunlay ozod qilsak, Janob Rasululloh xursand boʻlarkanlar» — deb oʻylab, fidya olmay qoʻyib yubormoqqa izn soʻrashdi, ammo Janob Rasululloh qarorni buzmadilar).

Miqdod ibn Amr al-Kandiy (bu kishi Baniy Zuhra qabilasiniig ittifoqchisi, Badrda Janob Rasulullox birlan birga boʻlgan) rivoyat qiladilar: «Men bir kuni Janob Rasulullohga: «Yo Rasulalloh, aytingchi, men bir kofirga yoʻliqib qolsam-u, u birlan jang qilsam, shunda u mening bir qoʻlimni qilich birlan chopib tashlasa, keyin bir daraxtning panasiga yashirinib: «Men musulmon boʻldim»,— desa, shu gapidan keyin men uni oʻldirsam boʻladimi yoki yoʻqmi?» — dedim. «Uldirmaysan»,— dedilar Janob Rasululloh. «Axir u mening qoʻlimni chopib tashlagandan soʻng kalima keltirdi-ku?!»— dedim men taajjublanib. Janob Rasululloh: «Baribir uni oʻldirmaysan, agar oʻldirsang, u sening uni oʻldirmasingdan avvalgi holatingga tushadi, sen ersang, uning kalima keltirmasidan avvalgi holatiqa tushasan!»—dedilar».

Anas ibn Molik raziyallohu anhu aytadilar: «Badr urushi kuni Janob Rasululloh: «Abu Jahlga nima boʻlganini kim koʻrib keladi »—dedilar. Shunda Ibn Mas'ud (jang maydoniga) borib koʻrdilarki, Afroʻning ikki oʻgʻli uni qilich birlan chopib tashlabdi, u oʻlim talvasasida erdi. Ibn Mas'ud: «Ey Abu Jahl, bu senmi-san?»—deb xitob qildilar. Abu Jahl: «Uldirgan ki-shingizdan ulugʻroq kishi bormi?!» — deb kinoya qildi. Abu Mijlaz aytadilarki, Abu Jahl: «Qaniydi, meni mana shu dehqonlardan boʻlak kishilar oʻldirgan boʻlsa!» — deb afsus qildi (Abu Jahl shunday takabbur erdiki, hatto qotillari oddiy mehnatkash boʻlganidan afsuslandi)».

Hazrat Umar raziyallohu anhu aytadilar: «Janob Rasululloh vafot etganlarida men Abu Bakrga: «Yuringiz, birodarlarimiz boʻlmish ansorlar oldiga boraylik!» — dedim. Yoʻlda bizga ulardan ikki solih kishi uchradi. Men ular haqida Urva ibn az-Zubayrga aytganimda, u bu ikki kishining biri Uvaym ibn Soʻida, ikkinchisi Ma'n ibn Adiy boʻlib, ular Badr ishtirokchilari erkanliklarini aytdi».

Qays ibn Abu Hozim aytadilar: «Badr ishtirokchilariga har yili besh mingdan nafaqa berib turilardi. Hazrat Umar: «Men bundan buyon har bir Badr ishtirokchisining oladigan haqini yanada oshiraman»,— dedilar.

Jubayr ibn Mut'im aytadilar: «Otam Mut'im: «Men Janob Rasulullohning shom namozida «Vat-Turi» surasini o'qiganlarini eshitdim, mening qalbimda iymonning mustahkam o'rin olishiga birinchi sabab shu bo'ldi»,— degan erdilar. Janob Rasululloh otam haqida: «Agar

Mut'im ibn Adiy tirik bo'lib, Badrda asir tushgan kofirlarni afv etilishini so'raganda, men ularni uning ixtiyoriga topshirgan bo'lardim!»—deganlar».

Sa'id ibn Musayyab bunday deydilar: «Birinchi fitnaning sodir bo'lishi birlan, ya'ni Hazrat Usmonning o'ldirilishi birlan Badr ishtirokchilaridan birortasi qolmadi (Hazrat Usmon o'ldirilganlaridan so'ng ham Ali, Talha, Zubayr va boshqa ko'plab Badr ishtirokchilari uzoq vaqt yashaganlar. Shuning uchun ham «Birortasi qolmadi» degan gapdan «Ularning halokati boshlandi» degan ma'no tushuniladi). Ikkinchi fitna sodir bo'lishi birlan, ya'ni Harra voqe'asi sodir bo'lishi birlan Hudaybiyya ishtirokchilaridan birortasi qolmadi. (Harra — Madina tashqarisidagi bir joy bo'lib, hijratning 63- yili Mu'oviyaning oʻgʻli Yazid askarlari birlan boʻlgan jangda muhojirlar va ansoriylardan 700 kishi halok boʻlgan. Hudaybiyya — Makka atrofida joylashgan joy nomi. Hijratning 8- yili payg'ambarimiz ko'plab sahobalari birlan Makkaga Ka'ba ziyoratiga yo'l olganlar. Hudaybiyya degan joyga kelib tushganlarida Makka kofirlari elchi yuborib, musulmonlar birlan sulh tuzganlar. Bu sulh sharti bo'yicha Janob payg'ambarimiz ashoblari birlan bu yil Makkaga kirmay qaytib ketishlari, kelasi yilda ersa Qurayshlar Makkani musulmonlar ziyorati uchun bo'shatib berishlari kerak erdi, Janob Rasululloh bunga rozi bo'lganlar). Keyin, uchinchi fitna sodir bo'ldi, oradan ko'p o'tmay odamlarga tinchlik, farovonlik yetdi (Hijratning 130-yili, Marvon ibn Hakamning xalifalik davrida Madinadan Abu Hamza ismli kishi chiqib, Madina, Makka va Toif amiri boʻlgan Abdulvohid ibn Sulaymon birlan hokimiyat talashdi va Makkani bosib oldi. Bu xabar xalifaga yetgach, Abdulmalik ibn Muhammad boshchiligida 4 ming kishilik qo'shin yubordi. Xalifa qo'shini birlan bo'lgan jangda Abu Hamza va uning butun askarlari girib tashlandi)».

Oisha onamiz raziyallohu anho rivoyat tsiladilar: -Men Ummu Mistah birlan yonma-yon ketayotgan erdim, oyogʻi toyilib ketib, «Noumid boʻlgur, Mistah!» deb oʻz oʻgʻlini qargʻadi. Men: «Qanday yaramas soʻz aytding-a, Badr ishtirokchisi boʻlgan kishini shunday qargʻaysanmi?»—deb uni koyidim. Shunda Ummu Mistah mening haqimda ba'zilar tuhmat qilishayotganini, tuhmatchilardan biri ersa oʻzining oʻgʻli erkanligini soʻzlab berdi».

Ibn Shihob rivoyat tsiladilar: «Janob Rasululloh Badrda oʻldirilib, jasadlari chuqurga tashlangan kofirlarga xitob qilib: «Ey kofirlar, Olloh taolga sizlarga va'da qilgan narsaning rost erkanligini koʻrdingizlarmi?»—dedilar. Sahobalar: «Yo Rasulalloh, oʻliklarga gapiryapsizmi?» — deyishdi. Janob Rasululloh «Xozir bular men aytayotgan gaplarni sizlardan yaxshiroq eshitib turishibdi»,— deb javob berdilar. Badrda ishtirok qilib, oʻlja olgan qurayshiylarning jami 81 kishi erdi. Lekin, Urva ibn az-Zubayr: «Ularga oʻljalar taqsimlab berildi, ularning soni ersa, 100 kishi erdi»,— derdilar. Ammo. Olloh taolo eng biluvchidur!».

Hishom ibn Urva otalaridan naql tsilib: «Badr kuni muhojirlarga 100 ta o'lja bo'lib berildi»,— deydilar.

13-bob.

Imom Buxoriy o'z kitoblarida Badr ishtirokchilarini alifbo tartibida sanab o'tganlar: An-Nabiy Muhammad ibn Abdulloh al-Hoshimiy sallallohu alayhi va sallam, Abu Bakr as-Siddiq, Umar raziyallohu anhu, Usmon raziyallohu anhu, Ali raziyallohu anhu, Iyos ibn al-Bakir, Bilol ibn Raboh, Hamza ibn Abdulmuttalib, Hotib ibn Abu Balta'a. Abu Huzayfa

ibn Utba, Horisa ibn ar-Rabi' al-Ansoriy, Xubayb ibn Adiy al-Ansorii, Xanis ibn Huzofa, Rufo'a ibn Rofi' al-Ansoriy, Rufo'a ibn Abdul-Munzir, Abu Luboba al-Ansoriy, Zubayr ibn Avvom, Zayd ibn Sahl Abu Talha al-Ansoriy, Abu Zayd al-Ansoriy, Sa'd ibn Molik az-Zuhriy, Sa'd ibn Xavla al-Qurashiy, Sa'd ibn Zayd, Sahl ibn Xanif, Zahiyr ibi Rofi', Abdulloh ibn Mas'ud, Utba ibn Mas'ud, Abdurrahmon ibn Avf az-Zuhriy. Ubayda ibn Hars al-Qurashiy, Uboda ibn Somit al-Ansoriy, Amr ibn Avf, Uqba ibn Amr al-Ansoriy. Omir ibn Rabi-a, Sobit al-Ansoriy, Uvaym ibn So'ida, Atbon ibn Molik, Qudoma ibn Maz'un, Qatoda ibn Nu'mon, Ma'oz ibn Amr, Mu'avviz ibn Afro' va uning birodari, Molik ibn Rabia, Mirora ibn Rabi'. Ma'n ibn Adiy, Mistah ibn Usosa, Miqdod ibn Amr al-Kandiy, Hilol ibn Umayya. Olloh taolo ulardan rozi bo'lsin!

14-bob. Banu Nazir va Janob Rasulullohning ikki kishining xunini talab qilib Banu Nazirga borgan-lari, ularning Janob Rasulullohga xiyonat qilmoq-chi boʻlganlari. Urva ibn az-Zubayrning rivoyat qilishicha, bu voqea Badr voqeasidan olti oy burun, Uhud jangidan avval sodir boʻldi. Olloh taolo bu haqda oyat nozil qildi. Uning ma'nosi: «Ahli kitoblardan boʻlgan kofirlarni vatanidan haydab chiqargan zot Olloh taolodir. Kofirlar oʻz lashkarlarini ilk bor toʻplaganlarida sizlar ularni chiqib ketadi, deb oʻylamagan erdingizlar»

Ibn Umar raziyallohu anhu rivoyat tsiladilarki, Banu Nazir va Banu Qurayza musulmonlarga dushmanlik qildi. Buning uchun Banu Nazir vatanidan quvildi. Banu Qurayza ersa, erkaklari oʻldirilib, xotinu bolalari va mol-dunyosi musulmonlar oʻrtasida taqsimlandi. Ularning ayrimlarigina Janob Rasulullohga ergashib, iymon keltirdilar va omon qoldilar. Madinadagi hamma yahudiylar badargʻa qilindi.

Sa'id ibn Jubayr aytadilar: «Men Ibn Abbosga Surai Hashr haqida so'zlaganimda, u kishi: «Bu surani «Surai an-Nazir deb atagin!»—dedilar».

Ibn Umar raziyallohu anhu rivoyat tsiladilar: «Janob Rasululloh Banu Nazir xurmozorini kestirib va yoqdirib yubordilar. Bu xurmozor Buvayra degan joyda erdi. Shunda Olloh taolo: «Qaysi daraxtni kesgan va qaysi daraxtni qoldirgan boʻlsangizlar, hammasi Ollohning izni birlan boʻldi» degan oyatni nozil qildi».

Ibn Umardan naql tsilinadiki, Janob Rasululloh Banu Nazir xurmozorini yoqdirib yuboribdilar. Bu haqda Hasson ibn Sobit bunday deb she'r bitgan erkan: «Zarra qiynalmay Luay sardorlari, Buvayra uzra yoqdi katta gulxan»

Abu Sufyon ibn Hars ersa, unga javoban bunday deb she'r bitibdi: «Uzoq muddat ilohim gurkiratsin, Kuyib atrof, qolmasin hatto tikan!
Omon qolgay qaysi yer, so'ng bilursen, «Kim zarar ko'rmay qolur, kim bevatan!»

Molik ibn Avsdan nakl tsilinadiki, u kishi xalifa Umar ibn Xattobning huzurida oʻltirgan erdilar. Shu payt Hazrat Umarning hojiblari Yarfo kirib, Usmon, Abdurrah-mon, Zubayr va Sa'd kirishga ijozat soʻrayotganlarini xabar qildi. Xalifa izn berganlaridan soʻng, ular kirib oʻltirdilar. Bir ozdan soʻng, hojib yana kirib Ali birlan Abbos ham kirishga izn soʻrayotganlarini aytdi. Xalifa izn berganlaridan soʻng, Ali birlan Abbos ichkariga kirdilar.

Shunda Abbos: «Yo amiyral-mu'minin, Ali birlan o'rtamizni kelishtirib qo'ysangiz!» dedilar. Ikkovlari Banu Nazirga tegishli musodara gilingan molning Olloh taolo Janob Rasulullohga xos gilib bergan gismi to'g'risida janjallashayotgan erdilar. Ultirganlar barobariga: «Ey amiyral-mu'minin. ikkovini yarashtirib, ajrim qilib qo'yingiz!» — dedi. Xalifa Umar: «Shoshmangizlar, yeru osmonning mavjudligi izniga bogʻlig boʻlmish Olloh taolo nomi birlan sizlarni guvohlikka chagiraman! Aytingizlar~chi, Janob Rasulullohning «Biz payg'ambarlar meros goldirmaymiz, biz goldirgan narsa sadagadur!» deganlarini bilasizlarmi?» — dedilar. Hammalari baravariga: «Rost, Janob Rasululloh shunday deganlar»—deb javob berishdi. Soʻng, Xazrat Umar Ali birlan Abbosning oldilariga kelib: «Sizlar ham Janob Rasulullohning shunday deganlarini bilasizlarmi?» — deb so'radilar. Ular ham tasdiq qilishdi. «Boʻlmasa,— dedilar Hazrat Umar,— men sizlarga shu haqda so'zlab berayin! Olloh taolo Banu Nazirdan musodara gilib olingan molning bir gismini o'z payg'ambariga xos gildi, o'zga biror kishiga bermadi. Bu haqda Olloh taolo Qur'onda: «Olloh taolo o'z rasuliga ulardan (kofirlardan) urush qildirmay olib bergan mol uchun sizlar na ot va na tuya choptirib (mehnatingiz singan ermas), lekin Olloh taolo o'zi istagan bandalariga payg'ambarlarini hukmdor qilgaydur. Olloh taolo har narsaga godirdur!»— deydi. Olloh taolo ul molni o'z payg'ambariga maxsus ato etgandur. Olloh taologa qasamyod qilamanki, Rasululloh musodara qilingan molni o'zlashtirib olmadilar, nimaiki bo'lsa, barchasini sizlarga xolisona tagsimlab berdilar. Undan ana shul ozgina mol ortib goldi. Shu ortgan mol orgali Payg'ambar alayhissalom o'z oilalarini bogar erdilar, ortiqchasini «Olloh taoloning moli» deb, Baytulmolga olib qoʻyardilar. Janob Rasululloh umr bo'yi shunday qildilar, so'ng vafot etdilar. Shunda Abu Bakr: «Men Janob Rasulullohning vorislaridurmen!» deb o'shal molni o'z go'llariga oldilar va uni Janob Rasululloh ganday tasarruf gilgan bo'lsalar, shunday tasarruf gildi-lar, shu vagtda sizlar ham bor erdingiz». Keyin, Hazrat Umar Ali birlan Abbosga yuzlanib bunday deb davom etdilar: «Eslaysizlarmi, oʻzlaringiz aytganlaringizdek, Abu Bakr xalifalik davrlarida rostgo'y, yaxshilik qilguvchi, adolatli va haqiqatga bo'ysunuvchi erdilar. Abu Bakr vafot laridan soʻng, xalifalikni men qoʻlga oldim. Ikki yildan buyon amirlik qilib, Janob Rasululloh va Abu Bakr tutgan yo'lni mahkam tutdim. Mening ham rostgo'y, yaxshilik gilguvchi, adolatli, hagigatga bo'ysunuvchi erkanligimga Olloh taolo shohid! So'ng, ikkovingiz mening oldimga keldingiz, ikkovingizning gapingiz ham, ishingiz ham birdur. Men sizlarga: «Janob Payg'ambar «Biz payg'ambar-lar mol-dunyo meros goldirmaymiz, bizdan qolgan narsa «sadaqadur!» deganlar»—deb aytdim. Mening qat'iy so'zim shuldur' Olloh taoloning ahdu miysogi bo'yingizda, agar istasangiz, Janob Rasululloh, Abu Bakr va men singari tasarruf gilmog sharti birlan ul molni sizlarga bergay-man, ammo keyinchalik boshqacha hukm chiqarib bermog'imni talab qilsangizlar, yeru osmonlarning mavjudligi izniga bogʻliq boʻlgan zot haqi, qiyomatga qadar ham bunga yurmagay-men! Basharti, shartimni eplay olmasangizlar, ul molni menga qaytarib bergaysizlar, men ersam sizlarni bu yumushdan xalos qilqaymen».

Zuhriy aytadilarki, «Men mazkur hadisni Urva ibn az-Zubayrga rivoyat qilganimda, ul: «Molik ibn Avs rost aitibdi men Oisha onamizning bunday deb aytganlarini eshitgan edim»,— dedi: «Janob Rasulullohning (mendan boʻlak) xotinlari Hazrat Usmonni Abu Bakr Siddiqning huzurlariga yuborib, oʻshal moldan oʻzlariga ulush ajratib bermoqni talab qildilar. Men ularni bundan qaytarib' «Olloh taolodan qoʻrqmaysizlarmi? Janob Rasulullohning "Biz meros qoldirmagaymiz, bizdan qolgan narsa — sadaqadur!» deganlarini bilmaysizlarmi? «Biz» deganlari-da ul zot oʻzlarini nazarda tutgan erdilar. Ammo, paygʻambar oilasi bu molni sadaqa ermas, nafaqa tarzida tasarruf qilaveradi»,— dedim Shunda, Janob Rasulullohning xotinlari mening aytganimga koʻndilar»

Zuhriy rivoyatlarini davom ettirib bunday deydilar: «Mazkur sadaqa Hazrat Alining qullarida boʻlib, Abbosni unga yoʻlatmadilar. keyin u Hasan ibn Ali qoʻliga oʻtdi, keyin Husayn ibn Ali, undan keyin Ali ibn Husayn va Hasan ibn Hasan qoʻliga oʻtib, ikkovlari uni navbat birlan tasarruf qildilar, soʻng u Zayd ibn Hasan ixtiyoriga oʻtdi Bu Janob Rasulullohning oʻshal sadaqala-ri erdi».

Oisha raziyallohu anho rivoyat qiladilar: «Bir kuni Fotima va Abbos Abu Bakr Siddiqning huzurlariga kelib, Fadakdagi yerdan hamda Xaybar gʻazotida olingan oʻljalardan oʻz meroslarini talab qildilar. Shunda Abu Bakr Siddiq-«Janob Rasululloh sallallohu alayhi va sallam «Biz meros qoldirmagaymiz, bizdan qolgan narsa — sadaqadur, lekin Muhammad xonadoni uning orqali kun koʻraveradi» deb aytganlar. Olloh taolo nomi birlan kasamyod qilurmen-ki, oʻzimni Paygʻambar alayhissalomga yaqin tutib, ul zotning oʻgitlariga amal qilmogʻim qarindoshlarimga yon bosmogʻimdan afzaldur!»—dedilar».

15-bob. Ka'b ibn al-Ashrafning qatli haqida

Jobir ibn Abdulloh raziyallohu anhu rivoyat tsiladilar: «Janob Rasululloh sallallohu alayhi va sallam: «Ka'b ibn al-Ashrafni kim qatl qilib kelgay? Chunki ul Olloh taolo birlan uning rasuliga behad ozor yetkazdi», — dedilar. Shunda Muhammad ibn Maslama o'rnidan turib: «Yo Rasulalloh, uni men o'ldirmog'imni xohlaysizmi?» — dedi. «Ha», — deb javob berdilar Janob Rasululloh. Muhammad ibn Maslama: «Unday boʻlsa, (hiyla uchun) yolg'on gapirmog'imga ijozat beringiz!»—dedi. Janob Rasulul-loh: «Gapiraver!» dedilar. Muhammad ibn Maslama Ka'bning oldiga bordi-da, Payg'ambar alayhissalomdan shikoyat qilgan bo'lib: «Anavi odam bizdan sadaqa so'radi, bizni ko'p qiynadi, men sening oldingga qarz soʻrab keldim»,— dedi. Shunda Ka'b: «Ollohga qasamyod qilurmen-ki, hali koʻp qiynalasizlar»,— dedi. Muhammad ibn Maslama gapida davom etib: «Darhaqiqat, biz unga ergashdik, endi koʻraylikchi, pirovardida nima qilar erkan? Sen bizga bir vasaq yoki ikki vasaq taom qarz bersang!» — dedi. (Sufyon bunday deydilar: «Amr bizga bu hadisni bir necha bor rivoyat qildi-yu, lekin «bir vasaq yoki ikki vasaq» degan soʻzlarni aytmadi, men unga: «Bu hadisda «bir vasaq yoki ikki vasaq» degan soʻzlar bormidi?» — deganimda, u: «Ha, bor erdi»,— deb javob berdi»). Ka'b: «Unday boʻlsa, garovga biror narsa beringizlar»—dedi. «Nimani xohlaysan » — deb soʻradi Muhammad. Ka'b. «Xotinlaringizni garovga qoʻyingiz-lar!» — dedi. «Qanday qilib (xunuk) xotinlarimizni garovga qo'yamiz, axir sen arablarning eng chiroylisisan-ku?!» dedi Muhammad. Boʻlmasa, bolalaringizni garovga qoʻyingizlar!»—dedi Ka'b. Muhammad e'tiroz bildirib: «Bolalarimizni qanday garovga beramiz, axir odamlar: «Bir vasaq taom uchun bolalarini garovga qo'yibdi»~deb aytmaydimi Bunday ta'na biz uchun or hisoblanadi Mayli senga qurol-yarog'imizni garovga bera qolaylik'» — dedi Nihoyat, ular qurol-yaroqni garovga qo'yishga va'dalashishdi. Shu kuni kechasi Muhammad ibn Maslama Ka'bning emishgan akasi Abu Noila (va yana bir kishi) brlan birga keldi, Ka'b chiqib ularni qo'rg'oniga taklif qildi Shunda, Ka'bning xotini «Bemahal tashqariga chiqma »—deb qarshilik bildirdi. Lekin, Ka'b «Bu kelganlarning biri ibn Maslama, ikkinchisi emishgan akam Abu Noila»,—dedi.Xotini, «Men qonning tomchilagan ovozini eshitayotgandekman», dedi.Ammo, Ka'b «Sixiy kishi kechasi o'limga chaqirilsa ham, labbay deb javob beradi»,— deb unamadi. Muhammad ibn Maslama ikki sherigiga: «Men Ka'bning boshini mahkam ushlaganimda, sizlar unga tigʻ urasizlar»,deb ta'yinladi.Ka'b ularning oldiga tushib yo'l boshladi, undan atir hidi anqib turardi Shunda Muhammad ibn Maslama «Men umrimda bugungichalik xushbo'y hidni hidlamaganman » — deb soxta

tilyogʻlamalik qildi. Ka'b ersa uning soʻzidan erib ketib «Mening xotinim ayollarining eng xushboʻyi va goʻzalidir'»— deb maqtandi. Muhammad ibn Maslama unga «Boshingizdagi atir boʻyidan hidlamogʻimga ijozat berasizmi »— deb aytdi. Ka'b rozilik bildirgach, Muhammad va uning sheriklari Ka'bning boshini hidladilar. Shu asnoda Muhammad uning boshini ikki qoʻli birlan mahkam ushlab, sheriklariga ishora qilgan erdi, ular uni oʻldirdilar Soʻng, Janob Rasulullohning xuzurlariga kelib, boʻlgan voqeani soʻzlab berdilar»

16-bob Abu Rofi'ning o'ldirilishi haqida

Barro ibn Ozib raziyallohu an.hu rivoyat tsilurlarki, Janob Rasululloh bir guruh kishilarni Abu Rofi'ning oldiga yuboribdilar. Abu Rofi' kechasi uxlab yotganda Abdulloh ibn Atiyk uyiga kirib, uni oʻldiribdilar.

Barro ibn Ozib raziyallhuu anhu rivoyat tsilurlarki, Janob Rasululloh ansoriylardan bir necha kishini Abdulloh ibn Atiyk boshchiligida Abu Rofi'ning oldiga yuboribdilar. Abu Rofi' yahudiylardan bo'lib, Janob Rasulullohga ko'p ozor yetkazar va ul zotning dushmanlariga yordam berar erdi, o'zi ersa Hijoz yerdagi qo'rg'onida yashardi. Musulmonlar uning qo'rg'oniga yetganlarida kun botgan bo'lib, odamlar podalarini uylariga gaytargan erdilar. Abdulloh sheriklariga «Sizlar shu yerda oʻltira turinglar, men borib, darvozabon birlan tillashay, shoyad ichkariga kirolsam» — dedilar. Sung, asta darvozaga yaqinlashdilar-da choponlarini yelkalariga tashlab olib hojatga o'ltirganday darvozaga tes kari garab o'ltirdilar, shunda hanuz ichkariga odamlar kirib turardi. Shu payt darvozabon chiqdi-da, «Ey Ollohning bandasi ichkari kiradigan boʻlsang, kir, men darvozani yopaman - dedi. Abdulloh aytadilar «Men ichkari kirib berkinib oldim, darvozabon darvozani yopib, gulfladi-da, kalidlarni mixga osib ketdi. Men kalidlarni olib, darvozani ochdim Shunda Abu Rofi' o'z xonasida bo'lib, boshqalar birlan suhbatlashib o'ltirgan erdi. Hamsuhbatlari tarqalgandan so'ng, men uning huzuriga ko'tarildim. Qaysi eshikni ochib kirsam, ichkarisidan yana gulflab olardim, chunki odamlar meni sezib golsalar, uni o'ldirishga ulgurolmay qolaman, deb o'ylardim. Nihoyat, u yotgan uyga yetib bordim-u, ammo qorong'uda bola-chaqalari orasida bo'lganidan uning aynan qaysi joyda yotganini bilolmadim, sekin «Ey Abu Rofi"» —deb chaqirdim. Abu Rofi' <Kim bu» — deb ovoz qildi. Men ovoz chiqqan joyga borib, zarb birlan qilich soldim, lekin hayajonlanganimdan o'ldirolmadim, UNING baqiriq'idan qaytib chiqdim Biroz nafasimni rostlab, yana kirdim va «Ey Abu Rofi', kim bagirdi'» — dedim Abu Rofi' «Onangni g'am bosgur, uyda begona erkak yuribdi, menga qilich urdi'»—dedi Shunda unga yana qilich urdim, ammo bu safar ham o'ldira olmadim. Keyin qilichning tig'ini qorniga shunday bosdimki, ikki bo'lak qilib tashladim. Nihoyat, oʻldirganimga ishonch xosil qilgach, eshiklarni bir-bir ochib, zinaning oxirqi poq'onasiqa tushdim. Yerqa yetdim deb oyoq'imni qo'ygan erdim, yiqilib tushdim, oyog'imning boldir suyagi sinib ketdi. So'ng, singan joyni sallam bilan bog'lab ohista yurib ketdim. Darvozaga yetgach, oʻzimga-oʻzim «Biroz kutay, hagigatan oʻldirdimmi yoki yoʻqmi, bilayin'» — dedim Tong otib, xoʻroz gichqirtan paytda qoʻrgʻon tepasidan jarchining Hijoz ahlining savdogari Abu Rofi' vafot etgani haqidagi xabari tarqaldi. Men sheriklarim huzuriga gaitdim-da «Ollox taolo Abu Rofi'ni o'ldirdi, tezda bu yerdan ketaylik» — dedim Janob Rasulullohnin: huzurlariga borgach, boʻlgan voqeani bayon qildim. Janob Rasululloh «Oyogʻingni uzat »—dedilar, men oyogʻimni uzatdim, ul zot silab qo'ydilar Muborak qo'llarining sharofatidan keyin hech qachon oyog'im og'rimadi»

Barro ibn Ozibdan natsl kiladilarki, Janob Rasululloh Abdulloh ibn Atiyk va Abdulloh ibi Utba boshchiligida bir necha kishini Abu Rofi'ning huzuriga yuboribdilar Ular Abu Rofi'ning qo'rg'oniga yaqin borganlarida, Abdulloh ibn Atiyk «Sizlar shu yerda kutib turingizlar, men borib vaziyatni bilib kelay!»—debdilar. Abdulloh ibn Atiyk aytadilar: «Men qo'rg'onga kirishga urinib ko'rdim, shu payt u yerdan mash'ala ko'targan bir necha kishi chiqib qoldi, ular eshaklarini yoʻqotib, qidirib chiqqan erkanlar. Tanib qolishlaridan cho'chiganimdan xuddi xojatga o'ltirganday bosh-oyog'imni libosim birlan yopib, teskari garab o'ltirdim. Shu payt eshik og'asi' «Darvozani gulflamasimdan ilgari go'rg'onga kiruvchilar boʻlsa, kirsin!»—deb baqirdi. Men qoʻrgʻonga kirib, otxonaga yashirindim. Abu Rofi'ning hamsuhbatlari kechki ovqatni yeb bo'lib uzoq suhbatlashib o'ltirgach, tun yarmida uy-uyiga tarqaldi. Atrofga jimjitlik cho'kkach, berkingan joyimdan chiqdim. Qorovulning darvoza kalitlarini bir kuvacha ichiga yashirganini koʻrgan erdim, ularni olib, qo'rg'on eshiklarini ochdim. So'ng, meni birov sezib golmasin, deb tezda darvoza oldidan uzoglashdim. Qaysi eshikka kirmay, ichkarisidan gulflab qo'yib, Abu Rofi'ning huzuriga narvon birlan ko'tarildim. U gorong'u xonada yotgan erdi. Yotgan joyini topolmay: «Abu Rofi'!» — deb sekin chaqirdim. <'Kim u?» — deb Rofi' ovoz berdi. Ovoz chiqqan joyni mo'l gilich birlan gattig urdim. Bagirgan ovoz keldi, lekin o'ldirolmagan erdim. Unga yordam bermoqchi bo'lgan kishiday ovozimni o'zgartirib: «Ey Abu Rofi', nima bo'ldi?»dedim. «Uzing kimsan, onang g'amga botgur, uyimga begona odam kirib olibdi, meni qilich birlan urdi»,— deb baqirdi Abu Rofi'. Shunda uning xotini ham uyg'onib ketdi. Men yana ovozimni o'zgartirib, unga yaqinlashdim, u osmonga qarab chalqancha yotgan erdi. Qilichimning tig'ini qorniga shunday botirdimki, hatto suyaklarining qisirlagani ham egaitildi Keyin, men hayajonlanganimdan narvondan tushayotib, yigilib tushdim. Oyog'im sindi, uni bog'lab sheriklarim oldiga bordim. Ularga: «Boringizlar, Janob Rasulullohga xushxabar yetkazingizlar, men ertaga o'lim xabarchisining ovozini eshitmagunimcha joyimdan jilmayman!»—dedim. Subh vaqtida jarchi uning o'lganini xabar qildi. Men xotirjam yo'lga chiqdim. Sheriklarimga, hali ular Janob Rasulullohning huzurlariga yetib bormaslaridan yetib oldim-da, shaxsan o'zim Janob Rasulullohga xushxabar aytdim».

17-bob. Uhud g'azoti

Bu bobga Olloh taoloning «Oli Imron» surasidagi quyidagi oyati karimalari mazmunan taalluqlidur: «Ey Muhammad, siz ertalab ahlingiz oldidan chiqib, moʻminlarni jangga shaylab qoʻygan vaqtingizni bir eslangiz, Olloh hammasini koʻrib, bilib turuvchidur»

«Ruhan tushmangizlar, xafa boʻlmangizlar, agar iymonda moʻstahkam tursangizlar, haqiqiy gʻolib sizdursizlar. Agar bu safar sizlarga jarohatu musibat yetgan boʻlsa, avvalgi jangda raqiblaringizga talofot yetgan erdi. Bu Dunyo hayotida gʻalaba qoʻldan-qoʻlga oʻtib turgay, Olloh taolo (mana shunday) sinov birlan oralaringizdan haqiqiy moʻminlarni bilib olgay va ayrimlaringizni shahid qilgay. Olloh taolo zolimlarni doʻst tutmagay, iymonli bandalarini avvalgi gunohlaridan poklab, kofirlarni halok qilgay. Olloh taolo sizlarni jihodda sinamay turib, sabr qiluvchi ekanliklaringizni aniqlamay turib, jannatga kiritadi, deb oʻylaysizlarmi? Ulimga doʻch kelmay turib shahid boʻlmoqni orzu qilgan erdingizlar. Mana endi uni oʻz koʻzingiz birlan koʻrib turibsizlar!»

«Olloh taolo, sizlar uning rizoligi uchun kofirlar birlan urushib turganingizda, oʻz va'dasining ustidan chiqdi. Ammo, Olloh taolo va'da qilgan zafarni koʻrib turib ham oʻrtalaringizda nizo' chiqdi, sizlar boshliqqa boʻyinsunmadingizlar, zaiflashdingizlar,

ba'zilaringiz oxi-ratni xohlasa, ba'zilaringiz dunyoni tanladingizlar, natijada Olloh taolo sizlardan zafarni olib qo'yib, yengildingizlar, bu sizlarga Olloh taolodan bir sinov bo'ldi, Olloh taolo sizlarni kechirdi. Olloh taolo mo'minlarga nisbatan muruvvatlidur!».

«Olloh taolo yoʻlida shahid boʻlganlarni oʻlik deb oʻylamangizlar!».

Ibn Abbosdan natsl tsilinadiki, Janob Rasululloh. «Men Uhud janggi kuni Jabroil alayhissalomni koʻrdim, ul zot jang anjomlarini kiyib olgan boʻlib, otlari jilovini tortib turgan erdilar»,— debdilar.

Uqba ibn Omirdan rivoyat tsilinadiki, Janob Rasululloh 8 yildan soʻng Uhud janggi shahidlari qabri tepasiga kelib, goʻyo vidolashayotgandek oʻliklar va tiriklar haqiga Doʻo qildilar. Keyin, minbarga chiqdilar-da: «Albatta, men sizlarning yoʻlboshchingizman va sizlarning iymonlarin-gizga guvohman, sizlar birlan endi Havzi Kavsar boʻyida koʻrishamiz, men mana shoʻ joyimda turib uni koʻryapman. Men sizlar mushrik boʻlib ketasizlar, deb koʻrqmayman, lekin mol-dunyo sizlarni yengib qoʻymasaydi, deb qoʻrqaman»,— dedilar. «Shunda men Janob Rasulullohni soʻnggi bor koʻrgan erdim»,— deydilar roviy.

Barro raziyallohu anhu rivoyat qiladilar: «Uhud kuni biz mushriklarga ro'baro' bo'ldik. Janob Rasululloh kamonchi merganlarni tepalik ustiga joylashtirib, ularga Abdulloh ibn Jubayrni amir qilib tayinladilar-da, «Bizning g'alaba qilganimizni ko'rsangizlar ham, yengilganimizni ko'rsangizlar ham joyingizdan jilmangizlar, yordamga oshigmangizlar!» — dedilar. Dushman birlan toʻqnashqanimizda ular tumtaraqay qochib qoldilar, hattoki togga tirmashgan ayollarining boldirlari ochilib golib, taginchoglari koʻrinib turganini ko'rdim. Shunda merganlar: «Ana o'lja, ana o'lja!» —deb ochko'zlik qila boshladi-lar. Amir Abdulloh ibn Jubayr ularga Janob Rasulullohning «Jilmangizlar!» deb buyurganlarini eslagalar ham, itoat qilmadilar. Natijada ish chappasiga ketib, musulmonlardan 70 kishi shahid bo'ldi. Mushriklarning boshlig'i Abu Sufyon tirik golgan musulmonlar oldiga kelib: «Orangizda Muhammad bormi, nega indamaysizlar? Orangizda Abu Qahhofa (Abu Bakr Siddiq) bormi, nega javob bermaysizlar? Orangizda Ibn Xattob bormi, nega javob bermaysizlar? Demak, ular o'ldirilganlar, agar tirik bo'lganlarida erdi, javob bergan bo'lur erdilar», — dedi. Umar raziyallohu anhu o'zlarini tutib turolmay: «Ey Olloh taoloning dushmani, yolg'on aytyapsan, hali shoshmaytur, Olloh taolo seni albatta g'amg'ussaga botirgay!»—dedilar. Shunda Abu Sufyon: «Hubal buyukdur!» — dedi. Janob Rasululloh: «Javob qaytaringizlar!»—dedilar. Sahobalar: «Nima deymiz?»—deganlarida, ul zot: «Olloh taolo buyuk va ulug'dur!» deb aytingizlar»,— dedilar. Abu Sufyon: «Bizning Uzzomiz bor, sizlarning Uzzolaringiz yoʻq» — deganda, Janob Rasululloh: «Olloh taolo bizning mavlomiz (egamiz), sizlarning ersa, egalaringiz yoʻg!" — deb aytishni o'rgatdilar. Abu Sufyon: «Bugungi kun Badr kuni uchun gasos bo'ldi, urushda zafar goh u tomonga, goh bu tomonga o'tadi. Jang maydoniga bogsangizlar, men buyurmagan va menga zarari ham bo'lmagan bir dalilning shohidi bo'lasizlar»,— dedi».

Jobir ibn Abdulloh aytadilarki, Uhud kuni bir necha kishi ichkilik ichgan holda jangga kirib, shahid boʻlibdi (Islomda ichkilik Uhud janggidan bir qancha vaqt keyin harom qilingan).

Ibrohim raziyallohu anhudan naql qilinadiki, «Abdurrahmon ibn Avfga taom keltirildi, u kishi roʻzador erdilar. Shunda ul kishi: «Mus'ab ibn Umayr oʻldirildi, vaholanki u mendan

yaxshiroq erdi. Kafanligi yoʻqligidan libosiga oʻrab koʻmildi, libosi kaltaligidan oyogʻini yopsa, boshi, boshini yopsa, oyogʻi ochilib qolar erdi. Keyin, Amir .Hamza ham shahid boʻldi, vaholanki ul ham mendan yaxshiroq erdi. Bizga ersa, bisyor mol-dunyo berildi. Qoʻrqamizki, barcha yaxshiliklar shu dunyodayoq berilib, oxiratda nasibamiz qolmadimikan?» — dedilar-da, xoʻngrab yigʻlay boshladilar" hatto taom ham yemadilar».

Jobir ibn Abullohdan naql qilinadiki, «Uxud kuni bir odam Janob Rasulullohga: «Nima deysiz, men agar hozir oʻldirilsam, qaerda boʻlaman?» — dedi. «Jannatda»,— dedilar Janob Rasululloh. Shunda u qoʻlidagi hurmolarni otib yubordi-da, jangga kirib ketdi va shahid boʻldi».

Xabbob raziyallohu anhu aytadilar: «Biz Olloh taolo rizoligi uchun Janob Rasululloh birlan birga hijrat qildik. Olloh taolo bizga ajru savob ato etmoqni oʻz zimmasiga oldi. Ba'zi birimiz oʻsha ajru savobdan olib ulgurmay dunyodan oʻtib ketdi. Masalan, Mus'ab ibn Umayr. Ul kishi Uhud kuni oʻldirildilar, oʻzlaridan hech qanday mol-dunyo qoldirmadilar, faqat bitta jundan toʻqilgan choponlari boʻlib, boshlariga yopsak, oyogʻlari, oegʻlariga yopsak, boshlari ochilib qoldi. Shunda Janob Rasululloh bizga: «Choponi birlan boshini oʻrangizlar, oyogʻiga ersa izxir tashlab qoʻyingizlar!» — deb amr qildilar. Biroq, oramizda bul dunyoda mukofotini olib, ayshini surib yurganlar ham bordur».

Anas ibn Molik raziyallohu anhudan naql qilinadiki, ul kishining amakilari Anas ibn Nazr Badr janggida qatnasholmagan erdilar, Shu boisdan ham ul kishi: «Men Janob Rasululloh qatnashgan eng ulugʻ jangda boʻlolmadim. Agar Olloh taolo meni Janob Rasululloh boʻlgan jangda shahid qilganda erdi, men bunchalik alam chekmagan boʻlur erdim!»—deb qattiq afsus chekardilar. Nihoyat, Uhud janggida qatnashish baxtiga muyassar boʻldilar. Jangda musulmonlar qocha boshladi. Shunda Anas ibn Nazr: «Yo Olloh, musulmon birodarlarimning qilmishi uchun sendan uzr soʻrayman, mushriklar ofatidan oʻz panohingda asragil!»— deya qilich yalangʻochlab oldinga tashlandilar Shu asnoda Sa'd ibn Muozga duch kelib: «Ey Sa'd, qaerga qochyapsan? Uhud yonidan dimogʻimga jannat hidi anqiyapti!»—dedilar-da, jangga kirishdilar va shahid boʻldilar. Jasadlari odam tanimas boʻlib ketgan erdi. Singillari ul kishini xollaridangina (yoki barmoqlaridangina) tanib oldi. Jasadlarida nayza, gurzi, qilich zarbi hamda kamon oʻqidan hosil boʻlgan 80 dan ortiq jarohat bor erdi».

Zayd ibn Sobit raziyallohu anhu rivoyat qiladilar: «Qur'ondan nusxa koʻpaytirayotgan vaqtimizda «Ahzob» surasidagi bir oyatni topmadim. Bu oyatni Janob Rasululloh oʻqiganlarida eshitgan erdim. Usha oyatni koʻp qidirib, oxiri Huzayma ibn Sobit al-Ansoriydan topdik. Bu oyat quyidagicha: «Shunday moʻmin kishilar borki, ular Olloh taologa qilgan ahdu paymonlarida ustivor turdilar. Ularning ba'zilari maqsadlariga yetib, shahid boʻldilar, ba'zilari muntazirdurlar». Biz bu oyatni Mushafdagi tegishli suraga qoʻshib qoʻydik».

Zayd ibn Sobit rivoyat qiladilar: «Janob Rasululloh sallallohu alayhi va sallam Uhudga chiqqanlarida, ul zot birlan birga chiqqanlarning bir qismi ortiga qaytib ketdi. Shunda Janob Rasululloxning sahobalari ularga nisbatan chora koʻrmoqlik xususida ikki guruhga boʻlinib qoldilar, ba'zi sahobalar «oʻldiramiz» deyishsa, ba'zi sahobalar («shoyad, musulmon boʻlsalar» degan oʻy birlan) «oʻldirmaymiz» deyishdi. Shu asnoda Olloh taolo quyidagi oyati karimasini nozil qildi: «Bas, nima boʻldi sizlargaki, munofiqlar xususida ikki guruh boʻlib oldingizlar, holbuki Olloh taolo ularni yomon amallari sababidan

ortlariga qaytardi». Zayd ibn Sobit soʻzlarida davom etib: «Darhaqiqat, Madina pok joy boʻlib, olov kumush tarkibidagi begona jismlarni ketkazgandek, gunohlarni ketkazadi dedilar.

18-bob

Olloh taoloning qavli: «(Ey Muhammad!) Sizlardan ikki toifaning (qoʻrqoqlik qilib jang maydonidan) qochmoqchi boʻlganini bir eslang, vaholanki Olloh ularning doʻstidur. Moʻminlar Ollohga tavakkal qilsinlar!»

Jobir ibn Abdulloh: «(Ey Muhammad!) Sizlardan ikki toifaning (qoʻrqoqlik qilib jang maydonidan) qochmoqchi boʻlganini bir eslang...» degan oyati karima bizning, ya'ni Banu Salama va Banu Horisa toʻgʻrisida erdi. Koshkiydi, bul oyat nozil qilinmagan boʻlsa! Chunki, Olloh taolo: «... vaholanki, Olloh ularning doʻstidur»,— deydi»,— deydilar.

Jobir. ibn Abdulloh; rivoyat qiladilar: «Bir kuni Janob Rasululloh mendan: «Ey Jobir, uylandingmi?» — deb soʻradilar. Men: «Ha»,— deb javob berdim. «Qiz bolaga uylandingmi yoki juvongami?» — deb yana soʻradilar. Men: «Yo Rasulalloh, juvonga uylandim!» — dedim. «Qiz bolaga uylansang boʻlmasmidi, senga muhabbat qoʻyardi!» — dedilar Janob Rasululloh. Men: «Yo Rasulalloh, otam Uhud jangida oʻldirilib, menga 9 ta qizni tashlab ketdilar. Men 9 ta opa-singillarim birlan qoldim. Ularga oʻzlariga oʻxshagan yana bitta esi past qizni qoʻshib koʻyishni ma'qul koʻrmadim. Xotinim ularni yuvibtaraydi, xizmatini qiladi»,— dedim. Janob Rasululloh: «Toʻgʻri qilibsan!» — dedilar».

Jobir ibn Abdullohdan nakl qilinadiki, u kishining otalari Uhud janggida shahid bo'lib, qarzlari va 6 ta qizlari Jobirga qolgan erdi. (Bundan oldingi hadisda 9 ta qiz, bu yerda ersa «6 ta» deb keltirilishining boisi shuki, Jobirning opa-singillari hammasi 9 ta bo'lib, otalari shahid bo'lganlarida 3 tasi turmushga uzatilgan, 6 tasi ersa yosh qolgan erdi). Jobir ibn Abdulloh bunday deydilar: «Xurmo hosilini teradigan paytda Janob Rasulullohning goshlariga kelib: «Uzingiz bilasiz, otam Uhud janggida shahid boʻlganlar, u kishidan menga katta qarz qolgan. Men otamga qarz bergan kishilarni ko'rsatmogchiman»,— dedim. Shunda Janob Rasululloh: «Borgin, har bir daraxt hosilini alohida toʻplab qoʻygin» — deb buyurdilar. Men aytganlaridek toʻplab, soʻng ul zotni chaqirdim. Haqdorlarim Janob Rasulullohni koʻrib menga shu ondayoq yaxshi muomala qila boshladilar. Ularning tilyogʻlamachiligini sezgan Janob Rasululloh hurmo toʻplaridan eng kattasini uch bor yig'ishtirib o'zlariga yagin tortdilar-da, ustiga o'ltirib oldilar. Keyin: «Qani, sheriklaringni chaqir!» — deb buyurdilar. Ularning hammasiga oʻlchab berdilar. otamning barcha garzlari uzildi. Men: «Otamning barcha garzlari uzilsa-yu, singillarimga birorta ham xurmo olib bormasam ham, mayli» —deb o'ylardim. Janob Rasululloh barcha xurmo uyumlarini otamning qarzlariga berdilar, faqat oʻzlari ustida oʻltirgan g'aramgina goldi, xalos, undan biror dona ham xurmo kamaymadi (mantig: Janob Rasululloh garzga gancha xurmo ketishini oldindan aniq bilganlar)».

Sad ibn Abu Vaqqos: «Men Janob Rasulullohni Uhud kuni koʻrdim, u kishi birlan birga ikki notanish kishi ham jang qilardi, ikkovi ham oppoq libos kiyib olgan erdi. Ularni bundan ilgari ham koʻrmaganman, keyin ham koʻrmadim»,— deydilar.

Sa'd ibn Abu Vaqqos: «Janob Rasululloh Uhud kuni o'qdonlaridan o'q olib bera turib menga: «Ota-onam senga fido bo'lsin, otgil!» — dedilar»,— deydilar.

Abdulloh ibn Shaddod rivoyat qiladilar: «Men Hazrat Alidan eshitdimki, Janob Rasululloh Sa'ddan boshqa biror kishiga «Ota-onam senga fido bo'lsin!» deb aytmagan erkanlar».

Abu Usmon ta'kidlaydilarki, gʻazot qilingan mazkur kunlarning ba'zisida Janob Rasulullohning yonlarida Talha birlan Sa'ddan boʻlak biror kishi jang qilmagan erkan.

Soib ibn Yazid aytadilar: «Men Abdurrahmon ibn Avf, Talha ibn Ubaydulloh, Miqdod va Sa'd birlan hamsuhbat bo'ldim, ulardan faqat Talha ibn Ubaydullohninggina Uhud janggi haqida qapirqanini eshitdim».

Qays ibn Abu Xozim aytadilar: «Men Talhaning bir quli (oʻq tegaverganidan) shol boʻlib qolganini koʻrdim, u shu qoʻli birlan Uhud kuni Janob Rasulullohni himoya qilgan erdi»

Anas ibn Molik raziyallohu anhu rivoyat kiladilar «Uhud kuni odamlar Janob Rasululloxni tashlab qochdilar Abu Talha ersalar, Janob Rasululloh oldilaridan ketmay, qoʻllaridagi qalqonlari birlan ul zotning muborak boshlarini oʻqdan himoya qilib turdilar Abu Talha mergan kishi bulib, kamonni qattiq, tortar erdilar. Shu kuni 2 ta yo 3 ta kamon sindirdilar. Ushanda saxobalardan biri kamon oʻqi toʻla sadoq birlan oʻtib ketayotganda Janob Rasululloh unga «Abu Talhaga yordam ber - deb erdilar. Janob Rasululloh jang paytida jangchilardan shaxsan oʻzlari xabar olib turar erdilar. Shunda Abu Talxa «Otaonam sizga fido boʻlsin, yo Rasulalloh Kelmang, tagʻin dushman oʻqidan birortasi sizga tegmasin, sizning tomogʻingizga tegadirgan oʻq mening tomogʻimga tegaversin'»— derdilar. Shu kuni Oisha binti Abu Bakr birlan Ummu Sulaymni ham koʻrdim. Ikkovlari etaklarini lippalariga qistirib olgan, yelkalarida mesh, jangchilarga suv olib borar erdilar, yana ortlariga qaytishib, meshlarni toʻldirib jang maydoniga kirishar erdi. Usha kuni Abu Talhaning qoʻllaridan ikki Yoki uch bor qilichlari yerga tushib ketdi»

Oisha raziyallohu anhodan nakl kilinadiki, Uhud kuni mushriklar jang maidonini tashlab qochibdi Shunda shayton la'natullohi alayhi «Ey Ollohning bandalari, ortingizdagilardan ehtiyot boʻlingizlar » — deb nido qilib musulmonlarni chalgʻitibdi. Natijada oldingi safdagilar ortlariga oʻgirilib, keyingi safdagi (oʻz birodarlari birlan) jang boshlashibdi. Shu payt Huzayfa otasi al-Yamonni koʻrib «Ey Ollohning bandalari, bu mening otam, bu mening otam » — deb baqiribdi, ammo jangchilar oʻzlarini toʻxtatib qololmay, Huzaifaning otasini oʻldirib qoʻyishibdi. Lekin, Huzayfa otasining qotillariga «Olloh taolo gunohlaringizni kechirsin'»—deb yomonlik qilmabdi, hattoki umrining oxirigacha ularga yaxshilik qilaveribdi.

19-bob

Olloh taoloning qavli: «Darhaqiqat, ikki gurux (musulmonlar va mushriklar) oʻzaro toʻqnashgan kuni sizlarning oralaringizdan qochgan kishilarni ba'zi xatolari sababli shayton ozdirdi. Olloh taolo ularni afv qildi, Olloh taolo albatta, magʻfiratli, rahmdil zotdir»

Usmon ibn Mavxib rivoyat kiladilar «Bir kishi xajga kelib, Ka'ba yonida suhbatlashib o'ltirgan bir gurux kishilarga ko'zi tushdi. «Bu o'ltirgan kishilar kim» — deb yonidagilardan so'radi. Unga «Bular qurayshliklar»,— deb javob berishdi. «Bularning ulug'i kim » - deb yana so'radi u. Shunda ularning ulug'i Ibn Umar ekanliklarini aytishdi Boyagi kishi Ibn Umarning yoniga kelib «Men sizdan bir narsa hakida so'rayman, javob

berasizmi »—dedi Ibn Umar «Mana shu Baytulloh hurmati, albata javob beraman » dedilar Boyagi kishi «Usmon ibn Affonning Uhud janggidan qochqanlarini bilasizmi'» dedi Ibn Umar «Bilaman >, — dedilar Boyagi kishi «Uning Badr janggida ham qatnashmaganligini bilasizmi» —dedi Ibn Umar «Buni ham bilaman»,— dedilar Boyagi kishi «Bay'aturrizvonda ham yo'q erdi, shundaymi »—dedi «Ha, shunday » — dedilar Ibn Umar. Shunda boyagi kishi «Ollohu akbar» — deb takbir aytdi. Ibn Umar unga bunday dedilar «Yaqinroq kel, sen so'ragan narsaning xabarini aytib tushuntirib berayin' Uhud kuni Hazrat Usmonning jangdan gochganlarining gunohini Olloh taolo boshqalar birlan birga o'z oyati karimasi orgali afv qilgandur. Badr janggida bo'lmaganlarining sababi — Janob Rasulullohning qizlari Hazrat Usmonning xotinlari bo'lib, u qattiq kasal erdi. Janob Rasululloh u kishiga «Siz xotiningizning yonida qolingiz, Olloh taolo sizga Badrda ishtirok qilganlik savobini beradi. Jangda tushgan oʻljadan ham oʻz nasibangizni olasiz»,— deb ta'yinlagan erdilar. Hazrat Usmonning «Bay'aturrizvon»da bo'lmaganliklarining sababi shuki, agar Makka ichra Hazrat Usmondan ulug'rog kishi bo'lganda erdi, Janob Rasululloh ul kishining o'rinlariga o'shani yuborgan bo'lardilar. Hazrat Usmon u yerdagi eng ulug' kishi bo'lganlari uchun ham Makkaga yuborildilar «Bay'a-turrizvon» ersa, ul kishi ketganlaridan so'ng bo'lgan. Ushanda Janob Rasululloh o'ng go'llarini ko'tarib «Mana bu Usmonning qoʻlidir » — deb erdilar-da, uni chap qoʻllariga urib qoʻygan erdilar» So'ng Ibn Umar boyagi kishiga «Mana shu eshitganlaringni gulog'ingga quyginda, bu yerdan jo'nab gol'» — dedilar»

20-bob

Olloh taoloning qavli: «Sizlar togʻlarga (qochib) chiqib ketur erdingizlar va hech kimga oʻgirilib boqmas erdingiz-lar, Rasululloh ersa sizlarni ortlaringizdan chaqirar erdi Keyin, Olloh taolo sizlarga paydarpay gʻam yubordi, toki gʻam yemangizlar na qoʻldan ketgan narsaga va na yetgan musibatga va Olloh taolo qilib turgan amallaringizdan xabardordur»

Barro ibn Ozib rivoyat qiladilar «Janob Rasululloh Uhud kuni piedalarga Abdulloh ibn Jubayrni boshliq qilgan erdilar. Bular birinchi boʻlib jang maydonidan qochdilar Mazkur oyat shular haqida nozil boʻlgan».

21-bob.

Olloh taoloning qavli: «Keyin, Olloh taolo sizlarga ul g'am ketidan tasalli, ya'ni mudroq yubordi, bu mudroq sizlardan bir toifani o'z og'ushiga oldi, boshqa toifa ersa Olloh taolodan ko'ra o'z jonlarining rohatini muhimroq bilib, xuddi joxiliyat paytidagidek Olloh taologa shaku gumon qildilar. «Bizga Olloh taolodan HECH bir madad bo'lmadi-ku» deb oshiqdilir. Ey Muxammad, ulagrga aytingki, har qanday nusrat Olloh taolodan bo'lgay. (Munofiqlar) sizga izxor qilmaydigan shunday gaplarni dillarida sir tutadilarki, «Agar Ollohdan bizga nusrat kelganda erdi, bu yerda o'ldirilmagan bo'lardik!» — deydilar. Ey Muhammad, siz ularga: «Agar o'z uylaringizda bo'lsangiz ham, qaysi birlaringizga o'lim bitilgan bo'lsa, o'sha yerga borib joningizni olib ketgan bo'lardi»,— deb ayting (Bu musibat) dillaringizdagini sinab bilmoq va qalbingizni poklamoq uchundir. Olloh taolo qalblardagini biluvchi zotdur!»

Abu Talha aytadilar: «Men ham Uhud kuni mudroq olgan kishilardan biri erdim, hatto bir

necha bor qilichim qo'limdan tushib ketdi. Har safar tushib keqa, olaman, yana tushib keqa, yana olaman».

22-bob.

Olloh taoloning qavli: «Ey Muhammad, sizda hech qanday ixtiyor yoʻq, yo ular tavba qilib, iymonga keladilar yoki Olloh taolo ularni shu dunyodayoq qattiq azoblaydi, chunki ular oʻz joniga zulm qilganlardur»

Anas ibn Molik raziyallohu anhudan naql qilinadiki, Janob Rasulullohning peshonalari Uhud kuni yorilgan erkan. Shunda Janob Rasululloh gʻazab qilib: «Paygʻambarining peshonasini yorgan qavm qanday najot topadi?!» — degan erkanlar. Olloh taolo bunga javoban «Sizga hech qanday ixtiyor berilmagan» degan oyati karimasini nozil qilibdi.

Abdulloh ibn Umar raziyallohu anhudan nakl qilinadiki, u kishi Janob Rasulullohning bomdod namozining ikkinchi rak'atida ruku'dan bosh ko'tarib «Sami'allohu liman hamidah» degach, «Yo Olloh, falonchini, falonchini va falonchini la'nat qilgin!» deb duoi bad qilganlarini eshitibdilar. Shu payt Olloh taolo «Sizga hech qanday ixtiyor berilmagan» degan oyatni nozil qilibdi («Ular zolimlardur» degan so'zigacha).

Solim ibn Abdulloh rivoyat qiladilar: «Janob Rasululloh sallallohu alayhi va sallam Safvon ibn Umayya, Suhayl ibn Amr va Al-Hars ibn Hishomni duoi bad qilgan erdilar, Olloh taolo «Sizqa hech qanday ixtiyor berilmagan» deb boshlanadigan oyati karimasini nozil qildi».

23-bob. Ummu Saliyt haqida

Sa'laba ibn Abu Molikdan nakl kilinadiki, Hazrat Umar al-Xattob raziyallohu anhu bir guruh Madina ayollariga libos tarqatibdilar, faqat bitta yangigina libos ortib qolibdi. Shunda «Ey musulmonlar amiri, bu libosni Janob Rasulullohning yoningizdagi qizlariga beringiz!» — deb Hazrat Alining qizlari Ummu Gulsumni ko'rsatishibdi. Hazrat Umar: «Ummu Saliyt bu libosga loyiqroqdur, chunki u payg'ambarimizga bay'at qilgan ansoriyalardan bo'lib, Uhud kuni mesh orqalab bizga suv tashib turgan»,— debdilar.

24-bob. Hamza raziyallohu anhuning o'ldirilishlari haqida

Ali raziyallohu anhudan nakl etiladiki, Rasululloh sallallohu alayhi va sallam: «Shahidlarning eng ulugʻi Hamza ibn Abdulmuttalib raziyallohu anhudir!» — debdilar.

Ja'far ibn Amr rivoyat kiladilar: «Bir kuni men Ubaydulloh ibn Adiy ibn Xiyor birlan birga safarga chiqdim. Hims degan joyga yetganimizda Ubaydulloh menga: «Vahshiy ismli kishi haqida biror narsa bilasizmi? Uni topganimizda erdi, Hamza raziyallohu anhuni qanday o'ldirgani haqida so'rab olardik!» — dedi. Men rozi bo'ldim. Vahshiy Himsda yashardi (Hims — Dimashq va Himot shaharlari orasida joylashgan). Uni surishtirgan erdik, «Ana, qasrining soyasida yogʻ to'ldirilgan xumdek bo'lib o'ltiribdi» deb ishora qilishdi. Biz Vahshiyning yoniga borib, salom bergan erdik, alik oldi. Ubaydulloh sallasi birlan yuzini o'rab olgan bo'lib, Vahshiy uning ikki ko'zi birlan oyogʻinigina ko'rardi. Ubaydulloh undan «Ei Vahshiy, meni taniyapsanmi?»—deb soʻradi. Vahshiy unga qarab «Xudo haqi, yoʻq Lekin, mening esimdaki, Adiy ibn Xiyor Ummu Qitol binti Abulays ismli ayolga uylangan bo'lib, undan Makkada bir oʻqʻil koʻrgan erdi. Men u bolani enagasiga

olib borardim (Bir kuni) bolani unga uzatayotganimda sening oyog'inga o'xshash oeqni ko'rganman»,— dedi. Shunda Ubaydul-lox, yuzini ochib «Hamzani qanday o'ldirganingni gapirib bermaysanmi »—dedi Vahshiy rozi boʻlib, bunday deb hikoya qildi «Hamza Adiy ibn Xiyorning o'g'li Ta'iymani Badrda o'ldirdi Keyin, xo'jayinim Jubayr ibn Mut'im menga «Agar amakimning gasosi uchun Hamzani oʻldirsang, ozodsan » — dedi. Odamlar Aynaynga urushga chiqqan yili (Aynayn — Uhud tog'ining ro'parasidagi tog' bo'lib, Uhudda musulmonlarning, Aynaynda ersa, mushriklarning qarorgohi bor erdi) men ham ular birlan birga chiqdim. Ikki tomon maydonda saf tortgach, Sibo' o'rtaga chiqib, yakkama-yakka olishuvga raqib talab qildi. Shunda uning muqobiliga Hamza ibn Abdulmuttalib chiqib «Ey Sibo', sen hali Olloh taolo birlan uning rasuliga qarshi urushasanmi» — deb Sibo'ga tashlandi-da, shu ondayog uni o'ldirdi. Men bir katta tosh panasiga berkinib olgan erdim, Xamza yaqin kelganda unga nayza otdim, nayza uning qovug'idan kirib, orgasidan chiqdi. Shu birlan Hamza shahid bo'ldi. Keyin, men odamlar birlan birga qaytib Makkada yashadim, u yerda islom tarqalgach, Toifga ketdim. Janob Rasululloh menga odam yubordilar, ular menga «Payg'ambarlar kek saglamaydilar», deyishdi. Men ular birlan birga Janob Rasululloh-ning huzurlariga bordim. U kishi meni ko'rib «Sen Vahshiymisan »— dedilar. Men «Xa»,— dedim «Hamzani sen o'ldirganmiding »—dedilar. Men «Sizga toʻgʻri aytishibdi»,— dedim. Shunda Janob Rasululloh «Mendan uzoqroq yurgin, yuzingni koʻrmayin»—dedilar. Mech chiqib ketdim. Janob Rasulullohning vafotlaridan keiin, Musaylama Kazzob (payg'ambarlik da'vosini qilib) chiqdi. Shunda men «Musaylamaning oldiga borayin-da, uni oʻldirayin, shoyad shu birlan Hamzani o'ldirganim uchun orttirgan gunohimni yuvsam'» — deb odamlar birlan birga yo'lga otlandim. (Musaylamaning uyiga yagin borib) garasam, sochlari toʻzgʻigan bir odam kulrang tuya yanglig' devorning panasida turibdi. Nayzani ko'kragini mo'l otdim, kuragidan teshib chiqdi Keyin, ansorlardan biri yugurib borib, boshiga qilich urdi» Abdulloh ibn Umar: «O'shanda bir gizcha tomda turib «Amirulmu'miniynni bir gora odam oʻldirdi »—deb baqirgan erdi»,— deydilar.

25-bob. Janob Rasululloh sallallohu alayhi va sallamning Uhud kuni yarador bo'lganlari haqida

Abu Hurayra raziyallohu anhu rivoyat qiladilar-«Japob Rasululloh singan tishlariga ishora qilib «Uz paygʻambarini shu kuyga solgan qavmga Olloh taoloning gʻazabi qattiqdir' Rasululloh sallallohu alayhi va sallam Olloh taolo yulida oʻldirgan kishiga ham Olloh taoloning gʻazabi qattiqdir » — dedilar» (Uhud kuni Janob Rasululloh Ubay ibn Xalafni oʻz qoʻllari birlan oʻldirganlar)

26-bob

Saxl ibn Sa'd rivoyat qiladilar. «Ollohga qasamyod qilurmenki, men Janob Rasulullohning yaralarini kim yuvganini, kim suv quyib turganini, nima birlan davo qilinganini yaxshi bilurman Janob Rasulullohning qizlari Fotima yaralarini yuvganlar, Hazrat Ali ersalar, qalqonlarida suv keltirib quyib turganlar Fotima raziyallohu anho qon ko'p ketayotganini ko'rib, darhol bir bo'yrani kuydirganlarda, kulini yaraga bosganlar, qon shu ondaeq to'xtagan. Ushanda Janob Rasulullohning kurak tishlari sinib, yuzlari yorilgan, boshlaridagi dubulg'alari majaqlangan erdi»

27-bob. «Olloh taolo va uning rasuli da'vatiga ijobat qilgan kishilar» haqida

Hishom raziyallohu anhu otalaridan naql qiladilar. «Oisha raziyallohu anho «Olloh taolo va uning rasuli da'vatiga, jarohatlanganliklariga qaramay ijobat qilib, amali solihlar hamda taqvo qilgan kishilar uchun buyuk savob bordur » degan oyati karimani oʻqidilarda, Urvaga bunday dedilar «Ey jiyan, sening otang Zubair ham, bobong Abu Bakr ham oʻshalardandur. Janob Rasululloh Uhud kuni jarohatlanib, mushriklar ketgach, ularning qaytib kelib qolishlaridan xavflandilar-da, «Dushman ortidan kim boradi '» — dedilar Shunda yetmish kishi bormoqqa ixtiyor bildirdi. Ular orasida Abu Bakr va Zubair ham bor erdilar».

28-bob. Uhud kuni shahid boʻlgan musulmonlar, jumladan Hamza ibn Abdulmuttalib, Al-Yamon, Anas ibn an-Nazr, Mus'ab ibn Umayrlar haqida

Qatoda raziyallohu anhu «Biz Qiyomat kuni arab mahalladari ichida Ansorlar mahallasidan koʻra shahidlari koʻproq va azizroq boʻladirgan mahalla borligini bilmaymiz»,— deydilar.

Anas ibn Molik raziyallohu anhu rivoyat qiladilar: «Ansorlardan Uhud kuni 70 kishi, Bi'ri Ma'una kuni 70 kishi va Yamoma kuni 70 kishi oʻldirildi. Bi'ri Ma'una voqeasi Paygʻambarimiz sallallohu alayhi va sallam davrlarida, Yamoma kuni ersa Abu Bakr Siddiq davrlarida sodir boʻlgan».

Jobir ibn Abdullohu xabar beradilarki, Rasululloh sallallohu alayhi va sallam Uhuddagi shahidlarning har ikkitasini bir qabrga qoʻydirar erdilar. Avval: «Bulardan qaysi biri Qur'onni koʻproq yod bilar erdi» —deb soʻrar erdilar, soʻng qaysi mayyitni «Koʻp bilar erdi» deb koʻrsatishsa, oʻshani oldin lahadga kirittirar erdilar. Janob Rasululloh: «Bul kishilarga Qiyomat kuni men guvohlik bergaymen!»—deb aytar va ularning qonlarini yuvmay hamda janoza oʻqimay koʻmmoqni buyurar erdilar».

Jobir aytadilar: «Otam oʻldirilganlarida men yigʻlab yuzlaridan kafanni ocha boshladim. Janob Rasulullohning ashoblari meni bundan qaytardilar, ammo ul zotning oʻzlari mone'lik qilmay: «Yigʻlama, otangni koʻtargunlaricha farishtalar qanotlari birlan soya solib turibdilar»,— dedilar».

Abu Muso raziyallohu anu: «Fikrimcha, Janob Rasululloh bunday deb aytgan erdilar»,— deydilar: «Men tush koʻrdim, tushimda qilichimni bir siltagan erdim, sopi sinib ketdi. Bu Uhud kuni musulmonlarga yetgan musibatdur. Keyin, yana bir siltagan erdim, avvalgidan ham yaxshiroq holga keldi. Bu musulmonlarga muyassar boʻlgan fath va moʻminlarning hamjihat boʻlishidir. Tushimda bir soʻyilayotgan sigirni ham koʻrgan erdim. Bu moʻminlarning Uhudda shahid boʻlishidir».

Xabbob raziyallohu anhudan nakl qilinadi: «Biz Olloh taoloning rizoligi uchun Janob Rasululloh birlan birga hijrat qildik. Olloh, taolo bizga savob ato etmoqni oʻz zimmasiga oldi. Ba'zi birlarimiz oʻsha ajrdan ololmay dunyodan oʻtdik. Ulardan biri Mus'ab ibn Umayr erdi, Uhudda shahid boʻldi. Undan birgina libos qolgan boʻlib, u birlan boshini oʻrasak, oegʻi, oyogʻini oʻrasak, boshi koʻrinib qolardi. Janob Rasululloh: «Libosi birlan boshini oʻrangizlar, oyogʻiga ersa izxir yopib qoʻyingizlar!»—deb buyurdilar. Ammo, ba'zi birlarimiz hijratning samarasini koʻrib, hosilini teryapmiz!»

29-bob. Uhud bizni yaxshi ko'radi, biz ham uni sevamiz!

Anas raziyallohu anhudan nakl qilinadi: «Janob Rasululloh sallallohu alayhi va sallam: «Bu togʻ (Uhud togʻi) bizni yaxshi koʻradi, biz ham uni yaxshi koʻramiz!» — dedilar».

Anas raziyallohu anhudan nakl -qilinadi: «Janob Rasululloh roʻparalarida Uhud koʻringach". «Uhud gtogʻi bizni yaxshi kuradi, biz ham uni yaxshi koʻramiz! Yo Olloh, Ibrohim Makkani muqaddas qildilar, men ersam Madinani atrofidagi togʻlari birlan birga muqaddas qildim!» — dedilar».

Uqba ibn Omirdan nakl qilinadi: «Rasululloh sallallohu alayhi va sallam bir kuni masjidga chiqib, Uhud ahliga duoi fotiha qildilar-da, soʻng minbarga chiqib: *Men sizlardan avval oʻtgayman, u dunyoda sizlarga guvohman. Men hozir Xavzi Kavsarimni koʻrib turibman. Menga Yer xazinalarining kalitlari berildi, Olloh taologa qasamyod qilurmanki, men sizlarni oʻzimdan keyin mushrik boʻlib ketasizlar, deb ermas, balki mol-dunyoga aldanib qolmasangizlar, deb qoʻrqaman!» —dedilar».

30-bob. Raji', Ra'l, Zakvon, Bi'ri Ma'una g'azotlari hamda Uzal, Qorra, Osim ibn Sobit, Xubayb va uning ashoblari haqidagi hadislar

Osim ibn Amr rivoyat qiladilarki, Raji' gazoti Uhud janggidan keyin sodir bo'lgan erkan.

Abu Hurayra raziyallohu anhudan nagl kilinadi: «Janob Rasululloh sallallohu alayhi va sallam Osim ibn Umar al-Xattobning bobolari bo'lmish Osim ibn Sobit al-Ansoriyning boshchiliklarida bir guruh kishilarni mushriklar orasiga aygʻoqchi qilib yubordidar. Ular Makka birlan Asfon oralig'idagi Xadda degan yerga yetganlarida Xuzayl gabilasiga mansub Banu Lihyon mushriklari sezib qoldilar, Mushriklar musulmonlar to'xtab dam olgan yerda xurmo danagini topib olgan hamda uning Yasrib (Madina) xurmosi danagi erkanligini bilgan erdilar. Yuztacha mergan mushrik musulmonlarni ta'gib gila boshladi. Osim va boshqa musulmonlar buni bilib qolib, bir tepalik ortiga yashirindilar. Mushriklar ularni qurshab olib: «Tushingizlar, qoʻlni-qoʻlga berib yarashaylik, sizlardan birortangizni ham o'ldirmaymiz, deb va'da berurmiz!»—deyishdi. Shunda Osim ibn Sobit: «Ey mushriklar, men siz kofirlardan panoh tilab tushmayman» — dedilar, soʻng «Yo Olloh, bizning holimizdan rasulingni xabardor kilgaysen » — deb iltijo qildilar Mushriklar Osim birlan yana olti kishini otib o'ldirdilar. Musulmonlardan uch kishi — Xubayb, Zaid va yana bir kishi dushmanning va'dasiga ishonib pastga tushdilar. Mushriklar ularni gurolsizlantirgach, kiyimlarini yirtib, oyoq-qo'llarini bog'ladilar. Shunda musulmonlardan uchinchi kishi (Abdulloh ibn Toriq) «Xudo haki, bu xiyonatning boshidur!»~deb ular birlan birga ketishdan bosh tortdi. Mushriklar uni o'sha joyning o'zida o'ldirishdi, Xubayb birlan Zaydni ersa Makkaga olib borib qul qilib sotishdi. Xubaybni Xars ibn Omirning o'g'illari sotib olishdi. Hubayb Hars ibn Omirni Badrda o'ldirgan erdi. Shuning uchun uning oʻgʻillari Xubaybni biroz muddatdan soʻng oʻldirmogga garor gildi-lar. Buni sezgan Xubayb Harsning qizidan ustara so'rab olib, poklandi. Shu asnoda o'shal ayolning oʻqʻilchasi Xu-baybning huzuriga kirib keldi. Ayol bolasini izlab, uni Xubaybning tizzasida o'ltirgan holda ko'rdi, Xubaybning qo'lida ersa ustara bor erdi «Mening qo'rgib ketganimni sezib, Xubayb «Bolamni oʻldiradi, deb qoʻrqyapsanmi, men hech qachon bunday qilmayman » — dedi,— deydi ayol,— Olloh taolo nomi birlan qasamed qilurmenki, men Xubaybdan ko'ra yaxshiroq asirni ko'rmaganman Qasamed qilurmenki, bir kuni men uning bir bosh uzum yeb turganini koʻrdim, vaholanki shu vaqtda Makkada

uzum boʻlmay, buning ustiga qoʻli ham kishanlangan erdi» Ayol buni moʻʻjiza deb bilar va «Xubaybga Olloh taoloning oʻzi buni rizq qilib beryapti» — der erdi. Xubaybni qatl kilmoqqa olib chiqqanlarida, u « ikki rakat namoz oʻqimogʻimga ijozat beringiz-lar » — dedi. Namozni oʻqib boʻlgach- «Ulimdan qoʻrqqanidan namoz oʻqiyapti, demaganingizda erdi, koʻproq namoz oʻqigan boʻlur erdim - deb aytdi. Shu-shu boʻldi-yu, oʻlimga hukm qilingan har bir musulmonga oʻlimi oldidan namoz oʻqimoq sunnat boʻlib qoldi Xubaib «Yo Olloh, bu kofirlarning birortasini ham qoldirmay halok qilgin'»—dedi-da, quyidagi she'rni oʻqidi

«Musulmon holda oʻlsam, zarra parvoyimga kelmas, Qaysi yon birla yiqilmogʻimni Olloh farqlamas. Saxovat sohibi boʻlmish oʻzi tanho ilohimga, Qiyma-qiyma jismima bermoq savob hech gap emas» Keyin, Uqba ibn Hars Xubaybning oldiga bordi-da, uni oʻldirdi. Osim Quraysh kattalaridan birini Badrda oʻldirgan erdi.Shu boisdan Osimning oʻldirilganini eshitgan Quraysh bunga ishonch hosil qilish uchun uning biror a'zosini kesib kelmoqqa odam yubordi. Shunda Olloh taolo bulutdek asalarilar toʻpini yoʻlladi, Quraysh mushriklari Osimning jasadiga yaqinlasha olmadi, arilar Osimni himoya qildi»

Jobir ibn Abdulloh «Xubaybni oʻldirgan kishi Abu Sirvaa erdi»—deydilar (Abu Sirva'a Uqba ibn Harsning laqabidir)

Anas ibn Molik raziyallohu anhu rivoyat hiladilar. «Paygʻambar sallallohu alayhi va sallam 70 kishini bir ish birlan yuborgan erdilar ularni «qorilar» deb atashardi. Bi'ru Ma'una degan yerda Ra'l va Zakvon ahli ularning yoʻlini toʻsib «Xudo haqi, biz sizlarni soʻragan ermas erdik, aksincha oʻzimiz paygʻambarning hojatini chiqara olamiz»—deb qorilarning hammasini oʻldirdilar. Paygʻambar alayhissalom bir oy davomida bomdod namozida xiyonatchilarni duoi bad qildilar. Shundan e'tiboran duoi «Qunut» oʻqiladigan boʻldi, ilgari biz «Qunut» oʻqimas erdik»

Abdulaziz rivoyat qiladilar. «Bir odam Anas raziyallohu anhudan. «Qunut ruku'dan keyin o'qiladimi yoki qiroatdan keyinmi»—deb so'radi Anas «Yo'q, aksincha, qiroatdan keyin»,— dedilar»

Bu yerda yuqoridagi hadisga mazmunan yaqin xadislar keltirilgan.

Anas raziyallohu anhudan naql kilinadi: «Paygʻambar sallallohu alayxi va sallam Anasning togʻasini, ya'ni Ummu Sulaymning akasini 70 otliqqa boshliq qilib yuborgan erdilar. Usha paytda mushriklarning boshligʻi boʻlmish Omir ibn Tufayl Janob Rasulullohning oldilariga kelib «Odamlarni ikkiga boʻlaylik, qishlok ahliga sen, shahar ahliga men boshliq boʻlayin yoki sen hammaga paygʻambar va boshliq boʻlsang, men senga noib boʻlayin, bansharti rozi boʻlmasang, minglab Gʻatafon ahlini boshlab kelib, senga qarshi jang qilaman'»— dedi. Koʻp oʻtmay, Omir Salul qabilasidan boʻlgan bir ayolning uyiga borib oʻsha yerda xastalandi, badanida boʻtaloqda boʻladigan bezga oʻxshash bir shish paydo boʻldi Keyin, Omir. «Tezda otimni keltiringlar'» — deb otiga mindi-yu, jon berdi

Ummu Sulaymning akasi Harom Gʻatafonga yetgandan keyin, hamroxlaridan ikki kishini (ulardan biri choʻloq erdi) ajratib oldi-da ularga «Yaqinroq joyga yashirinib turingizlar. agar meni oʻldirishmasa, oldimga kelasizlar, oʻldirishsa, tezda qaytib, qolganlarga xabar qilasizlar»,— dedi Soʻng, mushriklar oldiga bordi-da «Menga omonlik bersangizlar, Janob

Rasululloh sallallohu alayhi va sallamning meni qanday vazifa birlan yuborganliklarini sizlarga yetkazurman»,— deb gap boshladi. Shunda mushrik-lar bir kishiga ishora qilishib erdi, u Haromning ortiga oʻtib nayza sanchdi. Harom: «Ollohu akbar! Ka'ba egasi haqi, men zafar topdim!»—deya jon taslim qildi. Keyin, mushriklar uning barcha sheriklarini ham topib oʻldirishdi, faqat togʻ tepasiga chiqib yashiringan birgina choʻloq kishi omon qoldi. Olloh taolo «Darhaqiqat, biz rabbimizni topdik, u bizdan rozi boʻldi va bizni rozi ham qildi» degan oyati karimasini nozil qildi, keyin bu oyat mansux boʻlgan erdi. Janob Rasululloh Ra'l, Zakvon, Banu Lihyon va Usayya ahlini Olloh taolo birlan uning rasuliga osiylik qilganlari uchun oʻttiz kun bomdodda duoi bad qildilar».

Anas ibn Molik: «Harom ibn Milhon, ya'ni tog`am Bi'ru Ma'unada nayza birlan yarador qilinganlarida, yaralaridan oqqan qonni boshlari va yuzlariga surtib: «Ka'ba egasi haqi, men zafar topdim!»—deb aytgan erdilar»,— deydilar.

Oisha raziyallohu anhudan marviydurki, Abu Bakr Siddiq raziyallohu anhu dushmanlardan koʻp ozor yetgandan soʻng, Janob Rasulullohdan xijratga izn soʻradilar. Rasululloh sallallohu alayhi va sallam: «Sabr qilin-qiz!» — dedilar. Abu Bakr: «Yo Rasulalloh, bu xususda Olloh taolodan izn bo'lmog'ini kutayotirsizmi?» — dedilar. Janob Rasululloh: «Men shuni umid qilib turibman»,— dedilar. Oisha raziyallohu anho bunday deydilar: «Shundan soʻng, Abu Bakr kuta boshladilar. Bir kuni Janob Rasululloh peshin vaqtida kelib, baland ovoz birlan: «Ey Abu Bakr, xonangizdan chiqing!» — dedilar. Abu Bakr: «Huzurimda ikki gizimdan bo'lak hech kim yo'q»,— dedilar. Janob Rasululloh: «Bildingizmi, Makkaga yoʻl olmogʻimga Olloh taolo izn berdi!» — dedilar. Abu Bakr: «Sizga hamroh bo'layinmi?—dedilar. Janob Rasululloh: «Ha, albatta, hamroh boʻlgaysiz!»—dedilar. Abu Bakr: «Yo Rasulalloh, mening ikki tuyam bor, ikkovini safarga tayyorlab qo'ygan erdim»,— deb bittasini Janob Rasulullohga berdilar, uning nomi Jad'o erdi. So'ng, ikkovlari ikkita tuyaga minib jo'nadilar va Savr tog'idagi g'orga borib yashirindilar. Oisha raziyallohu anhoning ona bir akasi boʻlmish Abdulloh ibn Tufaylning Omir ibn Fuhayra ismli bir guli bo'lib, u Abu Bakrning sut beradigan tuyalarini ertalab, peshindan keyin va kechasi yetaklab kelardi-da, ikkovlarini sutga to'ydirib, yana haydab olib ketardi, boshqa cho'ponlar ersa buni sezmay qolishardi. Janob Rasululloh va Abu Bakr yoʻlga chiqqanla-rida Omir ibn Fuhayra ikkovlarining tuyalariga navbatma-navbat mingashib Madinagacha birga keldi. U Bi'ru Ma'una voqeasida shahid bo'lgan».

Urva ibn Zubayr raziyallouu anuu otalari Zubayrdan bunday deb nakl kiladilar: «Bi'ru Ma'unada qorilar shahid bo'lib, Amr ibn Umayya asir tushgan paytda (mushriklarning boshlig'i) Omir ibn Tufayl Omir ibn Fuhayraning jasadini ko'rsatib: «Bu kim?»—deb so'radi. Amr ibn Umayya: «Bu Omir ibn Fuhayraning jasadi»,— dedi. Shunda Omir ibn Tufayl: «Bu o'ldirilgandan keyin, jasadining ko'tarilib yer birlan osmon o'rtasida turganini ko'rdim, keyin yana yerga qaytib tushdi»,— dedi. Qorilarning o'ldirilgani haqidagi xabar Janob Rasulullohga yetib kelganda ul zot sahobalarga buni ma'lum qilib: «Birodarlaringiz boshiga musibat tushibdi, ular «Yo rabbimiz, sening bizdan va bizning sendan rizo bo'lganimizni do'stlarimizga xabar qilg'il!» deb Olloh taolodan iltijo qilibdilar»,— dedilar. Shu kuni Urva ibn Asmo' va Munzir ibn Amr ham shahid bo'lgan erdilar. Keyinchalik, Zubayr ibn Avvom ikki o'g'liga shu ikki shahid ismini qo'ydi».

Anas raziyallohu anhudan naql kilinadi: «Janob Rasululloh sallallohu alayhi va sallam bir oy davomida ruku'dan keyin duoi Qunutni o'qib Ra'l va Zakvon qabilalarini duoi bad qildilar, nuqul: «Usayya Olloh taolo va uning rasuliga osiy bo'ldi»,— der erdilar».

Bu yerda yuqoridagi hadis takrorlangan.

Osim al-Ahvol bunday deydilar: «Men Anas ibn Molik raziyallohu anhudan: «Namozda Qunut duosi ruku'dan avval oʻqiladimi yoki keyinmi?» —deb soʻradim. Anas: «Ruku'dan oldin»,— dedilar. Men: «Bir odam sizning «ruku'dan keyin» deganingizni aytgan erdi»,— dedim. Anas: «Xato gapiribdi. Janob Rasululloh Qunutni faqat bir oy davomida ruku'dan keyin oʻqiganlar, xalos. Bunga sabab shuki, u kishi yetmishta qorini mushriklarga ta'lim bergani yuborgan erdilar, chunki ikki oʻrtada shu haqda shartnoma bor erdi. Ammo, mushriklar shartnomaga xiyonat qilib, yetmishta qorining hammasini oʻldirdilar. Shundan keyin, Janob Rasululloh bir oy davomida ruku'dan soʻng Qunutni oʻqib, mushriklarni duoi bad qilganlar»,— dedilar».

31-bob. Xandaq, ya'ni Ahzob g'azoti haqida

(Izoh: Rasululloh sallallohu alayhi va sallam hijratning 4-yili Banu Nazir nomli yahudiylar qabilasini Madinadan haydab chiqargan vaqtlarida ularning kattalari Makkaga borib, Qurayshni musulmonlarga qarshi yana urush qilmoqqa koʻndirdi, shuningdek boshqa qabilalarga ham borib, ularni ham Madinaga qoʻshin tortishga rozi qildi. Shunday qilib, Abu Sufyon boshliq Quraysh, Sufyon ibn Abu Shams boshliq Banu Salim, Talha ibn Huvaylid boshliq Banu Asad, Uyayna boshliq Fizora, Mas'ud ibn Rajiyla boshliq Ashja', Horis ibn Avf boshliq Banu Murra — hammasi boʻlib oʻng ming kishilik mushriklar qoʻshini Madinaga yana bostirib keldilar. Musulmonlarning soni ersa bor-yoʻgi mingta erdi. Shuning uchun ham bu gazot «Ahzob», ya'ni «Koʻp jamoʻa» deb ataldi).

Muso ibn Ugba: «Bu gazot 4- yil shavvol oyida boʻlgan erdi»,— deydilar.

Nofi' raziOllohu anhu bunday deydilar: «Rasululloh sallallohu alayhi va sallam Uhud kuni Ubaydullohga jang qilmoqqa ijozat bermadilar, chunki u oʻn toʻrt yoshda erdi. Xandaq kuni ersa ijozat berdilar, shu vaqtda u oʻn beshga kirgan erdi».

Saxl ibn Sa'd bunday deydilar: «Biz Rasululloh sallallohu alayhi va sallam birlan birga Xandaqda bo'ldik. Boshqalar xandaq qazishar, biz ersak tuprogini yelkamizda tashir erdik. Shunda Janob Rasululloh: «Yo Olloh, haqiqiy hayot oxirat hayotidir! Muhojirlar birlan ansorlarni magfirat qilgin!»—dedilar».

Anas ibn Molik raziyallohu anhu bunday der erdilar: «Rasululloh sallallohu alayhi va sallam Xandaqqa kelganlarida muhojirlar birlan ansorlar ertalabki salqinda xandaq qaziyotgan erdilar. Ularning bu ishni qilib beradirgan qullari yoʻq erdi. Janob Rasululloh ularning charchab, ochiqib qolganlarini koʻrib: «Yo Olloh, oxirat hayotidan oʻzga hayot yoʻqdur! Muhojirlar birlan ansorlarni magfirat qilgin!»—dedilar. Ular: «Biz Muhammadga bay'at qilganmiz, umrimiz boricha jihod qilgaymiz »—deb javob qilishdi».

Anas raziyallohu anhudan bunday deb naql qilinadi.: «Muhojiru ansorlar Madina atrofida xandaq qazishib, tuprogini yelkalarida tashir erdilar va nuqul: «Muhammadga bay'at qilganmiz, umrimiz boricha islomga sodiqmiz!» — deyishar erdi. Janob Rasululloh ersalar ularga javoban: «Yo Olloh, oxirat xayriyatidan oʻzga xayriyat yoʻqdur! Ansoru muhojirlarga barakot ato etgil!»—dedilar».

Anas raziyallohu anhu deydilarki, bir hovuch arpa keltirishib, uni biroz hidlangan yoqqa solib qovurishibdi, soʻng odamlarga tortishibdi. Ular och boʻlganlaridan badboʻyligiga qaramay oʻzlarini zoʻrlab tanovul qilishibdi.

Jobir raziyallohu anhu bunday deydilar: «Biz Xandaq kuni chuqur qaziyotib qattiq yerga duch kelib goldik. Shunda odamlar Janob Rasulullohning oldilariga borib: «Ey Ollohning rasuli, biz qattiq yerga duch kelib qoldik, (kavlab boʻlmayapti)»,— deyishdi. Janob Rasululloh ularga: «Men tushaman»,— dedilar-da, oʻrinlaridan turdilar, lekin gorinlari juda och erdi, chunki uch kundan buyon tuz totmagan erdik. Janob Rasululloh cho'kichni oldilar, SO'NG chuqurga tushib, zarb birlan qattiq yerga urdilar. Qattiq yer ushalibushalib ketdi. Shunda men: «Yo Rasulalloh, menga izn bersangiz, uyga borib kelsam!» — deb javob oldim. Uyga borib, xotinimga' «Janob Rasulullohning juda och qolganlarini sezyapman, biror yegulik narsang bormi"» dedim. Xotinim: «Ha, ozgina arpa birlan bitga uloqcham bor», dedi. Men uloqni so'ydim, xotinim arpani tuyib, UN qildi. Go'shtni gozonga soldim-da, Janob Rasulullohning oldilariga bordim, bu vaqtda xamir koʻpchib, non yasalgan, qozon ersa allaqachon oʻchoqqa osilgan erdi. Men Janob Rasulullohga «Menga biroz taom tayerlab guyishgan erkan Ye Rasulalloh, oʻzingiz birlan bir-ikki kishini olib men borlai yuring dedim. Janob Rasululloh mendan: «Taomingiz gancha» deb soʻradilar. Men bor taomni aytdim «Koʻp erkan, juda yaxshi Xotiningizga ayting, men borgunimcha go'shtni gozondan, nonni tandirdan olmay gursin —dedilar. Janob Rasululloh. Keyin, barcha muhojiru ansorlarga «Turingizlar!» — dedilar-da, birgalaishb meniig uiimga keldilar. Men xotinimga: «Shoʻring gursin, Janob Rasululloh oʻzlari birlan muhojiru ansorlarni hamda ular birlan birga yana bir gancha kishilarni olib keldilar* dedim. Xotinim menga. «Janob Rasulullox sizdan ovgatntng ganchaligini so'raganmidilar'»—dedi. Men «Ha», dedim. Janob Rasululloh ersalar odamlarga Uyga kiringizlar, toʻplanishmangizlar — deb nonni tandirdan uzib, shoʻrvani, suzib beraverdilar. Hamma tuygandan keyin ham gozonda go'sht, tandirda non ortib goldi. Keyin, mening xotinimga «Bu ovqatdan oʻzing ham yegin, qushnilarga ham tortiq, qilgin, chunki odamlar och», - dedilar»

Sa'id ibn Miyno' Jobir ibn Abdulloxdan nagl giladilar: «Men Xandag kavlangan kuni Janob Rasulullohning gattig och golganlarini ko'rdim Xotinimning oldiga borib. «Janob Rasululloh gattiq ochlar, yegulik biror narsang bormi?» — dedim. Menga bir gop olib chiqib berdi, unda bir so' arpa bor erdi. Bundan tashqari bir kichkina qo'zichog'imiz ham bor erdi. Men qo'zini so'ydim, xotinim arpani yanchib, un qildi. Keiin, qo'sht nimtalab gozonga soldim-da, Janob Rasulullohning oldilariga joʻnadim. Keta yotganimda xotinim «Meni Janob Rasululloh birlan sahobalar oldida uyaltirib qoʻymang '» deb ta'yinlab qoldi. Men sekin borib «Yo Rasululloh, uyimizda bir qo'zichoq bor erdi, so'ydim, ozgina arpa yanchib un gildim, yoningtzga bir kishini olib, men birlan yuringiz!» — dedim. Janob Rasululloh qattiq ovoz birlan: «Ey xandaq kavlayotganlar, Jobir sizlarga dasturxon tayerlabdi, hammangiz bu yoqqa kelingizlar, (Ey Jobir), men borguncha qozonni o'choqdan tushirmay va nonni yopmay turingizlar!» — dedilar. Men uyga bordim, Janob Rasululloh ham ashoblari birlan bordilar. Shunda xotinim: «Men aytganday qilmabsizda?!»—dedi. Men: «Sen aytganday qildim», — dedim-da, Janob Rasulullohning oldilariga xamirni olib keldim, u kishi xamirga tupurib baraka tiladilar, keyin gozon oldiga borib, unga ham tupurib baraka tiladilar. Soʻng: «Nonvoyni (ya'ni, xotiningni) chaqir, men birlan birga non yopsin, qozonni ersa olovini pasaytirib, o'choqdan tushirmangizlar!» dedilar. Olloh taolo haqi, sahobalar yeb-ichib, to'yib turib ketganlarida ham qozon to'la go'sht, tandir to'la non golgan erdi. Vaholanki, sahobalar roppa-rosa ming kishi erdilar».

Oisha raziyallohu anho rivoyat kiladilar: «-Ey Muhammad, dushman tepangizdan ham, pastingizdan ham bostirib kelgan paytda koʻzlarning baqrayib, yuraklarning boʻgʻizlarga tiqilib kolganini bir eslangiz-a!» degan oyati karima Xandaq kuni nozil qilingan erdi».

Barro ibi Ozib rivoyat qiladilar: «Janob Rasululloh sallallohu alayhi va sallam Xandaq kuni tuproq tashigan ' erdilar, hatto qorinlari chang boʻlib ketgan erdi. Ushanda ' quyidagi she'rni aytgandilar:

«Xudo haqqi, xudovandim qilmaganda hidoyatlar, Ado etmas edik bizlar roʻza birla ibodatlar! Esonlikni ato etgʻil, mudom bizga xudovandim, Rubaroʻ kelganda dushman bizga baxsh et matonatlar! Tajovuzla chiqib bizga urush qildi necha mushrik, , Agar fitna tilar, urdik yetkazib biz jarohatlar». Keyin, oxirgi satrdagi «urdik» soʻzini qayta-qayta takrorlagandilar».

Ibn Abbos raziyallhuu anhu aytadilar. «Janob Rasululloh: «Men Sabo shamoli birlan nusrat topdim, Od qabilasi ersa Dabur shamoli birlan halok qilindi»,— dedilar. (Xandaq gʻazotida bor-yoʻgʻi 2 soat jang boʻlgan. Bu jangda Sabo shamoli dushmanlar yuziga urilib, otgan oʻqlari orqaga qaytib ketgan. Od qabilasi ersa uzoq davom etgan Dabur boʻroni sababli aqllaridan ozib, quloqlari kar boʻlib, 'yoppasiga halok boʻlishgan)».

Ibn Umar: «Urushning ne erkanligin birinchi bor Xandaq kuni koʻrdim»,— deydilar.

Ibn Umar rivoyat qiladilar: «Men Xafsa raziyallohu anhoning huzurlariga kirdim. Shunda: «Odamlar oʻzingiz 'Koʻrib turganingizday ish qilishdi, menga amirlikdan biror mansab tegmadi»,— dedim. Xafsa: «Odamlarga qoʻshil, chunki ular seni kutib turishipti, qoʻrqamanki, ularning oldida sen boʻlmasang, yana ikki guruhga boʻlinib ketishadi»,— dedilar. Hafsa gaplarini tugatmay, chiqib ketdim. Odamlar ikki guruhga boʻlinib ketgandan keyin, Muʻoviya ularga: «Kimki bu ish yuzasidan gapirishni xohlasa, bu yerga chiqsin! Albatta, biz Abdulloh ibn Umardan ham, uning otasidan ham xalifalikka loyiqroqmiz!»—deb xitob qildi. Xabib ibn Maslama menga: «Muʻoviyaning soʻziga javob qilmaysanmi?»—dedi. Men sallamning uchini qoʻyvorib: «Bu ishga sendan koʻra loyiqroq ana shu odam islom yoʻlida senga va otangga qarshi jang qilgan kishidur!»— demoqchi boʻlib ogʻiz juftladim-u, lekin «Biror nojoʻya soʻzni aytib qoʻysam, bu soʻz musulmonlarning boʻlinib ketishiga sabab boʻlsa-chi? Kel, qoʻy, tagʻin qon toʻkilmasin, mening gapim oʻzim xohlaganimdan boshqacha tushunilmasin!»— dedim-da, oʻzim-ni tiydim, bu dunyoda sabr qilgan kishiga Ollohning jannatda beradirgan mukofotini oʻyladim. Habib ersa menga: «Jazodan qutulib qolding!»— dedi».

Sulaymon ibn Surd rivoyat qiladilar: «Janob Paygʻambarimiz Xandaq kuni bunday dedilar: «Biz Qurayshga qarshi gʻazot qilgaymiz, ular ersa bizga gʻazot qilolmagaylar!»

Sulaymon ibn Surd rivoyat qiladilar: «Rasululloh sallallohu alayhi va sallam mushrik guruhlarni quvganla-ridan soʻng: «Endi biz ularga gʻazot qilgaymiz, ular bizga gʻazot qilolmagaylar. Biz ularning yeriga borgaymiz!»— dedilar».

Ali raziyallouu aihu rivoyat qiladilar: «Janob Rasululloh Xandaq kuni bunday dedilar: «Olloh taolo ularning (mushriklarning) uylari-yu qabrlarini o't birlan to'ldirsin! Chunki ular bizning vusto (asr) namozimizni qazo qildirishdi, hatto quyosh ham botib ketdi».

Jobir ibn Abdulloh rivoyat qiladilar: «Umar ibn al-Xattob raziyallohu anhu Xandaq kuni quyosh botgandan soʻng keldilar-da, Quraysh kofirlarini soʻkib: «Yo Rasulalloh, quyosh botib ketdi hamki, men namoz oʻqiyolganim yoʻk!» — dedilar. Janob Rasululloh: «Olloh taolo haqi, men ham oʻqiyolganim yoʻq!» — dedilar. Keyin, biz hammamiz Rasululloh birlan birga Bathon vodiysiga tushib, namozga tahorat oldik. Quyosh botgandan keyin, avval asr namozini, soʻng shom namozini oʻqidik».

Jobir ibn Abdulloh; bunday deydilar: «Janob Rasululloh Ahzob kuni: «Kim menga dushman haqida xabar olib kelgay?» — deb soʻradilar. Zubayr: «Men»,— dedilar. Ikkinchi bor: «Kim menga dushman haqida xabar olib kelgay?»—dedilar. Zubayr yana: «Men»,— dedilar. Uchinchi bor soʻraganlarida ham Zubayr: «Men»,— dedilar. Shunda Janob Rasululloh: «Har bir paygʻambarning oʻz yordamchisi boʻ-ladi, mening yordamchim Zubayrdir!»—dedilar».

Abu Hurayra raziyalloh;u anhu rivoyat qiladilar: «Rasululloh sallallohu alayhi va sallam: «Olloh taolodan boʻlak tangri yoʻqdur, uning tanho oʻzi mavjuddir, u oʻz lashkariga kuchqudrat berib, bandasiga zafar ato etdi, koʻpming kishilik jamoani yolgʻiz oʻzi magʻlub qildi. Undan abadiyroq hech narsa yoʻqdir!»— dedilar».

Abdulloh ibn Abu Avfo bunday deydilar: «Rasululloh sallallohu alayhi va sallam mushriklarni duoi bad qilib, «Ey kitob nozil qilgʻuvchi, bu mushriklar jamoasini oʻzing magʻlub etgil, xonavayron qilgil!»—dedilar».

Abdulloh ibn Umar rivoyat 'qiladilar: «Rasululloh sallallohu alayhi va sallam har gal g'azotdan yoki hajdan yo umradan qaytayotganlarida avval uch marta takbir aytib, so'ng quyidagi duoni o'qir erdilar: «Olloh taolodan bo'lak tangri yo'qdir, uning tanho o'zi mavjuddir, uning sherigi yo'qdir, barcha mulk unikidir, barcha hamdu sano unga xosdir va u har ishga qodirdir! Biz tavba qiluvchilarmiz, ibodat qiluvchilarmiz, sajda qiluvchilarmiz, parvardigorimizga shukr aytuvchilarmiz. Olloh bergan va'dasida turib, musulmon bandasiqa nusrat berdi. kofirlar jamoasini yolg'iz o'zi mag'lub etdi!».

32-bob. Paygʻambar alayhissalomning Ahzob gʻazotidan qaytishlari, Banu Qurayza qabilasiga borib, ularni qamal qilishlari haqida

Oisha raziyallohu anhodan rivoyat kilinadiki, «Paygambar alayhissalom Xandaq gʻazotidan kaytib, urush silohlarini yechdilar. Yuvinib turgan paytlarida Jabroil alayhissalom kelib Janob Rasulullohga: «Siz silohingizni yechibsiz, ammo biz hali yechganimiz yoʻq, ularga qarshi otlaning'»—deb buyurdilar. Janob Rasululloh: «Kimga» — deb soʻraganlarida, Jabroil alayhissalom: «'Banu Qurayza qabilasiga qarshi»,— dedilar. Shundan keyin, Janob Rasululloh Banu Qurayza qabilasi tomon yoʻlga chiqdilar»

Anas ibn Molik raziyallohu anhu: «Rasululloh sallallohu alayhi va sallam Banu Qurayza qabilasiga yurish kilganlarida men Banu G'anam qabilasi ko'chalarida Jabroil alayxissalom boshliq otliqlarning otlari tuyoqlaridan ko'tarilaetgan chang-to'zonni hozir ham ko'rib turgandekmen», —dedilar.

Ibn Umar raziyallohu anhu rivoyat qiladilar: «Paygʻambarimiz alayhissalom Ahzob kuni: «Biror kishi bugun to Banu Qurayza yeriga bormaguncha asr oʻqimasin!»—dedilar.

Shunda ba'zilar «Banu Qurayzaga yetmagunimizcha oʻqimaymiz» — deyishdi, ba'zilar: «Namoz oʻqiyveramiz, chunki Janob Rasululloh «Hech kim orqada qolmasin» degan ma'noda aytganlar»,— deyishdi. Buni Rasulullohga aytishgan erdi, ul zot ulardan birortasini ham «Notoʻgʻri qilgan»,— demadilar».

Anas ibn Molik raziyallohu anhudan rivoyat kilinadi: «Bir odam Banu Qurayza va Nazir qabilalari fath qilinishidan ilgari Janob Rasulullohga bir qancha xurmo daraxtini tortiq qilgan erdi. Xotinim va bolalarim menga: «Janob Rasulullohning huzurlariga borib, oʻsha xurmo daraxtlarining hammasini yoki bir qismini soʻrasangiz, bizga bersalar!»—deyishdi. Men Janob Rasulullohning oldilariga borganimda u kishi xurmolarni Ummu Aymanga (Rasulullohning doyalari) hadya qilib qoʻygan erkanlar. Shu payt Ummu Ayman kelib qoldi-da, mening gapimni eshitgach, yoqamdan tortib: «Xudo haqi, xurmolarni senga bermaydilar, ularni menga berganlar!»— deb janjal qila boshladi. Janob Rasululloh: «Usha xurmolarning hammasini sizga berganman, ular sizniki»,— desalar ham Ummu Ayman sira tinchimadi. Oxiri, Janob Rasululloh avvalgi berganlariga nisbatan oʻn barobar koʻproq xurmo daraxti berib uni tinchitdilar».

Abu Sa'id al-Xudriy, raziyallohu anhu rivoyat kiladilar: «Sa'd ibn Ma'ozga Banu Qurayza qabilasi ustidan hukm chiqarish huquqi berildi. Janob Rasululloh Sa'dga odam yubordilar, uni eshakka mindirib olib kelishdi. U masjidga yaqin kelganda Janob Rasululloh ansorlarga: «Sayyidingizning hurmati uchun turingizlar!» —dedilar, keyin Sa'dga: «Mana bularning ustidan hukm chiqarmoq huquqi senga topshirildi»,— deb yahudiylarga ishora qildilar. Sa'd: «Ularning urushga yaroqlisi qatl qilinsin, bola-chaqasi ersa asir olinsin!» — deb hukm etdi. Janob Rasululloh: «Olloh taoloning hukmi ham shunday erdi!» — dedilar».

Oisha raziyallohu anhodai naql kilinadi: «Xandaq kuni Sa'd yaralandi, Quraysh mushriklaridan Xabbon ibn Araqa kamon birlan otib bilagidagi qon tomirini uzib tashladi. Paygʻambar alayhissalom masjidga chodir tikib, tez-tez xabar olib turish maqsadida Sa'dni oʻsha yerga yotgizdilar.

Janob Rasululloh Xandaq gʻazotidan qaytgach, aslahalarini yechib, yuvinib turgan paytlarida Jabroil alayhissalom keldilar, boshlaridagi changni qoqayotib: «Siz qurolingizni yechib qoʻyibsiz, biz hali yechganimiz yoʻq, ularga qarshi otlaning!» — deb buyurdilar Rasululloh «Kimga?»— deb soʻraganlarida, Jabroil alayhissalom «Banu Qurayzaga»,— deb aytdilar.

Janob Rasululloh Banu Qurayzaga kelgach, ular ustidan hukm qilish ni Sa'd ibn Ma'ozga topshirdilar, shunda Sa'd: «Bularning urushga yaroqlisi qatl qilinsin, xotinlari va bolalari asir olinsin, molu dunyosi musodara qilinsin* -deb hukm chiqardi Keyin, u «Yo Olloh, albagta oʻzing yaxshi bilasan, qaysi qavm sening rasulingni yelgʻonchi degan boʻlsa-yu, uni vatanidan quvib chiqargan boʻlsalar, oʻsha qavmga qarshi seni deb jang qilish mening uchun eng maxbub ishdir' Yo Olloh, men oʻylaymanki, biz birlan mushriklar oʻrtasida-gi urushga oʻzing chek qoʻyding, agar Quraysh birlan yana urushadirgan boʻlsak, sening yoʻlingda ularga qarshi yana jihod qilmogʻim uchun meni salomat qoldirgin, agar urushni butunlay toʻxtatgan boʻlsang jarohatimni kuchaytirgin-da, omonatingni olib qoʻya qolgil!» — dedi. Shunda Sa'dning jarohatidan qon otilib chiqib ketdi. Chodirdan oqib chiqkan qonni koʻrib masjiddagilar qoʻrqib ketdi. Ular: «Ey chodirdagilar, siz tomondan qon oqib kelyapti!» — deb chodirga qarasalar, Sa'dniig

jarohagidan qon oqayotgan erkan, Sa'dning o'zi ersa shahid bo'libdi»

Barro raziyallouu anhu rivoyat kilidilar «Janob Rosululloh Qurayza kuni Hassonga: «Banu Qurayzani hajv qilgin Jabroil alayhissalom senga madad bergaylar!» — dedilar»

Bu yerdagi xadis ham yuqoridagi hadisni lafzan va ma'nan takror qiladi

33-bob. Zoturrigo g'azoti haqida

Bu gʻazot Muhoribi Xasfa va Banu Sa'laba gʻazoti ham deyiladi. Rasululloh sallallohu alaihi va sallam oʻshanda Naxl degan joyga tushganlar. Bu gʻazot Xaybar gʻazotidan keyin boʻlgan, chunki shu gʻazot ishgirokchisi Abu Muso al-Ash'ariy Xaybar gʻazotidan keyin islomga kirganlar.

Jobir ibn Abdulloh; «Paygambar alayhissalom ashoblari birlan birga yettinchi gʻazot, ya'ni Zoturriqoʻ gʻazoti kuni xavf namozini oʻqidilar (Bu gʻazotning «Yettinchi gʻazot» deb atalishiga sabab u Badr, Uhud, Xandaq, Qurayza, Muraysa va Xaybar gʻazotlaridan keyin voqeʻ boʻlgan)»,— deydilar.

Ibn Abbosdan rivoyat qilingan hadisda aytiladiki, Paygʻambar alayhissalom xavf namozini Zuqarad degan joyda oʻqigan erkanlar.

Jobir ibn Abdulloh rivoyat qiladilar «Rasululloh sallallohu alayhi va sallam Muhorib va Sa'laba kuni ashoblari birlan birga xavf namozi (salot ul-xavf) o'qidilar»

Vahb ibn Kayson rivoyat qiladilar: «Men Jobirdan eshitdimki, Paygʻambar alayhissalom Naxlning Zoturriqo' mavzesiga chiqibdilar. Shunda musulmonlar birlan Gʻatafon mushriklari toʻqnashib qolibdi, lekin jang boʻlmabdi. Chunki, Olloh taolo har ikkala tomonni xavflantirib qoʻyibdi. Janob Rasululloh shu yerda ikki rakat xavf namozi oʻqibdilar»

Salama ibn al-Akva' raziyallohu anhu: «Men Paygʻambar alayhissalom birlan birga Qarad kuni gʻazotda boʻldim»,— deydilar.

Abu Muso al-Ash'ariy raziyallohu anhu rivoyat qiladilar: «Biz Paygʻambar alayhissalom birlan birga gʻazotga chiqdik, olti kishi erdik, bittagina tuyamiz bor erdi, ketidan ergashib borar erdik. Oyoqlarimiz qavarib ketgan erdi. Mening ham oyoqlarim qavarib, tirnoqlarim koʻchib ketgandi. Oyoqlarimizga latta oʻrab olgan erdik. Shu boisdan ham bu gʻazot «Zoturriqo'» («Lattali») gʻazot deb nomlandi».

Abu Muso shunday deb rivoyat qildilar-da, soʻng: «Qilgan ishimni aytmasam boʻlar erdi» — dedilar, 6u birlan goʻyoki qilgan amali solihlarini oshkor qilib qoʻyganlari uchun oʻzlaridan norozi boʻldilar.

Solih ibn Xavvot Zoturriqo'da Janob Rasululloh birlan birga gazotda bo'lgan kishidan eshitganlarini bunday deb rivoyat qiladilar: «Payg'ambar alayhissalom shu kuni xavf namozi o'qidilar. Avval bir guruh Janob Rasululloh birlan birga namozga saf tortdi, ikkinchi guruh ersa dushman birlan yuzma-yuz turdi Janob Rasululloh birinchi guruh birlan birga bir rakat o'qib, tik turdilar, qavm ersa o'zi mustaqil ikkinchi rakatni o'qib,

namozni tugatdi. Keyin, ular borib dushman birlan yuzma-yuz turdilar. Shunda ikkinchi guruh kelib Janob Rasulullohga iqtido qildi, ul zot qolgan ikkinchi rakatni oʻqib boʻlib, oʻltirdilar, jamoat ersa oʻzi mustaqil namozni oʻqib tugatdi. Soʻng, Janob Rasululloh ular birlan birgalikda salom berdilar»

Imom Molik: «Xavf namozini mana shu yoʻsinda oʻqimoqlik afzaldir» — deydilar.

Bu yerda yuqoridagi hadis takroran keltirilgan.

Qosim ibn Muhammad rivoyat qiladilar: «Paygʻambar alayhissalom Banu Anmor gʻazoti vaqtida xavf namozi oʻqidilar»

Sahl ibn Abu Xasma (xavf namozini oʻqish tartibi haqida) bunday deydilar: «imom qibilaga qarab tik turadi, shunda bir guruh imom birlan birga namoz oʻqiydi, ikkinchi guruh ersa dushman birlan yuzma-yuz turadi. Imom dastlabki guruh birlan birga birinchi rak'atni oʻqib, oʻrnida tik turadi, qavm ersa oʻzi mustaqil ikkinchi rak'atni tugatgach, dushman roʻparasida turgan ikkinchi guruh birlan oʻrin almashadi. Soʻng, ikkinchi guruh kelib imomning qolgan ikkinchi rak'atiga iqtido qiladi, imom ular birlan namozni tugatib, oʻltiradi, ammo qavm turib ikkinchi rak'atni ham oʻqib, keyin imom birlan birga salom beradi».

Bu yerda yuqoridagi hadis takroran keltirilgan.

Ibn Umar raziyallohu anhu: «Men Rasululloh sallallohu alayhi va sallam birlan birga Najd tomonga gʻazotga bordim. Dushman birlan yuzma-yuz boʻldik, ularning roʻparasida saf tortdik»,— deydilar.

Abdulloh ibn Umar raziyallohu anhu otalaridan nakl hiladilar: «Rasoʻlulloh sallallohu alayhi va sallam ikki guruhdan biriga imomlik qildilar, ikkinchi guruh ersa dushman roʻparasida turdi Bir raka'tdan soʻng, birinchi guruh dushman roʻparasiga borib turdi. Ikkinchi guruh kelgach, Janob Rasululloh ular birlan ham bir rak'at oʻqidilar-da, salom berdilar. Ikkinchi guruh qolgan rak'atni oʻzi oʻqib oldi, soʻng oʻrniga birinchisi kelib, u ham qolgan rak'atni oʻqib oldi».

Jobir ibn Abdulloh raziyallozhu anhuning aytishlaricha, ul kishi ham Janob Rasululloh birlan birga Najd tomonga gʻazotga borib qaytgan erkanlar. Shunda bir daraxtzor vodiyga yetganlarida issiq haddan ortiq kuchayib ketibdi. Janob Rasululloh shu yerda tushibdilar, odamlar ham oʻzlarini daraxtlar soyasiga olishibdi. Janob Rasululloh bir serbarg daraxt tagiga joylashib, qilichlarini shoxga ilib qoʻyibdilar. «Endigina koʻzimiz ilingan erkan,— deydilar Jobir,— shu vaqt Janob Rasululloh bizni chaqirib qoldilar, kelsak, u kishining yonlarida bir badaviy oʻltiribdi. Janob Rasululloh bizga bunday dedilar: «Mana bu odam men uxlab yotganimda qilichimni qinidan sugʻuribdi. Uygʻonsam, qilich yalangʻochlangan, menga: «Seni mendan kim saqlay oladi?!» — deb doʻq urdi. Men unga: «Olloh!» — degan erdim, u yerga oʻltirib qoldi». Janob Rasululloh oʻsha odamni jazolamadilar».

Jobir raziyallohu anhu yana bunday deb rivoyat qiladilar: «Biz Rasululloh sallallohu alayhi va sallam birlan birga Zoturriqo'ga yo'l oldik. Bir sersoya daraxt yoniga yetib kelib, uni Janob Rasulullohga qoldirdik. Shu asnoda bir mushrik kelib qoldi, Janob

Rasulullohning qilichlari ersa daraxt shoxida osigʻliq turar erdi. U qilichni qinidan sugʻirib oldi-da, ul zotga: «Mendan qoʻrqyapsanmi?» — dedi. Ul zot: «Yoʻq»,— dedilar. U: «Mendan seni kim himoya qila olardi?'»—dedi Ul zot: «Olloh'»— dedilar. Keyin, Janob Rasulullohning sahobalari doʻq qilib uni quvib yuborishdi. Birozdan soʻng, namozga (salot ul-xavfga) takbir aytildi. Ul zot bir guruh birlan birga ikki rak'at va yana bir guruh birlan birga ikki rak'at namoz oʻqidilar. Shunday qilib, Janob Rasululloh toʻrt rak'at, qavm ersa ikki rak'at namoz oʻqidi».

Abu Bishr: «Janob Rasulullohga tahdid qilgan kishining ismi G'avras ibn al-Hars boʻlib, u mana shu gʻazotda Muhoribi Xasfa mushriklariga qarshi urushgan»,— deydilar.

Jobir raziyallohu anhu: «Biz Janob Rasululloh birlan birga Naxlda boʻldik, ul zot u yerda xavf namozi oʻqidilar», — deydilar.

Abu Hurayra raziyallohu anhu: «Men Janob Rasulullox birlan birga Najd gazoti vaqtida xavf namozi oʻkidim»,-deydilar. Darhaqiqat, Abu Hurayra Janob Rasulullohning huzurlariga Xaybar kunlari kirib kelgan erdilar.

34-bob. Banu Mustaliq, ya'ni Muraysi' g'azoti haqida

Ibn Ishog: «Banu Mustalig gazoti oltinchi hijriy yilda boʻlgan»,— deydilar.

Muso ibn Uqbaning aytishlaricha ersa, bu gazot hijratning toʻrtinchi yili sodir boʻlgan ermish.

Zuhriy raziyallohu anhuning aytiitaricha, Muraysi' gazoti vaqtida Oisha onamizga tuhmat qilingan erkan.

Ibn Muhayriz bunday deydilar. «Men masjidga kirib Abu Sa'id al-Xudriy raziyallohu anhuni ko'rdim, yonlariga o'ltirdim-da, ayolni homilador qilib qo'ymaslik uchun maniyni tashqariga to'kish haqida suradim. Shunda Abu Sa'id bunday dedilar: «Biz Janob Rasululloh birlan» birga Banu Mustaliq gazotiga chiqdik. Bir necha arab ayollarini asir oldik. Bo'ydoqlik qattiq ta'sir qilib xotinlarni ko'nglimiz tusab qoldi. Biz maniyni tashqariga to'kmoqchi bo'ldigu, ammo: «Janob Rasulullox oramizda mavjud bo'laturib, so'ramasdan bunday qilmaylik!» — dedik-da, ul zotdan shu haqda so'radik. Janob Rasululloh bizga: «Bunday qilmasligingiz lozim, Olloh taolo qiyomatgacha dunyoga keladirgan tirik jonni allaqachon yaratib qo'ygan!» — dedilar».

Jobir ibn Abdulloh rivoyat qiladilar: «Biz Janob Rasululloh birlan birga Najd tomonga gazotga chiqdik. Kun qattiq isib ketib, serdaraxt bir yerga yotganda Janob Rasululloh ulovdan tushdilar. Soʻng, uning soyasiga oʻltirib, qilichlarini daraxt shoxiga ilib qoʻydilar, odamlar ham daraxtlar soyasiga oʻzlarini oldilar. Bir vaqt Janob Rasululloh bizlarni chaqirib qoldilar, borsak, u kishining oldilarida bir badaviy oʻltiribdi. Janob Rasululloh bizga bunday dedilar: «Men uyquda erkanimda mana bu odam kelib qilichimni qinidan sugurib olibdi, men uygonib qarasam, qilich yalangochlab tepamda turgan erkan. U menga: «Seni mendan kim qutqara oladi?!» — dedi. Men unga: «Olloh!»—deb javob berdim. U qilichni qiniga soldi-yu, yerga oʻltirib qoldi, oʻsha mana shu odamdir»,— dedilar. Lekin, Janob Rasululloh unga jazo bermadilar».

35-bob. Anmor g'azoti haqida

Jobir ibn Abdulloh raziyallohu anhu: «Men Anmor gazoti vaqtida Rasululloh sallallohu alayhi va sallamning tuyaga mingan holda yuzlarini mashriq tomonga qarata nafl namoz oʻqiganlarining guvohi boʻlganman»,— deydilar.

36-bob. Tuhmat haqidagi hadis

Al-Ifk va al-Afk soʻzlari an-Najas va an-Najis soʻzlariga muvofiq keladi. Kimki «afakahum» deb ayqa, «ularni iymondan qaytardi, ularni yolgonchi qildi» degan boʻladi, oyatda «Qaytarilgan kishi undan yuz oʻgiradi» deyilgani kabi.

Ibn Shihob ushbu hadisni Urva ibn Zubayr, Sa'id ibn Musayyab, Alqama ibn Vaqqos va Ubaydulloh ibn Abdulloh ibn Utba ibn Mas'uddan nagl giladilar: «Munofiglar paygambarimizning zavjai mutahharalari Oisha raziyallohu anho haqlarida bo'hton to'qidilar, bu bo'hton haqidagi hadisni Urva, Sa'id, Alqama, Ubaydulloh rivoyat qilib berdi. Bularning ba'zilari Oishaning o'zlaridan, ba'zilari ersa roviylardan eshitgan bo'lsada, juda ishonchli qilib aytdi. Men Oishaning o'zlaridan eshitib rivoyat qilgan barcha kishilarning gapiga e'tibor berib quloq soldim, shunda roviylardan eshitib rivoyat qilgan kishilarning gadisi yuqoridagilarning hadisini tasdiq qildi. Ular rivoyat qilishlaricha, Oisha bunday debdilar: «Rasululloh sallallohu alayhi va sallam qachonki safarga borishni xohlasalar, qur'a tashlar erdilar, qur'a qaysi xotinlariga chiqsa, o'sha birlan birga safarga borar erdilar. Banu Mustaliq gazotiga ketayotib ham gur'a tashladilar, shunda gur'a menga chiqdi. men Janob Rasululloh birlan birga safar qildim. Bu vaqtda «Hijob oyati» nozil bo'lgan bo'lib, men tuyaga ortilgan kajavada yurardim. Janob Rasululloh g'azotdan qaytayotib, Madinaga ikki manzil yul qolganda «Karvon dam olsin!» deb izn berdilar. Izn berilgandan so'ng, men kajavadan tushib, lashkardan uzoglashdim-da hojatga o'ltirdim, keyin karvon yoniga kelgach, ko'ksimni ushlasam, ziforiy munchog'im yo'q (Zifor — Yamandagi bir qishloq nomi), uzilib tushib qolibdi. Izimga qaytib borib, munchog'imni qidira boshladim, uni topgunimcha ko'p vaqt ushlanib qoldim. Bu orada karvon jo'naydigan bo'lib qolib, mening kajavamni tuyaga yuklaydirganlar kelib uni yuklab jo'natibdilar, ichida meni bor deb o'ylashibdi. Usha vaqtlarda xotinlar yengil bo'lardi, semirmas erdi, badanlarini qo'sht qoplamas erdi, chunki oz ovqat yer erdi. Shu boisdan kajavani ko'targan kishilar ichida odam bormi, yo'qmi sezmay tuyaga yuklab yuborganlar, buning ustiga men u vaqtda jussasi kichik yosh gizcha erdim. Tuyani haydab, jo'nab ketishavergan. Keyin, men munchog'imni topib, kajavam turgan joyga borsam, lashkar allaqachon jilgan, birorta chaqiruvchi ham, unga javob beruvchi ham qolmabdi. «Men turgan yerimda kugam, ular meni yoʻqligimni bilib, izlab qaytib kelishar» degan umitda erdim. Usha yerda o'ltirib, uxlab qolibman. Safvon ibn Mu'attal as-Sulamiy lashkar ortidan kuzatib boruvchi etib tayinlangan erdi. Bir vaqt kelib qarasa, yerda bir odam uxlab yotibdi. U meni tanib (chunki, u meni hijobga kirmasimdan avval ko'rgan erdi) oldimga kelganda, uyg'onib ketdim, darhol ro'molim birlan yuzimni to'sdim. Olloh taolo haqi, bir og'iz ham so'zlashmadik, uning «Inno lillohi va inno ilayhi roji'uun» (ya'ni, «Hammamiz Ollohning bandasimiz va uning huzuriga qaytib boramiz») degan so'zidan boshqa so'zini eshitmadim. Safvon tezda tuyasini cho'ktirib, oldingi oyog'ini ushlab turdi, men unga minib oldim. Uzi ersa tuyani yetaklab ketdi, kun qizigan paytda lashkar orasiga kirib bordik, ular endigina manzilga yetib olishgan erkan. Shu voqeadan keyin, mening haqimda ba'zi kishilar tuhmat qilib yuzi qaro bo'ldi. Eng katta tuhmatchi Abdulloh ibn Ubay ibn Salul erdi».

Urva bunday deydilar: «Oishaning xabar berishlaricha, Abdulloh ibn Ubay boʻhton tarqatardi, boshqalar shu haqda gapirsa, tasdiqlardi, yanada koʻproq ovoza qilardi. Boʻxtonchilardan faqat Hasson ibn Sobit, Mistah ibn Usosa, Hamna binti Jahshlarning nomi zikr qilingan boʻlib, yana men tanimagan boshqa kishilar ham bor, ammo ular ham yuqoridagilarga qarindosh odamlardir. Olloh taolo oʻz oyatida boʻhtonchilarning kattasi Abdulloh ibn Ubay ibn Salul erkanligiga ishora qiladi Oisha ersalar huzurlarida Hassonni haqorat qilishsa, doimo qarshilik qilib «Hasson mana bu she'rni yozgan kishi'»—der erdilar «Otam birla bobom hamda obroʻyim, Muhammad obroʻyi uchun qalqon erur»

Oisha bunday deydilar: «Men Madinaga kelib, bir oy kasal bo'lib yotib qoldim Odamlar bo'htonchilarning gapiga ishonib, shov-shuv targatishar, men ersam bundan mutlago bexabar erdim. Ilgari kasal bo'lsam, Janob Rasululloh ko'nglimga garab, mehribonlik qilardilar, endi ersa o'sha lutfu marhamatni ko'rmay, o'zimdagi kasallik ustiga shubha ichimni kemirardi Janob Rasululloh har gal huzurimga kirganlarida salom berib «Qalaysan» — deydilar-da, keyin yana qaytib chiqib ketadilar, «Mendan nima yomonlik o'tdi erkan» — deb gumonga botaman Bir oz tuzalganimdan keyin, Ummu Mistah birlan bir kuni hojatxonaga chiqdim Hojatxona uyimizdan uzoqroq boʻlgani uchun faqat kechasi chiqardik. Bu voqea uyimizga yaqin joyga hojatxona qurganimizdan ancha oldin bo'lgan erdi. Chunki, ilgari biz ham qishloqilarga o'xshab yashardik, uyimiz yoniga hojatxona qurishdan jirkanardik. Ummu Mistah Abu Rahm ibn al-Muttalib ibn Abdu Manofning qizi boʻlib, onasi Saxr ibn Omirning qizi — Abu Bakr Siddiqning xolasi erdi. Ummu Mistahning ersa Mistah ibn Usosa ibn Ubod ibn Muttalib degan o'g'li bor erdi. Men Ummu Mistah birlan birga hojatxonadan uyimiz tomon gaytayotgan erdim, Ummu Mistah toyilib ketdi va «Noumid boʻlgur, Mistah» deb oʻz oʻgʻlini gargʻadi Men unga «Nega bunday yomon so'z birla garg'aysan, Badrda ishtirok gilgan mujohidni ham shunday garg'aysanmi "» dedim. Shunda Ummu Mistah «Ey sodda, eshitmadingmi, sening haqingda nima qap aytganini» — dedi Men «Qanday gap aytdi'»—dedim. Ummu Mistah boʻhtonchilarning mening hagimda aytganlarini gapirib berdi. Shundan soʻng, kasalimga kasal goʻshildi. Uyimga qaytib kirganimdan keyin, Janob Rasululloh huzurimga kirdilar-da, menga salom berganlaridan soʻng, odatdagidek «Qalaysan» — deb ahvolimni soʻradilar. Men u kishiga «Ota-onamning oldiga borib kelishimga ijozat berasizmi?» — dedim. Men oʻzim haqimdagi qaplarni ulardan surishtirib bilmoqchi erdim. Rasululloh menga izn berdilar Onamga borib «Ey onajon' Odamlar nimalar deyi-shayotir»—dedim Onam menga «Ey gizalog'im' Parvo gilmagil, xudo hagi, eri yaxshi ko'rgan va kundoshlari bor go'zal ayol haqida koʻpincha odamlar har xil gaplarni chiqarishadi»,— dedilar Men «Subhonalloh, shunday gapni gapirishadimi?» —deb kechasi birlan yigʻlab chiqdim, tong otguncha yoshim ham to'xtamadi, ko'zimga uygu ham kelmadi, yig'lagan holda tong ottirdim. Rasululloh sallallohu alayhi va sallam o'zlariga vahiy kelmay golganda Hazrat Ali va Usoma ibn Zaydni huzurlariga chaqirib, ular birlan oilalaridan ajrash to'g'risida maslahat gildilar. Shunda Usoma ibn Zayd Oishadan bunday yomonlik chigmasligini, uning pok erkanligini aytib «Yo Rasulalloh, oilangizdan ajramangiz, biz uni faqat yaxshi deb bilamiz'»—dedi. Ammo, Hazrat Ali raziyallohu anhu «Yo Rasulalloh, Olloh, taolo sizni xotindan gisgan ermas, undan boshga xotinlar ham koʻp-ku! Joriyani chagirib soʻrangiz, sizga bor haqiqatni aytadi»,— dedilar. Janob Rasululloh (Oishaning xizmat-kori) Burayrani chaqirib «Ey Burayra, sen shubhaga soladirgan biror narsani sezdingmi'»—deb so'radilar Burayra «Sizni payq'ambar qilib yuborgan zotning nomi birlan qasamyod qilurmenki, uni biror gunoh ish qilganini ko'rmadim, buning ustiga u hali juda yosh qizaloq-ku Axir, xamir qorsa ham, charchab uxlab qolib, xamirini qo'y yeb ketadi-yu» —

dedi. Janob Rasululloh bu gapni eshitib o'rinlaridan turdilar-da, minbarga chiqib, Abdulloh ibn Ubaydan uzr talab qildilar va «Ey musulmonlar, oilamga tuhmat qilib menga ozor yetkazgan kishini kim uzr aytkizadi' Olloh taolo hagi, men oilamni yaxshi deb bilaman, yana bir odamga tuhmat qildilarki, u odamni ham yaxshi deb bilaman, u kishi oilam huzuriga qachon kirsa, men birlan birga kirar erdi» — dedilar. Shunda Banu Abdulashhalning birodari Sa'd ibn Ma'oz o'rnidan turib «Yo Rasulalloh, men uni sizga uzr aytkizaman, agar o'sha odam Avs qabilasidan bo'lsa, bo'ynini uzaman' Mobodo u Xazraj gabilasiga mansub birodarlarimizdan bo'lsa, siz nima deb buyursangiz, shuni ado etgaymiz!» —dedi. Shu payt Xazraj gabilasiga mansub bir odam irg'ib turdi, Ummu Hasson ana shu odamning amakisining gizi bo'lib, uning ismi Sa'd ibn Uboda erdi. Xazraj qabilasining boshlig'i bo'lmish bu odam ilgari solih kishi bo'lgan bo'lib, oriyati tutib ketib, Sa'd ibn Ma'ozga «Yolg'on aytayotirsan, Olloh taolo hagi, uni o'ldirolmaysan, o'ldirish qo'lingdan kelmagay, agar u o'z qavmingdan bo'lganida erdi, o'limini xohlamagan bo'lar erding»—deb baqirdi. Shunda Sa'd ibn Ma'ozning amakivachchasi Usayd ibn Hazir o'rnidan turib, Sa'd ibn Ubodaga «Uzing yolg'onchi erursan, Olloh taolo hagi, uni o'ldirgaymiz, sen g'irt munofigdursan munofiglarning yonini olayotirsan» — dedi. Natijada ikki gabila — Avs va Xazraj gizishib ketib, bir-birini o'ldirishga gasd gilib goldi. Janob Rasululloh ersalar hanuz minbar ustida turardilar. Nihoyat, ul zot ikki gabila o'rtasidagi alangaga suv quyib tinchlantirdilar. Men shu kuni kechgacha yig'ladim, ko'zimga uygu kelmadi, hatto yig'i jigarimni ezib yuborgan-dek bo'ldi, men yig'lardim, ota-onam ersalar yonimda o'ltirardilar. Shu payt bir ansoriya ayol kelib, ruxsat so'rab ichkariga kirdi, u ham menga qo'shilib yig'lay boshladi. Biz shu holatda erdik, Janob Rasululloh kirib keldilar, salom bergach, o'ltirdilar. Ul zot menga tuhmat gilingandan buyon yonimga o'ltirmay qo'ygan erdilar. Bir oy bo'layotirki, u kishiga mening haqimda biror vahiy kelmadi. Janob Rasululloh yonimga o'ltirayotib kalimai shahodatni aytdilar, keyin menga: «Ey Oisha, sening hagingda menga bunday va bunday xabar yetdi, agar sen pok bo'lsang, Olloh taolo seni tez kunda bu tuhmatdan xalos qilgay, basharti biror gunoh qilgan bo'lsang, Ollohga istig'for ayt, tavba qil, chunki banda o'z gunohini e'tirof gilib, tayba gilsa, Olloh taolo uning taybasini albatta gabul gilgay!» — dedilar. Janob Rasululloh shu qaplarni aytib bo'lganlaridan keyin, birdan ko'z yoshim qurib, bir qatra ham yosh chiqmay qo'ydi. Shunda men otamga: «Mening nomimdan Janob Rasulullohga siz javob qilingiz!» — dedim. Otam. «Janob Rasulullohga men nima deyman?» dedilar. Onamga: «Boʻlmasa, siz javob beringiz!» — dedim. Onam ham: «Janob Rasulullohga nima ham derdim» — dedilar. Shundan soʻng, oʻzim: «Men yoshman, hali Qur'ondan ko'p sura yod olganim yo'q, lekin men, Olloh taolo haqi, aniq bildimki, sizlar eshitgan mazkur tuhmat dilingizga qattiq o'rnashib olibdi, unga ishonch ham hosil qilibsizlar. Agar men: «Bunday ishni qilganim yoʻq»,— desam, sizlar baribir ishonmaysizlar, ammo Olloh taolo mening pokligimni bilib turibdi. Vaholanki, sizlar o'zim qilmagan qunohni e'tirof qilsam, ishonasizlar. Shunday erkan, Olloh taolo haqi, men sizlar birlan o'zim o'rtamdagi voqeani Yusuf birlan uning otasi o'rtasidagi voqeaga taqqoslayman-da, «Sabr goʻzaldur, Olloh oʻzingiz ta'riflaganingizdek, madadkordur!» degan oyati karimadan bo'lak o'zimga yupanch topolmayman!» — dedim-da, teskari o'girilib, to'shagimga yotib oldim. «Olloh taolo mening pokligimni yaxshi bilur, u albatta meni bu tuhmatdan xalos qilgay!» — der erdim. Ammo, men Olloh taoloning mening haqimda oyat nozil qilajagini bilmas erdim, chunki «Men bunga arzimayman, yaxshisi Janob Rasululloh tush koʻrsalar-u, tushlarida mening pokligim ayon qilinsa!» — der erdim. Buni garangki, Janob Rasululloh joylaridan jilmaslaridan turib, oila a'zolarimdan birortasi tashqariga chiqib ulgurmay turib, Olloh taolo ul zotga vahiy nozil qilib qoldi.

Vahiyning yukidan Janob Rasulullohning badanlari bezgak tutgandek titrab, vujudlaridan marjon-marjon ter oqdi.

Janob Rasululloh vahiy qabul qilib olganlaridan soʻng, menga kulib qaradilar va eng dastlab aytgan soʻzlari shu boʻldiki. «Ey Oisha! Olloh taolo sening pokligingni xabar qildi»,— dedilar. Shunda onam menga- «Turib, Rasulullohga qulluq qil!»— dedilar. Men ersam «Yoʻq, Olloh taolo haqi, men bu kishiga turib qulluq qilmayman, balki Olloh taoloning o'ziga hamd aytaman!»—dedim Olloh taolo «Innallaziyna jo'u bil-ifki usbatun minkum» (ya'ni, «Bo'hton to'quvchilar o'zlaringizning garindoshlaringizdur») deb boshlanadirgan jami o'nta oyat nozil qilgan erdi. Olloh mening pokligim haqidagi ana shu oyatlarni nozil qilgach, otam «Olloh haqi, Oishaga tuhmat qilgani uchun bundan buyon Mistahga bir chaqa ham bermayman!»—dedilar. Shunda Olloh taolo ushbu oyatni nozil qildi: «Oralaringizdagi fazlu saxovat egalari o'z qarin-doshlariga, miskinu muhojirlarga mablag' birla yordam qilmaslikka ont ichmasinlar, ularning gunohlarini avf qilsinlar, do'stlashsinlar! Ollohning sizlarni mag'firat qilmog'ini istamaysizlarmi? Olloh qunohlarni kechiruvchi, mehribon zotdur!». Bu oyatni eshitib, otam Abu Bakr: «Olloh taolo hagi, albatta men Ollohning meni mag'firat qilmog'i-ni istayman!»—dedilar, so'ng Mistahga ilgarigidek yana yordam bera boshladilar-da: «Olloh haqi, men bu yordamimni umrim boricha toʻxtatmayman» — dedilar. Janob Rasululloh mening haqimda Zaynab binti Jahshdan: «Oisha haqida nima bilasan yoki koʻrgansan?» — deb soʻrabdilar: «Ey Ollohning rasuli, men qulog'im birlan ko'zimni doim ehtiyot qilurman, Oishani ersa faqat yaxshi deb bilurman'»— debdi. Zaynab doimo meni Janob Rasulullohning boshqa xotinlaridan himoya gilib yurar erdi, buning uchun Olloh taolo uni taqvodor gilib, yomon ishlardan sagladi. Uning singlisi Hamna binti Jahsh ersa doim onasi birlan urushib yurardi, Olloh uni ham bo'htonchilarga qo'shib sharmanda qildi».

Ibn Shihob: «Bo'htonchilar haqidagi hadis mana shundan iboratdur»,— deydilar.

Urva rivoyat qiladilar: «Boʻhtonchilardan biri: «Subhonalloh, meni yaratgan parvardigorim haqi, bundan buyon hech qachon ayolni malomat qilmayman!» —dedi. «Ozgina vaqtdan keyin shu kishi Olloh yoʻlida shahid boʻlib ketdi»,— deydilar Oisha onamiz»

Zuhriy rivoyat qiladilar: «Menga Valid ibn Abdulmalik «Eshitdingmzmi' Ali ham Oishani xaqorat kilgan kishilar ichida bor erkan»,— dedi. Men: «Ioʻq, lekin sizning qavmingizdan ikki kishi — Abu Salama ibn Abdurrahmon va Abu Nakr ibn Abdurrahmon ibn al-Harsning menga xabar berishlaricha, Oisha raziyallohu anho ularga: «Ali mening haqimda xech narsa demagan»,— debdilar»,— dedim». Bu masala xaqida Zuhriydan qayta soʻralganda, u kishi Validning gapi xato erkanligini, Hazrat Ali Oisha xaqlarida boʻhton qilmaganliklarini aytgan. «Asl ul-Atiq» kitobida ham shunday deb rivoyat qilingan.

Oisha raziyallohu anhoning onalari Ummu Rumon bunday deb rivoyat hilidilar: «Men Oisha birlan birga oʻltirgan erdim bir ansoriya ayol kirib keldi-da: «Falonchining Olloh taolo jazosini bersin!» — deb qayta-qayta qargʻandi.

Nechun qargʻayotirsiz?» — deb soʻradim. Ayol: «Ugʻlim igʻvogarlarga koʻshilib qolibdi»,— dedi. «Qanday igʻvo?» — deb soʻradim. Shunda ayol Oisha haqida toʻqilgan, hammaga tarqalgan boʻhton haqida soʻzlab berdi. Oisha: «Bu gapni Janob Rasululloh ham eshitganmilar?»—deb soʻradi. Ayol:

«Ha», - dedi. Oisha: «Abu Bakr Siddiq ham xabardordirdirlar?»~dedi. Ayol. «Ha, xabardorlar»,— dedi. Bu gapni yeshitgach, Oisha behush boʻlib yiqildi. Uzoq yotib, koʻzini ochganda qattiq isitma butun vujudini titratar erdi. Men UNI qalin libosi birlan oʻrab qoʻydim. Janob Rasululloh kelganlarida: «Yo Rasulalloh, uni bezgak tutib, isitma olayotir!»— dedim. «Anavi gaplarni eshitgandur-da?!» — dedilar Janob Rasululloh. «Ha, eshitdim!» — dedi Oisha va oʻrnidan turib oʻltirdi, keyin: «Olloh taolo haqi, qasam ichganim birlan menga ishonmagaysizlar, uzrimni ayqam, qabul qilmagaysizlar, men birlan sizlar Yaʻqub birlan uning oʻgʻillariga oʻxshaymiz, Olloh taolo: «Olloh oʻzingiz ta'riflagaiingizdek, madadkordur!» — deganku!» — dedi. Janob Rasulullox bu gapni eshitib, indamay chiqib ketdilar. Olloh taolo oyat nozil qilib, Oishaning pokdomon erkanligini xabar qildi. Shunda Oisha Janob Rasulullohga: «Men buning uchun biror kishiga, hatto sizga ham minnatdorchilik bildirmayman, faqat Olloh taologa shukr qiliman.

Ibn Abu Mulayka bunday deydilar: «Oisha raziyallohu anho oyatdagi «Iz talaqqavnahu bi-alsinatikum» («Vaqtiki sizlar tillariigiz ila uni naql qilur erdingizlar...») degan soʻzlarni «Iz taliquunahu bi-alsinatikum...» («Vaqtiki sizlar tillaringiz ila unga tuhmat qilishingizni quymas erdingizlar ...» deb qiroat qilar erdi-da, «Al-Valqu al-kazibu» («Al-Valq tuhmatdir») deb qoʻyar erdi».

Ibn Abu Mulayka: «Oisha tuhmat haqidagi oyatlarni boshqalardan koʻra yaxshiroq bilur erdi, chunki bu oyatlar uning xususida nozil boʻlgan erdi-da!»—deydilar.

Urva ibn Zubayr bunday deydilar: «Men Oishaning huzurida Hassonni soʻka boshladim, Oisha meni qaytarib, bunday dedi: «Soʻkma uni, chunki Hasson Janob Rasulullohning obroʻlarini himoya qilib she'r yozadi. Bir kuni Hasson Janob Rasulullohdan mushriklarni hajv qilmoqqa ruxsat soʻradi. Janob Rasululloh: «Quraysh mushriklarini hajv qilayotganingda mening nasabimga ham til tekkizursanmi?»— dedilar. Hasson: «Sizni ular orasidan hamirdan qil sugʻurgandek ajratib olgayman!» — deb javob berdi».

Hishom otalari Urvadan nakl qiladilar: «Men Hassonni soʻkkanman, chunki u Oishaga eng koʻp boʻhton qilgan kishi erdi».

Masruqdan nakl qilinadi: «Biz Oishaning huzuriga kirsak, Hasson ibn Sobit yonida oʻltirib, unga bagʻishlagan quyidagi she'rini oʻqib berayotgan erkan: «Hayolidur, vafolidur, iboli. Sira bilmas nadur igʻvo xayoli!»

Hasson yuqoridagi baytni oʻqib boʻlishi hamonoq, Oisha unga: «Ammo, oʻzing shunday odam ermassan!»—dedi. Men Oishaga: «Nima uchun huzuringizga kirmoqqa unga ijozat berdingiz? Axir, Olloh taolo: «Pokdomon ayollarga tuhmat qilib, oʻziga katta gunoh orttirgan kishiga qattiq azob bordur!» — degan-ku?!» — dedim. Oisha: «Koʻr boʻlib qolmoq-dan ortiqroq azob bormi?!» — dedi (Hasson koʻr boʻlib qolgan erdi). Keyin, Oisha: «Ilgarilari u Janob Rasulul-lohning obroʻlarini himoya qilib mushriklarni hajv qilur erdi»,— deb qoʻydi».

37-bob. Hudaybiya gʻazoti hamda Olloh taoloning «Olloh taolo daraxt tagida sizga bay'at qilgan moʻminlardan rozi boʻldi» degan oyati karimasi haqida

Zayd ibn Xolid aytadilar: «Biz Hudaybiya yili Janob Rasululloh birlan birga safarga chiqdik. Tunlardan birida yomgʻir yogʻdi. Janob Rasululloh ertalab bomdodni oʻqiganlaridan soʻng, yuzlarini bizga qaratdilar-da: «Bilasizlarmi, parvardigoringiz nima deyayotir?»—dedilar. Biz: «Olloh va uning rasuli bilur»,— dedik. «Olloh aytur-ki,— dedilar Janob Rasululloh,— bandalarim ikki toifaga boʻlindi, biri — menga iymon keltirganlar va yana biri — kofir boʻlganlar. Qaysi bandam: «Bizga yomgʻir Ollohning rahmati, rizqi va fazli sababidan yogʻdi»,— desa, menga iymon keltirgan kishidur. Agar: «Falon yulduz sababli yogʻdi»,— desa, yulduzga iymon keltirib, menga kofir boʻlgan kishidur».

Anas ibn Molik raziyallohu anhu xabar beradilar: «Janob Rasululloh toʻrt marta umra qilganlar, uchtasi zulqa'da oyida boʻlib, (zulhijja oyida) bir marta haj birlan birga umra ham qilganlar. Zulqa'da oyida qilgan umralari — Hudaybiya umrasi, kelgusi yildagi umralari, Ji'rona umrasi (bu yerda Hunayn gʻazotida olingan oʻljalar taqsimlangan erdi) va oxirgisi haj birlan birga qilgan umralaridir».

Abdulloh ibn Abu Qatoda otalaridan naql qiladilarki, otalari bunday degan erkanlar: «Biz Rasululloh sallallohu alayhi va sallam birlan birga Hudaybiya yili (Makka tomon) yoʻlga chiqdik, barcha sahobalar ehrom kiyib olishgan, men ersam ehrom kiymagan erdim».

Barro raziyallohu anhu bunday deydilar: «Sizlar fath deb Makka fathini aytasizlar, darhaqiqat Makka fathi ham fathdur, ammo biz Hudaybiya kunidagi Bay'atur-rizvonni fath deb ataymiz. Payg'ambar alayhissalomni qo'shib hisoblasak, bir ming to'rt yuz kishi erdik. Xudaybiya bir quduq bo'lib, biz uning suvini oxirgi qatrasigacha qo'ymay tortib oldik. Janob Rasululloh buni eshitib keldilar-da, quduqning labiga o'ltirdilar, keyin bir idishda suv so'radilar, u birlan tahorat qildilar, og'iz chayqadilar, qolganini duo o'qib quduqqa quydilar. Bir oz muddat kutdik, keyin quduqdan o'zimiz ham, otlarimiz ham qonadirgan miqdorda suv chiqdi».

Bu yerda yuqoridagi hadis takroran keltirilgan. Jobir raziyallohu anhu rivoyat qiladilar: «Hudaybiya kuni odamlar tashna boʻldilar, Rasululloh sallallohu alayhi va sallamning oldilarida bir idishda suv boʻlib, tahorat qildilar. Odamlar Janob Rasulullohning qoshlariga kelishdi, ul zot ulardan: «Ne ishingiz bor?» — deb soʻradilar. Odamlar: «Yo Rasulalloh! Tahoratga ham, ichishga ham qoʻlingizdagi suvdan boʻlak suv yoʻqdur»,— deyishdi. Shunda Janob Rasululloh panjalari birlan idish ogʻzini yopib erdilar, barmoqlari orasidan buloq yangligʻ suv qaynab chiqa boshladi. Undan hammamiz toʻyib ichdik, tahorat ham qilib oldik».

Solim raziyallohu anhu: «Men Jobirdan: «Usha kuni necha kishi erdingizlar?» — deb soʻrasam, u: «Agar yuz ming kishi bulganimizda ham hammamizga yetar erdi, biz ersak oʻshanda bir ming besh yuz kishi erdik»,— dedi»,— deydilar.

Qatoda raziyallohu aihu rivoyat qiladilar: «Men Sa'id ibn Musayyabga: «Eshitishimcha, Jobir Hudaybiyada bir ming to'rt yuz kishi bo'lganliklarini aytibdi»,— dedim. Sa'id menga: «Jobirning menga aytishicha, Hudaybiya kuni payg'ambarimizga bay'at qilgan kishilarning soni bir ming besh yuz kishi bo'lgan»—dedi».

Jobir raziyallohu anhu rivoyat qiladilar: «Hudaybiya kuni Rasululloh sallallohu alayhi va sallam bizga: -Sizlar yer yuzi ahlining eng yaxshisidursizlar»,— dedilar. Biz oʻshanda bir

ming to'rt yuz kishi erdik. Agar hozir ko'zim ochiq bo'lganda, o'sha tagida bay'at qilingan daraxtni ko'rsatar erdim».

Abdulloh ibn Abu Avfo rivoyat qiladilar: «Daraxt tagida bay'at qilgan kishilarning soni bir ming uch yuz kishi erdi. Aslam qabilasi muhojirlarning sakkizdan bir qismini tashkil qilardi».

Daraxt tagida bay'at qilganlardan biri bo'lmish Mirdos al-Aslamiy: «Yaxshi odamlar birin-ketin bu dunyodan o'tib ketyaptilar. Xurmo va arpaning chiqiti tagida qolgandek, Olloh taolo huzurida e'tibori yo'q kishilar qolyapti»,— deydilar.

Marvon va Misvar ibn Maxrama rivoyat qiladilar: «Paygʻambar alayhissalom bir ming qanchayam ashoblari birlan Hudaybiya kuni yoʻlga chiqdilar. Zulhulayfa degan joyga kelganda qurbonlikka atalgan tuyalari boʻyniga qurbonlik erkanligini anglatadirgan nishon osib hamda oʻrkachini qonatib qoʻydilar. Keyin, shu yerda turib ehrom bogʻladilar».

Ali ibn Abdulloh rivoyat qiladilar: «Men bu hadisni Sufyondan necha marta eshitganman, hatto u kishi: «Qonatiladirgan va nishon osiladirgan joyning qaerda erkanligini Zuhriydan eshitdi-mu, ammo eslab qololmadim»,— deb aytgandilar».

Abdurrahmop ibn Abu Laylo Ka'b ibn Ujra haqida bunday deb rivoyat qiladilar: «Janob Rasululloh uning boshidagi bitlar yuziga oʻrmalab tushayotganini koʻrib: «Bu jonivorlar seni qiynayaptimi?»—deb soʻradilar. Ka'b: «Ha»,— degandan keyin, Janob Rasululloh unga sochini oldirib tashlashni buyurdilar. Shunda u Hudaybiyada turgan erdi. Janob Rasululloh boshqa sahobalarning ham shu yerda ehromdan chiqish yoki chiqmasliklari haqida aniq bir gap aytmadilar, sahobalar Makkaga kirish niyatida erdilar. Shu asnoda Olloh taolo fidya (jarima, tovon) haqida oyat nozil qildi. Janob Rasululloh Ka'bga bitlab ketgani uchun olti miskinning qornini toʻygʻazishni yoki bir qoʻy qurbonlik qilishni yohud uch kun roʻza tutishni amr qildilar».

Yazid ibn Aslamning otalari rivoyat qiladilar: «Men Umar ibn al-Xattob raziyallohu anhu birlan birga bozorga chiqdim. Shunda Hazrat Umarga bir yosh ayol duch kelib « Ey moʻminlar amiri' Erim halok boʻldi, bir necha sagʻir goʻdaklar birlan qoldim. Olloh taolo haqi, ularga berishga na suyak-saloq na don-dun va na sut yoʻq, (erkagim yoʻqligidan) ularni qashqirlar yeb ketmasaydi, deb qoʻrqaman Otam Janob Rasululloh birlan birga Hudaybiyada boʻlganlar, men Xufof ibn Aymo al-Gʻiforiyning qiziman»,— dedi Hazrat Umar ayol birlan biroz suhbatlashgandan keyin, «Oʻz qarindoshing oldiga xush kelibsan» deb uylari yonida bogʻliq turgan bahaybat tuyalari oldiga bordilar-da unga yeguliklar toʻla ikki meshni yukladilar, meshlar orasiga kiyim-kechak va pul ham joyladilar, soʻng tuyaning tizginini ayol qoʻliga tutqazib «Tuyani yetakla, Olloh taolo biror xayriyat yuborguncha senga yetib turadi'»—dedilar. Shunda bir kishi «Ey amiralmu'minin, unga koʻp narsa berib yubordingiz!» —dedi.

Hazrat Umar «Ey onang sendan ajrab qolgur Olloh taolo haqi, men bu ayolning otasi birlan akasining bir necha vaqt qoʻrgʻonni qamal qilib, soʻng uni fath qilishganini koʻrganman Biz oʻsha ikkovining nasibasidan bu ayolga ozgina berdik, xolos», - dedilar».

Sa'id ibn al-Musayyabning otalari «Tagida bay'at qilingan daraxtni ko'rgan erdim, keyin o'sha daraxtni qidirib topolmadim», - deydilar. Imom Buxoriy «Mahmud ham «Usha daraxt yodimdan chiqartirildi» deb aytgan»,— deydilar (Sahobalar Hudaybiyada bir katta daraxtnish ostida Janob Rasulullohning qo'llariga qo'llarini qo'yib, «Hayotimning oxirigacha sizga itoat qilurman, Olloh taolo nimani buyurgan ersa, ado qilurman, nimadan qaytargan ersa undan saqlanurman » deb bay'at qilgan bo'lib, bu bay'at Bai'aturrizvon deb ataladi Keyinchalik, bu daraxt Olloh taolo tomonidan sahobalarning eslaridan chiqarilgan, chunki Janob Rasulullohdan keyin musulmonlar mazkur daraxtni muqaddas bilib, uni tavof qilib, yo'ldan ozib ketishlari mumkin erdi).

Toriq ibn Abdurrahmon bunday deydilar «Men haj safariga ketayotgan erdim, yoʻlda namoz oʻqiyotgan bir qavmni koʻrdim. Odamlardan «Bu qanday (masjid) sajdagoh» — deb soʻradim. Ular «Bu Janob Rasululloh tagida sahobalarni bayʻat qildirgan oʻsha daraxtdir»,— deyishdi Soʻng, men Sa'id ibn Musayyabning huzuriga borib, buni aytgan erdim, u «Otam oʻsha daraxt tagida bayʻat qilgan sahobalardan biri boʻlganlar, u kishi menga «Bayʻatdan bir yil keyin, biz qaytib borib oʻsha daraxtni qidirdik, lekin eslay olmadik, Olloh taolo uni topishga imkon bermadi»,— deb erdilar. Muhammad sallallohu alayhi va sallamning sahobalari topolmagan daraxtni sizlar topgan boʻlsangizlar, unda sizlar oʻta «bilimdon» boʻlib ketibsizlarku!»- dedi kesatib.

Bu yerda yuqoridagi hadis takroran keltirilgan.

Toriq bundai deydilar «Sa'id ibn Musayyabning oldida mazkur daraxt haqida gapirildi. Shunda Said kuldi-da: « Mening otam o'sha bay'atda qatnashgan erdilar, bu haqda menga gapirib bergan erdilar», — dedi».

Daraxt tagida bay'at qilganlardan biri bo'lmish Abdulloh ibn Abu Avfo rivoyat qiladilar «Rasululloh sallallohu alayxi va sallamning odati shariflari shunday erdiki, agar u kishiga biror qavm sadaqa olib kelsa, «Ey Olloh, bularni o'zing yarlaqagaysan! — derdilar Chunonchi, mening ogam u kishiga sadaqa. olib kelganlarida «Ey Olloh, Abu Avfoning oilasini O'zing yarlaqagaysan'» — deb duo qildilar»

Ibod ibn Tamim rivoyat qiladilar: «Harra kuni odamlar Abdulloh ibn Hanzalaga bay'at qildilar, shunda Abdulloh ibn Zayd ibn Osim Nechun odamlar Ibn Hanzalaga bay'at qilayotirlar?» — deb soʻradi Odamlar «Ulimga» — deyishdi. Ibn Zayd Men Janob Rasulullohga shunday deb bayat qilganman, endi hech kimga bundan deb bay'at qilmagaiman'» — dedi. U Janob Rasululloh birlan birga Hudaibiyada qatnashgan erdi.

Daraxt tagida bay'at qilganlardan boʻlmish Salama ibn al-Akva' «Biz Paygʻambar alayhissalom birlan birga juma namozini oʻqib uy-uyimizga tarqab ketar erdik. Usha vaqtlarda kunning nihoyatda . tikligidan devorlarning soyasi boʻlmas, oʻzimizni soyaga ololmas erdik», — deydilar.

Yazid ibn Abu Ubayd rivoyat qiladilar: «Men Salama ibn al-Akva'dan «Hudaybiya kuni Janob Rasulullohga nima uchun bay'at qildingizlar» — deb soʻradim. U kishi menga «Ulimga», — deb javob berdilar».

Musayyab ibn Rofi' bunday deydilar: «Men Barro ibn Ozibga duch kelib, u kishiga «Baraka topingiz, Janob Rasulullohga sahobiy boʻldingiz, daraxt tagida u kishiga bay'at

qildingiz » — dedim Shunda Barro «Ey jiyanim, Janob Rasulullohdan soʻng qanday fitnalar sodir boʻlganidan siz bexabarsiz» — dedilar»

Abu Qiloba rivoyat qiladilar «Sobit ibn Zahhokning uzi aytishicha, u ham Janob Rasulullohga daraxt tagida bay'at qilganlardan erkan».

Anas ibn Molik raziyallohu anhu bunday deydilar «Olloh taoloning «Inno fatahno laka fathan mubiynan'», ya'ni «Darhaqiqat, biz sizga ulugʻ bir fathni muyassar qildik » degan soʻzidagi fath (gʻalaba) Hudaybiyada muyassar buldi. Bu oyat nozil boʻlganda sahobalar «Muborak boʻlsin Muborak boʻlsin! Olloh taolo bizga yana ne va'da qildi?» — deyishdi. Shunda Olloh taolo «Moʻminlar birlan moʻminalarni tagidan anhorlar oqib turadirgan jannatlarga kiritadi!» degan oyatni nozil qildi».

Sho"ba bunday deydilar: «Men Kufaga kelib: «Bu hadisning barchasini Qatoda rivoyat qilganlar»,— dedim. Keyin, qaytib kelib Qatodaga aytganimda, u kishi: «Inno fatahnoni Anas ibn Molikdan, «Haniy'an, mariy'an»ni Ikrimadan eshitganman»,— dedilar».

Majza'a ibn Zohir al-Aslamiy daraxt tagida bay'at qilganlardan boʻlmish otalaridan naql qilib bunday deydilar: «Men eshak goʻshti solib pishirilayotgan qozon tagiga oʻt qalayotgan erdim. Shu payt Janob Rasulullohning jarchilari: «Janob Rasulullox eshak goʻshtini sizlarga man' etdilar!» — deb qichqirib qoldi».

Majza'a daraxt tagida bay'at qilganlardan boʻlmish Aslam qabilasiga mansub bir sahoba haqida soʻzlab: «Uning otasi Ahbon ibn Avsning tizzasi ogʻrir erdi, har vaqt sajda qilayotganida tizzasi ostiga yostiq qoʻyib olar erdi»,— deydilar.

Daraxt tagida bay'at qilganlardan biri Suvayd ibn Nu'mon: «Janob Rasululloh va ul zotning ashoblariga talqon keltirildi, uni ogʻizlariga solib shimib oʻltirishdi», — deydilar.

Abu Jamra bunday deydilar- «Men Janob Rasulullohning Bay'aturrizvonda qatnashgan ashoblaridan bo'lmish Oiz ibn Amrdan: «Kechaning boshida vitr o'qigan odam sahar paytida ham vitr o'qisa, bo'ladimi?» — deb so'raganimda, u kishi: «Agar kechaning boshida vitr o'qigan bo'lsang, oxirida vitr o'qima» —dedilar».

Zayd ibn Aslam otalaridan naql qiladilar: «Rasululloh sallallohu alayhi va sallam safarlaridan birida yoʻlda ketayotgan erdilar. Umar ibn al-Xattob Janob Rasulullohdan bir narsa haqida soʻradilar, ul zot javob bermadilar, ikkinchi marta soʻradilar, yana javob bermadilar. Hazrat Umar bunday deydilar: «Men oʻzimga oʻzim: «Onang seni yoʻqotib qoʻygur, ey Umar! Sen surbetlik birlan uch marta Janob Rasulullohdan soʻrading, u kishi javob bermadi-lar»,— deb tuyamni tezlatib, sahobalarning oldiga oʻtdim, mening haqimda oyat nozil boʻlib qolmasa erdi, deb qoʻrqdim. Shu payt meni bir kishi qattiq ovoz birlan chaqirib qoldi. Shunda. «Mening haqimda oyat nozil boʻlib qolmasa erdi, deb aytmabmi erdim!»— dedim-da, Janob Rasulullohning yonlariga kelib, u kishiga salom berdim. Janob Rasululloh menga: «Bu kecha menga bir sura nozil boʻldi,,u quyosh yoritib turgan mana shu dunyodan menga mahbubroqdur!»— dedilar Keyin, «Inno fatahno laka fathan mubiynan!» deb qiroat qildilar».

Misvar ibn Maxrama va Marvon ibn Hakamdap naql qilinadi: «Rasululloh sallallohu alayhi va sallam Hudaybiya yili ashoblaridan bir ming qanchayam kishi birlan birga yo'lga chiqdilar. Zulhulayfa degan joyga kelganda gurbonlikka atalgan tuyalari bo'yniga nishon osib, keyin o'rkachidan qon chiqardilar va umraga ehrom bog'ladi-lar. Oldinga ayg'oqchi yuborib, oʻzlari boshqalar birlan birga yoʻlda davom etdilar. Gʻadiyr ul-Ashtotga yetganlarida josus qaytib kelib: «Quraysh sizga qarshi odam toʻplayotir, turli qabilalardan ko'plab kishilar yig'ilayotir, ular siz birlan urishib, sizni Baytullohga kiritmoqchi ermaslar»,— dedi. Janob Rasululloh: «Ey odamlar. menga yoʻl ko'rsatingizlar! Mening Baytullohga kirishimga to'sginlik giladirganlarning xotinu bolachaqalarini qo'lga olsam, nima deysizlar? Agar ular yaxshilikcha taslim bo'lib oldimizga kelsalar, xo'b-xo'b, basharti kelmay dushmanchilik qilsalar, unda Olloh taolo allaqachonlar mushriklardan ko'z yumgan (yuz o'girgan) bo'lib, biz ularni xonavayron qilib ketgaymiz!» — dedilar. Shunda Abu Bakr Siddiq: «Ey Ollohning rasuli, mana shu Baytullohni tavof qilmoq niyatidagina yo'lga chiqqansiz, ularning birortasini o'ldirish yoki birortasi birlan urushish uchun chiqmagansiz, shuning uchun Ka'baga garab yuraveringiz, agar bizni Ka'baga ko'ymasalar, unda urishaveramiz!»— dedilar. Janob Rasululloh (maslahatga ko'nib): «Olloh taolo ismini aytib, ildam yuraveringizlar!» —deb amr qildilar».

Misvar ibn Maxrama va Marvon ibn Hakamlar «Hudaybiya umrasi» vaktida boʻlgan voqealardan yana birini rivoyat giladilar: «Rasululloh sallallohu alayhi va sallam birlan Suhayl ibn Amr o'rtasida ma'lum muddatli sulh tuzilganda, Suhayl «Biz tarafdan biror kishi siz tomonga qochib o'qa, agar u musulmon bo'lsa ham, bizga qaytarasiz, biz u qochoq birlan o'zimiz qaplashib olamiz, siz aralashmaysiz» degan shartni qo'ydi. Janob Rasululloh e'tiroz bildirganlarida, Suhayl: «Shunga rozi bo'lsangiz, mayli, bo'lmasa yo'q!» — dedi. Ul zot darg'azab bo'ldilar, shartni yumshatishga ko'p urindilar. Lekin, Suhayl shartni yumshatishdan bosh tortgandan soʻng, Janob Rasulullohning sulhni imzolashdan boshqa ilojlari qolmadi. Endigina imzolangan shartnomaga binoan Janob 'Rasululloh Abu Jandal ibn Suhaylni darhol otasi Suhayl ibn Amrga topshirdilar. Janob Rasululloh o'sha shartlashilgan muddat davomida mushriklar tomonidan o'zlari tarafga o'tib kelgan har Qanday erkakni, musulmon bo'lsa-da, orqasiga qaytarib yubordilar. Keyin, mo'mina ayollar hijrat qilib kelib qolishdi. Ular birlan Ugba ibn Abu Mu'aytning Ummu Gulsum ismli qizi ham Janob Rasulullohning huzurlariga kelgan bo'lib, u bo'yi yetgan, lekin erga chiqmagan qiz erdi. Uning qarindoshlari Janob Rasulullohning qoshlariga kelib, uni qaytarib berishni talab qilishdi, shu vaqtda mo'mina ayollar haqida Olloh taolo oyat nozil qilib qoldi».

Oisha raziyallohu anho bunday deydilar: «Rasululloh sallallohu alayhi va sallam hijrat qilib kelgan moʻmina ayollarni ular xususida nozil boʻlgan «Ey Muhammad, agar qoshingizga moʻmina ayollar kelsalar, sizga bay'at qiladilar» degan oyatga binoan imtihon qilib koʻrur erdilar».

Nofi' bunday deydilar: «Abdulloh ibn Umar fitna sodir boʻlgan kunlari umraga ehrom bogʻlab chiqib: «Agar Baytullohga kiritmasalar, Janob Rasululloh kilgan ishlarini qilamiz!» — dedi. Shuning uchun ham Abdulloh Janob Rasululloh Hudaybiyada qilganlaridek umraga talbiya aytib chiqdi».

«Ibn Umar,— deydilar Nofi',— baland ovoz birlan umraga talbiya aytib chikdi-da: «Agar men birlan Ka'ba o'rtasida (kofirlar) turib olishsa, Hudaybiyada Quraysh yo'lni to'sganda

Janob Rasululloh ne qilgan boʻlsalar, men ham shunday qilaman!» — dedi, keyin «Batahqiq, sizlar uchun Rasulullohda yaxshi ibrat mavjud» degan oyati karimani oʻqidi».

Ubaydulloh ibn Abdulloh va Solim ibn Abdulloh otalari Abdulloh ibn Umarga: «Agar bu yil ham haj qilsangiz, qoʻrqamizki, Baytullohga yetolmay qolasiz, chunki mushriklar yoʻlni toʻsib qoʻyishlari mumkin»,— deyishdi. Shunda Abdulloh ibn Umar: «Biz Janob Rasululloh birlan birga umra qilgani chiqqan erdik, Quraysh kofirlari Baytullohning yoʻlini toʻsib qoʻydi. Janob Rasululloh darhol jonliqni soʻydilar, sochlarini oldirdilar, ashoblari ham sochlarini qisqartirishdi. Sizlar guvoh boʻlingizlar, men ham umrani niyat qildim. Agar yoʻl ochiq boʻlsa, Ka'bani tavof qilaman, basharti toʻsiq boʻlsa, unda Janob Rasululloh ne qilgan boʻlsalar, shuni qilaman!»— dedi. Keyin, biroz yoʻl yurgach: «Haj birlan umrani ado etmoqni zimmamga oldim, sizlar guvoh boʻlingizlar!»— dedi. Abdulloh ibn Umar Ka'bani bir bor tavof qilib, Safo va Marvada bir bor sa'y qilgach, birvarakayiga ham haj, ham umradan qutilib, ehromdan chiqdi».

Nofi' rivoyat qiladilar: «Odamlar: «Abdulloh ibn Umar otasi Umardan oldin musulmon boʻlgan»,— deyishadir, aslida unday ermas. Voqea bunday boʻlgan erdi: Hazrat Umar Hudaybiya kuni Abdullohni «Otimni olib kel!» deb bir ansoriyning uyiga yubordilar, «Otimni olib kelsa, minib urushga chiqaman» deb erdilar. Bu vaqtda Janob Rasululloh bir daraxt ostida sahobalarni oʻzlariga bayʻat qildirayotgan, Hazrat Umar ersalar bundan bexabar erdilar. Abdulloh dastavval Janob Rasulullohga bayʻat qilib, keyin otni olib kelgani bordi. Otni Hazrat Umarga olib kelganda, u kishi sovut kiyib, jangga tayyor boʻlib turgan erdilar. Abdulloh otasiga bayʻat haqida xabar bergandan keyin, Hazrat Umar ham oʻgʻillari birlan birga borib, Janob Rasulullohga bayʻat qilib keldilar. Odamlarning «Umarning oʻgʻli otasidan avval islomga kirgan» deyishining sababi shudir».

Ibn Umar rivoyat qiladilar: «Hudaybiya kuni odamlar Janob Rasululloh birlan birga daraxtlarning soyasida dam olishayotgan erdi. Birdan, hammalari ul zotni qurshab olishdi. Shunda Hazrat Umar: «Ey Abdulloh, qarachi, ne boʻldi erkan, odamlar Janob Rasulullohni qurshab olishibdi?» — dedilar. Abdulloh borib qarasa, odamlar Janob Rasulullohga bayʻat qilayotirlar, shunda u ham bayʻat qilib, keyin Hazrat Umarga kelib bu haqda aytdi, Hazrat Umar ham borib, bayʻat qildilar».

Abdulloh ibn Abu Avfo: «Biz Janob Rasululloh birlan birga umrada erdik. Shunda Ka'bani tavof qildilar, biz ham tavof qildik, namoz o'qidilar, biz ham birga namoz o'qidik, Safo birlan Marva o'rtasida sa'y qildilar, biz ersak Janob Rasulullohni zarar yetkazmasin, deb Makka ahlidan to'sib yurdik»,— deydilar.

Abu Voil rivoyat qiladilar: «Sahl ibn Hunayf Siffin voqeasidan qaytib kelganda biz undan xabar olgani bordik. Shunda u: «(Diyningiz xususida) notoʻgʻri fikr yuritmangiz! Men Abu Jandal kuni shunday ahvolga tushgan erdimki, hatto qoʻlimdan kelsa, Janob Rasululloh sallallohu alayhi va sallamning amrlariga ham itoat qilmagan boʻlur erdim. Biz (oʻshanda) qilichlarimizni, bizni quyushqondan chiqarsin, deb ermas, balki bu fitnaning oldini olib, bizni oʻzimiz bilgan osonroq ishga (ya'ni, kelishuvga) erishtirsin, degan maqsaddagina boʻynimizga osib chiqqan erdik. (Afsuski), bir fitnani tugatdik degunimizcha, ikkinchi fitna sodir boʻlardi, hatto biz ne qilmogʻimizni bilolmay qoldik»,— dedi».

Ka'b ibn Ujra bunday deydilar: «Hudaybiya kuni Rasululloh sallallohu alayhi va sallam

50

tepamga keldilar, shunda boshimdagi bitlar yuzimga oʻrmalab tushayotgan erdi. Boshingdagi jonivorlar seni qiynayotirmi?» — deb soʻradilar. «Ha»,— deganimdan keyin: «Unday ersa sochingni oldirgin-da, uch kun roʻza tutgin yoki olti miskinni toʻydirgin yohud bir qoʻyni qurbonlik qilgin!»— deb buyurdilar». Ayyub: «Ka'b bulardan qaysi birini ado etdi, bilmayman»,— deydilar.

Ka'b ibn Ujra bunday deydilar: «Biz Hudaybiyada Rasululloh sallallohu alayhi va sallam birlan birga erdik, mushriklar yoʻlimizni toʻsib qoʻygan erdi. Mening sochim uzun boʻlib, bitlar yuzimga oʻrmalab tushayotgan erdi. Shu asnoda Janob Rasululloh yonimdan oʻtib ketayotib: «Boshingdagi jonivorlar seni qiynayotirmi?» — dedilar. Men: «Ha», — dedim. «(Bu xususda quyidagi) oyati karima nozil boʻlgan», — dedilar: «Birortangiz kasal boʻlib, (hajga borolmasangiz) yoki boshingizda sizga ozor yetkazadirgan narsalar boʻlsa, fidya (jarima) tariqasida roʻza tutingiz yoki sadaqa beringiz yohud qurbonlik qilingiz!».

38-bob. Ukl va Urayna qissasi

Anas raziyallohu anhu rivoyat qiladshar: «Ukl va Urayna qabilasidan bir necha kishilar Madinaga, Janob Rasulullohning huzurlariga kelib, kalima keltirib musulmon boʻlishgach: «Ey Ollohning rasuli, biz chorva ahlimiz, dehqon emasmiz!» — deyishdi. Ular Madina havosi yoqmay, xastlanib qolishdi. Rasululloh sallallohu alayhi va sallam ularga choʻponlar oldiga borib, tuya suti va siydigidan ichib davolanishni buyurdilar. Ular Madinadan chiqib, Harra tomonga bordilar, u yerda sihat topib, semirib ketdilar. Keyin, islomdan qaytib, kofir boʻldilar, Janob Rasulullohning choʻponlarini oʻldirib, tuyalarni haydab ketdilar. Bularning qilmishi Janob Rasulullohga ma'lum boʻlgach, ularning ketidan odam joʻnatdilar. Xiyonatchilar tutib keltirildi, keyin ularning koʻzlarini oʻyib, qoʻlu oyoqlarini kesib, choʻlning bir chetiga tashlab qoʻydilar, shu holda oʻlib ketishdi». Qatoda raziyallohu anhu: «Bizga yetib kelgan xabarga koʻra, Janob Rasululloh shu voqeadan keyin, sadaqa qilmoqqa chorlab, qoʻl-oyoqni kesish, koʻzni oʻyishdan qaytaribdilar»,— deydilar.

Abu Qilobaning xizmatkorlari Abu Rajodan nakl kilinadiki, u kishi Abu Qiloba birlan birga Shomda boʻlganida, Xalifa Umar ibn Abdulaziz bir kuni odamlardan: «Qasomat toʻgʻrisida nima deysizlar?» —deb maslahat soʻrabdi. (Qasomat — qasam ichirish, ya'ni oʻldirilgan kishining yaqinlari oʻch olish oʻrniga xun talab qilsa, «Xun toʻlasangizlar, kifoya, oʻch olmaymiz» deb ularga qasam ichiriladi). Shunda ulamolar bir ovozdan: «Janob Rasululloh ham, sizdan ilgarigi Xulafoi Roshidinlar ham shunday deb hukm qilganlar»,— deyishdi. Abu Qiloba xalifaning taxti orqasida turgan erdi, Anbasa ibn Sa'id unga: «Uraynaliklar haqida Anas rivoyat qilgan hadisning aslini kimdan eshitgansizlar?»—dedi. Shunda Abu Qiloba: «Menga uni Anas ibn Molik rivoyat qilib bergan»,— dedi. Keyin, Abdulaziz ibn Suhayb Anasdan naql qilib Urayna haqida, Abu Qiloba ersa Anasdan naql qilib Ukl haqida mufassal hikoya qilib berdi».

39-bob. Zotu Qarad (Qurad) g'azoti

Bu gazotda Janob Rasulullohning tuyalarini haydab ketishgan erdi. Salama ibn al-Akva' bunday deydilar: «Men bomdod namoziga azon aytilishidan oldin tashqariga chiqdim. Rasululloh sallallohu alayhi va sallamning tuyalari Zotu Qaradda oʻtlab yurardi. Menga Abdurrahmon ibn Avfning xizmatkori yoʻliqib: «Janob Rasulullohning tuyalari tortib olindi»,— dedi. Men: «Kim tortib oldi?»—deb soʻradim.

"Gʻatafon qabilasi kishilari»,— dedi. Men oʻgʻirlik sodir boʻlganini bildirib uch bor qattiq baqirdim, shunda Madinaning ikki dashti oraligʻidagilarning barchasi ovozimni eshitibdi. Men tezda chopib borib, podani suvdan olib oʻtayotganlarida ularga yetib oldim. Mergan erdim, ularga nayza otayotib: «Men Akvaʻning oʻgʻliman, bugun yaramaslarning halok boʻladirgan kunidir!» — dedim. Soʻng, qaroqchilarni oʻldirib, tuyalarni qutqarib oldim hamda jasadlaridan oʻttizta choponni yechib ham oldim. Janob Rasululloh odamlar birlan yetib keldilar, men ul zotga: «Ey Ollohning rasuli! Bular qattiq chanqagan erkan, suv ichgani qoʻymadim, ularni hozir olib boraman»,— dedim.

Janob Rasululloh: «Ey Akva'ning o'g'li! Sen ularni egallading, endi ularning mushkilini yengillashtirgin!» — dedilar». (Bu so'zlar dushmanning halok bo'lganiga bir ishora bo'lib, Janob Rasululloh Salama ibn al-Akva'ga o'zlarining quvonchlarini izhor qilyaptilar, yolg'iz o'zi tuyalarni qutqargani uchun «egasisan» deb tashakkur aytyaptilar).

Salama ibn al-Akva': «Keyin, Janob Rasululloh meni o'z tuyalariga mingashtirib oldilar, izimizga qaytib Madinaga kirib keldik»,— deydilar.

40-bob. Xaybar g'azoti

Suvayd ibn Nu'mon bunday deydilar: «Biz Xaybar yaqinidagi Sahbo degan joyga yetganimizda Janob Rasululloh asr oʻqidilar, keyin taom keltirishni buyurib erdilar, faqat talqon keltirishdi, uni suv birlan hoʻllab yedilar biz ham yedik. Keiin, oʻrinlaridan turib shom oʻqimoq uchun ogʻiz chayqadilar biz ham ogʻiz chayqadik, soʻng tahorat olmay shom oʻqimoqqa tutindilar»

Salama ibn al-Akva' rivoyat qiladilar «Biz Paygʻambar alayhissalom birlan birga Xaybarga chiqdik, kechasi yoʻl yurdik Qavm ichidan bir kishi Omirga «Ey Omir, gʻazallaringdan bizga aytib bermaysanmi'»—dedi Omir shoir boʻlib odamlarga bunday deb she'r oʻqiy boshladi «Gar oʻzing hidoyat qilmasang rabbim, Saxovat ibodatni bilmasdi qalbim Kechirgil, dilga sol xotirjamlikni, Tirik bormiz, senga jon fido doim. Nido qilsalar, biz hamisha tayyor, Motonat ato et bizga ey tangrim' Kofirlar maydonda panoh qidirur, Bizga panoh berur Ollohu karim'»

Janob Rasululloh: «Bu gʻazalni aytgan kim ?» — dedilar. Omir ibn al-Akva', deb javob berishdi. Janob Rasululloh «Olloh taolo Omirni rahmat qilsin!» — deb duo qildilar. Shunda bir kishi: Yo Rasulalloh, duoingiz sharofati birlan Omirga (jannat) vojib boʻldi, koshki erdi bizga ham shuni tilasantiz »—dedi Soʻng, biz Xaybarga kelib, uni qamal qildik. Bizni ochlik qattiq qiynardi. Xayriyatki, Olloh taolo inoyat qilib Xaybar fath qilindi. Shu kuni kechqurun juda koʻp olov yoqildi. Janob Rasululloh «Anavi olovlar nechun yeqildi?» deb soʻradilar Odamlar «Goʻsht pishirmoq uchun yoqildi , deyishdi. Janob Rasululloh «Qandai goʻshtni » - deb soʻragan erdilar, «Xonaki eshak goʻshtini», — deb javob berishdi. Jaiob Rasululloh «Qozonlarni agʻdarib, sindirib tashlangiz» — dedilar Bir odam «Qozonlarni agʻdarib, soʻng yuvsak bulmaydimi?» — deb soʻradi. Janob Rasululloh «Yoki shundai qilingizlar»— deb qozonlarni yuvib pok qilishga ijozat berdilar.

Qavm saflanganda Omir bir yahudiining boldirini moʻl qilich soldi, lekin qilichi kaltaligidan tigʻi oʻzining tizza kuziga tegib, shu birlan uldi. Janob Rasululloh (jangdan soʻng) meni koʻrib qoʻlimdan tutgan holda «Senga ne boʻldi »—dedilar. Men: «Ota-onam sizga fido boʻlsin, odamlar «Omirning butun amali habata boʻldi»,— deyishyapti,— dedim. Janob

Rasululloh «Kimki shunday degan ersa bekor aytibdi! Omirga bu oʻlimda ikki ajr bor, (Rasululloh ikki barmoqlarini jam' qilib koʻrsatdilar) u haqiqiy mujohidlarcha jihod qildi, bunday xislatli odam arablar orasida kamdir»- dedilar».

Anas ibn Molik raziyallohu anhu rivoyat kilidilar «Rasululloh sallallohu alayhi va sallam Xaybarga kechasi keldilar. Ul zotning odati shariflari shunday erdiki, biror qavmning ustiga kechasi bostirib kelsalar, gʻorat qilmay, tong otguncha kutardilar. Bu safar ham shunday qildilar. Tong otganda yahudiylar zambilu ketmonlarini koʻtarib ekinzorlariga chiqdi, birdan Janob Rasululloxni koʻrib qolib «Xudo haqqi ana Muhammad, ana Muhammad, ana lashkar!»—deb baqira boshladi. Janob Rasululloh «Xaybar xarob boʻldi, biz biror qavmning yeriga kelib tushsak, qoʻrqqanidan bir-birini ogohlantiruvchilarning tongi omadsiz boʻlur'»—dedilar».

Anas ibn Molik raziyallohu anhu rivoyat kiladilar «Biz Xaybarda tongni qarshiladik Xaybar ahli ekinzorlariga chiqib, Paygʻambar alayhissalomni koʻrishlari bilanoq «Ana Muhammad, ana Muhammad, ana lashkar'» — deya sarosimaga tushishdi. Janob Rasululloh «Ollohu akbar' Xaybar xarob buldi, biz biror qavmning yeriga kelib tushsak dahshatga tushib bir-birini ogohlantiruvchilarning tonggi omadsiz boʻlur»— dedilar. Keiin biz eshak goʻshtini pishirayotgan erdik, ul zotning jarchilari «Olloh taolo va uning rasuli eshak goʻshtini harom qilgandir, chunki u iflosdur'» — dedi».

Anas ibi Molik bunday deydilar «Bir kishi kelib «Men eshak goʻshti yedim»,— dedi Janob Rasululloh indamdilar. Ikkinchi bir odam kelib u ham «Men eshak gUshti yedim»,— dedi, Janob Rasululloh unga ham iidamadilar. Uchinchi odam kelib «Men eshak goʻshtini tashlab yubor-dim»,— dedi Shundan keyin, Janob Rasululloh jarchiga buyurdilar VA odamlarga «Olloh taolo va uning rasuli sizlarni eshak gushti yeyishdan qaytaradi!» — deb e'lon qildi. Eshak goʻshti toʻla qozonlar agʻdarib tashlandi».

Anas ibn Molik rivoyat qiladilar: «Paigʻambar alayhissalom subh namozini gʻira-shirada Xaybarga yaqin joyda oʻqidilar, keyin «Ollohu akbar! Xaybar xarob boʻldi, biz biror qavmning yeriga kelib tushsak, daxshatdan bir-birini ogohlantiruvchilarning tonggi qaygʻuli buladi» — dedilar. Tong otgach, bundan bexabar yahudiilar koʻchalarda yura boshladilar. Rasululloh sallallohu alayhi va sallam ularning urushga yaroqlisini oʻldirdiilar, bola-chaqa va xotinlarini asir qildilar Asirlar orasida Safiiya ham bor boʻlib, uni Dihya al-Kalbii oʻziga choʻri qilib oldi. Keyin uni Janob Rasulullohga xadya kildi. Ul zot uni ozod qildilar, bu unga mahr boʻldi, keyin unga uylandilar. Abdulaziz ibn Suhayb Sobitga «Ey Abu Muhammad, sen Anasdan «Paygʻambarimiz unga qanday mahr berganlar» deb soʻraganmiding?» — dedi, u shunda bosh irgʻab tasdiqladi».

Abdulaziz ibn Suhayb bunday deydilar: «Paygʻambar alaihissalom Safiyyani asir olib, keyin uni ozod qilgach, nikohlariga oldilar. Sobit Anasdan «Janob Rasululloh Safiyyaga qanday mahr berganlar?» — deb soʻraganda, u kishi «Janob Rasululloh unga ozodlikni mahr qilib bergan-lar»,— deb javob berdi».

Sahl ibn Sa'd as-So'idiy rivoyat kiladilar. «Rasululloh sallallohu alayhi va sallam mushriklar birlan to'qnashdilar, o'rtada qattiq jang bo'ldi. Janob Rasululloh o'z askarlarini ortga qaytarganlarida dushman ham o'z qarorgohiga qaytdi. Janob Rasulullohning askarlari ichida bir odam bor erdi, u dushmanga omonlik bermay, qaysi joyda ko'pchilikdan ajrab qolgan dushman bo'lsa, o'shani qiyrataverdi. Keyin, o'sha

odamni maqtab «Bugun jangda falonchidan koʻra koʻproq jonbozlik koʻrsatgan kishi bulmadi'» — dsyishdi. Shunda Janob Rasululloh «Ammo, bu odamning o'zi do'zax ahlidandur »— dedilar. Qavmdan bir kishi «Men shu odamga hamroh boʻlayin-chi, nima yomonlik qilar erkan » — deb u birlan birga jangga kirdi, to'xtasa, to'xtadi, tez yursa, tez yurdi. Bir payt o'sha maqtalgan odam yarador bo'ldi, keiin og'rigga chidamay, o'limini tezlashtirish uchun qilichining dastasini yerga qo'yib, tig'ini ko'ksiga tiradi-da, og'irligini gashlab, o'zini o'zi halok gildi. Orgasidan borgan boyagi kishi Janob Rasulullohning goshlariga kelib «Men guvohlik berurmanki, darhagigat siz Ollohning rasulisiz!»—dedi. «Nima bo'ldi?» — deb so'radilar Janob Rasululloh «Siz hozirgina bir kishini ahli do'zax degan erdingiz. Bu gap ko'pchilikka malol kelgan erdi. Men Janob Rasulullohning bashoratlari hikmatini bilib olayin, deb u birlan birga jangga kirgan erdim. U yarador boʻlgach, oʻlimini tezlatish uchun gilichini yerga goʻyib, tigʻini koʻksiga tiradi-da, o'zini o'zi o'ldirdi» — dedim. Shunda Janob Rasululloh «Darhaqiqat, ba'zi kishi boshqalarning ko'z oldida ahli jannatlarning amalini bajaradi, ammo o'zi ahli do'zax bo'ladi va ba'zi kishi odamlarning ko'z oldida ahli do'zaxlarning amalini bajaradi, ammo o'zi ahli jannat bo'ladi»,— dedilar».

Abu Hurayra roziyallohu anhu bunday deydilar: «Biz Xaybar gʻazotida ishgirok qildik. Rasululloh sallallohu alayhi va sallam oʻzlari birlan birga yurgan kishilardan biri haqida «Bu odam doʻzaxiydur!»—dedilar. Lekin, oʻsha odam shunday qattiq jang qildiki, a'zoi badani jarohatga toʻlib ketdi. Odamlar buni kurib Janob Rasulullohning boyagi soʻzlariga shubha bildirishlariga oz qoldi. Xaligi odam ersa koʻp oʻtmay jarohatlari ogʻrigʻiga chidayolmay, oʻqdonidan bir oʻq olib, oʻzini oʻzi otib oʻldirdi. Bundan qattiq ta'sirlangan odamlar «Yo Rasulalloh! Olloh taolo soʻzingizni haqiqatga chiqardi, falonchi oʻzini oʻzi oʻldir-di»,— deyishdi Janob Rasululloh «Ey Bilol, oʻrningdan turgil, jannatga faqat moʻmin kishigina kiradi, deb e'lon qilgil! Olloh taolo osiy bandasini ibrat qilib ham dinga madad bergay!»— dedilar».

Bu yerda yuqoridagi hadis takroran keltirilgan. Abu Muso al-Ash'ariy raziyallohu anhu rivoyat qiladilar «Rasululloh sallallohu alayhi va sallam Xaybarga gʻazotga borganlarida odamlar bir vodiyga kelib tushdilar-da, ovozlarini baland koʻtarib «Ollohu akbar, Ollohu akbar, lo iloha illallohu val-lohu akbar »—dedilar. Janob Rasululloh ularga «Ovozlaringizni pasaytiringizlar, sizlar bu yerda yoʻq zotga yoki garangga takbir aytayotganingiz yoʻq, sizlar eshituvchi, yaqin, doim oʻzlaringiz birlan birga boʻlgan zotga da'vat qilyapsizlar!»—dedilar. Ushanda men Janob Rasulullohning tuyalariga mingashib olgan erdim, mening «Lo havla va lo quvvata illo billohil-aliyyil-azim!» deganimni eshitib: «Ey Abdulloh ibn Qays!»— dedilar, men «Labbayka yo Rasulalloh»—dedim. Janob Rasululloh «Men senga jannat xazinalaridan boʻlmish bir kalimani oʻrgataymi »— dedilar. Men «Yo Ra-sulalloh, sizga ota-onam fido boʻlsin, albatta oʻrgating!»— dedim. Shunda Janob Rasululloh «Lo havla va lo quvvata illo billohil-aliyyil-azim» dur»,— dedilar».

Yazid ibn Abu Ubayd bunday deydilar «Men Salama ibn al-Akva'ning boldirida jarohat o'rnini ko'rib: «Ey Abo Muslim, bu jarohat o'rni qaerdan kelgan » — deb so'ragan erdim, u «Bu jarohatni Xaybar janggida orttirganman, o'shanda odamlar «Salama yaralanibdi»,— deb gapirishgan erdi. Men Payg'ambar alayhissalomning oldilariga borgandim, jarohatimga uch marta dam urib qo'ygan zrdilar, hanuzgacha oyog'im og'rimaydi»,— dedi».

Bu yerdagi hadis ham yuqoridagi hadislarni takrorlaydi.

Ibn Imron rivoyat qiladilar: «Anas ibn Molik raziyallohu anhu jum'a kuni koʻpchilik odamlarning taylason (yahudiy millatiga xos boʻlgan kiyim) kiyib olganini koʻrib (norozi ohangda) «Xrzir bular Xaybar yahudiylariga oʻxshab qolibdi'»—dedi»

Salama ibn al-Akva' rivoyat qiladilar: «Hazrat Ali raziyallohu anhu Xaybar safarida Janob Rasulullohdan orqada qolgan erdilar, koʻzlari ogʻrir erdi. Uz-oʻzlariga «Men Janob Rasulullohdan orqada qolayotirman»,— dedilar-da, tezroq yurib Rasulullohga yetib oldilar Xaybar fath qilingan kundan avvalgi kechada dam olayotgan vaqtimizda Janob Rasululloh «Ertaga bayroqni Olloh taolo va uning rasuli yaxshi koʻradirgan kishi oladi, Xaybar oʻsha odamning boshchilshida fath qilinadi»,— dedilar. Shunda har birimiz «Usha odam men boʻlsam erdi!» — deb umid qildik. Lekin u Hazrat Ali erkanlar, Xaybar ertasiga u kishi boshchiligida fath qilindi»

Sahl ibn Sa'd rivoyat qiladilar «Rasululloh sallallohu alayhi va sallam Xaybar kuni «Men ertaga mana shu bayrogni shunday bir odamga beramanki, Olloh taolo uning qo'li birlan Xaybarni fath qiladi, o'sha odam Ollohni va uning rasulini yaxish ko'radi Olloh va uning rasuli ham uni yahshi ko'radi» - dedilar. Odamlar «Bayroq kimga berilar erkan?» deb tun bo'yi o'ylab chiqishdi. Tong otganda hammalari Janob Rasulullohning huzurlariga kelib, «Shoyad, bayroq menga berilsa!» deb umid qilishdi. Lekin, Janob Rasululloh «Ali ibn Abu Tolib qaerda?»—deb soʻradilar. Odamlar « Yo Rasulalloh, koʻzlari ogʻriyapti»,— deyishdi Janob Rasululloh «Odam yuborib, chaqiringiz-lar!» — dedilar. Hazrat Ali kelganlaridan keyin, Janob Rasululloh u kishining ko'zlariga tupurib, haglariga duo gildilar, Ali ko'z og'rshidan mutlago xalos bo'ldilar. So'ng, Janob Rasululloh Hazrati Aliga bayrogni berdilar. Hazrat Ali «Yo Rasulalloh, men yahudiilarga qarshi bizdek musulmon boʻlgunlaricha urushaveraman!»—dedilar. Janob Rasululloh «Boringiz, Xaybarning bir chekkasiga tushib, avval ularni islomga da'vat qilingiz, so'ng Olloh taolo nelarni buyurganini ularga tushuntiringiz!. Siz sababli Olloh taolo bir odamga hidoyag gilsa, sizga bu «Humrun-ni'am»dan yaxshiroqdur!»— dedilar». («Humrun-ni'am»— eng chiroili guyalardan iborat bo'lgan poda. Bunday podaga ega bo'lmoglik arablar uchun faxr hisoblangan).

Anas ibn Molik raziyallohu anhu bunday deydilar: «Biz Xaybarga keldik. Olloh taolo inoyati birlan Xaybar qal'asi zabt etilganidan keiin, Janob Rasulullohga asira Safiyyaning go'zalligi haqida gapirishdi. U yosh kelinchak bo'lib, eri jang paytida halok bo'lgan erdi. Janob Rasululloh uni o'zlariga tanlab oldilar. So'ng, uni olib Sahbo qo'rg'oniga borganlarida iddadan chiqdi. Janob Rasululloh uni nikohlariga olib, kichik bir dasturxon yozdilar, unga xurmo yog'i aralashtirilgan taom qo'ydilar-da, menga «Atrofingdagilarni chaqir!»—dedilar. Mana shu dasturxon Safiyyaga uylanganlari uchun to'y ziyofati bo'ldi».

Anas ibn Molik raziyallohu anhu bunday deydilar: «Paygʻambar alayhissalom Xaybar yulida Safiyya birlan uch kun birga boʻlib, unga qoʻshildilar. Safiyya ham hijob kiyish buyurilgan ayollardan erdilar. (Xijob kiyish, ya'ni barcha a'zolarii berkitadigan keng libos kiyish faqat hur ayollarga buyuriladi. Safiyya ham choʻri ermas, balki onalarimizdan hisoblanadi)».

Anas ibn Molik bunday deydilar: «Janob Rasululloh Xaybar birlan Madina oʻrtasida Safiyyaga qoʻshilib, uch kecha birga boʻldilar Men musulmonlarni toʻy ziyofatiga taklif

etdim. Janob Rasululloh Bilolga dasturxon yozishni buyurdilar, unga xurmo, pishloq va yogʻ qoʻydilar, ammo non va goʻsht yoʻq erdi. Musulmonlar «Safiyya Rasulullohga choʻri boʻldimikin yoki moʻminlarning onalaridan biri boʻldimi-kin?. Agar Janob Rasululloh unga hijob kiydirsalar, u onalarimizdan biri, agar hijob kiydirmasalar, choʻrilari boʻladi»,— deb oʻzaro soʻzlashishdi. Joʻnayotgan paytimizda tuyalarining ustiga joy tayyorlab atrofiga hijob tortdilar».

Abdulloh ibn Mugaffal raziyallohu anzhu bunday deydilar. «Biz Xaybarni qamal qilib turgan erdik, bir odam yogʻ toʻla bir meshni yerga tashladi. Men uni olish uchun yugurib borgan erdim, qarasam oldimda Janob Rasululloh turibdilar, men u kishidan uyalib ketdim».

Ibn Imron rivoyat qiladilar «Paigʻambar alayhissalom Xaybar kuni sarimsoq piyoz va eshak goʻshti yeyishdan qaytardilar». Sarimsoq yeyishdan qaytarganlarini Nofi', eshak goʻshti yeyishdan qasharganlarini ersa Solim ham rivoyat qilganlar

Ali ibn Abu Tolibraziyallohu anhu bunday deydilar. «Rasululloh sallallohu alayhi va sallam Xaybar kuni ayollarni mut'a qilishdan va eshak goʻshti yeyishdan qaytardi-lar» (Mut'a — biror ayolni ma'lum muddatga va kelishilgan mablagʻ evaziga oʻz nikohiga olish. Keyinchalik, buning makruhligiga fatvo berilgan boʻlib, faqat shiy'a mazhabida mavjud).

Ibn Umar raziyallohu anhu rivoyat kiladilar: «Rasululloh sallallohu alayhi va sallam Xaybar kuni eshak goʻshti yeyishni man' qildilar»

Bu yerda yuqoridagi hadis takrorlanan.

Jobir ibn Abdulloh bunday deydilar: «Rasululloh sallallohu alayhi va sallam Xaybar kuni eshak goʻshti yeyishdan qaytardilar, ammo ot goʻshti yeiishga ijozat berdilar».

Ibn Abu Avfo bunday deydilar «Xaybar kuni ocharchilik boʻldi. Bir necha qozonlarda eshak gushti qaynatilib, pishay deb qolganda Janob Rasulullohning jarchilari «Eshak goʻshtidan bir tishlam ham yemangizlar, qozonlarni agʻdarib toʻkib tashlangizlar! —deb ovoza qildi. Shunda biz oʻzimizcha « Eshak goʻshtining harom qilinishi uning oʻlja sifatida taqsimlanmasligida yoxud uning tezak yeyishida boʻlsa kerak» — deb taxmin qildik».

Barro va Abdulloh ibn Abu Avfo raziyallohu anhumo rivoyat qilgan hadislar ham eshak go'shti Xaybarda harom qilinganligidan dalolat beradi.

Ibn Abbos raziyallohu anhu bunday deydilar: «Janob Rasululloh eshak naqliyot vositasi boʻlgani uchun goʻshtini harom qildilarmi yoki haqiqatan ham goʻshti harom boʻlgani uchun harom qildilarmi, buni bilolmadim».

Ibn Umar raziyallohu anhu rivoyat qiladilar: «Janob Rasululloh Xaybar kuni otliqqa ikki hissa, piyodaga bir hissa o'lja taqsim qildilar».

Jubayr ibn Mut'im rivoyat qiladilar: «Men va Usmon ibn Affon Paygʻambar alayhissalomning huzurlariga borib, u kishiga: «Siz Xaybar oʻljasidan Banu Muttalib qabilasi kishilariga berdingiz, bizni ersa unutdingiz, vaholanki biz sizga yaqinlikda ular birlan teng darajada-miz»,— dedik. Janob Rasululloh bizga: «Ha, albatta, Banu Hoshim

birlan Banu Muttalib bir narsa»,— dedilar». Jubayr: «Janob Rasululloh Banu Abdi Shams va Banu Navfal qabilalariga ham hech narsa taqsim qilmadilar»,— deydilar. (Gʻazotlarda tushgan oʻljaning beshdan bir qismi Baytulmolga qoldirilib, qolgani lashkar oʻrtasida taqsimlangan. Baytulmol (oʻsha davr davlat xazinasi)ga qoldirilgan qismidan muhtojlarga nafaqa berilgan. Janob Rasululloh oʻshanda ham faqat muhtojlarga bergan erdilar).

Abu Muso al-Ash'ariy raziyallohu anhu bunday deydilar: «Biz Yamanda erkanligimizda Payg'ambar alayhissalomning yo'lga chiqqanlari haqida xabar yetdi. Biz vatanimizni tark qilib Janob Rasululloh tomon joʻnadik. Men, birodarlarim Abu Burda va Abu Rahm gavmimizdan ellik ikki yoki ellik uch kishi birlan birga kemaga mindik. Kemamiz bizlarni Najoshiy podshohlik qilayotgan Habashistonga eltdi. U yerda biz Ja'far ibn Abu Tolib birlan uchrashib goldik, u birlan birga istigomat gilib, keyin birgalikda gaytdik. Xaybar fath qilingan kuni biz Payg'ambar alayhissalom birlan uchrashdik. Ba'zi odamlar: «Biz sizlardan oldin hijrat qilganmiz!» — deb bizni, ya'ni kema ahlini kamsitar erdi. Ushanda biz birlan birga Yamandan Asmo binti Umays ismli ayol ham kelgan bo'lib, u Habashistonga hijrat qilgan erdi. U Janob Rasululloh-ning xotinlari Hafsa raziyallohu anhoning ziyoratlariga kirganda, Hazrat Umar ham kirdilar, Asmoni ko'rib: «Kim bu ayol?» — deb so'radilar. Hafsa: «Bu ayol Asmo binti Umays» —deb javob berdilar. Umar raziyallohu anhu: «Bu habashistonlik ayolmi, bu dengiz orgali kelgan ayolmi?» dedilar. Asmo o'zi: «Ha»,— deb javob berdi. Umar raziyallohu anhu. Biz sizlardan oldin hijrat qilganmiz, biz Janob Rasulullohga sizlardan ko'ra haqliroqmiz!»— dedilar. Asmo achchig'lanib. «Io'q, Olloh hagi! Sizlar Janob Rasululloh birlan birga erdingizlar, ochlaringizni tuyg'azardilar, johillaringizga pandu nasihat qilardilar, biz ersak dindan uzoq bo'lgan bir yerda — Habashistonda erdik. Bizning islom yo'liga kirganimiz Olloh taolo va uning rasuli uchundur. Olloh taolo hagi, toki sen aytgan gapni Janob Rasulullohga aytmagunimcha, yeb-ichmagayman! Biz doim shunday gaplardan ozor chekib, xavfda yurar erdik, endi buni Janob Rasulullohga aytaman. Olloh taolo xaqi. yolg'on go'shmayman, gisgartmayman, bor gapni ganday bo'lsa, shundayligicha yetkazaman!—dedi-da, Rasulullohning xuzurlariga kelib, yo Rasulalloh, Umar menga bunday dedi, deb shikoyat qildi. «Sen nima deding'»— dedilar Janob Rasululloh. Asmo o'zining nima deganini aytib berdi. Janob Rasululloh: «Umar sendan va sheriklaringdan ko'ra menga haqliroq ermas, chunki Umar va uning sheriklari bir hijrat sohibidurlar, sizlar, yani kema ashoblari ersangiz ikki hijrat sohibidursizlar, ya'ni Yamandan Habashistongacha va undan Madinagacha-»,- -dedilar. «Abu Muso va boshqa kema ashoblari to'p-to'p bo'lib oldimga kelishib mazkur hadisni mendan so'rashardi, keyin Janob Rasulullohning ular hakida aytgan soʻzlaridan shunday quvonishardiki, dunyoda ular uchun Janob Payg'ambarimizning ana shu gaplaridan ulug'rog va guvonarlirog hech narsa yoʻq erdi!» — deydilar Asmo. Abu Burda: «Asmoning gapiga garaganda Abu Muso bu hadisni qayta-qayta aytkizar erkan»', — deydilar. Abu Musoning gaiiga qaraganda Payg'ambar alayhissalom bunday degan erkanlar. «Men ash'ariylar jamoasining ovozini kechasi masjidga kirib qilgan qiroatlaridan taniymai. Ularning yashaydirgan joylarini kunduzi ko'rmagan bo'lsam ham. kechasi Qur'on o'qigan ovozlaridan manzillarini bilib olaman. Ularning ichida Hakim ismli bir kishi bo'lib, u dushmanga yo'ligganda: «-Do'stlarim ularni kutib turmog'ingizni sizlarga amr qiladilar!» — deydi». (Bu birlan Hakimning nihoyatda jur'atli ekaniga, hatto u yo'lda ketayotgan dushmanni to'xtatib, sheriklari kelguncha yakka o'zi jang boshlayverishiga ishora qilinadi).

Abu Muso rivoyat qiladilar: «Biz Xaybar fatx, etilgandan soʻng Janob Rasulullohning zieratlariga keldik. Uljalardan bizga ham taqsim qildilar. Gʻazotda qatnashmagan kishilarga oʻljadan nasiba bermadilar.

Abu Hurayra raziyallohu anhu bunday deydilar: «Xaybarni zabt etdik. Oltin, kumush oʻlja olmadik. mol, tuya,matoʻ va xurmozorlarni oʻlja qildik. Keyin. Janob Rasululloh birlan birga Vodiyul-Quroga keldik. Banu Zabob qabilasidan bir kishi ul zotga bir qul hadya qilgan boʻlib, ismi Midʻam erdi Midʻam Janob Rasulullohning tuyalarini yetaklab ketayotgan vaqtda daydi oʻq tegib yiqildi. Hamma barobariga «Shahidlik muborak boʻlsin!» deb tabrik aytishdi. Shu payt Janob Rasululloh kelib «Yuq, aslo, Olloh taolo haqi, bu qulning ustidagi libos Xaybarda oʻlja olingan liboslardan boʻlib, biz unga taqsim vaqtida bergan ermasmiz, u buni oʻgʻirlab olgan. Ana shu libos uni doʻzaxda kuydirgay'» — dedilar. Shunda bir kishi kovush koʻtarib kelib «Mana buni topib olgan erdim, lekin koʻrsatmagandim»,— dedi Janob Rasululloh «Unday bulsa bu kovush ham seni doʻzaxda kuydirgay» - dedilar».

Zayd ibn Aslam bunday deydilar «Umar ibn al-Xattob raziyallohu anhu aytar erdilarki, «Agar kelajakda odamlarning hech narsasiz, faqir boʻlib qolishini oʻylamaganimda, qaysi qishloqni fath eqam uning yerlarini mujohidlarga taqsimlab bergan boʻlur erdim, xuddi Janob Rasululloh Xaybarni boʻlib berganlaridek. Lekin, men fath etilgan yerlarni vaqf qilib qoldiryapman hosilidan teng foidalansinlar deb»

Bu yerdagi hadis takroran keltirilgan.

Anbasa ibn Sa'id bunday deydilar «Abu Xurayra raziyallohu anhu Payg`ambar alayhissalomning huzurlariga kelib, Xaybar oʻljasidan nasiba bermoqlarini soʻradilar. Shu yerda hozir boʻlgan Banu Sa'id ibn al-Os qabilasi kishilaridan biri: «Yo Rasulalloh, Abu Hurayraga hech narsa bermangiz1» — dedi. Shunda Abu Xurayra «Bu odam Ibn Qavqalning qotilidur»,— dedilar. Boyagi odam: «Vo ajabo, bizga togʻdan vabr (mushukka oʻxshash xayvon) tutib kelibdi-da» — dedi» (Abu Hurayraning qavmlari togʻlik yerda yashagan).

Sa'id ibn al-Os bunday deb xabar bergan erkanlar. «Janob Rasululloh Abon ibn Saidni bir guruhga bosh qilib Madinadan Najd tarafga yubordilar. Xaybar fath qilingandan keyin, Abon qaytayotib Janob Rasululloh birlan uchrashdi. Ularning otlarining ayili xurmo novdasidan qilingan erdi (ot ayilining xurmo novdasidan qilinganligi ularnit kambag'alliklarini anglatadi) Abu Hurayra Janob Rasulullohga «Yo Rasulalloh, Abonga o'ljadan ulush bermangiz» - dedilar. Abon (g'azablanib) «Shu gapni sen aityapsanmi ' Ey tog'dan tushib kelgan vabr »— dedi Janob Rasululloh «Ei Abon, o'ltir!» — deb uni tinchlantirdilar, lekin ularga o'ljadan nasiba bermadilar». Sa'id ibn Amr rivoyat qiladilar: «Abon ibn Sa'id Janob Rasulullohning qoshlariga kelib u kishiga salom berdi. Uni ko'rib Abu Hurayra: «Yo Rasulalloh, bu odam Ibn Qavqalning qotili-ku'»—dedilar. Abon Abu Xurayraga (achchiqlanib): «Vo ajabo! Manavi tog'dan tushib kelgan vabrga qarangizlar! Olloh taolo mening qo'lim birlan (shahid qilib), izzat-ikromga sazovor etgan kishi xususida menga ayb quyayotir, vaholanki parvardigor (o'shanda) mening uning quli birlan kamsitilmog'imga yo'l bermagan erdi!»

Oisha raziyallohu anho bunday deydilar: «Rasululloh sallallohu alayhi va sallamning qizlari Fotima Abu Bakr Siddiqqa odam yuborib, Madina, Fadak va Xaybarda tushqan

o'ljalardan, Olloh taolo o'z rasuliga nasiba qilib bergan mablag'lardan ul zotdan kolgan meros sifatida berilishini talab gildi. Shunda Abu Bakr «Paygʻambar alayhissalom «Biz payg'ambarlar hech kimga meros goldirmagaymiz, bizdan keyin nima golsa, u sadaqadur», — degan erdilar, ammo Muhammad xonadoni mana shu sadaqadan yeyaveradi. Olloh taolo hagi, Janob Rasulullohning sadagalari ul zotning hayotliklarida ganday tasarruf gilingan bo'lsa, men ham xuddi o'shanday tasarruf gilgayman!» dedilarda, Fotimaga Janob Rasulullohdan golgan narsalardan hech nima bermadilar. Fotima Abu Bakrdan gattig ranjib bordi-keldini uzdi, bir so'z ham gapirmay olamdan o'tib ketdi, Janob Rasulullohdan soʻng olti oy yashadi, xalos. Fotima vafot etganda eri Ali yolgʻiz oʻzi kechasi janozasini o'qib dafn qildi, Abu Bakrga xabar ham qilmadi. Ali Fotima hayotligida odamlardan istihola qilib yurgan bo'lsa kerak, u vafot eiandan keiin ularAa Inibor bermay, Abu Bakr birlan yarashish, u kishiga ba'yat qilish imkonini qidirib qoldi, shu vaqtqacha, yani o'tgan oylar mobaynida hanuz bay'at qilmagan erdi. Shu boisdan u «Yolg'iz o'zingiz uyimga kelsangiz, yoningizda biror kishi bo'lmasa'» deb Abu Bakrga odam yubordi, chunki Umarning u kishi birlan!» birga kelishini yogtirmagan erdi. Umar bu gapdan voqif boʻlib «Yoʻq, xudo haqi, yolgʻiz oʻzingiz ular oldiga bormangiz'» — dedi Abu Bakr «Olloh taolo hagi, ular menga yomonlik gilmaydilar, degan umiddaman, oʻzim tanho boraveraman», — dedilar Keyin, Abu Bakr Ali huzuriga kirib bordilar, Ali kalimai shahodatni aytgandan so'ng «Albatta, biz sizning layoqatingizni, Olloh taolo sizga ato etgan ne'matni tan olamiz, Olloh taolo sizga in'om etgan martabaga hasad gilmaymiz, lekin siz bizga bir masala xususida zulm qildingiz, Janob Rasulullohga qarindosh bo'lganimiz uchun ul zotdan golgan narsalardan bizga meros tegadi, deb umid gilgan erdik», — dedi Abu Bakr Siddig koʻzlariga yosh olib «Mening jonim gulida boʻlgan zot haqi, Janob Rasululloh vasiyatlariga sodiq qolmog'im garindoshlarimga yen bosmog'imdan afzalroqdur! Ammo, men sizlar birlan o'zim o'rtamizda tortishuvga sabab boʻlgan mol-mulkga xiyonat gilmadim, Janob Rasulullohning hayotliklarida uni ganday tasarruf qilganlarini koʻrgan boʻlsam, shunday tasarruf qildim»,— dedilar. Ali Abu Bakrga «Bay'atni peshin vaqtiga ta'yin qilurmisiz?»—dedi. Abu Bakr peshinni o'qigach, minbarga chiqib, kalimai shahodat aytdilar, soʻng Ali haqida soʻzlab, uning hanuzgacha bay'at qilmaganligini, uning shul xususda aytgan uzrini qabul qilganliklarini ma'lum qildilar. Ali shahodat keltirib, istig'for aytdi va Hazrat Abu Bakrning adolatli erkanliklarini maqtadi, keyin Abu Bakrga hasad gilmayotgani, Olloh taolo u kishiga ato etgan martaba haglig' erkanligi haqida qapirdi Soʻng «Bizga meros berilishi kerak, Abu Bakr ersalar zulm qilyaptilar, deb hisoblab yurgan erdik, qarasak nohaq erkanmiz» — dedi. Bu qapni eshitgach, musulmonlar xushnud bo'lishib. «Haq qapni aytding!» — deyishdi. Musulmonlar Ali amri ma'ruf qilayotganda o'zlarini unga yaqin his etdilar».

Oisha onamiz. «Xaybar fath qilinganda «Endi xurmoga toʻyar erkanmiz-da!» deb quvonganmiz»,— deydilar.

Ibn Umar. «Xaybarni fath etmagunimizcha xurmoga to'ygan ermasmiz»,— deydilar.

41-bob Payg'ambar alayhissalomning Xaybar ahliga omil ta'yin qilganlari haqida

Abu Hurayra raziyallohu anhudan naql qilinadi: « Rasululloh sallallohu alayhi va sallam Xaybarga bir odamni omil qilib ta'yinladilar. Usha kishi Janob Rasulullohga nuqul saralangan xurmo olib keldi. Janob Rasululloh u odamdan «Xaybarning hamma xurmosi shunday sarxil erkanmi?»—deb soʻradilar. U odam: «Yoʻq, yo Rasulalloh! Biz ikki-uch so

yomon xurmo oʻrniga bir soʻ yaxshi xurmo olurmiz»,— dedi. Janob Rasululloh: «Unday qilmangizlar, yomon xurmoni olingiz-da, sotib puliga yaxshisini xarid qilingizlar!»— dedilar».

Abu Sa'id va Abu Hurayra rivoyat qilurlarki, Paygambar alayhissalom Banu Adiyning akasini Xaybar ahliga omil qilib jo'natibdilar.

42-bob Janob Rasulullohning ahli Xaybarga qilgan muomalalari haqida

Abdullohdan naql kilinadiki, Janob Rasululloh olingan hosilning qoq yarmini topshirish sharti birlan yahudiylarga Xaybar yerlarida dexqonchilik qilib, ekin zkishga ijozat beribdilar.

43-bob. Janob Rasulullohga Xaybarda zaharlangan qo'y berishgani haqida

Abu Hurayra aytadilarki, Xaybar fath qilingandan keyin, Janob Rasulullohga (yahudiylar) goʻshti zaharlangan bir qoʻini hadya qiliishbdi.

Abdulloh ibn Dinor rivoyat qiladilar: «Rasululloh sallallohu alayhi va sallam Usoma ibn Zayd ibn Horisani bir qavmga amir qilib tayinladilar. Ba'zi bir odamlar uning amir qilinganiga e'tiroz bildirdi. Shunda Janob Rasululloh «Gar uning amir boʻlganiga e'tiroz bildirursiz, demak bundan ilgari uning otasi amir bulganiga xam e'tiroz bildirursiz. Olloh taolo haqi gar u amir qilinmoqqa munosib koʻrilgan erkan, demak u mening uchun eng mahbub kishidur va bundan keyin ham shunday boʻlib qolgay!» — dedilar».

45-bob. Qazo (bo'lgan) umra haqida

Barro raziyallohu anhu bunday deydilar: «Janob Rasululloh Zulqa'da oyida umra qilish uchun Makkaga joʻnadilar. Makka ahli ikki oʻrtada shartnoma tuzilguncha, ul zotni Ka'baga kiritishdan bosh tortdi. Shartnomaga binoan musulmonlar Makkada uch kun turib qaytib chiqib ketishlari zarur erdi. Shartnoma matni yozilgach, musulmonlar uning ostiga «Bu Olloh taoloning rasuli Muhammadning garoridur!» deb yozib qo'yishdi. Ammo, mushriklar «Biz sizni paygʻambar deb bilmaymiz, agar shunday deb igror bo'lganimizda, sizga zarracha mone'lik qilmagan bo'lur erdik, siz paig'ambar ermas, balki Abdullohning o'g'li Muhammadsiz, xalos!»—deyishdi. Janob Rasululloh «Men Olloh taoloning rasuli hamda Abdullohning o'g'li Muhammaddurman!» — dedilar. Keyin, Hazrat Aliga «Olloh taoloning rasuli» degan soʻzlarni oʻchirib tashlagil!»—dedilar. Hazrat Ali «Xudo haqi, aslo o'chirmayman!» — dedilar Janob Rasululloh shartnomani o'zlari qo'llariga olib, yaxshi yozishni bilmasalar-da, «Muhammad ibn Abdulloh bunday deb garor giladi: giniga solingan gilich birlangina Makkaga kiriladi, agar Makka ahlidan biror kishi ergashsa, uni o'zi birlan birga olib chiqib ketmaydi, biror sahobiysi Makkada qolmoqni xohlasa, unga mone'lik qilmaydi» deb yozib qo'ydilar. Janob Rasululloh Makkaga kirib, uch kun muhlat o'tgach, mushriklar Hazrat Aliga kelib: «Sohibingga ayt, uch kun muhlat tugadi, bizni tark zgin!» — devishdi. Janob Rasululloh Makkadan chigib ketayotganlarida Hamzaning qizi «Ey amaki, ey amaki!» deb ul zotga ergashdi. Hazrat Ali qizning qo'lidan ushlab turib Fotima alayhossalomga: «Jiyaning sen birla keta qolsin!»—dedilar. Fotima alayhossalom qizni kajavaga chiqarib oldilar. Hazrat Ali, Zayd va Ja'far uchchalalari qizni talashib tortishib qolishdi. Hazrat Ali: «Qizni men oldim, chunki u amakimning qizi!» — desalar, Ja'far: «Qiz meniki, chunki u mening

amakimning qizi, xolasi ersa mening xotinim!»—derdi. Zayd ersa: «Qiz meniki, chunki u akamning qizi!»- deb talashardi. Janob Rasululloh qizni xolasiga (ya'ni, Ja'farga) hukm qildilarda, «Xola ona o'rnidadur!» -dedilar. Keyin, Hazrat Aliga: «Ikkovimiz qarindoshmiz»,— dedilar, Ja'farga ersa: «Ikkovimiz qiyofada ham, xulqda ham o'xshashmiz» — deb aytdilar, so'ng Zaydga qarab: «Sen birodarimiz va mavlomizsan»,- deb qo'ydilar. Hazrat Ali ul zotdan: «Hamzaning qizini nikohingizga olmaysizmi?» — deb so'ragan erdilar, «U emishgan akamning qizidur»,— deb javob berdilar».

Ibn Umardan bunday deb naql qilinadi: «Rasululloh sallallohu alayhi va sallam umra qilmoqqa chiqib erdilar, Quraysh kofirlari u kishi bilan Ka'ba o'rtasini to'sib qo'yishdi. Shunda Janob Rasululloh Hudaybiyada jonliqlarini so'yib, sochlarini oldirdilar. Keyin, kelgusi yili umra qilganda qiniga solingan qilichdan bo'lak qurol olib kelmaslikka, Quraysh xohlagandan ortiq turmaslikka ular birlan shartnoma tuzdilar. Kelgusi yil umraga kelganlarida Makkaga kirdilar. Shartnomaga ko'ra uch kun turganlaridan so'ng, mushriklar chiqib ketishni buyurishdi, Janob Rasululloh chiqib ketdilar».

Mujohid raziyallohu anhu bunday deydilar: «Men Urva ibn Zubayr birlan masjidga kirdim, Oisha raziyallohu anhonichg hujralarida Abdulloh ibn Umar oʻltirgan erkan. Urva: «Janob Rasululloh necha marta umra qilganlar?» — deb soʻradi. Abdulloh: «Toʻrt marta, shundan biri rajab oyida»,— deb javob berdi. Shunda biz Oisha onamizning e'tiroz bildirganlarini eshitdik Urva: «Eshityapsizmi, ey moʻminlar onasi! Abu Abdurrahmon: «Janob Rasululloh toʻrt bor umra qilganlar, biri rajab oyida» — deyapti»,— dedi. Oisha onamiz: «Janob Rasululloh doim u birlan birga umra qilganlar, oʻzi yaxshi biladi, rajabda xech qachon umra qilgan ermaslar»—dedilar».

Ibn Abu Avfo: «Janob Rasululloh umra qilayot"an paytlarida mushrik bolalar ozor yetkazmasin, deb ul zotni himoya qilib yurar zrdik»,— deydilar.

Ibn Abbos: «Janob Rasululloh sulh tuzilgan yili Makkani tavof qilgani kelganlarida sahobalarga: «Loʻkillab yuguringizlar, mushriklar kuch-quvvatingizni koʻrib qoʻysinlar!»— dedilar. Mushriklar ularni Qu'ayqi'on togʻi tomonida turib tomosha qilur erdilar»,— deydilar.

Ibn Abbos: « Paygʻambar alayhissalom Maymuna raziyallohu anhoga ehromdaliklarida uylanib, ehromdan chiqqach, qoʻshilganlar. Maymuna onamiz Sarif degan joyda vafot etganlar»,— deydilar.

Ato va Mujohid: «Janob Rasululloh Maymunaga qazoboʻlgan umra vaqtida uylanganlar»,- deydilar.

46-bob. Shom shaharlaridan biri bo'lmish Muta g'azoti

(Bu gʻazot ham islom yoʻlida qilingan katta gʻazotlardan biri boʻlib, unda koʻplab musulmonlar shahid boʻlgan. Voqea bunday boʻlgan: Paygʻambar alayhissalom Busro viloyatining hukmdoriga xat yozib, al-Horis ibn Umayrni elchi qilib yuboradilar. U Mutaga kelganda shahar hokimi Sharhabil ibn Amr Gʻassoniy ushlab oʻldiradi. Buning xabari Janob Rasulullohga yetgach, Zayd ibn Horisa boshchiligida uch ming askarni Sharhabilga qarshi yuboradilar-da, ularga: «Agar Zaydga biror hodisa boʻlsa, Jaʻfar, unga ham biror hodisa boʻlsa, Abdulloh ibn Ruvoha boshliq boʻladi. Elchimiz oʻldirilgan joygacha

boringizlar, avval ularni islomga chaqiringizlar, musulmon boʻlsalar, urushmangizlar, agar rad qilsalar, urushingizlar!» —dedilar. Musulmonlar kelayotganining xabari yetishi birlan Sharhabil ularga qarshi yuz ming, Shom podshosi Hiraql ham yuz ming qoʻshin yubordi, ikki yuz ming kofirga uch ming musulmon yuzma-yuz boʻldi. Natijada Zayd ham, Jaʻfar ham, Abdulloh ham halok boʻlib, musulmonlar qocha boshladilar, ularni kofirlar ta'qib qilib, koʻplarini qirib tashladi. Nihoyat, bayroqni Xolid ibn Valid qoʻlga olib, tadbir birlan askarlarning oʻrnini almashtirdi: oʻng qanotni chapga, chap qanotni oʻngga, ilgʻor qismni orqaga, orqa qismni ilgʻor oʻrniga olib, dushmanga tashlandi. Kofirlar bularni tanimay musulmonlarga madad keldi, deb diliga qoʻrquv tushib, qocha boshladi. Musulmonlar ularni ta'qib qilib, misli koʻrilmagan darajada katta talafot yetkazdilar, minglab kofirlar qirilib ketdi. Bu jangda koʻrsatgan katta mahorati uchun Xolid ibn Validni Janob Rasululloh «Sayfulloh», ya'ni «Ollohning qilichi» deb nomladilar).

Ibn Umar raziyallohu anhu shahidlarni oralab yurib Ja'farning jasadi ustida to'xtadilar, sanab ko'rsalar, Ja'farning badanida ellikta jarohat bor erkan, lekin birontasi ham orqa tomondan urilgan ermas erdi»,— deydilar Nofi'.

Abdulloh ibn Umar raziyallohu anhu bunday deydilar: «Janob Rasululloh Muta gʻazotida Zayd ibn Horisani askarlarga amir etib tayinladilar-da: «Agar Zayd oʻldirilsa, oʻrniga Jafar, u ham oʻldirilsa, oʻrniga Abdulloh ibn Ruvoha amir boʻladi»,— dedilar. Men ham shu gʻazotda ular birlan birga erdim. Ja'farni qidirib oʻliklar orasidan topdik, uning jasadida toʻqsondan ortiq qilich va naizaning zarbi bor erdi».

Anas ibn Molik raziyallohu anhudan nakl qilinadi: «Paygʻambar alayhissalom Zayd, Ja'far va Ibn Ruvohaga ne boʻlajagini ular oʻldirilgani haqida xabar kelmasidan burun bunday deb bashorat qildilar: «Bayroqni Zayd qoʻliga oldi, shahid boʻldi, soʻng Ja'far oldi, shahid boʻldi, keyin ibn Ruvoha oldi, shahid boʻldi, (shunda ikki koʻzlaridan yosh quyilib ketdi), soʻng bayroqni Ollohning qilichlaridan biri quoʻliga olib erdi, musulmonlar gʻalaba qozondilar».

Oisha raziyallohu anho bunday der erdilar: «Janob Rasulullohga Ibn Horisa, Ja'far va Abdulloh ibn Ruvohaning o'limi haqidagi xabar kelganda yuzlaridan xafaliklari bilinib turardi, men eshikning tirqishidan qarab turgandim. Bir odam kelib «Ey Ollohning rasuli, Ja'farning xotinlari yig'idan to'xtamayotir»,— dedi. Janob Rasululloh unga xotinlarni yig'idan to'xtatishni buyurdilar. Haligi odam qaytib kelib, ular ishidan to'xtamayotganini aitdi. Uchinchi bor buyurdilar, u yana qaytib kelib, yig'idan tuxtash o'rniga badtarroq o'kirishayotganini aytdi. Janob Rasululloh darg'azab bo'lib: «Unday bo'lsa, og'ziga tuproq to'ldirgin!»—dedilar. Shunda o'sha odamni chaqirib «Burning tuproqqa ishqalgur, nima ish qilyapsan, nimaga Rasulullohning tashvishlarini kuchaytiryapsan!»—deb urishib berdim».

Omir raziyallohu anhu aytadilarki, Abdulloh ibn Umar qachon Ja'farning o'g'li Abdullohni ko'rib qolsalar, unga «Assalomu alaykum, ey ikki qanotlining o'g'li»—deb salom berardilar (Ja'far Mutada shahid bo'lganlaridan keyin, Janob Rasululloh uning jannatda maloikalar birlan uchib yurganini ko'rganlar)

Xolid ibn Valid: «Muta g`azotida mening qo`limda to`qqizta qilich sindi, faqat Yaman qilichi butun qoldi»,— deydilar.

Bu yerdagi hadis ham Xolid ibn Validdan marviy bo'lib, yuqoridagi hadisni takrorlaydi.

Nu'mon ibn Bashir bunday deydilar: «Abdulloh ibn Ruvoha kasal bo'lib hushidan ketdi, buni ko'rgan opasi Umra: «Voy ishongan tog'im, voy belimning quvvati!» — deb yig'lay boshladi. Abdulloh hushiga kelgach «Mening haqimda nima deb yig'lagan bo'lsangiz, o'sha ondayoq «Hali sen shundaymisan?!»—deb meni mulzam qilishdi»,— dedi norozi bo'lib»

Nu'mon ibn Bashir: «(Avvalgi hadisda aytilganidek) Abdulloh ibn Ruvoha kasal bo'lib hushini yo'qotganda opasi Umra yig'lagani uchun o'ziga kelgach, norozilik bildirgan erdi, shu boisdan ham Abdulloh o'lganda opasi yig'lamadi»,— deydilar

47-bob Payg'ambar alayhissalomning Juhayna qabilasi hurqalariga Usoma ibn Zaydni yuborganlari haqida

Usoma ibn Zayd bunday deydilar: «Rasululloh sallallohu alayhi va sallam bizni Juhayna qabilasining hurqa qavmiga yubordilar, biz ularga tongda hujum qilib tor-mor qildik. Men va bir ansoriy dushmandan birining iziga tushib, qurshab olgan paytimizda u: «Lo iloha illalloh» deb iymon keltirdi, shu ondayoq ansoriy undan qoʻlini tortdi, men boʻlsam, uni nayza birlan urib oʻldirib qoʻydim. Gʻazotdan qaytganimizda Janob Rasulullohga bu haqda aytishib erdi, ul zot menga «Ey Usoma, «Lo iloha illalloh» degandan keyin ham oʻldirdingmi?!»—dedilar. Men «Axir, u joni shirinlik qilib shunday dedi-da!» — dedim Janob Rasululloh. «Shunday qildingmi-a'»—deb shunchalik koʻp takrorladilarki, «Usha kundan oldin musulmon boʻlmagan boʻlsam, qanday yaxshi erdi-ya» deb orzu qildim»

Salama ibn al-Akva': «Men Janob Rasululloh birlan birga yettita g'azotda qatnashdim. Ul zot o'zlari bormay, askar tayyorlab jo'natgan g'azotlarning to'qqiztasida bo'ldim. Bir safar Abu Bakr. bir safar Usoma bizga bosh bo'lardilar»,— deydilar.

Bu yerdagi hadis takroran keltirilgan.

Salama ibn al-Akv': «Paygʻambar alayhissalom birlan birga yettita gʻazotda birga boʻldim: Xaybarda, Hudaybiyada, Hunaynda, Qaradda, lekin qolganini unutdim»,— deydilar.

48-bob. Fath (Makka) g'azoti va Hotib ibn Abu Balta'aning Makka ahliga Janob Rasulullohning g'azot qilajaklari hakida xabar yuborgani

Ali raziyallohu anhu buiday deydilar: «Rasululloh sallallohu alayhi va sallam meni, Zubayrni va Miqdodni joʻnata turib: «Boringizlar, Xox degan bogga yetganingizda bir ayolni uchratasizlar, unda maktub bor, menga olib kelingizlar!» — dedilar. Biz joʻnadik, otlarimizni yeldi-rib, bogga yetib bordik, qarasak roʻparamizda bir ayol turibdi, unga: «Xatni ber!» — deb buyurdik. U: «Menda xat yoʻq»,— dedi. Biz unga: «Uzing xatni topib bersang, berding, boʻlmasa kiyimlaringni yechib qidiramiz!» — deb doʻq urdik. Noiloj, ayol xatni sochlari orasidan olib berdi. Biz xatni Janob Rasulullohning huzurlariga olib bordik, Xotib ibn Abu Balta'a unda makkaliklarga Janob Rasulullohning ba'zi ishlari haqida xabar yozibdi. Rasululloh sallallohu alayhi va sallam: «Ey Xrtib, bu nima qilganing?!» — dedilar. Xotib bunday dedi: «Yo Rasulalloh, meni hukm qilishga shoshilmangiz! Darhaqiqat, bir vaqtlar mening Qurayshqa aloqam boʻlgan, ya'ni ular

bilan do'stlashgan erdim, lekin o'zim ulardan ermasman. Siz birlan birga yurgan muhojirlarning barchasining ular orasida qarindoshlari boʻlib, u yerda qolgan mol-mulk va bola-chagalarini himoya giladilar. Men ersam, u yerda garindoshim yoʻq boʻlgani uchun ham, ulardan tanish orttirsam, mening ham yaqinlarimni himoya qilishsa, degan niyatda erdim, xalos. Lekin, bu ishni dindan qaytganimdan qilganim yo'q, aslo. Musulmon bo'lgach, qayta kofir bo'lmoqqa sira rozi bo'lmagayman!». Rasululloh sallallohu alayhi va sallam: «Ammo, bu sizlarga rost gapirayotir!»— dedilar. Umar raziyallohu anhu: «Yo Rasulalloh, qo'yib bering menga, bu munofigning bo'ynini uzib tashlay!» — dedilar. Rasu-lulloh sallallohu alayhi va sallam: «Bu Badrda ishtirok qilgan, Olloh taolo ersa Badrda ishtirok qilgan kishilarga nisbatan o'z hukmini chiqarib qo'ygan, Olloh taolo: «Istaganingizni qilingizlar, men sizlarni magʻfirat qildim!» — degan», dedilar. Shu asnoda Olloh taolo quyidagi qavlini g'ozil qildi: «Ey mo'minlar, mening va o'zlaringizniig dushmanlaringizni do'st tutmangizlar! Sizlar ularga do'stona munosabatda bo'lasizlar, vaholanki ular sizlarga kelgan haq dinga ishonmay, kofir bo'lganlar. Ular payg'ambarni ham, sizlarni ham rabbingiz Ollohga iymon Keltirganingiz uchun o'z diyoringizdan haydab chiqarayotirlar, agar sizlar meni deb va mening roziligimni istab jihodga chiqqan bo'lsalaringiz, kofirlarni do'st tutmangiz-lar! Sizlar ularni pinhona do'st tutyapsizlar. Men sizlar oshkora qilgan narsani ham, pinhon tutgan narsani ham bo'lurman. Sizlardan kim shu ishni qilgan ya'ni, kofirlar birlan do'st tutungan) bo'lsa. u to'q'ri yo'ldan adashibdi!».

49-bob Makkaning ramazon oyida fath qilingani haqida

Ibn Abbos raziyallohu anhu: «Rasululloh sallallohu alayhi va sallam Makkaga ramazon oyida gʻazot qilganlar», — deydilar. Ibn Musayyab ham shu mazmunda hadis rivoyat qilganlar.

Ibn Abbos «Rasululloh sallallohu alayhi va sallam roʻza tuttan erdilar, Kudaydga, ya'ni Qadiyd birlan Asfon oʻrtasidagi ariqqa yetganda iftor qildilar. Shu boʻyi ramazon oyi tugaguncha roʻza tutmadilar», — deydilar.

Ibn Abbos rivoyat qaladilar: «Paygʻambar alayhissalom ramazon oyida Madinadan chiqdilar, u kishi birlan birga oʻn ming odam yoʻlga tushdi. Bu safar Janob Rasulullohning Madinaga kelganlariga sakkiz yarim yil boʻlganda boshlandi. Janob Rasululloh va boshqa musulmonlar Makkaga qarab yurdilar, ul zot ham, boshqalar ham roʻzador erdilar. Asfon birlam Qadiyd oraligʻidagi ariqqa yetib kelganlarida Janob Rasululloh ogʻiz ochdilar, boshqalar ham ogʻiz ochishdi».

Zuhriy: «Janob Rasulullohning (safar vaqtidagi roʻza xususida bergan) buyruqlaridan eng keyingisiga amal qilinadi», — deydilar. Eng keyingisi ersa quyidagi hadisda bayon qilingan:

Ibn Abbos rivoyat qiladilar: «Paygʻambar alayhissalom ramazon oyida H,unaynga yoʻlga chiqdilar. Odamlarning ba'zilari roʻzador, ba'zilari ogʻzi ochiq erdi. Janob Rasululloh tuyalarida oʻltirgan hollarida bir idishda sutmi, suvmi soʻradilar, uni tuyalari ustiga qoʻyganlaridan soʻng, odamlarga qaragan erdilar, ogʻzi ochiqlar muddaolari-ni bilib roʻzadorlarga: «ogʻzingizni ochingizlar!» — deb buyurishdi».

Ibn Abbos rivoyat qiladilar: Rasululloh soallallohu alayhi va sallam ramazonda safar

qildilar. Asfonga yetgunlariga qadar roʻza tutib bordilar, soʻng bir idishda suv soʻrab, nahorda boshqalarga koʻrsatib chiqdilar, ogʻizlari ochiq holda Makkaga kirib keldilar. Ul zot sasarda roʻza ham tutardilar, ogʻizlarini ochib ham yurardilar. Demak, safarda kim xohlasa, roʻza tutadi, kim xohlamasa, tutmaydi».

50-bob Rasululloh, sallallohu alayhi va sallam Makka fath qilingan kuni bayroqni yerga tikkanlar?

Urva ibn Zubayr rivoyat qiladilar: «Rasululloh sallallohu alayhi va sallam Fath yili Makkaga joʻnagan paytlarida, bundan xabar topgan Quraysh kattalari — Abu Sufyon ibn Xarb, Xakim ibn Xizom va Badil ibn Vargo ul zotni izlab yurib Marruzzahron degan joyga kelganda, Arafa kunidagidek ko'plab gulxan yogib go'yilganini ko'rishdi. Shunda Abu Sufyon. «Xuddi Arafa kunidagidek koʻplab yogilgan bu gulxanlar qanday gulxanlar boʻldi erkan» — dedi. Badil ibn Varqo:Bu gulxanlar Banu Amrniki bulsa kerak»,— dedi. Abu Sufyon: «Banu Amrning gulxanlari bunchalik koʻp ermas»— dedi. Soʻng, ularni Janob Rasulullohning posbonlari sezib qolib, ushlashdi-da, ul zotning qoshlariga olib borishdi. Shu yerda Abu Sufyon musulmon bo'ldi. U endi ketaman deb turganda Rasulullih sollallohu alayhi va sallam Abbosga: Abu Sufyonni to'xtatib turgil, musulmonlar daradan o'tayotganda ularning (Ko'pligini) bir ko'rib go'ysin!»—dedilar. Abbos uni to'xtatib turdi, jangovor gabilalar Janob Rasululloh boshchiliklarida uning oldidan birin-ketin o'ta boshladi. Birinchi guruh o'tganda Abu Sufyon: «Ey Abbos, bular kimlar?»—deb so'radi. Abbos «Bu G'ifor gabilasi» -dedi. Abu Sufyon «G'ifor bo'lsa, bo'lar, menga nima!» dedi. Keyin, Juhayna qabilasi o'tdi. Ularni ko'rib ham boyagi qapni qildi. Sa'd ibn Xuzaym gabilasi o'tganda ham, Sulaym gabilasi o'tganda ham boyagi gapini takrorlad. So'ng, shunday bir harbiy qism o'tdiki, Abu Sufyon ularni ko'rib hangumang bo'lganidan: «Bular kimlar?» — deb soʻradi. Abbos «Bular ansorlardur. Ularning yetakchisi Sa'd ibn Uboda qo'lida bayroq ushlab ketayotir»,— dedi. Sa'd ibn Uboda ularga yaqin kelib «Ey Abu Sufyon, bugun qattiq jang bo'lib, omonlik berilmaydirgan kundir, bugun Ka'ba bizniki bo'ladirgan kundir!» — dedi. Abu Sufyon: «Ey Abbos, ganday yaxshi-ya! Bugun har kim oʻzini koʻrsatib, hurmatga sazovor boʻladirgan kun!» — dedi. Keyin, Rasululloh sallallohu alayhi va sallam Abu Sufyonning oldidan o'tayotganlarida, u ul zotga: «Bilasizmi, Sa'd ibnUboda nima dedi?»—dedi. Janob Rasululloh «nima dedi» — deb soʻradilar. Abu Sufyon Sa'dning nima deganini aytib berdi. Rasululloh sallallohu alayhi va sallam «Sa'd noto'g'ri aytibdi, bugungi kun Olloh taolo Ka'bani ulug'laydirgan kun, Ka'baga jild kiydiriladirgan kun!» dedilar. Keyin, Janob Rasululloh bayroglarini tepasiga o'rnatishni buyurdilar (Xajun — Makka maqbarasiga yaqin mashhur togʻ)».

Jubayr ibn Mut'im bunday deydilar: «Abbosning Zubayr ibn Avvomga: «Ey Abdullohning otasi, Rasululloh sallallohu alayhi va sallam senga bayroqlarini oʻrnatib qoʻyishingni buyurdilar!» — deganlarini eshitganman. Rasululloh sallallohu alayhi va sallam oʻsha kuni Xolid ibn Validga Makkaga yuqori qismi orqali, ya'ni Kadoʻdan kirishni buyurdilar, oʻzlari ersalar past tomondan— Kudodan kirib bordilar. Shu kuni Xolid askarlaridan ikki kishi — Xubaysh ibn al-Ashʻar va Qurz ibn Jobirlar shahid boʻldilar».

Abdulloh ibn Mugaffal rivoyat qiladilar: «Men Rasulullohning Makka fathi kuni tuyalari ustida «Fath» surasini baland ovoz birlan oʻqiganlarini koʻrdim. Keyin, ul zot: «Agar odamlar atrofimga toʻplanib olmaganda ovozimni Ibn Mugʻaffalga oʻxshab yanada koʻtarur erdim!» — dedilar».

Usoma ibn Zayddan naql qilinadiki, u kishi Fath Janob Rasulullohga: «Yo Rasulalloh, ertalab qaerda tushib dam olamiz?» —debdilar. Paygʻambar alayhissalom: «Uqayl ibn Abu Tolib bizga biror manzil qoldirganmi oʻzi!» — deb aytibdilar-da, keyin: «Moʻmin kofirdan, kofir moʻmindan meros olmagay» — deb qoʻshib qoʻyibdilar.

Abu Hurayra raziyallohu anhudan naql qilinaidiki, Rasululloh sallallohu alayhi va sallam: «Agar Ollh taolo bizga zafar ato eqa, inshoalloh, Xayfda tushgaymiz!» — debdilar. Xayf — mushriklarning Janob Rasululloh Makkadan chiqarib yubormoqqa ont ichgan yeridir. Bu yerdagi hadis takroran keltirilgan.

Anas ibn Molik raziyallohu anhudan nakl kilinadiki, Rasululloh sallallohu alayhi va sallam Fath kuni Makkaga kiribdilar, boshlarida dubulgʻa bor erkan. Dubulgʻani yechib turganlarida bir odam kelib «Yo Rasulalloh, Ibn Hatol Ka'baning jildiga osilib tortayotir!»— Rasululloh sallallohu alayhi va sallam: «Uldir uni!» deb buyurdilar». «Fikrimizcha, yana Olloh taolo biladi, Janob Raoululloh oʻsha vaqtda ehromda boʻlmasalar kerak»,— deydilar Molik.

Abdulloh ibn Mas'ud raziyallohu anhudan nakl kilinadiki, Rasululloh sallallohu alayhi va sallam Fath kuni Makkaga kiribdilar. Baytulloh atrofida uch yuz oltmishta but turgan erkan. Shunda ul zot butlarni qo'llaridagi ud yog'ochi birlan turta turib. «Haqiqat keldi, botil chekindi, haqikat keldi, endi botil sira ham zohir bo'lmaydi va qaytmaydi!» — debdilar.

Ibn Abbos bunday deydilar: «Rasululloh sallallohu alayhi va sallam Makkaga kelganlarida Ka'baga kirgilari kelmadi, chunki u yerda kofirlarning ma'budalari bor erdi. Janob Rasululloh amr qildilar, hamma butlar olib chiqib tashlandi, U yerda Ibrohim birlan Ismoilning suratlari ham bor bo'lib, ularning qo'lida tarozu tasvir qilingan erdi, ular ham chiqarib tashlandi. Janob Rasululloh: «Xarob bo'lgur, mushriklar! Yaxshilik birlan yomonlikni bular o'lchamasligini o'zlari yaxshi bilgaylar»,— dedilar, keyin Baytullohga kirdilar-da, namoz o'qimay qaytib chiqdilar».

51-bob Payg'ambar alayhissalomning Makkaga uning yuqori tomonidagi yo'ldan kirganlari haqida

Abdulloh; ibn Umar raziyallohu anhudan nakl kilinadi: Rasululloh sallallohu alayhi va sallam Fath kuni Makkaning yuqori tarafidan tuyaga minib kirib keldilar, tuyalariga Usoma ibn Zaydni mingashtirib olgan erdilar. Bilol va Usmon ibn Talha ersa .Janob Rasulullohni qoʻriqlab kelishardi. Janob Rasululloh tuyalarini masjid oldiga choʻktirdilarda, Baytullohning kalidini keltirishni buyurdilar. Keyin, Baytullohga kirdilar, u kishi birlan birga Usoma, Bilol va Usmon ibn Talha ham kirishdi. Ka'ba ichida uzoq vaqt turib, soʻng qaytib chiqishdi. Keyin, u yerga odamlar kira boshladi, birinchi boʻlib Abdulloh ibn Umar kirdi, eshik ostonasida turgan Bilolni koʻrib, undan: «Rasululloh sallallohu alayhi va sallam qaerda namoz oʻqidilar?» — deb soʻradi. Bilol Janob Rasulullohning namoz oʻqigan joylarini koʻrsatdi. Ibn Umar: «Necha rak'at namoz oʻqidilar?» — deb soʻrash esimdan chiqibdi»,— deydilar.

Oisha raziyallohu anho xabar beradilarki, Fath kuni Rasululloh sallallohu alayhi va sallam Makkaning Kado' deb nomlangan yuqori tarafidan kirib kelibdilar. Bu yerdagi hadis takroran keltirilgan.

52-bob. Payg'ambar alayhissalomning Fath kuni kelib tushgan joylari haqida

Ibn Abu Laylodan nakl qilinadi: ,«Bizga bir odamning xabar berishicha, u Paygambar alayhissalomning Zuho namozini Ummu Honi'dan boshqa odamning uyida oʻqiganlarini koʻribdi. Ummu Honi'ning aytishicha ersa, Janob Rasululloh Makka fathi kuni uning uyida gusl qilib, sakkiz rak'at namoz oʻqiganlar. «U kishining bunchalik yengil, ammo ruku' va sujudlari mukammal namoz oʻqiganlarini ilgari koʻrmagan erdim»,— deydilar Ummu Honi'».

53-bob.

Oisha raziyallohu anho bunday deydilar: «Rasululloh sallallohu alayhi va sallamning odati shariflari shunday erdiki, ruku' va sajdada ushbu duoni oʻqirdilar: «Subhona-ka Ollohumma rabbano va bihamdika Ollohummagfirliy!» (ya'ni, «Ey Olloh, ey parvardigorimiz, biz seni barcha narsadan pok erkanligingni e'tirof qilurmiz, doim senga hamd aytish birlan mashgʻul boʻlurmiz, yo Olloh, meni magʻfirat qilgil!»).

Ibn Abbos raziyallohu anhudan nahl kilinadi: «Umar raziyallohu anhu meni Badr ulug'larining suhbatiga olib kirdilar. Ba'zilar norozi bo'lib: «Nechun bu yigitni oramizga olib keldingiz, bunga oʻxshagan yigitlar bizda ham bor!» — dedi. Hazrat Umar: «Bu yigit oʻzlaringiz bilgan kishilar jumlasidan»,— deb javob berdilar. Bir kuni Hazrat Umar ularni ham, meni ham uylariga chaqirdilar, shunda «Meni bular birlan birgalikda uylariga chaqirishdan maqsadlari meni ularga bir «koʻrsatib qoʻyish» boʻlsa kerak» deb oʻyladim. Umar raziyallohu anhu «Izo joa nasrullohi val-fathu va raaytan-nosa yadxuluuna fiy diynillohi afvojan fasabbih» surasini (oxirigacha oʻqib): «Uning haqida fikrlaringiz ganday?» — deb oʻltirganlarga savol tashladilar. Ba'zilar: «Olloh taolo bizga amr qildiki, agar nusrat topib fathga erishsak, unga hamd aytishimiz zarur erkan»,— deyishsa, ba'zilar: «Bilmaymiz»,— deyishdi, qolganlar ersa lom-mim demadi. Hazrat Umar menga: «Ey Ibn Abbos, siz ham shunday ma'no berasizmi?» — deb so'radilar. Men: «Yo'q», deb javob berdim. Hazrat Umar: «Unda siz qanday ma'no berasiz?» — dedilar. Men: «Bu Janob Rasulullohning umrlari poyoniga yetib qolganiga ishora bo'lib, Olloh taolo ul zotga: «Agar sizga Ollohdan nusrat kelib, Makka fath boʻlsa, bu umringizning poyoniga yetib qolganining alomatidur, shuning uchun Ollohga hamd aytib, uni ulug'lang, unga istig'for ayting, darhaqiqat u tavbani qabul qilguvchi zotdur!» — deb amr qildi»,— dedim. Hazrat Umar: «Buning mazmunini men ham siz kabi tushungan erdim»,— dedilar».

Abu Shurayhdan nahl qilinadiki, u kishi Makkaga askar yuborayotgan Amr ibn Sa'idga bunday debdilar: «Ey amir, menga izn beringiz, sizga bir hadisni aytib berayin, bu hadisni Rasululloh sallallohu alayhi va sallam Makka fath bo'lganining ertasiga aytgan erdilar, men uni o'z qulog'im birlan eshitib, qalbimga joylab olgan erdim, Janob Rasululloh qay holatda so'zlaganlarini ham o'z ko'zim birlan ko'rganman. Ul zot avval Olloh taolog'a hamdu sanolar aytib, so'ng bunday degan erdilar: «Makkani Olloh taolo muqaddas qildi, odamlar emas! Olloh taolo birlan oxiratga iymon keltirgan musulmon kishining Makkada qon to'kmoqligi, uning daraxtlarini kesmoqligi halol bo'lmaydi. Agar biror kishi: «Janob Rasulullohning o'zlari Makkada urushganlar-ku?!» — deb vaj ko'rsaqa, aytinglarki «Olloh o'z payg'ambariga izn berdi, sizlarga izn bergani yo'q, unga ham bir soatgagina izn berdi, keyin Makkaning bugungi hurmati kechagi hurmatidek asliga qaytdi. Bu yerda bor kishilar bu yerda yo'qlarga qapimni yetkazsin!».

Abu Shurayhdan: «Bu hadisni aytganingizdan keyin, Amr sizga nima dedi?» — deb soʻrashdi. «Ey Abu Shurayh, men bu narsani sizdan yaxshiroq bilurman, lekin Haram gunohkorni, oʻgʻrini, had urilishidan qochgan jinoyatchini oʻz panohiga olmaydi, deb aytdilar»,— dedilar Abu Shurayh.

Jobir ibn Abdulloh; «Rasululloh Fath kuni Makkada: «Olloh va uning rasuli aroq sotishni harom qildi» — dedilar»,— deydilar.

54-bob. Payg'ambar alayxissalomning fath kunlari Makkada turganlari haqida

Anas ibn Molik raziyallohu anhu: «Biz Janob Rasululloh birlan birga Makkada oʻn kun turib, namozni qasr oʻqidik»,— deydilar.

Ibk Abbos raziyallohu anhu: «Paygʻambar alayhissalom Makkada oʻn toʻqqiz kun turdilar, shunda namozni ikki rak'atdan oʻqidilar»,— deydilar.

Bu hadisda ham Ibn Abbos Janob Rasulullohning Makkada oʻn toʻqqiz kun namozni qasr oʻqiganlarini aytib: «Biz oʻn toʻqqiz kungacha musofir boʻlsak, namozni qasr oʻqiymiz, undan oshsa, toʻla oʻqiymiz»,— deydilar.

55-bob.

Abdulloh ibn Sa'laba: «Rasululloh Fath yili yuzimni silab qo'yganlar, u vaqtda to'rt yashar bola erdim»,— deydilar.

Sunayn Abu Jamilaning Zuhriyga xabar berishlaricha, u kishi Rasulullohni koʻrgan va ul zot birlan birga Makka fathida ishtirok gilgan erkanlar.

Amr ibn Salamadan nahl qilinadiki, Abu Qiloba Ayyubga: «Amrga uchrashmaysizmi, undan hadis so'rar erdingiz!» — debdilar. Ayyub: «Men Abu Qilobaning gapi birlan Amr ibn Salamaga uchrashib, undan hadis so'radim, Amr bunday deb rivoyat qildi», deydilar: «Biz koʻplab odamlar oʻtib turgan joyda, suv boʻyida turgandik, oldimizdan otliglar o'tib turardi. Biz ulardan: «Odamlarga ne bo'ldi, anavi odam kim?» — deb soʻradik. Ular: «Bu odam «Olloh meni elchi qilib yubordi, u menga vahiy joʻnatdi» deb ta'kidlayotir»,— deyishdi. Men o'shanda «vahiy» degan so'zni yodlab olgandim, bu so'z mening galbimni mahv etayotgandek erdi. Arablar musulmonlarning islom dini tufayli Makkaning fath gilinishiga umid gilishar va: «Unga tegmangizlar, o'z gavmi ustidan g'olib keldimi, demak u haqiqiy payg'ambar erkan!»— deyishardi. Oradan ko'p o'tmay, Makka fath gilindi, shunda har bir gavm musulmon bo'lishga shoshib goldi, otam ham gavmimizni islomga kirishga shoshirdilar. Otam Janob Rasulullohning oldilaridan qaytganlaridan soʻng: «Men Ollohga qasamyod qilurmanki, haq paygʻambarning oldidan keldim, u kishi bizga mana bu vaqtda mana bunday namoz o'qishga buyurdilar. «Agar namoz vaqti boʻlsa, bittalaringiz azon aytingiz, Qur'onni koʻp biladirganingiz imom bo'lsin!» deb amr qildilar»,— dedilar. Keyin, namoz vaqti bo'lgach, Qur'onni ko'proq biladirgan odamni qidirdilar, lekin mendan koʻp biladirgan odam yoʻq erkan, chunki men otliq yoʻlovchilardan koʻp eshitib yodlab olgan erdim. Meni oldinga oʻtqazib qoʻydilar, shunda men olti yoki yetti yoshda erdim, ustimda burda, ya'ni kalta kuylak bor erdi,

sajdaga borsam, orqam ochilib qolardi. Shunda mahalla ayollaridan biri: «Qorilaringizning orqasini yopib qo'ymaysizlarmi?!»—deb erdi. Keyin, mato sotib olib, menga uzun ko'ylak tikib berishgan erdi. Men benihoyat guvongan erdim».

Oisha raziyallohu anhodan naql qiliiadiki, Utba ibn Abu Vaqqos (oʻlar chogʻida) ukasi Sa'dga Zam'a (ismli) choʻrisining bolasi oʻz oʻgʻli erkanligini aytib, uni oʻz tarbiyasiga olmoqni vasiyat qilibdi. Janob Rasululloh Makkani fath etmoqqa kelganlarida Sa'd bolani ul zotning huzurlariga olib kelibdi, u birlan birga Zam'aning (katta oʻgʻli) Abd ibn Zam'a ham kelibdi. Shunda Sa'd: «Bu bola akamning oʻgʻli, buni menga topshirganlar»,— dedi. Abd ibn Zam'a ersa: «Yo Rasulalloh, bu mening ukam, choʻri Zam'aning oʻgʻli, otamning toʻshagida tugʻilgan»,— dedi. Rasululloh Zam'aning bolasiga qaradilar, u Utba ibn Abu Vaqqosning oʻzginasi erdi. Rasululloh: «Ey Abd ibn Zam'a, bu bola sening ukang, chunki otangning toʻshagida tugʻilgan»,— dedilar, keyin bolani Utba ibn Abu Vakqosga nihoyatda oʻxshashligini koʻrib: «Ey Savda, bundan yuzingni yashirgil!» — deb amr qildilar».

Ibn Shihob Oisha rchziyallohu anhodan nakl qilib: «Janob Rasululloh: «Bola toʻshak sohibiniki, zinokor ersa undan mahrum qilinadi» — deb aytganlar, shunda Abu Hurayra oʻzlarini tutolmay oʻkirib (yigʻlab) yuborganlar»,— deydilar.

Urva ibn Zubayr bunday deydilar: «Rasulullohning davrlarida, Fath gʻazoti vaqtida bir ayol oʻgʻrilik qildi. Uning qarindoshlari Usomaning oldilariga kelishib, ayolni shafoat qilishni soʻrashdi. Usoma Janob Rasulullohga shu haqida aytganlarida ul zotning yuzlari qizarib ketib: «Olloh buyurgan jazoni ado etmogʻimga monelik qilayotirsanmi?!» — dedilar. Usoma darhol: «Yo Rasulalloh, meni kechiringiz!» — dedilar. Keyin, Janob Rasululloh peshin namozi vaqtida ma'ruza qilmoqqa turdilar-da, Olloh taologa hamdu sanolar aytgach, bunday dedilar: «Ammo ba'd, sizlardan ilgarigi qavmlar biror ulugʻroq kishi oʻgʻrilik qilsa, kechirib, nochorroq oʻgʻrilik qilganda jazolaganlari uchun halokatga uchraganlar. Muhammadning joni qoʻlida boʻlgan zotga qasam ichib aytamanki, hatto Fotima binti Muhammad ham oʻgʻrilik qilsa, qoʻlini kesardim!» — dedilar, keyin oʻgʻrilik qilgan ayolni keltirishni buyurdilar. Uning qoʻli kesildi, soʻng chinakam tavba qilib, turmushga chiqdi». Oisha onamiz: «Usha ayol, keyinchalik mening oldimga kelib turardi, uning hojatini men Janob Rasulullohga yetkazardim»,— deydilar.

Abu Usmonga Mujoshi' rivoyat qiladilar: «Men Makka fathidan keyin, Paygʻambar alayhissalomning oldilariga akamni olib keldim-da: «Yo Rasulalloh, men akamni hijratga bay'at qildirishingiz uchun olib keldim»,— dedim. Rasululloh: «Hijrat ahli hijrat savobini allaqachon olib ketib boʻlishdi»,— dedilar. «Boʻlmasa, nimaga bay'at qildirasiz?» — deb soʻradim. Janob Rasululloh: «Men akangni islomga, iymonga, jihodga bay'ag qildiraman»,— dedilar». «Keyin, men Abu Mu'abbid (laqabi, ismi Mujolid) birlan uchrashdim, u Mujoshi'ning akasi erkan, ukasining gaplarini tasdiqladi»,— deydilar Abu Usmon.

Bu yerdagi hadis ham avvalgining oʻzginasi boʻlib, oxirida: «Mujoshi'ning akasining oti Mujolid erdi» degan ibora bor.

Mujohid raziyallohu anhu bunday deydilar: «Men Ibn Umarga: «Shomga hijrat qilmoqchiman»,— dedim. Ibn Umar: «Hijrat tamom boʻlgan, endi jihod bor, uyga borgin-da, oʻylab koʻr, agar jihodga oʻzingda qudrat sezsang, borasan, agar qudrat

sezmasang, ahdingdan qaytasan», — dedilar».

Mujoxid raziyallhu anu: «Men hijrat toʻgʻrisida Ibn Umarga aytgan erdim, u kishi: «Bugun (yoki Janob Rasulullohdan keyin) hijrat yoʻq»— dedilar»,— deydilar.

Bu yerdagi hadis ham avvalgi ikki hadisni takrorlaydi.

Ato ibn Abu Raboh bunday deydilar: «Men Ubayd ibn Umar birlan birga Oisha onamizni koʻrgani bordim. Ubayd Oisha onamizdan hijrat haqida soʻradi. Oisha onamiz: «Bugungi kunda hijrat yoʻq, (ilgari) moʻminlar dinlarini fitnadan asramoq uchun Olloh taolo birlan uning rasuli panohiga olib qochar erdilar, bugun ersa Olloh taolo islomni ustuvor qildi, endi moʻmin istagan joyda oʻz rabbiga ibodat qila oladi. Ammo, hijrat qilganlik savobiga erishmoqni istagan kishi Olloh taolo yoʻlida jihod qilmogʻi mumkin»,— dedilar».

Mujohid raziyallohu anhu bunday deydilar: «Fath kuni Rasululloh sallallohu alayhi va sallam oʻrinlaridan turib quyidagicha ma'ruza qildilar: «Albatta, Olloh taolo yeru osmonlarni yaratgan kundan boshlab Makkani muqaddas qildi. Olloh taolo muqaddas qilgani sababli bu yerda qon toʻkmoq to qiyomatgacha haromdur, bu mendan avval ham, mendan keyin ham biror kishiga halol (ruxsat) boʻlmaydi, Olloh taolo menga bir soatgina urush qilmoqqa izn berdi. Makkaning hayvonlari quvilmaydi, daraxtlari kesilmaydi, oʻsimliklari oʻrilmaydi, bu sozandadan boʻlak kishiga man' qilinadi». Abbos ibn Abdulmuttalib: «Yo Rasulalloh, izxirni oʻrmoqqa ruxsat bersangiz, chunki u uyda va soz uchun zarur narsa»,— dedi. Janob Rasululloh biroz sukut qilgach: «Izxirdan boshqasini kesmangizlar, izxirni kessangizlar, mayli!»—dedilar».

Bu yerdagi hadis takroran keltirilgan.

56-bob.

Olloh taoloning qavli: «Hunayn kuni koʻp erkanligingiz sizlarni magʻrur qilib qoʻydi, ammo sanogʻingizning koʻpligi sizlarni falokatdan qutqarib qololmadi, sizlarga keng yer tor boʻlib, orqaga qarab chekindingizlar. Keyin, Olloh taolo hotirjamlik nozil qildi... («... kechiruvchi rahimdil zotdur» degan qavligacha)».

Ismoil ibn Abu Xolid bunday deydilar: «Men Abdulloh ibn Abu Avfonning qoʻllarida jarohat oʻrnini koʻrdim. Shunda u kishi Janob Rasululloh birlan birga Hunayn gʻazotida boʻlganlarida jarohatlanganliklarini aytdilar. «Hunaynda ishtirok qilganmisiz?» ~desam, «Undan ilgarigi janglarda ham qatnashganman», ~dedilar.

Barro raziyallohu anhudan naql qilinadi: Bir odam u kishidan: «Sizlar Hunaynda chekinganmisizlar?» deb soʻradi. Barro: «Men guvoxlik beramanki, Rasululloh chekinmaganlar, lekin lashkarning oldingi qismi ilgarilab ketib qolib, Havozan mushriklari ularni ota boshlagandi. Abu sufyon Janob Rasulullohning Bayzo nomli xachirlarininig jilovidan ushlab borar, ul zot ersalar: «Men paygʻambarman, yolgʻonchi ermasman, men Abdulmuttalibning oʻgʻliman!»— der erdilar».

Abu Ishoq rivoyat qiladilar: «Qays qabilasidan bir kishi Barrodan: «Hunaynda Janob Rasulullohni tashlab qochdilaringizmi?» oʻljalardan bergaymiz»,— dedilar. Koʻpchilik Rasulullohning avvalgi takliflariga rozi erkanligini bildirdi. Rasululloh: «Bu yerda

qaysilaringiz rozi-yu, qaysilaringiz norozi erkanligingizni biz bilmaymiz, boringizlarda, bir vakil tayinlab, unga fikringizni aytingizlar, u ersa bizga kelib xabar bersin!» — dedilar. Odamlar ortlariga qaytib, soʻng bir necha nomzod vakillar birlan birga kelishdi. Vakillar avvalgi taklifga barcha rozi erkanligini Janob Rasulullohga ma'lum qilishdi».

Ibn Umar raziyallohu anhu rivoyat qiladilarki, Hazrat Umar Hunayndan qaytayotganlarida johiliyat zamonida e'tikof qilajaklarini nazr qilib qo'yganlari haqida Janob Rasulullohga aytibdilar, shunda ul zot: «Nazrga vafo qilg'il!»— deb amr qilibdilar.

Abu Qatoda raziyallohu anhu bunday deydilar: «Biz Hunayn kuni Janob Rasululloh birlan birga yoʻlga chiqdik, dushman birlan yuzma-yuz boʻlganda musulmonlar orasida ozgina sarosimalik sodir boʻldi. Men bir mushrikning musulmonlardan birini halok qilayotganini koʻrib qoldim. Shunda orqasidan borib boʻyniga qilich urgan erdim, sovutini qirkib yubordim. U menga hamla qilib keldi-da, boʻynimdan tutib shunday boʻgʻdiki, oʻlimning hidi dimogʻimga urildi. Keyin, qoʻllari boʻshashib, oʻlib qoldi. Soʻng, men Hazrati Umarning oldilariga borib: «Odamlarga nima boʻldi?» — dedim. Hazrat Umar: «Olloh taolo shuni buyurgan», dedilar. Keyin, odamlar yana ortlariga qaytishdi,

Rasululloh: «Kimki bir mushrikni oʻldirgan boʻlsa, undan qolgan oʻlja oʻshaniki boʻlgay, ammo oʻldirganiga guvoh topmogʻi lozim»,— dedilar. «Menga kim guvohlik bera-di?» — dedim-da, oʻltirdim. Janob Rasululloh boyagi gaplarini uch marta takrorladilar, shunda har safar oʻrnimdan turardim-da: «Menga kim guvohlik beradi?» —deb, yana oʻltirardim. «Senga nima boʻldi, Ey Abu Qatoda?» — dedilar. Men boʻlgan voqeani gapirib berdim. Shu payt bir odam oʻrnidan turib: «Rost aytyapti, u oʻldirgan odamning narsalari menda, men uni rozi qilaman»,— dedi. Abu Bakr Siddiq raziyallohu anhu: «Rasululloh boyagi gaplari birlan Olloh taolo va uning rasuli uchun jang qilgan Olloh sherlaridan biri boʻlmish kishidan oʻljasini olib senga berishni qasd qilgan ermasdilar!» —dedilar. Paygʻambar alayxissalom: «Abu Bakr rost gapiryapti, uning oʻljasini ber!» — deb jangchiga buyurdilar. U menga oʻljamni berdi. Men bu oʻljani» sotib, puliga Banu Salamadan bir bogʻ oldim. Bu mening islomdagi dastlabki bisotim boʻldi».

Abu Qatoda mavlolari Abu Muhammadga bunday degan erkanlar. «Xunayn kuni men bir musulmon va bir mushrikning o'zaro jang qilishayotganini ko'rdim, shunda boshqa bir mushrik musulmonning orgasidan kelib uni o'ldirmogchi bo'ldi Men tezda unga hamla qilgan erdim, u menga qilich ko'tardi, lekin men chaqqonlik qilib qo'lini chopib tashladim. U meni sogʻ qoʻli birlan shunday boʻgʻdiki, oʻldirib qoʻymasaydi deb qoʻrqib ketdim, keyin birdan qo'li bo'shashib ketdi men uni o'ldirdim. Shu vaqt musulmonlar chekinib qolishdi men ham ularga go'shilib chekindim. Qochib ketayotib hazrat Umardan: «Nima bo'ldi?»—deb so'ragan erdim, u kishi: «Olloh amr qildi»,— dedilar. Keyin, odamlar Janob Rasulullohning oldilariga to'planishdi. Rasululloh: «Kim mushrikni o'ldirganini isbot gilsa, undan olgan oʻljasi oʻziniki boʻladi»,— dedilar. Men ham turib kofirni oʻldirganimga guvoh qidirdim, lekin menga guvohlik beradigan kishini topolmadim. Keyin, «Uzim aygamchi?» degan fikr xayolimga kelib goldi-da, ganday oʻldirganimni Janob Rasulullohga o'zim aytib berdim. Shu yerda o'ltirganlardan biri: «Usha o'ldirilgan odamning gurolyarog'i menda men uning o'rniga boshqa narsa berib rozi qilaman», dedi. Abu Bakr raziyallohu anhu: «Yoʻq, aslo, Rasululloh Quraysh qushchasiga qurolni berib, Olloh va uning rasuli uchun jang gilgan Olloh sherlaridan bo'lmish bir sherni mahrum

qilmaydilar!» — dedilar. Rasululloh oʻrinlaridan turib qurolni menga olib berdilar. Men uni sotib, puliga xurmozor oldim. Islomdagi birinchi dastmoyam mana shu boʻldi».

57-bob. Avtos g'azoti haqida

Abu Muso raziyallohu anhudan nakl qilinadi: «Paygambar alayhissalom Hunayn gazotidan forig boʻlganlaridan keyin, Abu Omirni lashkarga bosh qilib Avtosga joʻnatdilar. Yo'lda mushrik Durayd ibn as-Simma yo'liqdi, uni o'ldirishdi sheriklarini Olloh taolo maglub etdi. «Janob Rasululdoh, deydilar Abu Muso,— Abu Omir birlan birga meni ham joʻnatgan erdilar. Nogahon, Abu Omir tizzalaridan oʻq yedilar. Uqni Jushamiy kamondan otgan erdi. Men darhol Abu Omirning oldilariga borib: «Ey amaki, sizni kim otdi»? — deb so'radim. U kishi Jushamiyga ishora gilib: «Meni otgan gotil shu!» — dedilar. Men uni quvib ketdim, u meni ko'rib qocha boshladi. Uni quvayotib: «Qochgani uyalmaysanm? dedim. U to'xtadi, barobar qilich urishib, uni o'ldirdim. Keyin, Abu Omirning yonlariga kelib: «Olloh taolo mening goʻlim birlan ragibingizni oʻldirdi!»—dedim.Abu Omir oʻgni sugurib olishimni iltimos qildilar, men sugurgan erdim, oʻrnidan suv oqdii. Abu Omir menga: «Ey jiyanim, Janob Rasulullohga salom aytgin, mening hagimga istigfor ayginlar!» — dedilar. Keyin, meni odamlarga boshliq qildilar-da, birozdan so'ng vafot etdilar. Jangdan gaytgandan soʻng, Janob Rasulullohning huzurlariga kirdim, u kishi uylaridagi qamish (bo'yra)dan qilingan chorpoyada erkanlar. Chorpoyaga to'shak solingan bo'lib, Janob Rasulullohning orqalari va yonboshlarida bo'yraning botgan izi koʻrinib turardi. Men oʻzimiz hamda Abu Omir haqlarida gapirdim, u kishining «Mening hagimga istigfor ayginlar!» deganlarini ham aytdim. Rasululloh bir idishda suv soʻradilar, unga tahorat olib, keyin duoga qo'l ochdilarda: «Ey Olloh, bandaig Abu Omirni magfirat qilgin!» — dedilar. Shunda men Janob Rasulullohning qoʻltiglari oppog erkanligini ko'rdim. Keyin: «Ey Olloh, giyomatda martabasini ko'pchilik bandalaring martabasidan uluq qilgin!» — deb yana duo qildilar. Men ul zotga: «Meni ham duo qilingiz!» — dedim. Rasululloh: «Ey Olloh, Abdulloh ibn Qaysning ham gunohini kechirgin, Qiyomat kuni unga ham faxrli joy ato etgin!» —deb duo gildilar».

Abu Burda: «Duolarning biri Abu Omir uchun, ikkinchisi Abu Muso uchun boʻldi»,— deydilar.

58-bob. Toif g'azoti haqida

Muso ibn Uqba: «Toif gazoti hijratning 8- yili shavvol oyida boʻlgan erdi»,— deydilar.

Abdulloh ibn Amr rivoyat qiladilar: «Rasululloh Toifni qamal qilganlarida biror natija boʻlmadi, keyin: «Xudo xoxlasa, qaytamiz»,— dedilar. Bu gap koʻpchilikka ogir botdi, «Qaytarkanmiz, fath qilmas erkanmiz»,— deyishdi. Soʻng, «Ertalab urushga chiqinglar!»— deb buyurgan erdilar, musulmonlar jangga chiqdilar, lekin qoʻrgon berk, uning tepasidan otilgan oʻq va toshlardan musulmonlarga jarohat yetdi. Keyin, Rasululloh: «Xudo xohlasa, ertaga qaytamiz»,— degan erdilar, hammalari xursand boʻlishdi, Rasululloh kulib qoʻydilar».

Olloh taolo yoʻlida birinchi boʻlib mushriklarga qarata kamondan oʻq uzgan Sa'd ibn Abu Vaqqos hamda Toif qoʻrgonidan oshib tushib Rasululloh sallallohu alayhi va sallamning qoshlariga kelgan Abu Bakra (Nofi' ibn Masruq) rivoyat qilurlarki, Janob Rasululloh: «Kimki ataylab oʻz otasidan tonib, boshqa birovni otam deb Da'vo qilsa, unga jannat

haromdur!»—degan erkanlar.

Osim raziyallohu anohu rivoyat qiladilar: «Men ushbu hadisni Sa'd va Abu Bakradan eshitganman»,— dedi. Abu Usmon. Men unga: «Sen aytgan hadisning toʻgʻriligiga ikki kishining guvoh erkanligi kifoyadur»,— dedim. U menga: «Ha toʻgʻri! Usha ikki kishining biri islom yoʻlida birinchi boʻlib kamondan oʻq uzgan kishidir, ikkinchisi ersa qamal kuni Toif qoʻrgʻonidan oshib oʻtib Janob Rasulullohning qoshlariga kelgan yigirma uch musulmonning uchinchisidur»,-dedi.

Abu Muso al-Ash'ariy aytadilar: «Janob Rasululloh Makka birlan Madina oʻrtasidagi Ji'rona degan joyda manzil tutgan erdilar, ul zot birlan birga Hazrat Bilol va men oʻltirgan erdim. Shu payt bir badaviy kelib Janob Rasulullohga: «Menga bergan va'dangizni bajarmaysiz-mi?»—dedi. (Badaviy talab qilgan va'da nimadan iborat erkanligi roviylarga ma'lum ermas). Rasululloh: «Xursand boʻlgil!»—dedilar. Badaviy: «Xursand boʻlgil!»ni menga koʻp aytgansiz!»—deb Abu Muso birlan Bilolga gʻazab birlan qaradi. Rasululloh ularga: «Bashorat rad qilindi, ikkovingiz qabul qilib olingiz!» — dedilar. Ikkovlari barobar: «Qabul qildik!» — deyishdi. Keyin, Rasululloh qadahda suv keltirishni buyurdilar, unga ikki qoʻllari va yuzlarini yuvdilar-da, qolganiga dam soldilar, soʻng: «Bundan ichingiz, yuzlaringizga quyingiz, tomoqlaringizga surtingiz va xursand boʻlingiz!» — dedilar. Ikkovlari qadahni olib, Janob Rasululloh buyurganlaridek qilishdi. Parda orqasidan Ummu Salama raziyallohu anho: «Agar onalaringiz uchun suvdan orttirolsangiz, menga ham uzatib yuboringiz!» — dedilar».

Safvon ibn Ya'lo bunday deb xabar beradilar: «(Otam) Ya'lo: «Koshkiydi, men Janob Rasulullohga vahiy tushayotgan paytni ko'rsam!» — deb doim orzu qilur erdilar. Tez kunlarda Payg'ambar alayhissalom Ji'ronaga tushdilar, ashoblari atroflarida turib boshlariga bir kiyim birlan soya qilib turishardi. Shu vaqt xushbo'yliklar sepilgan jubba kiygan bir badaviy kelib: «Yo Rasulalloh, bir kishi jubba kiyib, unga xushbo'yliklar sepgach, ehrom bog'lasa, nima deysiz?»—dedi. Hazrat Umar Ya'loga «Kel!» deb ishora qildilar, Ya'lo kelgach, boshlarini Janob Rasulullohning tepalariga tutib turilgan kiyim ostiga suqdilar. Qarasalar, ul zot yuzlari qizargan, chuqur-chuqur nafas olardilar. Bu holat bir soatcha davom etdi. So'ng, Janob Rasululloh: «Mendan umra haqida so'ragan odam qani?» — dedilar. Boyagi odamni qidirib topib kelishdi. Janob Rasululloh unga: «Jubbani yechib tashla, badaningga yuqib qolgan xushbo'ylikni uch bor yuvib ketkiz, keyin hajda ne qilsang, umrada ham shunday qilgil!» — dedilar».

Abdulloh ibn Zayd rivoyat qiladilar: «Olloh taolo Hunayn gʻazotida Janob Rasulullohga katta oʻlja ato etgach, uni islom diniga endigina kirganlarga taqsim qildilar, lekin ansorlarga hech narsa bermadilar. Shunda ansorlar oʻzlariga oʻljadan ulush tegmagani uchun ranjigandek boʻlishdi. Janob Rasululloh ularga: «Ey ansorlar jamoasi! Men sizlarni yoʻldan adashgan holda topmaganmidim?! Olloh taolo mening sababim birlan sizlarni hidoyat qildi, tarqoq erdingizlar,mening sababim birlan sizlarni birlashtirdi, kambagʻal erdingizlar, mening sababim birlan sizlarni boy qildi. (Rasululloh shunga oʻxshash gaplarni aygganlarida, ansorlar har gal: «Olloh va uning rasuli har qancha minnat qilsa, loyiq!» —deyishardi). Agar xohlasangizlar, sizlar ham: «Hijrat qilib kelganingizda biz sizga joy berdik, xor boʻlganingizda yordam berdik, qoʻrqib kelganingizda xotirjam qildik!»— deb menga minnat qilingizlar!» — dedilar. Ammo, ansorlar: «Minnat va fazl Olloh taologa va uning paygambariga xos!» — deb javob berishdi. Janob Rasululloh: «Boshqalarning qoʻy va tuyalarni olib oʻz manzillariga ravona boʻlmogʻiga, oʻzingizning

ersa meni birga olib ketmogingizga rozi boʻlarsizlar, axir?! Agar hijrat boʻlmaganda men ansorlardan biri boʻlgan boʻlur erdim. Odamlar oʻzga bir vodiy yoki oʻzga bir dara boʻylab yursalar, men ansorlar vodiysi yoki darasi boʻylab yurardim. Ansorlar mening uchun kuylagimdek yaqin boʻlib, boshqalar choponim yangligʻdurlar. Mendan keyin sizlar boylikka rujuʻ qilganlarning shohidi boʻlgaysiz-lar, Havzi Kavsar boʻyida uchrashgunimizcha sabr qilingizlar!» — deb xitob qildilar».

Anas ibn Molik bunday deydilar: «Olloh taolo Rasulullohga Havozan mol-dunyosidan koʻp o'ljalar ato etgach, ul zot uni har bir kishiga yuz tuyadan tagsim gila boshladilar. Shunda ansorlar: «Olloh o'z rasulini mag'firat qilsin, Qurayshga nasiba berdilar-u, bizni unutdilar, vaholanki hali mushriklarning qilichimizdagi qoni qurigani yo'q!» — deyishdi, Rasulullohga ularning bu gaplari yetkazildi. Janob Rasululloh ansorlarga odam yuborib, ularni teridan yopilgan bir qubba ostiga yigʻdilar, lekin boshqalarni chaqirmadilar. Ansorlar yig'ilgach, Rasululloh o'rinlaridan tUrdilar-da: «Sizlar haggingizda menga aytishqan qap Qanday qap bo'ldi?!»—deb so'radilar. Ansorlar orasidagi faqih kishilar: «Ey Ollohning rasuli! Boshliglarimiz hech narsa deyishgani yoʻq, faqat yoshlarimizgina: «Olloh o'z rasulini kechirsin. Qurayshqa o'lja berdilar-u, bizni unutdilar, vaholanki hali mushriklarning qilichimizdagi qoni qurigani yoʻq!»—deyishdi»,—deb aytishdi. Janob Rasululloh- «Men endigina kufrdan gaytib islomga kirganlarga o'ljabera yotirman, magsadim ularni islomga ko'proq jalb qilmoqlikdur. Ular uylariga o'ljalar birlan qaytgan chogʻlarida, sizlar uylaringizga paygʻambar birlan qaytmoqqa rozi boʻlmaysizlarmi?! Olloh haqi, sizlar olib qaytadirgan narsa, ular olib qaytadirgan narsadan yaxshiroqdur!»— dedilar. Ansorlar: «Yo Rasulalloh, albatta biz shunga rozimiz!» deyishdi. Payg'ambar alayhissalom «Kelajakda boylikka ruju' gilganlarning shohidi bo'lursizlar. Olloh Taolo birlan uning rasuliga ro'baro' bo'lguningizcha sabr gilingizlar, men Havzi Kavsar boʻyida boʻlgayman» — dedilar».

Anas: «Ammo ular sabr qilishmadi»,— deydilar.

Anas ibn Molik rivoyat qiladilar: «Paygʻambar alayhissalom ansorlarni yigʻdilar-da: «Quraysh yaqindagina jaholatu badbaxtlik iskanjasidan qutulgandur, men ularni toʻgʻri yoʻlga solib, qalblarida islomga nisbatan doʻstlik. Uygʻotmoqchiman. Ular uylariga oʻljalar birlan qaytgan chogʻda, nahotki sizizlar paygʻambarni uyingizga olib qaytmoqqa rozi boʻlmasangizlar?!»—dedilar. Ansorlar: «Ha, rozimiz!» —deyishdi. Rasululloh: «Agar odamlar oʻzga bir vodiy boʻylab yursalar, men ansorlar vodiysi boʻylab yurgayman!» - - dedilar».

Abdulloh Ibn Mas'ud bunday deydilar: «Payg'ambar alayhissalom Hunayn g'azotida olingan o'ljalarni taqsim qildilar. Shunda ansorlardan bir kishi: «Olloh taoloni yuz-xotir qilmay taqsim qilindi»,— dedi. Men bu gapni Janob Rasulullohga borib aytdim. Buni eshitib, Janob Rasulullohning yuzlari o'zgarib ketdi, keyin: «Musoni Olloh taolo Rahmat qilsin, u kishiga bundan qam ko'p ozor yetkazishgan, ammo sabr qilgan erdilar!»— dedilar».

Abdulloh Ibn Mas'ud razayallohu anhu bunday deydilar: «Hunayn voqeasidan keyin, Payg`ambar alayhissalom ba'zi odamlarni ortiqroq ko`rib, ko`proq o`lja berdilar. Chunonchi, Aqra'ga yuz tuya, Uyaynaga ham shuncha tuya in'om qildilar. Shunda bir Odam «Ollohni yuz-xotir qilmay taqsim qilindi»,— dedi.Men bu gapni Janob Rasulullohga

borib aytdim. Ul zot: «Olloh taolo Musoni rahmat qilsin, u kishiga bundan koʻp ozor yetkazilganda sabr qilgai erdilar!» — dedilar».

Anas ibn Molik raziyallohu anhu bunday. deydilar: «Hunayn kuni Havozan, G'atafon va boshqa bir qancha qabilalar bola-chaqasi-yu podalari birlan kelgan erdi. Rasululloh birlan ersa o'n ming lashkar va yana Makkadan kelib qo'shilgan yoshlar bor erdi. Hammalari chekinishdi, Janob Rasululloh yolg'iz o'zlari qoldilar. Shunda ikki bor alohida-alohida nido gildilar. Avval, o'ng tomonlariga garab: «Ey ansorlar jamoasi!» —deb nido gildilar. Ular: «Labbayka, yo Rasulalloh! Biz siz birlan birgamiz, xushnud bo'lingiz!»— deyishdi. So'ng, chap tomonlariga qarab: «Ey ansorlar jamoasi!» — deb nido qildilar. Ansorlar: «Labbayka, yo Rasulalloh! Xursand bo'lingiz, biz siz birlan birgamiz!» — deyishdi. Shunda Bayzo degan xachirlarida o'ltirgan erdilar, undan tushdilar-da: «Men Ollohning bandasi va rasuliman!» — dedilar. Mushriklar tor-mor bo'ldi, ko'p o'lja olindi. Janob Rasululloh o'ljani muhojirlar birlan Makka yoshlariga taqsimlab berdilar, ammo ansorlarga bermadilar. Shunda ansorlar: «Qachon qiyinchilik bo'lsa, biz chaqirilamiz, oʻljani ersa boshqalarga beradilar!» — deyishdi. Bu gap Rasulullohga yetkazildi. Ul zot barcha ansorlarni to'plab: «Menga sizlar haqingizda atishqan qap qanday qap bo'ldi?!» dedilar. Ular sukut saglashdi. Janob Rasululloh ularga: «Ey ansorlar jamoasi, boshqalar bu yerdan o'lja olib qayqa-yu, sizlar payg'ambar birlan qayqangiz, rozi bo'lmagaysizmi?» — dedilar. Ansorlar: «Ha, rozi boʻlgaymiz!»— deyishdi. Paygʻambar alayhissalom: «Agar odamlar vodiy bo'ylab yursa-yu, ansorlar dara bo'ylab yursa, men ansorlar darasi bo'ylab yurgan bo'lur erdim!»—dedilar».

Hishom Anasdan: «Ey Abu Hamza, shunda siz ham oʻsha yerdamidingiz?» — deb soʻradilar. Anas: «Usha yerda boʻlmay, qaerda boʻlardim!»—dedilar.

59-bob. Najd tarafga lashkar yuborilgani haqida

Ibn Umar raziyallohu anhu bunday deydilar: «Paygʻambar alayhissalom Najd tarafga lashkar yubordilar, ularning orasida men ham bor erdim. Uljamiz oʻn ikki tuya boʻldi, sovgʻa-salomlarimiz ham tuya-tuya boʻlib, oʻn uch tuya mol birlan qaytib keldik».

60-bob. Payg'ambar alayhissalomning Xolid ibn Validni Banu Jaziyma qabilasiga yuborganlari haqida

Abdulloh ibn Umar raziyallohu anhudan naql qilinadi: «Paygʻambar alayhissalom Xolid ibn Validni Jaziyma qabilasiga yubordilar Xolid ularni islomga da'vat qildi, ular (shoshib qolganlaridan) «Islomni qabul qildik» deyish oʻrniga «Dindan chiqdik, dindan chiqdik (ya'ni, «Mushriklikni tark etib, islomni qabul qildik»)»,— deyishdi. Xolid ularni tushunmay jang boshlab, koʻpini qirib tashladi, qolganini asir oldi. Keyin, har bir kishiga oʻz asirini topshirib: «Uldiringiz!» —dedi. Shunda men: «Asirimni oʻldirmayman, sheriklarim ham oʻz asirlarini oʻldirishmaydi!» — dedim. Soʻng, Janob Rasulullohning huzurlariga borib, boʻlgan voqeani aytib berdik. Ul zot qoʻllarini koʻtarib ikki bor: «Yo Olloh, Xolid qilgan gunohdan xalos qilgin!»— dedilar».

61-bob. Abdulloh ibn Huzofa va Alqama ibn Mujazzizning lashkar tortib yoʻlga chiqqanligi haqida

Ali raziyallohu anhudan naql qilinadi: «Paygʻambar alayhissalom (ansorlardan tuzilgan)

lashkarni joʻnatayotib, ularga ansorlardan birini boshliq qilib tayinladilar-da, unga itoat qilmoqni buyurdilar. Yoʻlda amirning (bir narsadan) gʻazabi qaynab: «Rasululloh sizlarni menga itoat qilmoqqa buyurdilarmi?» — dedi. Askarlar: «Ha»,— deb javob berishdi. «Unday boʻlsa, oʻtin toʻplanglar!» — dedi amir. Ular oʻtin toʻplashdi. «Ut yoqinglar!» — dedi u, ular oʻt yoqishdi. «Endi oʻtga kiringlar!» — dedi amir. Hammalari oʻtga kirmoqchi boʻlishdi-yu, lekin bir-birlarini ushlab toʻxtashdi. Keyin: «Utdan paygʻambar oldiga qochamiz!» — deb turganlarida olov oʻchib qoldi, amirning gʻazabi ham tindi. Bu gap paygʻambarimizga yetganda, u kishi: «Agar oʻtga kirganlarida, undan qiyomatgacha ham chiqolmasdilar, xayrli ishga buyurilgandagina itoat qilish lozim!» — dedilar».

Abu Muso birlan Maozning Hajjat ul-Vido'dan oldin Yamanga yuborilgani haqida Abu Burda raziyallohu anhu bunday deydilar: «Paygʻambar alayhissalom Abu Muso birlan Maoz ibn Jobalni Yamanga yubordilar. Yamanda ikki viloyat bo'lib, Abu Muso biriga, Maoz ersa ikkinchisiga yuborildi. Janob Rasululloh ularga: «Osonlashtiringlar, qiyinlashtirmanglar, mamnun qilinglar, nafratlantirmanglar!» — deb tayinladilar. Keyin, ularning har biri o'z ishiga ketdi. Ulardan qay biri bo'lmasin, o'ziga tegishli viloyat yerlarida yurganida sheriqining viloyatiga yaqin borib qolsa, darhol uni izlab topib: «Janob Rasulullohning oʻgitlari va ul zotga bergan va'damiz esingdami?» — deya u birlan so'rashardi. Chunonchi, bir kuni Maoz o'z viloyati bo'ylab ketayotganida Abu Musoga tegishli yerlarga yaqin borib qoldi. Shunda u xachiriga minib Abu Musoni izlab ketdi. Borib qarasa, Abu Muso o'ltiribdi, atrofini odamlar o'rab olgan, ro'parasida ersa ikki qo'li bo'yniga bog'lab qo'yilgan bir kishi turibdi. Maoz Abu Musoga: «Ey Abdulloh Ibn Qays! Bu kim'»—dedi. Abu Muso: «Bu odam islomdan qaytib, qayta kofir bo'ldi»,— dedi. Maoz: «Bu oʻldirilmaguncha, xachirimdan tushmagayman!»— dedi. Abu Muso: «Bu xuddi shu maqsadda keltirilgandur, xachiringdan tushaver!» — dedi. Maoz yana: «Bu oʻldirilmaguncha tushmayman!»—dedi. Abu Muso boyagi odamni qatl qilmoqqa amr berdi, uni o'ldirishdi. Maoz xachiridan tushib. «Ey Abdulloh! Qur'onni ganday oʻqiyotirsan?»—dedi. Abu Muso: «Kecha-kunduz tinmay takror qilayotirman, ey Maoz, sen o'zing qanday o'qiyotir-san?»—dedi Maoz: «Men kechaning dastlabki qismida uxlayman, keyin turaman. Uyquni ikki qismga bo'lib qo'yganman. Olloh taolo muyassar qilgancha Qur'on o'qiyman, bedorligimni rejalashtirganimdek, uyqumni ham rejalashtirib qo'yganman», — dedi».

Abu Muso al-Ash'ariy raziyallohu anhudan naql qilinadi: «Paygʻambar alayhissalom uni Yamanga yuborgan erdilar, undan Yamanda qilinadirgan sharob haqida soʻradilar. Abu Muso: «Ular tayyorlaydirgan sharob «Bita'» va «Mizar» deb nomlanadi»,— dedi. Roviy: «Men Abu Burdadan «Biga'» va «Mizar» nima?»—deb soʻrasam, u: «Bita'» — asal nabizi, «Mizar» — arpa nabizi»,— dedi. Rasululloh: «Har qanday mast qiluvchi ichimlik haromdur!»—dedilar».

Abu Burda bobolari Abu Musodan naql qiladilar: «Paygʻambar alayhissalom Abu Muso birlan Maozni Yamanga yuborayotib, ularga: «Osonlashtiringlar, qiyinlashtirmanglar, xushnud qilinglar, nafratlantirmanglar, bir-biringizga itoat qilinglar!» — deb tayinladilar. Abu Muso: «Yo Rasulalloh! Biz ketayotgan oʻlkada asaldan qilinadirgan «Bita'» ichimligi mavjud»,— dedi. Rasululloh: «Har qanday mast qiluvchi ichimlik haromdur!» —dedilar. Keyin, ikkovlari joʻnab ketishdi. Yoʻlda Maoz Abu Musoga: «Qur'onni qanday oʻqiyotirsan?» —dedi. Abu Muso: «Turib ham, oʻltirib ham, tuyamda ketayotib ham oʻqigayman, kecha-yu kunduz qiroatni tark qilmagayman»,— dedi. Maoz: «Men ersam dastlab uxlayman, keyin turib oʻqiyman, uyqumni ham, qiroatimni ham rejalashtirib

qoʻyganman»,— dedi. Keyin, toʻxtab chodir oʻrnatishdi. Ikkovlari bir-birlarini koʻrgani borib turishadirgan boʻldi. Bir kuni Maoz Abu Musoni koʻrgani borsa, huzurida qoʻllari bogʻliq bir odam turibdi. Maoz: «Bu kim?» —deb soʻradi. «Bu bir yahudiy boʻlib, musulmon boʻlgan erdi, keyin dindan qaytdi»,— dedi Abu Muso Maoz «Kel, men boʻynini uzib tashlayin!» — dedi».

Shu'badan ham ushbu mazmundagi hadis naql qilingan.

Abu Muso raziyallohu anhu rivoyat qiladilar: «Paygʻambar alayhissalom meni oʻz qavmim yeriga yubordilar. Borib, qaytib keldim. Shunda Janob Rasululloh Abtahda erkanlar. Mendan «Ey Abdulloh ibn Qays, haj qildingmi?» — deb soʻradilar. Men «Haj qildim, yo Rasulalloh!» — dedim. Ul zot «Labbaykani qanday aytding?»— dedilar. Men «Labbayka ahlan, lo kohilan laka deb aytdim»,— dedim. Ul zot «Uzing birlan birga jonliq olib keldingmi?» — dedilar. Men «Yoʻq»,— dedim. Ul zot «Baytullohni tavof qil, Safo va Marvada sa'y qil, keyin ehromingni yechaver!» —dedilar. Men shunday qildim, keyin Banu Qays ayollaridan biri mening uchun yuvinib-tarandi, biz Hazrat Umar xalifaligi davrigacha birga yashadik».

Ibn Abbos raziyallohu anhu rivoyat qiladilar: «Rasululloh Maozni Yamanga joʻnatayotib: «Sen ahli kitoblardan boʻlmish bir qavm huzuriga ketyotirsan, borib ularni islomga da'vat qil, ya'ni «Lo iloha illallohu Muhammadun rasululloh» deb ayqinlar, agar senga itoat eqalar, Olloh taolo bir kecha-kunduzda besh vaqt namozni farz qilganini ularga ma'lum qil, agar bul xususda ham senga itoat eqalar, Olloh taolo boylardan kambagʻallarga olib beriladirgan sadaqani ham farz qilganini aytgil, agar bunga ham koʻnsalar, unda ularning mollarining eng yaxshisini tortib olishdan ehtiyot boʻlgil! Mazlumning qargʻishidan qoʻrqgilki, Olloh taolo birlan mazlum oʻrtasida parda boʻlma-gay!» — dedilar».

Amr ibn Maymun rivoyat qiladilar: «Maoz ibn Jabal Yamanga kelganda yamanliklarga imomlik qilib bomdod namozini oʻqidi. Shunda «Vattaxazallohu Ibrohiyma xaliylan», ya'ni «Olloh Ibrohimni oʻziga doʻst qilib oldi» degan mazmundagi oyatni qiroat qilganda yamanliklardan biri «Ibrohimning onasining koʻz yoshi sovidi»,— dedi» Qastaloniy «Xursandlikdan toʻkilgan koʻz yoshi sovuq, gʻamdan toʻkilgan koʻz yoshi issiq boʻladi»,— deydilar.

Paygʻambar alayhissalomning Ali ibn Abu Tolib va Xolid ibn Validni Hajjat ul-Vido'dan ilgari Yamanga yuborganlari haqida.

Barro raziyallohu anhu rivoyat qiladilar: «Paygʻambar alayhissalom bizni Xolid ibn Valid birlan birga Yamanga yubordilar, keyin Xolidning oʻrniga Ali Ibn Abu Tolibni joʻnatdilar. Unga «Xolidning ashoblariga aytgilki, agar sen birlan birga qolmoqni istasalar, qolsinlar, xohlamaganlar qaytib kelsin!»— deb taiynladilar. Men Ali birlan birga qolgan kishilar orasida erdim, juda koʻp tillo oʻlja olgandim».

Burayda raziyallohu anhu bunday deydilar: «Paygʻambar alayhissalom Alini oʻljalarning beshdan birini olib kelish uchun Xolidning huzuriga yubordilar. Men Alini oʻlja taqsim qilganining ertasiga gʻusl qilgani uchun yomon koʻrib qolgan erdim. Ushanda «Mana buning qilgan ishini koʻrmaysizmi?!» —deb Xolidga aytgan erdim, keyin paygʻambarimizning huzurlariga qaytib kelganimizda ul zotga ham aytdim. Rasululloh «Ey Burayda, Alini yomon koʻrasan-mi?» — deb soʻradilar. «Ha»,—degan erdim, «Uni

yomon ko'rmagin, chunki Ali o'ljadan ko'proq olsa ham, haqqi bor erdi»,— dedilar» (Buraydaning Alini yomon ko'rib qolishlariga sabab, Ali asiralardan eng chiroyli qizni o'zlariga tanlab olgandilar-da, iddadan chiqishini kutmay, jinsiy aloqa qilgan erdilar).

Abu Sa'id al-Xudriy raziyallhu anhu rivoyat qiladilar: «Ali ibn Abu Tolib raziyallohu anhu Yamandan Rasulullohga oshlangan teri xaltada qumu tufroqdan tozalanmagan oltin joʻnatdi. Rasululloh uni toʻrt kishi-ga — Uyayna ibn Badr, Aqra' ibn Hobis, Zayd al-Xayl va toʻrtinchisi yo Alqama yoki Omir ibn Tufaylga taqsim qildilar. Shunda sahobalaridan birlari: «Bizlar bu oltinga anavi toʻrtovlondan ham haqlirooq erdik!» dedi.

Bu gap Janob Rasulullohga yetgach «Menga ishonmaysizlarmi, axir men osmondagi zotning ishonchli vakiliman-ku?! Menga erta-yu kech undan xabar kelib turadi»,— dedilar. Shu payt koʻzlari botiq, yuz suyaklari boʻrtib chiqqan, peshonasi doʻng, sochsoqoli olingan, ishtonining pochasi oshiqqacha shimarilgan bir odam oʻrnidan turib: «Yo Rasulalloh, Ollohdan qoʻrqing!»—dedi. Rasululloh: Shoʻring qursin! Men yer ahlining Ollohdan qoʻrqishga loyiqrogʻi emasman-mi?|»—dedilar. Shunda haligi odam oʻrnidan turib chiqib ketdi. Xolid ibn Valid «Yo Rasulalloh, boʻynini chopaymi?»~dedi. Rasululloh «Yoʻq, shoyadki u namozxon boʻl-sa!»—dedilar. «Dilida yoʻq narsani tili birlan gapiradirgan namozxonlar koʻpku?'»—dedi. Xolid ibn Valid Janob Rasululloh «Men odamlarning qalblarini tekshirishga buyurilmadim, ularning qornini yorib koʻrishga buyurilmadim»,— deya boyagi odamning ortidan qarab qoldilar-da, u chiqib ketgach «Mana shu odamiing zurriyotidan Olloh taoloning Kitobini ravon, ammo boʻgʻzidan nariga oʻtkazmay oʻqiydirgan hamda kamondan otilgan oʻqdek dindan tez chiqadirgan qavm paydo boʻlgaydur,— dedilar. Menimcha, keyin «Shundaylarni bilib ololsam erdi, Olloh taolo Samud qavmini halok qilgandek, halok qilardim! —deb aytgan erdilar».

Jobir ibn Abdulloh «Paygʻambar alayhissalom Ali raziyallohu anhuga Makkaga ehrom bogʻlab kelishni buyurdilar»,— deydilar.

Jobir raziyallhu anhu yuqoridagi hadisga oʻqshimcha qilib, bunday deydilar: «Ali ibn Abu Tolib oʻljalar birlan qaytib keldi. Paygʻambar alayhissalom unga: «Ehrom bogʻlab nimaga niyat qilding?»— deb soʻradilar. Ali «Paygʻambar alayhissalom nimaga niyat qilgan boʻlsalar, men ham oʻshanga niyat qildim»,— dedi. Janob Rasululloh «Unday boʻlsa, jonliq atagil-da, ehromdan chiqmay turgil!» — dedilar. Ali Janob Rasulullohga jonliqlarni topshirdilar».

Bakr al-Basriy Ibn Umarga: «Anas aytgan hadisga qaraganda Rasululloh birvarakayiga haj va umraga ehrom bogʻlagan erkanlar, shu rostmi?!»—dedilar. Ibn Umar raziyallohu anhu «Rasululloh aslida hajga ehrom kiygan erdilar, biz ham u kishi birlan hajga niyat qilgandik. Makkaga kelganimizda Janob Rasululloh «Kimning jonligʻi boʻlmasa, umraga niyat qilsin!»— dedilar. Shunda Janob Rasulullohning jonliqlari bor erdi. Ali ibn Abu Tolib ham Yamandan hajga niyat qilib keldilar. Janob Rasululloh unga «Nimaga niyat qilding?»— dedllar. U «Paygʻambar nimaga niyat qilgan boʻlsalar oʻshanga niyat qildim»,— dedi. «Unday boʻlsa, ehromdan chiqmay turgil, chunki bizning jonligʻimiz bor!»— dedilar».

Zulxalasa (Zulxulaysa) g'azoti haqida

Jarir raziyallohu anhu bunday deydilar: «Johiliyat zamonida bir uy bor erdi, uni «Zulxalasa», «Al-Ka'ba al-Yamoniyya», «Al-Ka'ba ash-Shomiyia» deb atashardi.

Paygʻambar alayhissalom menga «Meni Zulxalasadan xalos qilmaysanmi?» —dedilar. Men bir yuz ellik otliq birlan borib, uni vayron qildim, u yerda kimni topsam, oʻldirdim. Soʻng, Paygʻambar alayhissalomning huzurlariga kelib bu haqda xabar berdik, ul zot bizni jasoratimiz uchun duo qildilar».

Jarir raziyallohu anhu bunday deydilar: «Paygʻambar alayhissalom menga: «Meni Zulxalasadan xalos qilmaysan-mi» — dedilar Zulxalasa — Kas'am qabilasining ibodatgohi boʻlib, uni «Al-Ka'ba al-Yamoniyya» deb atashardi. Men Ahmas qabilasidan bir yuz ellik otliqni olib yoʻlga chiqdim, hammalari chavandoz erdilar, men boʻlsam otda mahkam oʻltirolmas erdim. Rasululloh koʻkragimga shunchalik qattiq turtdilar-ki, hatto barmoqlarining izi tushib qoldi. Keyin, «Ey Olloh, uni otda mahkam oʻltira oladirgan, hidoyatli yetakchilardan qilgin!» — deb duo qildilar». Keyin, Jarir Zulxalasaga borib oʻt qoʻyib, uni butunlay vayron qildi-da, Janob Rasulullohga odam yubordi. U «Sizni haq paygʻambar qilib yuborgan zotga qasamyod qilurmanki, oldingizga kelayotganimda Zulxalasa qoʻtir tuyadek boʻlib qolgan erdi!» —dedi. Janob Rasululloh Ahmas chavandozlari birlan Ahmas qabilasiga baraka tiladilar»

Bu yerdagi hadis takroran keltirilgan Zotussalosil g'azoti haqida

Abu Usmon rivoyat qiladilar: «Rasululloh Amr ibn Osni lashkarga bosh qilib Zotussalosilga yubordilar. Ushanda Amr bunday deb erdi: «Gʻazotdan qaytib, Janob Rasulullohning oldilariga keldim-da: «Sizga odamlarning qaysi biri mahbubroq?» — deb soʻradim. Ul zot «Oisha»,— dedilar. «Erkaklardan-chi?»—deb soʻradim. «Uning otasi»,— dedilar «Undan keyin kim'»—deb soʻradim «Umar»,— dedilar-da, yana bir necha kishining ismini sanadilar, shunda meni eng oxirida aytishlaridan qoʻrqib sukut saqladim»

Jarirning Yamanga borganligi haqida

Jarirraziyallohu anhu rivoyat qiladilar: «Men Bahrda erdim, Yaman axlidan ikki kishini — Zukilo' va Zuamrni uchratdim. Ularga Rasululloh haqlarida soʻzlay boshlagan erdim, Zuamr: «Sen ta'riflayotgan doʻsting uch kun burun olamdan oʻtdi»,— dedi. Ikkovi men birlan kelayotgan erdi, bir joyga yetganimizda Madina tomondan otliqlar koʻrindi, ular Janob Rasulullohning vafot etganlari, Abu Bakrning xalifa boʻlganlari hamda odamlar hammasi tinch erkanligi haqida xabar berishdi. Ikkovlari, ya'ni Zukilo' birlan Zuamr: «Bizning (birga) kelganimizni sohibingga aytgil, inshoalloh yana qaytib kelgaymiz» — deb Yamanga qaytib ketishdi. Men ularning gaplarini Abu Bakrga aytdim. Abu Bakr: «Ularni oʻzing birlan olib kelmabsan-da» — dedilar. Oradan koʻp vaqt oʻtgandan keyin, (Hazrat Umar xalifa ligi davrida) Zuamr menga: «Ey Jarir, senga bir karomat qilayin! Sizlar — arab jamoasi amiringiz halok boʻlsa, oʻrniga maslahat birlan amir saylar erkansizlar, yaxshilik-da davom etaverasizlar. Agar kishi xalifalikka qilich birlan erishsa, u odam xalifa boʻlmay, podshohdur. Chunki, upodshohlar singari gʻazab qilib, podshohlar singari tamanno qilgay»,— dedi».

Siyfulbaqr g'azoti haqida

Payg'ambar alayhissalom Abu Ubayda boshchiligida dengiz sohili tomon lashkar yuboradilar, ular Quraysh karvoniga duch kelishadi.

Jobir ibn Abdulloh raziyallohu anhu rivoyat qiladilar: «Rasululloh Abu Ubayda ibn Jarrohni amir qilib sohil tomonga lashkar joʻnatdilar. Askarlar soni uch yuz kishi erdi. Biz yoʻlga chiqdik, bir oz yurganimizdan keyin gamlagan yeguliklarimiz tamom boʻldi. Shunda Abu Ubayda askarlarda qolgan yeguliklarni bir yerga jam' qilishga buyurdi, yeguliklar jam qilindi. Mening toʻrvamda ham xurmo bor erdi. Abu Ubayda har kuni ozozdan ovqat berib turdi, u ham tamom boʻldi, endi kishi boshiga bittadan xurmo tegadirgan boʻldi. Men: «Bitta xurmo nima boʻladi?» — derdim. Bu ham tugagandan keyin, qattiq qiynaldik, nihoyat dengiz sohiliga yetdik. Qarasak, roʻparamizda togday bir nahang turibdi. Uning goʻshtini oʻn sakkiz kun yedik. Keyin, Abu Ubayda nahangning ikkita qovurgasini olib kelib yerga sanchib qoʻyishni buyurdi. Ular orasidan tuya yetaklab oʻtishqan erdi, tuyaning boʻyi pastlik qildi».

Jobir ibn Abdulloh raziyallohu anhu rivoyat qiladilar: Rasululloh bizni Abu Ubayda ibn Jarroh boshchiligidagi uch yuz kishi birlan birga Quraysh karvonini qoʻlga tushirish uchun yubordilar. Biz sohilda yarim oy poylab turdik, yeguliklarimiz tugab qattiq och qoldik, hatto daraxt yaproqlarini ham yedik. Shuning uchun bu lashkar «Jayshulxabt» ya'ni «Barg lashkari» deb ataldi. Keyin, dengiz toʻlkinlari anbar degan bir hayvonni sohilga chiqarib tashladi, uning goʻshtini yarim oy yedik, yogi birlan badanlarimizni moyladik, shundagina oʻz aslimizga qayt-dik. Abu Ubayda bu hayvonning ikkita qovurgasini oldida, uni tik qilib yerga oʻrnatdi, uning orasidan odam ham, tuya ham oʻtdi, lekin boʻyi pastlik qildi. Qavmdan bir kishi uchta tuya soʻydi, keyin yana uchta tuya soʻydi, undan keyin yana uchta tuya soʻydi, keyin Abu Ubayda tuya soʻymoqni man' kildi. Qays ibn Sa'd ushbu voqea haqida otasidan soʻraganda, otasi: «Men shu lashkar ichida bor erdim, menga: «Soʻy!»—deyishdi, soʻydim. Keyin, yana och qolishdi, yana «Soʻy!»—deyishdi, yana «Soʻy!»—deyishdi, yana soʻydim, keyin, yana och qolishdi, yana «Soʻy!»—deyishdi, yana soʻydim. Undan keyin, yana och qolishib, «Soʻy!» — deyishib erdi, Abu Ubayda taraflaridan man' etildim»,— dedi».

Jobir ibn Abdulloh raziyallohu anhu bunday deydilar: «Xabt lashkari birlan gazotda boʻldik, Abu Ubayda amirimiz erdi. Qattiq och qoldik Dengiz toʻlqinlari oʻlik nahangni oldimizga chiqarib tashladi, bunaqa katta baliqni umrimizda koʻrmagan erdik. Uning nomi anbar erdi. Bu baliqning goʻshtini yarim oy yedik. Abu Ubayda uning ikki suyagidan olib, yerga tik oʻrnatdi, orasidan oʻtgan otliqning boʻyi pastlik qildi. (Abu Zubayrning Jobirdan eshitib xabar berishiga qaraganda, nahangni yeyishga Abu Ubayda buyurgan). Madinaga kelganimizdan keyin, paygambarimizga bu haqda gapirgan erdik, ul zot: «Olloh taolo (dengizdan) rizq qilib chiqarib bergan narsani yenglar, agar olib kelgan boʻlsangizlar, bizga ham yegizinglar!»— dedilar. Ba'zi sahobalar olib kelishgan erkanlar, Janob Rasululloh undan tanovul qildilar».

Abu Bakr raziyallohu anhuning hijratning toʻqqizinchi yili odamlar birlan birga haj qilganlari haqida

Abu Hurayra raziyallohu anhu bunday deydilar: «Rasululloh Abu Bakr Siddiq raziyallohu anhuni Hajjat ul-Vido'dan ilgari bir jamoaga bosh qilib hajga yubordilar. Shu hajda odamlarga «Bu yildan keyingi yilda biror mushrik haj qilmaydi, yalangoch odam tavofi Baytulloh qilmaydi!» deb e'lon qilindi

Barro raziyallohu anhu bunday deydilar: «Toʻliq nozil qilingan eng oxirgi sura «Baroat» surasidur, Qur'onning eng oxirgi nozil qilingan oyati ersa «Niso» surasining xotimasi —

«Yastaftunaka, qulillohu yuftiykum filkalolati»dir. Mazmuni: «Ey Muhammad, sizdan fatvo soʻraydilar, ayting ularga «Olloh sizlarga befarzand oʻtgan kishidan qolgan meros haqida fatvo beradi» deb».

Banu Tamim qabilasining vakillari haqida

Imron ibn Husayn bunday deydilar: «Rasulullohning huzurlariga Banu Tamim qabilasidan vakillar kelishdi.

Janob Rasululloh ularga: «Bashoratni qabul qilingizlar!» — dedilar. Ular: «Bashorat qildingiz, endi naqdini beringiz!» — deyishdi. Bu gapdan Rasulullohning ranjiganlari yuzlaridan sezildi. Keyin, Yamandan vakillar kelishdi. Rasululloh: «Bashoratni qabul qilingizlar, uni Banu Tamim qabul qilmadi!» — dedilar. Yamanliklar: «Yo Rasulalloh, qabul qildik!» — deyishdi».

62-bob. Uyayna ibn Hisn g'azoti haqida

«Paygambar alayhissalom Uyayna ibn Hisnni Banu Tamimga yubordilar. Uyayna bu qabilani gorat qilib, bir qancha erkak va ayollarni asir qilib olib keldi», — deydilar Ibn Ishoq.

Abu .Hurayra raziyallohu anhu bunday deydilar: «Men Banu Tamimni Janob Rasulullohning ular xususida aytgan quyidagi uch gaplaridan soʻng, abadul-abad yaxshi koʻrib qoldim, ul zot Banu Tamim haqida: 1) «Ular Dajjolga qarshi kurashuvchi eng sobit ummatimdur!» — degandilar. 2) Banu tamimlik bir joriya Oisha onamizning xizmatlarini qilib yurar erdi. Shunda ul zot: «Buni ozod qilgil, chunki bu Ismoil alayhissalomning avlodlaridandur!» — degandilar. 3) Banu Tamimdan zakot yigib kelinganda, Janob Rasululloh: «Bu mening qavmimdan yigib kelingan zakotdur!» — deb aytgandilar».

Abdulloh ibn Zubayrning xabar berishlariga koʻra, bir kuni Rasululloh sallallohu alayhi va sallamning huzurlariga Banu Tamimdan otliqlar kelibdi. Shunda Abu Bakr raziyallohu anhu Janob Rasulullohga: «Banu Tamimga Al-Qaʻqoʻ ibn Muabbad ibn Zurorani amir qilib tayinlangiz!» — debdilar. Hazrat Umar ersalar: «Unga Al-Aqraʻ ibn Hobisni amir qilib tayinlangiz!» — debdilar. Abu Bakr achchiglanib: «Doimo menga qarshi gap qilursan!» — debdilar. Hazrat Umar ersalar: «Men sizga qarshi gapirmoqchi ermasdim!» — debdilar. Ikkovlari baland ovoz birlai oʻzaro gap talashishibdi. Shu asnoda Janob Rasulullohga quyidagi oyati karima nozil boʻlibdi: «Ey moʻminlar! Olloh taolo va uning rasuli huzurida quyushqondan chiqmangizlar, Ollohdan qoʻrqingizlar! Albatta, Olloh taolo eshituvchi, biluvchidur! Ey moʻminlar! Ovozlaringizni paygambar ovozidan baland koʻtarmangizlar va bir-birlaringizga baland ovoz birlan gapirganingiz kabi paygambarga gapir-mangizlar, oʻzlaringiz sezmaganingiz holda qilgan amali solihlaringiz habata boʻlishi mumkin!».

63-bob. Abdulgays vakillari haqida

Abu Jamra rivoyat qiladilar: «Men Ibn Abbosga: «Menda bir idish bor, shu idishda nabiz qilib, shirinlik oʻrnida ichib yuraman. Agar oʻsha ichimlikdan koʻproq ichib qoʻyib, qavm huzuriga kelib oʻltirsam-u, oʻltirish choʻzilib keqa, sharmanda boʻlib qolishdan choʻchiyman»,— dedim. Ibn Abbos bunday dedi: «Janob Rasulullohning huzurlariga

Abdulqays qabilasi vakillari kelishgan erdi. Paygambarimiz ularni «Xush kelibsizlar, tortinmay-netmay kelaveringizlar!» deb qarshi oldilar. Ular Rasulullohga: «Ey Ollohning rasuli! Biz birlan Muzar mushriklari oʻrtasida dushmanlik bor, shu sababli sizning huzuringizga faqat urush man' qilingan oylardagina kela olamiz. Bizga bir ish buyuringki, biz uni ado etib jannatga kiraylik va ortimizdagilarni ham shunga da'vat qilaylik!»—deyishdi. Rasululloh: «Sizlarni toʻrt narsaga buyurib, toʻrt narsadan qaytaraman: avvalo Ollohga iymon keltgiringizlar, Ollohga iymon keltirish neligini bilurmisizlar? Bu—«Lo iloxa illallohu» deb shahodat keltirishdur. Keyin, namoz oʻqingizlar, zakot beringizlar, ramazonda roʻza tutingizlar, jihodda olingan oʻljalarning beshdan birini beringizlar! Toʻrt narsa — dubbo, nagir, xintam va muzaftda nabiz tayyorlab ichmangizlar!»—dedilar».

Bu yerdagi hadis takroran keltirilgan.

Ibn Abbosning mavlolari Kuraybrivoyat qiladilar: «Ibn Abbos, Abdurrahmon ibn Azhar, Misvar ibn Maxramalar meni Oisha raziyallohu anhoning huzurlariga yuborayotib: «Oishaga hammamizdan salom aytgil, keyin «Siz asrdan keyin ikki rak'at namoz o'qir erkansiz, Rasululloh asrdan keyin namoz o'qishni man' etganlar, deb eshitganmiz. Ibn Abbos: «Men va Hazrat Umar odamlarni asrdan keyin ikki rak'at namoz o'qishdan qaytarar erdik»,— deydilar, bunga nima deysiz?» deb soʻragil!»—deyishdi. Men Oisha raziyallohu anhoning huzurlariga kirib shu gapni aytdim. Oisha onamiz: «Ummu Salamadan so'ragil!» — dedilar. Keyin, Ummu Salamaning huzurlariga bordim. Ummu Salama: «Men ham Janob Rasulullohning asrdan keyin ikki rak'at namoz o'qishni man' etganlarini eshitgan erdim. Bir kuni asr namozini oʻqidilar-da, mening oldimga kirdilar. Huzurimda ansoriylarning Banu Harom gabilasidan kelgan ayollar o'ltirishgan erdi. Yana ikki rak'at namoz o'qidilar. Men xizmatkorga: «Rasulullohning yonlariga borgin-da: «Yo Rasulalloh, Ummu Salama «Asrdan keyin ikki rak'at namoz o'qishni man' etganingizni eshitgan erdim-ku?! Nega endi o'zingiz o'qiyotirsiz?» deb aytyaptilar»,— degin, agar qo'llari birlan ishora qilsalar, chetga chiqib tur!» — dedim. Xizmatkor ayol aytganimni gildi, Rasululloh go'llari birlan ishora gilib erdilar, chetga chigib turdi. Namozni o'gib bo'lganlaridan so'ng «Ey Abu Umayyaning qizi, sen ikki rak'at haqida so'rading. Huzurimizga Abdulqays qabilasi vakillari islomga kirganliklari haqida xabar olib kelishgan erdi. Shuning uchun men peshindan keyingi ikki rak'atni o'qiyolmay golgan erdim. Hozir o'shaning qazosini o'qidim»— deb javob berdilar»

Ibn Abbos «Paygʻambar alayhissalomning masjidlarida oʻqilgan jum'adan keyingi birinchi jum'a Juvosodagi Abdulqays masjidida oʻqildi, Juvoso Bahraynning bir qishlogʻidur»,— deydilar

64-bob Banu Hunayfa vakillari va Samoma ibn Usol haqida

Abu Hurayra raziyallohu anhudan nahl qilinadi: «Paygʻambar alayhissalom Najd tarafga otliqlarni yubordilar. Ular Banu Hunayfa qabilasidan Samoma ibn Usol ismli kishini tutib kelishib, masjid ustunlaridan biriga bogʻlab qoʻyishdi, Rasululloh uning oldiga borib «Ey Samoma, dilingda nima gap bor'»— dedilar. Samoma «Yo Muhammad, dilimda yaxshilik mavjud, agar oʻldirsangiz, bir tirik odamni oʻldirasiz, agar yaxshilik qilsangiz, yaxshilikni biladirgan odamga yaxshilik qilgan boʻlasiz, basharti mol-dunyo istasangiz, xohlaganingizcha soʻrangiz!»— dedi. Janob Rasululloh ertangi kun kelguncha uni oʻz holiga qoʻydilar. Ertasiga yana «Ey Samoma, dilingdagini ayt!»—dedilar. Samoma «Yana oʻsha gap, agar yaxshilik qilsangiz, yaxshilikka yaxshilik qaytaradirgan odamga yaxshilik

qilgan bo'lasiz!»— dedi. Janob Rasululloh uni yana o'z holiga tashlab qo'ydilar. Ertasiga yana «Ey Samoma, dilingdagini ayt!» — dedilar. U «Yana o'sha gap!» — dedi. Janob Rasululloh: «Samomani qo'yib yuboringizlar!» — dedilar, uni qo'yib yuborishdi. Samoma masjid yaqinidagi xurmozorga kirib g'usl qildi-da, masjidga qaytib kirdi, so'ng «Ashhadu anlo iloha illallohu va-shhadu anna Muhammadan rasulullohi» deb iymon keltirdi, keyin «Yo Muhammad! Olloh taolo haqi, yer yuzida menga sizning yuzingizdan ko'ra yomonroq ko'rinadirgan yuz yo'q erdi, endi bo'lsa sizning yuzingiz men eng yaxshi ko'rgan yuzga aylandi. Men uchun sizning diningizdan ko'ra yomonrog din yo'g erdi, endi bo'lsa men uchun sizning diningiz eng yaxshi dinga aylandi. Olloh taolo hagi, sizning shaharingiz mening eng yomon ko'rgan shaharim erdi, endi bo'lsa shaharingiz mening uchun eng yaxshi shaharga aylandi. Men umra qilmoqchi bo'lib chiqqan erdim, otliqlaringiz ushlab kelishdi, endi nima qilayin?»—dedi. Rasululloh uni xushnud qilib, umra qilishni amr qildilar. Samoma Makkaga kelganda unga bir kishi «Dindan qaytgan?»— dedi. Samoma «Xudo haqi, unday ermas, men Muhammad sallallohu alayhi va sallam huzurlarida musulmon boʻldim. Olloh taologa qasamyod qilurmanki, endi ul zotning ijozatlarisiz sizlarga Yamomadan bir dona bug'doy doni ham kelmagay!»—dedi».

Ibn Abbos raziyallohu anhudan naql qilinadi: «Rasululloh zamonlarida Musaylama al-Kazzob degan odam paydo bo'lib: «Agar Muhammad o'zidan keyin payg'ambarlikni menga bersa, unga ergashaman»,— derdi. Musaylama o'z qavmiga mansub bir to'da kishilar birlan birga Madinaga keldi. Janob Rasululloh Sobit ibn Qays ibn Shammosni yonlariga olib, uning oldiga bordilar, qo'llarida bir xurmo shoxchasi bor erdi. Ul zot gumashtalari davrasida o'ltirgan Musaylama al-Kazzobning ro'parasiga kelib to'xtadilarda, unga «Agar sen mana shu quruq shoxchani soʻrasang ham senga bermagayman, sen hargiz dushmanlik qilolmagaysan, Olloh taolo sening haqingda hukm chiqarib qo'ygandur. Agar haqdan yuz o'girsang, Olloh taolo seni albatta halok qilgay! Sening haqingda tushimda ayon qilingan Boshqa gaplarga ersa mening nomimdan mana bu Sobit javob qilgay»,— deb qaytib ketdilar. Keyin, men Janob Rasulullohning «Sening haqingda tushimda ayon qilingan» degan qaplarining ma'nosini so'radim, Abu Hurayra raziyallohu anhu menga bunday dedilar. «Men uxlab yotgan erdim,— deb erdilar Janob Rasululloh,— tushimda qo'limda ikki oltin bilaguzuk ko'rdim, ularning chiroyi diggatimni tortdi. Shunda Olloh taolo menga uyqumda vahiy yuborib «Ikkovini puflab yuboringiz!» — dedi. Men ikkalasini puflab yubordim. Men bu tushumni «Uzimdan keyin ikki odam paygʻambarlik da'vosini qilib chiqadi, biri — Al-Anasiy, ikkinchisi — Musaylama» deb ta'bir qildim»

Abu Hurayra raziyallohu anhu bunday der erdilar: «Rasululloh «Men uyquda erdim, tushimda yerning barcha xazinalari menga keltirildi. Keyin, kaftimga ikkita bilaguzuk qoʻyildi, ikkovi ham ogʻir koʻrindi. Soʻng, menga «Ikkovini puflab yuboringiz!» deb vahiy qilindi. Men ikkovini puflagan erdim, qoʻlimdan uchib ketdi. Men oʻsha ikki bilaguzukni roʻparamda turgan manavi ikki kazzob — San'o sohibi va Yamoma sohibi, deb ta'bir qildim»,— dedilar».

Abu Rajo al-Atorudiy bunday deydilar: «Bizlar toshga ibodat qilardik, agar yaxshiroq toshni topsak, avvalgisini Uloqtirib, boshqasini olardik. Agar tosh topolmasak, tuproqni toʻplab, unga bir qoʻyni olib kelib sutini sogʻardik, keyin uning atrofida tavof qilardik. Rajab oyi kirishi birlan nayza bormi, kamon oʻqi bormi, barcha tigʻlarni qoldirmay, tashlab qoʻyardik. Rasululloh paygʻambar boʻlgan kunlarda men qavmimning tuyalarini boqib yuradirgan bir yosh bola erdim. Ushanda paygʻambar chiqqanligini eshitib,

jahannamga, ya'ni Musaylama al-Kazzob tomonga qochganmiz».

Al-Asvad al-Anasiy qissasi Bu yerda yuqoridagi hadislar takroran keltirilgan.

Ahli Najron qissasi.

Huzayfa raziyallohu anhudan naql qilinadi: «Najronning ikki sohibi — Oqib va Sayyid Rasulullohning huzurlariga muloana qilishmoqqa (har biri oʻzining haq erkanligini aytib, oʻzaro bir-birini la'natlamoqqa) kelib, biri ikkinchisiga: «Bunday qilmaylik, agar u haq paygʻambar boʻlsa-yu, muloana qilishsak, najot topmagaymiz ham, bizni birov oqlamagay ham!» — dedi. Keyin, ular Janob Rasulullohga: «Siz nima soʻrasangiz, beraylik, lekin siz biz birlan birga bir ishonchli kishini joʻnaqan-giz!»,— deyishdi. Ul zot: «Sizlar birlan birga eng ishonchli odamni joʻnataman»,— dedilar-da, ashoblarini birmabir nazardan oʻtkazgach: «Ey Abu Ubayda ibn Jarroh, turingiz oʻrningizdan!» — dedilar, Abu Ubayda turganlaridan soʻng: «Mana shu odam butun ummatning ishonchli vakili»,— dedilar».

Huzayfa raziyallohu anhu bunday deydilar: «Najron ahli Janob Rasulullohning huzurlariga kelib: «Bizning qavmimizga bir ishonchli kishini joʻnaqangiz!» — deyishdi. Ul zot: «Qavmingizga eng ishonchli odamni joʻnatgayman»,— dedilar. Shunda barcha sahobalar «Meni yuborsalar kerak» deb umid qilishdi. Lekin, Janob Rasululloh Abu Ubayda ibn al-Jarrohni joʻnatdilar».

Anas raziyallohu anhu: «Har bir ummatning ishonchli vakili boʻlgay, bu ummatning ishonchli vakili Abu Ubayda ibn al-Jarroh raziyallohu anhudir»,— deydilar.

Ummon va Bahrayn qissasi

Jobir ibn Abdulloh raziyallohu anhu bunday deydilar: «Menga Rasululloh: «Agar Bahrayndan mol kelsa, senga shuncha va shuncha berardim!» — deb uch bor aytib erdilar.

Lekin, Bahrayndan mol yetib kelmasdan turib vafot etib qoldilar. Janob Rasulullohdan soʻng, Abu Bakr xalifa boʻldilar, mol shu kishining davrida yetib keldi. Abu Bakr bir kishi orqali: «Janob Rasululloh kimga shu moldan beraman, deb va'da qilgan boʻlsalar, huzurimga kelsin!» — deb e'lon qildilar. Shunda men Abu Bakrning huzurlariga kelib: «Janob Rasululloh menga: «Agar Bahrayndan mol kelsa, senga shuncha va shuncha bergayman, deb uch bor aytgan erdilar»,— dedim. Abu Bakr Janob Rasululloh va'da qilganlaricha mol berdilar. Keyin, bir muncha vaqt oʻtgach, Abu Bakr Siddiqdan oʻsha moldan yana beringiz, deb uch bor soʻradim, bermadilar. Men xafa boʻlib u kishiga: «Huzuringizga uch marta keldim, lekin mol bermadingiz, menga mol berasizmi oʻzi yoki menga baxillik qilayotirsizmi?» — dedim. Abu Bakr: «Menga baxillik qilayotirsizmi, deding-a?! Baxillikdan yomonroq narsa bormi? — deb uch bor aytdilar, soʻng: «Senga necha marta mol bermagan boʻlsam, hammasini olaver!»—dedilar».

Jobir ibn Abdulloh bunday deydilar: «Men Abu Bakrning huzurlariga kelib mol soʻradim, u kishi menga: «Sana!» — dedilar, men sanab koʻrsam, besh yuzta erkan, «Hammasini ola qol!»—dedilar».

65-bob. Ash'ariylar va ahli Yamanning (Janob Rasulullohning huzurlariga) kelishi haqida

Abu Muso al-Ash'ariy raziyallohu anhu Paygambar alayhissalom haqlarida rivoyat qilaturib: «Ul zot «Ash'ariylar mendan, men ersam ulardanman» deb aytganlar»,— deydilar.

Abu Muso rivoyat qiladilar: «Men akam birlan birga Yamandan kelib, (Janob Rasulullohning xonadonlarida) ancha turdik. Shunda Ibn Mas'ud va uning onasi birlan Rasulullohning xonadon a'zolari o'rtasida ko'p kirdichiqdi bo'lib turganigini hamda ul zotning ularga ehtiejlari borligini ko'rib, ular ham payg'ambarimizning xonadon a'zolaridan, deb fikr qildik».

Zahdam rivoyat qiladilar: «Abu Muso Yamanga kelganda Jarm qabilasi unga izzathurmat koʻrsatdi. Biz Abu Musoning oldida oʻltirgan erdik, u tovuq qoʻshti tanovul qilayotib bir kishini taomga taklif qildi. Lekin, u «Men tovuqning iflos narsa yeganini ko'rganman» deb unamadi. Shunda Abu Muso: «Men Rasulullohning ham tovug go'shti yeganlarini koʻrganman» — deb uni yana dasturxonga taklif qildi. «Men buni hech qachon yemagayman!» deb qasam ichganman»,— dedi u. Shunda Abu Muso: «Bu yogga kelgil, gasam haqida senga bir rivoyatni aytib berayin, voqea bunday boʻlgandi», — dedi: «Biz bir necha ash'ariylar Janob Rasulullohning huzurlariga bordik-da, u kishidan ulov soʻradik. Janob Rasululloh ulov bera olmasliklarini aytdilar. Biz yana so'radik, shunda ul zot: «Olloh haqi, sizlarga ulov bera olmayman!» — deb gasam ichdilar. Shu asnoda bir necha tuyalarni yetaklab kelib golishdi. Janob Rasululloh ulardan beshtasini bizga bermogni amr qildilar. Biz tuyalarni olgach: «Janob Rasulullohni g'aflatda goldirdik, bizni deb gasam ichganlarini unutib go'ydilar, endi biz sira ham najot topmagaymiz!» — dedik. Soʻng, men ul zotning qoshlariga borib: «Yo Rasulalloh, siz bizga ulov yoʻq, deb qasam ichgan erdingiz, lekin keyin ulov berdingiz-ku?!»—dedim. Rasululloh: «Ha, toʻqʻri, lekin men tokim avvalgi gasamimni kafforatini berib halollab olmagunimcha, biror boshqa qasamni afzal ko'rsam, qasam ustiqa qasam ichmagayman!» — dedilar».

Imron ibn Husayn rivoyat qiladilar: «Rasulullohning huzurlariga Banu Tamim ahli keldi. Janob Rasululloh: «Ey Banu Tamim, bashoratni qabul qilingizlar!» — dedilar. Banu Tamim ahli: «Nima haqda bashorat qilgan boʻlsangiz, oʻshaning oʻzini beringiz!» — dedi. Bu gapdan ul zotning yuzlari oʻzgarib ketdi. Keyin, yamanliklar kirib keldi. Janob Rasululloh ularga: «Banu Tamim ahli qabul qilmagan bashoratni qabul qilingizlar!» — dedilar. Yamanliklar: «Yo Rasulalloh, qabul qildik!»— deb javob qilishdi».

Abu Mas'uddan naql qilinadi: «Payg`ambar alayhissalom «Iymon o`sha yerda!» deb Yaman tarafga ishora qildilar-da: «Jafo va berahmlik shaytonning ikki shoxi chiqadirgan tarafda, (sharqda) yashaydirgan, tuyalarning ketidan qolmaydirgan baqiroqlarda, ya'ni Rabiy'a va Muzar qabilalaridadur»,~dedilar.

Abu Hurayra raziyallouu anhu bunday deydilar: «Paygʻambar alayhissalom: «Yaman ahli huzuringizga keldi, ularning dillari yumshoq, qalblari muloyimdur. Mustahkam iymon ham, mukammal hikmat ham Yamandadur, takabburlik va xudbinlik ersa tuya ashoblarida, bosiqlik va viqor ersa qoʻy ahllaridadur»,— dedilar».

Abu Hurayra raziyallohu anhudan naql qilinadi: «Paygʻambar alayhissalom: «Iymon Yamanda, fitna ersa mana bu yoqda boʻlib, u yerdan shaytonning shoxi chiqadi»,— dedilar».

Abu Hurayra raziyallohu anhudan naql qilinadi: «Rasululloh: «Huzuringizga Yaman ahli keldi. Ularning dillari nozik, qalblari muloyim boʻlib, fiqh ham, hikmat ham Yamandadur»,— dedilar».

Alqamadan naql qilinadi: «Biz Ibn Mas'ud birlan birga o'ltirgan erdik, Xabbob kelib Ibn Mas'uddan: «Ey Abdurrahmonning otasi, bu yigitlar ham siz qiroat qilgandek qiroat qila olgaylarmi?» — deb so'radi. Ibn Mas'ud: «Agar xohlasangiz, birortasiga buyuraman, sizga qiroat qilib beradi»,— dedilar. Xabbob rozilik bildirganlaridan so'ng, Ibn Mas'ud: «Ey Alqama, o'qi!»—deb buyurdilar. Shu yerda o'ltirganlardan biri — Zayd ibn Hudayr e'tiroz bildirib: «Alqamaga qiroat qilishni buyurayotirsiz, ammo sheriklarimiz ichida mening qiroatim yaxshiroq ermasmi?»—dedi. Ibn Mas'ud unga: «Agar xohlasang, Rasulullohning uning qavmi haqida nima deganlari birlan sening qavming haqida nima deganlarini aytib beraman»,— dedilar. Keyin, men «Maryam» surasidan ellik oyatni o'qib berdim. Ibn Mas'ud: «Qiroati qanday, yoqdimi?»—deb so'radilar. Xabbob: «Qiroatni juda bopladi!»—deb xursandlik izhor etdi. Ibn Mas'ud ham faxrlanib: «Men nimani qiroat qilsam, bu ham o'shani qiroat qiladi»,— dedilar, keyin Xabbobga qarab uning qo'lidagi tillo uzukni ko'rib qoldilar-da: «Bu uzukni tashlab yuborish vaqti kelmadimi?»—deb so'radilar. Xabbob: «Bugundan keyin bu uzukni mening qo'limda ko'rmaysiz» — deb barmoqlaridan chiqarib otib yubordilar».

Davs va Tufayl ibn Amr ad-Davsiy qissasi

Abu Hurayra raziyallohu anhu rivoyat qiladilar: «Tufayl ibn Amr Paygʻambar alayhissalomning huzurlariga kelib: «Davs qabilasi endi halok boʻldi, osiylik qilib bu yerga kelishdan bosh tortdi, Olloh taologa iltijo qilib ularni duoi bad qilingiz!»— dedi. Rasululloh aksincha: «Ey Olloh, Davsni Xidoyat qilgin, huzurimizga kelishga dillarini moyil qilgin!»— deb duoi xayr qildilar».

Abu .Hurayra raziyallohu anhu rivoyat qiladilar: «Men Paygʻambar alayhissalomning huzurlariga kelayotib quyidagi baytni aytdim:

Uzayding qanchalar, ey tun, qilib, menga mashaqqatlar, Va lekin, men kufur iskanjasiga tushmasam, bas!» Keyin, qarasam, qulim yoʻq, orqada qolib ketibdi. Janob Rasulullohning huzurlariga borib, ul zotga bayʻat qilayotgan erdim, ichkaridan qulim chiqib keldi. Janob Rasululloh: «Ey Abu Hurayra, mana quling!»—dedilar. Men darhol: «Uni Olloh rizoligi uchun ozod qildim!»—dedim».

66-bob Tay qabilasi vakillari qissasi va Adiy; ibn Hotim haqidagi hadis

Adiy ibn Hotim rivoyat qiladilar «Biz Tay qabilasi vakillari Hazrat Umarning huzurlariga keldik Shunda Hazrat Umar har bir qabila vakilini birma-bir nomini aytib chaqirdilar. Men Hazrat Umarga «Ey moʻminlar amiri, meni tanimayotirsizmi?»— dedim. HazratUmar «Ha, tanidim. Sen bularning kofirlik vaqtida musulmon boʻlgansan, bular islomdan yuz oʻqirqanlarida sen islomga kirgansan, bular xiyonat qilganlarida sen vafo qilgansan,

bular tan olmaganlarida sen tan olgansan!» — dedilar. Men «Undoq ersa sizdan xafa boʻlmagayman!» — dedim».

67-bob Hajjat ul-Vido' (Xayrlashuv haji) haqida

Oisha raziyallohu anho rivoyat qiladilar: «Biz Hajjat ul-Vido'da Janob Rasululloh birlan birga yoʻlga chiqdik. Hammamiz umraga ehrom bogʻladik. Keyin, Rasululloh «Kimki jonligʻ olib kelgan boʻlsa, umra birlan hajga ehrom bogʻlasin, ikkovini ado qilmaguncha ehromdan chiqmasin!» — deb buyurdilar. Men Rasululloh birlan birga Makkaga keldim, hayz koʻrganim uchun Baytullohni tavof qilolmadim, Safo va Marva oʻrtasida saʻy ham qilolmadim. Rasulullohga bu haqda shikoyat qilgan erdim, ul zot menga «Sochingni yoyib taragin-da, umra oʻrniga hajga ehrom bogʻlagin!»— deb buyurdilar. Men aytganlaridek qildim. Hajni ado qilganimizdan keyin, ul zot meni (ukam) Abdurrahmon ibn Abu Bakr birlan birga Tan'imga joʻnatdilar, men u yerda umra qildim. Rasululloh: «Mana shu qazo boʻlgan umrang oʻrniga»,— dedilar. Umraga ehrom bogʻlagan boshqa kishilar ersa Baytullohni tavof qilib, Safo birlan Marva orasida sa'y qilishdi, keyin ehromlarini yechishdi. Hajdan soʻng, Minodan qaytganlaridan keyin, yana qayta Baytullohni tavof qilib, hajni yakunlashdi. Ammo, birvarakayiga haj ham umraga niyat qilganlar Baytullohni bir marta tavof qilishdi».

Ato ibn Abu Raboh raziyallohu anhu Ibn Abbos raziyallohu anhuniig Baytullohni tavof qilgach, ehromdan chiqqanlarini rivoyat qilibdilar. Ibn Jurayj: «Ibn Abbos nimaga asoslanib shunday qildi erkan?» — deb Atodan soʻrabdilar, u kishi: «Ibn Abbos Qur'oni Karimning «Summa mahilluho ilal-baytil-atiq», ya'ni «Ehromli kishining ehromdan chiqadirgan joyi ulugʻ Ka'badur» degan oyati mazmuniga va Rasulullohning Hajjat ul-Vidoʻda tavofdan keyin ehromdan chiqishni amr qilganlariga asoslangan»,— deb javob beribdilar: «Ehtimol, tavofdan keyin (Arafada vuquf qilgandan keyin) bu mumkin boʻlar?»—deb soʻraganlarida, Ato: «Ibn Abbos buni Arafadan oldin ham, keyin ham mumkin deb hisoblar erdi»,— deb javob beribdilar.

Abu Muso al-Ash'arii bunday deydilar: «Men Payg`ambar alayhissalomga Batho degan joyda yetib oldim. Rasululloh «Hajga niyat qildingmi?»—deb soʻradilar. Men «Ha»,—dedim. «Nima deb ehrom bogʻlading?»—dedilar. Men: «Rasululloh nima deb ehrom bogʻlagan boʻlsalar, men ham shunday deb ehrom bogʻladim»,— dedim. Rasululloh: «Unday ersa, Baytullohni tavof qilgil, Safo birlan Marva oraligʻida sa'y qilgil, keyin ehromingni yechgil!» — dedilar. Men tavof qilib, Safo birlan Marva oraligʻida sa'y qildim, keyin Qays qabilasidan bir ayol boshimni boqib, bitlarini tozalab qoʻydi».

Paygʻambar alayhissalomning jufti halollari Hafsa raziyallohu anhoning aytishlariga qaraganda, Rasululloh Hajjat ul-Vidoʻ yili (tavof va Arafa vuqufidan keyin) hamma xotinlariga ehromdan chiqishni buyuribdilar. Shunda Hafsa onamiz «Uzingizning ehromdan chiqmogʻingizga nima moneʻlik qilayotir?» — deb soʻraganlarida, ul zot «Sochimni yopishtirib olganman, tuyamga qurbonlik alomatini osib qoʻyganman, uni soʻymasdan turib ehromimni yecha olmayman»,— deb aytibdilar.

Ibn Abbos rivoyat qiladilar «Hajjat ul-Vido'da Rasulullohdan Xas'am qabilasidan bo'lgan bir ayol fatvo so'radi. Shunda Fazl ibn Abbos Janob Rasulullohning tuyalariga mingashib olgan erdi. Ayol «Yo Rasulalloh, Olloh taoloning hajni farz qilgan vaqti otamning keksayib tuyada o'ltirolmaydirgan bo'lib qolgan paytlariga to'g'ri kelib qoldi, men u

kishining oʻrinlariga haj qilsam boʻlurmi? — dedi. Rasululloh «Albatta, boʻlur!» — dedilar».

Ibn Umar raziyallohu anhu bunday deydilar: «Rasululloh Fath yili Makkaga kirib keldilar. Qasvo nomli tuyalariga Usomani mingashtirib olgan erdilar, Bilol, Usmon, Ibn Talha ham birga kelishayotgan erdi. Tuya Baytullohning yonginasida choʻktirildi. Rasululloh Usmonga kalitni keltirishni buyurdilar. Baytullohning eshigi ochilib, Rasululloh Usoma, Bilol va Usmon birlan birgalikda ichkariga kirdilar. Eshikni ichkarisidan berkitib olishib, uzoq muddat turishdi Keyin, Janob Rasululloh chiqdilar, odamlar shoshilib ichkariga kirishdi. Men hammadan oldin kirdim-da, eshik orqasida turgan Biloldan: «Rasululloh qaerda namoz oʻqidilar?»—deb soʻradim. Bilol «Rasululloh oldingi mana bu ikki ustun oʻrtasida, orqalarini eshikka, yuzlarini ersa eshik roʻparasidagi devorga qaratib namoz oʻqidilar»,— dedi. Baytullohning ichida oltita ustun bor erdi. Ushanda men Biloldan ul zotning qancha namoz oʻqiganlarini soʻrashni unutibman. Janob Rasulullohning oʻsha namoz oʻqigan joylariga qizil marmar yotqizilib belgilab qoʻyilgan».

Payg'ambar alayhissalomning zavjalari Oisha raziyallohu anho bunday deydilar: «Hajjat ul-Vido'da ul zotning boshqa xotinlari Safiyya binti Huyay hayz ko'rib qoldi. Rasululloh: «Safiyya bizni yo'ldan qoldiradigan bo'ldi-da!» —dedilar. Shunda men: «Yo Rasulalloh! Safiyya Arafa vuqufidan keyin Baytullohni tavof qilgan»,— dedim. Janob Rasululloh: «Undog bo'lsa, hechqisi yo'q!» —dedilar».

Ibn Umar raziyallohu anhu bunday deydilar: «Biz Hajjat ul-Vido'da suhbatlashib o'ltirar erdik, Payg'ambar alayhissalom ham oramizda erdilar, ammo Hajjat ul-Vido'ning o'zi nima erkanligini bilmas erdik. Janob Rasululloh minbarga chiqib, Olloh taologa hamdu sano aytdilar, keyin Masih Dajjol haqida uzoq qapirib, so'ng: «Olloh taolo qaysi payg'ambarni yubormasin, u o'z ummatini Dajjoldan ehtiyot bo'lmogga chorlagan. Nuh ham, undan keyingi payg'ambarlar ham o'z ummatlarini ogohlantirganlar. Dajjol sizlarning orangizdan chiqadi. Uning haqidagi qaplarni bilib qo'ymoqingiz lozim. Rabbingiz, takror aytaman, rabbingiz bir ko'zi ko'r ermas, Dajjolning ersa o'ng ko'zi ko'r bo'lib, so'linqiragan uzum donasi kabidir. Ogoh bo'lingizlarki, Olloh taolo bugungi kunni, ushbu shaharni va ushbu oyni muqaddas qilqani yangliq' bir-birlaringizning qoningizni to'kmog'ingizni, mol-mulkingizga ko'z olaytirmog'ingizni harom gildi, buni tushuntira oldimmi?» — dedilar. Sahobalar: «Ha, tushuntira oldingiz!»— deyishdi. Janob Rasululloh yana gaplarida davom etib: «Ey Olloh, guvoh bo'l, ey Olloh guvoh bo'l, ey Olloh guvoh bo'l! Bilib qo'yingizlar, mendan keyin bir-biringizning bo'ynin-gizga tig' uradirgan kofir bo'lib ketmangizlar!» — dedilar». Zayd ibn Arqam: «Payg'ambar alayhissalom o'n to'qqiz marta g'azot qilganlar. Hijratdan keyin, Hajjat ul-Vido' yili bir marta haj qilganlar, boshqa haj qilmaganlar»,—deydilar.

Jarrir raziyallohu anhu rivoyat qiladilar: «Paygʻambar alayhissalom Hajjat ul-Vido'da menga odamlarni tinchlantirishni buyurdilar-da: «Mendan keyin bir-biringizning boʻyningizga tigʻ uradirgan kofir boʻlib ketmangizlar!» — dedilar».

Ibn Abu Bakra rivoyat qiladilar: «Paygʻambar alayhissalom Hajjat ul-Vido'da: «Zamon Olloh taolo yeru osmonlarni yaratgan kundagidek aylanib turibdi. Yil oʻn ikki oydan iborat boʻlib, shundan toʻrt oyi muqaddas oylardur. Uchtasi ketma-ket: Zulqa'da, Zulhijja, Muharram, toʻrtinchisi ersa Jumod va Sha'bon oylarining oʻrtasiga joylashgan Rajab — Muzar oyidur»,— dedilar, soʻng: «Hozir qaysi oy?» —deb soʻradilar. «Olloh va

uning rasuli biluvchiroq!» — dedik. Shunda Rasululloh sukut qildilar, biz hozirgi oyning nomini biror boshqa nom birlan ataydilarmikin, deb oʻyladik. «Zulhijja ermasmi?» — dedilar. Biz: «Ha»,— dedik. «Bu qaysi shahar?» — deb soʻradilar. Biz: «Olloh va uning rasuli biluvchiroqdur!»—dedik. «Bu muqaddas shahar ermasmi?»—dedilar. Biz: «Ha, shundoq!» — dedik. «Bugun qanday kun?» — dedilar. Biz: «Olloh va uning rasuli biluvchiroqdur!» — dedik. Ul zot biroz sukut qildilar, biz bu kunning biror boshqa nomini ayqalar kerak, deb xayol qildik. «Nahr kuni ermasmi?» — dedilar. Biz: «Ha, shundoq!» — dedik. Shundan soʻng, ul zot: «Mana shul muqaddas oydagi kuningiz va mana shul muqaddas shahringiz haqqi-hurmati, bir-biringizning qoningizni toʻkmoq, molmulkingizni talamoq, or-nomusingizni poymol etmoq sizlar uchun haromdur! Bir kuni Olloh taologa roʻbaroʻ boʻlgaysizlar, oʻshanda qilgan amallaringiz haqida soʻragaydur, mendan keyin bir-biringizning boʻgʻzingizga tigʻ uradirgan gumroh boʻlib ketmangizlar, bu yerda hozir boʻlganlar, boʻlmaganlarga gaplarimni yetkazinglar, chunkim oʻzi eshitgan kishidan koʻra, birovdan eshitgan kishi yodida saqlovchanroq boʻlgay!»— dedilar».

Toriq ibn Shihob rivoyatp qiladilar: «Yahudiylardan biri Hazrat Umarga: «Agar oʻsha oyat bizga nozil boʻlganida erdi, biz oʻsha kunni bayram qilib olar erdik!»—dedi. Hazrat Umar: «Qaysi oyat?»—dedilar. «Bugun men sizlarga diningizni mukammal qilib berdim, ne'matlarimni bisyor qildim va islomning sizlar uchun din boʻlmogʻini iroda qildim» degan oyatdir»,— dedi. yahudiy. Hazrat Umar: «Bu oyatning qaysi joyda nozil boʻlganini aniq bilmayman, lekin u nozil boʻlganda Janob Rasululloh Arafotda turgan erdilar»,— dedilar».

Oisha raziyallohu anho bunday deydilar: «Biz Janob Rasululloh birlan birga yoʻlga chiqdik, ba'zimiz umraga va ba'zimiz hajga va yana ba'zimiz birvarakayiga ham umra, ham hajga talbiya aytgan erdik. Janob Rasululloh hajga talbiya aytgan erdilar. Lekin, hajga yoki birvarakayiga ham umra, ham hajga talbiya aytganlar Nahr kuniga qadar ehromlarini yechmadilar».

Omir ibn Sa'd otalari haqida naql qiladilar: «Janob Rasululloh Hajjat ul-Vido' paytida meni ko'rgani kirdilar, men xastalanib, o'lim to'shagida yotgan erdim. Shunda ul zotga: «Yo Rasulalloh, o'zingiz ko'rib turganingizdek, og'ir yotib goldim, men ersam badavlat kishiman, birgina qizimdan bo'lak merosxo'rim yo'q, molimning uchdan ikkisini sadaga qilayinmi?» — dedim. Janob Rasululloh: «Yoʻq»,— dedilar. Men: «Yarmini sadaqa gilayinmi?» — dedim. Janob Rasululloh: «Yoʻq»,— dedilar. Men: «Unday ersa uchdan birini sadaqa qilaveray»,— dedim. Janob Rasululloh: «Uchdan bir... uchdan bir ham ko'plik qiladi, merosxo'ringni tilamchi qilib qoldirganingdan ko'ra boyroq qilib goldirganing ma'gulrogdur. Olloh taoloning rizoligi uchun gilgan har bir sadagang uchun ajru savob olgaysan, hattoki xotiningning ogʻziga solib goʻygan bir lugma taoming uchun ham!» — dedilar. Men: «Yo Rasulalloh, oʻrtoglarimdan keyin golarmikanman?» — dedim. Janob Rasululloh: «Urtoglaringdan keyin golib Olloh taoloning roziligi uchun amali solihlar qilolmasang kerak, ehtimol qolarsan va sening xayrli amallaringdan musulmonlar naf ko'rib, kofirlar zarar topar?! Yo Olloh, sahobalarimning hijratlarini bexatar qilib, ortlariga qaytarmagaysan!»— dedilar. Ammo, afsuski, Sa'd ibn Xavla Makkada vafot etib golib, Janob Rasululloh unga ko'p achindilar».

Ibn Umar raziyallohu anhu: «Rasululloh sallallohu alayhi vasallam Hajjat ul-Vido'da sochlarini oldirdilar»,— deb aytgan erkanlar.

Ibn Umar raziyallohu anhu rivoyat qiladilar: «Rasululloh sallallohu alayhi va sallam Hajjat ul-Vido'da sochlarini oldirdilar, sahobalaridan ayrimlari ersa sochlarini qisqartirishdi. Abdulloh ibn Abbos raziyallohu anhuning aytishicha, u eshakka minib kelayotganida Janob Risululloh odamlar birlan birga Minoda namoz oʻqib turgan erkanlar, eshak namozxonlar safini oralab oʻtib ketibdi. Soʻng, Abdulloh eshakdan tushib namozxonlar safiqa borib turibdi».

68-bob. Tabuk, ya'ni Al-Usra g'azoti haqida

Abu Muso raziyallohu anhu rivoyat qiladilar: «Urtoqlarim meni Janob Rasulullohdan ulov so'ramogga yuborishdi, ul zo t Al-Usra qo'shini, ya'ni Tabuk g'azoti haqida tashvishlanib o'ltirgan erkanlar. Men: «Yo Rasulalloh! Urtoglarim meni ulov so'rab kelgil, deb xuzuringizga yuborishdi»,— dedim. Ul zot: «Olloh taolo haqi, birorta ham ulov bera olmayman!» — dedilar g'azablanib, lekin nega g'azablanganlarini bilolmadim. So'ng, Janob Rasulullohning rad etganlaridan xafa bo'lib hamda «Ul zot mendan biror narsa xususida xafa bo'lganmikanlar?» deb xavotir olib ortimga qaytdim-da, bo'lgan voqeani ularga so'zlab berdim. Hech gancha vagt o'tgan yo'g erdi, Bilolning: «Ey Abdulloh ibn Qays!»—deb chaqirganini eshitib qoldim. Men unga: «Ha»,— dedim. U: «Janob Rasululloh seni chorlayotirlar»,—dedi. Janob Rasulullohning huzurlariga borib erdim, menga: «Manavi tuyalarni o'rtoglaringga olib bor-da, «Bularni Olloh taolo (yoki Rasululloh) minib ketishingiz uchun sizlarga berdi» deb aytgil, so'ng minib ketaveringizlar!»— dedilar. Tuyalarning soni oltita bo'lib, ularni hozirgina Sa'ddan sotib olgan erdilar. Men tuyalarni o'rtoglarimning oldiga olib bordim-da, ularga: «Bularni Janob Rasululloh minib ketishingiz uchun sizlarga berdilar, lekin men, xudo hagi, birortangizni Janob Rasulullohning haqiqatan ham menga shunday deganlarini eshitgan odamning oldiga olib bormogchiman, tag'in ul zot aytmagan gapni bizlarga aytdi, deb o'ylamangizlar!»—dedim. Ular: «Biz seni haggo'y, deb bi-lurmiz, ammo, mayli, sen aytganingcha bo'la qolsin!»— deyishdi». Abu Muso bir necha o'rtoqlarini Janob Rasulullohning avval «Ulov yoʻq» deb, soʻng ulov berganlarining shohidi boʻlgan kishilar goshiga olib bordi, ular Abu Muso o'z o'rtoglariga aytgan gaplarni aynan takrorlashdi.

Mus'ab ibn Sa'd otalaridan naql qiladilar: «Rasululloh sallallohu alayhi va sallam Tabuk g'azotiga ketayotib Hazrat Alini o'rinbosar qilib qoldirmoqchi bo'ldilar. Shunda Hazrat Ali: «Meni bolalaru xotinlarga bosh qilib qoldirmoqchimisiz?» — dedilar. Janob Rasululloh: «Muso alayhissalom (o'z birodarlari) Horunni (Fir'avn huzuriga ishonchli) vakil qilib yuborganlari kabi, sen ham bu yerda mening ishonchli kishim bo'lib qolmog'ingga rozi ermasmisan? Bu yerda ishonchli vakilim bo'libgina qolmog'ing mumkin, chunki mendan keyin payg'ambar bo'lmagay!»—dedilar».

Safvon ibn Ya'lo otalaridan nakl qiladilarki, u kishi: «Men Janob Rasululloh birlan birga Al-Usra g'azotida ishtirok qildim»,— debdilar. Ato aytadilarki, Ya'lo: «Ushal g'azot mening eng umidbaxsh amallarimdandur!» — der erkanlar. Ato Safvonga aytgan erkanlarki, Ya'lo: «Mening bir yollanma xizmatkorim bo'lar erdi, u bir kishi birlan urishib qolib, biri ikkinchisining qo'lini tishlab olgan erdi»,— der erkanlar. Ato: «Menga Safvon kim kimning qo'lini tishlab olganini aytgan erdi, men esimdan chiqaribman»,— deydilar. Safvon bunday deydilar: «Qo'li tishlangan kishi tishlab olgan kishining og'zidan,qo'lini tortib olganda uning kurak tishi tushib ketdi, shunda ikkalasi Janob Rasulullohning huzurlariga borishdi, tishi tushib ketgan kishining og'zidan qon oqib turardi. Janob Rasululloh unga: «Ayg'ir kabi chaynagin, deb qo'lini og'zingga tiqibdimi?!» — dedilar».

69-bob. Ka'b ibn Molik hadisi va Olloh taoloning «(G'azotdan) qolib ketgan uch kishi (Ka'b ibn Molik, Murora ibn ar-Rabi' va Hilol ibn Umayya)ga ham...» degan qavli haqida

Ka'b ibn Molik bunday deydilar: «Men Tabuk va Badr gazotidan tashqari, Janob Rasululloh sallallohu alayhi va sallam ishtirok qilgan gazotlarning birortasiga bormay qolmaganman. Ushanda Badr gazotiga bormagani uchun biror kishiga dashnom bermagan erdilar, chunki Janob Rasululloh Quraysh karvonini qo'lga tushirmoq bo'lib chiqqan erdilar, Olloh taolo ersa ularni kutilmaganda dushmanga ro'baro' qilib qo'ygan erdi. Men, Laylat ul-Aqaba kechasi islomga sadoqat bildirib ahdu paymon qilganimizda, Janob Rasululloh birlan birga bo'lganman va men bu fazlni Badrda ishtirok etishdan ko'ra afzalroq deb bilurman, qarchi Badrni odamlar ko'proq tilga olsalar-da!

Tabuk gʻazoti xususiga kelsak, oziq-ovqatim, ulovim hamda quvvatim ham yetarli boʻlib, undan qolmogʻimga hech bir uzrli sababim yoʻq erdi. Ilgarilari hech qachon mening qoʻlimda bir vaqtning oʻzida ikkita tuya boʻlgan ermas, gʻazot vaqtida ersa doimo ikkita tuyam jihozi birlan tayyor turar erdi. Janob Rasululloh, odatda, bundan ilgarigi gʻazotlarda koʻp narsalarni sir tutar erdilar, bu gal ersa havoning issiqligi, yoʻlning uzoqligi va dushmanning behisob erkanligini musulmonlarga ochiq aytib, yaxshiroq tayyorgarlik koʻrmoqni amr qilgan erdilar. Janob Rasululloh birlan birga yoʻlga chiqqanlarning soni ham koʻp erdi, ularning sonini hatto hisobchilar ham bilmas erdi (taxminan, yetmish ming). Odamning koʻpligidan, agar ulardan birortasi gʻazotdan oʻzini olib qochishni xohlasa, «Olloh taolo vahiy birlan rasuliga xabar qilsagina mening qochganimni bilishlari mumkin» deb oʻylar erdi. Janob Rasulullohning mazkur gʻazotga chiqqan paytlari mevalar gʻarq pishgan va daraxtlar soyasi rohatijon boʻlgan bir payt erdi.

Janob Rasululloh musulmonlarga safar taraddudini koʻrmoqlikni amr qildilar, men ham ertalab ular birlan birga tayyorgarlik koʻrib, kechki payt uyga qaytdim, ammo hech narsaga qoʻlim bormadi. Uzimga-oʻzim: «Tayyorgarlik koʻr, sen safar qilmoqqa hammadan qodirroqsan!»—deb yurgan chogʻimda musulmonlarning safar tadoriki tugab, Janob Rasululloh tezda yoʻlga chiqdilar. Mening tayyorgarligim ersa hamon bitmas erdi. «Mayli, bir-ikki kun kechiksam ham ularga yetib olgayman» — deb oʻzimga dalda berar erdim. Yana bir-necha kun shu ahvolda yurdim, soʻng «Endi joʻnayin, lashkarni topayin!» deb azm qildim-u, ammo oʻzimni majbur qilolmadim.

Rasululloh sallallohu alayhi va sallam joʻnab ketganlaridan keyin koʻchalarga chiqib, odamlar aro kezdim, ammo ming nadomatlar boʻlsinkim, oʻzimni xafa qiladirgan holatdan boʻlak holatga, ya'ni gunohkorligidan boʻyni xam yoki Olloh taolo ma'zur tutgan zaif kishilardan boʻlak odamga koʻzim tushmas erdi.

Janob Rasululloh yoʻlda meni eslamabdilar, faqat Tabukka yetib olganlaridan soʻng, koʻpchilik oldida: «Ka'b nechun bunday qildi erkan?» — deb soʻrabdilar. Shunda Banu Salama qabilasidan bir kishi: «Yo Rasulalloh, u gʻazotga bormoqchi boʻlganida choponining ikki yoni ikki biqiniga mahliyo boʻlib, mahkam ushlab qolgan!»—debdi. Maoz ibn Jabal unga javoban: «Qanday yomon gap aytding! Olloh taolo haqi, biz Ka'bni faqat yaxshi odam deb bilurmiz!» — debdilar. Janob Rasululloh buni eshitib sukut qilibdilar.

Bir kuni men Janob Rasulullohning qaytib kelayotganlarini eshitib, «Ertaga ul zotning g'azablaridan qanday qutilsam erkan?» degan o'y birlan yolg'on-yashiq gaplarni to'qiy boshladim, uyimdagilardan ham mening gaplarimni tasdiglamoglarini so'radim. «Janob Rasululloh qaytib kelib, soyai muboraklarini solibdilar» degan xabarni eshitishim birlanog, to'qib qo'ygan bor yolg'on-yashiq qaplarim miyamdan chiqib ketdi va men ul zotning g'azablaridan yolg'on-yashiq gaplar birlan qutula olmasli-gimni tushunib yotdimda, haqiqatni aytmoqqa qaror qildim. Odatda, ul zot safardan qayqalar, avval masjidga kirib, safardan omon-eson gaytganlari shukronasiga ikki rak'at namoz o'gir erdilar, so'ng odamlarga oʻgirilib oʻltirardilar. Bu gal ham shunday gilganlarida gʻazotdan golganlar huzurlariga kelishib, ul zotdan uzr so'rab ont icha boshlashdi, bundaylar sakson nechta erdi. Janob Rasululloh ularning ko'pchilik oldida aytgan uzrlarini gabul gildilar, so'ng ularni bay'at qildirib, qunohlarini Olloh taolodan so'radilar, qalblaridagi sir-asrorlarini ersa yaratganning o'ziga havola qildilar. Keyin, men ham qoshlariga borib salom bergan erdim, g'azab aralash tabassum qildilar-da, «Beri kel!»—dedilar. Men ro'paralariga borib o'ltirdim. Ul zot: «Nechun g'azotga bormading, buning uchun tuya ham sotib olgan erding-ku!» — dedilar. Men: «Ha, shunday! Olloh taolo haqi, agar men sizdan bo'lak odamning qoshida boʻlganimda, uzr aytibgina qutilib ketgayman, deb oʻylagan boʻlur erdim, ammo men bunday qilmoqchi ermasman. Lekin, xudo haqi, agar hozir sizga yolg'on vaj ko'rsagam-u, siz ishonib meni kechirsangiz, Olloh taolo meni deb sizdan darg'azab bo'lgay va agar haqiqatni aygam, mening haqimda yomon fikrda bo'lgaysiz, ammo men Olloh taoloning mag'firatidan umidvorman. Xudo haqi, mening hech bir uzrli vajim yoʻq erdi, siz birlan bormay, bu yerda qolgan chogʻimda mendan kuchli va boyroq odam yoʻq erdi!» —dedim. Ul zot: «Haq qapni aytding, endi Olloh taolo sening xususingda hukm chiqarguncha bu yerdan nari ket!»— dedilar. Men oʻrnimdan turdim. Shunda Banu Salama qabilasi kishilari ketimdan ergashib kelayotib: «Xudo haqi, biz sening ilgari bunday gunox qilmaganingni bilurmiz, sen ham boshqalar singari uzr aytib qo'ya qolganingda, ul zot qabul qilib, Olloh taologa sening uchun istig'for aytar erdilar» — deya menga shu qadar tanbih berishdiki, hatto ul zotning qoshlariga qaytib borib, avvalgi yolg'on-yashik vajimni aytmoqchi bo'ldim. Men ulardan: «Mendan bo'lak biror kishi ham o'z gunohini bo'yniga oldimi?» — deb so'radim. Ular: «Ha, ikki kishi sen kabi gunohini tan olib erdi, ularga ham senga aytgan gaplarini aytdilar»,— deyishdi. «Kim o'sha ikki kishi?» — deb so'radim.

Ular: «Murora ibn ar-Rabi' va Hilol ibn Umayya»,— deyishdi. Bular solih kishilar bo'lib, Badr qatnashchisi va boshqalarga namuna bo'larli fazilatga ega kishilar erdi. Menga bu ikkisining nomini zikr qilishqach, boyagi muddaomdan qaytdim. Janob Rasululloh Tabuk g'azotidan qolgan biz uchchalamiz birlan musulmonlarning gaplashmoqlarini man' qildilar. [Olloh taolo bular to'q'risida quyidagi oyatni nozil qilgan: «(Jihoddan) qolgan munofiglar Ollohning rasuliga osiylik qilib (uylarida) qolganlaridan xushnud bo'ldilar va ular Olloh yoʻlida molu jonlarini tikib jihod qilmoqni istamadilar va (oʻzaro): «Bunday issiqda urushga bormangizlar!» — dedilar. Siz aytingizki, «Agar ularning fahmlari yeqa, jahannam otashi (bundan) behad issigroq-dur!]». Odamlar bizdan yuz o'girishib, gaplashmay qo'yishdi, hatto men dunyoga kelganimdan pushaymon bo'lib ketdim. Bu axvol ellik kun davom etdi. Mening ikki sherigim (Murora va Hi-lol) uylaridan tashgariga chiqolmay qolishdi, tinmay yiq'lashardi. Men bo'lsam, qavmni soq'inib, ular birlan gaplashmoqqa intilar, masjidga chiqib birgalikda namoz o'qir va bozorlarni aylanib yurar erdim, ammo hech kim men birlan gaplashmas erdi. Har safar namozga borganimda Janob Rasulullohg'a salom berardim-da, ichimda «Salomimga alik olib lablarini qimirlatarmikanlar» deb umidvor bo'lar erdim, so'ng yonlariga yaqinroq borib namoz

oʻqiyotib, muborak yuzlariga oʻgʻrincha tikilar erdim. Bir kuni namozga kelsam, oldimdan chiqib qoldilar, u kishiqa qaragan erdim, mendan yuzlarini o'qirib oldilar, bu mening jonjonimdan o'tib ketib, amakimning o'q'li bo'lmish Abu Qatodaning uyiga tomon ravona bo'ldim, u mening uchun boshqalardan ko'ra mahbubroq erdi. Uyiga kirgach, unga salom berdim, lekin u, xudo haqi, alik olmadi. Shunda men unga: «Ey Abu Qatoda, Olloh taologa yolborib so'rayman, mening Olloh taolo birlan uning rasulini yaxshi ko'rishimni bilasanmi, o'zi?!» — dedim. Men boyagi gapimni yana takrorladim, yana indamadi, yana takrorladim, yana indamadi. So'ng, shunday deb gayta murojaat gilgan erdim, u: «Olloh taolo va uning rasuli yaxshiroq bilgay!» — deb qoʻydi. Shunda koʻzimdan yosh tirqirab ketdi, uyidan otilib chiqib ketdim. So'ng, Madina bozorida ketayotgan erdim, bu yerga taom sotgani kelgan Shom ahlidan bo'lmish bir kishini ko'rib goldim, u odamlarga: «Kim menga Ka'b ibn Molikni topib bera oladi?» — der erdi. Odamlar men tomonga ishora qila boshlashdi, u oldimga kelib G'asson podshohi yo'llagan bir maktubni menga topshirdi, unda «Ammo ba'd, menga ma'lum bo'ldiki, sohibing senga jafo gilayotgan ermish, Olloh taolo seni inson kamsitiladirgan va uning haq-huquqi toptaladirgan dargoh uchun yaratgan ermas, kelgil, haqiqat biz tarafdadur, biz senga hamdardmiz! G'assoniylar podshohi bo'lmish kamina sen Ka'bni, barchani sendan yuz o'girtirgan payg'ambarga «bir dars» boʻlmogʻi uchun, islomdan qaytadi, degan fikrdaman» deb yozilgan erdi. Maktubni oʻqigach: «Bu ham balolardan biridur!» — dedim-da, u birlan tandirni tayammum qildim, ya'ni tandirga tutantiriq qildim. Ellik kundan qirq kuni o'tgach, ul zot bir odam orqali: «Rasululloh sallallohu alayhi va sallam ayolingdan oʻzingni chetga olmog'ingni amr qiladilar»,— dedilar.

Men: «Uni taloq qilayinmi, nima qilayin?»— dedim. Ul zot: «Yoʻq, aksincha, undan oʻzingni olib qochib yurgil, unga qoʻshilmay turgil!» — dedilar, ikki sherigimga ham shunday deb odam yubordilar. Men xotinimga: «Ota-onangning uyiga borgil, Olloh taolo bu ish yuzasidan o'z hukmini chiqarguncha ular birlan birga tura turgil!» — dedim. Hilol ibn Umayyaning xotini Janob Rasulullohning huzurlariga borib: «Yo Rasu-lalloh, Hilol ibn Umayya yoshini yashab, oshini oshab bo'lgan bir keksa odamdur, uning (mendan bo'lak) qarab turadirgan kishisi yoʻqdur, unga xizmat qilmogʻimni man' qilurmisiz?»—dedi Ul zot «Ioʻq, lekin u birlan yotmagil!» — dedilar. Ayol «Xudo haqi uning biror narsa qilmoqqa majoli kelmaydi, xudo haqi, usha kundan shu vaqtqacha tinmay yigʻlamoqda!»— dedi. Oila a'zolarimdan biri menga «Hilol ibn Umaiyaning xotini Janob Rasulullohdan eriga xizmat qilmoqqa ijozat olgani kabi siz ham o'z xotiningizga ijozat so'rasangiz-chi!» dedi. Men «Xudo hagi, men Janob Rasulullohdan xotinim menga xizmat gilmog'i uchun ruxsat so'ramagayman, agar ijozat so'rasam, ul zotning qanday javob qilmoqlari menga qorong'udir!» — dedim. Men o'shanda kuchga tulgan yigit erdim Nihoyat, Janob Rasulullohning odamlarning biz birlan gaplashmog'ini man' qilganlariga ellik kun bo'ldi. Bomdod namozini o'gib bo'lganimda elliginchi kunning tonggi ham otdi, men ersam uylarimizdan birining orqasida, Olloh taolo zikr qilganidek, jonim ham, jahon ham ko'zimga ko'rinmagan bir holda o'ltirar erdim, nogahon Sal tog'ining cho'ggisidan «Ey Ka'b ibn Molik, xursand bo'lgil!» degan baland ovozni eshitdim. Darhol, mukka tushib sajda qildim Bildimki, xursand boʻladirgan kun ham kelibdi, demak Janob Rasululloh sallallohu alayhi va sallom bomdod namozi vaqtida Olloh taoloning bizni maq'firat qilganining xabarini ma'lum qilibdilar. Shundan keyin, namozxonlar bizni mamnun qilmoqqa otlanib, ikki sherigimga xushxabar yetkazgali odam yuborishibdi. Mening huzurimga ham bir kishi ot choptirib kelib goldi, lekin chopar ganchalik harakat gilmasin, baribir ovoz otdan tezlik qilgandi. Huzurimga kelgan choparning xushxabar aytgan ovozini eshitishim birlanoq, kiyimimni yechdim-da, unga kiydirib qo'ydim. Xudo haqi,

mening oʻsha kiyimimdan boʻlak kiyimim yoʻq edi, keyin birovdan qarzga kiyim oldim-da, uni kiyib Janob Rasulullohning huzurlariga oshiqdim. Odamlar yoʻl-yoʻlakay meni Olloh taoloning magʻfirati birlan tabriklashar va menga «Olloh taoloning magʻfirati senga muborak boʻlsin!»— deyishar erdi. Nihoyat, men masjidga kirib bordim, Janob Rasululloh oʻltirgan erkanlar, atroflarida tumonat odam Talha ibn Ubaydulloh oʻrnidan turib tezda oldimga keldi-da, qoʻl berib meni tabrikladi. Xudo haqi, undan boʻlak muhojirlardan birortasi oʻrnidan turib meni tabriklamadi, men abadul-abad Talhaning bu muruvvatini unutmagayman! Keyin, men Janob Rasulullohga salom berganimda, ul zot mamnunliklaridan chehralari balqigan holda «Onadan tugʻilganingdan beri oʻzingga muyassar boʻlmagan bugungidek xayriyatdan xursand boʻlgil!» — dedilar.

Men «Bul xushxabar sizdanmi yoki Olloh taolodanmi?» — dedim. Ul zot «Yoʻq, aksincha, Olloh taolodandur!» — dedilar. Agar Janob Rasululloh xursand boʻlsalar, yuzlari oy parchasidek balqib ketar erdi, biz buni yaxshi bilar erdik Ro'paralariga kelib o'ltirgach «Yo Rasulalloh, mag'firat gilinganim shukronasiga Olloh taolo birlan uning rasuli sallallohu alayhi va sallam yo'liga mol-mulkimdan sadaga qilayinmi?»—dedim. Ul zot «Mol-mulkingning bir qismini olib qol, bu senga yaxshi bo'lgay!»—dedilar. «Bo'lmasa, men Xaybardagi mulkimni olib qolqayman» deb xayolimdan o'tkazdim-da, ul zotga «Yo Rasulalloh, Olloh taolo rost soʻzlaganim hamda dildan tavba qilganim uchun menga najot bergan erkan, men o'la-o'lgunimcha faqat rost gapirgayman!» — dedim. Xudo haqi, Janob Rasulullohga shunday deganimdan buen Olloh taoloning musulmonlardan biror kishini rost so'zlagani uchun baloga giriftor qilganini bilmayman! Janob Rasu-lullohga shu qaplarni aytgan kunimdan hozirgacha yolg'on qapirmogga qasd qilmadimki, yolg'on so'zlamaganim Olloh taoloning meni baloga giriftor qilganidan yaxshiroqdur! Darhaqiqat, men qolgan umrim davomida Olloh taolodan meni yelg'on gapirmog'imdan asramog'ini iltijo gilgayman. Olloh taolo o'z rasuliga «Olloh payg'ambarni, muhojiru ansorlarni mag'firat qildi (rostgo'ylar birlan birga bo'lingizlar!» degan qavligacha)» degan oyati karimasini nozil qilgandur. Olloh taolo haqi rabbim meni islomga hidoyat qilganidan buyongi eng ulug' nemat ul zotga sadogatimdur! Janob Rasulullohga yolg'on gapirmaslikka dildan azm qilurman, aks holda, bilurmanki, Olloh taolo yolg'on gapirganlarni halok qilgani yangligʻ halok boʻlgayman. Olloh taborak va taolo «Sizlar (g'azotga bormagan munofiglarning) oldiga (g'azotdan) gaytib kelganingizda ular «Endi bizdan yuz o'girishsa kerak» deb huzuringizda Olloh taologa gasam ichurlar. Ammo, sizlar ulardan yuz o'giringizlar, ular nopok bo'lib, joylari jahannamdurki, bu qilmishlari uchun jazodur. Ular sizlarni rozi qilmoq uchun qasam ichurlar, lekin sizlar rozi bo'lsangizlar ham, Olloh taolo fosiq qavmdan sira rozi bo'lmas!» — degandur. Biz uch kishi ulardan, ya'ni qasam ichgan, ul zotga bay'at qil-gan va bay'atlari ul zot taraflaridan gabul gilingan hamda Olloh taologa istig'for aytgan kishilardan ajrab, xilof ish gildik. Shunda ul zot bizning masalamizni Olloh taoloning hukmiga topshirdilar. Shul boisdan Olloh taolo «Va alas-salosatillaziyna xullifuu», ya'ni «Xilof qildirilgan uch kishiga ham» deb bizni alohida zikr gildi. Bu yerdagi «Xilof» so'zi g'azotdan golish ermas, balki ul zotning bizni gasam ichib uzr aytgan va uzri gabul gilingan kishilardan ajratib go'yishlari va masalamizni Olloh taologa havola qilishlari erdi».

Nabiy sallallohu alayhi va sallamning (Madina birlan Shom oʻrtasidagi) Hijrga borganliklari haqida

Ibn Umar raziyallohu anhu rivoyat kiladilar: «Janob Rasululloh sallallohu alayhi va sallam Hijrdan o'tib ketayotib: «Uzlariga zulm qilganlarning uylariga kira

koʻrmangizlarki, ular giriftor boʻlgan, falokatga sizlar ham giriftor boʻlib, yigʻlab qolgaysizlar!» — dedilar. Soʻng, boshlarini oʻrab olib, tuyalarini vodiyga chiqquncha choptirib ketdilar».

Ibn Umar raziyallohu anhu rivoyat qiladilar: «Rasululloh sallallohu alayhi va sallam Hijrga birga borgan sahobalariga: «Olloh taoloning azobiga duchor boʻlgan anavilarning uylariga kira koʻrmangizlar, aks holda ular giriftor boʻlgan falokatga sizlar ham duchor boʻlib, yigʻlab qolgaysizlar!» — dedilar».

70-bob.

Mugira ibn Shu'ba rivoyat qiladilar: «Rasululloh sallallohu alayhi va sallam ba'zi-bir hojatlarini chiqarmoq uchun nari ketdilar. Qaytib kelganlaridan keyin, qo'llariga suv quyib bermoqqa o'rnimdan turdim. Bu Tabuk g'azotida bo'lgan erdi, shekilli. Yuzlarini yuvgach, bilaklarini yuvaman, deb erdilar, choponlarining yengi torlik qilib qolib, qo'llarini yeng ichidan chiqarib oldilar. Bilaklarini yuvgach, mahsilariga mash tortdilar».

Abu Humayd bunday deydilar: «Biz Rasululloh sallallohu alayhi va sallam birlan birga Tabuk gʻazotidan qaytdik, Madinaga yaqinlashganimizda ul zot: «Bu Tobadur (ya'ni, Madina), mana bu ersa Uhud togʻidur, u bizni sevadi, biz ham uni sevamiz!»—dedilar».

Anas ibn Molik raziyallohu anhu bunday deb xabar beradilar: «Rasululloh sallallohu alayhi va sallam Tabuk gʻazotidan qaytdilar, Madinaga yaqin qolganda: «Madinada shunday qavmlar borki, ular sizlar kabi koʻp yoʻl yurib, sizlar kabi vodiylarni kesib oʻtishmagan, aks holda ular sizlar birlan birga boʻlgan boʻlur erdilar!» — dedilar. Sahobalar: «Yo Rasulalloh, Madinadek bir tabarruk joyda shunday qavmlar bormi?» — deyishdi. Janob Rasululloh: «Ha, Madinada shunday qavmlar bor, ular qandaydir vajga koʻra (gʻazotdan) qolganlar»,— dedilar».

Nabiy sallallohu alayhi va sallamning (Eron podshohi) Xusrav birlan (Vizantiya podshohi) Qaysarga maktub yuborganliklari haqida

Ibn Abbos bunday deb xabar beradilar: «Rasululloh sallallohu alayhi va sallam Abdulloh ibn Huzofa as-Sahmiyga maktub berib, uni Bahrayn boshligʻiga topshirmoqni amr qildilar, Bahrayn boshligʻi maktubni Xusravga berdi. Xusrav uni oʻqib koʻrgach, yirtib tashladi. Menimcha, Ibn Musayyab aytgandiki, Janob Rasululloh xusraviylarni duoi bad qilib, Olloh taolodan ularning oʻzlarini ham burda-burda qilib yirtib tashlamoqni iltijo qilibdilar».

Abu Bakra rivoyat qiladilar: «Olloh taolo men Janob Rasulullohdan eshitgan bir soʻz birlan menga manfaat yetkazgan erdi. Men Jamal kunlari Jamal ashoblari birlan urushmoq uchun yoʻlga chiqib, ularga yetib olay deganimda, Rasululloh sallallohu alayhi va sallam: «Fors ahli Xusrav qizini oʻzlariga podshoh qilib olibdilar, oʻz ishini xotin kishiga topshirib qoʻygan qavm sira muvaffaqiyat qozonmaqay!» — deb erdilar».

Soib ibn Yazid bunday deydilar: «Esimda, bir kuni men gʻulomlar birlan birga Janob Rasulullohni kutib olmoq uchun Saniyat ul-Vido'ga chiqib erdim. Shunda Sufyon menga: «Bolalar birlan birga qayoqqa ketayotirsan?»—deb erdi».

Soib yana bunday degan erkanlar: «Esimda, bir kuni men bolalar birlan birga Tabuk gʻazotidan qaytib kelayotgan Janob Rasulullohni kutib olmoq uchun Saniyat ul-Vido'ga chiqib erdim».

71-bob. Janob Rasulullohning kasallanib vafot etganlari va Olloh taoloning «Sen mayyiqan va ular ham mayyitdurlar, soʻng sizlar Qiyomat kuni rabbingizning huzurida xusumatlashgaysizlar» degan qavli xususida

Oisha raziyallohu anho bunday deydilar: «Nabiy sallallohu alayhi va sallam vafotlari arafasida kasal boʻlib yotgan vaqtlarida: «Yo Oisha! Xaybarda tanovul qilgan taomimning dardini shu vaqtgacha tortayotirman, hozir nafasimning Qisilayotganini oʻshal zahardan, deb bilaman»,— dedilar».

Ummulfazl binti al-Xars rivoyat kiladilar: «Men Nabiy sallallohu alayhi va sallamning shom namozida «Va-I-Mursaloti urfan»ni oʻqiganlarini eshitdim, soʻng to vafot etgunlariga qadar biz birlan namoz oʻqimadilar».

Sa'id ibn Jubayr rivoyat qiladilar: «Hazrat Umar ibn al-Xattob raziyallohu anhu Ibn Abbosni bir guruh keksalar davrasiga olib borgan erdilar, ularning orasida oʻltirgan Abdurrahmon ibn Avf Hazrat Umarga: «Bu bolani bizning davramizga olib kelmangiz, oʻzimizda ham bunday bolalar yetarli!» — dedi. Hazrat Umar: «Uning bilimini bir sinab koʻrsangizlar!» — dedilar-da, Ibn Abbosdan «Izo joa nasrullohi val-fathu...» surasining ma'nosini soʻradilar. Ibn Abbos: «Bu surada Olloh taolo Janob Paygʻambarimizga umrlari tugab qolganligini ma'lum qilayotir»,— dedi. Hazrat Umar: «Buning ma'nosini men ham sen kabi tushungan erdim»,— dedilar».

Sa'id ibn Jubayr rivoyat qiladilar: «Panjshanba kuni Ibn Abbos: «Panjshanba kuni Rasululloh sallallohu alayhi va sallam dardlari og'irlashganda nimalar degan erdilar, bilasizlarmi?» — dedi, so'ng o'z savoliga o'zi bunday deb javob qildi: «Janob Rasululloh: «Menga qog'oz-qalam keltiringizlar, men sizlarga bir vasiyat yozib berayki, uni o'qigach, sira yo'ldan adashmagaysizlar!»— dedilar. Shunda sahobalar, ul zotning huzurlarida tortishish odobdan bo'lmasa-da, o'zaro tortishib qolishib: «Qo'yaveringizlar, ul zot alahlayaptilar!»— deyishdi. Janob Rasululloh: «Menga qarshilik qilmangizlar, aytadirgan vasiyatimni aytib olay, bu sizlarga yaxshiroq bo'lgay!» — dedilar-da, «Arabistondan mushriklarni quvib chiqaringizlar, mehmonni men siylagandek siylangizlar...» deb vasiyat qildilar, so'ng jimib qoldilar. Uchinchi vasiyatlarini ham aytgan bo'lishlari kerak, lekin men unutdim».

Ibn Abbos raziyallohu anhu bunday deydilar: «Janob Rasululloh sallallohu alayhi va sallam Olloh taoloning omonatini topshirmoqqa hozir boʻlganlarida uyda bir qancha kishilar bor erdi. Janob Rasululloh ularga: «Beri kelingizlar, sizlarga bir vasiyatnoma yozib berayki, uni oʻqigach, sira yoʻldan adashmagaysizlar!» — dedilar. Shunda ba'zilar: «Janob Paygʻambarimizni dard yengib qoʻyibdi, axir sizlarda Qur'oni Karim mavjudku, bizga Ollohning Kitobi kifoya qilgay!»— deyishdi. Natijada, uydagi kishilar oʻrtasida ixtilof chiqib, oʻzaro tortishib qolishdi. Ulardan biri «Tepalariga yaqinroq boringizlar, sizlarga vasiyatnoma bitib bergaylar, keyin yoʻldan adashmagaysizlar!» desa, yana biri buning aksini aytar erdi. Huda-behuda gaplar koʻpayib, tortishuv kuchaygach, Janob Rasululloh: «Turingizlar, chiqib ketingizlar!»— deb amr qildilar».

Ubaydulloh bunday deydilar: «Ibn Abbos: «Bu qanday kulfat boʻldiki, ularning hudabehuda gaplari va ixtiloflari Janob Rasulullohning vasiyatnoma bitib bermoqlariga imkon bermadi!»—deb aytar erdi».

Oisha raziyallohu anho rivoyat qiladilar: «Janob Rasululloh sallallohu alayhi va sallam Fotima alayhossalomga dillaridagi bir gapni aytib erdilar, ul muhtarama yigʻlab yubordilar, keyin yana bir gapni aytib erdilar, kulib yubordilar. Shunda biz ul muhtaramadan buning boisini soʻradik. Ul muhtarama: «Janob Rasululloh avval menga vafotlari arafasidagi xastalik chogʻlarida olamdan oʻtajaklarini aytdilar, men yigʻlab yubordim, keyin oʻz ahllaridan birinchi boʻlib ul kishiga ergashajagimni ma'lum qildilar, men kulub yubordim»,— dedilar».

Oisha raziyallohu anho bunday deydilar: «Paygʻambar ikki dunyodan birini ixtiyor qilmaguncha, oʻlmaydi, deb eshitgan erdim. Keyin, Janob Rasululloh vafotlari arafasida xastalanib yotgan chogʻlarida buni oʻzlaridan eshitib, haqiqat erkanligiga amin boʻldim. Ul zot «Ma'al-laziyna an'amallohu alayhim» degan oyati karimani oʻqidilar, shunda «U dunyoni ixtiyor qilibdilar» deb oʻyladim».

Oisha raziyallohu anho bunday deydilar: «Janob Rasululloh oʻzlarini u dunyoga olib ketgan xastalik chogʻlarida nuqul «Fi-r-Rafiq-il-a'lo!» der erdilar» (Qastaloniyning aytishlaricha, «Ar-Rafiq al-a'lo» iborasini bir necha ma'noda talqin qilish mumkin boʻlib, ba'zi ulamolar: «Osmoniylardan ham yuqoriroqda maskan tutgan anbiyolar jamoasi nazarda tutilgan»,— deyishsa, ba'zilari: «Oʻz bandalarining doʻsti boʻlmish Olloh taolo nazarda tutilgan»,— deyishadi).

Oisha raziyallohu anho bunday deydilar: «Nabiy sallallohu alayhi va sallam sogʻ-salomat yurgan kezlarida: «Paygʻambarlar, jannatdagi joyi koʻrsatilmay turib, vafot etmaydi, avval unga jannatdagi joyi koʻrsatiladi, soʻng u bu dunyodan voz kechib, oxirat dunyosini ixtiyor qiladi»,— der erdilar. Ul zot xastalanib, Azroil huzurlariga kelganda, boshlari mening tizzamda boʻlib, hushlaridan ketgan erdilar. Uzlariga kelgach, koʻzlarini uyning shiftiga tikkanlaricha: «Ollohumma, fi-r-Rafiq-il-a'lo» («Yo Ol-loh, meni Buyuk doʻst boʻlmish oʻzingga yetishtirgil!»)— dedilar. Men: «Demak, bizni koʻngillari xushlamayotir, sogʻ-salomat yurgan kezlarida aytgan gaplari shu erkan-da!»— deb xayolimdan oʻtkazdim».

Oisha raziyallohu anho bunday deydilar: «Abdurrahmon ibn Abu Bakr Rasulullohning huzurlariga kirdi. Shunda men ul zotning boshlarini koʻkragimga suyab oʻltirgan erdim, Abdurrahmon ersa qoʻlidagi misvok birlan tishini tozalar erdi. Janob Rasululloh unga bir nazar tashlab erdilar, men undan misvokni olib, uchini sindirib tashladim, soʻng suvini silkitib pokizaladim-da, ul zotga uzatdim, u birlan tishlarini tozaladilar. Men ul zotning shunga qadar bunchalik oʻta xafsala birlan tish tozalaganlarini koʻrmagan erdim. Janob Rasululloh tishlarini tozalab boʻlishlari birlanoq qoʻllarini koʻtarib uch bor «Yo Olloh, meni Buyuk doʻst boʻlmish oʻzingga yetishtirgil!» — dedilar-da, olamdan koʻz yumdilar, boshlarini bagʻrimga bosgancha qoldim».

Oisha raziyallohu anho bunday deydilar «Rasululloh sallallohu alayhi va sallam kasal boʻlsalar, muavvizotni oʻqib oʻzlariga oʻzlari dam solar, qoʻllariga ham dam solib badanlariga surtar erdilar. Dardlari ogʻirlashib golganda ersa, men oʻzim muavvizotni

oʻqib ul zotga dam solar, nafi tegsin, deb oʻzlarining qoʻllari birlan badanlarini silar erdim».

Ibod ibn Abdulloh ibi az-Zubayr bunday deydilar «Oisha raziyallohu anho Janob Rasulullohning xastalangan vaqtlarida orqalariga suyanib turib «Yo Olloh, meni magʻfirat qilgil, menga rahm qilgil va meni doʻstga yetishtirgil!» — deb aytganlarini quloq tutib eshitgan erkanlar»

Urva ibn az-Zubayr rivoyat qiladilar «Rasululloh sallallohu alayhi va sallam u dunyoga olib ketgan xastalik vaqtlarida «Olloh taolo oʻz paygʻambarlari qabrlarini masjid qilib olgan yahudiylarni la'natlasin!»— deb erdilar, agar shunday demaganlarida erdi, men ul zotning qabrlarini hashamatli qilib qoʻygan boʻlur erdim, ammo ul zot aynan shunday qilinishidan xavotir olganlar»,— dedilar Oisha raziyallohu anho»

Oisha raziyallohu anho bunday deydilar «Rasululloh sallallohu alayhi va sallam xastalanib, dardlari ogʻirlashib qolganda barcha jufti halollaridan mening hujramda yotmoqlari uchun ijozat soʻradilar, ular rozi boʻlishgach, ikki kishi — Abbos ibn Abdulmuttalib va yana bir odam qoʻltiqlagan holda oyoqlarini zoʻr-bazoʻr sudrab mening hujramga chiqdilar»

Ubaydulloh bunday deydilar: «Men Oisha raziyallohu anho aytgan gaplarni Abdullohga aytgandim, u mendan «Oisha raziyallohu anho nomini tilga olmagan oʻshal ikkinchi odamning kimligini bilasanmi? — deb soʻradi. Men «Yoʻq»,— dedim Abdulloh ibn Abbos «Ushal odam Ali ibn Abu Tolib erdilar. Oisha raziyallohu anho «Janob Rasululloh hujramga kirganlarida dardlari yana ham ogʻirlashdi. Shunda «Yettita ogʻzi ochilmagan meshda ustimdan suv quyingizlar!»—deb amr qildilar, ul zot odamlar qoshiga chiqib, ularga pand-nasihat qilmoqni iroda qildilar, shekilli. Biz ul zotni oʻzlarinish jufti halollaridan biri boʻlmish Hafsaning togʻorasiga oʻtqazib qoʻidik, soʻng «Boʻldi, yetarli!» demagunlaricha oʻshal yettita meshda ustilariga suv quya boshladik Keyin, turib odamlar qoshiga chiqdilar, ularga imomlik qilib namoz oʻqidilar va xutba qildilar» — deb aytar erdilar» — dedi».

Ibn Shihob «Ubaydulloh ibn Abdulloh ibn Utba menga bunday deb aytgan erdi»,— deydilar «Oisha va Abdulloh ibn Abbos raziyallohu anhum aytishlaricha, Janob Rasululloh sallallohu alayhi va sallam oʻzlariga dard tekkan kunlari goh xamisa (kiyim) larini yuzlariga tortib qoʻyar, goh siqilib ketib ochib tashlar erkanlarda «Uz paygʻambarlarining qabrlarini masjid qilib olgan yahudiilaru nasorolarga Olloh taoloning la'nati boʻlsin!»— deya musulmonlarni ular qilgan ishdan ogohlantirar erkanlar».

Oisha raziyallohu anho Ubaydullohga bunday degan erkanlar: «Men Janob Rasululloh sallallohu alayhi va sallamga bul xususda koʻp marta murojaat qildim va bu menga sira ham malol kelmaydi, zero odamlarning ul zotdan keyin ul kishining maqomlarini egallagan boshqa biror kishini sevmogʻi mumkinligini qalbimga sira ham jo qilolmayman, chunki hech kimsa ul zotning maqomlarini egallay olmas, aks holda odamlar ul zotni sevmagan, ul zotdan yomonlik koʻrgan boʻlurlar!»

Oisha raziyallohu anho bunday deydilar: «Janob Rasululloh sallallohu alayhi va sallam bagʻrimda zrkanliklarida jon taslim qildilar, men Janob Rasulullohdan keyin barcha moʻminlarga ham shunday tez (oson) jon taslim qilmoqlik nasib boʻlmogʻini ravo

ko'rgayman!»

Abdulloh ibn Abbos bunday deydilar: «Ali ibn Abu Tolib raziyallohu anhu Janob Rasulullohning huzurlaridan (ul zot xastalanib oʻlim tushagida yotgan erdilar) tashqariga chiqdilar. Shunda odamlar ul kishidan «Ey Abulhasan, Janob Rasululloh sallallohu alayhi va sallamning ahvollari qanday?»—deb soʻrashdi. Hazrat Ali: «Olloh taologa shukur, sogʻayib qoldilar!» — dedilar. Shunda, Abbos ibn Abdulmuttalib qoʻllaridan tutib, ul kishiga: «Siz, xudo haqi uch kundan soʻng, asoning quli boʻlursiz (ya'ni, qoʻlingizga aso tutib, tobut oldida borgaysiz) Men ersam, xudo haqi, Janob Rasulullohni mana shu dardlari olib ketadi, deb oʻylayman, men Abdulmutalib avlodlarining oʻlim oldidagi qiyofasini yaxshi bilurman. Biz birlan birga ul zotning huzurlariga yuringiz, soʻraylikchi, oʻzlaridan keyin kimni xalifa qilib qoldirmoq niyatida erkanlar. Agar bizni xalifa qilmoqchi ersalar, buni bilib qoʻyaylik, basharti bizdan boshqalarni tayi nlamoqni iroda qilgan ersalar, bundan ham voqif boʻlib qoʻyaylikki, bizga bu haqda vasiyat qilsinlar!» — dedi. Hazrat Ali unga: «Biz, xudo haqi, agar ul zotdan xalifalik xususida soʻrasak, bizga javob qilmaydilar-da, odamlar ul zot vafot qilganlaridan soʻng, bizga xalifalikni berishmagay, men bunday deb soʻramagayman!» — dedilar».

Anas ibn Molik rivoyat kiladilar: «Dushashba kuni musulmonlar bomdod namozini oʻqishayotgan, Abu Bakr Siddiq ersalar ularga imomlik qilayotgan erdilar, nogahon Janob Rasululloh Oisha raziyallohu anhoning hujrasi eshigi pardasini ochib ularga qaradilar-da, tabassum qildilar. Buni koʻrib Abu Bakr birinchi saf orasiga kirmoqchi boʻlib, ortlariga tisarildilar, chunki Janob Rasululloh chiqib imomlik qiladilar, deb oʻylagan erdilar. Namozxonlar ham Janob Rasulullohning eshik oldiga chiqqanlarini koʻrib, xursand boʻlganlaridan namozlarini buzib qoʻyay deyishdi. Ul zot «Namozingizni oʻqib tugatingizlar!» degan ma'noda qoʻllari birlan ishora qildilar-da, hujraga qaytib kirib, pardani yopib qoʻydilar».

Oisha onamizning mavlolari Zakvon rivoyat qiladilar: «Oisha raziyallohu anho bunday der erdilar: «Olloh taoloning menga ato etgan ne'matlaridan biri — Janob Rasulullohning mening uyimda, mening huzurnmda bo'ladirgan kunlarida va mening bag'rimda vafot etg-anlaridur! Olloh taolo Janob Rasululloh vafot etayotgan chog'larida mening tupugimni (so'lagimni) ul zotning tupuklariga qo'shdi. Bu bunday bo'lgan erdi. (ukam) Abdurrahmon qo'lida misvok ushlagan holda kirib keldi, men ersam Janob Rasulullohning boshlarini bag'rimga bosib o'ltitrgan erdim. Men Janob Rasulullohning ukamning qo'lidagi misvokka qarayotganlarini ko'rib, ul zotning misvok birla tish tozalamogni xushlashlarini esladim-da: «Hozir, men uni sizga olib bergayman». dedim. Ul zot «mayli» deb bosh irg'ab qo'ydilar. Men misvokni ukamdan oldim. Shu asnoda dardlari zo'raydi. Men ul zotga «Misvokkshng uchini yumshatib beraymi?»—deb erdim, «mayli» deb bosh irgʻab qoʻydilar. Men misvokning uchini tishlarim birlanan yumshatib berdim, Oldilarida Hazrat Umar suv solib qo'ygan bir idish turgan erdi, qo'llarini unga tiqib, yuzlarini suv birlan arta boshladilar, so'ng «Lo iloha illallohu, oʻlimning talvasalari mavjud» deya qoʻllarini koʻtarib: «Fir-Rafiq-il-a'lo!» — dedilar-da, jon taslim qildilar, qo'llari pastqa shilq etib tushdi».

Oisha raziyallohu anho bunday deydilar: «Rasululloh sallallohu alayhi va sallam xastalanib, oʻlim toʻshagida yotganlarida: «Ertaga men qaerda boʻlishim lozim, ertaga men qaerda boʻlishim lozim?» — deb soʻrayverdilar» («Ertaga Oishaning huzurida boʻladirgan kunimmi?» deb aytmoqchilar. Shunda barcha xotinlari: «Koʻnglingiz tusagan

xoti-ningizning uyida yotmogʻingiz mumkin» deb ul zotga rozilik berishdi. Soʻng, Janob Rasululloh soʻnggi kunlarigacha Oishaning uyida boʻldilar). «Ul zot,— deb davom etadilar. Oisha onamiz,— aynan mening uyimda boʻladirgan kunlari mening uyimda vafot etdilar, Olloh taolo boshlari bagʻrimda, tupuklari (soʻlaklari) tupugimga qorishiq erkanligida oʻz omonatini oldi. Bu bunday boʻlgan erdi: (ukam) Abdurrahmon ibn Abu Bakr ichkariga kirib keldi, qoʻlida misvok bor erdi. Shunda Janob Rasululloh uning qoʻlidagi misvokka qaradilar. Men: «Ey Abdurrahmon, misvokni menga ber!»— dedim, u berdi. Men misvokning uchini sindirib, tishim birlan yumshatdim-da, uni Janob Rasulullohga uzatdim. Ul zot boshlarini bagʻrimga qoʻyganlaricha misvok birlan tishlarini tozaladilar» («Tupuklari tupugimga qorishiq», ya'ni Oisha onamiz misvokning uchini ogʻizlariga solib, yumshatib berganlar, Janob Rasululloh ersalar oʻsha misvok birlan tish tozalaganlar. Shunda Oisha onamizning misvokka tekkan tupuklari ul zotning tupuklari birlan qorishqandur).

Oisha raziyallohu anho rivoyat qiladilar: «Nabiy sallallohu alayhi va sallam mening uyimda, mening uyimda boʻladirgan kunlarida va mening quchogʻimda vafot etdilar. Ul zot xastalanib qolsalar, xotinlaridan birimiz tepalarida mu'avvizotni oʻqib, Olloh taolodan sihat tilab turar erdik. Bu gal ham xuddi shunday boʻldi. Men mu'avvizotni oʻqiy boshlagan erdim, ul zot boshlarini tepaga koʻtarib, «Fir-Rafiq-il-aʻlo, fir-Rafiq-il-aʻlo!»—dedilar. Shu asnoda (ukam) Abdurrahmon ibn Abu Bakr qoʻlida misvok ushlagan holda ichkariga kirib keldi. Janob Rasululloh misvokka qaradilar, men «Misvok birlan tish tozalamoqchi boʻlyaptilar» deb uni ukamdan oldim, soʻng uchini sindirib, tishlarim birlan yumshatdim-da, ul zotga uzatdim. Janob Rasululloh u birlan oʻta xafsala qilib tish tozaladilar, soʻng men uni qoʻllaridan oldim. Olloh taolo bu dunyodagi soʻnggi va oxiratdagi birinchi kunlarida mening tupugimni UL zotning tupuklariga qorishtirdi».

Abu Salama bunday deydilar: «Abu Bakr raziyallohu anhu Sunhdagi hovlilaridan ot minib keldilar-da, undan tushib masjidga kirdilar, soʻng odamlarga gapirmay toʻgʻri Oishaning hujrasiga kirib, Janob Rasululloh sallallohu alayhi va sallamning tepalariga bordilar. Janob Rasululloh ustlariga yamaniy mato tashlab qoʻyilgan holda yotar erdilar. Abu Bakr raziyallohu anhu matoni koʻtarib ul zotning yuzlarini ochdilar, soʻng egilib yuzlaridan oʻpdilar-da, yigʻlab turib: «Ota-onam sizga fido boʻlsinlar, Olloh taolo haqi, parvardigor sizga ikki oʻlim bermaydi, ammo peshonangizga yozilgan bir oʻlimni koʻrdingiz»,— dedilar».

Abdulloh ibn Abbos bunday deydilar: «Abu Bakr Janob Rasulullohning huzurlaridan chiqqanlarida Umar ibn al-Xattob odamlarga soʻzlab turgan erdilar. Abu Bakr Hazrat Umarga: «Ultiringiz!» — dedilar. Hazrat Umar oʻltirmadilar. Odamlar Hazrat Umarni tark etib, Abu Bakrning oldilariga kelishdi. Abu Bakr ularga: «Ammo ba'd, sizlardan qaysi biringiz Muhammad sallallohu alayhi va sallamga ibodat qilgan boʻlsa, ul kishi vafot etdilar va kimki Olloh taologa ibodat qilgan boʻlsa, Olloh taolo hamisha tirik boʻlib, hech qachon oʻlmagaydur! Olloh taolo: «Muhammad hammangizga oʻxshagan insondur, sizlardan farqi shuldurkim, ul Ollohning bandalariga yuborgan elchisidur»,— degan»,— dedilar (surai «Oli Imron» ning «ash-Shokirin» degan joyigacha oʻqidilar). Ollohga qasamyod qilib ayturmankim, odamlar Olloh taoloning ushbu oyati karimani nozil qilganidan bexabar kishilardek, Abu Bakr Siddiq tilovat qilganlarida oʻrganib olishdi. Men Abu Bakrdan boshqa biror kishining bu oyatni tilovat qilganlini eshitmagandim. Sa'id ibn al-Musayyab Hazrat Umarning «Xudo haqi, bu oyatni Abu Bakr tilovat qilganlaridagina

eshitdim. Janob Rasululloh vafot etdilar, deb aytganlarini eshitganimda oyoqlarim bo'shashib ketib, yerga qulab tushdim»,— deganlarini menga aytib berdi».

Oisha raziyallohu anho va Ibn Abbos raziyallozhu anhu: «Abu Bakr raziyallohu anhu Janob Rasululloh sallallohu alayhi va sallam oʻlganlarida yuzlaridan oʻpdilar»,— deyishadi.

Oisha raziyallohu anho bunday deydilar: «Janob Rasululloh sallallohu alayhi va sallam kasal boʻlganlarida ogʻizlarining bir chetidan dori tomizdik. Ul zot bizga «Dori tomizmangizlar!» deb ishora qildilar. Biz: «Odatda, kasal dorini xushlamaydi»,— dedik Xushlariga kelganlarida: «Menga dori tomizmangizlar, deb ishora qilmabmidim?!» — dedilar. Biz: «Odatda, kasal dorini yoqtirmaydi, deb oʻyladik»,— dedik, Ul zot: «Bu uyda menga dori tomizganlarning barisining boshiga shu kun tushgaydir, lekin koʻrib turibmanki, Ibn Abbos bunday qilmagan!» — dedilar».

Asvad raziyallohu anhu rivoyat qiladilar: «Oisha raziyallohu anhoning huzurlarida Janob Rasulullohning Hazrat Aliga vasiyat qilganlari haqida gapirishdi. Shunda Oisha raziyallohu anho: «Kim shunday deb aytdi? Janob Rasululloh mening quchogʻimda erdilar, tos olib kelmoqla-rini amr qildilar, soʻng birdan behol boʻlib jon taslim qildilar, men sezmay qoldim. Qanday qilib Aliga vasiyat qilgan boʻlishlari mumkin !» — dedilar».

Talha raziyallohu anhu bunday deydilar: «Men Abdulloh ibn Abu Avfodan: «Janob Rasululloh sallallohu alayhi va sallam vasiyat qildilarmi?»—deb soʻradim. U: «Yoʻq»,— dedi. «Unday ersa, odamlar qanday vasiyatga amal qiladilar yoki qanday vasiyatga koʻra ish tutadilar?»—dedim. U: «Olloh taoloning Kitobiga muvofiq!»—dedi».

Amr ibn al-Hars bunday deydilar: «Janob Rasululloh sallallohu alayhi va sallam oʻzlari minib yuradirgan «Al-Bayzo» ismli tuyalari, qurollari hamda musofirlarga sadaqa etgan yerlaridan boʻlak na biror dinor, na biror dirham, na biror qul va na biror choʻri (joriya) qoldirmadilar».

Anas ibn Molik bunday deydilar: «Rasululloh sallallohu alayhi va sallam ogʻirlashib qolganlarida hushlaridan keta boshladilar. Shunda Fotima alayhossalom otalariga achinib yigʻladilar. Janob Rasululloh Fotimaga: «Bir kun oʻtgach, otangga aza tutishni bas qilgil!» —dedilar. Fotima alayhossalom ul zot vafot etganlarida: «Olloh taolo chaqirganda labbay, deb javob bergan voy otajonim. joyingiz jannatda boʻlgur, voy otajonim, Hazrat Jabroilga oʻlganingizni ma'lum qilamiz, voy otajonim!» deb yigʻladilar. Fotima alayhossalom Janob Rasululloh dafn qilinganlarida: «Oy Anas, Janob Rasulullohning ustlariga tufroq tashlab koʻngillaringiz orom oldimi?!» — dedilar».

72-bob. Rasululloh sallallohu alayhi va sallamning oxirgi aytgan gaplari haqida

Oisha raziyallohu anho bunday deydilar. «Janob Rasululloh sogʻ yurgan vaqtlarida: «Biror paygʻambar, jannatdagi joyi koʻrsatilmay turib, jon taslim qilmaydi, jannatdagi joyini koʻrgachgina ikki dunyodan birini ixtiyor Qiladi»,— dedilar. Dardlari ogʻirlashgach, hushlaridan Ketdilar, shunda boshlari tizzamga qoʻyigʻlik erdi. Keyin, oʻzlariga kelib, uyning shiftiga termulganlaricha: «Yo Buyuk doʻst boʻlmish Olloh!» — dedilar. Men buni eshitib: «Demak, bizni xushlamayaptilar»,— deb xayolimdan oʻtkazdim. Bildimki, ul zotning sogʻlik vaqtlarida aytgan gaplari shu erkan (ya'ni, jannatdagi joylari koʻrsatilib, u

dunyoni ixtiyor qilibdilar). Janob Rasulullohning eng soʻnggi aytgan soʻzlari «Yo Buyuk doʻst boʻlmish Olloh!» boʻldi».

73-bob. Nabiy sallallohu alayhi va sallamning vafotlari haqida

Oisha va Ibi Abbos raziyallohu anhum bunday deyishadi: «Nabiy sallallohu alayhi va sallam oʻzlariga Qur'on nozil boʻlgan (20) yil davomida, ya'ni oʻn yil Makkada va oʻn yil Madinada yashadilar».

Oisha raziyallohu anho: «Rasululloh sallallohu alayhi va sallam oltmish uch yoshda vafot etdilar»,— deydilar

74-bob.

Oisha raziyallohu anho: «Rasululloh sallallohu alayhi va sallam vafot etganlarida qalqonlari oʻttiz soʻ arpa uchun yahudiyga garovga qoʻyilgan erdi»,— deydilar.

75-bob. Nabiy sallallohu alayhi va sallamning xastalanib o'lim to'shagida yotganlarida Usoma ibn Zayd raziyallohu anhuni bir yerga jo'natganlari haqida

Solim otalaridan naql qiladilar: «Nabiy sallallohu alayhi va sallam Usomani (bir guruh) kishilarga bosh qilib bir yerga joʻnatdilar. Shunda ba'zilar bunga e'tiroz bildirishdi. Ul zot: «Men voqif boʻldimki, sizlar Usomaning boshliq qilinganiga e'tiroz bildiribsizlar, lekin shuni bilib qoʻyingizlarki, u mening uchun eng mahbub kishidur!» — dedilar».

Abdulloh ibn Umar raziyallohu anhu rivoyat qiladilar: «Rasululloh sallallohu alayhi va sallam bir guruh odamlarni (bir yerga) joʻnata turib, ularga Usoma ibn Zaydni boshliq qilib tayinladilar. Ba'zilar uning boshliq qilinganiga e'tiroz bildirishdi. Shunda Janob Rasululloh oʻrinlaridan turib: «Gar uning boshliq qilinganiga e'tiroz bildirursizlar, demak uning otasi boshliq boʻlganda ham norozi boʻlgansizlar. Olloh taologa kasamyod qilurmanki, u boshliq boʻlmoqqa munosib va menga eng mahbub kishi erkan, bundan keyin ham shunday boʻlib qolgay!» — dedilar».

76-bob.

Abulxayr rivoyat qiladilar: «Sanobjiy mendan: «Qachon hijrat qilding?» — deb soʻradi. Men: «Yamandan hijrat qilib, Juhfaga yetib kelganimizda oldimizdan chopar chiqib qoldi. Men unga: «Qanday xabar olib kelayotirsan?» — dedim. U: «Janob Rasulullohni dafn qildik, besh kun boʻldi»,— dedi. Men: «Laylat ul-Qadr xususida biror narsa eshitganmisan?» — dedim. U: «Ha, menga Janob Rasulullohning muazzinlari Hazrat Bilol aytib erdilar, Laylat ul-Qadr ramazon oyining oxirgi oʻn kunligining yettinchi kunida» — dedi».

77-bob. Nabiy sallallohu alayhi va sallam necha marotaba g'azot qilganlar?

Abu Ishoq rivoyat qiladilar: «Men Zayd ibn Arqamdan: «Janob Rasululloh birlan birga necha marta gazot qilgansan?» — deb soʻradim. U: «Un yetti marta»,— dedi. Men: «Nabiy sallallohu alayhi va sallam necha bor gazot qilganlar?»—dedim. U: «Un toʻqqiz marta»,— dedi».

Barro raziyallohu anhu: «Men Rasululloh sallallohu alayhi va sallam birlan oʻn besh marta gazot qilganman»,— deydilar.

Ibn Burayda otalari haqida: «Otam Janob Rasululloh birlan birga oʻn olti marta gazot qilganlar»,— deydilar.

QUR'ON TAFSIRI KITOBI

«Ar-Rahmon ur-rahiym» ikki soʻzdan iborat boʻlib, «Ar-Rahma» («rahmdillik, mehribonlik») soʻzidandur. «Ar-Rahiym» va «Ar-Rohim» («Rahmdil», «Mehribon») soʻzlari ersa «Al-Aliym» va «Al-Olim» («Biluvchi», «Bilimdon») soʻzlari kabi bir ma'noga egadur.

1-bob. Kitob (Qur'on)ning «Fotiha» surasi haqidagi hadislar

«Fotiha» surasi «Umm ul-Kitob» («Kitobdagi suralarning onasi») deb ataladi, chunki barcha Qur'on kitoblari avval shul suradan boshlab yoziladi hamda namoz ham aynan ana shul surani qiroat qilish birlan boshlanadi. Diyn (Din) boʻlsa, yaxshilik uchun mukofot va yomonlik uchun jazo boʻlib, «tadiynu va tudonu» (fe'l-atvoring va qilgan amalingga yarasha mukofotlanasan va jazolanasan) kabidur.

Mujohid: «Fotiha surasidagi «Ad-Din» soʻzi «Al-Hisob» soʻziga muvofiq keladi, «Madinuuna» soʻzi «Muhosibuuna» soʻziga muvofiq kelgani kabi»,— deydilar.

Abu Sa'id ibn Mu'allo aytadilar: «Men namoz o'qiyotgan erdim, Payg'ambar alayhissalom chaqirib qoldilar. Men javob bermadim. Keyin, qoshlariga borib: «Ey Ollohning rasuli, men namozda erdim»,— dedim. Rasululloh sallallohu alayhi va sallam: «Axir, Olloh taolo: «Agar sizlarni Olloh va payg'ambar chaqirsa, ularga javob beringizlar!» — demaganmi?!» — dedilar. Keyin, yana: «Siz masjiddan chiqib ketmasingizdan avval, men sizga Qur'onning eng ulug' surasini o'rgatayinmi?»— dedilar-da, qo'limdan ushladilar. So'ng, masjiddan chiqmoqchi bo'lganimizda: «Ey Ollohning rasuli, siz menga: «Qur'onning eng ulug' surasini o'rgatayinmi?» — degan erdingiz»,— deb eslatdim. Rasululloh sallallohu alayhi va sallam: «Yetti oyatdan iborat «Alhamdu lillohi rabbilolamiyn» bo'lib, menga berilgan ulug' Qur'on (sura) shudir!» — dedilar».

2-bob. «... g'ayril-mag'zuubi alayhim va lo-z-zolliy-na» («... g'azabingga duchor bo'lmagan va yo'ldan ozmagan kishilarga»)

Abu Hurayra raziyallohu anhu bunday deydilar: «Rasululloh sallallohu alayhi va sallam: «Agar imom «... gʻayril-magzuubi alayhim va lo-z-zolliyna» desa, «Omin!» deb aytingizlar, kimning «Omin!» deb aytgani maloikalarning «Omin!» deb aytganiga muvofiq kelib qolsa, uning ilgarigi gunohlari magʻfirat qilingay!» — dedilar».

«BAQARA» SURASI

Olloh taolo Odamga barcha ismlarni o'rgatgandur!

Anas raziyallohu anhu rivoyat qiladilar: «Janob Rasululloh bunday dedilar: «Moʻminlar Qiyomat kuni toʻplanishib «Agar rabbimizdan shafoat tilasak, (u bizni bu turgan yerimizdan oʻzga yaxshiroq joyga koʻchirmasmikan?)» deya Odam alayhissalomning qoshlariga borishgay-da, ul kishiga: «Siz odamlarning otasisiz, Olloh taolo sizni oʻz qoʻli birlan yaratgan, sizga maloikalarini sajda qildirgan va sizga har bir narsaning ismini oʻrgatgandur, rabbingizdan bizga shafoat soʻrangiz, toki u bizni bu turgan yerimizdan oʻzga yaxshiroq joyga koʻchirsin!» — deyishgay. Odam alayhissalom: «Mening sizlarga foydam tegmagay» deb qilgan gunohlarini eslagaylar-da, uyalib ketgaylar. Soʻng,

ularga: «Nuh alayhissalomning qoshlariga boringizlar, ul kishi Olloh taolo Yer ahliga yuborgan payg'ambarlarning eng birinchisidurlar!» — degaylar. Ular Nuh alayhissalomning goshlariga borishgach, ul kishi ham «Mening sizlarga foydam tegmagay» deya agllari yetmagan narsa xususida parvardigorlariga savol berganlarini eslab, uyalib ketgaylar-da: «Ar-Rahmonning do'stining goshiga boringizlar!» degaylar. Ular Ibrohim alayhissalomning goshlariga borishgay. Ul kishi ham: «Mening sizlarga foydam tegmagay, Olloh taolo so'zlashgan va Tavrot ato etgan banda bo'lmish Musoning goshlariga boringizlar!» — degaylar. Ular Muso alayhissalomning goshlariga borishqay. Ul kishi ham «Mening sizlarga foydam tegmagay» deya gilgan gunohlarini eslagaylar-da, parvardigorlaridan uyalib ketgaylar. Soʻng, ularga: «Olloh taoloning bandasi va payg'ambari, Olloh taoloning kalimasi va ruhi bo'lmish Isoning goshlariga boringizlar!» —degaylar. Iso alayhissalom ham: «Mening sizlarga foydam tegmagay, yaxshisi Olloh taolo sobiq va kelgusi gunohlarini mag`firat qilgan banda Muhammad sallallohu alayhi va sallamning qoshlariga boringizlar!»— degaylar. Ular mening huzurimga kelishgay, so'ng men rabbimning huzuriga borib izn so'ragayman, menga ijozat berilgay, parvardigorimni ko'rishim birlanoq sajda qilib turgayman, ul meni o'zi istagancha vagt sajdada goldirgay, so'ng menga: «Boshingni ko'targil, so'ragil, so'raganingni ato etgay, so'zlagil, so'zingni eshitgay, shafoat tilagil, shafoat etgay!» deyilgay. Men boshimni sajdadan ko'tarib, o'zi bizga o'rgatgan hamdu sanolar birlan uni madh qilqayman, keyin undan shafoat tilagayman, u menga muayyan kishilarni jannatga olib kirmog'imga ijozat bergay, men ularni jannatga olib kirgayman, so'ng uning qoshiga qaytib borib, uni koʻrishim birlanoq avvalgidek sajda qilib turgayman, keyin undan shafoat tilagayman, U menga bu gal ham muayyan odamlarni jannatga olib kirmog'imga ruxsat bergay, men ularni jannatga olib kirgayman, so'ng uning huzuriga uchinchi va to'rtinchi bor qaytib borib: «Do'zaxda Qur'on bandi etib, unda abadiy golmog'i lozim bo'lganlargina goldi!»—degayman».

Abu Abdulloh: «Qur'on bandi etganlargina», ya'ni Olloh taoloning «Unda abadiy qoladilar» degan hukmiga binoan do'zaxda qolgan odamlargina»,—deydilar.

3-bob.

Mujohid raziyallohu anhu bunday deydilar: «(Surai «Baqara» dagi) «ila shayotiynihim» iborasi «munofiq va mushrik boʻlmish oʻz sheriklari birlan» degani, «Muhiytun bil-kofiriyna» jumlasi «Olloh taolo kofirlarni Muhammad sallallohu alayhi va sallam ummatu dini birlan qurshab olgandur» degan mazmunda, «alal-xoshi'iyna»— «moʻminlarga», «bi-quvvatin» ersa «bor kuchi birlan» demakdur».

Abuloliya bunday deydilar: «(Surai «Baqara»dagi) «marazun» soʻzi «shak» demakdur, undan keyingi («fa-zodahumullohu marazan» — «Olloh taolo ularning shaklarini yanada ziyoda qildi» degan) jumla ersa qolganlarga bir ibratdur. «Lo shiyata» degani «dogʻsiz, aybsiz» deganidur»

Mujohiddan bo'lak bir tafsirchi bunday deydilar: «Yasuumuunakum» degani «Sizlarga xo'jayinlik qilur erdilar» degan ma'nodadur».

Ba'zi mufassirlar: «Yeyiladigan donlar (Al-Hubu-ub)ning barchasi bug'doydur»,— deydilar.

Qatoda: «Fa-bouu» degani «qaytdilar» degani»,—deydilar.

Boshqa bir mufassir: «Yastaftihuuna» degani «madad soʻraydilar» degani, «sharuu» degani «oʻylamay-netmay sotdilar» degani»,—deydilar.

Olloh taolo: «Bila turib Ollohga shirk keltirmangizlar!»— deydi.

Abdulloh raziyallohu anhu rivoyat kiladilar; «Men Rasululloh sallallohu alayhi va sallamdan «Qanday gunoh Olloh taolo dargohida eng ogʻir gunoh?» deb soʻradim. Ul zot: «Uzingni yaratgan Olloh taologa shirk keltirmogʻingdur»,— dedilar. Men: «Darhaqiqat, bu gunohi azimdur!» — dedim-da, «Undan soʻng qaysi?» deb soʻradim. Ul zot: «Ovqatimga sherik boʻlmasin, deb oʻz bolangni oʻldirmogʻingdur»,— dedilar. Men: «Darhaqiqat, bu gunohi azimdur!»—dedim-da, «Undan keyinchi?»— dedim. Ul zot bunday dedilar: «Qoʻshningning jufti haloli birlan zino qilishmogʻingdur. Olloh taolo bul xususda: «Biz sizlarga bulutni soyabon qilib berdik va biz oʻzlaringizga rizq qilib bergan ne'matlarning pokizasidan yengizlar, deb mann va salvoni (osmondan) sizlarga tushirdik va ular bizga zulm qilmadilar va lekin oʻzlariga zulm qilur erdilar»,— degan».

Mujohid: «Mann — koʻrinishi limonga oʻxshash shirin meva, salvo — qush»,— deydilar.

Sa'id ibn Zayd bunday deydilar: «Rasululloh sallallohu alayhi va sallam «Mann zamburug'i va uning suvi ko'zga davodur» deb aytdilar».

4-bob.

Olloh taoloning qavli: «Biz sizlarga: «Mana bu shaharga (qishloqqa) kiringizlar!» — dedikmi, bas, ul yerda xohlagan joyingizda istaganingizcha yengizlar va sajda qilgan holda eshikka (darvozaga) kiringizlar-da, «Mag`firat qil!» deb aytingizlar, biz xatolaringizni mag`firat qilurmiz va yaxshilarga ziyoda karam qilurmiz!»

Abu Hurayra raziyallohu anhu rivoyat qiladilar: «Janob Rasululloh bunday dedilar: «Sajda qilgan holda darvozaga kiringizlar-da, «Magʻfirat qil!» deb aytingizlar!» deb Banu Isroilga aytildi, shunda ular ketlarini yerda sudrab kirib borishdi-da, magʻfirat tilash oʻrniga, ya'ni «hitta» deyish oʻrniga «hinta» (bugʻdoy) deb aytishdi».

Olloh taoloning qavli: «Jabroilga dushman boʻlganlarga «Ushal zot (ya'ni, Jabroil) Olloh, taoloning hukmi birlan Qur'onni sizlarning qalbingizga tushirgan boʻlib, Qur'on oʻzidan avvalgi kitoblarni tasdiq etur va u moʻminlarga hidoyat hamda bashoratdur!» deb aytgil!»

Ikrima: «Jabr, Mik va Asrof (Jabroiyl, Mikoiyl va Asrofiyl) — Iyl (ya'ni, Olloh) ning qullari»,— deydilar.

Anas ibn Molik rivoyat qiladilar: «Abdulloh ibn Salom kuzgi shudgor qilayotib, Janob Rasulullohning kelayotganlarining daragini eshitdi. Janob Rasululloh kelib, unga: «Men sendan paygʻambarlargina biladirgan uch narsa haqida soʻrayman Qiyomatning dastlabki alomatlari qanday? Jannat ahli yeydirgan dastlabki taom qaysi? Nima sababdan farzand otasi yoki onasiga tortadi (oʻxshab qoladi)?»—dedilar. Abdulloh ibn Salom: «Ha, bilaman, farishtalardan boʻlmiga va yahudiylarga dushman oʻshal zot (ya'ni, Hazrat

Jabroil).» deya «Jabroilga dushman boʻlganlarga «O'shal zot (ya'ni, Jabroil) Olloh taoloning hukmi birlan Qur'onni sizlarning galbingizga tushirgan bo'lib, Qur'on o'zidan avvalgi kitoblarni tasdig etur va u mo'minlarga hidoyat hamda bashoratdur!» deb aytgil!» degan oyati karimani tilovat qildi. Soʻng, u: «Qiyomatning dastlabki alomati shulki, alanga ko'tarilib, Mashriqdan Mag'ribgacha bo'lgan odamlarni to'plagay, jannat ahlining dastlabki taomi ersa, nahangning jigar o'simtasidir, farzandning otasi yoki onasiga tortib qolishining boisi — agar erkakning suvi ayolning suvidan ildamlik qilsa, onasiga tortadi»,— dedi. Keyin, u: «Ollohdan boʻlak tangri yugligiga, sizning Olloh taoloning rasuli erkanligingizga shahodat keltiraman! Yo Rasulalloh, yahudiylar betayin qavm bo'lib, agar ular mening islomga kirganimni siz ulardan mening haqimda soʻramasingizdan ilgari sizdan bilib olishsa, meni badnom qilgaylar»,— dedi. Shul asnoda yahudiylar kelib qolishdi. Nabiy sallallohu alayhi va sallam ulardan «Abdulloh (ibn Salom) oralaringizda qanday mavqega ega?» — deb so'radilar. Ular: «U bizning eng yaxshi odamimiz va eng yaxshi odamimizning farzandidur hamda u bizning ulug'imiz va ulug'imizning farzandidur!»—deyishdi. Janob Rasululloh: «Abdulloh ibn Salomning islomni qabul qilganini bildingizlarmi» — dedilar. Ular: «Olloh taolo uni bundan oʻz panohida asrasin!» — deyishdi. Shunda Abdulloh ibn Salom chiqib kelib: «Ashhadu anlo iloha illallohu va anna Muhammadan rasulullohi!»—dedi. Ular «U bizning eng yomon odamimiz va eng yomon odamimizning farzandidur!» — deb uni badnom qilishdi. Abdulloh ibn Salom: «Yo Rasulalloh, men mana shundan cho'chigan erdim!» —dedi».

5-bob. Olloh taoloning «Biz qaysi oyatni bekor qilurmiz yo unutdirurmiz...» degan qavli xususida

Ibn Abbos rivoyat qiladilar: «Hazrat Umar raziyallohu anhu bunday deydilar «Ubay bizga («Baqara» surasini) qiroat qilmoqni oʻrgatdi. Shunda Hazrat Ali bizning xayu oʻqiganimizni aytdilar. Ubay «Men bu surani Janob Rasulullohning oʻzlaridan tula oʻrganib olganman, uni chala yod olgan ermasman, Olloh taolo «Biz qaysi oyatni mansux (bekor) qilurmiz yo unutdirurmiz» degan»,— dedi»

6-bob. Olloh taoloning «Va ular: «Olloh taoloning farzandi bordur»,— derlar» degan qavli xususida

Ibn Abbos raziyallohu anhu rivoyat qiladilar: «Janob Rasululloh «Olloh taolo bunda: dedi»,— dedilar. «Odam bolasi menga tuhmat qildi, u bunday qilmasligi lozim erdi, (Odam bolasi) meni haqorag qildi, u bundai qilmasligi lozim erdi! Ammo, menga tuhmat qilgani xususiga kelsak, u meni ilgarigi holiga qaytarolmaydi, deb ta'kidlaydi Ammo, meni haqorat qilgani xususiga kelsak, «Olloh taoloning bolasi bor, u oʻziga juft va bola qila oladi»,— deydi».

7-bob. Olloh taoloning «Ibrohim Maqomini doimiy ibodatgoh qilib olingizlar!» degan qavli xususida

Anas ibn Molik rivoyat qiladilar: «Umar raziyallohu anhu bunday dedilar: «Olloh taolo mening uch iltijomni roʻbga chiqardi. 1) «Yo Rasulalloh, Ibrohim Maqomini ibodatgoh qilib olsangiz erdi!» deb aytganimda 2) «Yo Rasulalloh, huzuringizga yaxshi ham, yomon ham kirib turadi moʻminlarning ayollarini hijob (chochvon, parda) kiyishga amr qilsangiz erdi!» deb aytganimda Olloh taolo «Hijob oyatini nozil qildi 3) Keyin, men Janob Rasulullohning ba'zi ayollariga dashnom berganlarini eshitib qolib, ularning xuzuriga

kirdim-da «Olloh taolo birlan uning rasulini oʻzlaringizdan afzal, deb bilsangizlar erdi!» — dedim. Shunda ul zotning ayollaridan biri kelib, mesha «Ey Umar hatto Janob Rasulullohning ogʻizlaridan ayollariga nisbatan sen aytgan soʻzlar chiqmagan erdi!» — dedi. Shunda Olloh taolo: «Uning parvardigori, agar u sizlarni taloq qilsa, oʻrningizga sizlardan yaxshiroq muslima xotinlarni unga juft qilib qoʻyishga qodirdur!» degan oyati karimasini nozil qildi»

Olloh taoloning qavli: «Ibrohim va Ismoil Ka'ba devorlarini ko'tarayotganda «Ey bizning parvardigorimiz, qabul etgil bizlardan (bu xizmatni), darhaqiqat sengina eshitguvchi, bilguvchidursan!» deb aytur erdilar»

Oisha raziyallohu taolo anho bunday deb xabar beradilar «Rasululloh sallallohu alayhi va sallam: «Qavmingning Ka'bani (qayta) qurishayotib, Ibrohim alayhissalom qo'iib ketgan poydevorlarni pasaytirib qo'yishganini kurmaysanmi!» — dedilar. Men «Yo Rasulalloh, Ibrohim alayhissalomning poydevorlarini asliga keltirib qo'ymaysizmi?»—dedim. Ul zot: «Qavming kufrdan qaytib, endigina islomga kirmagan bo'lganida, shunday qilgan bo'lur erdim!» — dedilar».

Abdulloh ibn Umar rivoyat qiladilar «Oisha raziyallohu anho bu hadisni Janob Rasulullohdan eshitgan bulsalar-da, men «Janob Rasululloh Ka'ba devorlari Ibrohim alayhissalom qurganlaridek qilib qayta qurilmagani uchungina hijr (devor) yonidagi ikki ustunni silab tavof qilmaganlar»,— deyolmayman»

8-bob. Olloh taoloning «Ollohga va u bizga nimaiki nozil qilgan boʻlsa, oʻshanga iymon keltirdik!» deb aytingizlar!» degan qavli xususida

Abu Hurayra raziyallohu anhu rivoyat qiladilar: «Kitob axli Tavrotni ibroniycha qiroat qilib, uni islom ahliga arabcha tafsir qilishar erdi. Janob Rasululloh «Kitob ahliga ishonmangizlar ham, ularni yolgʻonchi demangizlar ham, ularga «Olloh taologa va u bizga nimaiki nozil qilgan boʻlsa, oʻshanga iymon keltirdik!» — deb aytingiz-lar!» — dedilar»

Olloh taoloning qavli: «Ahmoqlar: «Musulmonlarni doimo ibodat qilib kelgan qiblalaridan yuz oʻgirmoqlariga nima majbur qildi?» — deb aytgaylar. Shunda siz: «Magʻrib ham, Mashriq ham Olloh taoloning oʻz mulkidur, u istagan bandasini toʻgʻri yoʻlga hidoyat qilur!» — deb aytingiz!»

Barro raziyallohu anhu rivoyat qiladilar: «Rasululloh sallallohu alayhi sallam Baytulmuqaddasga qarab oʻn olti yoki oʻn yetti oy namoz oʻqidilar, ammo, aslida Baytullohning oʻzlariga qibla boʻlmogini xohlar erdilar. Bir kuni ul zot Baytullohga qarab namoz oʻqidilar, qavm ham birgalashib oʻqidi. Keyin, ul zot birlan birga namoz oʻqigan kishilardan biri namoz oʻqib turgan bir guruh odamlar oldiga borib «Olloh taoloni guvoh qilib ayturmanki, men hozirgina Janob Rasululloh birlan birga Makkaga qarab namoz oʻqidim»—dedi. Shunda boyagi namozxonlar Baytulloh tomonga qarab oʻgʻirilib olishdi. Qibla Baitulmuqaddasdan Baytulloh tomonga oʻzgartirilmasidan ilgari shahid boʻlganlar ham bor erdi, biz ular xususida nima demogʻimizni bilmas erdik. Olloh taolo «Va Olloh taolo sizlarning iymonlaringizni zoe ketkazuvchi ermas, Olloh taolo odamlarga koʻp mehribon, nihoyatda rahmlidur!», «Va shul tariqa biz sizlarni shunday bir adolatli ummat

qildikki, toki sizlar guvoh bo'lingizlar boshqa odamlarga va rasul ham sizlarga guvoh bo'lsinlar!» degan oyatlarni nozil qildi»

Abu Sa'id al-Xudriy rivoyat qiladilar: «Rasululloh sallallohu alayhi va sallam bunday dedilar: «Qiyomat kuni " Olloh taolo Nuh alayhissalomni da'vat qilganda ul kishi «Labbay, ey rabbim, xizmatingga hoziru nozirman!» deb javob bergaylar. Olloh taolo «Mening hukmlarimni oʻz ummatingga yetkazdingmi?» — deb soʻragay. Nuh alayhissalom «Ha»,— degaylar. Keyin, ul kishining ummatlariga «Mening hukmlarimni sizlarga yetkazganmidi?»—deyilgay. Ular «Bizning huzurimizga biror ogohlantiruvchi odam kelgan ermas!»—deyishgay. Olloh taolo Nuh alayhissalomga «Mening hukmlarimni ummatingga yetkazganingga kim guvohlik bera oladi?» —degay. Nuh alayhissalom «Muhammad sallallohu alayhi va sallam va ul zotning ummatlari guvohlik berishgay», degaylar. Shunda ular Nuh alayhissalomning Olloh taolo hukmlarini o'z ummatlariga yetkazganliklariga guvohlik berishgay va rasul ham sizlarga guvohlik bergay. Bu Olloh taoloning gavlidur. Olloh taolo «Va shul tariga biz sizlarni shunday bir adolatli ummat qildikki toki sizlar quvoh bo'lingizlar boshqa odamlarga va rasul ham sizlarga quvoh boʻlsinlar va biz siz ilgari yuzingizni garatib namoz oʻqib yurgan tomonni kimlar rasulga ergashajagini va kimlar orgasiga qaytajagini bilmoq uchungina qibla qilgan erdik va albatta bu muomala og'ir bo'lib, uni Olloh taolo hidoyat qilgan bandalargina ko'targaylar va Olloh taolo sizlarning iimonlaringizni zoe ketkazuvchi ermas, Olloh taolo odamlarga ko'p mehribon, nihoyatda rahmlidur!» — deydi»

Ibn Umar raziyallohu taolo anhu rivoyat qiladilar: «Odamlar Qubo masjidida bomdod oʻqib turishgan erdi, bir odam kelib « Olloh taolo Janob Rasulullohga Qur'on (vahiy) tushirib, Ka'bani qibla qilmoqni amr qildi»,— dedi. Namozxonlar darhol Olloh taoloning amriga buyin eqishib, yuzlarini Ka'baga oʻqirishdi».

9-bob Olloh taoloning «Yuzingizni osmonga qarata-yotganingizni koʻrib turibmiz, endi biz yuzingizni oʻzingizga margʻub bulgan qiblaga qarattirurmich, yuzingizni Masjid al-Harom tarafiga qaratingiz!» degan qavli xususida

Anas ibn Molik raziyallohu taolo anhu rivoyat kiladilar: «Ikki qiblaga qarab namoz oʻqiganlardan mendan boʻlak hech kim qolmadi. Olloh taolo «Va agar siz kitobiylarga barcha dalillarni keltirsangiz ham, ular sizning qiblangizni tan olmaslar va siz ham ularning qiblasini qabul qilmassiz va ular ham ba'zilari ba'zilarin qiblalarin qabul etmaslar va agar siz oʻzingizda vahiy ilmi hosil boʻla turib, ularning xohishlariga tobi' boʻlsangiz, ul holda siz albatta zolimlardan bulursiz!» — deydi».

Ibn Umar raziyallohu anhu rivoyat kiladilar: «Bir payt odamlar Qubo masjidida bomdod oʻqib turishgan erdi, bir kishi kelib «Rasululloh sallallohu alayhi va sallamga ushbu kecha Qur'on (vahiy) nozil boʻldi. Ul zot Ka'baga qarab namoz oʻqimoqni amr qildilar sizlar ham ka'baga qarab namoz oʻqingizlar!»—dedi. Shunda odamlar Shom tarafga qarab turishgan erdi, darhol yuzlarini Ka'baga oʻgirishdi. Olloh taolo «Biz Kitob bergan bandalar Rasulullohni oʻgʻillarini taniganlaridek tanirlar va ulardan bir guruhi xaqiqatni bilib tursalar ham yashirurlar, bu (narsa) parvardigoringizdan (tushirilgan) haqiqatdur, bas shak qilguvchilardan boʻlmangiz!»—deydi»

Ibn Umar raziyallohu anhu rivoyat kiladilar: «Bir payt odamlar Qubo masjidida bomdod oʻqib turishgan erdi, bir odam kelib: «Nabiy sallallohu alayhi va sallamga bu kecha

Qur'on (vahiy) nozil bo'ldi. Ul zot Ka'baga qarab namoz o'qimog'imizni amr qildilar, sizlar ham o'sha tomonga yuzlaringizni buringizlar!»—dedi. Shunda namozxonlar Shom tomonga qarab turishgan erdi, darhol Ka'baga o'girilishdi. Olloh taolo «Va har bir kimsa uchun yuzini qaratadirgan o'ziga xos tomon bordur, shunday erkan, sizlar xayriyat tomon yuz buringizlar, sizlar qaerda bo'lsangizlar ham, Olloh taolo barchangizning qoshingizga kelgay, Olloh taolo hamma ishqa qodirdur!» - deydi».

Barro raziyallohu anhu rivoyat qiladilar: «Biz Rasululloh sallallohu alayhi va sallam bi an birga Baytulmuqaddasga qarab oʻn olti yoki oʻn yetti oy namoz oʻqidik, soʻng ul zot qiblani Ka'ba tomonga oʻzgartirdilar. Olloh taolo: «Va siz qaerdan chiqib kelsangiz ham, yuzingizni Masjid rl al-Haromga qaratingiz va bu parvardigoringiz tarafidan tushirilgan haq hukmdur va Olloh taolo sizlarning amallaringizdan gʻofil ermasdur!» —deydi».

Ibn Umar raziyallohu anhu rivoyat kiladilar: «Bir payt odamlar Qubo masjidida bomdod oʻqib turishgan erdi, bir kishi kelib: «Bul kecha Olloh taolo Qur'on (vahiy) nozil qilib, Ka'baga qarab namoz oʻqimoqni amr qildi, sizlar ham oʻsha tomonga qarangizlar!» — dedi. Namozxonlar darhol yuzlarini Ka'baga burishdi, ular avval Shom tarafga qarab namoz oʻqishayotgan erdi. Olloh taolo: «Darhaqiqat, Safo va Marva Olloh taoloning nishonlaridandur, bas kimiki Baytullohga haj qilsa yoki umra qilsa, bu ikkisin (Safo va Marva) oraligʻida sa'y qilmoq unga gunoh ermas va kimiki oʻz ragʻbati ila yaxshilik qilsa, Olloh taolo albatta taqdirlovchi, biluvchidur!» —deydi».

Hishom ibn Urvaning otalari bunday degan erkanlar: «Men yosh bola boʻla turib, Nabiy sallallohu alayhi va sallamning zavjalari Oisha raziyallohu anhoga: «Olloh taoloning «Darhaqiqat, Safo va Marva Olloh taoloning nishonlaridandur (udumlaridandur), bas kimiki Baytullohga haj qilsa yoki umra qilsa, bu ikkisin oraligʻida sa'y qilmoq unga gunoh-«ermas» degan oyati haqida nima deysiz? Men Safo va Marvani tavof qilmagan odam gunohkor boʻlmaydi, deb hisoblayman»,— dedim. Oisha onamiz: «Aslo unday ermas, agar bu oyatning tafsiri sen aytganingcha boʻladirgan boʻlsa, unda Safo va Marvani tavof qilmasa ham, gunohkor boʻlmas erkan-da?! Ammo, bu oyat ansorlar xususida nozil boʻlgan boʻlib, ular (musulmon boʻlmoqlaridan avval) Manot degan butga tahlil aytishar erdi. Shu boisdan ular Safo va Marvani tavof qilmoqqa botinishmas erdi. Islom joriy boʻlib, musulmon boʻlganlaridan soʻng, Janob Rasulullohga shul haqda savol berishdi. Shunda Olloh taolo «Darhaqiqat, Safo va Marva Olloh taoloning nishonlaridandur, bas kimiki Baytullohga haj qilsa yoki umra qilsa, bu ikkisin oraligida sa'y qilmoq unga gunoh ermas» degan oyati karimani nozil qildi»,— dedilar»

Osim ibn Sulaymon rivoyat qiladilar: «Men Anas ibn Molikdan Safo va Marva haqida soʻradim. Shunda, u: «Biz bu ikkisini tavof qilmoqni johiliyat davridan qolgan udum, deb hisoblab yurar erdik. Islom joriy boʻlgach, ularni tavof qilmay qoʻydik. Shunda, Olloh taolo «Darhaqiqat, Safo va Marva Olloh taoloning nishonlaridandur, bas kimiki Baytullohga haj qilsa yoki umra qilsa, bu ikkisin oraligʻida sa'y qilmoq unga gunoh ermas» degan oyati karimasini nozil qildi»,— dedi».

10-bob. Olloh taoloning «Va ba'zi odamlar borki, ular Olloh taolodan bo'laklarni unga sherik qilurlar» degan qavli xususida

Abdulloh raziyallohu anhu rivoyat hiladilar: «Nabiy sallallohu alayhi va sallam bir soʻz aytdilar, men ham bir soʻz aytdim. Ul zot: «Olloh taolodan boʻlaklarni unga sherik qilgan

odam oʻlsa, jahannamga tushgay»,— dedilar. Men: «Olloh taolodan boʻlaklarni unga sherik qilmagan odam oʻlsa, jannatga tushgay»,— dedim. Olloh taolo: «Ey moʻmin-lar, oʻldirilgan ozod odam badaliga ozod odamni, qul badaliga qulni, xotin badaliga xotinni oʻldirmoq sizlarga farz qilindi. Bas, kimki oʻldirilgan odamning vorislari tarafidan afv qilinsa, ul buning uchun qoidaga muvofiq yaxshiliklar qilsin va bul sizlarga parvardigoringiz tarafidan ato etilgan yengillik va marhamatdurkim, kimki bundan buyon ham qotillik qilmoqda davom eqa, ul alamli azob-uqubatga duchor qilingaydur!»—d yeydi».

Ibn Abbos raziyallohu anhu rivoyat qiladilar: «Banu Isroilda oʻldirilgan odam uchun qasos olishar, xun haqi olishmas erdi. Olloh taoloning (yuqoridagi) oyati oʻshalar xususida nozil qilingandur».

Anas raziyallohu anhu rivoyat qiladilar: «Nabiy sallallohu alayhi va sallam. «Olloh taoloning Kitobi — qasosdur!» — dedilar».

Humayd raziyallohu anhu Anas raziyallohu anhu haqlarida bunday deydilar: «Uning choʻrisi bir joriyaning tishini urib sindirib qoʻydi. Odamlar uni afv qilmoqlarini iltimos qilishdi. Tishi sindirilgan joriyaning egalari bunga ham, xun haqi olmoqqa ham koʻnishmadi. Keyin, hammalari birgalashib Janob Rasulullohning huzurlariga borishdi, joriyaning egalari ul zotning qoshlarida ham «Faqat qasos» deb turib olishdi. Shunda, Janob Rasu-lulloh qasos olmoqni (ya'ni, tish uchun tish sindirmoqni) amr qildilar. Anas: «Yo Rasulalloh, uning tishi sindiriladimi? Sizni haqiqat ila yuborgan zot haqi, tishi sindirilmasin!» — dedi. Ul zot: «Yo Anas, Olloh taoloning Kitobi — qasosdur!» — dedilar, shundan soʻng joriyaning egalari qasos olmaslikka koʻnishib, choʻrini afv qilishdi. Janob Rasululloh: «Olloh taoloning bandalaridan kimki Olloh taoloning nomini aytib qasam ichsa, qasamiga vafo qilmogʻi lozim!»—dedilar.

11-bob. Olloh taoloning «Ey moʻminlar, roʻza tutmoq oʻzingizdan avvalgilarga farz qilingani yangligʻ, sizlarga ham farz qilindi, shoyad sizlar parhezgor boʻlsangizlar!» degan qavli xususida

Ibn Umar raziyallohu anhu rivoyat qiladilar: «Johiliyat ahli ashuro oyida roʻza tutur erdi, ramazon oyida roʻza tutmoq haqida oyat nozil boʻlgach, Janob Rasululloh: «Ashuro oyi roʻzasini xohlaganlar tuqin, xohlamaganlar tutmasin!» — dedilar».

Oisha raziyallohu taolo anho rivoyat qiladilar: «Ramazondan ilgari ashuro oyida roʻza tutilar erdi. Ramazonda roʻza tutmoq haqida oyat nozil boʻlgach, ashuro roʻzasini istagan tutdi, istamagan tutmadi».

Alqama raziyallohu anhu Abdulloh haqlarida bunday deydilar: «Abdulloh ovqatlanib oʻltirgan erdi, huzuriga Ash'as kirib kelib: «Axir, bugun ashuro oyi-ku?!» —dedi. Abdulloh: Ashuro oyida ramazon haqida oyat nozil boʻlmasidan burun roʻza tutilar erdi, ramazon roʻzasi haqida oyat nozil boʻlgach, bu oyda roʻza tutmoqlik tark etilgan, beri kel, ovqatlan!» — dedi».

Oisha raziyallohu taolo anho rivoyat qiladilar: «Biz Quraysh ahli johiliyat davrida ashuro oyida roʻza tutar erdik, Janob Rasululloh ham tutar erdilar. Madinaga kelganlarida ashuro roʻzasini tutdilar, boshqalarga ham tutmoqni amr qildilar. Olloh taolo ramazon

ro'zasi haqida oyat nozil qilib, uni farz qilgach, ashuro oyida ro'za tutilmaydirgan bo'ldi. Ashuro ro'zasini xohlaganlar tutib, xohlamaganlar tutmas erdi».

12-bob. Olloh taoloning «Bir necha sanoqli kunlar sizlardan kimki bemor boʻlsa yoki safarda boʻlsa, boshqa kunlar hisobiga (roʻzani) toʻldirgaysiz, (roʻza tutmoqka) qodir kishilar ersa, bir miskinni tuydirarlik taom fidya qilgaylar, kimiki oʻz ragʻbati ila yaxshilik qilsa, bu uning oʻzi uchun yaxshidur va agar bilsangizlar, roʻza tutmoqlaringiz oʻzlaringiz uchun yaxshidur» degan qavli xususida

Ato raziyallouu anhu. «Olloh. taolo aytganiga binoan, kishi kasal boʻlib, sillasi quriganda roʻzasini buzgay»,— dedilar.

Hasan va Ibrohm bola emizuvchi hamda homilador ayol xiqida soʻzlab: «Agar ular ikkisi oʻzlaridan yoki bolalaridan xavotirlansalar, roʻzalarini buzib, keyin qazosini tutaveradilar, ammo keksa odam roʻza tutmoqqa qudrati yetmasa.. Masalan: Anas keksayib qolgach, bir-ikki yil davomida har kuni bir miskinga non, goʻsht berib, Olloh aaoloning «(Roʻza tutmoqqa) qodir kishilar .» degan qavlini qiroat qilib, ruza tutmay yuraverdilar, bundaylar ersa koʻp erdi»

Ato raziyallohu anhu Ibn Abbosniig «(Roʻza tutmoqqa) qodir kishilar ersa, bir miskinni tuydirarlik taom fidya kilgaylar» degan iyatni qiroat qilganini eshitdilar. Ibn Abbos: «Vu oyat bekor qilingan ermas. agar keksa kishi yeki keksa ayol roʻza tutmoqqa kodir boʻlmasalar, har bir roʻza tutilmagan kun badaliga bir miskinni chuydirmogi lozim boʻladi, Olloh taolo «Sizlardan qaysi biringiz (ramazon) oyining shohidi boʻlsangiz, uning roʻzasini tutingiz!» deb aytgan»,— dedilar.

Nofi' bunday deydilar. «Ibn Umar raziyallohu anhu «...bir miskinni toʻydirarlik taom fidya qilqaylar...» deb qiroat qildilar-da, «Bu oyat mansux qilingan»,— dedilar».

Salama ibi al-Akva' rivoyat qiladilar: «(Roʻza tutmoqqa) qodir kishilar ersa, bir miskinni toʻydirarlik taom fidya qilgaylar» degan oyat nozil boʻlganda fidya berib roʻza tutmay yuradiganlar chiqib qoldi, shunda mazkur oyatdan keyingi oyat nozil boʻlib, avvalgisini mansux qildi».

Abu Abdulloh: «Bukayr Yaziddan ilgari vafot qildi»,— deydilar.

Olloh taoloning qavli: «Ro'za kechalarida xotinlaringizga yaqinlik qilmoqlaringiz sizlarga halol qilindi, ular sizlarga libosdurlar va sizlar ham ularga libosdursizlar (ya'ni, erkagu ayol tunda suhbat qurganda libos yanglig birbirlarining bo'yinlaridan quchoqlaydilar), Olloh taologa ma'lumdurki, sizlar o'zlaringizga xiyonat qilur erdingizlar, bas u tavbalaringizni qabul qildi va sizlarni afv etdi, endi sizlar ularga yaqinlik qilaveringizlar va Olloh taolo o'zlaringizga yozgan narsani (farzandlarni) so'rangizlar!».

Barro raziyallohu anhu rivoyat qiladilar: «Olloh taolo ramazon roʻzasi haqida oyat nozil qilgach, odamlar ramazon davomida eyollari birlan jimoʻ qilmasliklari lozim erdi, shundai boʻlsada ba'zilar oʻzlariga xiyonat qilishar erdi. Keyin, Olloh taolo «Olloh taologa

ma'lumdurki, sizlar o'zlaringiz o'zlaringizga xiyonat qilur erdingizlar, bas u tavbalaringizni qabul qildi va sizlarni afv etdi» degan qavlini nozil qildi».

13-bob Olloh taoloning «... va tongning oq ip qora ipdan aniq farqlanadirgan paytigacha yeb-ichingizlar, soʻng kechgacha roʻza tutingizlar va ularga (ayollarga) masjidlarda e'tikofda oʻltirganingizda yaqinlik qilmangizlar, bular Olloh taoloning ta'qiqlovchi chegaralari boʻlib, zinhor ularga yaqin bora koʻrmangizlar, Olloh taolo shu tariqa odamlarga oʻz koʻrsatmalarini bayon qilur, shoyad ular taqvo qilsalar deb» degan qavli haqida

Sha'biy raziyallohu anhu rivoyat qiladilar: «Adiy ba'zi kechalar bir chatim oq va bir chatim qora ipni olib, ularga nazar tashlab qo'yar, lekin sira ham ajrata olmas erdi. Bir kuni tong otgach, Janob Rasulullohga «Yo Rasulalloh, yostig'im ostiga oq va qora ip qo'yib qarayman, lekin sira ham ularni ajrata olmayman!» —dedi. Ul zot «Agar yostig'ing keng (katta) bo'lsa-yu, ostiga oq va qora ip qo'yib qarasang, farqlay olmagaysan (oq va qora ipdan maqsad, tong va kechqurundur)»,— dedilar»

Adiy ibn Hotim raziyallohu anhu rivoyat qiladilar: «Yo Rasulalloh, «oq ipu qora ip» nima degani, bu yerda haqiqatan ham oq va qora ip haqida gapirilayaptimi?» — dedim. Ul zot «Agar ip deb oʻylagan boʻlsang, kallavaram erkansan!»—dedilar, soʻng «Aslo unday ermas, ular tun qorongʻuligi-yu, kun yorugʻligidur»—deb aytdilar»

Sahl ibn Sa'd rivoyat qiladilar «Olloh taoloning «Oq ipni qora ipdan ajratadirgan boʻlguncha yeb-ichingizlar» degan qavli nozil boʻldi, lekin «tongdan boshlab (tongning oq ip qora ipdan farqlanadirgan paytigacha)» degan qavli hanuz nozil boʻlmagan erdi. Shunda, odamlar roʻza tutmoqchi boʻlsalar, oyoqlariga oq va qora ip bogʻlab olib, to ularni bir-biridan ajratadirgan boʻlgunlaricha yeb-ichaverdilar. Keyin, Olloh taolo «tongdan boshlab (tongning oq ip qora ipdan farqlanadirgan paytigacha)» degan qavlini nozil qildi. Bundan odamlar bildilarki oq ip va qora ipdan maqsad, subxdan kechqurungacha erkan. Olloh tolo Uylarga orqa tomondan (yoki tomdan oshib) kirmoqlaringiz yaxshi amal ermas, balki kishining Olloh taolodan taqvo qilingizlar, shoyad najot toisangizlar!» — deydi (kadimgi arablar ehromga kirgandan soʻng, yana uylariga kirmoqchi boʻlsalar, eshik qolib, tomdan oshib tushar yoki uyning orqa tomonidan kirar erdilar va buni yaxshi amal, deb e'tiqod qilar erdilar)»

Barro raziyallohu anhu rivoyat qiladiyaar: «Arablar johiliyat davrida ehrom bogʻlasalar, uylariga tomdan oshib tushar erdilar Keyin, Olloh taolo «Uylarga orqa tomondan (yoki tomdan oshib) kirmoqlaringiz yaxshi amal ermas, balki kishining Olloh taolodan taqvo qilgani yaxshi amaldur, uilaringizga eshik orqali kiringizlar», shuningdek «Va fasod qolmaguncha hamda Olloh taoloning dini qoim boʻlmaguncha ularga karshi urushingizlar, agar ular dushmanlik qilmoqdan qayqalar, zolimlarga nisbatangina adovat bordur!» degan qavlini nozil qildi»

Nofi' raziyallohu anhu rivoyat qiladilar- «Ikki kishi Ibn az-Zubayr fitnasi vaqtida Ibn Umarning huzuriga kelib «Odamlar kanday ishlar qilishdi siz boʻlsangiz, paygʻambarimizning doʻstlari boʻla turib indamay oʻltiribsiz, ularga qarshi kurashishingizga sizga nima mone'lik qiladi?» — deyishdi. Ibn Umar «Olloh taoloning oʻz birodarlarim qonini toʻkmoqni man qilgani mone'lik qiladi!» — dedi. Ular «Olloh taolo

«Va fasod qolmaguncha ularga qarshi urushingizlar!» deb aytmaganmi, axir?'» — deyishdi. Ibn Umar «Biz fitna qolmaguncha va Olloh taolo dini qoim bulguncha urushdik, nima, endi sizlar yana fitna sodir boʻlib, Olloh taoloning dini barbod bulguncha urush qilmoqchimisizlar?!» — dedi».

Nofi' raziyallohu anhu rivoyat qiladilar: «Bir kishi Ibn Umarning qoshiga kelib «Ey Abu Abdurrahmon, Olloh taolo yulida jihod qilmay bir yil haj va bir yil umra qilganingizning boisi nima? Bu haqda Olloh taolo nimani iroda qilqanini bilaman!» — dedi. Ibn Umar «Ey jiyanim, islom besh narsa asosida gurilgan. Olloh taolo birlan uning rasuliga iymon keltirmoq, besh vaqt namoz o'qimok, ramazon ro'zasini tutmoq, zakot bermoq va Baytullohga haj qilmoq», — dedi. Boyaqi kishi: «Ey Abu Abdurrahmon, Olloh taolo o'z Kitobida «Agar ikki guruh mo'minlar o'zaro urushsalar, oralarini kelishtirib go'yingizlar, basharti o'shal guruhlardan biri ikkinchisiga tajovuz qilsa, tajovuz qilgan guruhga qarshi Olloh taoloning amriga itoat qilgunlarigacha va fitna qolmaguncha urush qilingizlar!» deb aytganini eshitmaganmisiz?» — dedi. Ibn Umar: «Biz Janob Rasulullohning zamonlarida shunday qilgan erdik, o'sha vaqtlarda islom hali zaif bo'lib, odam o'z dini xususida fitna gilsa, yo uni o'ldirishar yohud unga azob berishar erdi. Endi bo'lsa, islom kuch-guvvatga toʻlgan boʻlib, fitna sodir boʻlmaydi»,— dedi. Boyagi odam: «Ali va Usmon haqida nima deysiz?» — dedi. Ibn Umar: «Usmon xususiga kelsak, Olloh taolo ul kishini afv qildi, ammo sizlar uni afv qilmoqdan bosh tortdingizlar. Ali to'q'risida qapiradirgan bo'lsam, u Janob Rasulullohning amakilarining o'g'li bo'lib, unga o'z qizlarini berganlar»,— dedi-da, qo'li birlan bir tomonga ishora qilib: «Mana bu ko'rib turganingiz o'shaning uyi bo'ladi!» deb aytdi».

14-bob. Olloh taoloning qavli: «Mollaringizni Olloh yoʻlida sarflangizlar, baxillik qilib oʻzlaringizni halokatga tashlamangizlar, yaxshilik qilingizlar, zero Olloh taolo yaxshilik qilguvchilarni sevgay»

Huzayfa: «Mollaringizni Olloh yoʻlida sarflangizlar, baxillik qilib oʻzlaringizni halokatga tashlamangizlar ..» degan oyati karima nafaqa toʻgʻrisida nozil boʻlgan»,— deydilar.

15-bob. Olloh taoloning «Bas, sizlardan birortangiz kasal bo'lsa yoki uning boshida ozor yetkazuvchi narsa bo'lsa...» degan qavli haqida

Abdulloh ibn Ma'qil raziyallohu anhu bunday deydilar: «Men Kufa masjidida Ka'b ibn Ujraning huzurida o'ltirib, ro'za fidyasi to'g'risida so'radim. Ka'b bunday dedilar: «Men Payg'ambar alayhissalomching huzurlariga bir xizmat birlan borgan erdim. Shunda boshimdagi bitlar yuzimga to'kilib turgan erdi. Buni ko'rib Janob Rasululloh: «Bitlar senga bunchalik azob berayotganini bilmagan erkanman, bir qo'y topa olasanmi?»—dedilar. Men: «Yo'q»,— dedim. «Unday bo'lsa, sochingni oldir-da, keyin uch kun ro'za tutgil yoki olti miskinni to'yg'azgil, har bir miskinga yarim so' taom bergil!»—dedilar. Quyidagi «Kimki umra birlan haj ham qilib savob topmoqchi bo'lsa, o'zi muyassar bo'lgan qurbonlikni so'ysin» degan oyat mening haqimda nozil bo'lgan bo'lsa ham, barchangizga taalluqlidur».

Imron ibn Xusayn rivoyat qiladilar: «Olloh taoloning Kitobidagi «Mut'a oyati» nozil qilindi. Biz Janob Rasululloh birlan shunga amal qilib yurdik. Keyin, mut'ani man' qilguvchi oyat nozil boʻlmadi, Rasululloh ham to vafotlarigacha buni man' etmadilar. Bir kishi, oʻzbo-shimchalik qilib, ogʻziga kelganini aytgan erdi (ya'ni, mut'a qilmoqni man'

etgan erdi). Muhammad (ibn Bashor): «Bu Hazrat Umar erdilar»,— deydilar. Olloh taolo: «Parvardigorl»ringizdan rizq soʻramogʻingiz sizlar uchun gunoh emasdur!»—deydi». (Mut'ani niyat qilgan odam Makkaga borganda umra qilib, sochini qisqartirib, keyin ehromdan chiqadi va Makka ahliga oʻxshab barcha narsalardan foydalanib yuraveradi, faqat ayoli birlan birga boʻlmaydi. Arafotdan bir kun avval yana gʻusl qilib, hajni niyat qilib ehrom kiyadi va hajni oxiriga yetkazadi. Soʻng, umra birlan haj orasida ehromdan chiqib boshqa narsalardan foyda-langani uchun bir qoʻy soʻyib qurbonlik qiladi).

Ibn Abbos bunday deydilar: «Johiliyat davrida arablarning Ukoz, Majanna va Zulmajoz nomli bozorlari boʻlardi. Musulmonlar haj mavsumida shu bozorlarda tijorat qilmoqni gunoh, deb hisoblashdi. Shundan soʻng, «(Haj mavsumida ham) Olloh taolodan rizq soʻramogʻingiz sizlar uchun gunoh emasdur!»degan oyat nozil boʻldi».

16-bob, Olloh taoloning «Soʻngra, odamlar tushib kelgan tomondan tushingizlar!» degan qavli haqida

Oisha raziyallohu anho bunday deydilar: «Quraysh va uning diniga e'tiqod qiluvchilar Muzdalifada vuquf qilardilar, ularni hums deb atashardi. Boshqa arablar Arafotda vuquf qilardilar. Islom kelgandan soʻng, Olloh taolo paygʻambarga Arafotga kelib, shu yerda vuquf qilishni, keyin Muzdalifaga tushishni amr qildi. Ollohning «Soʻngra, odamlar tushib kelgan tomondan tushingizlar!» degan oyatining mazmuni shunga dalolat qiladi».

Ibn Abbos raziyallohu anhu bunday deydilar: «(Mut'ani niyat qilib ehrom bog'lagan) kishi (umradan so'ng) ehromdan chiqqan paytida ham, to hajga yangitdan ehrom bog'laguncha Baytullohni tavof qilaveradi. Arafotda vuqufga tayyorgarlik ko'rayotgan vaqtda Olloh taolo qurbonlik uchun tuya, mol yoki qo'ydan qaysi birini nasib etgan bo'lsa, shuning tadorikini qiladi. Agar qurbonlikka jonlik topolmasa, arafadan avval uch kun ro'za tutadi, ro'zasining uchinchi kuni arafaga to'g'ri kelib qolsa ham gunohi yuqdur. Keyin, Arafotga borib, asr namozidan to qorong'u gushguncha vuquf qiladi. So'ngra kechasi tunash joyiga, ya'ni Muzdalifaga qaytadi. Unda subhgacha Ollohga zikr tasbeh va tahlil aytib chiqadi So'ngra, odamlar birlan birga Minoga tushadi. Olloh taolo «So'ngra, odamlar tushib kelgan tomondan tushingizlar, Ollohga istig'for aitingizlar, albagta Olloh gunohlarni kechuvchi va mehribondur"» - degan. Nihoyat, Minoda shaytonga tosh otadi.

17-bob Olloh taoloning «Ular orasida «Parvardigor, bizga bu dunyoda ham yaxshilik ato qilgil, oxiratda ham axshilik ato qilgil va bizni do'zax azobidan saqlagil!» deb aytuvchilar ham mavjud» degan qavli haqida

Anas ibn Molik bunday deydilar: «Paygʻambar alayhissalom «Ey Olloh, parvardigorimiz, bizga bu dunyoda ham yaxshilik ato qilgil oxiratda ham yaxshilik ato qilgil va bizni doʻzax azobidan saqlagil!» - deb iltijo qilar erdilar»

18-bob. Olloh taoloning «...holbuki, u adovati kuchli odamdur» degan qavli haqida

Ato «An-Nasl»so'zi «Al-Hayvon» ma'nosida» —deidilar.

Oisha raziyallohu anho: «Paygʻambar alayhissalom «Olloh eng yomon koʻradigan odam adovati qattiq kishidur» — deb aytganlar», — deydilar.

19-bob

Olloh taoloning qavli: «Ey mo'minlar, avvalgi qavmlarga kelgan sinovlar sizlarga kelmasdan turib jannatga kirishni o'yladingizmi? Ularga shunday qattiqchilik va mashaqqatlar keldiki, ular shunday larzaga tushdilarki, hatto payg'ambardek zot va ul kishiga iymon keltirganlar «Olloh taolo va'da qilgan najot qachon bulgay?» deb yuborishdi, shunda Olloh taolo «Ogoh bo'lingizlar, Ollohning yordami yaqindur!» deb javob qildi»

Abu Mulayka bunday dvb aytar erdilar: «Ibn Abbos raziyallohu anhu «Hattoki oʻtgan paygʻambarlar noumid boʻlishib»,— dedilar-da, «Yusuf» surasining «Bizlar aldandikmikin» deb oʻilay boshlaganlarida» degan oyatini oʻqib, unga «Baqara» surasining quyidagi 214-oyatini ulab tilovat qildilar: «Hatto paygʻambardek zot va ul kishiga iymon keltirganlar «Olloh taolo vaʻda qilgan najot qachon boʻlgay?» deb yuborishdi, shunda Olloh taopo «Ogoh boʻlingizlar, Ollohning yordami yaqindur!» deb javob qildi. Soʻng, men Urva ibn Zubayr birlan uchrashganimda unga shu gapni aytdim. Urva menga «Oisha: «Maozalloh, Ollohga qasamyod qilurmanki, agar Olloh paygʻambariga biror vaʻda bersa, paygʻambar oʻzining oʻlimidan oldin shu narsa amalga oshishini biladi. Lekin, avvalgi paygʻambarlarga balo va musibatlar uzluksiz kelavergani uchun, ular oʻz atroflaridagilardan «Bular bizni yolgʻonchiga chiqarib quyishmagan erdi!» deb xavotir olur erdilar»,— dedilar»,— deb aytdi. Oisha raziyallohu anho oyatdagi «kuzzibuu» fe'lini «kuzibuu» deb oʻqir erdilar. (Oishaning « Maozalloh» deb Ibn Abbosdan achchiqlanishlariga sabab, mazkur oyatdagi «kuzzibuu» fe'lini «kuzibuu» deb oʻqilsa, ma'no buziladi, deb tushunishlaridadur. Aslida, ma'no buzilmaydi).

20-bob «Xotinlaringiz sizlarning ziroatgohingizdur. Bas, ziroatgohingizga (Olloh ijozat qilgan tarafdangina) xohlagan paytingizda yaqinlik qilaveringizlar va oʻzlaringizning kelajagingizning gʻamini yengizlar!»

Nofi' raziyallohu anhu rivoyat qiladilar: «Ibn Umar raziyallohu anhu Qur'on oʻqisalar, undan boʻshamagunlaricha birov birlan gaplashmas erdilar. Bir kuni men huzurlariga kirdim, u kishi «Baqara» surasini qirot qilib, bir yeriga kelganlarida toʻxtadilar-da «Bilasanmi, bu oyat nima haqida nozil boʻlgan?» — dedilar. Men «Yoʻq»,— dedim. Ibn Umar: «Bu oyat mana bu va mana bu haqda nozil qilingan»,— dedilar-da, qiroatda davom etdilar»

Ibn Umar raziyallohu anhu «Ziroatgohingizga xohlagan paytingizda yaqinlik qilaveringizlar» degan oyatga «Ayollarning faqat oldiga yaqinlik qilingizlar» deb mazmun bergan erkanlar (Ayolga yaqinlik qilish xususidagi mazkur oyatning mazmuni toʻgʻrisida ulamolar ixtilof qilganlar «Anna shi'tum» iborasini «qaeriga xohlasangiz» deb tarjima qilib, ba'zi ulamolar ayolning orqasiga yaqinlik qilishga ham ijoat berganlar. Muhammad ibn Kaʻb, Sa'id ibn Yasor va Imom Molik ana shular jumlasidandur. Oyatdagi «Anna shi'tum» iborasini xohlagan paytingizda» deb tushunmoq kerak, bu yerda orqaga yaqinlik qilmoq toʻgʻrisida umuman hech qanday gap yuq. Koʻpchilik ulamolar, jumladan Imom Shofi'ii, Imom Ahmad, Imom Azam, Imom Abu Yusuf, Imom Muhammad, Imom Ishoq va boshqalar ayolning orqasiga yaqinlik qilish harom ekanligini aytib, koʻplab

hadislar birlan buni isbotlaganlar. Masalan, Abu Hurayra raziyallohu anhu rivoyat qiladilar! Rasululloh «Kimki xotinining orqasiga yaqinlik qilsa, unga Olloh taolo nazar qilmaydi!» deb aytganlar»).

Jobir raziyallohu anhu bunday deydilar: «Yahudiylar: «Agar ayolning orqasidan yaqinlik qilinsa, tugʻiladirgan bola gʻilay boʻladi»,— derdilar Shuning uchun «Xotinlaringiz sizlarning ziroatgohingizdur. Bas, ziroatgohingizga xohlagan paygingizda yaqinlik qilaveringizlar!» degan oyat nozil boʻldi».

21-bob. Olloh taoloning qavli: «Agar xotinlaringizni taloq qilsalaringiz, ularning idda muddatlari tugagan boʻlsa, oʻz erlari birlan qayta nikohlanishlariga mone'lik qilmangizlar!»

Hasan Basriy rivoyat qiladilar: «Mu'aqqal ibn Yasorning singlisini eri taloq qildi, soʻng idda muddati tugaguncha tashlab quydi-da, yana yarashish istagini bildirdi. Lekin, Mu'aqqal ibn Yasor yarashtirishdan bosh tortdi. Shunda «Taloq qilingan ayolni oʻz eri birlan yarashipshqa toʻsqinlik qilmangizlar!» degan oyat nozil boʻldi».

22-bob Olloh taoloning qavli: «Sizlardan vafot qilgan kishilar xotinlarini qoldirib ketgan boʻlsalar, ular toʻrt oy-u oʻn kun idda muddatini oʻtkazadilar. Iddalari tugagach, ular oʻzlari xu-suslarida qoidaga muvofiq bir ish qilsalar (ya'ni, erga tegsalar), sizlar uchun (ya'ni, avvalgi erning qarindoshlari uchun) hech qanday gunoh yoʻqdir».

Abdulloh ibn Zubayr bunday deydilar: «Men Usmon ibn Affonga Sizlardan vafot qilgan kishilar xotinlarini qoldirib ketgan boʻlsalar» degan oyatni boshqa bir oyat bekor qilgan. Nima uchun siz bu oyatni yana Qur'onga yozyapsiz?» — dedim. Usmon «Ey jiyanim, men Qur'on oyatlarining birortasining ham oʻrnini oʻzgartirolmayman»,— dedilar».

Mujohid raziyallohu anhu bunday deydilar: «Sizlardan vafot qilgan kishilar xotinlarini qoldirib ketgan boʻlsalar» degan oyati karimada aytilishicha, xotin iddani marhum er uyida oʻtkazishi vojib erdi, keiin Olloh taolo toʻrt oy-u oʻn kun idda muddatiga yetti oy-u yigirma kunni vasiyat ma'nosida qoʻshib toʻla bir yil qildi va xotinga ixtiyor berdiki, agar u xohlasa, bir yil marhum er uyida turadi xohlamasa, chiqib ketaveradi, bu ma'noni Ollohning «Uydan chiqmasdan tursin, agar chiqib keqa sizlarda gunoh yoʻq, xotinga ersa idda vojibligicha qoladi» degan kalomi quvvatlaydi».

Ibn Abbos raziyallohu anhu bunday deydilar: «Eri vafot etgan ayol toʻrt oy-u oʻn kun idda saqlaydi» degan oyat « Eri oʻlgan xotin bir yil erining uyidan chiqmasdan oʻltiradi» degan oyatni bekor qildi».

Ato raziyallohu anhu bunday deydilar: Xotin, agar xohlasa marhum erining uyida uning vasiyatiga binoan idda saqlaydi xohlamasa, chiqib ketaveradi» degan oyatni Olloh taoloning «Ular oʻzlari xususlarida qilgan ishlari uchun sizlar gunohkor boʻlmaysizlar» degan qavli quvvatlaydi. Keyin, meros haqida oyat nozil boʻlib xotinning marhum er uyida idda saqlamogʻining vojibligini bekor qildi, endi u oʻzi istagan joyda idda saqlaydirgan boʻldi».

Ibn Abbos raziyallohu anhu bunday deydilar: « Eri vafot eggan ayol to'rt oy-u o'n kun

idda saqlaydi» degan oyat «Eri oʻlgan xotin bir yil erining uyidan chiqmasdan oʻltiradi» degan oyatni bekor qiladi, ayol xohlagan joyda iddasini oʻtkazadi, chunki Olloh taolo «Uydan chiqmasdan tursin, agar chiqib keqa, sizlarda gunoh yoʻq, xotinga ersa idda vojibligicha qoladi» — degan».

Muhammad ibn Sirin bunday deydilar: «Men bir majlisda boʻldim. Unda ansorlarning ulug'lari ishtirok gilib, ular orasida Abdurrahmon ibn Abu Laylo ham bor erdilar. Men Abdulloh ibn Utbaning Subay'a binti Horis haqidagi hadisini zikr qildim. (Subai'a binti Horis Sa'd ibn Xavlaning xotini erdi. Eri Makkada vafot gilgach, unga Abu Sanobil ibn Bakak «Sen to'rt oy-u o'n kun idda saqlashing kerak»,— dedi. Vaholanki, Subay'a erining vafotidan yigirma besh kun kejin farzand tuggan erdi. Abu Sanobilning gapidan keyin, Subay'a Janob Rasulullohning huzurlariga bordi-da, bor gapni aytdi. Rasululloh unga «Sen halol bo'libsan, xohlagan odamingga erga tegishing mumkin»,— dedilar) Shunda, Abdurrahmon Ibn Abu Laylo taajjublanib «Abdullohning amakisi (ya'ni, Abdulloh ibn Mas'ud) bu haqda hech nima demagan edi-ku'» —dedilar. «Kufa tarafda yashovchi kishini yolg'onchi deyishga hayo qilaman'»—dedim. Ibn Sirin ovozlarini ko'tarib «Men Molik ibn Omirni (yoki Molik ibn Avnni) uchratib: «Eri o'lib, homilador qolgan xotin haqida Abdulloh ibn Masud qanday fikr bildiradilar?»— deb soʻradim. Ibn Omir bunday dedi: «Ibn Mas'ud «Eri o'lgan xotinga («Xomilador ayollarning iddasi bola tuqquncha» degan) ruxsatni aytmay, unga mashaqqatli iddani buyurasizlarmi? «Baqara» surasidagi idda haqidagi oyatdan keyin «Talog» surasidagi «Homilador ayollarning iddasi bola tuqquncha» detan oyat ham nozil boʻlgan»,— derdilar»

23-bob Olloh taoloning qavli: «Barcha namozlarni, xususan vusto namozini (ya'ni, asr namozini) o'z vaqtida ado qilingizlar!»

Ali raziyallohu anhu rivoyat qiladilar: « Paygʻambar alayhissalom Xandaq kuni «Bizlarni (mushriklar) vusto namozidan qoldirdi, kun botib qoldi, Olloh taolo ularning qabrlari birlan uylarini (yoki qorinlarini oʻtga toʻldirsin»— dedilar»

24-bob Olloh taoloning «Ollohga boʻyinsungan holda turingizlar!» degan qavli haqida.

Zayd ibn Arqam bunday deydilar. «Bizlar gaplashaverar erdik, birimiz ikkinchimizga bemalol o'z ho jatini bayon qilaverar erdi, toinki Olloh taocho. «Barcha namozlarni, xususan vusto namozini o'z vaqtida ado qilingizlar va Ollohga bo'yinsungan holda turingizlar degan oyatni nozil qildi. Biz namozda sukut qilishga buyurildik».

25-bob Olloh taoloning qavli: «Agar xavfda qolsangiz, piyoda yoki otliq holda namoz o'qiyveringizlar, xotirjam bo'lganingizda Olloh o'zin-gizga o'rgatgan va ilgari o'zingiz bilmagan ham-du sanolarni aytib Ollohni ulug'layveringizlar!»

Nofi' bunday deydilar: «Agar Ibn Umardan xavf namozini oʻqish tartibi haqida soʻralsa: «Qavm ikki toifaga boʻlinib, bir toifa imom birlan namoz oʻqiidi, ikkinchi toifa ersa dushman birlan namozxonlar orasida turadi. Imom birinchi toifaga bir rak'at oʻqib bergandan keiin, ular turib dushman roʻparasiga boradi va ikkinchi toifa imomga iqtido qiladi. Ikkinchi rak'atdan soʻng, imom salom berib namozdan chiqadi, ammo ikkinchi toifa salom bermay, oʻrnidan turib biriichi toifa birlan oʻrin almashadi. Shul tariqa ular navbat birlan imomsiz namozni oxiriga yetkazadilar. Agar dushmai xavfi kuchaysa,

piyoda kishi yurib ketayotgan holda, otliq ersa ot ustida, xoh qiblaga qarab kelayotan bo'lsin, hox qiblaga teskari tomonga, namozni o'qib ketaveradi», derdilar. Men o'ylaymanki, Abdulloh ibn Umar bu hadisni Janob Rasulullohdan eshitib rivoyat qilganlar.

Ibn Jubayr raziyallohu anhu bunday deydilar: «Kursiiyuhu»ning ma'nosi— «ilmuhu», ya'ni «Ollohning ilmi», «bastaganing manosi— «ziyoda va fazl , ya'ni «serobchilik» «afragʻa» ning ma'nosi - «anzala», ya'ni «tushirdi», va lo yauduhu»ning ma'nosi — "lo yusqiluhu», ya'ni «Ollohga ogʻirlik qilmaydi», «odaniy» — «asqalaniy», ya'ni «menga ogʻirlik qildi» ma'nosida, «al-ayd» — «quvvat» degani, «sinatun» --«mudroq» ma'nosida, «lam yatasannah» ~ «lom yatagʻayyar», ya'ni «oʻzgarmaydi» ma'no-sida, «fa-buhita» — «zahaba hujjatuhu», ya'ni «dalilsiz qoldi», «xoviyah» — «kimsasiz», «uruushuho» — «binolari» manosida, nunshiruho» — «nuxrijuho», ya'ni «chiqaramiz». «i'sor» - «shamol» ma'nosida, «osif»ning ma'nosi — yerdan osmonga choʻzilgan toʻzonli quyun».

Ibn Lbbos raziyallohu anhu: «Saldan»ning ma'nosi — «behuda narsa» deganidur», - deydilar.

Ikrima: «Vobil»niig ma'nosi — «kuchli yomg'ir», «tal» ersa «nido»dur»,— deydilar (Yuqoridagi so'zlar «Baqara» surasining oyatlarida uchraydigan, arablarda unutilib ketgan lug'aglarning ma'nolaridur)

26-bob Olloh taoloning qavli: «Bir kuni Ibrohimning «Parvardigoro, menga oʻliklarni qanday tiriltirishingchi koʻrsatgil!» deganini eslangiz, ey Muhammad!»

Abu Hurayra rivoyat qiladalar: «Rasululloh sallallohu alayxi va sallam bunday dedilar: «Ibrohimdan koʻra koʻproq shubha qilishga biz xaqliroqmiz, chunki ul kishi: «Parvardigoro menga oʻliklarni qanday tiriltirmogʻingni kursatgil!» — dedilar. Olloh taolo: «Sen bunga ishonasanmi!?» — deb soʻradi. Ibrohim: «Yoʻq, albatta ishonaman, lekin qalbimni taskin toptirish uchun oʻz koʻzim birlan koʻrmoqchiman», — dedilar»

27-bob. Olloh taoloning qavli: «Tagidan daryolar oqib turadirgan, xurmo-yu uzum va yana har turli mevalarga toʻla bogʻingiz boʻlsa-yu, keksayib, nimjon bolalaringiz birlan kolgan paytingizda uni oʻtli boʻron yondirib, vayron qilib ketmogʻini birortangiz istaysizmi? Olloh tafakkur qilingizlar, deb oʻz oyatlarini shul tarzda bayon qilur».

Ubayd ibn Umayr raziyallohu anhu rivoyat qiladilar: «Umar raziyallohu anhu bir kuni Janob Rasulullohning ashoblariga «A yavaddu ahadukum an takuna lahu jannatun» oyati haqida fikrlaringiz qanday?» deb savol berdilar, shunda ular «Olloh biluvchiroqdur!» deb javob berishdi. Hazrat Umar gazablanib: «Bilamiz yeki bilmaymiz, deb aytingizlar!» — dedilar. Ibn Abbos: «Ey moʻminlar amiri! Shu oyat haqida dilimda bir fikr paydo boʻldi«, - dedi. Hazrat Umar: «Ey jiyan, oʻzingni kamtar tutmay, bilganingni gapir!» — dedilar. Ibn Abbos: Bu oyatda bir amal qiyoslanyapti»,— dedi. Hazrat Umar! «Qanday amal?» — dedilar. Ibn Abbos. «Qandaydir bir amal (ish) qiyos qilinyapti»,— dedi. Hazrat Umar: «Bu oyatda umr boʻyi Olloh taologa ibodat qilib savob orttirgan va pirovardida barcha amali solihlarini shaytonga boy berib qoʻygan odam umr boʻyi halol mehnat qilib bogʻ-

rogʻ qilgan va keksaygan vaqtida ofatli shamol kelib, barcha mehnatini koʻkka sovurgan badavlat kishiga tagqoslanyapti»,— dedilar».

28-bob. Olloh taoloning qavli: «Ular odamlardan tilanib turib olmaydilar»

Abu Hurayra raziyallohu anhu bunday deydilar: «Rasululloh: «Sizlar bitta-ikkita xurmo, bir-ikki luqma taom beradirgan kishi miskin ermas, haqiqiy miskin odamlarga yopishib olib tilanishdan saqlanadirgan odamdur, agar istasangiz, Ollohning «Ular odamlardan tilanib turib olmaydilar» degan oyatini oʻqingizlar»,— dedilar».

29-bob. Olloh taoloning qavli: «Olloh tijoratni halol qilib, sudxoʻrlikni harom qilgandur»

Oisha raziyallohu anho bunday deydilar: «Baqara» surasining sudxoʻrlik haqidagi oxirgi oyatlari nozil boʻlganda Rasululloh masjidga chiqib, tik turgan holda ularni odamlarga oʻqib berdilar, keyin aroq savdosining haromligini aytib, «Va agar shunday qilmasangizlar, Olloh birlan uning rasuli sizlarga urush e'lon qilgay» degan oyatni tilovat qildilar».

30-bob. Olloh taoloning qavli: «Ollohning huzuriga qaytariladigan kundan qoʻrqingizlar!»

Ibn Abbos raziyallohu anhu: «Baqara» surasining Paygʻambar alayhissalomga nozil boʻlgan oxirgi oyati sudxoʻrlik haqidagi oyatdur»,— deydilar (Bu oyat suraning oxiriga joylashtirilmagan boʻlsa-da, oxirgi oyatdur).

31-bob. Olloh taoloning qavli: «Ichingizdagi narsani xoh oshkor, xoh maxfiy tuting, Olloh baribir ularni hisob-kitob qilib qoʻygay. Olloh oʻzi xohlagan kishini magʻfirat qilgay va xohlaganini azoblagay, Olloh hamma narsaga qodirdur»

Abdulloh ibn Umar raziyallohu ahnu: «Ichingizdagi narsani xoh oshkor, xoh maxfiy tuting» degan oyat mansuxdur»,— dsydilar.

32-bob. Olloh taoloning qavli: «Paygʻambar parvardigoridan oʻziga nozil qilingan narsaga iymon keltirdi»

Ibn Abbos: «Oyatdagi «isran» soʻzi—«majburiyat», «gʻufronaka» soʻzi «magʻfiratingni» ma'nosida, ya'ni «Bizning gunohlarimizni kechirgin!» deganidur»,— deydilar.

Marvon al-Asfar bunday deydilar: «Paygʻambar alayhissalomning sahobalaridan boʻlmish bir kishi, menimcha Abdulloh ibn Umar: «Ichingizdagi narsani xoh oshkor, xoh maxfiy tuting» degan oyatni keyingi oyat bekor qiladi»,— deydilar»

«OLI IMRON» SURASI

1-bob. («Oli Imron» surasida uchraydigan ayrim soʻzlar tafsiri)

«Tuqotun» va «taqiyyatun» soʻzlari bir ma'noda boʻlib, :ehtietkorlik, saqlanish» demakdur. «Sirrun» — «sovuq», «shafo hufratin»— «chuqurning labi», «tubavviu> —

«jang maydoniga tartib birlan joylashtirar erdingiz», «al-musavvam» ersa «qashqador, xoldor» degan ma'nodadur. Mujohid: «Al-Xayl al-musavvam» — «Goʻzal, ajoyib otdur»,— deydilar. «Ribbiyyuun» soʻzi «ribbiyyun» soʻzining koʻpligi boʻlib, «xudojoʻilar» demakdur. «Tahussuunahum» soʻzi «Ularni qoʻporib tashlar erdingizlar, ya'ni oʻldirur erdingizlar» degan ma'nodadir. «Gʻuzzun» soʻzi «gʻozin»soʻzining koʻpligi boʻlib, «goziylar» demakdur. «Sa-Naktu-bu» — «Yozib saqlab qoʻygaymiz» degani, «nuzulun» — «savob, ya'ni Olloh taolo tarafidan nozil qilingan mukofot»dur. Ibn Jubayr: «Hasuurun» soʻzi «Xotinga yaqinlik qilolmaydirgan kishi»,— deydilar. Ikrima: «Min favrihim» — «gʻazab(lari) birlan» degani»,— deydilar. Mujohid: «Tux-riju-l-hayya» iborasi «(Ulikdan) tirikni paydo qilursan» degan ma'noda boʻlib, «nutfa» — «erkak maniysi» oʻlik holda chiqadi, undan Olloh taolo tirik jonni paydo qiladi»,— deydilar. «Al-Ibkor»—«subh, tong», «al-ashiy» — "shom" demakdur.

2-bob. Qur'ondagi o'zi ravshan (tugal), boshqa oyatlar yordamida to'ldirilmaydirgan oyatlar xususida

Mujohid Qur'ondagi, jumladan «Oli Imron» surasidagi tugal oyatlar xususida fikr yuritib, bunday deydilar: «Bunday oyatlar Olloh taoloning halol va harom toʻgʻrisidagi ahkomlari boʻlib, qolganlari oʻxshash oyatlardur. Olloh taoloning quyidagi «Olloh taolo (Qur'onda pashsha, oʻrgimchak kabi nimarsalarni misol qilish birlan) fosiqlar-nigina gumroh qilur» («Baqara» surasi), «Olloh aqlsiz bandalarini kofirlik qazorati birlan bulgagay» («Yunus» surasi), «Olloh hidoyat topgan bandalariga hidoyatini yanada ziyoda qilgay» («Muhammad» surasi) kabi qavllari shular jumlasidandur. «Zaygun» soʻzi «shak» ma'nosida boʻlib, «Oli Imron» surasining «Dillarida shak boʻlganlar fitna chiqarmoq uchun oʻxshash, kishini ikkilantiradirgan oyatlarga rioya qiladilar» degan oyatida mavjud. «Ilmda sobitqadam boʻlganlar (ersa). «Bizlar bu (Kitobga) iymon keltirdik, uning barcha oyatlari parvardigorimiz tarafidan nozil qilingandur»,— derlar. «Oli Imron» surasi)»,

Oisha raziyallohu anho rivoyat qiladilar: «Janob Rasululloh «-Ul oʻshal zotdurki, sizga Kitob tushirdi, undan ba'zi oyatlar ma'nosi ravshan boʻlib, ular Kitobning asosini tashkil qiladi, boshqalari ersa ma'nosi oydin boʻlmagan oyatlardur. Bas, qalbida shubhasi boʻlgan kishilar fitna chiqarish uchun ma'nosi ravshan boʻlmagan oyatlarga rioya qiladilar, holbuki bunday oyatlarning Olloh taoloning oʻzigina biladi. Ilmda sobitqadam boʻlganlar (ersa): «Bizlar bu (Kitobga) iymon keltirdik, uning barcha oyatlari parvardigorimiz tarafidan nozil qilingandur»,— derlar. Aqlli kishilargina pandu nasihatni qabul qiladilar» degan oyatni tilovat qilgach «Agar ma'nosi ravshan boʻlmagan oyatlarga rioya qiluvchi kishilarni koʻrsang, bilgilki, Olloh taolo «Ulardan hazar qilingizlar!» deb aytgandur»,— dedilar»

3-bob. Olloh taoloning qavli: «Darhaqiqat, men bu qizni va uning zurriyotini mardud shayton yomonligidan asragil, deb sening panohingga topshirgayman»

Abu Hurayra raziyallohu anhu bunday deydilar: «Rasululloh: «Har qanday chaqaloqni tugilayotgan» paytida shayton chimchilaydi, shundan chaqaloq chirqirab yiglaydi, ammo Maryam va uning oʻglini shayton chimchilay olmagan»,— dedilar. Agar xohlasangizlar «Darhaqiqat, men bu qizni va uning zurriyotini mardud shayton yomonligidan asragil, deb sening panohingga topshirgayman» degan oyatya karimani oʻqingizlar».

4-bob. Olloh taoloning qavli: «Darqaqiqat, Ollohga bergan ahdu qasamlarini arzimas pulga sotib yuboradirgan kimsalar uchun oxiratda hech bir nasiba yoʻqdur... ular uchun alamli azob bordur»

Abdulloh ibn Masud raziyallohu anhu rivoyat qiladilar: «Rasululloh: «Kimki musulmon kishining molini tortib olish maqsadida yolgʻon qasam ichsa, Olloh taolo qiyomatda uni dargʻazab boʻlib qarshilagay», deb erdilar, Olloh taolo buning tasdiqi uchun «Darhaqiqat, Ollohga bergan ahdu qasamlarini arzimas pulga sotib yuboradirgan kimsalar uchun oxiratda hech bir nasiba yoʻqdur, qiyomat kuni Olloh ularga gapirmaydi ham, rahmat nazari birlan qaramaydi ham, gunohlarini kechirmaydi ham, ular uchun alamli azob bordur» degan oyatni nozil qildi. Shu asnoda Ash'as ibn Qays ichkariga kirib keldi-da: «Abu Abdurrahmon sizlarga ne deyotir? - deb soʻradi. Biz: «Shunday va shunday dedi, deb aytdik. Ash'as: «Bu oyat mening haqimda nozil boʻlgan. Amakivachchamning yerida menga qarashli quduq bor erdi. Biz bu quduqni talashib qoldik. Rasululloh: «Yo sening daliling boʻlishi kerak yoki amakivachchagn qasam ichsin!» - dedilar. Men: «Yo Rasululloh, unday boʻlsa, u qasam ichsin!» -dedim. Paygʻambar alayhissalom: «Kimki musulmon kishining molini tortib olish uchun yolgʻon qasam ichsa, oʻzi fojir boʻlib, qiyomat kuni Olloh unga gʻazab qiladi», - dedilar», - dedi».

Abdulloh ibn Abu Avfo rivoyat qiladilar: «Bozorda bir odam bir matoni oʻlchatib olib, sotuvchiga pulni bermay «Matoning puli berildi» deb qasam ichib turib oldi, holbuki matoning pulini bermagan erdi. Bu birlan u bir musulmonni chuv tushirmoqchi boʻldi.Shunda «Darhaqiqat, Ollohga bergan ahdu qasamlarini arzimas pulga sotibyuboradigan kimsalar uchun ohiratda hech bir nasiba yoʻqdir» degan oyat nozil boʻldi».

Ibn Abu Mulayka bunday deydilar: «Bir uyda ikki hotin yamoqchilik qilardi. Bir kuni ulardan biri kaftiga igna sanchilgan holda odamlar oldiga chiqib, «Buni dugonam qildi» deb da'vo qildi.Bu hususida taftish yurutmoqni Ibn Abbosga topshirishdi. Ibn Abbos: «Janob Rasululloh «Agar odamlarning da'vosiga tayanibgina chora koʻrilsa, qavmning qoni xam moli ham zoe ketadi» deganlar. Ayolga «Darhaqiqat Ollohga bergan ahdu qasamlarini arzimas pulga sotib yuboradigan kimsalar» degan oyatni oʻqib beringizlar!»-dedi. Odamlar ayolga Ollohni eslatib, mazkur oyatni oʻqib berishdi, shunda ayol aybini eʻtirof qildi».

Ibn Abbos: «Janob Rasululloh «Ayblanuvchiga qasam ichirilmog'i lozim» deb aytganlar»,- deydilar.

5-bob. Olloh taoloning qavli: «Ey ahli kitoblar, bizga ham sizga ham teng boʻlgan soʻzga kelingizlar,Ollohning yolgʻiz oʻzigagina ibodat qilaylik!» deb aytgil.

Ibn Abbos raziyallohu anhu rivoyat qiladilar: «Quyidagini Abu Sufyon menga oʻz ogzi bilan gapirib berdi: «Rasululloh birlan mening oʻrtamda tuzilgan sulh vaqtida Shomga bordim. U yerdaligimda Hiraqlga Paygʻambar alayxissalomdan maktub keltirildi. Bu maktubni Dihya Al Kalbiy Busro xokimiga, xokim ersa uni Hiraqlga yetkazgan erdi. Hiraql xatni olgach, oʻz odamlaridan «Bu yerda oʻzini paygʻambar, deb da'vo qilayotgan kishining qavmidan biror odam bormi ?» deb soʻradi. Unga: «Bor» deb javob berishdi va men birlan bir necha qurayshliklarni saroyga olib kirishdi. Biz Hiraqlning huzuriga kirdik,

bizni uning ro'parasiga olib kelishdi. Hiraql «qaysi biringiz o'zini payg'ambar deb da'vo qilayotgan kishiga nasab jihatdan yaqinroqsiz?» deb so'radi. Shunda men o'zimning yaqinroq ekanligimni aytdim. Keyin, meni Hiraql birlan yuzma-yuz, sheriklarimni ersa mening orqa tomonimga o'tirg'izdilar. Hiraql tarjimonini chaqirib, unga «Sheriklariga ayt, men mana bu odamdan o'zini payg'ambar deb da'vo qilayotgan kishi to'g'risida so'rayman, agar u menga yolg'on gaiprsa, sheriklari uning yolg'on gapirayotganini aytisnlar!» deb amr qildi.Men o'zimga o'zim «hudo haqi, agar sheriklarim mening yolg'on gapirganimni fosh gilmaslar erdi, yolg'on gapirgan bo'lardim!» deb go'ydim. So'ng, Hiraql o'z tarjimoniga: «Uzini payg'ambar deb da'vo qilayotgan kishi oralaringizda ganday nasabga ega deb undan so'ragil!» dedi. Men: «Ul kishi ormizda baland nasab egasidir», - dedim. Hiragl: «Uning ota-bobolari ichida podshoh boʻlganlar bormi?» dedi. Men: « Yo'q» dedim. Hiragl: « Payg'ambarlikni da'vo gilmasdan ilgari uni yolg'onchilikda ayblar erdingizlarmi?»-dedi. Men: «Yo'q» -dedim. Hiraql: «Unga zodagonlar ergashyaptimi yoki zaiflarmi?» -dedi. Men: «Zaiflar ergashyapti»,- dedim. Hiraql: «Ularning soni ko'payyaptimi yoki ozayyaptimi?»-dedi. Men: «Ko'payyapti» dedim. Hiragl: «Uning diniga kirganlardan biror kishi undan gaytyaptimi?»-dedi. Men: «Io'q» -dedim. Hiragl: «Unga garshi jang gildingizlarmi?» - dedi. Men: «Ha» dedim. Hiragl: «Unga qarshi qilgan jangingiz qanday boʻlgan erdi?» dedi. Men: «Urtacha, gox ular bizga, goho biz ularga shikast yetkazar erdik, ba'zan ular ba'zan biz g'alaba qilar erdik»,-dedim.Hiraql: «Hiyonat qilarmidi?» - dedi. Men: «Io'q,, biz u kishidan olislarda yuribmiz, bir qancha vaqtlardan beri ne ishlar birlan band, behabarmiz», - dedim. Xudo haqi, Hiraql bundan boshqa gap aytishimga imkrn bermadi-da: «Bu gapni undan ilgari biror kishi aytganmidi?» - dedi. Men: «Yo'q», - dedim.So'ng, Hiragl (tarjimoni orgali) menga bunday dedi: «Uning nasabini so'rasam, nasabi baland, deb aytding, payg'ambarlar aynan shunday bo'ladi. Uning ota-bobolari ichida podshoh bo'lganlar bormi, deb so'rasam, yo'q deding. Agar ota-bobolari ichida podshox o'tgan biror kishi bo'lganida erdi, men u o'shaning mulkini talab qilyapti, degan bo'lur erdim. Keyin, men sendan unga zodagonlar ergashyaptimi yoki zaiflarmi, deb soʻradim. Sen unga zaiflar ergashyapti, deding. Payg'ambarlarga doimo zaiflar ergashadi. Uni ilgari yolg'onchilikda ayiblagan erdingizlarmi, deb soʻrasam, sen yoʻq, deb aytding. Men bildimki, u ilgari ham odamlarga yolg'on gapirmagan, bunday odam Olloh taolo haqida yolg'on so'zlamaydi. Uning diniga kirganlar undan g'azab gilib dindan gaytyaptimi, deb so'raganimda ham, sen yo'q, deb aytding. Iymon qalblarga huzur baxsh etganda xuddi shunday bo'ladi. Ular ko'payyaptimi yoki ozayyaptimi, deb so'rasam, sen ko'payyapti, deb javob qilding. Iymon ana shunday tobora barkamollashib borgay. Unga garshi jang gildingizlarmi, deb so'raganimda, sen jang qilganingizni, ba'zan ular, ba'zan sizlar ustun kelganingizni aytding. Payg'ambarlar ham ana shunday mag'lubiyatga uchrab turgaylar, ammo pirovardida ularning qo'li baland bo'lgay. Keyin, u xiyonat qiladimi. deb so'radim. Sen uning xiyonat qilmasligini aytding. Paygʻambarlar ana shunday xiyonat qilmagaylar. U payg'ambarlik da'vosini qilmasidan burun boshqa biror kishi shunday da'vo birlan chiqqanmidi, deb so'rasam, sen yo'q deding. Agar undan ilgari biror kishi shunday deb da'vo qilib chiqqan bo'lganida erdi, men u ilgarigi odamning gapiga taqlid qilyapti, degan bo'lur erdim». So'ng, Hiraql mendan «U sizlarni nima qilmoqqa buyuradi?» deb so'radi. Men: «U bizni namoz o'qimoqqa, zakot bermoqqa, silai rahm (qarindoshlarqa oqibat) qilmoqqa va poklikka buyuradi»,— dedim. Hiraql: «Sening gaplaring chin boʻlsa, shubhasiz u payg'ambardur. Men payg'ambar chiqishini bilar erdim-u, lekin sizlarning orangizdan chiqishini bilmas erdim. Agar imkon topsam, u birlan jon deb uchrashgan bo'lar erdim. Agar uning huzurida bo'lsam, oyoqlarini yuvib qo'ygan bo'lar erdim. Uning mulki (davlati) mening oyoglarim ostidagi yergacha yetib kelgay!»—dedi-da, Janob

Rasulullohning maktublarini olib kelishni buyurdi. U xatni oʻqib koʻrdi, unda «Bismillohir rahmonir rahiymi. Olloh taoloning rasuli boʻlmish Muhammaddan Rum boshligʻi Hiraqlga. Hidoyat topganlarga salom! Ammo ba'd: seni islomga da'vat etaman, islomni qabul qil, tinch boʻlursan. Olloh buniig uchun senga ikki barobar koʻp ajru savob ato etgay. Agar bosh torqang, barcha ariysiylar (dehqonlar)ning (ya'ni, barcha fuqarolaringning gunohi) sening boʻyningdadur. Olloh taolo: «Ey ahli kitoblar, bizlar birlan sizlarning oʻrtangizda barobar boʻlgan soʻzga kelingizlar, Olloh taolodan oʻzgaga ibodat qilmaylik va unga hech kimni sherik qilmaylik, va Olloh taoloni qoʻyib ba'zimiz ba'zimizni tangri deb bilmaylik, deb ayt va agar ular yuz oʻgirsalar, sizlar guvoh boʻlingizlarki, biz albatta xudoning itoatkor bandalarimiz, deb aytingizlar!»—degandur» deb yozilgan erdi. Hiraql maktubni oʻqib boʻlishi birlan uning huzurida gʻala-gʻovur koʻtarilib, baqir-chaqirlar kuchaydi. Soʻng, u bizni chiqib ketishimizni amr qildi.

Tashqariga chiqqandan soʻng, men sheriklarimga: «Abu Kabsha oʻgʻlining (ya'ni, Janob Rasulullohning) ishi juda kuchayib ketdi, hatto undan rumliklar podshohi ham qoʻrqyapti»,— dedim. Dilimda yarsa «Rasulullohning ishlari yaqinda roʻyobga chiqadi» degan ishonch paydo boʻldi va nihoyat Olloh taolo meni islomga kirgizdi».

Zuhriy bunday deydilar: «Hiraql butun Rum ulugʻlarini chaqirib, oʻz saroyiga toʻpladi-da, ularga: «Ey rumliklar, mulkingiz qoʻlingizda sobit boʻlgan holda zamon nihoyasida (qiyomatda) sizlar uchun najot bormi?»—deb xitob qildi. Shunda, yigʻilganlar hurkak yovvoyi eshaklardek oʻzlarini eshiklarga urdilar, biroq qulflangan eshiklardan chiqib ketolmadilar. Hiraql: «Menga yaqinroq kelinglar!» deb ularni qayta jam' qildi-da, ularga: «Men sizlarning oʻz diningizga boʻlgan sadoqatingizni sinab koʻrdim, sizlarga muhabbatim ziyoda boʻldi» — dedi. Hammalari unga sajda qilishdi va undan mamnun boʻlishdi».

5-bob. Olloh taoloning qavli: «Yaxshi koʻrgan narsalaringizdan ehson qilmaguningizcha hargiz xayriyatga erinmagaysiz va Olloh nimaiki ehson qilsangiz, uni bilib turgay»

Anas ibn Molik bunday deydilar: «Madinadagi ansoriylardan eng xurmozori koʻp kishi Abu Talha erdilar. Ushal xurmozor bogʻlarning Abu Talhaga mahbubrogʻi «Bayruho» erdi, chunki bu bogʻ Rasulullohning masjidlari roʻparasida boʻlib, Rasululloh unga kirib, pokiza suvidan ichardilar. Ollohning «Yaxshi koʻrgan narsalaringizdan ehson qilmagu-ningizcha hargiz xayriyatga erishmagaysiz» degan oyati karimasi nozil boʻlganda Abu Talha oʻrinlaridan turib: «Ey Ollohning rasuli, Olloh taolo: «Yaxshi koʻrgan narsalaringizdan ehson qilmaguningizcha hargiz xayriyatga erishmagaysiz»,— deyapti. Mening eng yaxshi koʻrgan mulkim ersa Bayruhodur. Uni Olloh taolo yoʻlida sadaqa qildim. Buning uchun Olloh taolodan ajru savob umid qilgayman. Yo Rasulalloh, bu bogʻni oʻzingiz istagan kishiga in'om qiliniz!»—dedilar. Janob Rasululloh: «Juda savobli ish qilding, bu bogʻ tufayli oxirating obod boʻlgay. Aytgan gapingni angladim, uni qarindoshlaringga bersang!» — dedilar. Abu Talha: «Yo Rasulalloh, aytganingizdek qilgayman!»—dedilar. Keyin, Abu Talha oʻsha bogʻni yaqinlari «birlan amakivachchalari oʻrtasida taqsim qilib berdilar».

Anas ibn Molik raziyallohu anhu: «Bogʻni Hasson birlan Ubayga boʻlib berdilar. Men Abu Talhaga ulardan koʻra yaqinroq erdim, lekin menga hech narsa bermadilar»,— deydilar.

6-bob. Olloh taoloning qavli: «Ey Muhammad, «Agar rostgo'y bo'lsangizlar, Tavrotni keltirib o'qib ko'ringizlar!»—deb aytingiz!»

Ibn Umar raziyallohu anhu rivoyat qiladilar: «Yahudiylar Paygʻambar alayhissalom huzurlariga zino qilgan bir erkak va ayolni olib kelishdi. Rasululloh ulardan: «Sizlarda zino qilgan kishiga qanday jazo beriladi'» — deb soʻradilar. Ular: «Ikkovining ham yuziga qora surtib, keyin darra uramiz!»—deyishdi. Rasululloh: «Tavrotdan toshboʻron qilib oʻldirish haqidagi hukmni topmadingizlarmi?»—dedilar. Ular: «Tavrotdan bu haqda hech narsa topolmayapmiz»,— deb javob berishdi. Abdulloh ibn Salom ularga: «Yolgʻon aytdingiz, agar rostgoʻy boʻlsalaringiz, Tavrotni keltirib oʻqib koʻringizlar!»—dedi. Tavrot mudarrislaridan biri ataylab kaftini «Rajm oyati» ustiga qoʻyib turib, atrofdagi oyatlarni oʻqiy boshladi, «Rajm oyati»ni ersa oʻqimay tashlab oʻtdi. Abdulloh ibn Salom buni sezib, uning qoʻlini «Rajm oyati» ustidan olib tashladi-da: «Bu nima?!» —deb soʻradi. Hammalari Tavrotga qarab, unda «Rajm oyati» borligini koʻrishdi va: «Bu Rajm oyati-ku!» — deyishdi. Rasululloh ikki zinokorni rajm (toshboʻron) qilmoqqa buyurdilar, ularni masjid oldidagi janoza. oʻqiladirgan joyning yaqinida toshboʻron qilib oʻldirishdi. Shunda men zinokor yahudiyning oʻz qavdasi birlan ayolni toshdan himoya qilqanini koʻrdim».

8-bob. Olloh taoloning qavli: «Sizlar odamlarni (hidoyatga yetaklamoq) uchun yuborilgan eng yaxshi ummaqizlar»

Abu Hurayra raziyallohu anhu bunday deydilar: «Sizlar odamlarni (hidoyatga yetaklamoq) uchun yuborilgan eng yaxshi ummaqizlar» degan oyatning mazmuni shuki, musulmonlar boshqalarni hidoyatga yetaklab, ularni boʻyinlaridagi kufr kishanlaridan xalos qilib, islomga kiritadilar».

9-bob. Olloh taoloning qavli: «Orangizdan ikki guruh umidsizlikka tushib nomardlik qilmoqchi boʻlganda...»

Jobir ibn Abdulloh raziyallohu anhu bunday deydydilar: «Orangizdan ikki guruh umidsizlikka tushib nomardlik qilmoqchi boʻlganda, vaholanki Olloh ularning madadkori erdi...» degan oyati karima bizning haqimizda nozil boʻlgan. Usha ikki toifa biz, ya'ni Banu Horisa va Banu Salama kishilari erdik. Bu oyat nozil boʻlmaganda biz quvonmas erdik, chunki unda Ollohning biz toʻgʻrimizda «... vaholanki Olloh ularning madadkori erdi» degan qavli bor!»

10-bob. Olloh taoloning qavli: «Ey Muhammad, siz uchun bu ishda biror narsa yoʻqdur»

Solim otalaridan naql qiladilar: «Rasululloh bomdod namozining ikkinchi rak'atida ruku'dan bosh koʻtarib «Sami'allohu liman hamidah» dedilar-da, «Yo Olloh, falonchi, falonchi va falonchini la'natlagil!» deb aytdilar. Shunda Olloh taolo: «Siz uchun bu ishda biror narsa (ixtiyor) yoʻq, Olloh ularning tavbalarini yo qabul qiladi yoki zolimliklari uchun ularni azoblaydi» degan oyatni nozil qildi». Bu hadisni Ishoq ibn Roshid ham Zuhriydan naql qilib aytib berganlar.

Abu Hurayra raziyallohu anhu bunday deydilar: «Rasululloh agar birovni duoi bad yoki duoi xayr qilmoqni xohlasalar, Qunutni oʻqib, ruku'dan keyin «Sami'allohu liman hamidah, rabbano va lakal-hamd» derdilar, soʻng: «Ey Olloh, Valid ibn Validga, Salama

ibn Hishomga va Iyosh ibn Abu Rabiy'aga najot ber! Ey Olloh, Muzar qabilasiga nisbatan qahringni kuchaytir, ularga Yusuf zamonidagi qahatchilikdek qahatchilik yubor!»—deb ovoz chiqarib aytardilar. Yana ba'zi namozlarida, masalan bomdod namozida: «Yo Olloh, arab qabilalaridagi falon va falonni la'natlagin!»—derdilar. Pirovardida Olloh taolo: «Siz uchun bu ishda biror narsa yoʻqdur» degan oyatini nozil qildi».

11-bob. Olloh taoloning qavli: «Holbuki, paygʻambar ortingizdan chaqirayotgan erdi»

Oyatdagi «uxrokum» soʻzi «oxarukum» soʻzining muannasidur. Ibn Abbos: «Oyatdagi ikki xayriyatdan biri yo fath yoki shahid boʻlmoqlik erdi»,— deydilar.

Barro ibn Ozib raziyallohu anhu rivoyat qiladilar: «Paygʻambar alayhissalom piyodalarga Abdulloh ibn Jubayrni amir etib tayinlagan erdilar. Hammalari dushmandan chekina boshlaganda Rasululloh ularning ortidan chaqirgan erdilar. Paygʻambarimiz yonlarida oʻn ikki kishidan boshqa hech kim qolmagan erdi».

12-bob. Ollohning «amanatan nu'osan» («shirin mudroq») degan qavli xususida

Abu Talha: «Uhud kuni jang maydonida erkanligimizda bizlarni shunday bir uyqu elitdiki, qoʻlimdan qilichim tushib ketdi. Men uni qoʻlimga olsam, yana tushib ketar erdi»,— deydilar.

13-bob. Olloh taoloning qavli: «Uzlariga jarohat yetganiga qaramay, Olloh va uning rasuli hukmlariga boʻyinsunib amali solihlar qilgan va Ollohdan taqvo qilganlar uchun katta savoblar bordur»

14-bob. Olloh taoloning qavli: «Darhaqiqat, Quraysh sizlarga qarshi lashkar toʻpladi»

Ibn Abbos raziyallohu anhu bunday deydilar. «Bizga Ollohning oʻzi kifoya qiladi, u naqadar yaxshi chorasoz!» degan qavlni Ibrohim alayhisealom oʻzlarini olovga tashlashganda aytgan erdilar. «Darhaqikat, Quraysh sizlarga qarshi lashkar toʻpladi, ulardan qoʻrqingizlar!» deyishganda Janob Rasululloh ham shunday degan erdilar. Shunda musulmonlarning iymonlari yanada mustahkamlanib, ular ham: «Bizga Ollohning oʻzi kifoya qiladi, u nakadar yaxshi chorasoz!»—deb javob qilishgan erdi».

Ibn Abbos: «Ibrohim alayhissalomning o'tga tashlashganda aytgan oxirgi gaplari: «Menga Ollohning o'zi kifoya qiladi, u naqadar yaxshi chorasoz!» degan qaplari erdi».

15-bob, Olloh, taoloning qavli: «Olloh oʻz fazlidan bergan narsaga baxillik kiladirgan kishilar bu qilmishlarini oʻzlari uchun yaxshilik, deb hisoblamasinlar, balki bu ularga yomonlik boʻlib, qiyomat kuni oʻzlari baxillik qilgan mol boʻyinlariga boʻyinturuq qilib solingay, osmonlaru yerning merosi Ollohgagina xosdur va qilib turgan ishlaringiz Ollohga ma'lumdur!»

Abu Hurayra raziyallohu anhu rivoyat hiladilar, «Rasululloh sallallohu alayhi va sallam: «Olloh taolo mol-dunyo ato etgan kishi mol-dunyosining zakotini bermasa giyomatda

oʻshal boyligi ikki koʻzining ustida qora dogʻi (xoli) boʻlgan, boshi sip-silliq ajdahoga aylantiriladi keyin, u egasiga: «Men sening molingman, men sening xazinangman»,— deydi-da, uning tanasiga oʻralib, ikki lunjidan tishlaydi»,— dedilar. Soʻng, «Olloh oʻz fazlidan bergan narsaga baxillik qiladirgan (qizgʻanadirgan) kishilar bu qilmishlarini oʻzlari uchun yaxshilik, deb hisoblamasinlar, balki bu ularga yomonlik boʻlib...» degan oyati karimani oxirigacha tilovat qildilar».

16-bob. Olloh taoloning qavli: «Darhaqiqat, oʻzingizdan ilgari Kitob berilgan kimsalar va mushriklardan koʻp aziyat chekib, koʻp malomatlar eshitasizlar»

Usoma ibn Zayd bunday deb xabar beradilar: «Payg'ambar alayhissalom ustlariga dag'al matodan toʻqilgan fadakiy liboslarini kiyib olib, eshakka mindilar, soʻng Usoma ibn Zaydni mingashtirdilar-da, Banu Hars ibn al-Xazraj gabilasidan boʻlgan Sa'd ibn Ubodani ko'rgani ravona bo'ldilar, u betob yotgan erdi. Bu voqea Badr kunidan avval sodir boʻlgan erdi. Janob Rasululloh majlis qilayotgan bir jamoa oldidan oʻtdilar, u yerda Abdulloh ibn Ubay ibn Salul ham bo'lib, u hanuz islomga kirmagan erdi. Turli toifa musulmonlar, butparastlar va yahudiylardan iborat bu majlisda Abdulloh ibn Ruvoha ham bor erdi. Majlis ahlini eshakning tuyog'idan chiqqan chang-g'ubor o'ragandan so'ng, Abdulloh ibn Ubay burnini ridosi birlan to'sdi-da: «Bizga changitmanglar!»—dedi. Rasululloh o'ltirganlarga salom berdilar, so'ng to'xtab eshakdan tushdilar-da, odamlarni Ollohga iymon keltirmoqqa da'vat qildilar va Qur'on o'qib berdilar. Abdulloh ibn Ubay ibn Salul: «Ey kishi, agar gaping rost bo'lsa, bundan afzal narsa yo'q, ammo majlisimizni buzib, bizga ozor berma, yoʻlingdan golma, oldingga kim borsa, oʻshanga hikoyangni aytaver!» — dedi. Shunda, Abdulloh ibn Ruvoha turib: «Yoʻq, ketmangiz, yo Rasulalloh, majlisimizga qo'shilingiz, biz shuni istaymiz!» — dedi. Pirovardida musulmonlar, mushriklar va yahudiylar bir-birlari birlan so'kishib ketishdi, janjal urushga aylanib ketay dedi. Payg'ambar alayhissalom ularni Hovuridan tushirdilar-da, eshaklariga minib Sa'd ibn Ubodani koʻrgani bordilar. «Ey Sa'd,— dedilar ul zot,— Abu Habbon (Abdulloh ibn Ubayning lagabi) ning menga nimalar deganini eshitganingda erdi! U menga bunday va bunday dedi». Sa'd ibn Uboda: «Yo Rasulalloh, uni kechiring, sizga Qur'on nozil gilgan zot haqi, Olloh taolo sizga Haqiqatni yuborgandur. Bu yurt ahli Abdulloh ibn Ubay ibn Salulni o'zlariga podshoh gilmogga, boshiga toj kiydirmogga kelishgan erdilar, lekin Olloh sizga yo'llagan haqiqat sababli u bundan mahrum bo'ldi, shu boisdan ham u sizga oʻzingiz shohidi boʻlgan muomalani qildi»,— dedi. Janob Rasululloh uni afv etdilar. Payg'ambar alayhissa-lomning va ul zot ashoblarining odati shariflari shunday erdiki, ular ahli kitoblar va mushriklardan o'tgan beadablikni Olloh taolo buyurgani uchun ham afv qilar, ulardan yetgan ozorlarga sabr etar erdilar. Olloh taolo: «Darhaqiqat, o'zingizdan ilgari Kitob berilgan kimsalar va mushriklardan ko'p aziyat chekib, ko'p malomatlar eshitasizlar»hamda «Ahli kitoblarning koʻpchiligi, dillarida hasad boʻlganligidan, sizlarni yana dinlaringizdan qaytmoqlaringizni va kofir boʻlmoqlaringizni yaxshi ko'radi»,— deydi. Payg'ambar alaihissalom Olloh taolo kofirlarga garshi urushishga ijozat bergunga qadar, uning o'zi buyurganiga binoan afv qilmoqni odat qilib olgan erdilar. Badr urushi bo'lganda Olloh taolo Quraysh kofirlarining yetakchilarini halok qildi. Abdulloh ibn Ubay ibn Salul va uning sheriklari — mushriklar va butparastlar: «Bu g'olib bo'ldi!» deb Rasulullohning huzurlarida islomga bay'at qildilar va musulmon bo'ldilar».

17-bob. Olloh taoloning qavli: «Ey Muhammad, birovlarni yoʻldan adashtirib xursand boʻladirgan va qilmagan ishlari uchun maqtov eshtishni yaxshi

ko'radirgan kishilarni, ular azobdan najot topadilar, deb o'ylamangiz!»

Abu Sa'id Al-Xudriyraziyallohu anhu bunday deydilar «Payg'ambar alayhissalomning zamonlarida, ul zot g'azotga chiqqanlarida munofiqlar xiyonat qilib, urushga bormay uylarida qolganlaridan hursand bo'ldilar. Janob Rasululloh qaytganlarida ersa, huzurlariga borib uzr-ma'zur aytdilar, qasam ichdilar, ul zotdan qilmagan ishlari uchun maqtov eshitishni kutdilar. Shunda Olloh taoloning (yuqorida zikr qilingan) oyati karimasi nozil bo'ldi»

Algama ibn Vaqhos bunday deb xabar beradilar: «Marvon ibn Hakam darvozaboniga: «Ey Rofi', Ibn Abbosning oldiga borgil-da, unga «Agar har bir gilgan yomon ishlaridan xursand bo'ladirgan, qilmagan ishiga maqtov eshitishni yaxshi ko'radirgan kishi azobga duchor gilinadirgan bo'lsa, unda biz hammamiz ham azoblanar erkanmizda?!» deb aytgil!» — dedi. Shunda Ibn Abbos bunday deb javob qildi: «Bu oyatning sizlarga taallugli yeri yo'g. Payg'ambarimiz alayhissalom yahudiylarni chaqirib, ulardan bir masalaning hukmini soʻradilar. Yahudiylar haqiqatni berkitib, boshqa xukm aytdilar. Ular mana shu noto'g'ri javoblari uchun ham Janob Rasulullohdan magtov eshitmogni kutdilar, o'alari ersa ul zotdan haqiqatni yashirganlari uchun ichlarida quvondilar. Olloh taolo: «Eslang, ey Muhammad, Olloh Kitob berilgan kimsalardan «Albatta sizlar bu Kitobni yashirmay odamlarga ochiq bayon qilursizlar» deb ahd-paymon olgan erdi. So'ng, ular bu ahd-paymonga xiyonat qilib, uni arzimas pulga sotdilar. Ularning bu savdosi qanday yomon bo'ldi! Ey Muhammad, birovlarni yo'ldan adashtirib xursand bo'ladirgan va qilmagan ishlari uchun maqtov eshitishni yaxshi ko'radirgan kimsalarni, ular azobdan najot topadilar, deb o'ylamangiz, ular uchun alamli azob bordur!» degan».

18-bob. Olloh taoloning qavli: «Albatta, osmonlar va Yerning yaraliganda, kecha va kunduzning almashinishida aql egalari uchun alomatlar bordur!»

Ibn Abbos raziyallohu anhu bunday deydilar: «Men bir kecha xolam Maymunaning uylarida tunadim. Rasululloh xolam birlan anchagacha suhbatlashib oʻltirdilar. Keyin, uyquga yotdilar. Kechaning uchdan biri qolganda turib oʻltirdilar, osmonga qarab: «Albatta, osmonlar va Yerning yaralishida, kecha va kunduzning almashinishida aql egalari uchun alomatlar bordur!»—dedilar, keyin turib tahorat oldilar, misvok birlan ogʻizlarini tozaladilar, soʻngra oʻn bir rak'at namoz oʻqidilar. Bilol azon aytganlaridan soʻng, ikki rak'at sunnat oʻqib masjidga chiqdilar va bomdod namozini oʻqidilar»

19-bob. Olloh taoloning qavli: «Ular turganda ham, oʻltirganda ham, yotganda ham Ollohni eslaydilar va osmonlaru Yerning yaratilishini tafakkur qiladilar»

Ibn Abbos raziyallohu anhu bunday deydilar: «Men bir kecha xolam Maymunaning uylarida tunadim, Rasulullohning namoz oʻqishlarini koʻraman degandim. Men Janob Rasulullohga bolish tashladim, uzun tarafiga bosh qoʻyib uxladilar. Keyin, yuzlarini ishqalab uyquni qochirdilar-da, «Oli Imron»ning oxirgi oʻn oyatini oʻqidilar, oʻqib boʻlganlaridan soʻng, osigʻliq turgan eski meshni olib tahorat oldilar, keyin turib namoz boshladilar. Men ham turib Janob Rasululloh singari tahorat oldim Keyin, Rasulullohning yonlariga kelib turdim. Rusululloh qoʻllarini boshimga quydilar, soʻng qulogʻimdan ushlab buradilar. Keyin, ikki rak'at namoz oʻqidilar, keyin yana ikki rak'at namoz oʻqidilar, keyin

yana ikki rak'at namoz o'qidilar, keyin yana ikki rak'at namoz o'qidilar, keyin yana ikki rak'at namoz uqidilar, keyin yana ikki rak'at namoz o'qidilar, sung bir rak'at o'qidilar»

20-bob Olloh taoloning qavli: «Parvardigor, sen kimni doʻzaxga kiriqang, albatta uni sharmandai sharmisor qilasan va bunday zolimlarga hech qanday madad berguvchi yoʻq».

Abdulloh ibn Abbos raziyallohu anhu bir kuni paygʻambarimizning xotinlari Maymuna onamizning uylarida tunab qolibdilar. U kishi oʻsha kuni boʻlgai voqeani bunday deb rivoyat qiladilar: «Men yostiqning yon tomoniga bosh qoʻyib yotdim, Rasululloh birlan xotinlari boʻlmish xolam Maymuna uzunasiga bosh qoʻyib yotdilar. Rasululloh kechaning yarmigacha uxladilar, ehtimol bundan avvalroqdur, ehtimol keyinroqdur, keyin uygʻondilar, yuzlarini qoʻllari birlan ishqab uyqularini qochirdilar, keyin «Oli Imron» surasining oxirgi oʻn oyatini oʻqidilar Soʻng, turib osigʻliq meshni oldilar-da, yaxshilab tahorat qildilar, keyin namoz oʻqimoqqa tutindilar. Men ham turib, ul zot nima qilgan boʻlsalar, shunday qildim-da, yonlariga borib turdim. Janob Rasululloh oʻng qoʻllarini boshimga qoʻyib, oʻng qulogʻimni burab qoʻydilar Keyin, ul zot ikki rak'at, soʻng yana ikki rak'at, soʻng yana ikki rak'at, soʻng yana ikki rak'at, soʻng yana ikki rak'at, keyin bir rak'at namoz oʻqidilar. Keyin, muazzin kelguncha yonboshladilar, soʻng turib ikki rak'at yengilgina namoz oʻqidilar, keyin masjidga chiqib, bomdod oʻqidilar».

21-bob. Olloh taoloning qavli: «Ey bizning parvardigorimiz, «Parvardigoringizga iymon keltiringizlar!» deb nido qiluvchining nidosini eshitdik»

Ibn Abbos raziyallohu anhu oʻz mavlolari Kuraybga bir kuni paygʻambarimiziing xotinlari boʻlmish xolalari Maymunaning uylariga borib yotib qolganlari bunday deb rivoyat qilgan erkanlar: «Men oʻshal kecha yostiqning koʻndalang tomoniga bosh qoʻyib yotdim, Janob Rasululloh birlan xotinlari ersa uning uzun tomoniga bosh koʻyib yotishdi. Janob Rasululloh TUN yarim boʻlguncha yotib uxladilar, balkim bundan barvaktroq, balkim kechroqdur, uygʻondilar-da, qoʻllari birlan yuzlarini ishqab uyqularini qochirdilar, keyin «Oli Imron» surasining oxirgi oʻn oyatini tilovat qildilar, keyin turib osigʻliq meshni oldichar-da, yaxshilab tahorat qildilar, soʻng turib namoz oʻqimoqqa tutindilar. Men ham turib, ul zot nimaiki qilgan boʻlsalar, shunday qildim, keyin yonlariga borib turdim. Janob Rasululloh oʻng qoʻllarini boshimga qoʻyib, oʻng qulogimni burab qoʻydilar Soʻng, ikki rak'at, soʻng yana ikki rak'at, soʻng masjidga chiqib bomdod oʻqidilar».

«AN-NISO» SURASI

1-bob. («An-Niso» surasida uchraydigan ayrim so'zlar tafsiri)

Ibn Abbos: «(Lan) yastankifa» degani «Sira or (kattalik) qilmas» ma'nosida, «qiyoman» («qivoman», «qivomakum») soʻzi «Sizlarning ma'iyshatlaringizga sabab, vosita» deganidur «Lahunna sabiylan» — «Ularni (ayollarni) yoʻlga solish vositasi» degani boʻlib, bu vosita fahsh yoʻlga kirgan juvonlarni toshboʻron qilmog va bokiralarga darra

urmoqdur»,— deydilar.

Yana boshqa birov (ya'ni, Abu Ubayd): «Masno va sulosa va rubo'a» ning ma'nosi «ikkita, uchta va to'rtta» degani, arablar ersa (xotinni) to'rttadan oshirmaydilar»,—deydilar.

2-bob. Olloh, taoloning qavli: «Agar sizlar yetim qizlarga nisbatan noinsoflik qilib qoʻymoqdan qoʻrqsangizlar...»

Oisha raziyallohu anho bunday deydilar: «Bir odamning qoʻl ostida bir yetimcha kiz boʻlar erdi, u oʻsha qizni oʻziga nikohlab oldi. Yetimcha qizga qarashli bir xurmozorning qoʻldan ketmasligi uchungina u shunday qildi, ammo u qizga yaqinlik qilmas erdi. Olloh taoloning «Agar sizlar yetim qizlarga nisbatan noinsoflik qilib qoʻymoqdan qoʻrqsangizlar...» degan oyati ana shu kishi xususida nozil boʻlgan erdi. «Menimcha, oʻshal qiz xurmozorga ham, uning moliga ham sherik boʻlsa, kerak»,— deydilar. Hishom ibn Urvaning otalari».

Ibn Shihob rivoyat qiladilar: «Urva ibn Zubayr Oisha onamizdan Olloh taoloning «Agar sizlar yetim qizlarga nisbatan noinsoflik qilib qo'ymoqdan qo'rqsangizlar...» degan oyati karimasi haqida so'radi. Oisha onamiz: «Ey jiyanim, bu oyat bir yetim qiz xususida nozil bo'lgan, u o'z valiysi (cho'rilikdan ozod qilib, o'z qaramog'ida olib qolgan kishi) ning uyida turar erdi. Valiyning mol-mulki birlan qizga tegishli xurmozor o'rtada bo'lib, ikkalasi bir-birining moliga sherikchilik gilishar erdi. Valiy gizning xurmozori birlan jamolini yoqtirib qoldi va unga qonuniy mahrni bermasdan uylanmoqchi bo'ldi. Shunda, Olloh taolo o'z oyati orqali valiylar o'z qaramog'laridagi yetimcha qizlarga shar'iy mahr bermasdan uylanmasinlar, ularning tengdoshlariga qancha mahr berilishi lozim bo'lsa, shuncha mahr bersinlar, yetimcha qizlarga noinsoflik qilgandan ko'ra, yaxshisi o'zlari xohlagan boshqa ayollarga uylansinlar, deb amr qildi. Shundan soʻng, odamlar Janob Rasulullohdan ayollar xususida tez-tez fatvo so'raydirgan bo'lishdi. Shu boisdan Olloh taolo: «Sizdan ayollar xususida fatvo soʻraydilar...» degan oyati karimasini nozil qildi. Olloh taoloning «Ularga uylanishga rag'bat qilasizlar» degan qavlidan murod shuki, Olloh taolo yetim qizlarga ularning moli va jamoli uchun uylanishni man' qiladi, ya'ni yetim qizlar agar go'zal bo'lsalar, ularga shar'iy mahr bermasdan uylanishdan, agar xunuk boʻlsalar, ularning moli qoʻldan ketmasin, deb oʻzlari ham uylanmay, birovga ham erga bermay zulm gilishdan gaytaradi».

3-bob. Olloh taoloning qavli: «... qaysiki odam (valiy) faqir boʻlsa, (etim qizning molidan) insofu adolat birlan yesin, bas qachon ularga mollarin bermoqchi boʻlsangizlar, guvoh keltiringizlar, hisob uchun ersa xudo kifoya qilur»

«Bidoran» — «shoshilib», «a'tadno» — «tayyorlab qoʻy-dik» degan ma'nodadur. Oisha raziyallohu anho bunday deydilar: «Ollohning! «Qaysiki odam (valiy) boy boʻlsa, (adolaqizlikdan) parhez qilsin, bordi-yu kambagʻal boʻlsa, insofu adolat birlan yesin» degan oyati yetimlarning moli haqida tushgan boʻlib, agar valiy faqir boʻlsa, uning molidan mehnatiga yarasha insofu adolat birlan yeyishi mumkin, deganidur».

4-bob. Olloh taoloning qavli: «Agar meros taqsimida qarindoshlar, yetim va miskinlar hozir bo`lsalar, ularga ham merosdan nasiba beringizlar!»

Ibn Abbos raziyallohu anhu bunday deydilar: «Agar meros taqsimida qarindoshlar, yetim va miskinlar...» degan oyat hukm oyatlaridan boʻlib, mansux (bekor qilingan) ermasdur».

5-bob. Olloh taoloning qavli: «Olloh sizlarga bola-chaqalaringiz (merosi) haqida hukm qilurki...»

Jobir ibn Abdulloh bunday deydilar: «Men Banu Salama qabilasi manzilida betob yotganimda Janob Rasululloh Abu Bakr Siddiq raziyallohu anhu birlan birga piyoda meni koʻrgani keldilar. Ul zot kelganlarida men behush erdim. Bir idishda suv soʻrab, tahorat qildilar, keyin menga sepdilar. Men oʻzimga keldim-da, Janob Rasulullohdan: «Molimni ne qilmogʻimni buyurasiz?» — deb soʻradim. Shunda Olloh taoloning «Olloh sizlarga bola-chaqalaringiz (merosi) haqida hukm qilurki...» degan oyati nozil boʻldi».

6-bob. Olloh taoloning qavli: «Xotinlaringiz qoldirgan merosning yarmi sizlarga tegadi...»

Ibn Abbos raziyallohu anhu bunday deydilar: «Rasululloh sallallohu alayhi va sallamning paygʻambar boʻlmoqlaridan muqaddam qiz bolalarga, xoh ular katta boʻlsinlar va xoh norasida boʻlsinlar, meros berilmas erdi. Ugʻil bolalarga ham, agar ular balogʻatga yetgan boʻlsalar, meros taqsim qilinmas erdi. Olloh taolo bu qoidani bekor qilib, oʻzi xohlagancha miqdorda meros farz qildi: oʻgʻil bolaning xissasi ikki qizning hissasiga teng. Ota-onaning har biriga oltidan bir hissa, agar farzandlari boʻlmasa, uchdan bir hissa. Marhumning xotiniga sakkizdan bir hissa, agar oʻrtada farzand boʻlmasa, toʻrtdan bir hissa (tegadi)».

7-bob. Olloh taoloning qavli: «... xotinlarni zoʻrlik ila meros qilib olmoqlaringiz sizlarga halol ermas va bergan narsalaringizdan ba'zisini olmoq uchun ularni majburan olib qolmangizlar!»

(Islomdan avvalgi davrda vafot qilgan kishining ayolini erining qarindoshlari majburan oʻzlariga xotin qilib olar erdilar. Islom kelgandan soʻng ayollarga zulm boʻlgan bu odat man' etildi)

Ibn Abbos rivoyat qiladilir: «Oyatdagi «Lo ga'zuluhun-na» iborasi «Ularni majburan olib qolmangizlar» deganidir «Huuban» soʻzi ersa «gunoh» demakdur «Ta'uuluu» soʻzi «xohlaysizlar» ma'nosida, «nahlatun» soʻzi— «mahr» dur».

Ibn Abbos raziyallohu anhu bunday deydilar: «Ollohning «Ey moʻminlar, xotinlarni zoʻrlik ila meros qilib olmoqlaringiz sizlarga halol ermas va bergan narsalaringizdan ba'zisini olmoq uchun ularni majburan olib qolmangizlar!» degan oyati karimasi shul haqda nozil boʻlganki, islomdan ilgari oilada erkak kiti oʻlsa, uning qarindoshlari undan qolgan meros qatorida xotiniga ham zgalik qilishar erdi. Xohlashsa, uni oʻzlaridan biriga nikohlab qoʻyishar, xoxlashsa, birovga erga berib yuborishar yoki erga bermay olib qolishar erdi. Erning qarindoshlari marhumning xotiniga uning ota-onasadan ham koʻproq haqli erdilar. Olloh taolo mazkur oyatni nozil qilib, ayollarni zulmdan xalos etdi»

8-bob. Olloh taoloning qavli: «Har bir inson uchun ota-ona va qarindoshlar qoldirib ketgan merosga merosxoʻrlar ta'yin qilib qoʻydik

Oyatdagi «mavoliy» soʻzi «merosxoʻrlar» ma'nosida, «Sizlar ahdu paymon qilgan kishilar» deyishdan murod, «qasam ichib doʻst boʻlganlar»dur Amakivachcha, ozod qilingan qul, ozod qiluvchi quldor, podsho, shari'at oʻrgaguvchi ustoz ham «mavlo» deyiladi.

Ibn Abbos raziyallohu anhu bunday deydilar: «Ollohning «Har bir inson uchun mavoliy ta'yin qilib qo'ydik» degan qavlidagi «mavoliy» so'zi merosxurlardir «bizlar ahdu paymon qilgan kishilar» degan qavli ersa muhojirlarni anglatadi. Muhojirlar Madinaga kelganda Rasulul-loh ularni ansorlar birlan ahdu paymonli birodar qilib qo'ygan erdilar. Mana shu ahdga binoan, muhojir marhum ansor birodariga merosxo'r bo'lar erdi. Mazkur oyat nozil bo'lgach, muhojirlar birlan ansorlarning o'zaro merosxo'rligi bekor qilindi, endi ular vasiyatga binoan o'z nasibalarini oladirgan bo'ldilar».

Mazkur hadisni Abu Usoma Idrisdan, Idris ersa Talhadan eshitgan erkanlar

9-bob Olloh taoloning qavli: «Albatta, Olloh zarracha ham zulm qilmaydi»

Abu Sa'id al-Xudriy raziyallohu anhu bunday deydilar: «Payg'ambar alayhissalomning zamonlarida sahobalar «Ey Ollohning rasuli, qiyomat kuni Ollohni koʻramizmi?» — deb so'rashdi. Payg'ambar alayhissalom «Ha albatta ko'rasizlar. Aytinglarchi, kunduzi bulugiz osmondagi quyoshga qarab zarar ko'rurmisizlar?»— dedilar. Sahobalar «Yo'q», deyishdi. Rasululloh «Buluqiz osmondagi o'n to'rt kunlik oyga boqib zarar ko'rurmisizlar?»—dedilar. Sahobalar «Yo'q»—deb javob berishdi. Payq'ambar alayhissalom bunday deb aytdilar: «Xuddi shunday qiyomat kuni ham sizlar quyosh va oyga boqib zarar koʻrmaganingizdek, Ollohning jamolini koʻrib zarar koʻrmaysizlar. Oiyomat kuni bo'lganda muazzin azon aytadi. Har bir ummat o'zi ibodat gilgan narsaga ergashadi. Ollohga ibodat qilmay, sanam va butlarga sig'inganlarning barchasi do'zaxga tashla-nadilar, mahsharda faqat Olloh taoloning o'zigagina ibodat qilib, amali solihlar qilgan va qilolmagan kishilar birlan ahli kitoblargina qoladilar. Yahudiylar chaqirilib ulardan «Kimga ibodat qilardingizlar?»—deb soʻraladi. Ular: «Biz Ollohning oʻgʻli Uzayrga ibodat qilar erdik» — deb javob beradilar. Ularga: «Yo5:46 Igʻon aytyapsizlar, Ollohning xotini ham, o'q'li ham bo'lmagan»,— deyiladi. Keyin «Nimani xohlaysizlar?»—deb soʻraladi. Ular «Ey rabbimiz, biz tashnamiz, bizga, suv bergin!»—deyishadi. Ularga: «Tilagingiz bajariladi»,— deyilgay. Soʻng, ular doʻzax oldida jamlanadi. Undagi olov harorati bamisoli sarobdek Yahudiylar bir-birlarini itarib, surishib do'zaxga qulaydilar. Keyin, nasarolar chaqiriladi. Ulardan «Nimaga ibodat qilardingiz?» — deb so'raladi Ular: «Ollohning o'g'li Masihga ibodat qilardik»,— deydilar. Ularga «Yolg'on aytyapsizlar, Ollohning xotini va bolasi bo'lgan ermas»— deb javob beriladi Keyin «Nima xohlaysizlar?» — deb soʻraladi Ular suv soʻraydilar, suv ichishgach, doʻzaxga qulaydilar. So'ng, Olloh taolo mahsharda tanho qolgan solih va gunohkor musulmon bandalarining qoshiqa tanib olarli qiyofada kelib «Hamma ummat oʻzi sigʻingan narsasiga ergashib ketdi, sizlar nimani kutib turibsizlar?»— deydi. Musulmonlar «Bizlar, dushmanla-ring bo'lmish axli kitoblardan seni deb yuz o'girgan erdik, endi nechun ularga ergashaylik? Biz o'zimiz ibodat qilgan rabbimizni kutyaqshiz»,— deydilar. Olloh taolo «Men rabbingizman!» —deydi. Musulmonlar: «Biz Ollohga hech kimni sherik qilmaymiz!» deb ikki yoki uch bor aytadilar»

10-bob. Olloh taoloning qavli: «Ey Muhammad, biz har bir ummatdan guvoh chaqirgan paytimizda va sizni ularga guvoh qilganimizda (u ummatlarning) holi ne kechgay?!»

Al-Muxtol» va «al-xitol» bir ma'noda boʻlib, «takabbur va maqtanchoq» deganidur. «Natmisu vujuhan» — «Bir qancha yuzni teskari qilib qoʻygaymiz» degan ma'noda sa'iyr» ersa, «oʻt otash» deganidur.

Amr ibn Murra bunday deydilar: «Menga Janob Rasululloh «Qiroat qil!» deb buyurdilar. Men «Yo Rasulalloh, Qur'on sizga nozil boʻlgan-ku men sizga qiroat qilib ; berayinmi?» — dedim. Janob Rasululloh «Uni oʻzimdan boshqa odamdan eshitishni yaxshi koʻraman!» — dedilar. Men «Niso» surasini oʻqiy boshladim va uning «Ey Muhammad, biz har bir ummatdan guvoh chaqirgan paytimizda va sizni ularga guvox, qilganimizda (u ummatlarning) holi ne kechadi degan joyiga kelganimda, Janob Rasululloh «Toʻxta!» deb buyurdilar. Men toʻxtab qarasam, ul zotning ikki koʻzlaridan yosh quyilayotir».

11-bob. Olloh taoloning qavli: «Agar kasal boʻlsangiz yo safarda boʻlsangiz yoki hojatdan qaytgandan yohud ayol birlan yaqinlik qilgandan soʻng, suv topolmasangiz, toza tuproqqa tayammum qilingiz!»

Jobir raziyallohu anhu bunday deydilar: «Kofirlarning xukm surab murojaag qiladirgan shaytonlaridan biri Juhaynada va yana biri Aslamda erdi hamda har bir mahallada bittadan folbin boʻlib, ularga shayton kelib xabar yetkazib turar erdi».

Umar raziyallohu anhu «Al-Jibt» — «sehr» va «at-togʻut» — «shayton»,— deydilar.

Ikrima «Al-Jibt» habash tilida «shayton» va «togʻut» — «folbin»,— deydilar.

Oisha raziyallohu anho «Asmoning marjoni yoʻqoldi Paygʻambar alayhissalom uni topib kelish uchun bir necha kishini yubordilar. Ular yoʻldaligida namoz vaqti boʻlib qoldi, tahorat olay, desalar, suv yoʻq erdi, tahoraqiz namoz oʻqiyverdilar. Shunda, Olloh taolo «Tayammum» oyatini nozil qildi»,— deydilar

12-bob. Olloh taoloning qavli: «Ollohga itoat qilingizlar va uning rasuliga itoat qilingizlar hamda oʻzlaringizdan (musulmonlardan) boʻlgan hokimga itoat qilingizlar!»

Ibn Abbos raziyallohu aphu: «Ollohga itoat qilingizlar va uning rasuliga itoat qilishizlar hamda oʻzlaringizdan boʻlgan hokimga itoat qilingizlar!» degan oyat Abdulloh ibn Huzofa haqida nozil boʻlgan, chunki Rasululloh u kishini bir guruhga bosh qilib jihodga yuborgan erdilar»,— deydilar.

13-bob. Olloh taoloning qavli: «Bas, parvardigoringiz nomiga qasamki, ular oʻz oralarida chiqqan janjalga sizni hokim qilmagunlariga qadar moʻmin boʻlmaydilar...»

Urva ibn Zubayr bunday deydilar: «Zubayr ekin sug'orayotib ansorlardan bir kishi birlan suv talashib janjallashib qoldilar. Payg'ambar alayhissalom «Ey Zubayr, yeringni sug'orib

boʻlgach, suvni qoʻshningning yeriga ochib yubor!» —dedilar. Ansoriy norozi boʻlib «Yo Rasulalloh, ammavachchangizning foydasiga hal qildingiz!» —dedi. Shunda, Janob Rasulullohning yuzlari jahldan qizarib ketdi va «Ey Zubayr, yeringni sugʻorib boʻlgin-da, suvni bogʻla, soʻng suv qoʻrgʻon devoriga yetgandagina qoʻshningning yeriga ochib yubor!» — dedilar. Janob Rasululloh, ansoriy gʻazablarini keltirganda, Zubayrning huquqini unitmagan holda ikkalalariga ham maqbul boʻladirgan aniq hukm chiqardilar «Bas, parvardigoringiz nomiga qasamki, ular oʻz oralarida chiqqan janjalga sizni hokim qilmagunlariga qadar moʻmin boʻlmaydilar» degan oyat ana shul voqea xususida nozil boʻlgan, deb oʻylayman»,— deydilar Zubayr».

14-bob Olloh taoloning qavli: «Bas, ular Olloh taolo in'omiga sazovor bo'lgan payg'ambarlar... birlan birga bo'lurlar»

Oisha raziyallohu anho bunday deydilar «Men Rasulullohning «Har bir paygʻambarga kasallik vaqtida dunyo birlan oxiratdan birini tanlash ixtiyori beriladi» deganlarini eshitgan erdim. Ul zotni olib ketgan kasallik paytlarida qattiq xirillash paydo boʻldi. Shunda, men Janob Rasulullohning «... ular Olloh taolo in'omiga sazovor boʻlgan paygʻambarlar, siddiqlar va shahidlar birlan birga boʻlurlar» deb tilovat qilganlarini eshitdim va bundan oxiratni ixtiyor qilganlarini bildim».

15-bob. Olloh taoloning qavli: «Ey mo'minlar, sizlarga nima bo'ldiki, Olloh yo'lida va ul nochor, mazlum erlar va xotinlar... uchun jang qilyapsizlar...»

Ubaydulloh ibn Abu Yazid: «Ibn Abbosdan eshitgandim, u «Men va onam bechoralardan erdik» deb aytar erdi»,—deydilar.

Ibn Abu Mulayka aytadilar: «Ibn Abbos «... magar ul erlar va xotinlar va bolalarki, haqiqatda nochordurlar...» degan oyatni tilovat qilgach: «Men va onam Olloh uzrli sanagan kishilardan erdik»,— dedilar».

Ibp Abbos: «Hasirat» soʻzi «tor boʻldi» ma'nosida, «talvu» soʻzi «Tillaringiz shahodat kalimasini ayqa» degani»,— deydilar.

Boshqa bir mufassir: «Al-Murogim» soʻzi «muhojir» ma'nosida, «rogʻamat» degani «hojarat», ya'ni «hijrat qildm» ma'nosida, «mavqutan» soʻzi ersa «vaqti mu'ayyan» ma'nosidadur»,— deydilar.

16-bob. Olloh taoloning qavli: «Ey moʻminlar, nega sizlar munofiqlar xususida ikki guruhga boʻlinib oldingizlar? Axir, Olloh ularni qilmishiga yarasha ortlariga qaytardi-ku!»

Zayd ibi Sobit mazkur oyat hakida rivoyat qiladilar: «Paygʻambar alayhissalomning ashoblaridan koʻpchilik kishilar Uhud janggiga bormay, yoʻldan qaytdilar. Uhud janggidan keyin, musulmonlar ikkiga boʻlinib, ulardan bir guruhi jangdan qochgan munofiqlarni oʻldirishni, ikkinchi guruhi ersa, oʻldirmaslikni talab qildilar. Olloh taolo shu boisdan «Ey moʻminlar, nega sizlar munofiqlar xususida ikki guruhga boʻlinib oldingizlar?...» degan oyatni nozil qildi. Janob Rasululloh: «Darhaqiqat, Madina pokiza shahardur, u olov kumush tarkibidagi begona iflos moddalarni eritib chiqarib yuborgani yangligʻ, oʻzidan iflos (munofiqlarni) chiqarib tashlagay»,— dedilar».

17-bob. Olloh taoloning qavli: «Qachon ularga tinchlik yoki xavf-xatar xabari kelsa, uni atrofga tarqatadilar...»

Oyatdagi «yastanbitunahu» soʻzi «uni tashqariga chiqaradilar» ma'nosida, «hasiyban» soʻzi «qudrati yetarli» ma'nosida, «illo inoso» lafzidan murod, tosh, tuproq kabi jonsiz narsalardur. «Marid» soʻzi «itoaqiz» ma'nosida, «falayu-battikunna» soʻzi «kesadilar» ma'nosida, «qiylan» va «qavlan» soʻzlarining ma'nosi bir boʻlib, «muhrli, rost soʻz» dur.

18-bob. Olloh taoloning qavli: «Kimki qasddan bir moʻminni oʻldirsa, uning jazosi jahannamdur!»

Sa'id ibn Jubayr bunday deydilar: «Yuqoridagi oyat haqida Kufa ulamolari tortishib qolishib, Ibn Abbosning huzurlariga borishdi. Ibn Abbos raziyallohu anhu «Ushbu «Kimki qasddan bir moʻminni oʻldirsa, uning jazosi jahannamdur!» degan oyati karima shu haqda nozil boʻlgan eng oxirgi oyatdur. Bu oyatni boshqa bir oyat bekor qilgan ermas» deb javob berdilar».

19-bob. Olloh taoloning qavli: «Sizlarga salom bergan odamga: «Sen moʻmin emassan» — demangizlar»

«As-Silm» va «as-salm» hamda «as-salom» soʻzlarining ma'nosi birdur.

Ibn Abbos rivoyat qiladilar: «Bir odamning qoʻlida oʻlja bor erdi. Unga musulmonlar duch kelib qolishdi. Shunda, u ularga salom berdi. Ular uning salomiga e'tibor bermay, uni oʻldirib, oʻljasini tortib olishdi. Shunda Olloh taolo «Bu dunyo oʻljasini istab, sizlarga salom bergan odamga: «Sen moʻmin emassan» — demangizlar» degan oyatni nozil qildi».

20-bob. Olloh taoloning qavli: «Uz uylarida oʻltir-guvchi moʻminlar ila Olloh, taolo yoʻlida jihod qilguvchilar teng emaslar»

Saul ibn Sa'd rivoyat qiladilar: «Men Marvon ibn Hakamni masjidda koʻrib, yonlariga borib oʻltirdim. U kishi bizga Zayd ibn Sobitning quyidagi gaplarini aytib berdilar: «Janob Rasululloh menga «Uz uylarida oʻltirguvchi moʻminlar ila Olloh taolo yoʻlida jihod qilguvchilar teng emaslar» deb yozdirdilar. Shu payt, Abdulloh ibn Ummu Maktum kelib qolib: «Yo Rasulalloh, xudo haqi, agar jihod qilmoqqa yaraganimda, jihod qilgan boʻlur erdim!» — dedilar, chunki u kishi koʻr erdilar. Darhol, Olloh taolo oʻz rasuli sallallohu alayhi va sallamga «... illaqiz boʻlgan holda (oʻz uylarida oʻltirguvchilar)...» degan qavlini nozil qildi. Shunda ul zotning tizzalari mening tizzam ustida erdi, men shunday yuk sezdimki, hatto tizzam ezilib ketmasaydi, deb qoʻrqdim».

Barro ibn Ozib raziyallohu anhu bunday deydilar: «Uz uylarida oʻltirguvchi moʻminlar ila Olloh taolo yoʻlida jihod qilguvchilar teng emaslar» degan oyat nozil boʻlganda, Janob Rasululloh Zaydni chaqirib uni yozdirdilar. Shu payt Abdulloh ibn Ummu Maktum kelib, oʻzining illatli (koʻr) erkanligini aytib, shikoyat qildi. Shunda, Olloh taolo «... illaqiz boʻlgan holda (oʻz uylarida oʻltirguvchilar)...» degan qavlini nozil qildi».

Barro raziyallohu anhu bunday deydilar: «Uz uylarida oʻltirguvchi moʻminlar ila Olloh

taolo yoʻlida jihod qilguvchilar teng emaslar» degan oyat nozil boʻlganda, Janob Rasululloh: «Falonchini chaqiringizlar!»—dedilar. Chaqirilgan kishi siyoh, lavh yoki hayvon kuragi olib keldi. Ul zot unga: «Uz uylarida oʻltirguvchi moʻminlar ila Olloh taolo yoʻlida jihod qilguvchilar teng emaslar» deb yozgil!» — dedilar. Shunda, Janob Rasulullohning ortlarida Ibn Ummu Maktum turgan erdi, u: «Yo Rasulalloh, men illatli (koʻr) odamman!» — dedi. Olloh taolo shu ondayoq avvalgi qavli oʻrniga «Illaqiz boʻlgan holda oʻz uylarida oʻltirguvchilar ila Olloh taolo yoʻlida jihod qilguvchilar teng emaslar» degan qavlini nozil qildi».

Ibn Abbos: «Mazkur oyat Badr janggiga borgan va bormagan kishilar haqida nozil boʻlgan erdi»,— deydilar.

21-bob. Olloh taoloning qavli: «Darhaqiqat, oʻz jonlariga zulm qilganlarning jonlarini maloikalar olayotgan paytda: «Qay ahvolda erdingizlar?»— deb soʻrasalar, ular: «Bizlar bu mulkda bechoralar erdik»,— dedilar. Maloikalar ularga: «Agar hijrat qilaman desangizlar, Ollohning yeri keng erdi-ku!» — deb aytdilar»

Muhammad ibn Abdurrahmon bunday deydilar: «Madina ahlidan askar toʻplab Shom ahliga qarshi urushga yuborishga qaror qilindi (Bu voqea Makkada Abdulloh ibn Zubayr xalifa boʻlib turgan vaqtda sodir boʻlgan). Men Ibn Abbosning xizmatkori Ikrimaga uchrab, unga mazkur qarorni aytdim. Ikrima meni bu jangda qatnashishdan qaytarib, bunday dedi: «Menga Ibn Abbos xabar berdilarki, musulmonlarning ba'zilari paygʻambarimizning dushmanlari boʻlmish kofirlar birlan birga boʻlib, ularning sonini koʻpaytirishda yordam berganlar. Jangda ularga noma'lum yeqqan oʻq kelib tegib (yoki qilich tegib) halok boʻlganlarida, Olloh taolo ushbu «Darhaqiqat, oʻz jonlariga zulm qilganlarning jonlarini maloikalar olayotgan paytda...» degan oyatni nozil qildi».

22-bob. Olloh taoloning qavli: «Hijrat qilmoqqa biror chora topishga qodir boʻlmay, chorasiz qolgan erkak, ayol va bolalargina...»

Ibn Abbos raziyallohu anhu lazkur oyatni oʻqib: «Mening onam uzrini Olloh qabul qilganlar jumlasidan erdi»,— dedilar.

23-bob. Olloh taoloning qavli: «Bundaylarni Olloh shoyad afv qilsa, chunki Olloh afv qiluvchi va gunohlarni kechiruvchidir!»

Abu Hurayra raziyallohu anhu bunday deydilar: «Paygʻambar alayhissalom bir kuni xufton namozini oʻqiyotgan erdilar, Sami'allohu liman hamidah» deb tik turganlaridan soʻng, sajdaga bormasdan: «Yo Olloh, Iyosh ibn Abu Rafi'aga najot bergin, yo Olloh, Salama ibn Hishomga najot bergin, yo Olloh, Valid ibn Validga najot bergin, yo Olloh, moʻminlarning benajotlariga najot bergin, yo Olloh, Muzar avlodi boshiga qahatchilik solgin, ularga Yusuf alayhissalom davrlaridagidek qahatchilik yuborgin!»—deb iltijo qildilar».

24-bob. Olloh taoloning qavli: «Agar yogʻindan aziyat cheksangizlar yoki bemor boʻlsangizlar, qurollaringizni qoʻyib qoʻysangizlar, gunoh emasdur»

Ibn Abbos rivoyat kiladilar: «Ollohning «Agar yogindan aziyat cheksangizlar yoki kasal

bo'lsangizlar...». degan oyati Abdurrahmon ibn Avf haqida nozil bo'lgan, chunki u kishi yarador erdilar».

25-bob. Olloh taoloning qavli: «Ey Muhammad, sizdan ayollar haqida fatvo soʻraydilar. Ular toʻgʻrisida sizlarga Olloh hamda Qur'onda tilovat qilinadirgan etim qizlar haqidagi oyatlar fatvo beradi, deb ayting!»

Oisha raziyallohu anho bunday deydilar: «Ey Muhammad sizdan ayollar haqida fatvo soʻraydilar. Ular toʻgrisida sizlarga Olloh («ularga uylanmoqchi boʻlasizlar» degan qavligacha)» degan oyat qaramogida bir yetim qiz bor kishi haqida nozil boʻlgan erdi. Usha kishi qizga valiylik (homiylik) qilar, hatto unga tegishli xurmozor ham uning qoʻlida erdi, shuning uchun u arzongarov qizni oʻz nikohiga olmoqchi boʻldi. Qiz oʻzi yoqtirgan va moliga ega boʻlishiga ham rozi boʻlgan boshqa kishiga turmushga chiqay desa, qizganib rozi boʻlmadi va qizga zulm qilib, uni erga bermay ushlab turdi. Mazkur oyat shu haqda nozil boʻlgan».

26-bob. Olloh taoloning qavli: «Agar biror ayol eri tomonidan koʻngilsizlik yoki yuz oʻgirish sodir boʻlishidan qoʻrqsa...»

Ibn Abbos «Shiqoq» — «buzilish», «va uhzirat il-anfus-ush-shuhha» — «va dillarda mol hirsi mavjud-dur», «ka-l-mu'allaqati» — «na erli va na tul xotin kabi», «nushuzan» — «koʻngilsizlik» demakdur»,— deydilar.

Oisha raziyallohu anho bunday deydilar: «Agar biror ayol eri tomonidan koʻngilsizlik yoki yuz oʻgirish sodir boʻlishidan qoʻrqsa» degan oyati karima shunday kishi haqidaki, u xotinidan koʻngilsiz boʻlib, ajralmoqni istaydi, shunda xotin xushyorlik qilib: «Men sizni oʻzim xususimda ozod qilaman»,— deydi (ya'ni, erini oʻziga moyil qilmoq uchun mahrini biroz kamaytirilishiga yoki kundoshlariga nisbatan kamroq yeb, kamroq kiymoqlikka rozilik bildiradi va bu birlan ikki oʻrtada kelishuv yuz beradi, chunki Olloh taolo «va dillarda mol hirsi mavjuddur»,— degandur) Mazkur oyat shu haqda nozil boʻlgan».

27-bob Olloh taoloning qavli: «Munofiqlar albatta do'zaxning eng chuqur joyida bo'lurlar...»

Ibn Abbos «Ad-Dark ul-asfalu» do'zaxning eng tagidur»,— deydilar.

Ibrohim Asvad ibn Yaziddan naql qiladilar: «Biz Abdulloh ibn Mas'udning davralarida (suhbatlarida) erdik, Huzayfa kelib bizga salom berdilar-da «Sizlardan ko'ra yaxshiroq qavmga (ya'ni, sahobalarga) nifoq tushirilgan erdi»,— dedilar. Asvad «Subhonalloh, Olloh taolo «Munofiqlar albatta do'zaxning eng chukur joyida bo'ladilar»—deydi-ku!»— dedilar. Buni eshitib, Abdulloh kulib quydilar. So'ng, Huzayfa masjidning bir chetiga borib o'ltirdilar Abdulloh ersa, o'rinlaridan turib ketdilar, ashoblari ham tarqalishdi. Hamma ketgandan keyin, Huzayfa menga bir kichik tosh otib chaqirdilar, men yonlariga bordim Huzayfa menga: «Men Abdullohning gapiga tushungan bo'lsam ham, kulganidan ajablandim. Sizlardan yaxshiroq qavmga nifoq tushirilgani rost. Keyin, ular tavba qilishdi, tavbalarini Olloh taolo qabul qildi»,— dedilar».

28-bob Olloh taoloning qavli: «Biz Nuh va undan keyingi paygʻambarlarga vahiy yuborganimiz kabi sizga ham vahiy yubordik va biz Ibrohim, Ismoil,

Ishoq, Ya'qub, Ya'qubning avlodi, Iso, Ayyub, Yunus, Horun va Sulaymonga vahiy yubordik...»

Abdulloh raziyallohu anhu bunday deydilar: «Rasululloh sallallohu alayhi va sallam «Biror kishi «Men Yunus ibn Mattodan yaxshiroqman» deb aytmasligi lozim!» — dedilar.

Abu Hurayra raziyallohu anhu bunday deydilar: «Rasululloh sallallohu alayhi va sallam «Kimki «Men Yunus ibn Mattodan yaxshiroqman» desa, yolgon gapirgan boʻladi»,— dedilar».

29-bob. Olloh taoloning qavli: «Odamlar sizdan fatvo soʻrarlar, siz aytingki, Olloh taolo sizlarga merosxoʻri boʻlmaganlar haqida quyidagi oʻz hukmini bayon qilur: agar bir kishi oʻlsa-yu, uning farzandlari boʻlmay, faqat bir singlisi qolgan ersa, unga barcha merosning yarmisi berilur. Farzandi boʻlmagan singilga ersa, uning birodari vorislik qilur..-»

«Kalola» merosxoʻri boʻlmagan ota yoki oʻgildur. Barro raziyallohu anhu «Eng oxiri nozil boʻlgan sura «Baroat» surasidur va eng oxiri nozil boʻlgan oyat «Sizdan fatvo soʻrarlar» degan oyatdur»,— deydilar.

«AL-MOIDA» SURASINING TAFSIRI

1-bob («Al-Moida» surasida uchraydigan ayrim so'zlar tafsiri)

«Hurumun» koʻplik boʻlib, birligi «haromun», ya'ni «ehrom kiygan, ehrom boglagan holat» «Fa-bi-mo naqzihim miysoqahum»—«Ahdlarini buzganlari sababli», «alla-ti kataballohu»—«Olloh taqdir qilgan», «tabua» — «oʻz ustingga olmogingni», «doiratun» — «yomon hodisa, kulfat» demakdur. «Al-Igro» — «undash», «ujuruhunna» — «mahrlarini», «al-muhaymin» — «Qur'onga hamda undan burungi barcha kitoblarga iymon keltirgan shaxs» degan ma'noda-dur»,— deydi bir mufassir. Sufyon «Mening uchun Qur'onda «lastun alo shay'in hatto tuqiymuu-t-tavrota val-injiyla va mo unzila ilaykum min rabbikum» — «toki Tavrot va Injilga hamda parvardigoringizdan oʻzlaringiz-ga nozil qilingan barcha narsalarga amal qilmas erkansizlar, (toʻgʻri) yulda boʻlolmaysizlar» degan oyatdan koʻra kuchliroq oyat ioʻq «Maxmasa» — «ochlik», «man ahioho», ya'ni «kimki bir kishini nohaq oʻldirilmogʻidan saqlab qolsa, (goʻyo barcha odamlarni nohaq oʻldirilmogʻidan asrab qolgandek boʻladi)», «shir'atan va minhojan» — «shari'at va sunnat (bergandur)», «Fa-in usira» — «Agar xabar topilsa agar ma'lum boʻlib qolsa», «al-avlayoni» — «ikkisi hammadan yaqinroq» demakdur»,— deydilar.

2-bob Olloh taoloning qavli: «Bugun men sizlarga diyningizni mukammal qilib berdim»

Ibn Abbos: «Maxmasa—ochlik» degani deydilar.

Toriq ibn Shihobrivoyat qiladilar «Yahudiylar Hazrat Umarga «Sizlar bir oyatni qiroat qilursizlar, agar oʻshal oyat bizga nozil boʻlganida erdi, biz oʻshal kunni bayram qilib olur erdik!»—deyishdi. Hazrat Umar: «Men bu oyatning qachon va qaerda nozil boʻlganidan bexabarman»,— dedilar. Yahudiylardan biri: «Xudo haqi, men arafa kuni bu oyat nozil

boʻlganida Janob Rasulullohning qaerda turganlarini bilaman!» — dedi. Sufyon: «Ushal kun jum'amidi, yoʻqmidi, aniq bilmayman»,— deydilar».

3-bob Olloh taoloning qavli: «Agar suv topolmasangizlar, ul holda pok tuproqqa tayammum qilingizlar...»

«Tayammamuu» — «(astoydil) niyat qilingizlar» «Ommiyna» — «kelib tururlar» deganidur «Amamtu» va «tayammamtu» bir ma'noda

Ibn Abbos «Lomastum», «tamassuuhunna», «vallotiy daxaltum bihinna» va «al-ifzo» soʻzlarining barchasi ayolga yaginlik gilishni anglatadi»,— deydilar.

Paygʻambarimizning xotinlari Oisha raziyallohu anho bunday deydilar «Rasulullohning safarlaridan birida u kishiga hamroh boʻldik. Baydoʻ nomli joyga yetganimizda mening marjonim uzilib, tushib qoldi. Rasululloh uni qidirish uchun toʻxtadilar. Odamlar ham toʻxtashdi. Qaqragan choʻl boʻlib, odamlarda ham suv yoʻq erdi. Koʻpchilik Abu Bakr Siddiqning oldilariga borib «Koʻrmaysizmi qizingiz Oishaning qilgan ishini, Rasulullohni va odamlarni toʻxtatib, yoʻldan qoldirdi?»—deb shikoyat qilishdi. Abu Bakr Siddiq raziyallohu anhu tepamga kelganlarida Rasululloh boshlarini tizzamga qoʻyib uxlab yotar erdilar. Abu Bakr «Sen Rasulullohni ham, boshqalarni ham suvsiz choʻlda yoʻldan qoldirding, odamlarning oʻzlarida ham suv yoʻq» — deb menga dashnom berib, koʻksimga turta boshladilar. Rasululloh tizzamda uxlab yotganlari uchungina meni yiqitib yubormadilar. Tong otganda Rasululloh uygʻondilar, ammo suv yoʻq erdi. Shunda Olloh taolo «Tayammum» oyatini nozil qildi. Usayd ibn Hazir menga: «Ey Abu Bakr zurriyoti, bu muruvvat sizning sharofatingiz birlan boʻldi!» — deb xursandchilik izhor etdi. Keyin oʻzi mingan tuyani joyidan qoʻzgatgan erdik, marjonim uning tagidan chiqdi».

Oisha raziyallohu anho bunday deydilar: «Baydo'da mening marjonim uzilib, tushib qoldi. Madinaga yetay deb qolgan erdik. Payg'ambar alayhissalom tuyani cho'ktirdilar. Tuyadan tushib, mening quchog'imda uxlab qoldilar. Abu Bakr kelib mening ko'kragimga qattiq turtdilar-da «Marjoningni deb odamlarni yo'ldan qoldirding!»—dedilar. Jonim qattiq og'ridi, lekin Rasulullohning uyg'onib qolishlaridan xavotir olib, qimirlamadim. Nihoyat, Rasululloh uyg'ondilar subh namozi yaqinlashgan erdi, suv topolmadilar. Shu payt «Ey mo'minlar, namoz o'qimoqchi bo'lsalaringiz» degan oyat nozil bo'ldi Shunda Usayd ibn Hazir menga «Olloh taolo siz tufayli odamlarga muruvvat qildi, ey Abu Bakr zurriyoti! Sizlar Olloh taolo odamlarga ato etgan bir marhamatdursizlam!» — dedi»

4-bob. Olloh taoloning qavli: «O'zingiz rabbingiz birlan birga borib jang qilib kelaveringiz, biz ersak shu yerda o'ltirib turamiz»

Abdulloh ibn Mas'ud raziyallohu anhu bunday deydilar: «Badr kuni Miqdod: «Ey Ollohning rasuli, Banu Isroilning Muso alayhissalomga «Uzingiz rabbingiz birlan birga borib jang qilib kelaveringiz, biz ersak shu yerda oʻltirib turamiz» degan gapini biz sizga aytmaymiz, aksincha bizni yetaklangiz, biz siz birlan birgamiz!» — dedi. Bu gap Janob Rasulullohni mamnun qildi. Miqdodning Janob Rasulullohga shunday deganini Toriq ham rivoyat qilib tasdiqlaydilar».

5-bob. Olloh taoloning qavli: «Olloh va uning rasuliga qarshi urush olib boruvchi va mamlakatda buzgʻunchilik qiluvchi odamlarning jazosi shuldurkim, ular qatl qilinsinlar yokim dorga osilsinlar yohud qoʻlu oyoqlari qarama-qarshi tarafidan kesilsin yo ular mamlakatdan badarga qilinsinlar»

«Al-Muhoraba lillohi» — «Ollohga ishonmaslik»dur.

Salmon Abu Rajo rivoyat qiladilar: «Abu Qiloba bir kuni xalifa Umar ibn Abdulazizning taxtlari orgasida o'ltirgan erdilar. Saroy a'yonlari turli narsalar haqida so'zlashishdi. So'ng, qasam haqida gap ketdi, shunda barcha xalifalar ham qasamga binoan qasos olmogni amr gilganlar, deb aytishdi. Xalifa o'z orgalarida o'ltirgan Abu Qilobaga garab: «Ey Abdulloh ibn Zayd, bu masalada sizning fikringiz ganday?» — deb soʻradilar. «Shunda men,— deydilar Abu Qiloba,— uylangandan keyin zino qilgan kishi, birovni nohaq o'ldirgan kishi va Olloh birlan uning rasuliga qarshi urush qilgan kishigina oʻldirilishi kerak, deb bilurman»,— dedim. Anbasa oʻrnidan turib: «Anas bu haqda bizga unday va bunday deb rivoyat qilib bergan erdilar»,— dedi. Men (ya'ni, Abu Qiloba): «Anas ibn Molik menga ham shul haqda bunday deb rivoyat qilgan erdilar, ya'ni: «Bir gavm Janob Rasulullohning huzurlariga kelib, islomni gabul gildi. Soʻng, ular: «Bu yerning havosi bizni ilgadi»,— deyishdi. Janob Rasululloh: «Choʻlda bizning tuyalarimiz bor, u yerga borib, tuya suti va siydigidan ichib davolaningizlar!»—dedilar. Ular choʻlga borib, tuya suti va siydigidan ichib shifo topishdi. Keyin, islomni qabul gilib ichgan qasamlarini buzishib, tuyabonni o'ldirishdi-da, tuyalarni haydab ketishdi. Aytingizlarchi, ularning islomdan gaytib, odam o'ldirib, o'grilik gilganlaridan ham ogirrog gunoh bormi?!»—dedim. Anbasa: «Subhonalloh!»—dedi. «Meni yolgonchi, deb o'ylayapsanmi? Anas xuddi shunday rivoyat qilib berganlar»,— dedim men. Anbasa o'ltirganlarga: «Ey Shom ahli, modomiki mana shu odam (Abu Qiloba) oralaringizda bor erkanlar, xayriyatga erishaverasizlar!» — dedi».

6-bob. Olloh taoloning qavli: «Yetkazilgan jarohatlar uchun qasos olinadi»

Humayd raziyallohu anhu Anas ibn Molikdan nakl qiladilar: «Anas ibn Molikning ammalari Rabi' bir ansoriya qizning tishini sindirib qoʻydi. Qiz tomondagilar qasos olmoqni talab qilib Rasulullohning huzurlariga kelishgan erdi, ul zot qasos olmoqni buyurdilar. Anas ibn Molikning amakilari Anas ibn an-Nazr: «Yo Rasulalloh, xudo haqi, singlimning tishini sindirmangiz!» — dedi. Rasululloh: «Ey Anas, Ollohning buyurgani qasosdur!» — dedilar. Keyin, qizning qarindoshlari oʻzaro maslahatlashib, singan tish evaziga tovon olishga rozi boʻlishdi. Rasululloh: «Ollohning shunday bandalari borki, qasam ichsalar, unga vafo qiladilar!»—dedilar».

7-bob. Olloh taoloning qavli: «Ey rasul, rabbingizdan oʻzingizga nozil qilingan narsalarni (ummatingizga) yetkazingiz!»

Oisha raziyallohu anho bunday deydilar: «Kimki sizga: «Muhammad Olloh nozil qilgan narsalardan birortasini yashirdi»,— desa, shubhasiz, u yolgon gapiribdi, chunki Olloh: «Ey rasul, rabbingizdan oʻzingizga nozil qilingan narsalarni yetkazingiz!» — degandur».

8-bob. Olloh taoloning qavli: «Olloh sizlarni bil-may ogʻzingizdan chiqib ketgan qasamlaringiz uchun gunohkor qilmaydi»

Oisha raziyallouu anho bunday deydilar: «Mana bu «Olloh sizlarni bilmay ogzingizdan chikib ketgan qasamlaringiz uchun gunohkor qilmaydi» degan oyat kishining «Yoʻq, xudo haqi!», «Ha, shunday, xudo haqi!» deb qasam ichishi haqida nozil qilingandur».

Oisha raziyallohu anho rivoyat qiladilar: «Otam Abu Bakr Siddiq, Olloh taolo qasam kafforati haqidagi oyatini nozil qilguncha, bir marta xam qasamlarini buzmagan erdilar. Oyat nozil boʻlgach: «Men boʻlar boʻlmasga qasam ustiga qasam ichmagayman, agar ilgari ichgan qasamim ustiga qasam ichmogim zarur boʻlsa, Olloh taoloning ruxsatini qabul qilgayman-da, soʻng boshqa qasam ichgayman»,— der erdilar».

9-bob. Olloh taoloning qavli: «Ey moʻminlar, Olloh sizlarga halol qilib qoʻygan pokiza narsalarni harom qilmangizlar!»

Abdullohu ibn Mas'ud raziyallohu anhu bunday deydilar: «Biz Rasululloh birlan birga gazotga chiqur erdik. Xotinlarimiz uyda qolur erdi. Shunda biz: «Uzimizni bichib qo'ymaymizmi?»—deb o'zaro so'zlashdik. Janob Rasululloh bizni bundan qaytardilar. Shundan keyin, (begona) ayollarga (ular rozi bo'ladirgan) mablag evaziga (vaqtinchalik) uylanishga ijozat berdilar. Keyin, ushbu «Ey mo'minlar, Olloh sizlarga halol qilib qo'ygan pokiza narsalarni harom qilmangizlar!» degan oyatni qiroat qildilar». (Bu hadisda rivoyat qilingan voqea islomning boshida bo'lgan bo'lib, ayollarga muvaqqat uylanishga ruxsat jihodda yurgan musulmonlar uchun yengillik tariqasida berilgan erdi. Bunday vaqtinchalik nikohni Rasululloh keyinroq harom, deb man' etganlar. Hozirda ham bunday nikoh mavjud bo'lib, u «siyga!» nikoh. deb ataladi, unga faqat shiy'a mazhabidagilar amal qiladilar).

10-bob. Olloh taoloning qavli: «Ey mo'minlar, sharob, qimor, but va fol o'qlari nopok bo'lib, barchasi shayton amalidan bo'lgan harom ishlardur!»

Ibn Abbos: «Al-Azlom» fol ochishda qoʻllaniladigan oʻqlardur. «An-Nusub» ersa «butlar» boʻlib, butparastlar ularga qurbonlik qiladilar. Ba'zilchr: «Zalam» «azlom»ning birligi boʻlib, pat (par)siz kamon oʻqidur «Istiqsom» paqiz kamon oʻqlari birlan fol ochishdur»,— deyishadi»,— deydilar.

Ibn Umar raziyallohu anhu: «Sharobning haromligi toʻgʻrisida oyat nozil boʻlgan paytda Madinada uzumdan tayyorlanadirgan sharobdan tashqari yana besh xil ichimlik mavjud erdi»,— deydilar.

Anas ibn Molik raziyallohu anhu bunday deydilar: «Bizda sizlar «Faziyx» deb aytaydirgan ichimlikdan boshqasi yoʻq erdi. Men tik turib Abu Talhaga va falonchi birlan pistonchiga shu ichimlikdan quyib berayotgan erdim. Shu payt, bir kishi kirib keldi-da: «Sizlarga ham xabar yetdimi?» — deb soʻradi Ultirganlar: «Nima boʻldi?» — deb savolga savol birlan javob qaytarishdi. Kelgan odam: «Aroq harom qilindi»,— deyishi birlanoq hammalari: «Ey Anas, manavi xumni agdarib tashla!» — deb buyurishdi. Ular boyagi odamning xabaridan keyin, «Nima uchun?» deb soʻrashmadi ham, qayta sharobni ogizlariga olishmadi ham».

Jobir raziyallohu anhu bunday deydilar: «Musulmonlardan bir nechasi Uxud gazoti tongida sharob iste'mol qilishgan erdi. Keyin, barchalari gazotda shahid boʻlishdi. Bu vaqtda hali sharob harom qilinmagan erdi».

Ibn Umar raziyallohu anhu bunday deydilar: «Men Umar raziyallohu anhuning Paygʻambar alayhissalomning minbarlariga chiqib: «Ammo ba'd. Ey odamlar, sharobning haromligi toʻgrisida oyat nozil boʻlgan. U besh narsadan: uzumdan, xurmodan, asaldan. bugdoydan va arpadan tayyorlanadi. Aqlni ketkazadirgan ichimlik «sharob» deb aytiladi»,— deganlarini eshitganman».

11-bob. Olloh taoloning qavli: «Iymon keltirib, yaxshi amallar qilgan bandalar, agar taqvo qilib, iymon va yaxshi amallarida sobit qolsalar, iste'mol qilgan narsalari uchun gunohkor bo'lmagaylar, Olloh amali solih qiluvchilarni sevadi»

Anas raziyallohu anhu bunday deydilar: «Men Abu Talhaning uyida odamlarga sharob quyib berayotgan erdim. Sharobning haromligi haqida oyat nozil boʻlib, bir jarchi shul toʻgʻrida e'lon qildi. Abu Talha menga: «Bor, nima gap erkanligini bilib kel!»— dedilar. Men chiqib qarasam, jarchi: «Ogoh boʻlingizlar, sharob harom qilindi!» — deb baqirardi. Keyin, Abu Talha: «Bor, sharobni koʻchaga toʻkib kel!» — deb buyurdilar. Men sharobni Madina koʻchalaridan biriga olib chiqib toʻkdim. Madinaliklarning asosiy sharobi fazix erdi. Ba'zilar: «Sharob ichib jangda halok boʻlganlarning holi nima kecharkin?» —deb aytishdi. Shun-da, Olloh taolo «Iymon keltirib, yaxshi amallar qilgan bandalar, agar taqvo qilib, iymon va yaxshi amallarida sobit qolsalar, iste'mol qilgan narsalari uchun gunohkor boʻlmagaylar...» degan mazmundagi oyatni nozil qildi»

12-bob Olloh taoloning qavli: «... oʻzingizni ranjitib qoʻymogʻi ma'lum qilingan narsalar xususida soʻramangizlar...»

Anas ibn Molik raziyallohu anhu bunday deydilar: «Bir kuni Rasululloh xutba oʻqidilar, unday xutbani ilgari eshitmagan erdim. Ul zot «Agar men biladirgan narsani sizlar ham bilganlaringizda erdi, ozroq kulib, koʻproq yiglardingizlar!» — dedilar. Shunda barcha sahobalar yuzlarini berkitishib, piqillab yiglay boshlashdi. Shu payt oʻltirganlardan biri «Mening otam kim?» — deb soʻrab qoldi. Janob Rasululloh «Otang falonchi»—deb javob berdilar. Shunda Olloh taoloning «oʻzingizni ranjitib qoʻymogi ma'lum qilingan narsalar xususida soʻramangizlar» degan oyati nozil boʻldi» Bu hadisni Nazr va Ruh ibn Uboda ham Shuʻbadan naql qilib rivoyat qilganlar

Ibn Abbos raziyallohu anhu bunday deydilar «Qavm Janob Rasulullohni mazax qilib, boʻlar-boʻlmas savollar bera boshladi. Bir kishi «Mening otam kim?» — desa, ikkinchisi yoʻqolgan tuyasini soʻrab «Mening tuyam qaerda?» — deb savol berar erdi. Shunda Olloh taolo «Ey moʻminlar, oʻzingizni ranjitib qoʻymogi ma'lum qilingan narsalar xususida soʻramangizlar va agar Qur'on nozil boʻlayotgan paytda shunday savollar bergan boʻlsangizlar, ma'lumingiz boʻlsinkim, Olloh buning uchun sizlarni afv etdi, Olloh magʻrifatli rahimdil zotdur!» degan oyatni nozil qildi»

13-bob. Olloh taoloning qavli: «Olloh taolo muqarrar qilmadi bahiyrani va nasoibani va na vasiylani va na homiyni...»

«Moida» soʻzi lugatda «dasturxon solib tuzab qoʻyilgan xontaxta» boʻlib, shaklan ismi foʻil boʻlsa ham, ma'nan ismi maf'uldur, ya'ni «tuzab qoʻyilgan»deganidur. Xuddi «Iyshatun roziyatun» va «tatliyqatun boinatun» soʻzlariga oʻxshaydi. Bular ham ismi foil shaklida, ammo «farovon, kishi rozi boʻladirgan hayot» va «taloq qilingan (ayol)»

ma'nolarini anglatadi.

Sa'id ibn Musayyab bunday deydilar: «Bahiyra» — suti butlarga atalgan tuya bo'lib, biror kishi uni sogishi mumkin bo'lmagan «Soiba» ham butlarga atalgan tuya bo'lib, kasallikdan tuzalgan kishi uni o'z holiga qo'yib yuborar erdi, unga yuk ortish mumkin ermas erdi».

Abu Hurayra rivoyat qiladilar: «Rasululloh sallallohu alayhi va sallamning bunday deganlarini eshitganman: «Men Amr ibn Omirni doʻzaxda koʻrdim, u oʻz qurbonligini sudrab yuribdi chunki u butga atab tuyasini qoʻyib yuborgan birinchi odam erdi». «Vasila» — urgochi boʻtaloq tugadigan tuya boʻlib, qurbonlik tarzida uni butlarga atab qoʻyib yuborishgan. «Homiy» — erkak tuya boʻlib,uning pushtidan bir qancha boʻtaloq tugilgach, butlarga atab quyib yuborishgan unga yuk ortish man' qilingan».

Oisha raziyallohu anho rivoyat qiladilar: «Rasululloh «Men jahannamni koʻrdim, lovillagan alangalari bir-birini yutyapti. Unga birinchi boʻlib kirgan Amrni ham koʻrdim, u oʻz qurbonligini sudrab yuribdi, chunki u butga atab tuyasini qoʻyib yuborgan birinchi odam erdi»,— dedilar»

14-bob Olloh taoloning qavli: «Men ularning oralarida boʻlgan paytimda ulardan xabardor boʻlib turdim. Meni huzuringga chorlaganingdan soʻng, sen oʻzing ularni kuzatib turgan erding. Sen oʻzing hamma narsaga guvohdirsan!»

Ibn Abbos raziyallohu anhu bunday deydilar: «Rasululloh bir kuni xutba oʻqidilar-da «Ey odamlar, albatta hammangiz Olloh taolo huzurida yalang oyoq, yalangʻoch va xatna qilinmagan holda toʻplanasizlar»,— dedilar, keyin. «Avval qanday yaratgan boʻlsak, oʻsha holga qaytaramiz, bu zimmamiz-dagi va'dadur, uni albatta bajaruvchidurmiz» degan oyatni tilovat qildilar. («Al-Anbiyo» surasi, 104-oyat) Soʻng, bunday dedilar: «Ogoh boʻlingizlar, Qiyomat kuni insonlardan birinchi boʻlib Ibrohim alayhissalomga libos kiydiriladi. Ogoh boʻlingizlar, ummatlarimdan bir necha kishini chap taraflaridan mahkam ushlagan holda olib kelishadi. Men «Ey rabbim, bular mening ashoblarim-ku!» — deyman. Shunda «Albatta, siz oʻzingizdan keyin bularning qanday fitnalar sodir qilganlarini bilmassiz»,— deyilgay. Men Ollohning solih bandasi (Iso ibn Maryam) aytganlaridek «Men ularning oralarida boʻlgan paytimda ulardan xabardor boʻlib turgan erdim. Meni huzuringga chorlaganingdan soʻng, sen oʻzing ularni kuzatib turgan erding. Sen oʻzing hamma narsaga guvohdirsan (xabardordursan)»—deyman. «Darhaqiqat, bularni tark etganingizdan buyon, bular murtadlik qilurlar» deb aytilgay».

Ibn Abbos raziyallohu anhu rivoyat qiladilar: «Paygʻambar alayhissalom bunday dedilar: «Albatta sizlar Olloh taolo oldida jam' qilinasizlar. Odamlarning ba'zilari chap tomonlaridan ushlanadilar. Shunda men solih banda (Iso ibn Maryam) aytganlaridek: «Men ularning oralarida boʻlgan paytimda ulardan xabardor boʻlib turdim. Meni huzuringga 15-bob. Olloh taoloning qavli: «Agar sen ularni azoblasang, ular oʻzingning bandalaringdurlar, agar ularni magʻfirat qilsang, albatta sen qudrat va hikmat egasisan»chorlaganingdan soʻng, sen oʻzing ularni kuzatib turgan erding. Sen oʻzing hamma narsaga guvohdursan. Agar sen ularni azoblasang, ular oʻzingning bandalaringdurlar, agar ularni magfirat qilsang, albatta sen qudrat va hikmat egasisan»,— deyman».

«AL-AN'OM» SURASI

Ibn Abbos raziyallohu anhu bunday deydilar: «Olloh taoloning «Summa lam takun fitnatuhum» degan qavlidagi «fitnatuhum» soʻzi «aldov, oʻzini oqlash» ma'nosidadur (23-oyatda). «Ma'ruushot» —ishkomga ko'tarib qo'yilgan tok va boshqa o'simliklardur (141-oyatda). «Hamuula»—yuk ortiladigan hayvonlardur (142-oyatda), «La-labasno» so'zi «adashtirgan bo'lur erdik» ma'nosida (9- oyatda). «Va yanavna» so'zi «uzoqlashadilar, qochadilar» ma'nosida (26-oyatda). «Tubsala» soʻzi «sharmanda bo'lish» ma'nosida (70-oyatda). «Bosituu aydiyhim» — «qo'llarini cho'zib» deganidur (93- oyatda). «Istaksartum» so'zi «ko'pchilikni adashtirdingiz» ma'nosida (128-oyatda). «Zaraa minal-harsi» «(Olloh taolo) yaratgan ekindan» deganidur (136-oyatda). «Ammash-tamalat» so'zi «ichidagi bolasi» ma'nosida (143- oyatda). «Akinnatun» soʻzining birligi «kinon» boʻlib, ma'nosi «parda» dur (25- oyatda). «Masfuuhan» soʻzi «oqib turgan» ma'nosida (145-oyatda). «Sodafa» so'zi «yuz o'qirtirish» ma'nosida (157oyatda). «Mublisuuna» so'zi «noumid gilindilar» deganidur (44- oyatda). «Ubsiluu» so'zi «azobga giriftor qilindilar» ma'nosida (70-oyatda). «Sarmadan» so'zi «doimo» deganidur. «Istahvathu» so'zi «yo'ldan ozdirdi» ma'nosida (71- oyatda). «Vagrun» so'zi «garanglik» ma'nosida (25- oyatda), agar «Viqrun» bo'lsa, «yuk» deganidur. «Asotiyr» soʻzining birligi «ustuura» yoki «istora» boʻlib, ma'nosi «choʻpchak, hikoyadur (25oyatda). «Al-Ba'sou» so'zi agar «ba's»dan bo'lsa, «qiyinchilik, mashaqqat», agar «bu's» dan bo'lsa, «falokat,ofat» deganidur (42- oyat-da).«Jahratan» so'zi «ochiq, oshkora» ma'nosida (47-oyatda) «As-Suur» so'zi «suurat» so'zining ko'pligi (bo'lib, «karnay» ma'nosida, 73-oyatda). «Malakuut» so'zi «mulk» ma'nosida (75- oyatda). «Janna» so'zi «qorong'u bo'lmoq» demakdur (76-oyatda). «Ta'olo» so'zi «yuksak, buyuk, ulug'» (100oyatda). «Va in ta'dil kulla adlin, lo yu'xaz minho» — «agarchi har gancha tavba qilmasin (tovon bermasin), qabul qilinmas» deganidur (70-oyatda). «Alallohi husbonuhu» deyilganda «Uning hisob-kitobi Ollohning zimmasida» deb tushiniladi. Ba'zan «Husbonun» shaytonga otiladirgan tosh ma'nosida ham qo'llaniladi. «Mustagarrun (fis-sulbi)» va «mustav-da'un (fir-rahmi)» so'zlari «Olloh shunday zotki, sizlarni bir jondan paydo qilib, sizlarga ona qornida qarorgoh va ota pushtida vaqtincha turadirgan joy qildi» degan oyatda mavjud (98-oyat). «Al-Qinvu» soʻzi «gʻujum» ma'nosida, ikkiligi ham, ko'pligi ham «ginvoni», xuddi «sinvun» va «sinvoni»ga o'xshaydi (99- oyatda).

1-bob. Olloh taoloning qavli: «Parvardigor huzurida g'aybning kalitlari bor, uni yolg'iz uning o'zidan boshqa hech kim bilmaydi»

Abdulloh ibn Umar raziyallohu anhu bunday deydilar: «Rasululloh: «G'aybning kalitlari beshta»,— dedilar-da, «Luqmon» surasining quyidagi 34- oyatini qiroat qildilar: «Qiyomatning qachon boʻlishini Ollohning oʻzigina biladi, yomgʻirni Olloh yogʻdiradi, ona qornidagi homilaning oʻgʻilmi qizligini Olloh biladi, hech bir odam ertaga nima ish qilishini bilmaydi va hech bir odam qaerda oʻlishini bilmaydi, albatta Olloh hamma narsani biluvchi va hamma narsadan xabardor zotdur».

2-bob. Olloh taoloning qavli: «Ey Muhammad, «U sizlarga tepangizdan yoki oyoqlaringiz ostidan azob yuborishga yoki sizlarni guruh-guruh qilib boʻlib yuborib, biringizning zararingizni ikkin-chingizga totdirishga qodirdur» deb aytingiz!»

Jobir raziyallohu anhu bunday deydilar: «Janob Rasululloh Olloh taoloning «Ey Muhammad, «U sizlarga tepangizdan... azob yuborishga... qodirdur» deb aytingiz!» degan qavlini oʻqib «Uz panohingda asra» — dedilar, «yoki oyoqlaringiz ostidan» degan qavlini oʻqib ham «Uz panohingda asra!» —dedilar, «yoki sizlarni guruh-guruh qilib boʻlib yuborib, biringizning zararingizni ikkinchingizga totdirishga qodirdur» degan qavlini oʻqigach ersa, «Bu osonroq!»—deb qoʻydilar»

3-bob. Olloh taoloning qavli: «Iymon keltirgan va iymonlarini zulm birlan bulg`amagan kishilar omonlik topgaylar va ular hidoyatga erishgan bandalardur»

Abdulloh ibn Mas'ud bunday deydilar «iymonlarini zulm birlan bulg'amaganlar» degan oyat nozil bo'lganda sahobalar «Qaysi birimiz zulmdan xolimiz?» — deyishdi, shunda «Albatta, shirk eng katta zulmdur!» degan oyat nozil bo'ldi»

4-bob. Olloh taoloning qavli: «... va Yunusga va Lutga hidoyat qilib, hammalarini butun olam axlidan afzal qildik»

Ibn Abbos raziyallohu anhu rivoyat qiladilar: «Paygʻambar alayhissalom «Hech bir banda «Men Yunus ibn Mattodan yaxshiroqman» demasligi lozim»,— dedilar»

Abu Hurayra raziyallohu anhu rivoyat qiladilar: «Paygʻambar alayhissalom «Hech bir banda «Men Yunus ibn Mattodan yaxshiroqman» demasligi lozim»,— dedilar»

5-bob. Olloh taoloning qavli: «Ana oʻshalar Olloh hidoyat qilgan kishilardur, oʻshalarning yoʻllarigagina yuringiz!»

Sulaymon al-Ahval Mujohid raziyallohu anhu haqlarida bunday deydilar: «Mujohid Ibn Abbosdan «Sod» surasida sajda bormi?» — deb soʻradilar. Ibn Abbos «Ha»—deb javob berdilar-da, («Al-An'om» surasidagi) quyidagi oyatlarni o'qidilar. «Biz Ibrohimga İshoq va Ya'qubni hadya etdik. Bularning barchalariga hidoyat qildik. Ilgari Nuhga ham hidoyat gilgan erdik. Uning zurriyotidan bo'lmish Dovud, Sulaymon, Ayyub, Yusuf, Muso va Horunga ham hidoyat qildik. Amali solih qiluvchilarni mana shunday mukofotlaymiz Zakariye, Yahyo, Ilyos va Isoga ham hidoyat qildik. Ular barchalari ham solih bandalardandur. Ismoil, al-Yasa', Yunus va Lutga ham hidoyat gildik va hammalarini butun olam ahlidan afzal qildik. Ularning ota-bobolari, zurriyotlari va birodarlaridan ba'zilarini tanlab olib, ularni ham to'g'ri yo'lga hidoyat qildik. Ollohning hidoyati shundaydur, u o'zi xohlagan bandasiga hidoyat qilgay. Agar ular mushrik bo'lganlarida erdi, qilgan amallari behuda ketgan bo'lur erdi. Ana o'sha zotlarga Kitob, hikmat va payg'ambarlik ato etganmiz Bas, bu oyatlarni (so'zlarni) anavilar inkor eqalar, ularni inkor qilmaydirgan qavmga topshirib qo'yganmiz. Ana o'shalar Olloh hidoyat qilgan kishilardur. Bas, o'shalarning yo'llarigagina yuringiz!» (84—90- oyatlar). Keyin (Ibn Abbos) «Dovud ham o'sha payg'ambarlardandurlar, payg'ambaringiz sallallohu alayhi va sallam ularga ergashishga buyurilgandurlar»,— dedilar».

6-bob Olloh taoloning qavli: «Yahudiylarga har bir tuyoqli hayvonni harom qildik, mol-qo'ylarning yog'larini ham ularga harom qildik».

Ibn Abbos «Har bir tuyoqli hayvon — bu tuya birlan tuya qush»,— deydilar.

Boshqalar «Hoduu», ya'ni «yahudiy boʻlganlar» degani, ammo «Inno hudno» ning ma'nosi» — «Albatta, bizlar tavbaqildik», «Hoid» ersa «Tavba qiluvchi»dur»,— deyishadi.

Jobir raziyallohu anhu rivoyat qiladilar: «Paygʻambarimiz alayhissalom «Olloh yahudiylarni halok qilsin, ularga Olloh hayvonlar yogʻini harom qilgan vaqtda, ular yogʻlarni toʻplab, pulga sotib, pulini yedilar»,— dedilar».

7-bob Olloh taoloning qavli: «Buzuq ishlarning oshkorasiga ham, maxfiysiga ham yaqinlashmang!»

Abdulloh ibn Mas'ud raziyallouh anhu bunday deydila: «Biror kishi Ollohdan ko'ra rashkliroq ermas, shuning uchun u yashirin ham, oshkora ham buzuqlik qilishni harom qildi. Biror kishi maqtovni Ollohchalik yaxshi ko'rmaydi. Shuning uchun u o'zini maqtadi»

Amr ibn Murra bunday deydilar: «Men Abu Voildan «Siz bu hadisni Abdullohdan eshitdingizmi?» — deb soʻradim. U kishi «Ha»,— deb javob berdilar. Men «Abdulloh Rasulullohga nisbat berdilarmi?»—deb soʻradim. Abu Voil «Ha»,— dedilar»

«Vakil» soʻzi «saqlovchi, ihota qiluvchi» ma'nosida Qubulan» «qabiyl» soʻzining koʻpligi, ma'nosi—«nav',tur» boʻlib, azoblarning ham turi bor, har bir azob turi «qabiyl» deyiladi. (Bu soʻz 111-oyatda mavjud) «Zuxru-fa-l-qavli»—«usti yaltiroq — ichi qaltiroq soʻz», ya'ni yaramas, qabih narsani oʻrab, bezab koʻrsatilsa, «zuxruf» deyiladi (Bu soʻz 112-oyatda bor).

8-bob. Olloh taoloning qavli: «Qiyomat kuni keltirgan iymoni foydasizdur!»

«Halumma shuhadoakum»ning ma'nosi «guvohlaringizni (ulamolaringizni) chaqiringizlar» boʻlib, «halumma» soʻzi hijozliklar tilida ishlatiladi, uning birligi, ikkiligi va koʻpligi ham bir xil koʻrinishdadur (bu soʻz 150-oyatda bor).

Abu Hurayra raziyallohu anhu xabar beradilar: «Rasululloh «Toki Quyosh oʻzi botadirgan tomondan chiqmas erkan, qiyomat qoim boʻlmaydi. Quyoshning magʻribdan chiqqanini koʻrgan odamlar darhol iymon keltira boshlaydilar, ammo endigi iymon, avvalroq keltirmaganlari uchun, hech kimga foyda bermaydi»,— dedilar».

Abu Hurayra raziyallohu anhu xabar beradilar: «Rasululloh: «Quyosh magʻribdan chiqmaguncha qiyomat boʻlmaydi. Uning magʻribdan chiqqanini koʻrgan odamlar darhol iymon keltiradilar, ammo bu vaqtda keltirilgan iymon naf qilmaydi»,— dedilar. Soʻng (158-) oyatni tilovat qildilar».

«AL-A'ROF» SURASI

Ibn Abbos raziyallohu anhu bunday deydilar: «Riyoshan» — «mol» ma'nosida, (Osim qiroatida bu soʻz «riyshan» shaklida oʻqiladi, 26- oyat). «Darhaqiqat, Olloh haddan oshuvchilarni yaxshi koʻrmaydi» degan jumla (55- oyat) duo va boshqa narsalar xususidadur «Afav» soʻzi «koʻpaysinlar» ma'nosida boʻlib, mol yoki farzandlarning koʻpayishi nazarda tutiladi. (95- oyat). «Al-Fattoh» — «Hukm qiluvchi» boʻlib, «Iftah

baynano (va bayna qavmino)» — «Biz birlan qavmimiz oʻrtasida hukm qil» deganidur. (89- oyat). «Nataqno» soʻzi «koʻtardik» ma'nosida (171-oyat). «Inbajasat» soʻzi «otilib chiqdi» demakdur (160-oyat). «Mutabbarun»— «barbod boʻlguvchi» ma'nosida (139-oyat) «Oso» «achinaman» ma'nosida, «taasso» «achindi» degani (93-oyat)»

Ibn Abbosdan boshqa ulamolar bunday deyishadi: «Mo mana'aka allo tasjuda» jumlasidagi «lo» ortiqcha bo'lib, ma'nosi «Sajda qilmoqliqingga nima monelik qildi» deganidur (12- oyat) «Iaxsifoni» — ikkalasi oʻray boshladi», ya'ni «(Odam va Havo) ikkalalari o'z avratlarini jannatdagi barglar birlan o'rab, berkita boshladilar» degan ma'noda (22-oyat) «Savotuxumo»ning ma'nosi — «ikkalalari o'z avratlarini» deganidur (22-oyat) «Mato'un» — «foydalanish» ma'nosida (24- oyat) «Qabiyluhu» — «unga o'xshashlar» deganidur (27- oyat). «Iddorakuu» — «bir-birlari birlan topishurlar demakdur (38- oyat). Inson va hayvon a'zolarining hammasi «sumuum» deyiladi, birligi ersa «sammun» bo'lib, ko'zi, burni, og'zi, qulog'i, keti, olatining uchini anglatishi mumkin (40- oyat). «G'avosh» so'zi «to'shak»dur (41- oyat). «Nushran» — «yoyilgan» degan ma'noda (Osim giroatida bu so'z «bushran» deb o'gilib, «bashorat, bashorat keltiruvchi» degan ma'nodadur (57- oyat). «Nakidan» «oz» yoki «giyin» deganidur (58oyat) «Yag'nav» so'zi «yashaganlar» ma'nosida (92-oyat). «Haqiygun»— «chin, rost» degani (105- oyat). «Istarhabuuhum» — «rahbatun» soʻzidan boʻlib, «qoʻrqitdilar» deganidur (116-oyat) «Talqa-fu» — «yuta boshladi» ma'nosida (117-oyat) «Toiruhum» — «shumliklari, baxtiqaroliklari» deganidur (131-oyat) «Tufon» — «sel» degani, ba'zida ko'p o'limga ham «tufon» deyiladi (133-oyat). «Qummal»—«bit» ma'nosida (133-oyat). «Uruush» va «ariysh»— «imorat» bo'lib, «ya'rishuuna» — «baland (imorat) gurardilar» degan ma'noda (137- oyat). «Suqita» — «pushaymon bo'ldilar» degani (149-oyat) «Al-Asbot»— «Banu Isroil qabilalari» (159- oyat) «Ia'duuna fis-sabti» — «Shanba kuni (xususida) haddan oshdilar» degani (163-oyat) «Shurra'an—«ochiq, (suv betida) koʻringan holda» ma'nosida (163-oyat) «Baiysun» — «gattiq» degani (165-oyat) «Axlada ilal-arzi» «er-ga (mol-dunega) mukkasidan ketdi» ma'nosida (176- oyat) «Sanastadrijuhum» — «ohista, ohista (halokat yoqasiqa) olib kelamiz» degani (182oyat) «Min jinnatin»— «jinnilik (dan)» demakdur (184- oyat) «Fa-marrat bihi» — «uni (homilani) olib yurdi, ya'ni homilador bo'lib yurdi» degani (189-oyat) «Yanzag'annaka»— «(shayton) vasvasa qilsa» ma'nosida (200-oyat). «Toifun»— «vasvasa»dur (201-oyat). «Iamudduunahum» — «yordam beradilar» ma'nosida (202oyat) «Xiyfatan»—«qo'rqib» deganidur (205-oyat) «Al-Osol» so'zining birligi «asiyl» bo'lib, asr va shom oralig'idagi paytni bildiradi (205-oyat)»

1-bob. Olloh taoloning qavli: «Parvardigorim, xoh oshkor, xoh yashirin boʻlsin, buzuqliklarni harom qildi»

Amr ibn Murra bunday deydilar: «Men Abu Voildan: «Bu hadisni sen Abdulloh ibn Mas'uddan eshitdingmi?» —deb soʻradim. Abu Voil: «Ha, oʻzim eshitdim» —deb Abdullohga nisbat berdi-da: «Ollohdan koʻra rashkliroq zot yoʻq, shuning uchun ham Olloh buzuqlikning oshkorini ham, yashirinini ham harom qildi. Ollohdan koʻra maqtovni yoqtiradirganroq zot ham yoʻq, shuning uchun u oʻzini maqtadi»,— dedi».

2-bob. Olloh taoloning qavli: «Muso va'dalashgan vaqtimizda Tur tog'iga kelgach, parvardigori unga so'zladi, shunda u: «Parvardigorim, menga jamolingni (tuhfa et) ko'rsat, men seni bir ko'ray!» — dedi. Olloh: «Sen meni hargiz ko'rolmassan va lekin tog' tarafiga boqgil, agar ul o'z joyida salomat

qolsa, sen meni koʻra olursan»,— dedi. Bas, parvardigori togʻga jamolin jilvasin tushirib erdi, togʻni yer birla yakson qildi va Muso behush boʻlib yiqildi, soʻng oʻziga kelib:» (Ey poko-parvardigoro, men sengʻa tavba qildim va men moʻminlarningʻ avvalidurman»,— dedi»

Ibn Abbos: «Ariniy» — «Menga ato et, menga tuhfa et» degan ma'nodadir»,— deydilar.

Abu Sa'id al-Xudriy raziyallohu anhu rivoyat qiladshar: «Rasulullohning huzurlariga bir yahudiy kelib, yuziga shapaloq yeganidan shikoyat qildi-da: «Ey Muhammad! Sizning ansoriy ashoblaringizdan biri yuzimga shapaloq urdi»,— dedi. Janob Rasululloh yahudiyni urgan ansoriyni chaqirtirdilar va: «Nima uchun yuziga urding?» — deb so'radilar. Ansoriy: «Yo Rasulalloh, men yahudiylar oldidan o'tib ketayotgan erdim. Shunda ulardan birining «Musoni butun insoniyatdan ulug qilgan zotga qasam ichamanki...» deganini eshitib qoldim. Men borib: «Muhammaddan ham ulugmi?»— degan erdim, u: «Muhammaddan ham»,— dedi. Jahlim chiqib, men uning yuziga shapaloq tortib yubordim»,— dedi. Rasululloh: «Meni boshqa payg'ambarlardan yaxshiroq, deb ajratmangizlar. Qiyomat kuni odamlarning hammasi behush bo'lib yiqiladi. Birinchi bo'lib men hushimga kelaman. Qarasam, ro'paramda Muso Arsh ustunlaridan birini ushlab turgan bo'ladilar. Hazrat Muso mendan avval o'zlariga keldilarmi yoki Tur togida behush bo'lib yiqilganliklari evaziga bu gal behush qilinmadilarmi, buni bilmagayman»,— dedilar».

«Al-Mannu vassalvo» — koʻrinishi limonga oʻxshagan shirin meva va bedanadur.

Payg'ambar alayhissalom: «Qo'ziqorin ham Olloh taolo osmondan tushirgan ne'matlardandur. Uning suvi ko'z ogrigiga shifodur»,— dedilar.

3-bob. Olloh taoloning qavli: «Ey odamlar, yeru osmonlarning egasi boʻlmish Ollohning sizlarga yuborilgan rasuliman, deb ayting!»

Abu Dardo' raziyallohu anhu aytadilar: «Abu Bakr birlan Umar o'zaro tortishib qolishdi. Abu Bakr bir narsa xususida Umarning achchiglarini chigargan erdilar, u kishi gazablanib turib ketdilar. Shunda Abu Bakr Umarning orgalaridan kechirim so'rab goldilar, ammo Umar kechirmay, Abu Bakrning yuzlariga darvozani taraqlatib yopib chiqib ketdilar. Abu Bakr Siddig Janob Rasulullohning oldilariga keldilar, biz ul zot birlan birga o'ltirgan erdik. Rasululloh voqe'adan xabar topganlaridan so'ng: «Ammo, birodarlaringiz (ya'ni, Abu Bakr) xayriyatga birinchi bo'lib erishgandur!»—deb aytdilar. Janob Rasulullohning bu gaplari Umar raziyallohu anhuga yetib borgandan so'ng, u kishi o'zlaridan sodir bo'lgan ishga koʻp nadomat chekdilar. Soʻng, payg'ambarimizning oldilariga kelib salom berdilarda, ul zotning ro'paralarida o'ltirib bo'lgan voqeani aytib berdilar. Janob Rasululloh Hazrat Umardan gazablandi-lar. Buni ko'rib, Abu Bakr Siddig raziyallohu anhu: «Yo Rasulalloh, xudo haqi, ayb oʻzimdan oʻtgan erdi»,— deb yolvora boshladilar. Lekin, Rasululloh: «Hali sizlar mening doʻstimdan (ya'ni, Abu Bakrdan) yuz oʻgiradirgan bo'ldingiz-larmi?! Ey odamlar, men barchangizga: «Ollohning rasuliman»,— deganimda, sizlar: «Yolgon aytding!» — degansizlar, Abu Bakr ersa: «Rost aytdingiz!» — deb birinchi daf'adayog mo'min bo'lgan»,— dedilar».

4-bob. Olloh taoloning «hittatun» degan qavli haqida

Abu Hurayra raziyallohu anhu rivoyat qiladilar: «Rasululloh bunday deb aytdilar: «Banu Isroilga «Eshikdan sajda qilib kiringizlar va bizning gunohimizni afv et, deb aytingizlar, biz sizlarning gunohlaringizni afv eturmiz» deyilganda, ular Olloh taolo tayinlagan soʻzlarni oʻzgartirib, eshikdan orqalari birlan sudralib kirishdi va «hittatun — gunohlarimizni afv et» deyish oʻrniga, «hintatun — arpa ber» deb aytishdi»

5-bob Olloh taoloning qavli: «Ey Muhammad, marhamatli boʻlingiz, yaxshi amallarga buyuringiz va joqillardan yuz oʻgiringiz!»

«Al-Urf» — «yaxshi amallar» ma'nosida

Ibn Abbos raziyallohu anhu bunday deydilar: «Uyayna ibn Hisn Madinaga kelib, jiyani Hur ibn Qaysning uyiga tushdi. Hur ibn Qays xalifa Umar raziyallohu anhuning yaqin kishilaridan erdi, chunki Hazrat Umar qorilarni yaxshi koʻrar, ularni xoh yosh, xoh keksa bulsin, doim majlis va mashvaratlariga taklif qilib, suhbat qurar erdilar. Hur ibn Qays ham qorilardan biri erdi. Uyayna ibn Hisn Hurga «Ey jiyan, sening Hazrat Umar oldida hurmating bor, huzurlariga kirishga ijozat olib bergin!» — dedi. Hur ibn Qays «Men sizga ijozat olib beraman»,— deb va'da qildi. Hur amakisiga Hazrat Umardan ijozat soʻradi, ul kishi kirishga ijozat berdilar. Uyayna Hazrat Umar huzurlariga kirgandan soʻng «Ey Ibn al-Xattob, siz bizga katta-katta hadyalar bermayapsiz, bizga nisbatan adolat birlan hukm qilmayapsiz!»—dedi. Hazrat Umar qattiq gʻazablanib, uni jazolashga qasd qildilar. Hur ibn Qays Hazrat Umarga «Ey moʻminlar amiri, Olloh taolo oʻz paygʻambariga «Marhamatli boʻlingiz, yaxshi amallarga buyuringiz va johillardan yuz oʻgiringiz!» — degandur, Uyayna ersa, ana shunday johillardan»,— dedi. Xudo haqi, Hur bu oyatni tilovat qilganida Hazrat Umar Olloh taoloning qavliga bosh egib, oʻzlarini bosdilar. Hazrat Umar Olloh taoloning Kitobi oldida ta'zim etuvchi kishi erdilar»

Abdullohu ibn Zubayr «Olloh taolo «Marhamatli boʻlingiz, yaxshi amallarga buyuringiz» degan oyatini odamlar axlogi xususida nozil qildi»,— deydilar.

Abdulloh ibn Zubayr «Olloh taolo oʻz paygʻambariga insoniy fazilat (axloq) boʻlmish kechirimlilikka odat qilmoqni amr qildi»,— deydilar.

«AL-ANFOL» SURASI.

«Sizdan o'ljalar haqida so'raydilar, aytingizki, o'ljalar Olloh va uning rasulinikidur. Bas, Ollohdan qo'rqingizlar va o'zaro sulh qilingizlar!».

Ibn Abbos «Al-Anfol»— «oʻljalar» degani»,— deydilar.

Qatoda «Riyhukum»—«quvvatingiz» ma'nosida»,— deydilar («Al-Anfol» — 1-oyat, «riyhukum» — 46-oyat)

«Nofila»— «o'lja» demakdur.

Sa'id ibn Jubayr bunday deydilar: «Men Ibn Abbosdan «Anfol» surasi haqida so'radim, u kishi «Bu sura Badrda nozil bo'lgan»,— dedilar».

«Ash-Shavkat»— «tig'» (tig'li qurol) ma'nosida (7-oyat) «Murdifiyna» so'zi «ketma-ket, guruh-guruh» ma'nosida, masalan «radafaniy» yoki «ardafaniy» deyiladi, ma'no-si — «mendan keyin keldi» deganidur (9-oyat) «Zuquu» — «jisman tatib ko'ringizlar» degani, «og'izda tatib ko'ringizlar» degani ermas (14-oyat) «Fa-yarkumahu» — «toki to'plasin» ma'nosida (37-oyat) «Fa-sharrid»—«ajrat, qochir, qo'rqit» deganidur (57- oyat) «Va in janahuu» — «va agar ular moyil bo'lsalar» demakdur (61- oyat) «Yusxina» — «mag'lub etmog'i, ko'p qon to'kmog'i» deganidur (67- oyat).

Mujohid «Mukoan va tasdiyatan» (35-oyat)— «qoʻllarini ogʻizlariga tiqib hushtak chalishdan va qarsak urishdan iborat boʻldi» degan ma'nodadur»,— deydilar.

«Li-Yusbituuka» — «seni hibsga olmog uchun» degani (30- oyat)

Olloh taoloning qavli: **«Darhaqiqat, Olloh taoloning dargohidagi maxluqlarning eng yomoni karu gunglar bo'lib, ular hech tushunmaslar»** (22- oyat).

Ibn Abbos bunday deydilar: «Darhaqiqat, Olloh taoloning dargohidagi maxluqlarning eng yomoni karu gunglar boʻlib, ular hech tushunmaslar» degan oyati karima Abduddor qabilasiga mansub bir guruh odamlar toʻgʻrisida boʻlib, Olloh taolo «Ey moʻminlar, Olloh taolo birlan uning rasuli sizlarni oʻzlari yaroqli (munosib) qilgan narsaga da'vat qilishsa, qabul qilingizlar va bilib qoʻyingizlarki, Olloh taolo banda birlan uning qalbi oʻrtasida toʻsiq boʻlur va albatta sizlar uning dargohiga borib toʻplanursizlar»,— deydi (24-oyat) «Istajiybuu» — «javob qilingyzlar, qabul qilingizlar» degani, «limo yuhyikum» — «sizlarni oʻzlari yaroqli (munosib) qilgan narsaga» degan ma'nodadur»

Abu Sa'id ibn al-Mu'allo raziyallohu anhu bunday deydilar: «Namoz oʻqib turgan erdim, Janob Rasululloh yonimdan oʻtib ketayotib meni chaqirdilar. Men namozimni tugatgunimga qadar oldilariga bormadim, keyin namozimni tugatib boʻlib, qoshlariga borgan erdim, menga: «Chaqirganimda huzurimga kelmogʻingga nima monelik qildi, axir Olloh taolo «Ey moʻminlar, Olloh taolo birlan uning rasuli sizlarni.. da'vat qilishsa, qabul qilingizlar (javob beringizlar)!» — «deb aytgan-ku!» — dedilar. Soʻng, yana : «Men senga masjiddan chiqmasimdan burun Qur'ondagi eng buyuk surani oʻrgatib qoʻyaman»,— dedilar-da, masjiddan chiqmoqchi boʻlib ilgari yurdilar, shunda men ul zotga oʻzlari menga aytgan gaplarini eslatdim».

Rasululloh sallallohu alayhi va sallamning sahobalaridan biri oʻshal eng buyuk sura xususida soʻzlab: «Bu yetti oyatdan iborat «Fotiha» surasidur»,— deydilar.

1-bob. Olloh taoloning qavli: «Parvardigoro, agar bu (Qur'on) haqiqatan ham sening Kitobing boʻlsa, ul holda bizga osmondan tosh yogʻdirgil yoki boshqa biror dardli azob yuborgil!» (32- oyat)

Ibn Uyayna bunday deydilar: «Olloh taolo Qur'onda «matar» deganda, faqat (oʻzi osmondan nozil qiladirgan) azobni nazarda tutadi, arablar buni «gays» deyishadi. Masalan, Olloh taolo. «Ular noumid qilingach, (tepalaridan) gays (balo, azob) yuboradirgan uning (Olloh taoloning) oʻzidur»,— deydi».

Anas ibn Molik bunday deydilar: «Abu Jahl: «Parvardigoro, agar bu (Qur'on) haqiqatan

ham sening Kitobing boʻlsa, ul holda bizga osmondan tosh yogdirgil yoki boshqa biror dardli azob yuborgil!»—dedi. Shunda Olloh taolo «(Ey Muhammad), siz oralarida boʻla turib, Olloh taolo hargiz ularga azob bermas va Olloh taolo ular istigfor aytgan holda hargiz ularga azob berguvchi ham ermas, Olloh taolo qaysi amallari uchun ularga azob bermasin?! Vaholanki, ular oʻzlari mutavallisi boʻlmasalar-da, musulmonlarning Al-Masjid ul-Haromga kirib ibodat qilmoqlariga monelik qilurlar, uning mutavallilari boʻlsa, faqat taqvodor kishilardurlar, lekin ularning koʻplari buni fahmlamaslar» degan oyati karimasini nozil qildi (33— 34- oyatlar).

2-bob. Olloh taoloning qavli: «(Ey Muhammad), siz oralarida boʻla turib, Olloh taolo hargiz ularga azob bermas va Olloh taolo ular istigʻfor aytgan xolda hargiz ularga azob berguvchi ham ermas»

Anas ibn Molik bunday deydilar: «Abu Jahl: «Parvardigoro, agar bu (Qur'on) haqiqatan ham sening Kitobing boʻlsa, ul holda bizga osmondan tosh yogdirgil yoki boshqa biror dardli azob yuborgil!» — dedi. Shunda Olloh taolo «(Ey Muhammad), siz oralarida boʻla turib, Olloh taolo hargiz ularga azob bermas va Olloh taolo ular istigfor aytgan holda hargiz ularga azob berguvchi ham ermas, Olloh taolo qaysi amallari uchun ularga azob bermasin? Vaholanki, ular... musulmonlarning Al-Masjid ul-Haromga kirib ibodat qilmoqlariga monelik qilurlar...» degan oyati karimasini nozil qildi».

Olloh taoloning qavli: **«Dunyoda fasod qolmaguncha va din butkul Olloh taolo uchun bo'lmaguncha ularga qarshi urush qilingizlar!»** (39- oyat)

Nofi' raziyallohu anhu bunday deydilar: «Bir kishi Ibn Umar raziyallohu anhuning qoshlariga kelib: «Ey Abu Abdurrahmon, Olloh taolo o'z Kitobida «Agar ikki toifa mo'minlar urushsalar...» deb zikr qilganini eshitmaganmisiz, Olloh taolo o'z Kitobida zikr qilgani kabi urush qilmog'ingizga nima monelik qiladi?»—dedi. Ibn Umar: «Ey jiyanim, bu oyatning hukmiga uchib urush qilmayman, bu oyatning hukmiga uchganimdan ko'ra, Olloh taoloning «Kimki bir mo'minni gasddan o'ldirsa...» degan oyatiga rioya gilganim afzal!»—dedilar. Boyagi odam: «Axir, Olloh taolo «Fitna (fasod) qolmaguncha ularga garshi urush gilingizlar!» deb aytgan-ku?!—dedi. Ibn Umar: «Janob Rasulullohning zamonlarida shunday qilganmiz, u vaqtda Islom hali zaif erdi, agar kishi oʻz dini xususida fitna qilsa, uni yo o'ldirar yoki kishanband qilishar erdi. Hozir ersa, Islom mustahkamlandi, endi fitna sodir boʻlmaydi»,— dedilar. Ibn Umarning oʻz fikrlaridan qaytmayotganlarini ko'rgan boyagi odam: «Ali va Usmon haqida fikringiz qanday?» dedi. Ibn Umar: «Ali va Usmon xususida nima ham derdim, sizlar afv qilmoqdan bosh tortganlaringizda Olloh taolo Usmonni mag'firat qilgan erdi, Ali xususiga kelsak, u Janob Rasulullohning amakilarining o'g'li va kuyovlaridur»,— dedilar-da, qo'llari birlan ishora qilib: «Mana bu koʻrib turganingiz uylari boʻladi»—deb aytdilar».

Sa'id ibn Jubair rivoyat qiladilar «Ibn Umar huzurimizga chikdilar, shunda bir kishi «Fitnaga qarshi urush qilmoq xususida fikringiz qanday?» —deb u kishidan so'radi. Ibn Umar «Sen fitnaning nima erkanligini bilasanmi o'zi? Muhammad sallallohu alayhi va sallam mushriklarga qarshi urush qilgan erdilar, mushriklarga qo'shilmoqlikning uzi fitnadur, ul zotning qilgan urushlari sizlarning mol-mulk uchun qilgan urushlaringiz kabi emasdur!» — dedilar».

Ikki yuz (kofirni) mag'lub qilurlar» degan oyati karimasini nozil qildi. Olloh taolo ularning

jihodga hozirligini yengillashtirish birlan birga sabr-toqatini ham kamaytirdi, jihodga hozirligini qancha yengillashtirgan boʻlsa, sabr-toqatini ham shunchalik kamaytirdi (ya'ni, ilgarigi oyatda bir musulmon oʻnta kofirni magʻlub etmogʻi farz qilingan bulsa, keyingi oyatda Olloh taolo bir moʻminning ikki kofirni magʻlub etmogʻini farz qilib, musulmonlarga yengillik tugʻdirdi)»

3-bob Olloh taoloning qavli: «Ey nabiy sallallohu alayhi va sallam, siz mo'minlarni jihodga qiziqtiringiz, agar sizlardan yigirmata sabrli mujohid bo'lsa, ular ikki yuz (kofirni) mag'lub qilurlar va agar sizlardan yuzta mujohid bo'lsa, ular kofirlardan ming kishini mag'lub qilurlar, chunki ular (kofirlar) befahm qavmdurlar» (65- oyat)

Ibn Abbos raziyallohu anhu bunday deydilar: «Olloh taoloning «agar sizlardan yigirmata sabrli mujohid (jihod qiluvchi) bulsa, ular ikki yuz (kofirni) magʻlub qilurlar» degan oyati karimasi nozil boʻlganda bir musulmonning oʻn kofirga bas kelmogʻi taqdir qilindi. Sufyon «yigirmata (sabrli) mujohid boʻlsa, ular ikki yuz (kofirni) magʻlub qilurlar» degan oyat nozil boʻldi, keyin «Endi Olloh taolo sizlarga yengillik tugʻdirdi» degan oyati karima (66-oyat) nozil bulib, yuz musulmonning ikki yuz kofirni magʻlub etmogʻi taqdir qilindi» — deb koʻp marta aytar erdilar. Sufyon «moʻminlarni jihodga qiziqtiringiz, agar sizlardan iigirmata sabrli mujohid boʻlsa» degan oyati karima nozil buldi» — deb ham koʻp takrorlar erdilar. Sufyon va Ibn Shubruma «moʻminlarni jihodga qiziqtiringiz» degan qavl xususida soʻzlab «Shu kabi amri ma'ruf va nahiy munkar qilmoqligimiz lozim, deb hisoblayman»,— deyishadi.

«BAROAT» SURASI

«Valiyjatan» (16- oyat) — «bir narsaning ichiga kiritilgan har qanday narsa (ya'ni, maxfiy tutilgan narsa), «ash-shuqqatu» (42-oyat) — «safar», al-xabol» (47-oyat)— «fasod» («oʻlim» degan ma'nosi ham bor), «va lo taftinniy» — «meni haqorat qilma, meni urishma, menga tahdid qilma» (49- oyat), «karhan» va «kurhan» bir ma'noda bulib, «noxush, istamay» (53-oyat) deganidur. «Mudaxxalan» (57-oyat) — «bosh suqadirgan, berkinadirgan joyni», «yajmahuuna» (57- oyat) — «yugurishib ketadilar», «al-mu'tafikot» (70- oyat) — «chappa qilingan, ostin-ustin qilingan (shaharlar)», «adn» (72-oyat)— «abadiy, hamisha turadirgan», «al-xavolif» (87- oyag) — «xonanishin, uyda oʻltiradigan xotinlar», «al-xayrotu» (88- oyat) — «yaxshiliklar, afzalliklar», «murjavna» (105-oyat)—«orqaga surildilar, kechiktirildilar», «shafo» (108-oyat)— «qirgʻoq, lab», «juruf» (108-oyat)—«ariq, soy», «hor» (108-oyat)—«oʻpirilgan» «lavvohun» (114-oyat) — «achinuvchi, rahmdil» degan ma'nodadir. Agar quduq buzilib keqa, «quduq oʻpirilib ketdi» deyiladi»

1-bob Olloh taoloning qavli: «Olloh taolo va uning rasuli tarafidan sizlar ila shartnoma tuzgan mushrik qabilalarga nafrat e'lon qilinur!» (1- oyat)

«Azonun» (2- oyat) — «e'lon» demakdur.

Ibn Abbos bunday deydilar: «Uzunun» (61- oyat) — «rost soʻzlaydi» ma'nosida, «tutahhiruhum va tuzakkiyhim biho> (103-oyat) har ikkalasi bir ma'noda boʻlib, «pok qilursiz» deganidur. Zakot — toat va ixlosdur, chunki zakot bermasalar, Olloh taolodan boʻlak tangri yoʻqligiga shahodat keltirmagan boʻladilar «Yuzohiuuna» — «oʻxshaydilar»

(30-oyat)»

Barro raziyallohu anhu bunday deydilar: «Eng keyin nozil boʻlgan oyat — «Sendan fatvo soʻraydilar, sen ularga: «Olloh taolo sizlarga kimsasiz qolganlar xususida fatvo berur» — deb aytgil» degan oyatdur va eng keyin nozil boʻlgan sura — «Baroat» surasidur».

2-bob. Olloh taoloning qavli: «Endi, ey mushriklar, bu mamlakatda toʻrt oy yurib olinglar va bilinglarki, sizlar Olloh taoloni ojiz (zaif) qilolmassizlar, Olloh taolo kofirlarni albatta rasvo qilguvchi zotdur!» (2- oyat)

«Siyhuu» — «yuringlar» deganidur.

Abu Hurayra raziyallohu anhu bunday deydilar: «Abu Bakr raziyallohu anhu meni («Hajjat ul-Vido'» dan oldingi) oʻsha haj vaqtida ikki jarchiga bosh qilib joʻnatdilar. Ular Nahr kuni Minoda turib «Kelasi yili mushrik haj qilmaydi, yalangʻoch odam Baytullohni tavof etmaydi» deb ovoza qilmoqlari lozim erdi».

Humayd ibn Abdurrahmon bunday deydilar: «Rasululloh sallallohu alayhi va sallam Ya'lo ibn Abu Tolibni ulovlariga mingashtirib oldilar-da, unga «Baroat» surasini e'lon qilmoqni amr qildilar».

Abu Hurayra: «Nahr kuni Hazrat Ali ham biz birlan birgalikda Mino ahliga «Baroat» surasini e'lon qilib, «Kelasi yili mushrik haj qilmaydi, yalangʻoch odam Baytullohni tavof etmaydi» deb jar soldilar»,— deydilar.

3-bob. Olloh taoloning qavli: «Va (bu oyatlar) buyuk haj kunida Olloh taolo birlan uning rasuli tarafidan odamlarga (qilingan) e'londurki, Olloh taolo va uning rasuli mushriklardan bezordur (nafratlanur), bas agar sizlar tavba qilsangizlar, bu o'zingizga yaxshidur va agar bosh torqangizlar, bilingizlarki, sizlar Olloh taoloni ojiz (zaif) qilolmassizlar, (ey Muhammad), kofirlarga dardli azob borligidan darak beringiz!» (3- oyat)

Abu Hurayra raziyallohu anhu bunday deydilar: «Abu Bakr raziyallohu anhu meni oʻsha haj vaqtida ikki jarchiga qoʻshib joʻnatdilar. Ular Nahr kuni Minoda turib «Kelasi yili mushrik haj qilmaydi va yalangʻoch odam Baytullohni tavof etmaydi» deb ovoza qilmoqlari lozim erdi».

Xumayd ibn Abdurrahmon bunday deydilar: «Janob Rasululloh Ya'lo ibn Abu Tolibni ulovlariga mingashtirib oldilar-da, unga «Baroat» surasini e'lon qilmoqni amr qildilar».

Abu Hurayra: «Nahr kuni Hazrat Ali ham biz birlan birgalikda Mino ahliga «Baroat» surasini e'lon qilib, «Kelasi yili mushrik haj qilmaydi va yalang'och odam Baytullohni tavof etmaydi» deb jar soldilar»,— deydilar.

Olloh taoloning qavli: **«Mushriklardan sizlar birlan shartnoma tuzganlarninggina** (muhlatlarini poyoniga yetkazingiz)» (3- oyat)

Humayd ibn Abdurrahmon bunday deydilar: «Abu Bakr raziyallohu anhu Hajjat ul-Vido'dan ilgarigi haj vaqtida Rasululloh sallallohu alayhi va sallam «Kelasi yili mushrik haj qilmaydi va yalang'och odam Baytullohni tavof etmaydi» deb odamlarga e'lon qilmoqni amr qilqan kishilarga Abu Hurayrani ham qo'shib jo'natdilar».

4-bob. Olloh taoloning qavli: «Qasamlariga vafo qilmagan kufr rahnamolariga qarshi urush qilingizlar!» (12- oyat)

Zayd ibn Vahb rivoyat qiladilar: «Biz Huzayfaning huzurlarida erdik. Shunda ul kishi: «Bu oyat ashoblaridan faqat uch kishi, munofiqlardan ersa, faqat toʻrt kishi qoldi, xolos»,— dedilar. Bir badaviy: «Sizlar Muhammad sallallohu alayhi va sallamning bizlarga xabar berguvchi ashoblarisizlar, uylarimizni vayron qiluvchi va qimmatbaho mol-dunyomizdan oʻgʻirlovchi anavilarning oqibati ne boʻlgʻay, bilmagaymiz»,— dedi. Huzayfa: «Ular fosiqdurlar, ha, toʻgʻri, ulardan faqat toʻrttasigina qoldi, xolos. Ulardan biri keksayib qolgan boʻlib, agar sovuq suv ichsa, oʻsha zahotiyoq qayt qiladi»,— dedilar».

5-bob. Olloh taoloning qavli: «Oltin va kumush toʻplab, uni Olloh taolo yoʻlida sarf qilmaydirganlarga dardli azob borligidan darak beringiz!» (34- oyat)

Abu Hurayra raziyallohu anhu bunday deydilar: «Rasululloh sallallohu alayhi va sallam: «Qiyomat kuni qaysi biringizningdir toʻplagan boyligingiz boshi silliq ilonga aylanadi»,— dedilar».

Zayd ibn Vahb rivoyat qiladilar: «Men Abu Zarrning yonidan oʻtib ketayotib, unga: «Bu yerga qoʻnganingizning boisi nedur?» —dedim. Abu Zarr: «Shomga borgan erdik»,— dedi. Men «Oltin va kumush toʻplab, uni Olloh taolo yoʻlida sarf qilmaydirganlarga dardli azob borligidan darak beringiz!» degan oyatni tilovat qildim. Muoviya: «Bu oyat bizning xususimizda ermas, kitob ahllari toʻgʻrisidadur»,— dedi. Men «Bu oyat bizning hamda ularning haqidadur»,— dedim».

6-bob. Olloh taoloning qavli: «Ul kuni toʻplagan boyliklari jahannam oʻtida qizdirilib, peshonalari, ikki biqinlari hamda orqalariga bosiladi va «Uzlaringiz uchun gʻamlagan boyligingiz mana shu-dir! Endi, gʻamlagan boyligingizning mazasini bir totib koʻringiz-chi!» deyiladi» (35- oyat)

Xolid ibn Aslam bunday deydilar: «Abdulloh ibn Umar qoshimizga chiqib: «Bu (ya'ni, yuqoridagi) oyat zakot haqida oyat nozil boʻlmasidan ilgarigi oyatdur, zakot haqidagi oyat nozil qilingach, Olloh taolo zakotni mol-dunyoni halollovchi (poklovchi) vosita qildi»,— dedilar».

7-bob. Olloh taoloning qavli: «Haqiqatan ham oylarning soni Olloh taolo qoshida oʻn ikki oydur, Olloh taolo Kitobida, osmonlar birlan yerni yaratgan kundan e'tiboran, ulardan toʻrttasi muqaddas oylardur» (36- oyat)

«Al-Qayyimu» (36- oyat) — «toʻqʻri, haqiqiy» degan ma'noda.

Abu Bakra bunday deydilar: «Rasululloh salallohu alayhi va sallam: «Zamon osmonlar birlan yer yaratilgan kundagidek (bir maromda) almashinib (aylanib) turibdi. Yil oʻn ikki oydan iboratdur, ulardan toʻrttasi muqaddas boʻlib, uchtasi ketma-ket keladi, bular —

zulqa'da, zul-hijja va muharram oylaridur, bittasi, ya'ni rajab oyi jumodiy birlan sha'bon oylari oralig'ida»,— dedilar».

8-bob. Olloh taoloning qavli: «... ular ikkalasi gʻorda erkanliklarida, ul yoʻldoshiga: «Xafa boʻlma, Olloh taolo biz birlandur!» — deb aytganida...» (40-oyat)

Abu Bakr raziyallohu anhu bunday deydilar: «Biz, ya'ni Janob Rasululloh va men ikkalamiz gorda (mushriklardan qochib berkinib olgan) erdik, men mushriklarning izlarini ko'rib: «Yo Rasulalloh, agar ulardan birortasi (gorga) qadam qo'yganida, bizni ko'rib qolgan bo'lur erdi!»—dedim. Janob Rasululloh: «(Bu yerda) ikkimiz yolgiz, deb xayol qildingmi, uchinchimiz Olloh taoloning o'zidur!» — dedilar».

Ibn Abu Mulayka rivoyat kiladilar: «Ibn Abbos birlan Abdulloh ibn Zubayr oʻrtalarida kelishmovchilik yuz berganda, Ibn Abbos Abdulloh ibn Zubayr xususida: «Uning otasi Zubayr ibn Avvom, onasi Asmo binti Abu Bakr, xolasi Oisha raziyallohu anho, buvisi ersa Safiyyadur» — deb aytdim»,— deydilar».

Roviy Abdulloh ibn Muhammad bunday deydilar: «Men Sufyondan mazkur hadisning isnodini so'raganimda, ul kishi: «Ibn Jurayj bizga hadis rivoyat gildi, shu asnoda bir odam Ibn Jurayjning xayolini bo'ldi, natijada u hadisning isnodini aytishni unutdi», dedi» (Mazkur hadisning ma'nosi mujmalroq bo'lib, Ibn Abbosning Abdulloh ibn Zubayr haqidagi ta'riflari bilangina kifoyalanadi. Aslida voqea mana bunday bo'lgan erdi: xalifa Muoviya vafot etgandan so'ng, uning o'rniga o'g'-li Yazid ibn Muoviya o'ltirdi. Ammo, Abdulloh ibn Zubayr unga bay'at qilmadi. Yazid ibn Muoviya o'lgandan keyin ersa, Abdulloh ibn Zubayr o'zini xalifa deb e'lon qildi. Hijoz, Misr, Iroq, Xuroson va Shom aholisining koʻpchiligi unga bay'at qildi. Bu vaqtda Muhammad ibn Ali ibn Abu Tolib va Abdulloh ibn Abbos Imom Husayn vafotlaridan buyon Makkada yashashar erdi. Abdulloh ibn Zubayr ularning ikkalalarini ham oʻziga bay'at qilmoqqa da'vat qildi. Lekin, Ibn Abbos va Ibn Ali: «Biz, toki butun aholi birlashib, yagona xalifalik barpo qilinmas erkan, biror xalifaga bay'at qilmasmiz!» — deb bundan bosh tortishdi. Shunda ko'pgina kishilar ularning bu fikriga go'shilishdi. Bundan g'azablangan Ibn Zubayr ularni hibsga oldi. Buning xabari Kufani ishgʻol qilib, ul yerdagi hokimiyatni oʻz qoʻliga olgan Muxtor ibn Abu Ubaydga yetgach, u Ibn Zubayrga qarshi qo'shin tortib borib, Ibn Abbos birlan Muhammad ibn Alini ozod gildi, soʻng Ibn Zubayrga garshi urush gilishga ulardan izn so'radi. Ammo, ular bunga rozilik berishmadi. Xuddi ana shu vaqtda Ibn Abbos Abdulloh ibn Zubayrning nasabini ta'riflab, unga qarshi urush qilmoqning gunoh erkanligini aytgan erdilar).

Ibn Abu Mulayka rivoyat qiladilar: «Ibn Abbos birlan Ibn Zubayr oralarida kelishmovchilik yuz bergan erdi. Shunda men Ibn Abbosning huzurlariga borib «Ibn Zubayrga qarshi urush qilmoqchimisiz? Olloh harom qilgan narsani halol qilmoqchimisiz?» — dedim. Ibn Abbos bunday dedilar: «Xudo saqlasin! Olloh taolo harom qilingan narsani halol qilmoqlikni Ibn Zubayr birlan Banu Umayyaga taqdir qilgan. Olloh taologa qasamyod qilurmanki, men parvardigor harom qilgan narsani hech qachon halol qilmasman. Odamlar menga «Ibn Zubayrga bay'at qilingiz»— deyishdi. Shunda men «Ibn Zubayr xalifalikka munosib kishi. Uning otasi Zubayr ibn Avvom Janob Rasulullohning doimiy dastyorlari boʻlgan, onasi Asmo — «Zotun-nitoq» (ya'ni, Janob Rasulullohning hijrat qilmoqlari uchun hozirlangan yoʻl jihozlari birlan yeguliklar solingan

qopning ogʻzini bogʻlashga narsa topilmaganda, Asmo belbogʻlarini uzib, uning ogʻzini bogʻlaganlar. Shunda Janob Rasululloh Asmoni «Zotun-nitoq» — «Kamarbasta, kamarband» deb ataganlar), xolasi — moʻminlarning onasi Oisha, ammasi — paygʻambarimizning xotinlari Xadicha, buvisi ersa paygʻambarimizning ammalari boʻlmish Safiyyadur» — deydim. Ibn Zubayrning oʻzi xususiga kelsak, u islomda sobitqadam va Qur'on qorisidur. Banu Umayya haqida soʻzlrydirgan boʻlsak, ular qarindosh boʻlgani uchungina men birlan bordi-keldi qilurlar. Meni Banu Umayya tarbiya qilgan boʻlsa ham, ularning saxovatli, fazilatli kishilari tarbiya qilgan. Ibn Zubayr ersa Banu Tavit, Banu Usoma va Banu Humayd qabilalarini Banu Umayyadan ustun qoʻydi, natijada Abdulmalik ibn Marvon gʻolibona yurish qilib, Ibn Zubayr dumini xoda qilib qochdi».

Ibn Abu Mulayka rivoyat qiladilar: «Biz Ibn Abbosning huzurlariga kirdik. Shunda Ibn Abbos bunday dedilar: «Ibn Zubayrning qilayotgan ishini koʻrmaysizlarmi? Men Ibn Zubayrni yoʻlga solish uchun jon-jahdim birlan kurashdim, Abu Bakr va Umar xalifalik qilishganda bul qadar jon kuydirmagan erdim, chunki ular Ibn Zubayrga nisbatan barcha yaxshi xislatlarga boyrok, kishilar erdilar. Men oʻzimga-oʻzim «Ibn Zubayr paygʻambarimizning ammavachchalari, Zubayr ibn Avvomning oʻgʻillari, Abu Bakrning ham (nabira) oʻgʻillari, Xadichaning jiyanlari, Oishaning ham jiyanlari-ku! Demak, Ibn Zubayr meni mensimayotir, meni oʻzining xos odamlaridan qilishni istamayotir. U meni oʻzidan uzoqlatib, yaxshi ish qilmadi. Agar Banu Umayya mening gʻamimni yeydirgan boʻlsa, yemay qoʻya qolsin, mening gʻamimni ulardan koʻra, boshqalar yegani ma'qulroqdur!» — dedim».

9-bob Olloh taoloning qavli: «... va koʻngillarini olmoq zarur boʻlgan kishilarga...» (60- oyat)

Mujohid «tuhfa (in'om) lar birla ko'ngillari olinadi»,—deydilar.

Abu Sa'id raziyallohu anhu bunday deydilar: «Nabiy sallallohu alayhi va sallamga bir narsa yuborishdi, ul zot uni to'rt kishiga taqsimlab berdilar-da «Men ularning ko'nglini olaman»,— dedilar. Shunda bir kishi «Adolat qilmadingiz!»—dedi. Janob Rasululloh «Mana shu odamning pushtikamaridan dindan o'q yanglig' otilib chiqib ketuvchi qavm dunyoga keladi!»—dedilar»

10-bob. Olloh taoloning qavli: «Uz ixtiyorlari birlan sadaqa berguvchi musulmonlarni ayb qilguvchilar...»(79- oyat)

«Yalmizuuna» — «ayb gilurlar», «juhduhum» — «kuchlari» deganidur (79- oyat).

Abu Mas'ud bunday deydilar: «Sadaqa qilmog'imiz amr qilinganda, biz hammollik (qilib topgan pulimizdan sadaqa) qilur erdik. Abu Uqayl yarim so', boshqa bir kishi undan ko'proq sadaqa qildi. Shunda munofiqlar «Olloh taolo boydur, u manavi birlan anavining qilgan sadaqasiga zor ermasdur, bularning qilgan ishi riyokorlikdan boshqa narsa ermas!» — deyishdi. Shundan so'ng, Olloh taolo «Uz ixtiyorlari birlan sadaqa berguvchi musulmonlarni ayb qilguvchilar hamda o'z kuchidan bo'lak narsaga ega bo'lmaganlarni» degan oyati karimani nozil qildi».

Abu Mas'ud al-Ansoriy bunday deydilar: «Janob Rasululloh sadaga gilmog'imizni amr

qilur erdilar. Ba'zi birimiz bir muddgacha sadaqa qilmoqqa muvaffaq boʻlur erdik. Bugun ersa, ayrimlarimizda yuz ming pul boʻlib, goʻe oʻzini koʻrsatmoqchi boʻladi»

11-bob Olloh taoloning qavli: «Siz ular uchun xoh mag`firat talab qiling va xoh talab qilmang, (baribir befoyda) va agar siz yetmish marta ular uchun mag`firat talab qilsangiz ham, Olloh taolo sira ularni mag`firat qilmagay...» (80- oyat).

Abdulloh Janob Rasulullohning huzurlariga kelib, otasini kafanlamoq uchun ul zotning koʻylaklarini soʻradi. Janob Rasululloh unga koʻylaklarini berdilar. Keyin, Abdullohning oʻgli ul zotdan otasiga janoza oʻqimoqlarini iltimos qildi. Janob Rasululloh janozaga bormoqchi boʻlib oʻrinlaridan turgan erdilar, Hazrat Umar ham turib, ul zotning kiyimlaridan ushladilar-da: «Yo Rasulalloh, rabbingiz unga janoza oʻqimogingizni man'qilgan boʻlsa ham, unga janoza oʻqiysizmi?» — dedilar. Janob Rasululloh. «Olloh taolo menga tanlash ixtiyorini berib, «Siz ular uchun xoh magfirat talab qiling va xoh talab qilmang, (baribir befoyda) va agar siz yetmish marta ular uchun magfirat talab qilsangiz ham, Olloh taolo sira ularni magfirat qilmagay ..» deb aytgandur, men yetmish martadan ham oshirgayman, chunki u munofiqdur»,.— dedilar. Soʻng, ul zot Abdulloh ibn Ubayga janoza oʻqidilar Shunda, Olloh taolo «Ulardan (ya'ni, munofiqlardan) birortasi oʻlsa, hech qachon unga janoza oʻqimangiz va qabri tepasiga bormangiz!» degan oyati karimasini (84- oyat) nozil qildi».

Umar ibn al-Xattob raziyallohu anhu bunday deydilar: «Abdulloh ibn Ubay ibn Salul vafot etganda, Janob Rasulullohni unga janoza oʻqimoqqa chaqirishdi. Ul zot janozaga hozirlanganlarida, men. «Yo Rasulalloh, Abdulloh ibn Ubayga janoza oʻqiysizmi, axir u falon kuni shunday va shunday gaplarni aytib erdi-ku?»—dedim. Janob Rasululloh tabassum qildilar-da, soʻng koʻp gapirib yuborganimdan bezor boʻlib: «Ey Umar, nariroq turgil!» — dedilar. Keyin, yana: «Menga tanlash ixtiyori berilgan, men tanladim. Agar uning uchun yetmish martadan ziyod magfirat talab qilsam, Olloh taolo uni magfirat qilmogini bilganimda erdi, yetmish martadan koʻproq talab qilgan boʻlur erdim!»—deb aytdilar. Janob Rasululloh unga janoza oʻqib boʻlib, endigina yoʻlga tushib erdilar hamki, «Baroat» surasining quyidagi ikki oyati nozil boʻlib qoldi-«Ulardan birortasi oʻlsa, hech qachon unga janoza oʻqimangiz va qabri tepasiga bormangiz. .» («ular fosiqdurlar» degan qavligacha) Keyin, men Janob Rasulullohga e'tiroz bildirmoqqa jur'at qilganimdan taajjublanib yurdim. Olloh taolo va uning Rasuli eng bilguvchidur!».

12-bob. Olloh taoloning qavli: «Ulardan birortasi oʻlsa, hech qachon unga janoza oʻqimangiz va qabri tepasiga bormangiz...» (84- oyat)

Ibn Umar raziyallohu anhu bunday deydilar: «Abdulloh ibn Ubay vafot qilganda, uning oʻgli Abdulloh ibn Abdulloh Rasululloh sallallohu alayhi va sallamning huzurlariga keldi, ul zot unga oʻz koʻylaklarini berib, otasini shu birlan kafanlamoqni amr qildilar. Keyin, Abdulloh ibn Ubayga janoza oʻqimoqchi boʻlib oʻrinlaridan turib erdilar, Hazrat Umar kiyimlaridan ushlab: «Yo Rasulalloh, u munofiq boʻlsa ham janoza oʻqiysizmi, axir Olloh taolo ular uchun magfirat talab qilmogingizni man' qilgan-ku!»—dedilar. Janob Rasululloh: «Olloh taolo menga tanlash ixtiyorini bergan (yoki xabar bergan) va «Siz ular uchun xoh magfirat talab qiling va xoh talab qilmang, (baribir foydasiz) va agar siz ular uchun yetmish marta magfirat talab qilsangiz ham, Olloh taolo ularni sira magfirat qilmagay» deb aytgan. Men uning uchun yetmish martadan ziyod magfirat talab qilgayman»,— dedilar. Soʻng, ul zot Abdulloh ibn Ubayga janoza oʻqidilar, biz ham birga

oʻqidik. Keyin, Olloh taolo «Ulardan birortasi oʻlsa, hech qachon unga janoza oʻqimangiz va qabri tepasiga ham bormangiz, chunki ular Olloh taolo birlan uning rasuliga kofir boʻldilar va fosiqliklaricha oʻldilar» degan oyati karimasini nozil qildi».

13-bob. Olloh taoloning qavli: «Sizlar ulardan yuz oʻgirmoq boʻlib (gʻazotdan) ular tomon qaytganingizda, endi ular huzurlaringizda Olloh taologa qasam ichurlar, ulardan yuz oʻgiringizlar, chunki ular nopokdurlar va ularning joyi jahannamdurki, (bu) qilmishlari uchun jozo boʻlsin!» (95- oyat)

Abdulloh ibn Ka'b Tabuk gazotidan qolib ketgan Ka'b ibn Molikning bunday deb aytganlarini eshitgan erkanlar: «Xudo haqi, Olloh taolo meni islomga hidoyat qilgandan keyingi ne'matlarning eng ulug'i Janob Rasulullohga bo'lgan sadoqatimdur, agar ul zotga o'zgalar singari yolg'on vaj ko'rsatganimda erdi. Olloh taolo «Sizlar ulardan yuz o'girmoq bo'lib (g'azotdan) ular tomon qaytganingizda, endi ular huzurlaringizda Olloh taologa qasam ichurlar, ulardan yuz o'giringizlar, chunki ular nopokdurlar va ularning joyi jahannamdurki, (bu) qil-mishlari uchun jazo bo'lsin! (95-oyat). Ular sizlarni o'zlaridan rozi qilmoq uchun huzurlaringizda qasam ichurlar, agar sizlar ulardan rozi bo'lsangizlar ham, Olloh taolo fosiq qavmdan rozi bo'lmas! (96-oyat)» degan oyatlarini vahiy qilib yuborganda yolg'on so'zlab halok bo'lganlar yanglig' halok bo'lgay erdim».

14-bob. Olloh taoloning qavli: «Ular sizlarni oʻzlaridan rozi qilmoq uchun huzurlaringizda qasam ichurlar, agar sizlar ulardan rozi boʻlsangizlar ham, Olloh taolo fosiq qavmdan rozi boʻlmas!» (96- oyat). «Va boshqa bir qancha kishilar bordurlarki, ular oʻz gunoxlarini e'tirof qildilar va amali solihlarini hamda boshqa yomon ishlarini omuxta qildilar, shoyadki Olloh taolo ularni magʻfirat qilsa, darhaqiqat Olloh taolo magʻfiratli mehribon zotdur! (102-oyat)»

Sumra ibn Jundub raziyallohu anhu rivoyat qiladilar: «Rasululloh sallallohu alaihi va sallam bizga bunday deb aytdilar «Bu kecha mening huzurimga ikki kishi (ikki farishta) kelib, meni uygotishdi-da, oltin va kumush gʻishtlardan bunyod etilgan bir shaharga olib borishdi. U yerda bizga yarmi sen koʻrib yurgan xushnamo odamlardan ham goʻzalroq va yarmi sen koʻrib yurgan badnamo odamlardan ham xunukroq kishilar duch keldi. Hamrohlarim ularga «Boringizlar, anavi daryoga tushib choʻmilib chiqingizlar!»— deyishdi. Ular daryoda choʻmilib chiqqach, qiyofalaridagi badnamolik yoʻqolib, juda goʻzal surat kasb etishdi. Hamrohlarim menga «Bu — Adn jannatidur, anavi ersa, sening joyingdur»,— deyishdi. Soʻng «Ammo yarmi goʻzal va yarmi badnamo qavm xususiga kelsak, ular amali solihlarini hamda boshqa yomon ishlarini omuxta qilgan kishilar boʻlib, Olloh taolo ularni magʻfirat qilgandur» — deb aytishdi».

15-bob. Olloh taoloning qavli: «Paygʻambar va boshqa moʻminlarning mushriklar uchun magʻfirat talab qilmoqligi durust emasdur...» (113- oyat)

Sa'id ibn Musayyab otalaridan nakl qiladilar: «Ulim toʻshagida yotgan Abu Tolibning huzurida erkanligimda Janob Rasululloh sallallohu alayhi va sallam kirib keldilar. Abu Jahl va Abdulloh ibn Abu Umayya ham shu yerda erdi. Paygʻambar alayhissalom «Ey amaki, «Lo iloha illalloh» deb kalima keltiringiz, bu Olloh taoloning dargohida siz uchun magʻfirat talab qilmogʻim uchun zarurdur! — dedilar. Abu Jahl va Abdulloh ibn Abu Umayya ersa, Abu Tolibga «Ey Abu Tolib, Abdulmuttalib millatidan yuz oʻqirasizmi?» —

deyishdi. Janob Rasululloh «Agar Olloh taolo siz uchun magʻfirat talab qilmogʻimni rad etmasa, albatta siz uchun magʻfirat talab qilgayman» — dedilar. Shunda Olloh; taolo «Paygʻambar va boshqa moʻminlarning mushriklar uchun, garchi ular qarindoshlari boʻlsa-da, doʻzaxiy erkanliklarini bila turib magʻfirat talab qilmoqlari durust ermasdur» (113-oyat) deb vahiy nozil qildi.

16-bob Olloh taoloning qavli: «Darhaqiqat, Olloh taolo paygʻambarga hamda ul muhojiru ansorlarga mehribonlik qildiki, ular oʻzlariga mansub bir firqaning alblari buzilay deganda yuz bergʻan qiyinchilik onlarida paygʻambarga itoat etdilar, keyin Olloh taolo ularga mehribonlik qildi, darhaqiqat u ularga mushfiq mehribondur!» (117- oyat)

Abdulloh ibn Ka'b rivoyat qiladilar: «Men Ka'b ibn Molikning «Ul keyinga qoldirilgan uch kishiga ham» degan oyat xususidagi hadislarini eshitdim. Ul kishi o'z hadislarining oxirida «Uzimning magfirat qilinganim uchun Olloh taolo va uning rasuli yo'lida molimdan sadaqa qilmogim lozim»,— dedilar. Janob Rasululloh «Ba'zi molingni olib qolgin, bu o'zing uchun yaxshidur»,— dedilar».

Olloh taoloning qavli: «(Olloh taolo) ul keyinga qoldirilgan uch kishiga ham mehribonlik qildiki, ularga bunga qadar keng yer yuzi tor boʻlgan va jonlari siqilgan erdi va ular oʻzlariga Olloh taolodan oʻzga panoh yoʻq, deb bilgan erdilar, keyin Olloh taolo ular tavba qilsinlar, deb ularga mehribonlik qildi, darhaqiqat Olloh taolo tavba qabul qilguvchi mehribon zotdur!» (118-oyat)

Abdulloh ibn Ka'b ibn Molik otalaridan nakl kiladilar: «Men Olloh taolo afv etgan uch kishidan biri bo'lmish otam Ka'b ibn Molikning Rasululloh sallallohu alayhi va sallam bo'lgan gazotlarning, Tabuk va Badr gazotlaridan tashqari, birortasidan qolmaganliklarini eshitganman. Otam bunday deb erdilar: «Men tong otgach, Janob Rasulullohga bor haqiqatni aytmogga jazm qildim. Ul zot, odatda, safardan ertalab qaytar va dastlab masjidga kirib ikki rak'at namoz o'qir erdilar. Janob Rasululloh odamlarga men va ikki sherigim (Hilol va Murora) birlan gaplashmoqni man' qildilar, lekin bizdan bo'lak gazotdan golganlar birlan so'zlashmogni man' gilmadilar. Odamlar biz birlan gaplashmay qo'yishdi. Bu ahvol uzoq davom etib, men hatto o'lmogimni afzal ko'rdim Lekin, agar oʻlsam, Janob Rasululloh menga janoza oʻqimaydilar yoki oʻzlari vafot etib qolsalar, men o'shal yolgon vaj ko'rsatganlar gatorida golib ketib, biror kishi men birlan so'zlashmaydi ham, o'lsam, janoza o'qimaydi ham, deb cho'chidim. Nihoyat, Olloh taolo tunlardan birining oxirgi uchdan bir qismi qolganda bizni afv etganligi xususida o'z rasuliga vahiy nozil qilib qoldi, shunda ul zot Ummu Salamaning huzurlarida erdilar. Ummu Salama men birlan yaxshi munosabatda bo'lib, menga yordam gilib turar erdilar. Janob Rasululloh: «Ey Ummu Salama, Ka'b afv qilindi»,— dedilar. Ummu Salama: «Uning huzuriga odam yuborib, xushxabardan voqif qilayinmi?»—dedilar, Janob Rasululloh: «Agar odamlar sizlarni bezovta qilib, kechaning qolgan qismidagi uyguni buzmogini istasangizlar, mayli»,— dedilar. Keyin, Janob Rasululloh bomdod namozini oʻqib bo'lgach, Olloh taoloning bizni afv etganini namozxon-larga e'lon gildilar. Odatda, ul zot bashorat qilsalar. yuzlari oy parchasidek qizarib, tovlanib ketar erdi. Janob Rasululloh qoshlarida kechirim so'raganlarning uzrini qabul qilib, biz gazotdan qolgan uch kishiga nisbatan hukm chiqarmoqni Olloh taoloning o'ziga havola qildilar. Olloh taolo biz uch kishining tavbasini qabul qilganligi haqida vahiy nozil qilib hamda gazotdan qolgan boshqa kishilar-ning yolgon vaj ko'rsatib, Janob Rasulullohni aldaganini zikr gilganda ul

zot shul haqda gapirdilar va bizning afv etilganimizni bashorat qildilar, ammo biror kishi bu haqda lom-mim demadi. Olloh taolo subhonahu bunday dedi: «Ular sizlarning qoshlaringizda uzr ayturlar, ularning oldiga (gazotdan) qaytganingizda «Uzr soʻramangizlar, biz hargiz sizlarga ishonmagaymiz, Olloh taolo bizga sizlar haqingizda ma'lum qilgandur, Olloh taolo birlan uning rasuli sizlarning amallaringizni koʻrgay va keyin sizlar goibiy va oshkor narsalarni bilguvchi zotning dargohiga qaytarilgaysizlar, bas ul sizlarga qilib turgan ishlaringizni ma'lum qilqay» deb aytingiz!» (94-oyat)».

17-bob. Olloh taoloning qavli: «Ey mo'minlar, Olloh taolodan qo'rqingizlar va rostgo'ylar birlan bo'lingizlar!» (119- oyat)

Abdulloh ibn Ka'b ibn Molik rivoyat qiladilar: «Men Ka'b ibn Molikning Tabuk g'azotidan qolgan kezlarida bunday deb aytganlarini eshitdim: «Xudo xaqi, men Olloh taolo biror kishini rostgo'yligi uchun baloga giriftor qilganini bilmayman, Janob Rasulullohga shul haqda aytganimdan buyon hozirgi kunga qadar yolg'on gapirmoqqa qasd qilmaganim Olloh taoloning meni baloga giriftor qilganidan afzaldur! Olloh taolo o'z rasuli sallallohu alayhi va sallamga «Darhaqiqat, Olloh taolo payg'ambarga hamda ul muhojiru ansorlarga mehribonlik qildiki...» («rostgo'ylar birlan bo'lingizlar» degan qavligacha, 117,118,119- oyatlar) degan oyati karimasini nozil qildi».

18-bob. Olloh taoloning qavli: «Ey insonlar, sizlarga oʻzlaringizdan boʻlmish paygʻambar keldi, sizlar tortgan kulfat unga ogʻirdur, u sizlarga nihoyatda yaxshilikni ravo koʻrguvchi boʻlib, moʻʻminlarga mushfiq mehribondur» (128-oyat)

Payq'ambarimiz sallallohu alayhi va sallamga vahiy kelganda yozib oluvchilardan biri bo'lmish Zayd ibi Sobit al-Ansoriy raziyallohu anhu bunday deydilar: «Abu Bakr Siddig raziyallohu anhu Yamoma ahli qilgan qotillik sababidan menga odam yuborganlarida huzurlarida Xazrat Umar o'ltirgan erdilar. Abu Bakr menga: «Hazrat Umar huzurimga kelib: «Yamoma gotilligi sodir bo'lgan kuni Qur'on gorilarining bir ganchasi o'ldirildi, agar qorilar shul tariqa qirilib ketaversa, Qur'onning ko'p qismi unutilib ketmasa erdi, deb qo'rgaman. Shul boisdan Qur'on (suralarini) jamlab kitob qildirsangiz!» — dedi. Men: «Janob Rasululloh qilmagan ishni men qanday qilgum?» — dedim. Xazrat Umar: «Olloh taolo haqi, bu xayrli ishdur!» — deb mendan qayta-qayta iltimos qilaverdiki, hatto Olloh taolo Umarning galbini moyil gilgan ishga mening galbimni ham moyil gilib go'ydi va men Umarning fikriga qo'shildim. (Ey Zayd), sen aqlli yigiqan, shul vaqtga qadar biror ayb qilganingni bilmaymiz, sen Janob Rasulullohga kelgan vahiylarni yozib olur erding, endi Qur'on (suralarini qorilardan) surishtirib topib, jamlagil!» — dedilar. Men: «Olloh taolo hagi, menga Qur'onni jamlamogdan ko'ra biror tog'ni turgan yeridan boshga joyga ko'chirib qo'ymoqni buyursangiz, osonroq bo'lur erdi, axir Janob Rasululloh qilmagan ishni sizlar qanday qilib uddalagaysizlar?!» — dedim. Abu Bakr Siddiq: «Olloh taolo haqi, bu xayrli ishdur!» — deya iltimos qilmoqlarini qo'ymadilar, hatto Olloh taolo Abu Bakr Siddiq birlan Hazrat Umarning qalblarini moyil qilgan ishga mening ham qalbimni moyil gilib go'ydi va men Hazrat Umarning fikrlariga go'shilib, Kur'onning xurmo yaproglariga, teri parchalariga, sopol va yassi toshlarga bitilgan hamda qorilar zehnida saqlangan oyat va suralarini surishtirib topib, jamlashga kirishdim. «Tavba» surasining «Ey insonlar, sizlarga oʻzlaringizdan boʻlmish paygʻambar keldi, sizlar tortgan kulfat unga ogʻirdur, u sizlarga nihoyatda yaxshilikni ravo ko'rguvchi bo'lib» degan oyati birlan undan keyingi oyatni Xuzaymadan topdim, ularni oʻzgalardan topmagan erdim. Qur'on jamlangan

sahifalar, avval Abu Bakr Siddiqning, ul kishi vafot etganlaridan soʻng, Hazrat Umarning, ul kishi vafot etganlaridan keyin, (Hazrat Umarning) qizlari Hafsaning qoʻllarida saqlandi».

«YUNUS» SURASI

Ibn Abbos bunday deydilar: «Fa-xtalata» (24- oyat) — «har turli (giyohlar) suv birlan undi», «Qoluu «Ittaxa-zallohu valadan, subhonahu huval-gʻaniyyu» (68- oyat) — «Kofirlar «Ollohning bolasi bordur»,— deyishdi, vaholanki Olloh taolo boydur, uning bunga hech ehtiyoji yoʻqdur» degan ma'nodadur»

Zayd ibn Aslam bunday deydilar «Anna lahum qadama sidqin» (2- oyat) degani «Muhammad sallallohu alayhi va sallam» demakdur»

Mujohid bunday deydilar: «Xayrun» (58- oyat) deganda oʻshal oyatlar, ya'ni Qur'on hukmlari nazarda tutiladi «hatto izo kuntum fil-fulki va jarayna bihim (22-oyat) «hattoki sizlar kemalarda boʻlursizlar va yurur kemalar ular ila» degan jumladagi «ular ila» «sizlar ila» demakdur. «Da'vohum» (10-oyat)—«duolari», «uhiyta bihim» (22-oyat)— «halokat yoqasiga yaqin bordilar», «fa-atba'ahum» (90-oyat)—«va orqalaridan keldi», «advan» (90- oyat) — «dushmanlik qilmoq boʻlib» degan ma'nodadur. «Va lav yu'ajjilullohu lin-nosish-sharras-ti'jolahum bil-xayri la quziya ilayhim ajaluhum» (11-oyat)—«Va agar Olloh taolo odamlar yaxshilikni shoshib (oshiqib) talab qilganlari kabi ularga yomonlikni tezdan yuborsa erdi, ularning hayotlari muddati tamom qilinur erdi» degan ma'noda boʻlib, agar inson farzandidan yoki biror boshqa yaqin kishisidan gʻazablanganida «Parvardigoro, unga muruvvat qilmagaysan, uni la'natlagaysan!» deb qargʻasa-yu, Olloh taolo tezdan ijobat qiladirgan boʻlsa, ul holda ularning hayotlari muddati tamom qilingan boʻlur erdi. «Lillaziyna ahsanuul-husno va ziyodatun» (26-oyat) — «Yaxshilik qilganlar uchun yaxshilik (yaxshi maqom) va ham magʻfirat bordur» degan ma'nodadur».

Boshqa bir tafsirchi «Ziyodatun» (26- oyat) — «Olloh taoloning diydoriga boqmoqlikdur»,— deydilar.

Olloh taoloning qavli: «Va biz Banu Isroilni daryodan oʻtkazdik, Fir'avn birlai uning lashkarlari zulm va dushmanlik qilmoq uchun ularning ortlaridan keldi va gʻarq boʻla boshlagan vaqtida: «Men Banu Isroil iymon keltirgan tangridan boʻlak tangri yoʻq, deb iymon keltirdim va men musulmonlardanman»,— dedi» (90- oyat)

«Nunajjiyka» (92- oyat) — «Seni baland yerga (tepalikka) chiqarib tashlagaymiz» deganidur.

Ibn Abbos raziyallohu anhu rivoyat qiladilar: «Rasululloh sallalpohu alayhi va sallam yahudiylar Oshuro roʻzasini tutayotgan vaqtda Madinaga keldilar. Shunda ular «Bu kun Muso alayhissalom Fir'avn ustidan zafar topgan kundur»,— deyishdi. Janob Rasululloh sahobalariga «Sizlar Muso alayhissalomga ulardan ham haqliroqdursiz-lar, Oshuro roʻzasini tutingizlar!»—dedilar»

HUD ALAYHIS-SALOT VAS-SALOM SURASI

Ibn Abbos «Asiybun» (77 oyat) — «Ogʻir, qattiq», «Lo jarama» (22-oyat)— «albatta» degan ma'nodadur»,— deydilar.

Boshqa bir tafsirchi «Va hoqa» (8- oyat) — «Va oʻrab (qamrab) olur» degan ma'nodadur»—deydilar.

Mujohid bunday deydilar: «Fa-lo tabtais» (36-oyat) — «Xafa boʻlma», «Yasnuuna suduurahum» (5- oyat) — «Haq xususida shak va boʻhton qilmoqlik»dur. «Li-yastaxfuu minhu» (5- oyat) — «Olloh taolodan yashirinmoq uchun» deganidur»

Abu Maysara «Avvohun» (75- oyat) habashcha so'z bo'lib, «rahimdil» demakdur»,—deydilar.

Ibn Abbos «Bodiyar-ra'yi» (27-oyat)—«Bizga koʻringan, bizga tuyulgan narsa»,— deydilar.

Mujohid «Al-Juudiyyu» (44-oyat)— «(Ibn Umar) jaziyrasidan, ya'ni shu nom birlan ataluvchi Suriyadagi shahardan taxminan 40 km shimoli sharqqa joylashgan tog`»,— deydilar.

Hasan: «Innaka la-antal-haliymu» (87- oyat) — «Albatta, sen sabr-toqatlidursan» deyish birlan Shu'aybni qavmi masxara qildi»,— deydilar.

Ibn Abbos: «Aqli'iy» (44-oyat)—«to'xta», «asiybun» (77-oyat)— «og'ir, qattiq», «lo jarama» (22-oyat) — «albatta», «Va forat-tannuuru» (40- oyat) — «Suv otilib chiqdi» degan ma'nodadur»,— deydilar.

Ikrima: «A-lo innahum yasnuuna suduurahum li-yastaxfuu minhu, a-lo hiyna yastag`shuuna siyobahum ya'lamu mo yusirruuna va mo yu'linuuna, innah aliymun bizotis-suduuri» (5- oyat) — «Ogoh bo`linsin, ular Olloh taolodan yashirinmoq bo`lib uning xususida shak va bo`hton qilurlar, ogoh bo`linsin, ular kiyimlari birlan boshlarini yopib olganlarida Olloh taolo ularning maxfiy va oshkora qilib turgan narsalarini bilib turur, ul albatta dillar sirlarini bilguvchi zotdur» degan oyat butun yer yuzi (ahliga) qaratilgandur»,— deydilar.

Boshqa bir tafsirchi: «Va hoqa» (8-oyat)—«Va oʻrab (qamrab) olur, (boshiga) falokat boʻlib tushur» degan ma'noda»,— deydilar.

Mujohid «Fa-lo tabtais» (36- oyat) — «Xafa boʻlma», «Yasnuuna suduurahum» (5-oyat) — «Haq xususida shak va boʻhton qilmoqlik», «Li-yastaxfuu minhu» (5-oyat) — «(Agar qoʻllaridan kelsa), Olloh taolodan yashirinmoq uchun» deganidur»,— deydilar.

Muhammad ibn Ubod ibn Ja'far Ibn Abbosning «A-lo innahum yasnuuna suduurahum...» deb qiroat qilayotganlarini eshitib, shu oyat xususida so'rabdilar. Ibn Abbos: «Odamlar hojatga borishsa ham, xotinlari birlan jimo' qilishsa ham uyalishib osmonga qarashar erdi, shunda ushbu oyat o'shalar haqida nozil bo'lgan»,— debdilar.

Bu yerda yuqoridagi hadis takroran keltirilgan.

Hazrat Umar bunday deydilar: «Ibn Abbos «A-lo innahum yasnuuna suduurahum...» deb qiroat qildi».

Boshqa bir roviy bunday deydilar: «Iastagʻshuuna» (5- oyat) — «boshlarini yopadilar», «Si'a bihim» (77- oyat) — «qavmidan xafa boʻldi», «va zoqa bihim» (77- oyat) — «ulardan (xafa boʻlib) yuragi siqildi», «bi-qit'in minal-layli» (81- oyat) — «kechqurun», «uniybu» (88- oyat) — «qay-turman» degan ma'nodadur».

1-bob. Olloh taoloning qavli: «Uning Arshi suv ustida erdi» (7- oyat)

Abu Hurayra razilllohu anhu rivoyat qiladilar: «Rasululloh sallallohu alayhi va sallam bunday deb aytdilar: «Olloh azza va jalla: «Nafaqa qil (ehson qil), men ham senga nafaqa qilgayman!»—deydi. Olloh taoloning qoʻli ne'matlarga toʻla boʻlib, kecha-kunduz uni bandalariga in'om qilgani birlan sira kamaymagay. Koʻrdingizmi, Olloh taolo osmon(lar) birlan yerni yaratgandan buyon qoʻlidagi ne'matlaridan qancha in'om qilmasin, zarracha kamaygani yoʻq! Uning Arshi suv ustida erdi va qoʻlida tarozu boʻlib, uni dam tushirib, dam koʻtarib turadi».

«I'taroka» (53-oyat)—«senga ziyon-zahmat yetkazibdi», «Oxizun bino siyatiho» (56-oyat)—«Biz uning mulki boʻlib, tamoman uning hukmi ostidamiz», «aniydun» (59-oyat)— «jabr-zulm qilguvchi, sarkash», «ista'marakum» (61-oyat)— «sizlarni joylashtirdi», «nakirahum» (69-oyat)— «ulardan yoqiradi, ularni tan olmadi», «hamiy-dun majiydun» (73-oyat)— «ta'rif etilgan ulugʻ zotdur», «sijjiyl» (82-oyat)—«sopoltoshlar» degan ma'nodadur. Tamim ibn Muqbil bunday degan"

«Hamak yorganlari yangligʻ tuxumlarni uvol aylab, Ururlar qancha boʻlsa, tandagi bor kuchlarin toʻplab, Bu qadar kuch birla hech kim otolmaydi sopoltoshni, Pahlavonlar uchun bu bir muammoli erur matlab». «Va ila Madyana axohum Shu'ayban» (84- oyat) — «Va biz birodarlari Shu'aybni Madyan ahliga yubordik», «varoakum zihriyyan» (92- oyat)—«unga e'tibor bermadingizlar», «aroziluno» (27- oyat) — «tubanlarimiz, pastlarimiz», «ijromiy» (35-oyat)—«gunohlarim», «al-fulk» (37-oyat) — «kema», «majroho» (41- oyat) — «yurishi, suzishi», «mursoho» (41- oyat) — «toʻxtashi» degan ma'nodadur

2-bob. Olloh taoloning qavli: «Va guvohlar: «Mana shulardurlar parvardigorlari xususida yolg`on so`zlaganlar»,— deb ayturlar, eshitingizlar, Olloh taoloning la'nati zolimlarga bo`lsin...» (18- oyat)

«Al-Ashhodu» (18- oyat) — «guvohlar», birligi — «shohid».

Safvon ibn Muhriz bunday deydilar: «Ibn Umar tavof qilib turganlarida bir kishi kelib: «Ey Abu Abdurrahmon (balkim, «Ey Ibn Umar» deb aytgandur), Janob Rasulullohning Olloh taolo birlan banda oʻrtasida boʻladirgan oʻzaro (yuzma-yuz) suhbat haqida ne deganlarini eshitganmisiz?» — deb soʻradi. Ibn Umar: «Men Janob Rasulullohning bunday deganlarini eshitganman»,— dedilar: «Moʻʻmin banda oʻz rabbiga shul qadar yaqin borgaydurkim, hatto ul oraga pardasini tashlab olgay-da, «Bunday va bunday gunoh ishlaringni e'tirof qilasanmi?»—deb bandasini oʻz aybiga iqror qildirgay. Banda:

«Yo rabbim, ha, men e'tirof qilurman!» — deb ikki bor aytgay Olloh taolo. «Men sening o'shal gunoh ishingni ul dunyoda yashirgan erdim, endi bugun uni mag'firat qildim!»— degay. So'ng, o'shal bandaning amali solihlari sahifasi varaqlab chiqiladi. Ammo, qolganlar (yoki kofirlar) guvohlar tomonidan «Mana shulardurlar parvardigorlari xususida yolg'on so'zlaganlar» deb ovoza qilinadi».

3-bob. Olloh taoloning qavli: «Parvardigoringizning jazosi mana shundaydur, agar u zolimlik qilgan mamlakatni jazolasa, jazosi nihoyatda dardlidur» (102-oyat)

«Ar-Rifdul-marfuudu» (99-oyat)—«qilingan yordam», «tarkanuu» (113-oyat)—«moyil boʻldilar», «fa-lav-lo-kona» (116-oyat)—«bas, nimauchun boʻlmadi?», «utrifuu» (116-oyat) — «aysh-ishratga berildilar" degan ma'nodadur.

Ibn Abbos: «Zafiyrun va shahiyqun» (106-oyat) — «qattiq va past ovoz»,— deydilar.

Abu Muso raziyallohu taolo anhu rivoyat qiladilar: «Rasululloh sallallohu alayhi va sallam: «Olloh taolo agar zolimga jazo bersa, uning osongina qutilib ketishiga yoʻl qoʻymay, albatta umrini uzaytiradi»,— dedilar, soʻng «Parvardigoringizning jazosi mana shundaydur, agar u zolimlik qilgan mamlakatni jazolasa, jazosi nihoyatda dardlidur» degan oyati karimani qiroat qildilar».

4-bob Olloh taoloning qavli: «Va (ey habib), ado qilingiz namozni kunduzning har ikki tarafida (ya'ni, erta-yu kech namozi bomdod, peshin va asrni) va tunning ba'zi hissalarida (ya'ni, tunning dastlabki soatlarida shom va xuftonni), albatta yaxshiliklar ketkizur yomonliklarni, bu so'z nasihatdur nasihat qabul qilguvchilar uchun» (114- oyat)

«Va zulafan» (114-oyat)— «(tunning boshlang`ich) soatlarida» degan ma'noda boʻlib, hojilar toʻqqizinchidan oʻninchiga oʻtar kechasi tunaydirgan «Muzdalifa» degan joy nomi shundan olingandur.

Ibn Mas'ud raziyallohu taolo anhu rivoyat qiladilar: «Bir kishi bir xotindan qiblaning qaysi tomonda erkanligini soʻrayotgan erdi, shu payt Janob Rasululloh sallallohu alayhi va sallam kelib qoldilar-da, unga qiblani koʻrsatib qoʻydilar Shunda ul zotga «Va (ey habib), ado qilingiz namozni kunduzning har ikki tarafida va tunning ba'zi hissalarida, albatta yaxshiliklar ketkizur yomonliklarni, bu soʻz nasihatdur nasihat qabul qiluvchilar uchun» degan oyati karima nozil boʻldi. Boyagi kishi: «Bu oyat mening xususimdami?» — dedi. Janob Rasululloh: «Shu oyatga amal qilgan ummatim uchun», — dedilar»

YUSUF ALAYHIS-SALOT VAS-SALOM SURASI

Mujohid: «Muttakaan» (31- oyat) — «Al-Utrujju», ya'ni «limon» degani»,— deydilar. Fuzayl: «Al-Utrujju» habash tilida «limon» demakdur» — deydilar. Ibn Uyayna: «Al-Muttakaan — pichoq birlan kesilgan har qanday narsadir»,— deydilar. Ibn Abbos: «Tufanniduuni» (94-oyat) — «Meni johil deb bilasizlar, meni nodon deb bilasizlar» degan ma'nodadur»,— deydilar. Boshqa bir mufassir bunday deydilar: «Gʻayoba» (15- oyat) — «qa'r», «Al-Jubb» (15- oyat) — «quduq», «bi-mu'minin lano» (17-oyat) — «bizga ishonmaysiz», «ashadduhu» (22-oyat)— «kamoliga (etganda)», «asbu» (33-oyat) —

«moyil boʻlurman», «azgʻosu ahlomin» (44- oyat) — «ta'birsiz, ta'biri noma'lum tushlar», «namiy-ru» (65-oyat)—«gʻalla, ozuqa keltiraylik», «va nazdodu kayla ba'iyrin» (65-oyat) — «yana bir tuya gʻalla keltirurmiz», «ovo ilayhi» (69- oyat) — «oʻz yoniga oldi, oʻz yonidan joy berdi» «as-siqoya» (70- oyat) — «suvidish», «istay'asuu» (80-oyat) — «noumid boʻldilar», «va lo tay'asuu min ruhil-lohi» (87-oyat)—«va noumid boʻlmangizlar Olloh taoloning rahmatidan», «xalasuu najiyyan» (80-oyat) — «alohida bir yerga borishib maslahatlashib oʻltirishdi», «tafta'u» (85- oyat) — «hamisha (istaysan)» degan ma'nodadur». Qatoda: «La-zu ilmin» (68-oyat) — «Ilmiga amal qilguvchi» deganidur»,— deydilar. Ibn Jubayr: «Suvoʻ» (72-oyat)— «forslarda qoʻllanilgan oʻlchov idishi boʻlib, undan (suv yoki boshqa biror ichimlik) ichishgan», deydilar.

1-bob Olloh taoloning qavli: «... va butun qilur o'z in'omini sanga va Ya'qub avlodiga qam chunoniki butun qilib erdi uni ikki bobong bo'lmish Ibrohim va Ishoqga» (6- oyat)

Abdulloh ibn Umar raziyallohu anhu rivoyat qiladilar: «Janob Rasululloh sallallohu alayhi va sallam bunday dedilar: «Saxovatli saxovatlining oʻgʻli, saxovatlining oʻgʻli saxovatlining oʻgʻli, Yusufdur Ya'qubning oʻgʻli, u ersa Ishoqning oʻgʻli, u ersa Ibrohimning oʻgʻli».

2-bob. Olloh taoloning qavli: «Darhaqiqat, Yusuf va uning birodarlari qissalarida savol qilguvchilar uchun ishora (alomat)lar bordur» (7- oyat)

Abu Hurayra raziyallohu anhu bunday deydilar: «Rasululloh sallallohu alayhi va sallamdan: «Qanday odam qadrliroq?»—deb soʻrashdi. Ul zot: «Odamlarning Olloh taoloning dargohidagi eng qadrlisi — eng taqvodoridur»,— dedilar. Ular: «Sizdan bu haqda soʻrayotganimiz yoʻq»,— deyishdi. Ul zot: «Odamlarning eng saxovatlisi (eng olijanobi) — (Ibrohim) xalilulloh oʻgʻli (Ishoq) nabiyyullohning farzandi boʻlmish (Yaʻqub) nabiyyullohning oʻgʻli Yusuf nabiyyullohdur»,— dedilar. Ular yana: «Sizdan bu haqda ham soʻrayotganimiz yoʻq»,— deyishdi. Ul zot: «Mendan eng olijanob xulqli arablar xususida soʻrayotirsizlarmi?»—dedilar. Ular: «Ha»,— deyishdi. Ul zot: «Agar bilsangizlar, johiliyat davridagi eng yaxshiigiz — islomdagi eng yaxshingizdur»,— dedilar».

3-bob. Olloh taoloning qavli: «(Ya'qub) dedi: «Io'q, balki bu dillaringizning sizlar uchun ziynatlab bergan bir tadbiridur, endi sabr (qilmog'im) yaxshiroqdur» (18- oyat)

«Savvalat» (18- oyat) — «ziynatlab» demakdur.

Ubaydulloh ibn Abdulloh; Janob Rasulullohning zavjalari Oisha onamizdan naql qiladilar: «Tuhmatchilar Oisha onamiz xususlarida ogizlariga kelgan gaplarni aytib, igvo qilganlarida ul muhtarama onamizni Olloh taoloning oʻzi (oyat nozil qilib) oqladi. «Ushanda,— deydilar Oisha onamiz,— mening haqimda har kim turli gaplarni aytdi. Janob Rasululloh: «Agar pokdomon boʻlsang, seni Olloh taoloning oʻzi oqlaydi, basharti gunoh qilgan boʻlsang, Olloh taologa istigfor aytgil, unga tavba qilgil!» — dedilar. Men: «Xudo haqi, Abu Yusuf qissasidagi «Endi sabr (qilmogʻim) yaxshiroqdur, sizlarning bu tuhmatlaringizdan xalos boʻlmogʻim uchun Olloh taolodangina madad tilarman» degan gapdan boʻlak oʻzimga biror taskin topolmayman»,— dedim. Keyin, Olloh taolo

«Sizlardan bir guruh tuhmat qilgan kishilar...» deb boshlanadirgan oʻnta oyat nozil qildi».

Masruq rivoyat qiladilar: «Oisha onamizning volidai muhtaramalari Ummu Rumon bunday deydilar: «Bir mahal men va Oisha birga oʻltirib erdik, Oishaning a'zoi badanini titroq bosdi». Janob Rasululloh: «Siz uning haqidagi gaplarni aytib berganingiz uchun shunday boʻlayotgandur?» — dedilar. Ummu Rumon: «Ha» — deb aytdilar. Oisha oʻltirdi-da: «Men birlan sizlar Yaʻqub birlan uning oʻgʻillariga oʻxshaysizlar»,— dedi, soʻng «... yoʻq, balki bu dillaringizning sizlar uchun ziynatlab bergan bir tadbiridur, endi sabr (qilmogʻim) yaxshiroqdur, sizlarning bu tuhmatlaringizdan xolos boʻlmogʻim uchun Olloh taolodangina madad tilarman» degan oyati karimani aytdi».

4-bob. Olloh taoloning qavli: «Va oʻziga moyil qilmoqchi boʻldi uni oʻzidan behud qilib ul xotin, vaqtiki ul uning uyida erdi va yopdi eshiklarni va dedi: «Yaqin kel!» (23- oyat)

Ikrima: «Hayta laka» (23- oyat) — havronliklar tilida «Yaqin kel!» deganidur»,— deydilar (Havron Shomdagi bir mavze). Ibn Jubayr: «Hayta laka»—«Beri kel!» demakdur»,— deydilar.

Abdulloh ibn Mas'ud: «Qolat hayta laka» (23- oyat)— «Dedi: «Yaqin kel!» degan jumlani biz bilganimizcha o'qiymiz»,— deydilar. «Masvoya» (23-oyat)—«maskanim», «va alfayo» (25- oyat)— «topdilar» degan ma'nodadur.

Abdulloh raziyallohu taolo anhu bunday deydilar: «Quraysh qabilasi islomga kirmay Rasululloh sallallohu alayhi va sallamga sarkashlik qilganlarida, ul zot: «Yo parvardigoro, Yusuf alayhissalom qavmiga yetti yil qurgʻoqchilik yuborganing kabi bularga ham yetti yil qurgʻoqchilik yuborgaysan!» — deb duoi bad qildilar. Shunda Quraysh qurgʻoqchilik balosiga giriftor qilinib, hamma narsa qurib bitdi, hatto ular suyaklarni ham yeyishdi, kishi osmonga tikilsa, oʻzi birlan osmon oraligʻi tutun boʻlib koʻrinadirgan boʻlib qoldi. Olloh taolo «Osmon aniq bir tutun keltiradirgan kunni kutgil!», «Darhaqiqat, biz bu azobni bir oz yengil qilurmiz, albatta sizlar yana qaytguvchidursizlar» deb vahiy nozil qildi. Qiyomat kuni ularga beriladirgan azob yengil boʻlarmikan?! Mana, «Osmon aniq bir tutun keltiradirgan kun» ham, «qattiq jazolab (urib) qasos olinadirgan kun» ham boʻlib oʻtdi»

5-bob. Olloh taoloning qavli: «(Yusufning) qoshiga elchi kelganda, (Yusuf) unga: «Xojangning huzuriga qayt, undan soʻragilki, qoʻllarin kesgan xotinlarning hollari nechuk erkan, darhaqiqat mening rabbim ularning makrlarin yaxshi bilur»,— dedi. (Podshoh) xotinlarga: «Yusufni oʻzidan behud qilib, oʻz-laringizga moyil qilmoqchi boʻlgan vaqtingizda ne ahvolda erdingizlar?»— dedi. (Xotinlar): «Xudo pokdur! Biz Yusufning yomonligini bilmadik»,— deyishdi (50—51- oyatlar)

«Hosha lillohi» (51-oyat)—«Xudo pokdur», «Hosha» — «poklik, soflik» degan ma'nodadur.

Abu Hurayra raziyallohu anhu rivoyat kiladilar: «Rasululloh sallallohu alayhi va sallam bunday dedilar: «Olloh taolo Lut alayhissalomni rahmat qilsin! Ul kishi kuch-qudratqa

tayanar erdilar. Agar men Yusuf alayhissalom singari zindonga tushib qolsam-u, oldimga birov yuring, deb chaqirib kelsa, darhol koʻngan boʻlur erdim. Biz Ibrohim alayhissalomdan koʻra haqliroqmiz, chunki (Olloh taolo): «Yoki ishonmadingizmi?»—deganda, ul kishi: «Ha, ishondim, lekin qalbim taskin topsin!»—deb aytganlar».

6-bob Olloh taoloning qavli: «Shunga qadarki, noumid boʻldilar paygʻambarlar (110- oyat)

Ibn Shihob raziyallohu anhu rivoyat qiladilar: «Urva ibn Zubayr Oisha onamizga-«Shunga qadarki, noumid boʻldilar paygʻambarlar» degan oyatdagi soʻz «kuzibuu» deb oʻqilgaymi yoki «kazibuu» deb oʻqilgaymi?»—dedi. Oisha onamiz unga: «Kazibuu» deb oʻqiladi»,— dedilar. Urva: «Paygʻambarlar oʻz qavmlarining aldaganliklariga amin boʻlganlar, bu gumon emas»,— dedi. Oisha onamiz: «Ha, hayotim haqi, ular bunga amin boʻlganlar!» — dedilar. Urva. «Ular gumon qilgan boʻlsalar-chi'»—dedi. Oisha onamiz: «Olloh oʻz panohida asrasin, paygʻambarlar (oʻz qavmlaridan gumon qilganlar), parvardigorlaridan emas!» — dedilar. Urva: «Unday boʻlsa, bu oyatning mazmuni qanday?»—dedi. Oisha onamiz: «Ul qavmlar parvardigorga iymon keltirib, paygʻambarlarga ishonib ergashgan kishilardur. Keyin, ular uzoq vaqt balolarga giriftor qilinib, hadeganda ularga Olloh taolodan najot boʻlmagach, paygʻambarlar: «Qavmimiz bizga yolgʻon va'da bergan erkan-da, (shu boisdan Ollohdan najot boʻlmayotir)»—deb gumonsiraganlar. Shunda Olloh taoloning najoti (madadi) yetib kelgandur»,— dedilar».

AR-RA'D SURASI

Ibn Abbos bunday deydilar: «Ka-bositi kaffayhi» (14- oyat) — «ikki kaftin (hovuchin) suvga uzatgan odam kabi», ya'ni Olloh taolodan bo'lak ma'budga ibodat qilgan mushrik bo'lib, u uzoqdan turib suvga termulgan chanqoq kishiga o'xshaydi, harchand turgan yeridan suvga hovuchin uzatmasin, baribir icholmaydi».

Boshqa bir mufassir bunday deydilar: «Saxxara» (2- oyat) — «rom qildi, boʻysundirdi», «mutajovirot» (4- oyat) — «bir-biriga yaqin», «al-masulot» (6- oyat) — «azob-uqubatlar», «muʻaqqibot» (11- oyat) — «Olloh taolo tarafidin har bir bandaga hamroh qilib qoʻyilgan farishtalar boʻlib, ular uni kuzatib, himoya qilib hamda a'mollarini yozib yururlar», «robiyan» (17-oyat)—«koʻpikni», «av ma-toʻin zabadun misluh» (17- oyat) — «yoki (biror ma'danni) asbob (yasamoq uchun oʻtga qoʻyganda) ham suv koʻpigi kabi koʻpik hosil boʻlur», «jufoan» (17- oyat) — «qurib (bugʻlanib ketar)», ya'ni agar qozondagi suv qaynayversa, oxiri qurib koʻpik qoladi, keyin u ham foydasiz havoga uchib ketib, hech vaqo qolmaydi, Olloh taolo haqdan botilni ana shu tariqa ajratib (farqlab) oladi. «Al-Mihod» (18- oyat) — «joy», «yadrauuna» (22- oyat) — «daf qilurlar», «salomun alay-kum» (24- oyat), ya'ni «Sizlarga salomatlik boʻlsin, derlar», «va ilayhi matobiy» (30-oyat) — «ungadur tavbam», «a fa-lam yayʻas?» (31-oyat)—«ma'lum, ravshan boʻlmadimi», «qori'atun» (31-oyat)—«balo», «fa-amlaytu» (32-oyat) — «uzaytirdim, choʻzdim, ya'ni muhlat berdim», «ashaqqu» (34- oyat) — «qattigʻroq», «mu'aqqib» (41- oyat) — «keyinga surguvchi oʻzqartirguvchi».

Mujohid bunday deydilar: «Mutajovirot» (4- oyat) — «(erlarning) yaxshisi ham, yomoni ham (shoʻrxoki ham) yonma-yon», «sinvonun» (4-oyat)—«ildizi bir boʻlgan ikki yoki undan ortiq xurmo daraxti», «va gʻayru sinvonin» (4- oyat) — «ildizi bir boʻlmagan xurmo daraxtlari boʻlib, ildizi bir boʻlgan xurmo daraxtlari kabi bir xil suv va bir xil

havodan ozuqalanurlar. Bu otasi bir boʻlgan solih (yaxshi) va yomon odamzodga oʻxshaydi», «as-sahobas-siqola» (12-oyat) — «(bagʻrida suvi bor) ogʻir bulutlarni», «kabositi kaffay-hi» (14- oyat) — «tili birlan uzoqdagi suvga tamshanadi, qoʻlini unga choʻzadi, ammo sira ham icholmaydi», «fa-solat avdiyatun bi-qadariho» (17- oyat) — «vodiyning bagʻri selga toʻldi», «zabadan robiyan» (17-oyat) — «sel koʻpigi, temir koʻpigi (kuyindisi) va sut koʻpigi»

1-bob. Olloh taoloning qavli: «Olloh taolo har bir xotin koʻtarib yurgan va bachadonlar oʻz ichiga yashirgan narsani yaxshi bilur» (8- oyat)

Ibn Umar raziyallohu taolo anhu rivoyat qiladilar: «Rasululloh sallallohu alayhi va sallam bunday dedilar: «Gʻaybning beshta kaliti mavjud boʻlib, ularni Olloh taoloning oʻzigina biladi. Ertaga nima boʻlishini Olloh taolodan oʻzga hech kimsa bilmas, bachadonlar oʻz ichiga nimani yashirganini Olloh taolodan oʻzga hech kimsa bilmas, qachon yomgʻir (yogʻin) yogʻishini Olloh taolodan boʻlak biror kishi bilmas, biror kimsa qaerda oʻlishini bilmas, qiyomat qachon qoim boʻlishini Olloh taoloning oʻzigina bilur».

IBROHIM ALAYHIS-SALOT VAS-SALOM SURASI

Mujohid: «Sadiyd» (16- oyat) — «yiring suvi» demakdur»,— deydilar.

Ibn Uyayna: «Uzkuruu ni'matallohi alaykum» (6- oyat) — «Olloh taoloning sizlarga ato etilgan ne'amtini esda tutingizlar", ya'ni "Olloh taoloning sizlarni qo'llab najot berganini hamda Olloh taoloning sizlarni dushmandan qutqargan kunlarini yodingizda tutingizlar" degan ma'nodadir", deydilar.

Mujohid bunday deydshar: «Yabgʻuunaho ivajan» (3- oyat) — «uni tilgan ne'matini esda tutingizlar», ya'ni «Olloh taoloning sizlarni qoʻllab najot berganini hamda Olloh taoloning sizlarni dushmandan qutqargan kunlarini yodingizda tutingizlar» degan ma'nodadir»,— deydilar (Olloh taoloning toʻgʻri yoʻlini odamlarga) egri qilib koʻrsatadilar», «va iz taazzana rabbukum» (7- oyat) — «vaqtiki xabar berdi parvardigorlaringiz. «fa-radduu aydiyahum fi afvohihim» (9-oyat) — «qaytardilar oʻz qoʻllarin paygʻambarlarning ogʻizlariga», ya'ni soʻzlay olmasinlar, deb qoʻllari birlan paygʻambarlarning ogʻizlarini toʻsdilar», «maqomiy» (14- oyat) — «mening huzurimda turishi(dan qoʻrqur)», «min varoihi» (11-oyat)— «ortidan, ya'ni bu dunyo azobidan soʻng, oldinda uni boʻyi) bargini toʻkmagay va har vaqt meva berib turgay?» — dedilar. jahannam azobi kutmoqda», «lakum taba'an» (21- oyat) — «sizlarga tobi', itoatkor (erdik), madad soʻrab sizlarga yolborar (erdik), «va lo xilolun» (31- oyat) — «va na doʻstlik».

2-bob. Olloh taoloning qavli: «Ildizi sobit va shoxi osmonda boʻlgan bir yaxshi daraxtga oʻxsharki, ul har vaqt meva berib turur»

Ibn Umar raziyallohu taolo anhu rivoyat qiladilar: «Biz Rasululloh sallallohu alayhi va sallamning huzurlarida erdik, ul zot bizga: «Aytingizlar-chi, qaysi daraxt (doimo iymoni mustahkam va doimo amali solihlar qilguvchi) musulmon odam kabi (yil Shunda koʻnglimga «Bu xurmo daraxti boʻlsa kerak» degan fikr keldi-yu, ammo Abu Bakr Siddiq birlan Hazrat Umarning indamay turishganini koʻrib, biror soʻz aytishga botinmadim. Bu savolga hech kim javob bermagach, ul zotning oʻzlari: «Bu xurmo daraxtidur!»—dedilar. Janob Rasulullohning huzurlaridan tashqariga chiqqanimizda men otam Hazrat Umarga:

«Ey otajon, xudo haqi, koʻnglimga «Bu xurmo daraxti boʻlsa kerak» degan fikr kelgan erdi»,—dedim. Hazrat Umar: «Nima uchun aytmading?»— dedilar. Men: «Sizlarning indamay turganingizni koʻrib, biror soʻz aytishga jur'at qilmadim»,—dedim. Hazrat Umar: «Agar aytganingda, falon va falon narsalar xususida menga yaxshiroq boʻlgan boʻlur erdi!»—dedilar».

3-bob. Olloh taoloning qavli: «Olloh taolo mustahkam soʻz (kalimai tavhid) barakotidan moʻminlarni (bu dunyoda ham, oxiratda ham) barqaror saqlar (saodatga muyassar qilur) (27- oyat)

Barro ibn Ozib rivoyat qiladilar: «Rasululloh sallallohu alayhi va sallam bunday deb aytdilar: «Musulmon banda qabrda soʻroq qilinsa, «Lo iloha illallohu va anna Muhammadan rasulullohi» deb shahodat aytadi. Bul xususda Olloh taolo: «Olloh taolo mustahkam soʻz (kalimai tavhid) barakotidan moʻminlarni (bu dunyoda ham, oxiratda ham) barqaror saqlar (saodatga muyassar qilur)»— deydi».

4-bob. Olloh taoloning qavli: «Olloh taoloning ne'matini kufrga almashtirganlarni ko'rmadingizmi?» (28-oyat)

«A lam tara?» (28- oyat), ya'ni «ko'rmadingizmi?» (bilmadingizmi?) degan ma'noda bo'lib, Olloh taoloning boshqa suralardagi «A lam tara kayfa?», «A lam tara ilallaziyna...» degan qavllari kabidur.

Ibn Abbos raziyallohu anhu: «Olloh taoloning ne'matini kufrga almashtirganlarni ko'rmadingizmi?» degan oyatdagi kishilar Makka ahlining kofir bo'lganlaridur»,— deydilar.

«AL-HIJR» SURASI

Mujoxid bunday deydilar: «Sirotun alayya mustaqiymun» (41- oyat) — «Haqiqat Olloh taologa olib boradi va uning yoʻli ham xuddi shundaydur», «La-bi-imomin mubiynin» (79- oyat) — «ravshan yoʻlda» demakdu r».

Ibn Abbos: «La-'amruka» (72- oyat) — «Hayotingiz haqqihurmati, qasam ichamanki...», «qavmun munkaruuna» (62- oyat) — «Lut inkor qilgan qavm» degan ma'nodadur»,— deydilar.

Boshqa bir mufassir: «Kitobun ma'luumun» (4- oyat) — . «ajal», «lav mo ta'tiyno» (7- oyat) — «bizga yubormaysanmi?» (keltirmaysanmi?), «shiya'» (10- oyat) — «jamoalar» degan ma'nodadur»,— deydilar.

Ibn Abbos: «Lil-mutavassimiyna» (75- oyat) — . «kuzatuvchilarga, ibrat oluvchilarga», «sukkirat» (15-oyat) — «(koʻzlarimiz) bogʻlanibdur», «buruujan» (16- oyat) — «Quyosh va oy uchun burjlarni», «lavoqiha» (22-oyat)— «(bulutlarni) suvga toʻydirsin deb», «hama'» (26- oyat) — «qora loy», «masnuun» (26- oyat) — «qoʻyilgan», «lo tavjal» (53- oyat) — «qoʻrqma», «dobira» (66- oyat) — «oxiri, tomiri», «La-bi-imomin mubiynin» (79- oyat), «al-imom — seni toʻgʻri yoʻldan ergashtirib boruvchi, toʻgʻri yoʻlga solib quyuvchi har bir narsa», «as-sayhatu» (83- oyat) — «halokat», «illo man-

istaraqas-sam'a fa-atba'ahu shihobun mubiynun» (18-oyat)—«magar ulki, o'g'rincha eshitib qochsa, uning orgasidan ravshan shu'la tushur» degan ma'nodadur»,— deydilar

Abu Hurayra rivoyat qiladilar: «Rasululloh sallallohu alayhi va sallam bunday dedilar: «Olloh taolo osmonda biror ishni hukm qilsa, maloikalar itoatkorona qanotlarini qoqqaylar». Hazrat Ali va boshqalar: «Shul xususda Olloh taoloning quyidagi qavli mavjud»,— deydilar: «(Olloh taolo osmondan sodir qilgan ovozning) qoʻrqinchi (farishtalar) dillaridan yoʻqolib, ular taskin topganlaridan soʻng, bir-birlariga: «Rabbingiz ne dedi?» — derlar. (Shunda): «Haqiqatni (aytdi) va ul eng buyuk ulugʻ zotdur!» — derlar». «Bu gapni,— deydilar Sufyon,— biri ikkinchisidan balandda turgan osmondagi gap poylovchi oʻgʻrincha eshitib olib, pastroqdagi sherigiga yetkazmoqchi boʻlganida, orqasidan bir shuʻla tushib, uni kuydirib yuboradi yoki boʻlmasa, u sherigiga yetkazib ulguradi, sherigi ersa, oʻz navbatida oʻgʻrincha eshitib olgan gapga yuz turli yolgʻonyashiq gaplarni qoʻshib, yerdagi sohir ogʻziga yetkazadi. Odamlar ersa sohirga: «Sen falon va falon kunlarda unday va bunday boʻladi, deb aytib erding, darhaqiqat osmondan eshitgan qaping toʻgʻri boʻlib chikdi»,— deyishadi»

1-bob. Olloh taoloning qavli: «Va albatta hijrliklar paygʻambarlarni: «Yolgʻonchilar»,— deyishdi» (80- oyat)

Abdulloh ibn Umar raziyallohu taolo anhu rivoyat qiladilar: «Rasululloh sallallohu alayhi va sallam Hijrga kelgan oʻz sahobalariga: «Anavi qavm yeriga (Olloh taolo jazolagan Samud qavmining Madina birlan Shom oraligʻidagi yeriga) kirmangizlar, aks holda yigʻlab qola-sizlar, yigʻlab qolmaylik desangizlar, ularning yeriga mutlaqo kirmangizlar, boʻlmasa ularga yetgan musibat sizlarga ham yetgaydur»,— dedilar».

2-bob. Olloh taoloning qavli: «Darhaqiqat, berdik biz sizga yetti oyatniki («Fotiha» surasiniki), u namozda qayta-qayta takror qilinur hamda Buyuk Qur'onni» (87- oyat)

Abu Said ibn al-Muallo rivoyat qiladilar: «Paygʻambar alayhissalom namoz oʻqib turganimda yonimdan oʻtib ketayotib meni chaqirdilar, lekin men namozni tugatmagunimga qadar qoshlariga bormadim, soʻng oldilariga bordim. Ul zot menga: «Oldimga kelmogʻingga nima mone'lik qildi?» — dedilar. Men: «Namoz oʻqiyotgan erdim»,— dedim. Ul zot: «Olloh taolo «Ey moʻminlar, Olloh birlan uning rasuli (da'vatiga) javob beringizlar!» deb aytmaganmi?!»—dedilar. Soʻng: «Masjiddan chiqmasimdan burun senga Qur'ondagi eng buyuk surani oʻrgatib qoʻyayinmi?» — deb aytdilar. Keyin, ul zot masjiddan chiqmoqchi boʻlib ilgari qadam tashlab erdilar, menga aytgan gaplarini eslatdim. Shunda ul zot: «(Menga berilgan) «Alhamdu lillohi rabbilolamiyn» deb boshlanadirgan yetti oyatli (surai «Fotiha») va Buyuk Qur'on»,— dedilar».

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «(Menga) yetti oyatdan iborat Qur'on onasi va Buyuk Qur'on (berilgan)»,— dedilar».

Olloh taoloning qavli: «Kitobni pora-pora qilgan (muqtasimlarga)» (91- oyat)

«Al-Muqtasimiyna» (90- oyat) — «qasam ichganlar» boʻlib, shunga binoan «qosamahumo» deganda «ular ikkisiga qasam ichdi, lekin ular bunga qasam ichmadilar» degan ma'no kelib chiqadi.

Mujohid: «Tagosamuu — o'zaro ont ichib, ahdu paymon qildilar» deganidur»,— deydilar.

Ibn Abbos raziyallohu anhu bunday deydilar: «Kitobni pora-pora qilgan (muqtasimlarga)» degan oyatdagi kishilar kitob ahllaridan boʻlib, ular uni pora-pora qildilar va ba'zisiga ishonib, ba'zisiga kufr keltirdilar».

Abu Zabyon Ibn Abbosdan naql qiladilar: «Muqtasimlarga (azob) tushurganimiz kabi» (90- oyat) degan oyatdagi (oʻzlari pora-pora qilgan Kitobning) ba'zisiga ishonib, ba'zisiga kufr keltirganlar yahudiy va xristianlardur».

3-bob. Olloh taoloning qavli: «Va mashgʻul turing parvardigoringiz ibodatiga to oʻlim sizga kelguncha» (99- oyat)

Solim raziyallohu anhu: «Al-Iaqiynu—oʻlimdur», ~deydelar.

«AN-NAHL» SURASI

«Ruhul-Qudusi» (102-oyat)—«Jabroil alayhissalom boʻlib, chin vahiy shu kishi orqali nozil qilingan», «fiy zayqin» (127- oyat) — «siqiqda» degan ma'noda boʻlib, «amrun zayqun yoki zayyiqun» (tor sharoit, tang ahvol) deyiladi. Bu soʻz «haynun va hayyinun» (oson, yengil) hamda «maytun va mayyitun» (oʻlik, murda) kabi soʻzlar shaklidadur.

Ibn Abbos: «Yatafayyau ziloluh» (48- oyat) — «soyalari tayyor turadi», «subula rabbika zululan» (69-oyat)— «Rabbingning yoʻllaridaki, tekisdur» degan ma'nodadur»,— deydilar.

Ibn Abbos: «Fiy taqallubihim» (46-oyat)—«ixtilof qilganlarida» demakdur»,— deydilar.

Mujohid: «Tamiyda» (15-oyat)—«tebranmasin (deb)», «mufratuuna» (62- oyat) — «unutilib qolguvchilar» demakdur»,— deydilar.

Boshqa bir mufassir: «Fa-izo qara'tal-Qur'ona fas-ta'iz billohi» (98- oyat) — «Qachon Qur'on oʻqimoqchi boʻlsangiz, eng avvalo Ollohdan panoh tilangiz, ya'ni «A'uuzu bil-lohi minash-shaytonir-rajiym» deb aytingiz», bu (Olloh taoloning ajru savobidan mahrum qilguvchi shaytonning yomonligidan) Ollohning himoyasiga oʻzni olmoqlikdur»,— deydilar.

Ibn Abbos bunday deydilar: «Tusiymuuna» (10-oyat) — «oʻtlatursizlar», «dif'un» (5-oyat) — «nimaiki seni (badaningni) isintirsa, oʻsha, ya'ni issiq kiyim», «turiyhuuna (bil-ashiyyi) va tasrahuuna (bil-gʻadoti)»— «shom vaqtida olib kelursizlar va ertalab qoʻyib yuborursizlar», «bi-shiqqi» (7- oyat) — «mashaqqati ila», «taxavvuf» (47- oyat) — «qoʻrqitish, ya'ni bandaning oʻzini ham, mol-dunyosini ham sekin-asta nuqsli qilish birlan qoʻrqitish (qoʻrqitib qoʻyish)», «al-an'om la-ibratan» (66-oyat)— «chorva hayvonlarda ibrat bordur», «aknonan» (81-oyat) — «gʻorlarni», «sarobiyla» (81-oyat)— «koʻylaklarni», «taqiykumul-har-ra» (81- oyat) — «sizlarni issigʻdan saqlar», «sarobiyla taqiykum ba'sakum» (81-oyat)— «sizlarni urush zararidan saqlovchi koʻylaklarni, ya'ni sovutlarni», «daxalan bayna-kum» (92- oyat) — «sogʻ boʻlmagan, nosogʻ har qanday narsa, ya'ni yomon niyat».

Ibn Abbos bunday deydilar: «Hafadatan» (72- oyat) — «nabiralarni», «assakar (sakaran)» (67-oyat) — «mast qilguvchi ichimliklar», «ar-rizqul-hasanu (rizqan hasanan)» (67- oyat) — «Olloh halol qilgan ne'matlar».

Ibn Uyayna: «Ankosan» (92-oyat) — «ahmoqlik, aqlsizlik qilib» degani, ya'ni bir tentak xotin bo'lib, kun bo'yi eshgan ipini kechga borib buzib tashlar erdi»,— deydilar.

1-bob. Olloh taoloning qavli: «Va ba'zilaringiz yaramas (tuban) umrgacha etkizilursiz» (70- oyat)

Anas ibn Molik raziyallohu anhu rivoyat qiladilar: «Rasululloh sallallohu alayhi va sallam «Yo parvardigoro, meni baxillikdan, yalqovlikdan, tuban umrdan (keksayib, notavon boʻlib qolmoqdan), qabr azobidan, Dajjol fitnasidan va tiriklik hamda oʻlim chogʻida boʻladirgan fitnalardan oʻzing asragil!» — deb iltijo qilur erdilar».

«BANIY ISROIL» SURASI

Ibn Mas'ud raziyallohu anhu «Baniy Isroil», «al-Kahf» va «Maryam» suralari xususida: «Bu suralar men Qur'ondan koʻchirib olgan eng qadimgi suralardur»,— deydilar.

«Fa-sa-yung'izuuna ilayka ru'usahum» (51- oyat) — «qimirlaturlar boshlarini siz tarafga».

Ibn Abbos: «Yahuzzuuna — (bosh) irg'aydilar, (boshlarini) sarak-sarak qiladilar»,— deydilar.

Boshqa bir mufassir: «Nagʻaztu minka — sendan taajjub qilib bosh chayqadim»,— deganidur»,— deydilar.

«Va qazayno ila Baniy Isroiyla» (4- oyat) — «Va biz xabar qildik Baniy Isroilgaki, (sizlar albatta fasod qilursizlar, deb)» degan ma'nodadur. «Va izhum najvo» (47- oyat) — «vaqtiki ular maxfiy soʻzlashurlar», «rufotan» (49-oyat) — «parcha-parcha, pora-pora», «vastafziz» (64-oyat) — «qoʻzgʻot», «bi-xaylika» (64-oyat) — «otligʻ», «va rajilika (64-oyat) — «piyoda», «hosiban» (68- oyat) — «kuchli shamol», «al-hosib» — «shamol aralash yogʻadirgan mayda tosh» degan ma'noga ham ega, jahannamda otiladirgan «jahannam toshlari» ham shu soʻzdan. «Toratan» (69-oyat) — «ikkinchi marta», «la-ahtanikanna» (62- oyat) — «albatta tag-tomiri birlan sugʻirib tashlagayman, urugʻini quritgayman», «toirah» (13- oyat) — «baxqizligini, yomon qismatini» demakdur.

1-bob. Olloh taoloning qavli: «Olib ketdi o'z bandasi (Muhammad)ni tunda al-Masjid al-Haromdan» (1- oyat)

Abu Hurayra raziyallohu anhu bunday deydilar: «Farishtalar Rasululloh sallallohu alayhi va sallamga Isro' kechasi ikki qadah keltirishdi, birida (mast qilguvchi) ichimlik, ikkinchisida sut bor erdi. Shunda, ul zot qadahlarga bir nazar tashlab, sutni oldilar. Jabroil alayhissalom: «Sizni tabiatga (butun borliqqa) hadya qilgan Olloh taologa shukr! Agar ichimlikni olganingizda, ummatingiz gumroh bo'lur erdi!»— dedilar».

Jobir ibn Abdulloh rivoyat qiladilar: «Men Rasululloh sallallohu alayhi va sallamning: «Quraysh meni yolgʻonchiga chiqarganda al-Hijrda (al-Masjid al-Haromda) turdim, keyin Olloh taolo meni Baytul-Maqdis (al-Masjid al-Aqso)ga joʻnatdi, men masjidni oʻz koʻzim birlan koʻrib, u yerdagilarni Olloh taoloning oyatlaridan xabardor qilmoqqa tutindim» — deb aytganlarini eshitdim».

Ibn Shihob amakilaridan nakl qilib, yuqoridagi hadisga: «Quraysh meni yolgʻonchiga chiqarganda... Olloh taolo meni Baytul-Maqdisga joʻnatganda» kabi jumlalarni qoʻshimcha qiladilar.

«Qosifan» (69-oyat)—«kuchli shamolni», «karramno»

(70- oyat) va «akramno» bir boʻlib, «izzatli qildik» deganidur, «zi'fal-hayoti» (75-oyat) — «hayot azobi, ti-riklikda beriladirgan azob», «zi'fal-mamoti» (75- oyat) — «oʻlim azobi, oʻlgandan keyin beriladirgan azob», «xilofaka» (76- oyat) — «sendan keyin», «shokilatihi» (84- oyat) — «oʻz tomonida, oʻz tariqasida», «sarrafno» (89-oyat) — «baen qildik, yoʻlladik», «qabiylan» (92- oyat) — «yuzma-yuz», «xash-yatal-infoqi» (100- oyat) — «sarf boʻlib ketish xavfi» degan ma'noda boʻlib, kishi «molimni sarf qilsam, kambagʻal boʻlib qolaman» deb xasislik qiladi. «Qatuuran» (100- oyat) — «xasis, ziqna (erdi)», «lil-azqoni» (107- oyat) — «iyaklari ila».

Mujohid: «Mavfuuran» (63- oyat) — «toʻla, moʻl, mukammal, qaqshatgich» deganidur»,— deydilar.

Ibn Abbos: «Nasiyran» (75-oyat)—«madadkor», «xabat» (97-oyat)— «oʻchdi» degan ma'nodadur»,— deydilar.

Ibn Abbos: «Lo tubazzir» (26- oyat) — «behuda sarf qilma», «ibtigʻoa rahmatin» (28- oyat) — «Olloh taoloning rizqi umidida», «masbuuran» (102-oyat)—«mal'un», «lo taqfu» (36-oyat) — «dema, gapirma», «fa-josuu» (5-oyat) — «qasd, niyat qiladilar», «yuzji lakumul-fulka» (66- oyat) — «yurgizur sizlar uchun kemalarni», «yaxirruuna lilazqoni» (107- oyat) — «yuzlari ila yiqilurlar» demakdur»,— deydilar.

2-bob. Olloh taoloning qavli: «Va qachon biz xohlasakki halok qilaylik bir shaharni, amr qilurmiz uning maiyshatga berilgan kishilariga, (keyin ular ul erda fisq qilurlar)» (16- oyat)

Abdulloh; bunday deydilar: «Biz johiliyat davrida, agar biror mahalla ahli maiyshatga berilib keqa, Banu falon haddidan oshdi, deb aytar erdik».

3-bob. Olloh taoloning qavli: «Ey ul jamoaning avlodiki, mindirdik biz ularni Nuh ila, albatta ul shukrguzor banda erdi», ya'ni «Biz Nuh alayhissalom birlan birga kemaga mindirib qo'ygan kishilarning avlodlari, Olloh taolo tomonidan ajdodingizga qilingan inoyatni unutmangizlar, chunki ular shukr qilguvchi banda erdilar»

Abu Hurayra raziyallohu anhu bunday deydilar: «Rasululloh sallallohu alayhi va sallamga bir boʻlak pishgan goʻsht keltirishdi, ul zot koʻngillari tusagani uchun ham uni olib bir luqma yedilar. Soʻng, bizga bunday deb aytdilar: «Men Qiyomat kuni barcha

insonlarning sayyidi bo'lurman, buning negaligini bilurmisizlar? Qiyomat kuni, dastlabki insondan tortib to oxirgi insonga gadar, barcha odamlar bir yalanglikka toʻplanadilar. Jarchi ularga ovozini eshittira oladi va ularning hammasini ko'ra oladi. Quyosh (Yerga) yaqin keladi. Natijada, odamlarni toqat qilib bo'lmas darajada g'am-g'ussa bosadi, ular o'zaro «Ko'rdingizlarmi, qanday kulfatqa qoldik, endi gunohlarimizni kim Olloh taolodan soʻrab bizga shafoat qiladi? — deyishadi. Shunda, ba'zi odamlar ba'zisiga «Sizlar Odam alayhissalomning qoshlariga bormog'ingiz lozim»—deb maslahat berishadi. Ular Odam alayhissalomning qoshlariga borishib, ul kishiga «Siz insonlar otasisiz, Olloh taolo sizni o'z (gudrat) go'li birlan yaratib, tanangizga o'z ruhidan jon ato etgan va farishtalarga buyurgan, ular sizga sajda qilishgan Parvardiqoringizdan qunohimizni so'rab, bizga shafoat qilingiz bizning holimizga bir qarang, ne ahvolga tushib qoldik!» — deyishgay. Odam alayhissalom «Parvardigorim bugun hargachongidan koʻra gattigrog g'azablanganki, ilgari bunchalik g'azablangan ermas. U menga jannatdagi daraxt mevasini yemoqni ta'qiq qilganida, men unga osiylik qilganman, o'sha osiy men... men... men! Mendan bo'lak odamning — Nuh alayhissalomning qoshlariga boringizlar!» — deydilar. Ular Nuh alayhissalomning qoshlariga borib «Ey Nuh alayhissalom, siz dunyo ahliga yuborilgan birinchi payg'ambarsiz, Olloh taolo sizni shukrguzor banda, deb atagan, parvardigoringizdan gunohimizni so'rab, bizga shafoat qilingiz, bizning holimizga bir qarang, ne ahvolga tushib qoldik!» — deyishgay. Nuh alayhissalom «Parvardigorim azza va jalla bugun harqachongidan ko'ra gattiqroq g'azablanganki, ilgari sira bunchalik g'azablanmagan. Men birvaqtlar, qavmimni duoi (bad) qilgan erdim, o'sha men... men... men! Mendan bo'lak odamning — Ibrohim alayhissalomning qoshlariga boringizlar!» degaylar. Ular Ibrohim alayhissalomning goshlariga borib «Ey Ibrohim alayhissalom, siz Olloh taoloning elchisi va insonlar orasidan o'ziga tanlagan do'stisiz, parvardigoringizdan gunohimizni so'rab, bizga shafoat qilingiz, bizga bir garang, ne ahvolga tushib qoldik!» — deyishqay. Ibrohim alayhissalom ularga «Parvardigorim bugun hargachongidan koʻra gattigrog g'azablanganki, ilgari sira bunchalik g'azablanmagan. Men uch bor yolg'on soʻzlaganman, oʻsha men... men! Mendan boʻlak odamning — Muso alayhissalomning qoshlariga boringizlar!» — degaylar. Ular Muso alayhissalomning qoshlariga borib « Yo Muso alayhissalom, siz Olloh taoloning elchisidursiz, u sizni o'z elchisi qilib hamda siz birlan so'zlashib, boshqa insonlardan yuqori qo'ygan, parvardigoringizdan gunohlarimizni so'rab, bizga shafoat gilingiz, bizga bir garang, ne ahvolga tushib qoldik!»—deyishqay. Muso alayhissalom «Parvardigorim bugun harqachongidan ko'ra qattiqroq g'azablanganki, ilgari sira bunchalik g'azablanmagan. Men o'ldirilmog'i buyurilmagan odamni o'ldirganman, o'sha men... men... men! Mendan bo'lak odamning — Iso alayhissalomning qoshlariga boringizlar!»—degaylar. Ular Iso alayhissalomning qoshlariga borib «Yo Iso alayhissalom, siz Olloh taoloning elchisi, uning Bibi Maryamga aytgan so'zi hamda uning o'zidan bunyodga kelgan ruhdirsiz, siz beshikdagi chaqaloqliqingizdayoq odamlarga soʻzlagansiz, parvardiqoringizdan gunohimizni so'rab, bizga shafoat qilingiz, bizga bir qarang, ne ahvolga tushib qoldik!» — deyishgay. Iso alayhissalom «Parvardigorim bugun harqachongidan koʻra qattiqroq gʻazablanganki, ilgari bunchalik gʻazablanmagan erdi»,— degaylar, ammo qilgan gunohlarini eslatmagaylarda: «O'sha men... men... men!» — deb aytgaylar. Keyin, ularga «Mendan boʻlak odamning — Muhammad sallallohu alayhi va sallamning qoshlariga boringizlar!» — degaylar. Ular Muhammad sallallohu alayhi va sallamning qoshlariga borib: «Yo Muhammad, siz Olloh taoloning elchisi va paygʻambarlarning so'nggisisiz Olloh taolo sizning sobiq va kelgusi gunohlaringizni mag'firat gilgan, parvardigo-ringizdan gunohimizni surab, bizga shafoat qilingiz, bizga bir qarang, ne ahvolga tushib qoldik'» —deyishgay. Shunda men parvardigorim huzuriga yo'l

olgayman-da, Arsh ostonasiga borib, parvardigorim azza va jallaga sajda qilgayman. Soʻng, Olloh taolo menga ilgari hech kimga oshkor qilmagan oʻziga nisbatan aytiladirgan hamdu sanolarni oshkor qilgay. Keyin «Ey Muhammad, boshingni koʻtargil, soʻragil, soʻraganing ato etilgay, shafoat qilgil, shafoating qabul qilingay!»—deyilgay. Men boshimni sajdadan koʻtargayman-da «Ey parvardigorim, (bular) mening ummatim, ey parvardigorim, (bular) mening ummatim!»—deb aytgayman. Shunda «Ey Muhammad, hisob-kitob qilinmaydigan ummatlaringni jannat eshiklaridan boʻlmish oʻng eshikdan kiritgil!»— deyilgay. Bular jannatga faqat shu eshikdangina kiritiladirgan kishilardur. Jonim qoʻlida (ixtiyorida) boʻlgan zot haqi, jannat eshiklari tavaqalarining oraligʻi Makka birlan Himyar yoki Makka birlan Busro oraligʻicha keladi»

4-bob. Olloh taoloning qavli: «Va berdik Dovudga Zaburni» (55-oyat)

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Dovud alayhissalomga Zaburni tilovat qilmoqlik Olloh taolo tomonidan yengillashtirilgan erdi (ya'ni, qisqa vaqt ichida Zaburni xatm qila olish imkonini ato etgan erdi). Dovud alayhissalom, hatto ulovlarini egarlashni buyurib, uni egarlab boʻlgunlarigacha ham Zaburni xatm qilib ulgurar erdilar»,— dedilar».

5-bob. Olloh taoloning qavli: «Siz ayting: «Chaqiringizlar ul jamoaniki, sizlar ularni Ollohdan boʻlak ma'bud, deb ta'kidlaysizlar, ular qodir ermasdurlar na balodan sizlarni xalos etmakka va na biror narsani oʻzgartirmakka» (56- oyat)

Abdulloh raziyallohu anhu «... parvardigorlariga yaqin boʻlmakni...» (57- oyat) degan ibora xususida bunday deydilar: «Ba'zi odamlar jinlarga ibodat qilur erdilar, keyin jinlar musulmon boʻldilar, boyagilar ersa, oʻz dinlariga mahkam yopishib olib, undan voz kechmadilar».

A'mash: «... chaqiringizlar ul jamoaniki, sizlar ularni Ollohdan bo'lak ma'bud, deb ta'kidlaysizlar...» deb yuqoridagi hadisga qo'shimcha qiladilar.

6-bob. Olloh taoloning qavli: «Ana shul jamoaki, bular ularni chaqirurlar, oʻzlari talab qulurlar parvardigorlariga yaqin boʻlmakni...» (57- oyat)

Abdulloh raziyallohu anhu shu oyat xususida gapirib: «Ba'zi odamlar jinlarga ibodat qilur erdilar, keyin jinlar musulmon boʻldilar»,— deydilar.

7-bob. Olloh taoloning qavli: «Va biz ul koʻrsatishni odamlarni sinash uchungina sizga koʻrsatgan erdik» (60- oyat)

Ibn Abbos raziyallohu anhu yuqoridagi oyat xususida bunday deydilar: «Oyatda aytilgan «koʻrsatish» paygʻambarimiz sallallohu alayhi va sallamga «Isroʻ kechasi» Olloh taolo tomonidan marhamat qilingan «ruʻyo» boʻlib, «ash-Shajara al-mal'uuna» — «Zaqqum daraxtidur».

8-bob. Olloh taoloning qavli: «Darhaqiqat, tongdagi Qur'on qiroati farishtalar hozir boʻladirgan vaqtdadur» (78- oyat)

Mujohid: «Tongdagi Qur'on qiroati — bomdod namozidur»,— deydilar.

Abu Hurayra raziyallohu anhu rivoyat qiladilar: «Rasululloh sallallohu alayhi va sallam bunday dedilar. «Jamoat birlan oʻqilgan namozning fazli yakka oʻqilgan namozning fazlidan yigirma besh marta ortiqdur. Bomdod namozida tunda navbatchilik qiladirgan farishtalar birlan kunduzi navbatchilik qiladirgan farishtalar toʻplanishgay». Abu Hurayra: «Agar istasangizlar, «Va Qur'onal-fajri inna Kur'onal-fajri kona mashhuudan» degan (78- oyatni) oʻqingizlar!» — deydilar.

9-bob. Olloh taoloning qavli: «Parvardigoriigiz sizni Maqomi Mahmudda turgizsa, ajab emas!» (79- oyat)

Ibn Umar raziyallohu anhu bunday deydilar: «Qiyomat kuni odamlar tiz choʻkkan holda turadilar, har bir ummat oʻz paygʻambari ortidan ergashadi va unga: «Ey falonchi, shafoat qilingiz!» — deyishadi, yalina-yalina, nihoyat shafoat tilab paygʻambarimiz sallallohu alayhi va sallam-ning qoshlariga borishadi. Oʻshal kun — Olloh taolo paygʻambarimizni Maqomi Mahmudda turgizadirgan kundur».

Abdulloh raziyallohu anhu rivoyat qiladilar: «Rasululloh sallallohu alayhi va sallam bunday dedilar: «Kimki azon ovozini eshitgach, «Ushbu mukammal da'vat va abadiy namoz sohibi boʻlmish ey parvardigorim, Muhammad alayhissalomga vasilat va fazilat ato etgil va ul zotni oʻzing va'da qilgan Maqomi Mahmudda turgizgil!» deb ayqa, qiyomat kuni unga shafoat qilmogʻim mumkin boʻladi».

10-bob. Olloh taoloning qavli: «Va aytingki, keldi haq din va gumdon boʻldi botil din, albatta botil din gumdon boʻlguvchidur (81- oyat)

«Zahuuqan» (81- oyat), «yazhaqu» — «gumdon halok boʻladi» degan ma'nodadur.

Abdulloh ibn Mas'ud raziyallohu anhu bunday deydilar: «Rasululloh sallallohu alayhi va sallam Makkaga kirdilar, shunda Baytulloh atrofida uch yuz oltmishta but bor erdi. Ul zot ularni qo'llarida kaltak (tayoq) birlan nuqib «keldi haq din va gumdon bo'ldi botil (yolg'on) din, albatta botil din gumdon bo'lguvchidir!» — dedilar. Haq din keldi, endi botil din yangidan boshlanmaydi ham, eskisi qayta tiklanmaydi ham!»

11-bob. Olloh taoloning qavli: «Sizdan ruh xususida so'ragaylar» (85- oyat)

Abdulloh raziyallohu anhu bunday deydilar: «Men Janob Rasululloh birlan birga dalada turgan erdim, ul zot bir tayoqqa suyanib (tiralib) turgan erdilar. Shunda bir guruh yahudiylar oʻtib ketayotib oʻzaro «Ruh haqida surangizlar!»—deyishdi. Yahudiylardan biri: «Uni oʻz holiga qoʻyingizlar!»—dedi. Yana ayrimlari «Sizlar inkor qilgan narsa xususida javob bermaydi»,— deyishdi. Qolganlari «Soʻrayveringizlar!»—deyishdi. Nihoyat, ular Janob Rasulullohdan ruh haqida soʻrashdi. Ul zot jim boʻlib qolib, ularga lom-mim demadilar. Men ul zotga vahiy kelayotganini angladim-da, turgan yerimdan qoʻzgʻolmadim. Vahiy nozil boʻlgach, ul zot «Sizdan ruh xususida soʻragaylar, siz aytingki, «Ruh rabbimning ishlaridan (hukmlaridan) biridir va sizlarga (bu haqda) ozginagina ilm berilgandur» deb qiroat qildilar»

12-bob Olloh taoloning qavli: «Va koʻp baland ovoz ila oʻqimangiz namozingizni va na koʻp past ovoz ila» (110- oyat)

Ibn Abbos raziyallohu anhu Olloh, taoloning «Va koʻp baland ovoz ila oʻqimangiz namozingizni va na koʻp past ovoz ila» degan qavli xususida gapira turib bunday dedilar: «Bu oyati karima Rasululloh sallallohu alayhi va sallam Makkada yashirinib yurgan chogʻlarida nozil boʻlgan erdi. Ushanda ul zot sahobalari birlan namoz oʻqisalar, baland ovoz birlan qiroat qilardilar, buni mushriklar eshitib Qur'onni ham, uni nozil qilgan Olloh taoloni ham u birlan yuborilgan Olloh taoloning rasulini ham haqorat qilar erdilar. Shunda Olloh taolo oʻz rasuli sallallohu alayhi va sallamga «Va koʻp baland ovoz ila oʻqimangiz namozingizni (ya'ni, baland ovoz ila qiroat qilmangizki, mushriklar eshitib, Qur'onni haqorat qilurlar) va na koʻp past ovoz ila (ya'ni, juda past ovoz ila qiroat qilsangiz, sahobalaringizga eshit tira olmagaysiz) va tanlangiz buning oʻrtasida bir yoʻlni (ya'ni, oʻrtacha ovoz birlan qiroat qilingiz)»,— dedi».

Oisha raziyallohu anho «Bu oyati karima duo xususida nozil boʻlgan»—deydilar.

«AL-KAHF» SURASI

1-bob. Olloh taoloning «Inson (oʻzi azaldan shundoq) aytishqoq erdi» degan qavli haqida

Husayn ibn Ali rivoyat qiladilar: «Rasululloh sallallohu alayhi va sallam tunda Ali birlan Fotima yotgan hujra eshigini taqillatib «Namoz oʻqimaysizlarmi?» — dedilar. (Shunda Hazrat Ali «Yo Rasulalloh, jonimiz Olloh taoloning qoʻlidadir, agar bizni uygʻotmoqni xohlasa, oʻzi uygʻotgaydur!»—dedilar. Janob Rasululloh xafa boʻldilar, qoʻllarini sonlariga urib «Inson oʻzi azaldan shundoq aytishqoq erdi!»—deya qaytib ketdilar)

2-bob. Olloh taoloning «Eslang, ey Muhammad! Bir kuni Muso o'z g'ulomiga: «To ikki dengiz qo'shiladirgan yerga yetmagunimcha yoki uzoq muddat kezmagunimcha yurishdan to'xtamayman» — deb aytganini» degan qavli haqida

Sa'id ibn Jubayr xabar beradilar: «Men ibn Abbosdan «Navfal al-Bakoliy «Xizr alayhissalomga hamsuhbag bo'lgan Muso Baniy Isroilga payg'ambar bo'lgan Muso ermas» — deb ta'kidladi, shu to'g'rimi?» — deb so'radim. Ibn Abbos (g'azablanib) «Ollohning dushmani yolg'on gapiribdi, menga Ubay ibn Ka'b Janob Rasulullohning quyidagi rivoyatlarini aytib bergan erdi»,— dedilar: «Muso alayhissalom Baniy Isroilga xutba o'qib turgan erkanlar, shunda u kishidan «Odamlarning orasida eng bilimdoni kim?»— deb soʻrashdi. Muso alayhissalom «Men» — deb javob berdilar. Olloh taolo Muso alayhissalomga tanbih berdi, chunki u kishi «Olloh bilimdonrog» demadilar. Keyin, Olloh taolo «Ikki dengiz qoʻshilgan joyda mening bir bandam yashaydi, u sizdan bilimdonroqdur» — deb vahiy qildi. Muso alayhissalom «Ey parvardigorim, men ul zotni ganday topurman?»—dedilar. Olloh taolo «Bir baligni savatga solib, koʻtarib olasiz, qaerda o'sha baliqni yo'qoqangiz, shu joyda Xizrni ko'rasiz»,— dedi. Muso alayhissalom bir baliqni savatga solib, yoʻlga tushdilar, xizmatkorlari Yusha' ham birga erdi. Yura-yura bir tepalik yoniga kelib, boshlarini yerga qo'ydilar-da uyguga ketdilar. Savatdagi baliq ersa tirilib, harakatga keldi-da, dengizga tushib, suzib ketdi. Olloh taolo baliq suzib o'tgan yo'nalishdagi suvni oqishdan to'xtatib binoning yo'lagiga o'xshatib qotirib qo'ydi. Xizmatkor yigit Muso alayhissalom uyg'onganlarida baliqning yo'qolganini aytishni unutdi. Ular yana bir kecha-kunduz yo'l yurishdi. Ertasi kuni Muso alayhissalom

hamrohlariga «Yeguligimizni keltir, safarimizda biroz mashaqqat tortdik!» — dedilar. Darhaqiqat, Muso alayhissalom Olloh taolo bormogni buyurgan o'sha baliq yo'qolgan joygacha hech mashaggat chekmagan erdilar, ammo keyingi bir kechayu-kunduzda qattiq qiynaldilar. Muso alayhissalomning hamrohlari «Esingizdami, bir tepalik oldida uxlagan erdik. Usha yerda men baligni yoʻqotgan erdim, lekin sizga aytishni unutibman Albatta, buni menga shaygon unutdirgan»,— dedi Baliq ersa sirli suratda dengizga tushib g'oyib bo'lgan erdi. Muso alayhissalom va ul kishining xizmatkorlari uning ganday qilib g'oyib bo'lganini bilolmay taajjubda qolishdi. Keyin, Muso alayhissalom «Mana shu biz istagan narsadur»,— dedilar-da, Xizr alayhissalomni izlab xizmatkorlari birlan orqalariga qaytdilar. Ular yura-yura nihoyat ikki dengiz birlashgan joydagi tepalik yoniga kelishdi. Shu yerda kiyimiga o'ralib olgan bir kishini uchratishdi Muso alayhissalom salom berdilar. Xizr alayhissalom ul kishiga javoban «Sizning yeringizda gaerdan ham tinchlik (salom) bo'lsin?!»—dedilar. «Men Musoman»,— dedilar. Muso alayhissalom «Baniy Isroilning Musosimisiz?»— dedilar. Xizr alayhissalom «Xa, oʻzingiz bilgan ilmdan menga ham o'rgaqangiz deb keldim»,— dedilar. Muso alay-hissalom Xizr alayhissalom «Siz men birlan sabr qilib yura olmaysiz Ey Muso, menda Olloh taolo bildirgan shunday ilm borki, uni siz bilolmaysiz va sizda Olloh taolo bildirgan shunday ilm borki, uni men bilolmayman!»—dedilar. Muso alayhissalom «Xudo xohlasa, mening sabrli erkanligimni koʻrgaysiz, sizga osiylik qilmagayman!» — dedilar. Xizr alayhissalom «Unday ersa men birlan yuringiz-da, to o'zim aytmagunimcha biror narsaning sababini so'ramangiz!» dedilar. Soʻng, ikkovlari dengiz sohili boʻylab yurib ketishdi. Ittifoqo bir kema sohilga kelib to'xtadi. Ular darg'a birlan gaplashib, o'zlarini birga olib ketishga uni ko'ndirishdi Ammo, kemadagilar Xizr alayhissalomni tanib golib, bepul olib ketishga rozi bo'lishdi. Kema yoʻlga chiqqach, koʻp oʻtmay Xizr alayhissalom bolta birlan kemaning bir yog'ochini ko'chirib oldilar. Muso alayhissalom ul kishiga «Bu qavm-ku, bizni bepul kemalariga chiqarib oldilar, siz bo'lsangiz kema ahlini cho'ktirish uchun uni teshib qo'ydingiz, taajjub ish qildingiz?!—dedilar. Shunda Xizr alayhissalom «Men sizga aytuvdim-ku, men birlan birga sabr qilib yura olmaysiz, deb!»—dedilar. Muso alayhissalom darhol uzr aytib «Unutgan narsam uchun menga tanbih berib, koʻzlagan ishimni qiyinlashtirmangiz!» —dedilar. (Janob Rasululloh «Muso alayhissalomdan sodir boʻlgan dastlabki xato esdan chiqarish sababli erdi»,— deydilar) Keyin, bir chumchuq kelib kema chetiga qo'ndi-da, tumshug'i birlan dengizdan bir tomchi suv oldi. Shunda Xizr alayhissalom Muso alayhissalomga «Ollohning ilmi oldida men birlan sizning ilmingiz mana shu chumchuq dengizdan olgan bir qatrachalikdur, xolos!»—dedilar. Keyin, ikkovlari kemadan tushib sohil bo'ylab ketayotgan erdilar, noqahon Xizr alayhissalomning koʻzlari oʻrtoqlari birlan oʻynab yurgan bir bolaga tushib, uni borib oʻldirdilar. Muso alayhissalom Xizr alayhissalomga «Begunoh bir pokiza bolani oʻldirdingiz, qanday yomon ish qildingiz!»—dedilar. Xizr alayhissalom «Men sizga aytmaganmidim, men birlan yurishga hech togat gilolmaysiz, deb!» — dedilar. Bu tanbih avvalgisidan qattiqroq va tahdidliroq erdi. Muso alayhissalom «Agar yana biror narsa haqida sizdan so'rasam, mayli meni o'zingiz birlan olib yurmangiz, unda ayb o'zimda bo'ladi»—deb iltimos gildilar.

Ikkovlari yoʻlda davom etib bir qishloqqa kirishdi, qishloq ahlidan taom soʻrashgan erdi, ular mehmon qilishdan bosh tortishdi. Xizr alayhissalom oʻsha yerda yiqilay deb turgan bir devorni koʻrib, qayta tiklab qoʻydilar. Buni koʻrib Muso alayhissalom «Bu qavmning huzuriga kelib taom soʻradik, berishmadi, mehmon ham qilishmadi, agar xohlasangiz, mana shu ishingizga haq olmogʻingiz mumkin» — deb kuyundilar. Xizr alayhissalom «Mana bu endi siz birlan mening ajralmogʻimizga sababdur! Lekin men, sizga oʻzim aytib bergunimgacha siz sabr qilolmagan ishlarning ma'nosini aytib berayin: boyagi kema

xususiga kelsak, U bechorahol kishilarniki boʻlib, ular boradirgan joyda yaroqli kemalarni tortib oladirgan zolim podshoh bor erdi. Xaligi bolaning ota-onasi ersa moʻmin kishilar boʻlib, bola kufr va osiylik birlan ularga koʻp ozor berar erdi. Shu sababdan Olloh taolo uning oʻrniga pokiza va mehribon farzand ato qilishni iroda qildi. Mana bu devor masalasiga kelsak, uning ostida xa zina bor, u ikki yetim bolaga tegishli. Ularning marhum otalari solih kishi boʻlgan boʻlib, undan qolgan ushbu xazinani Olloh taolo ular voyaga yetgach, yuzaga chiqarmoqni iroda qildi. Men bu ishlarni oʻzim uchun qilganim yoʻq. Mana shular siz sabr qilishga toqatingiz yetmagan narsalarning ta'vilidur»,— dedilar. Janob Rasululloh «Qani endi, Muso alayhissalom sabr qilgan boʻlsalar, Olloh taolo bizga ikkovlari haqidagi qissalarni bayon qilib bergan boʻlur erdi» — deb erdilar»

3-bob Olloh taoloning «Ikkovlari ikki dengiz birlashgan yerga yetganlarida baliqlarini unutdilar. Baliq dengiz boʻylab oʻz yoʻliga ravona boʻldi» degan qavli xususida

Sa'id ibn Jubayr rivoyat qiladilar: «Men Ibn Abbosning huzurlarida erdim, ul kishi «Savollar bo'lsa, so'rangizlar!» —deb qoldilar. Men «Ey Ibn Abbos, Olloh taolo meni sizga fido qilsin! Kufada bir qissago'y kishi bo'lib, uning ismi Navfdur. Ushal odam «Xizr alaihissalom birlan hamsuhbat bo'lgan Muso Baniy Isroil paig'ambari bo'lgan Muso ermas»,— deydi, siz bunga nima deysiz?» —dedim»

Ushbu hadisni ikki kishi — Amir ibn Dinor va Ya'lo ibn Muslim Sa'id ibn Jubairdan nagl qilib rivoyat qilgan Amrning rivoyatida «Ollohning dushmani yolg'on qapiribdi» degan jumla mavjud. Ya'loning Ibn Abbosdan nagl gilgan rivoyati guyidagicha: «Janob Rasululloh bunday dedilar: «Muso Ollohning rasulidurlar. Ul kishi bir kuni odamlarga shunday va'z gildilarki, hatto eshitganlarning ko'zlaridan yoshlar guyilib, dillari mo'mdek eridi. Shunda bir odam Musoga yaqin kelib: «Ey Ollohning rasuli, yer yuzida sizdan bilimdonroq odam bormi?» — deb so'radi Muso alayhissalom «Yo'q» — deb javob berdilar. Olloh taolo ul kishiga tanbih berdi, chunki ul kishi «Olloh bilimdonrogdur!» demadilar. So'ng, Muso «Ey parvardigor, mendan bilimdonrog bandang gaerda?» dedilar. Olloh taolo «Ikki dengiz qo'shilgan joyda»,— dedi. Muso «Ey parvardigor, menga o'sha bandangdan ilm o'rganishni nasib etgin!» — deb iltijo gildilar. (Hadisning shu yeri Amrning rivoyatida «Usha bandamni baligni yoʻqotgan yerda topasan» degan jumla birlan, Ya'loning rivoyatida ersa «Bir o'lik baligni o'zingiz birlan olib olingiz, gaerda unga jon kirgizilsa, oʻsha joyda mazkur bandam birlan uchrashasiz» degan jumla birlan rivoyat qilingan). Muso bir baliqni olib, uni savatga soldilar-da, o'z xizmatkorlariga «Sendan birgina iltimos, qachon baliqni yoʻqotib qoʻysang, menga xabar qilgin»—dedilar. (Ibn Jurayj «Olloh taoloning «Muso o'z xizmatkor yigitiga dedi» degan oyatidan keyin hadisda tilga olingan Yusha' ibn Nun ismini Sa'id rivoyat gilgan ermas»,— deydilar) Vaqtiki xizmatkor bir nam joyda tosh soyasida dam olayotgan erdi, baligga jon kirib, harakatga keldi. Shunda Muso uxlab yotgan erdilar. Xizmatkor «Hozir uygʻotmayin, turganlarida aytarman»,— dedi, ammo uygʻonganlarida xabar qilishni unutdi. Baliq ersa harakatlanib dengizga kirdi. Olloh taolo dengiz oqimini to'xtatdi, toshlarda baliqning izi gotib goldi. (Roviy aytadiki, Amr menga «Baligning izi toshda mana bunday gotib goldi» deb bosh barmog'i birlan keyingi ikki barmog'ini halqa gilib ko'rsatdi) Muso hamrohlariga «Ovqatni keltir bugungi safarimiz juda mashaqqatli boʻldi!» — dedilar. Soʻng, ikkovlari orgalariga qaytib, Xizr alayhissalomni topishdi. Ul kishi baliq terisi yangliq' palos ustida bo'lib, boshdan oyoq liboslariga burkanib olgan erdilar, libosning bir uchi oyoqlarini, ikkinchi uchi ersa boshlarini berkitib turardi. Muso alayhissalom Xizr alayhissalomga

salom berdilar. Xizr alayhissalom yuzlarini ochib «Mening yerimda tinchlik (salom) bormi? Siz kimsiz?»—dedilar. Muso «Men Musoman»,— dedilar. Xizr «Baniy Isroilning Musosimi?»—dedilar. Muso «Ha»,— dedilar. Xizr «Nima istaysiz?»— dedilar. Muso «Uzingizga oʻrgatilgan ilmdan menga ham oʻrgaqangiz, deb keldim»— dedilar. Xizr alayhissalom «Qoʻlingizda Tavrot bor, bundan tashqari sizga vahiy ham keladi, shu sizga kifoya qilmaydimi? Ey Muso, Olloh taolo menga shunday ilm berganki, uni sizning bilishingiz durust ermas, Olloh taolo sizga ham shunday ilm berganki, uni mening ham bilishim durust ermas!» — dedilar. Shu paytda bir qush uchib kelib dengizdan tumshug'i birlan suv icha boshladi. Shunda Xizr «Mening ilmim birlan sizning ilmingiz Ollohning ilmi oldida mana shu qush tumshug'i birlan dengizdan olgan suvchalik, xolos!» —dedilar. Keyin, ikkovlari dengiz bo'yida turishib erdi, sohildan sohilga odam tashuvchi bir kema kelib goldi. Kemadagilar Xizr alayhissalomni tanib «Ollohning solih bandasi kelayotir, undan haq olmay o'tkazib qo'ygaymiz»,— deyishdi (Roviy aytadilar «Men Sa'iddan «Ular Xizrni tanishdimi?» — deb so'radim. Ul kishi «Ha»,— dedilar) Kemaga o'ltirgan-l ridan keyin, Xizr alayhissalom kemani teshib qo'ydilar Muso alayhissalom «Kemani teshib qo'ydingiz, uning odamlarini cho'ktirmoqchimisiz, qanday noto'g'ri ish qildingiz?!» dedilar. Xizr alayhissalom «Aytmadimmi sizga, men birlan sabr gilib yurolmaysiz, deb» — dedilar. Bu Muso alayhissalomning Xizr alayhissalom shartlarini birinchi bor unutishlari erdi (Ul kishining ikkinchi e'tirozlari shartli, ya'ni Muso alayhissalom Xizr alayhissalomning shartlarini birinchi bor unutganlarida «Agar bandalik gilib shartingizni unutib qo'ysam, menga dashnom bermay ma'zur tutingiz!» deb o'zlari shart quygan erdilar, uchinchisi ersa qasddan bo'ldi) Muso «Va'dani unutib so'raganim uchun meni ayblamangiz, meni mushkul ahvolga solmangiz» — deb uzr aytdilar. Soʻng, yoʻlda bir bolaga duch kelishdi, Xizr alayhissalom uni oʻldirdilar. Ya'lo Sa'iddan naql qilishlariga ko'ra, «Ikkovlari yo'lda o'ynab yurgan bolalarga duch kelishdi. Xizr alayhissalom ulardan bir shoʻxrogʻini ushlab, yerga yetqizdilarda, pichoq birlan boʻgʻizladilar. Muso alayhissalom «Bu begunoh bolani nega oʻldirdingiz, axir u birovni oʻldirmaganku?|» dedilar. Keyin, ikkovlari yura-yura bir devorga duch kelishdi, devor yiqilay deb turgan erdi. Xizr alayhissalom o'sha devorni tiklab qo'ydilar. Shunda Muso alayhissalom «Agar xohlasangiz, mana shu xizmat uchun haq olmog'imiz mumkin erdi»— deb uchinchi bor e'tiroz bildirdilar» (Voqea'lar avvalgi hadisda to'la bayon qilingani uchun bu yerda qisqaroq rivoyat qilinayotir Xizr alayhissalomning kemani teshib qo'yganlarining sababi shuki, kema ahli yo'l olgan tomonda bir zolim podshoh bo'lib, u barcha yarogli kemalarni tortib olayotgan erdi. Uning nomi Xudad ibn Yudad erdi. Uldirilgan bolaning ismini ersa Jaysur deb taxmin qilishadi. Xizr alayhissalom «Zolim podshoh barcha yaroqli kemalarni tortib olayotgan erdi. Men uni aybli qilib qo'ydim, chunki podshohning odamlari uni ko'rib «yaroqsiz erkan» deb tegishmaydi. Ular ketgandan keyin, kema egalari uni tuzatib yana foydalanaverishadi. Kema teshilgandan keyin, ba'zilar teshikni shisha birlan to'sib olishni maslahat berishdi. Uldirilgan bola ersa kofir bo'lib, ota-onasi mo'minlardan erdi Biz bolaning tug'yoni va kufri ota-onasini yo'ldan chiqarmasa erdi, ular bolaga bo'lgan muhabbatlari tufayli uning diniga ergashib ketmasalar erdi, deb qo'rgdik, shoyad parvardigor ularga osiy o'g'il o'rniga diyonatli va mehribon farzand bersa!» — keb aytibdilar. Sa'iddan bo'lak barcha roviylar aytadilarki, o'ldirilgan bola evaziga Olloh taolo ularga bir qiz ato etibdi. Ul qiz shunday soliha bo'libdiki, uning zurriyotidan bir qancha payg'ambar tug'ilibdi)

4-bob Olloh taoloning qavli: «Ikkovlari ikki dengiz tutashgan joydan o'tib, ko'p yurganlaridan keyin, Muso alayhissalom xizmatkor yigitlariga: «Ovqatni keltir, bugungi safarimiz ko'p mashaqqatli bo'ldi»,— dedilar. Yigit ersa: «Bizning qoya

oldida dam olganimiz esingizdami? Usha joyda men baliqni yoʻqotgan erdim, bul haqda sizga xabar qilmoqchi boʻldim-u, lekin meni shayton esimdan chiqartirdi»,— dedi. Baliqning sirli ravishda dengizga tushib suzib ketganligi bularni taajjubga solgan erdi»

Sa'id ibn Jubayr rivoyat qiladilar «Men Ibn Abbosqa «Navfal Bakoliy «Baniy Isroil Musosi Xizr alayhissalom birlan uchrashgan Muso ermas» deb aytdi»,— dedim. Shunda Ibn Abbos raziyallohu anhu bunday dedilar: «Ollohning dushmani yolgʻon aytibdi. Menga Ubay ibn Ka'b raziyallohu anhu aytgan erdiki, Janob Rasululloh bul hagda guyidagicha rivoyat qilgan erkanlar «Bir kuni Muso alayhissalom Baniy Isroilga xutba oʻqidilar, shunda bir odam turib ul kishidan «Eng bilimdon odam kim» —deb soʻradi. Muso alayhissalom «Men» — deb javob berdilar. Bilimdonlik Olloh taologagina xos fazilat erkanligini ta'kidlab, «Eng bilimdon Olloh taolodur » deb aytma-ganlari uchun parvardigor ul kishiga tanbih berdi, so'ng vahiy yuborib «Ikki dengiz tutashgan yerda bir bandam bor, o'sha sizdan bilimdonroqdur»,— dedi Muso alayhissalom «Ey rabbim, uning huzuriga qanday borgayman?» —dedilar. Olloh taolo «Bir baliqni savatga solib, oʻzingiz birlan olib ketasiz, gaerda o'sha baligni yo'qoqangiz, o'sha joyda mazkur bandamni topasiz»,— dedi. Muso alayhissalom xizmatkor yigitlari Yusha' ibn Nun birlan birga bir baligni olib yoʻlga tushdilar, ular yura-yura bir katta tosh yeniga kelib toʻxtashdi. Muso alayhissalom o'sha tosh yonida boshlarini yerga qo'yib uxlab qoldilar. Amrdan boshqa roviylarning aytishlariga ko'ra, o'sha tosh tagida bir buloq bo'lib, uni «H,ayot bulog'i» deb atashar erkan. Uning bir tomchisi har qanday o'likka tegsa, qayta tirilar erkan. Savatdagi o'lik baligga o'sha bulog suvidan sachradi-da, u tirilib, harakatga keldi va savatdan sirg'alib tushib, dengizga sho'ng'idi. Muso alayhissalom uyg'ongach, xizmatkor yigitga «Yeguligimizni keltir!»—deb buyurdilar. Butun mashaggat Xizr alayhissalom birlan uchrashish buyurilgan joydan o'tganlaridan keyin bo'ldi. Yusha' ibn Nun «Dam olgan joydagi tosh esingizdami, o'sha joyda men baligni yo'qotgan erdim»,— dedi So'ng, ikkovlari ortlariga qaytishib, yoʻl-yulakay koʻrgan-kechirganlarini soʻzlashib bo rishdi. Nihoyat, balig suvga shung'igan joiga yetib kelib garashsa, u yerni Olloh taolo gumbazga o'xshatib qotirib qo'ygan erkan. Bu holatni ko'rgan xizmatkor ko'p taajjubda qoldi. Tosh yoniga kelishganda libosiga o'ralib olgan bir kishini uchratishdi, Muso alaihissalom ul kishiga salom berdilar. Xizr alayhissalom Yeringizda gaerdan ham tinchlik (salom) bo'lsin — dedilar. Muso alayhissalom: Men Musoman»,— dedilar Xizr alayhissalom «Baniy Isroil Musosimisiz» — dedilar. Muso alayhissalom «Ha shunday, sizga ergashib yursam Olloh, taolo o'zingizga o'rgangan ilmdan menga o'rgagangiz! —dedilar. Xizr alayhissalom «Ey Muso, Olloh taolo sizga shunday bir ilm o'rgatganki, uni men bilolmayman va Olloh taolo menga ham shunday bir ilm ato etganki uni siz bilolmaysiz!» -dedilar. Muso alayhissalom «Shunday ersa-da, men sizga ergashaveraman!»—dedilar. Xizr alayhissalom «Bo'lmasa kelishib olaylik, toki o'zim sababini aytmagunimcha biror narsa haqida so'ramaysiz!»—dedilar. Keyin, ikkovlari sohil bo'ylab ketayotgan erdilar, ularning oldilaridan bir kichik kema o'tib goldi. Kemachilar Xizr alaihissalomni tanib, ularni kemaga haq olmay chiqarishdi. Ikkovlari kemaga mingan paytlarida kema chetiga bir chumchuq kelib qo'ndi-da, tumshug'ini dengizga botirib suv ichdi. Shunda, Xizr alayhissalom «Sizning, mening va butun xaloyigning ilmi Ollohning ilmi oldida mana shu chumchug tumshug'ini dengizga botirib olgan bir tomchi suvchalikdur!» — dedilar. Ko'p o'tmay, Xizr alayhissalom bir teshani qullariga olib kemani teshib qo'ydilar. Muso alayhissalom bundan ajablanib «Bular bizni kemaga bepul chiqardilar, siz ersangiz hammalarini cho'ktirish uchun kemani teshib qo'ydingiz qanday noma'qul ish qildingiz!»— dedilar. Soʻng ular yoʻlda davom etib, bir bolaga duch kelishdi, bola oʻz

oʻrtoqlari birlan oʻynab yurardi. Xizr alayhissalom uni oʻldirdilar. Muso alayhissalom xunob boʻlib «Begunoh pokiza bir bolani oʻldirib, qandayin yomon ish qildingiz»—dedilar. Xizr alayhissalom «Aytib erdim-ku, siz men birlan sabr qilib yurolmaysiz, deb!» — dedilar. Soʻng ikkovlari yana yoʻl yurib yiqilay deb turgan bir qoʻrgʻonga duch kelishdi, Xizr alayhissalom uni qoʻllari birlan tiklab quydilar. Muso alayhissalom «Biz qishloqqa kirdik, qishloq ahli ersa bizni mehmon qilmadi, taom ham bermadi, agar xohlasangiz, mana shu ishingizga haq olsangiz bizga yegulik boʻlur erdi!»—dedilar. Shunda, Xizr alayhissalom «Mana bu gapingiz men birlan sizning ajralmogʻimizga sababdur! Endi, siz sabr qilolmagan narsa larning tafsilotini aytib beraman»,— dedilar Janob Rasululloh shul haqda «Koshki erdi, Muso alayhissalom yana sabr qilganlarida, Olloh taolo bizga ikkovlarining qilgan ishlarini qissa qilib bergan boʻlur erdi!»—degan erkanlar»

5-bob. Olloh taoloning «Qilgan ishlari tufayli juda koʻp ziyon koʻrgan kishilar haqida sizlarga xabar berayiimi, deb aitingiz!» degan qavli xususida

Mus'ab ibn Umayr rivoyat qiladilar: «Qilgan ishlari tufayli juda koʻp ziyon koʻrgan kishilar haqida sizlarga xabar berayinmi deb aytingiz» degan oyat haruriylar xususida boʻlsa kerak»—deb otamdan soʻradim (Haruriylar — Xazrat Aliga qarshi chiqqan xavorijlardan boʻlib, ularning nomi Kufa shahri yaqinidagi Haruro qishlogʻiga nisbat beriladi. Ular Xazrat Aliga boʻysunmagan birinchi isyonchilar erdi) Otam «Iuq, bu yahudiy va nasorolar haqida boʻlib yahudiilar Muhammad sallallohu alayhi va sallamni yolgʻonchi qildilar, nasorolar ersa «Jannatda ovqag ham, ichimlik ham yoʻq» deb kufr keltirdilar. Haruriylar xususiga kelsak, ular Ollohga bergan ahdlarini buzdilar. (Islom xalifasiga bay'at qilgandan soʻng, unga qarshi isyon qilish Ollohga bergan ahdni buzish, deb yuritiladi) Shuning uchun Sa'd ibn Abu Vaqqos ularni «fosiqlar» deb atagan erdilar»

6-bob. Olloh taoloning qavli: «Ular parvardigorning oyatlariga va (oxiratda) unga yuzma-yuz boʻlishga kufr keltirgan kimsalardur, bas ularning hamma amallari habata boʻldi!»

Abu Hurayra raziyallohu anhu rivoyat hiladilar: «Janob Rasululloh «Qiyomat kuni gavdali, semiz bir odam (mahsharga) kirib kelgan, ammo u Olloh taoloning huzurida pashsha qanotichalik tosh bosmagay» — deb aytdilar Oʻqingizlar, Olloh taolo «Qiyomat kuni ular uchun hech qanday vazn bor qilmaymiz!» — deydi»

«MARYAM» SURASI

1-bob. Olloh taoloning qavli: «Ularni hasrat kunidan ogoh qilingiz!»

Abu Sa'id al-Xudriy raziyallohu anhu rivoyat qiladilar «Janob Rasululloh bunday dedilar «Ulim ola-bula qo'chqor qiyofasida keltiriladi Shunda, bir jarchi «Ey ahli jannatlar!»— deb nido qiladi. Ahli jannatlar boshlarini ko'tarib qarashadi Jarchi «Mana buni taniyapsizlarmi?» — deydi Ular «Ha, bu o'limdur» — deb javob berishadi, chunki hammalari uni ko'rgan bo'lishadi. So'ng, jarchi «Ey ahli do'zaxlar!» — deb nido qiladi. Ahli do'zaxlar boshlarini ko'tarib qarashadi Jarchi «Mana buni taniyapsizlarmi?» — deydi. Ular «Ha, bu o'limdur»,— deyishadi, chunki ular ham o'limni ko'rgan bo'lishadi. Keyin, qo'chqor qiyofasidagi o'lim shu yerning o'zida bo'g'izlanadi. Shundan so'ng, jarchi «Ey ahli jannatlar, bundan buyon o'lmaysizlar, endi o'limni ko'rmaysizlar, ey ahli do'zaxlar, bundan buyon o'lmaysizlar, endi o'limni ko'rmaysizlar!» — deydi». Keyin, Janob

Rasululloh quyidagi oyati karimani tilovat qildilar «Ularni hasrat kunidan ogoh qilingiz, Ollohning amri shubhasiz amalga oshguvchidur, holbuki ular iymon keltirmay gʻaflatda yuribdurlar!»

2-bob. Olloh taoloning qavli: «Va biz farishtalar tushmasmiz magar parvardigoringiz amri ila, aning ixtiyoridadur nima narsaki oldimizdadur va nima narsaki keyinimizdadur»

Ibn Abbos raziyallohu anhu rivoyat qiladilar «Janob Rasululloh Jabroil alayhissalomga «Mening huzurimga koʻproq kelib tursangiz! Buning uchun sizga nima mone'lik qiladi!«—dedilar. Shunda «Va biz farishtalar faqat rabbingizning amri birlangina (erga) tushurmiz, nimaiki oldimizda va nimaiki ortimizdadur, barchasi Olloh, taoloning ixtiyoridadur» degan oyat nozil boʻldi»

3-bob. Olloh taoloning qavli: «(Ey Muhammad), bizning oyatlarimizga kufr keltirib, «Menga ul dunyoda ham mol-dunyo va bola-chaqa berilur» deguvchi kimsani koʻrdingizmi?!»

Xabbob raziyallohu anhu rivoyat qiladilar «Men Os ibn Voil as-Sahmiyning oldiga unga bergan qarzimni talab qilib bordim U menga «Muhammadga kufr keltirmagu-ningcha olgan qarzimni bermayman!» — dedi. Men «Ioʻq, aslo, sen oʻlib, qiyomatda qayta tiriltirilguningga qadar ham kufr keltirmayman!» —dedim. Os ibn Voil «Men oʻlsam, qaytatirilamanmi?»—dedi Men «Ha»,— dedim Os ibn Voil «Unday boʻlsa, oʻsha joyda ham mening bola-chaqam va mol-dunyom boʻladi, qarzimni oʻshanda toʻlayman»,— dedi. Shunda yuqoridagi oyati karima nozil boʻldi».

4-bob Olloh taoloning qavli: «Ayo, ul (kofir) gʻaybdan xabar topibdurmi yoki Olloh unga (ul dunyoda ham mol-dunyo va bola-chaqa ato qilurman, deb) va'da beribdurmi?!»

Xabbob raziyallohu anhu aytadilar: «Men Makkada temirchilik qilur erdim, Os ibn Voilga bir qilich yasab bergan erdim, uning haqini olish uchun uyiga keldim. Os ibn Voil «Agar Muhammadga kufr keltirmasang, haqingni bermayman!»—dedi. Men: «Seni Olloh oʻldirib, qiyomatda qayta tiriltirgungacha ham kofir boʻlmayman!» — dedim. Os ibn Voil «Agar Olloh meni oʻldirib, keyin tiriltirsa, oʻsha joyda ham mening bola-chaqam va molu dunyom boʻladi»,— dedi. Shunda Olloh taolo «(Ey Muhammad), bizning oyatlarimizga kufr keltirib, «Menga ul dunyoda ham mol-dunyo va bola-chaqa berilur» deguvchi kimsani koʻrdingizmi? Ayo, ul (kofir) gʻaybdan xabar topibdurmi yoki Olloh unga (ul dunyoda ham mol-dunyo va bola-chaqa ato qilurman, deb) va'da beribdurmi?» degan oyati karimani nozil qildi»

5-bob Olloh taoloning qavli: «Yoʻq, unday ermas, biz uning aytgan gapini yozib qoʻyurmiz va unga uzoq muddat azob berurmiz!»

Xabbob raziyallohu anhu «Johiliyat davrida men temirchi erdim. Mendan Os ibn Voil qarzdor erdi»,— deydilar. Keyin, Xabbob Osning oldiga oʻsha qarzni soʻrab boribdilar. Os ibn Voil ersa «Muhammadga kufr keltirmaguningcha olgan qarzimni bermayman!»— debdi. Xabbob «Ollohga qasamyod qilurmanki, Olloh seni oʻldirib, qiyomatda qayta tiriltirgungacha ham kofir boʻlmayman!» — debdilar. Os ibn Voil «Unday boʻlsa, quyaver,

oʻlib, keyin qayta tiriladirgan boʻlsam, ul dunyoda ham menga bola-chaqa, mol-dunyo beriladi, oʻshanda haqingni beraman!» — debdi. Shunda Olloh taolo «Ey Muhammad, bizning oyatlarimizga kufr keltirib, «Menga ul dunyoda ham mol-dunyo va bola-chaqa berilur» deguvchi kimsani koʻrdingizmi? Ayo, ul (kofir) gʻaybdan xabar topibdurmi yoki Olloh unga (ul dunyoda ham mol-dunyo va bola-chaqa ato qilurman, deb) va'da beribdurmi? Yoʻq, unday ermas, biz uning aytgan gapini yozib qoʻyurmiz va unga uzoq muddat azob berurmiz va olib qoʻyurmiz undan aytib turgan narsasini va kelur ul huzurimizga oʻzi yolgiz!» degan oyatni nozil qildi»

Bu yerda yuqoridagi hadis takroran keltirilgan

«TOHO» SURASI

1-bob. Olloh taoloning qavli: «Men seni xos oʻzim uchun bino qildim (tanladim)»

Abu Hurayra raziyallohu anhu rivoyat qiladilar. «Janob Rasululloh bunday dedilar: «Odam alayhissalom va Muso alayhissalom uchrashishdi. Shunda Muso alayhissalom Odam alayhissalomga «Insonlarni baxqiz qilib jannatdan quvilishiga sabab boʻlgan kishi sizmisiz?» —dedilar. Odam alayhissalom Muso alayhissalomga «Olloh xos oʻzi uchun bino qilgan (tanlagan) zot sizmisiz, tavrot sizga nozil qilinganmidi?»—dedilar. Muso alayhissalom «Ha»,— dedilar. Odam alayhissalom «Unday boʻlsa, Olloh taolo meni yaratishdan avvalroq taqdirimni belgilab qoʻyganligi haqida tavrotdan bilib olgan boʻlsangiz kerak?!»—dedilar. Muso alayhissalom «Ha» — deb jim qoldilar, chunki Odam alayhissalomning dalillari kuchli erdi»

2-bob. Olloh taoloning qavli: «Biz vahiy yubordik Musoga «Olib ketgil tunda mening bandalarimni va dengizga (daryoga) aso urib, ularga bir quruq yul qilib bergil, (shunda) na (dushman) qoʻliga tushishdan va na gʻarq boʻlishdan xavf qilursan!» deb. Keyin, ularning ortlaridan Fir'avn oʻz lashkari birlan ta'qib qildi, ammo ularni dengiz oʻz girdobiga oldi, Fir'avn oʻz qavmini gumroh qildi, toʻgʻri yoʻlga solmadi»

Ibn Abbos raziyallohu anhu aytadilar: «Rasululloh sallallohu alayhi va sallam Madinaga kelganlarida yahudiylar Oshuro kuni roʻza tutar erdi. Janob Rasululloh ulardan buning sababini soʻraganlarida «Bu kun Muso alayhissalom Fir'avn ustidan gʻalaba qozongan kun boʻlib, biz uning shukronasiga roʻza tutamiz»,— deyishdi. Shunda Janob Rasululloh sahobalarga «Biz Muso alayhissalomga yahudiylardan koʻra haqliroqmiz, shu kuni (sizlar ham) roʻza tutingizlar!» — dedilar»

3-bob. Olloh taoloning qavli: «Ey Odam, shayton siz va xotiningizga dushmandur, u sizni va xotiningizni jannatdan chiqarmasin, keyin badbaxt boʻlib qolmangiz!»

Abu Hurayra raziyallohu anhu rivoyat qiladilar/«Janob Rasululloh bunday dedilar: «Muso alayhissalom Odam alayhissalomga dalil keltirib: «Ey Odam, gunoh qilib odamiyzodni jannatdan chiqargan va ularni badbaxt qilib quygan kishi sizmisiz?» — dedilar. Odam alayhissalom «Ey Muso, Olloh taolo oʻz bandalariga paygʻambar va oʻziga suhbatdosh qilib tanlagan zot sizmisiz? Olloh taolo meni yaratmasidan ilgari kelgusida qiladirgan

ishimni avvaldan taqdir qilib qoʻygan boʻlsa, nechun siz meni Olloh taoloning irodasi uchun malomat qilasiz?»—dedilar. Odam alayhissalom bu dalil birlan Muso alayhissalomni magʻlub qildilar»

«AL-ANBIYO» SURASI

1-bob Olloh taoloning qavli: «Biz dunyoni dastlab qay tariqa osonlik birlan yaratgan boʻlsak, qiyomatda ham xuddi shunday osonlik birlan qayta paydo qilurmiz,

bu bizning va'damizdur!»

Ibn Abbos raziyallohu anhu rivoyat qiladilar: «Janob Rasululloh odamlarga xutba qilayotib bunday dedilar: «Albatta sizlar qiyomatda yalangoyoq, yalangʻoch, ya'ni asl holatingizda Olloh taolo huzurida tiriltirilasizlar. Olloh taolo «Biz dunyoni dastlab qay tariqa osonlik birlan yaratgan boʻlsak qiyomatda ham xuddi shunday osonlik birlan qayta paydo qilurmiz, bu biziing va'damizdur, albatta biz buni kilguvchidurmiz»— deydi. Qiyomatda birinchi boʻlib Ibrohim alayhissalomga kiyim kiydiriladi. Shu vaqt ummatimdan bir guruhi keltirilib, doʻzaxga haydaladi. Men «Ey parvardigor, bular mening ashoblarim-ku!»—deyman. Menga «Uzingizdan keyin bularning nimalar qilganini bilmaysiz!»— deyiladi. Shunda men Ollohning solih bandasi (Iso) aytganlaridek «Men ularning oralarida boʻlgan vaqtimda ularga guvoh boʻlib turdim. Lekin, meni oʻz huzuringga chorlaganingdan keyin ersa, sen oʻzing ularni kuzatib turding. Sen oʻzing hamma narsaga guvohdirsan!»—deb javob beraman. Menga «Darhaqiqat, bu odamlar, siz ularni tashlab (oxiratga) ketgan vaqtingizdan boshlaboq oʻz yoʻllaridan orqalariga qaytganlar!»—deb aytiladi».

«HAJ» SURASI

1-bob. Olloh taoloning qavli: «Odamlarni mastdek holda koʻrgaysiz»

Abu Sa'id al-Xudriy raziyallohu anhu rivoyat qiladilar: «Payg`ambar alayhissalom bunday dedilar: «Qiyomat kuni Olloh taolo «Ey Odam!» — deydi. Odam alayhissalom «Labbayka va sa'dayka» — deb javob beradilar. Olloh taolo baland ovoz birlan «Zurriyotlaringizdan do'zaxga tushadirganlarini ajratingiz!» — deb buyuradi. Odam alayhissalom «Do'zaxiylar ganchadur?»—deydilar. Olloh taolo «Har ming kishidan toʻqqiz yuz toʻqson toʻqqiztasi tushadi», — deydi. Shunda odamlar homilador ayol bola tashlagudek va qo'dak garib, soch-sogoli ogarib ketgudek holga tushadilar, barchaning qurquvdan mastdek ahvolga tushqanlarini koʻrqaysiz, ammo ular mast emaslar, balki Ollohning azobi nihoyatda gattig bo'lajagidan xavfdadurlar» Sahobalarga bu gap juda gattig ta'sir gilib, ranglari o'chdi. Payg'ambar alayhissalom «Ya'juj va Ma'jujdan to'qqiz yuz to'qson to'qqizta, sizlardan bitta. So'ng sizlar odamlar orasida og ho'kizning biginidagi gora yoki gora ho'kizning biginidagi og tuklar monand ajralib turgaysizlar, men umidvormanki, sizlar ahli jannatlarning toʻrtdan bir qismini tashkil etgaysizlar!» — dedilar Buni eshitib, biz yengil tortdik-da, Olloh taologa takbir aytdik Keyin, ul zot yana «Ahli jannatlarning uchdan birini tashkil egangiz ham ajab ermas!» — dedilar. Biz yana takbir aytdik. Keyin, yana «Ahli jannatlarning yarmi sizlardan iborat boʻlmogʻidan umidvorman'»—deb qo'ydilar. Biz yana takbir aytdik»

2-bob. Olloh taoloning qavli: «Odamlar orasida Ollohga shak birlan ibodat qiladirganlari bor. Agar shunday kishi yaxshilikka erishsa, dili orom olur va agar biror baxqizlik yeqa, dindan yuz oʻgirib olur. U bu dunyoyu oxiratda ziyon koʻrur. Bu ersa ochiq-oydin ziyondur. U Ollohni qoʻyib, oʻziga ziyon ham, foyda ham bera olmaydirgan butlarga iltijo qilur. Ana shuldir uzoq gumrohlik»

Ibn Abbos raziyallohu anhu rivoyat qiladilar: «Odamlarning ba'zisi Ollohga shak birlan ibodat qilur. Ya'ni ba'zi badaviy Madinaga kelganda, agar xotini oʻgʻil tugʻsa va otlari qulunlasa, «Bu juda solih din erkan» deb maqtardi, agar xotini tugʻmasa va otlari qulunlamasa, «Bu yomon din erkan!» deb ayblardi»

3-bob Olloh taoloning qavli: «Mana shu ikki gʻanim — musulmonlar birlan kofirlar parvardigorlari xususida talashdi»

Abu Zarr al-G'iforiydan naql qilinadiki, «Mana shu ikki gʻanim — musulmonlar birlan kofirlar parvardigorlari xususida talashdi» degan oyati karima Hamza va ul kishining ikki sheriklari hamda Utba va uning ikki sherigi haqida nozil boʻlgan, bular Badr kuni yakkama-yakka jang qilgan erdilar»

Ali ibn Abu Tolib raziyallohu anhu «Qiyomat kuni men Rahmon huzurida tiz choʻkib, (kitobiylar birlan yuzma-yuz) xusumatlashuvchilarning birinchisi boʻlurman»—dedilar Qays «Mazkur oyat Badr kuni yuzma-yuz jang qilgan kishilar — Ali, Hamza, Ubayda, Shayba ibn Rabii'a, Utba ibn Rabiy'a, Valid ibn Utbalar haqida erdi»,— deydilar

«MO'MINLAR» SURASI

Ibn Abbos raziyallohu anhu «Suradagi «Hayhota-hayhota» soʻzining ma'nosi «uzoq-uzoq» demakdur»,— deydilar

«NUR» SURASI

1-bob. Olloh taoloning qavli: «Uzlaridan boshqa guvohlari boʻlmagan holda oʻz xotinlarini buzuk, deb badnom qiladirgan kishilar (bilsinki), bunday odam toʻrt marta Olloh taologa: «Albatta, men rost aytayotirman»,— deb qasamyod qilur»

Saxl ibn Sa'd rivoyapg qiladilar: «Uvaymir ismli kishi Baniy Ajlonning ulug`i Osim ibn Adiyning oldiga kelib «Rasululloh sallallohu alayhi va sallamdan men uchun so`rab beringiz, agar bir kishi o`z xotini huzurida begona erkakni ko`rsa-yu, uni o`ldirsa, keyin qotilni ham o`ldirasizlarmi yoki nima qilasizlar?»—dedi. Osim Paygʻambar alayhissalomning oldilariga kelib, «Yo Rasulalloh!» — deya boyagi savolni berdi Ammo, ul zot bunday masala xususida javob bermoqni istamadilar. Osim uyiga qaytib borganda, Uvaymir bergan savolining javobini soʻradi. Shunda Osim «Janob Rasululloh bunday savolni noma'qul koʻrib, aybladilar»,— dedi. Uvaymir «Janob Rasulullohdan bu haqda soʻrab bilib olmagunimcha tinchimagayman!» — dedi. Keyin, u oʻzi Janob Rasulullohning huzurlariga kelib «Ey Ollohning paygʻambari, agar bir kishi xotini birlan begona erkak turganini koʻrsa uni oʻldiradimi? Agar oʻldirsa, qotilni ham oʻldirasizlarmi yoki nima qilinadi? — deb soʻradi. Janob Rasululloh «Olloh taolo sen va xotining haqida Qur'on (oyat) nozil qildi»,— dedilar-da, Olloh taolo oyatda buyurgandek ikkovini li'on qilmoqni buyurdilar. Mulo'anadan soʻng, Uvaymir Janob Rasulullohga «Ey Ollohning

rasuli, bu xotinni ushlab tursam, unga zulm qilgan boʻlurman'»—deb xotinini taloq qilib yubordi. Shu-shu boʻldi-yu, muloʻana qilishgan er uchun xotinini taloq qilib yuborish sunnat boʻlib qoldi. Keyin Janob Rasululloh «Kuzatib yuringizlar, agar oʻshal xotin boldiri yoʻgʻon bola tugʻsa, demak Uvaymirning xotiniga qilgan da'vosi rost boʻladi. Mobodo, tugʻilgan bolaning rangi qizgʻish boʻlsa, Uvaymir xotiniga tuhmat qilgan boʻladi»,— dedilar. Qarangki, haqiqatan ham oʻshal xotin tuqqan bola Uvaymirning da'vosini tasdiqladi. Shundan soʻng, bola onasiga mansub qilinadirgan boʻldi»

2-bob Olloh taoloning qavli: «Va (er) beshinchi marta derki, xudoning la'nati menga bo'lsin agar yolg'onchi bo'lsam!»

Sahl ibn Sa'd raziyallohu anhu bunday deydilar «Bir odam Janob Rasulullohning huzurlariga kelib «Ey Ollohning rasuli! Nima deysiz, bir odam o'z xotinining yonida bir begona erkakni ko'rsa, uni o'ldiradimi, agar o'ldirsa, qotilni ham o'ldirasizlarmi yoki unga nima qilasizlar?» — deb so'radi. Shunda Olloh taolo ular haqida mulo'ana oyatini nozil qildi Keyin, Rasululloh sallallohu alayhi va sallam savol bergan odamga «Olloh sen va xotining haqida hukm tushirdi»,— dedilar. Er va xotin bir-birlarini mulo'ana qilishdi. Men Janob Rasulullohning yonlarida turib bu voqe'aga guvoh bo'ldim. Janob Rasululloh ikkovini ajratib yubordilar. Shundan so'ng, bir-birini la'natlagan er-xotinni ajratib yuborish sunnatga aylandi. Usha ayol homilador erdi. Uning eri bolani o'zidan erkanligini inkor qildi. Shundan e'tiboran, tug'ilgan bola onasiga nisbat beriladirgan bo'ldi. Keyin, ona birlan bolaning o'rtasidagi merosxo'rlik huquqi ham sunnat qilindi. Onaning o'z bolasiga, bolaning ersa onasiga va u tarafdan bo'lgan qarindoshlarga merosxo'rlik qilishi Olloh amr qilgan yul birlan joriy bo'ldi»

3-bob Olloh taoloning qavli: «Erim shak-shubhasiz yolgʻonchilardandur!» deb Olloh taologa toʻrt marta qasamyod qilmoqlik ayoldan jazoni daf qilgay»

Ibn Abbos raziyallohu anhu rivoyat qiladilar: «Hilol ibn Umayya Payq'ambar alayhissalomning huzurlarida o'z xotinini Sharik ibn Samho birlan zino qilganlikda aybladi. Paygʻambar alayhissalom unga «Aytgan soʻzingning rostligining isboti uchun dalil keltirasan yoki tuhmat uchun organgga sakson darra uriladi'»—dedilar. Hilol «Ey Ollohning rasuli, birortamiz o'z xotinimizning ustida begona erkakning yotganini ko'rsagu, ammo u qochib keqa dalil soʻraladimi» — dedi. Paigʻambar alayhissalom «Aytgan soʻzingga dalil keltirasan yoki sakson darra organgga uriladi» —deb turib oldilar. Hilol ibn Umayya «Sizni haq din birlan yuborgan zotga qasamyod qilurmanki mening soʻzim rostdur! Olloh taolo mening orqamni darra urilmog'idan qutultiradirgai oyat nozil qilsa, ajab ermas »—deb chiqib ketdi. Birozdan soʻng, Jabroil alayhissalom «Uz xotinlarini zinoda ayblagan erkaklar» deb boshlanadirgan oyatni Janob Rasulullohga vahiy gilib keltirdilar. Janob Rasululloh vahiy gabul gilib boʻlganlaridan keyin, Hilol va uning xotiniga odam yubordilar. Ular kelib, har biri o'zini oqlab qasam ichdi. Shunda Janob Rasululloh «Albatta, Olloh taolo ikkovingizdan biringiz yolg'onchi erkanligingizni bilur, bas qaysi biringiz gunohingizga iqror bo'lib, tavba qilgaysiz» — deb so'radilar. Keyin, xotin turib, to'rt bor o'zini oglab gasam ichdi. Janob Rasululloh uning beshinchi bor gasam ichishiga qarshilik qilib «Azobi qattiq boʻlur'»—deb oqohlantirdilar. Shunda ayolning tili kalovlanib so'zga kelmay qoldi. Biroq u baribir beshinchi bor qasam ichib yubordi. Paig'ambar alayhissalom sahobalarga «Ayolni kuzatib yuringizlar, agar u ko'zi gora, dumbalari to'la, boldiri yo'g'on bola tug'sa, demak u Sharik ibn Samhoning bolasi bulur» — dedilar. Keyin, xotin aytganlaridek qiyofada bola tug'di. Shunda Payg'ambar alayhissalom «Agar

Ollohning Kitobi hukm qilmaganda erdi, men bu ayolni toshboʻron qilmoqqa buyurgan boʻlur erdim»—dedilar»

4-bob Olloh taoloning qavli: «Va (xotin) beshinchi marta derki, Ollohning g'azabi menga bo'lsin agar bu er rostgo'y bo'lsa!»

Ibn Umar raziyallohu anhu bunday deydilar: «Bir odam Janob Rasulullohning zamonlarida oʻz xotinini zinokorlikda ayblab, uning homilasidan tondi. Shunda Janob Rasululloh buyurdilar, ikkovlari bir-birlarini muloʻana qilishdi. Keyin, Olloh taolo Qurʻonda amr qilganidek, tugilgan bola onasiga mansub qilindi, er-xotin ajratib yuborildi»

5-bob. Olloq taoloning qavli: «Albatta, boʻhton toʻqiganlar oʻzlaringi zdan boʻlgan bir toʻdadur. Buni sizlar oʻzlaringiz uchun yomon, deb oʻylamangizlar, balki bu sizlar uchun yaxshiroqdur. Boʻhtonchilarning har biri uchun oʻzlari kasb qilgancha gunoh bordur. Ulardan gunohning eng katta hissasini koʻtargan kishi uchun ulugʻ azob bordur!»

Oisha raziyallohu anho «Uziga eng katta gunoh orttirgan kishi Abdulloh ibn Ubay ibn Saluldur»,— deydilar»

6-bob Olloh taoloning qavli: «Mo'min erlar va mo'mina ayollar, bu bo'htoni shitgan paytingizda na uchun o'zlaringiz haqingizda yaxshilikni o'ylab: «Bu ochiqdan-ochiq buhton-ku!»— demadingizlar? Na uchun bo'htonchilar to'rtta guvoh keltirmadilar? Endi, to'rtta guvoh keltira olmasalar, u holda Olloh nazdida yolg'onchidurlar!»

Paygʻambarilshz sallallohu alayhi va sallamning xotinlari Oisha raziyallohu anho rivoyat qiladilar: «Janob Rasulullohning odati shariflari shunday erdiki, qachon safarga chiqmoqchi boʻlsalar, xotinlari oʻrtasida qura tashlar erdilar. Qurʻa kimning nomiga chiqsa, oʻshani oʻzlari birlan birga olib ketar erdilar. Bu gal ham xuddi shunday qilib erdilar, qur'a mening nomimga chiqdi. Men ul zot birlan birga safarga chiqadirgan buldim. Bu vaqt ayollarga hijob (chochvon) kiyish buyurilgan vaqt erdi. Men kajavamga chiqib joylashib oldim. Soʻng, safarga joʻnab ketdik. Janob Rasululloh gazot tugagach, ortga qaytdilar. Kechasi Madinaga yaqinlashib qolganimizda, dam olishga ruxsat berdilar. Men kajavamdan tushdim-da, askarlardan chetroqqa bordim, ishimni bitirib, yana tuyamning yoniga keldim. Shu payt bildimki, boʻynimdagi marjonim uzilib, tushib qolibdi.

Uni qidirib ushlanib qoldim. Shunda xizmatkorlar kelib, kajavamni tuyaga ortib joʻnab ketishibdi, chunki ular meni kajavada, deb oʻylashibdi. Darvoqe, oʻsha vaqtda ayollar faqat atala ichganlari uchun ortiqcha semirmay yengil boʻlar erdilar. Shu boisdan ham kajavani koʻtarganda uning yengilligini farq qilishmagan. Buning ustiga men yosh qizaloqman. Ular tuyani haydab joʻnab ketaverishibdi. Askarlar ketib boʻlgan paytda men marjonimni qidirib topdim. Soʻng, ular turgan joyga kelsam, biror chaqiruvchi ham, javob beruvchi ham yoʻq. Joyimdan qimirlamaslikka ahd qildim, chunki ular yoʻlda mening yoʻqolib qolganimni bilishgach, izlab qaytib kelib qolishsa kerak, deb oʻyladim Ultirgan joyimda mendan uyqu golib kela boshladi va men uxlab qoldim.

Safvon ibn Mu'attal as-Sulamiy az-Zakvoniy askarlarning ketidan nazorat qilib yuradirgan kishi erdi. U kechasi birlan yoʻl yurib, men turgan joyga yetib kelib qarasa, bir odam uxlab yotibdi, yaqinroq kelib, darhol meni tanibdi, chunki chochvon kiyish joriy qilinmasidan burun u meni koʻrgan erdi. Meni tanigach, hayron boʻlib «Inno lillohi va inno ilayhi roji'un» deganidan uygonib ketdim. Shu ondayoq yuzimni chochvon birlan toʻsib oldim. Ollohga qasamyod qilurmanki, u menga bir ogiz ham soʻz gapirmadi, men uning «Inno lillohi va inno ilayhi roji'un» degan soʻzinigina eshitdim, xolos. Keyin, u tuyasini choʻktirdi, shunda men unga chiqib oldim. U tuyani yetaklagancha yurib ketdi, biz askarlar Madinaga yetib olgandan soʻng, kunning qattiq issigida shaharga kirib keldik.

Shu voqe'a bo'ldi-yu, barchaning oromi buzildi. Bo'htonchilarga bosh bo'lgan kishi Abdulloh ibn Ubay ibn Salul erdi. Madinaga kelganimizdan so'ng, men bir oy kasal bo'lib yotib qoldim. Shunda bo'htonchilar tarqatgan gapni odamlar hamma joyda gapira boshlabdi. Men ersam bu gaplardan mutlago bexabar erdim. Ilgarilari kasal bo'lsam, Rasululloh sallallohu alayhi va sallam menga ko'p mehribonchiliklar ko'rsatur erdilar, endi bo'lsa undan asar xam yo'qligi dilimni g'ash qilur erdi. Shu kunlarda ul zot huzurimga kirib «Tuzukmisan» der erdilar-da, indamay chiqib ketar erdilar. Mana shu holat mening shubhamni orttirar erdi-yu, ammo men yomonlik aynan mening xususimda bo'layotganini bilmas erdim. Biroz o'zimga kelganimdan so'ng, bir kuni tashkariga chiqdim. Men birlan birga hojatga Ummu Mistah ham chiqdi. Tashqarida bizning hojatxonamiz boʻlib, tunlari hojatga oʻsha yerga borur erdik. Bu voqea uyimiz yaqiniga chuqur kavlab o'rab olganimizdan avval bo'lgan erdi. Biz arablar ilgarilari hojatga uzogrog yerga borur erdik, chunki hojatxonaning uyga yaginligi bizga ozor berur erdi. Ummu Mistah Abu Rahm ibn Abdu Manofning gizi bo'lib, onasi Abu Bakrning xolalari — Saxr ibn Omirning qizi erdi. Mistah ibn Usosa ersa Ummu Mistahning o'g'li erdi. Ushanda men Ummu Mistah bilan uyimiz tomon hojatdan gaytayotgan erdim, Ummu Mistah o'zining tupuqiga toyilib ketib «Noumid bulgur Mistax'»—deb qarg'andi. Men unga «Qanday bema'ni gapni aytdingiz, Badrda ishtirok qilgan kishini ham shunday yomon garg'aysizmi?!»—dedim. Ummu Mistah «Voy soddaey, uning nimalar deb yurganini eshitmadingizmi'»—dedi. Men «U nimalar debdi?»— dedim. Shunda Ummu Mistah menga bo'htonchilar tarqatgan gaplarni aytib berdi. Bundan dardimga dard qo'shildi. Keyin, men uyga qaytganimda Rasululloh sallallohu alayhi va sallam huzurimga kirib salom berdilar va odatdagidek «Tuzukmisan» deb surab erdilar, men «Ey Ollohning rasuli, menga izn bersangiz, ota-onamning oldilariga borsam'» —dedim, chunki men ota-onamdan anigrog bir gap bilmogchi erdim. Rasululloh sallallohu alayhi va sallam menga izn berdilar, men ota-onamning oldilariga keldim. Onamga «Ei onajon, odamlar nimalar deyishayotir?» — dedim. Onam «Ey qizim, oʻzingga olma, biror ayol chiroyli bo'lsa-yu, eri uni yaxish ko'rsa, kundoshlari albatta rashkdan ig'vo to'gishadi-da!» dedilar. Men onamga «Subhonalloh, axir odamlar men hagimda bo'hton gilishyaptiku!»—dedim, keyin shu kecha ko'zimga uygu ilinmadi, yig'lab tong ottirdim.

Rasululloh sallalohu alayhi va sallam vahiy kelavermaganidan keyin, Ali ibn Abu Tolib va Usoma ibn Zaydni chaqirib, xotinlaridan (mendan) ajrash toʻgʻrisida maslahat qildilar. Shunda Usoma ibn Zayd meni pok erkanligimni aytib: «Ey Ollohning rasuli, biz oilangizni faqat yaxshi, deb bilurmiz!» — dedilar. Ammo Ali ibn Abu Tolib ersalar «Ey Ollohning rasuli! Olloh sizni ayollar borasida qisib qoʻymagan~ku, undan boshqa xotinlaringiz ham koʻpku, hatto xizmatkor ayoldan ham soʻrashingiz mumkin, u ham bizning gapimizni tasdiqlaydi»,— dedilar. Rasululloh sallallohu alayhi va sallam joriya Bariyrani chaqirdilarda, undan: «Ey Bariyra, seni shubhaga solgan biror narsa Oishadan sodir boʻlganmi?»

deb soʻradilar. Bariyra «Ey Ollohning rasuli! Sizni haq din birlan yuborgan zotga gasamyod gilurmanki, sodir bo'lgan ermas! Uning bor-yo'g' aybi, u ham bo'lsa, uning yosh qizchaliqidur, agar unga xamirni ishonib topshirsangiz, uxlab qolib qo'zichoq kelib xamirni yeb ketadi»;—dedi. Shundan soʻng, Rasululloh sallallohu alayhi va sallam Abdulloh ibn Ubay ibn Saluldan qilgan bo'htoni uchun uzr so'rashni talab qildilar. Ul zot minbarda turib bunday dedilar: «Ey musulmonlar jamoasi, mening oilamga bo'hton qilib, menga ozor yetkazgan kishini kim menga uzr ayttira olur' Olloh taologa gasamyod gilurmanki, men oilamni fagat yaxshi, deb bilurman! Bo'hton gilinayotgan erkak hagida ham men faqat yaxshi fikrdaman. U qachon mening oilam oldiga kirsa, faqat men birlan birga kirur erdi!» ' Shunda Sa'd ibn Maoz raziyallohu anhu o'rinlaridan turib «Ey Ollohning rasuli, u odamni sizga men uzr attirurman, agar u Avs gabilasidan bo'lsa, bo'ynini uzurman, mobodo Xazraj gabilasidan bo'lsa, ul holda siz nima buyursangiz, shuni qilurmiz'»— dedilar. Buni eshitib Sa'd ibn Uboda dik etib o'rnidan turdi, u Xazraj qabilasining boshlig'i bo'lib, ilgari solih kishi bo'lgan erdi, hozir ersa hamiyati qo'zq'olib Sa'd ibn Maozga «Ollohga gasamyod gilurmanki, uni o'ldirolmagaysan, o'ldirish qo'lingdan kelmagay » — dedi. Shunda Usayd ibn Hazir (Sa'd ibn Maozning amakivachchalari) Sa'd ibn Ubodaga «Bekor aytibsan, Ollohga gasamed gilurmanki, albatta uni o'ldirgaymiz, ammo sen ersang munofigsan, chunki munofiglarning yonini olursan'» — deb bagirdilar. Shu tariga Avs birlan Xazraj janjallashib, hatto bir-birlarini oʻldirishga gasd gilib golishdi. Rasululloh sallallohu alayhi va sallam minbarda turib ularni jahldan tushirishga ko'p urindilar. Nihoyat barcha jim bo'ldi, Rasululloh sallallohu alayhi va sallam ham sukut qildilar.

Men ota-onamning uyida shu kuni ham goldim, ko'z yoshim sira to'xtamadi, ko'zimga uygu ilinmadi, ota-onam bu kecha ham yonimda tong ottirishdi, ikki kecha va bir kunduz tinmay yig'ladim. Ota-onam ersalar, yig'layverganidan jigari ezilib ketdi, deb dilpora erdilar. Shu asnoda bir ansoriya ayol ichkariga kirishga ruxsat so'rab qoldi. Ijozat berganimdan keyin, kirib oʻltirdi-da, u ham men birlan birga yigʻlashga tushdi. Biz shu holda o'ltirgan erdik, Janob Rasululloh kirib yonimga o'ltirdilar, vaholanki ul zot bo'hton gaplardan keyin yonimga o'ltirmay qo'ygan erdilar. Mening haqimda ersa, mana bir oy boʻlibdiki, hanuz vahiy kelmas erdi. Rasululloh sallallohu alayhi va sallam yonimga o'ltirayotib Olloh taologa hamdu sanolar aytdilar, so'ng «Ey (Oisha, sening hagingda menga turli gaplarni aytishdi. Agar pok bo'lsang, Olloh taoloning o'zi seni tezda oglaydi, basharti sendan gunoh sodir bo'lgan bo'lsa, ul holda Ollohga istig'for aytgin unga tavba gilgin Chunki, banda O'z gunohini e'tirof gilib Ollohga tavba gilsa, Olloh UNING tavbasini qabul qilgay»,— dedilar. Rasululloh sallallohu alayhi va sallam gaplarini tugatganlaridan keyin, ko'z yeshim tindi, hatto bir qatra ham chiqmadi. Men otamga «Rasulullohning gaplariga javob beringiz'» — dedim. Otam «Ollohga gasamyod gilurmanki, bul zotga ne demog'imni bilmasman!»—dedilar. So'ng, onamga ham «Rasulullohning gaplariga javob beringiz »—dedim. Onam ham «Ollohga gasamyod gilurmanki, bul zotga ne demog'imni bilmasman'»— dedilar. Shundan so'ng, men bunday dedim: «Men Qur'ondan ko'p narsalarni o'qiy olmaydirgan bir norasida qizaloqmen, siz kattalar ersangizlar, mening xususimdagi bo'htonni eshitiboq, o'ylab-netib o'ltirmay, unga ishondingizlar, uni dillaringizga jo ham gildingizlar Shuning uchun ham men «pokman» deganim birlan sizlar menga ishonmaysizlar, vaholanki Olloh taolo mening pokligimni bilib turibdir. Basharti, men biror gunohni e'tirof qilsam, sizlar darhol bunga ishongaysizlar, vaholanki Olloh taolo mening pokligimga o'zi guvohdir, Olloh taologa gasamyod gilurmanki, sizlarga Yusufning otasi aytgan gapdan bo'lak aytadirgan gapim yo'q! Ul kishi «Endi, sabr qilmog'im yaxshidur, sizlarning bu qaplaringizdan xalos bo'lmog'im uchun Olloh

taolodangina madad tilarman'»— degan erdilar» Men shunday dedim-da, teskari qarab toʻshagimga yotib oldim. Men oʻzimning pokligimni yaxshi bilur va «Olloh taolo albatta meni oqlagay!» — deb ishonur erdim. Ammo, men «Olloh taolo mening haqimda tilovat qilinadirgan vahiy nozil qilgay» — deb sira ham oʻylamagan erdim, Olloh taoloning mening xususimda tilovat qilinadirgan oyatlar orqali soʻzlamogʻidan orlanur erdim. Men faqat «Janob Rasululloh tush koʻrsalar-u, tushlarida ul zotga mening pokligim ayon qilinsa'»— deb umid qilur erdim, xolos Olloh taologa qasamlar ichurmenki, na Janob Rasululloh va na uydagilarning birortasi tashqariga chiqmoqqa xezlanib ulgurmadi, toʻsatdan ul zotga vahiy nozil boʻlib qoldi. Janob Rasulullohni qattiq isitmadan keyin boʻladirgan bezgakdek qaltiroq bosdi, badanlaridan marjondek ter quyildi. Birozdan soʻng, Janob Rasululloh tabassum qilgan holda oʻzlariga keldilar. Ul zotning dastlab aytgan gaplari—«Ey Oisha, seni Olloh taolo oqladi!» degan jumla boʻldi. Shunda onam menga «Tur, Rasulullohga qulluq qil!» — dedilar. Men «Ollohga qasamyod qilurmanki, Rasulullohga ta'zim qilmagayman, tashakkur ham aytmagayman, men faqat Ollohga qulluq qilqayman va Ollohga hamd aytqayman'» — dedim.

O'shanda Olloh taolo «Albatta, bo'hton to'qiqanlar o'zlaringizdan bo'lgan bir to'dadur» deb boshlanadirgan o'nta oyat nozil qilgan erdi. Olloh taolo mening pokligim to'g'risidagi mazkur oyatlarni nozil qilgandan soʻng, otam Abu Bakr Siddiq raziyallohu anhu kambag'alligi va qarindoshligi sababli o'zlari yordam qilib turgan Mistah ibn Usosa haqida «Ollohga qasamyod qilurmanki, Oisha haqida boʻhton qilgani uchun Mistahga hech qachoi hech narsa bermagayman »—deb ont ichdilar. Shunda Olloh taolo: «Sizlardan fazlu davlat egalari bo'lmish kishilar garindoshlari, miskinlar va muhojirlarga Olloh yulida ehson gilmaslikka gasam ichmasinlar, aksincha ularni kechirsinlar. Ollohning sizlarni mag'firat qilmog'ini istamaysizlarmi? Olloh mag'firatli mehribondur!» — degan oyatni nozil gildi. Shundan so'ng, otam Abu Bakr Siddig: «Ha, yo Olloh, albatta mag'firatingni istarman »—dedilar-da, ilgarigidek Mistahga nafaga bera boshladilar. «Ollohxa qasamyod qilurmanki Mistahning nafaqasini zarracha ham kamaytirmagayman!»—deb erdilar o'shanda otam. Rasululloh sallallohu alayhi va sallam men haqimda Zaynab binti Jahshdan ham so'ragan erdilar. U «Ey Ollohning rasuli, men qulog'im birlan ko'zimni (qabohatdan) ehtiyot qilurman, men Oisha haqida faqat xayriyatni bilurman! — degan erdi. Rasululloh sallallohu alayhi va sallamning xotinlari ichida mana shu Zaynabgina meni himoya qilgan erdi, Olloh taolo uni hamisha taqvoda saqladi. U birlan janjallashgan singlisi Hanna ersa halok bo'lgan buhtonchilar gatorida halok bo'ldi»

7-bob. Olloh taoloning qavli: «Agar sizlarga dunyo va oxiratda Ollohning fazlu marhamati bulmaganda, albatta sizlarni tinmay soʻzlagan gaplaringiz (boʻhtonlaringiz) sababli buyuk azob ushlagan boʻlur erdi!»

Oisha raziyallohu anhoning onalari Ummu Rumon «Oishaga boʻhton qilinganda, u hushdan ketib yiqildi»,— deydilar

8-bob. Olloh taoloning qavli: «Sizlar uni tillaringiz ila naql qilib, ogʻizlaringiz ila aniq bilmagan narsa xususida soʻylaganingizda, buni bir arzimas ish, deb hisobladingizlar. Holbuki, Olloh nazdida bu ulugʻ gunoxdir!»

Ibn Abu Mulayka: «Men Oishaning mazkur oyatni oʻqiyotganlarini eshitganman»,— deydilar.

9-bob. Olloh taoloning kavli: «Uni (boʻhtonni) eshitgan paytingizda, «Bu buhtonni soʻzlash bizlar uchun joiz ermas, ey parvardigor, bu ochiqdan-ochiq boʻhton-ku!» deb ayqangizlar boʻlmasmidi?!»

Ibn Abu Mulayka raziyallohu anhu rivoyat kiladilar: «Ibn Abbos raziyallohu anhu nihoyatda toliqqan, o'lim to'shaqida yotgan Oisha onamizning vafotlari arafasida ul muhtaramani ko'rish uchun ijozat so'radilar. Shunda Oisha onamiz «Qo'rgamanki, u meni maqtab qo'ygay», —dedilar. Uydaqilar «Ibn Abbos Janob Rasulullohning amakivachchalari, buning ustiga ul kishi koʻplab musulmonlar nomidan kelganlar deyishdi. «Mayli u kishiga ijozat beringizlar!»—dedilar. Oisha onamiz Ibn Abbos (kirib) «O'zingizni qanday sezayotirsiz?»—deb so'radilar. Oisha raziyallohu anho «Olloh taoloning dargohiga komil iymon birlan borolsam, yaxshi bo'lur erdi!» —dedilar. Ibn Abbos raziyallohu anhu «Xudo xohlasa oxiratingiz baxayr bulgay, chunkn siz Rasululloh sallallohu alayhi va sallamning jufti halollarisiz, ul zot sizdan boshqa birorta bokira qiz olmaganlar. Olloh taolo sizning pokligingiz hagida osmondan oyat nozil gilgan!» dedilar. Ibn Abbosdan keyin Ibn Zubayr kirdilar. Oisha raziyallohu anho ul kishiga «Ibn Abbos kirib, meni magtadi Men ersam, umuman unutilib ketmogimni istar erdim!» dedilar» Qosim, ya'ni Muhammad ibn Abu Bakr «Ibn Abbos raziyallohu anhu Oishaning ziyoratlariga kirish uchun izn so'radilar» degan hadisni rivoyat giladilar, ammo uning oxirida «Umuman unutilib kegam erdi!» degan jumla yo'g»

10-bob. Olloh taoloning qavli: «Agar mo'min bo'lsangizlar, shunga o'xshash narsalarni hargiz qaytarmasliklaringizni Olloh sizlarga pand-nasihat qilur!»

Masruq rivoyat qiladilar: «(Oisha raziyallohu anho «Hasson ibn Sobit mening ziyoratimga kelib, kirishga izn soʻradi»,— dedilar. Shunda men «Bunday odamlarning kirishiga ham izn beraverasizmi'» —dedim. Oisha onamiz «Axir, u Olloh taolo va'da qilgan buyuk azobni tortayotirku!» — dedilar».

Sufyonning aytiitaricha, Oisha onamiz aytgan azob Hassonning koʻzlari koʻr boʻlib qolganligidir. Ushanda Xasson Oisha onamizniig huzurlariga kirganda «Pok va aqli yetuk kishilar boʻhton qilmaydilar va pokdomonlar goʻshtini yeyishga mushtoq boʻlmaydilar» degan mazmunda gʻazal oʻqibdi. Oisha onamiz unga: «Lekin, sen oʻzing undaylardan emassan!» —debdilar».

11-bob. Olloh taoloning qavli: «Olloh sizlarga o'z oyatlarini bayon qilur, Olloh ilm va hikmat sohibidur!»

Masruq rivoyat qiladilar: «Hasson ibn Sobit Oisha onamizning huzurlariga kirdi va bunday deb gʻazal oʻqidi « Pok va aqli yetuk kishilar buhton qilmaydilar va pok-domonlar goʻshtini yeyishga mushtoq bulmaydilar» Oisha onamiz unga javoban: «Lekin, sen oʻzing undaylardan emassan!» — dedilar. Men Oisha onamizga « Bunday kishilarning huzuringizga kirishga nechun ruxsat berasiz? Axir Olloh taolo ular haqida «Ammo, gunohning eng katta xissasini koʻtarganlar uchun ulugʻ azob bordur!» deb oyat yuborgan-ku'» — dedim. Oisha raziyallohu anho: Koʻzi koʻr boʻlib qolishdan ham qattiqroq dunyoda azob bormi» — dedilar, keyin yana «Ilgari u Janob Rasulullohni dushmanlar hajvidan saqlab turardi»—deb qoʻshib quydilar».

12-bob. Olloh taoloning qavli: «Albatta, iymoi keltirgan kishilar oʻrtasida buzuqliklar yoyilishini istaydirgan kimsalar uchun dunyoda ham, oxiratda ham alamli azob bordur. Olloh bilur, ammo sizlar bilmassiz! Agar sizlarga dunyo va oxiratda Ollohning fazlu marhamati boʻlmaganda (azobni oʻsha zahoti yuborgan boʻlur erdi). Orangizdagi fazl va katta boylik egasi boʻlgan kishilar qarindoshlariga, miskinlarga va muhojirlarga Olloh yoʻlida ehson qilmaslikka qasam ichmasinlar, balki ularni kechirsinlar. Olloh sizlarni magʻfirat qilmogini istamaysizlarmi? Olloh magʻfiratli, mehribondur!»

Oisha raziyallohu anho bunday deydilar: «Mening haqimda boʻhton tarqatilib, bundan men ham xabardor boʻlganimdan keyin, Rasululloh sallallohu alayhi va sallam mening haqimda xutba o'qishqa turdilar. Avval kalima keltirib Ollohga munosib hamdu sanolar aytganlaridan so'ng «Ey mo'minlar, mening oilam haqida bo'hton qilgan kishilar xususida menga maslahat beringizlar. Olloh taologa gasamyod gilurmanki, men oilam haqida ham, u birlan birga tuhmat qilinayotgan kishi haqida ham biror yomonlikni bilmasman. Usha odam men borligimdagina uyimga kirur erdi. Men gachon safarda bo'lsam, u ham men birlan safarda bulur erdi»,— dedilar. Shunda Sa'd ibn Maoz raziyallohu anhu o'rinlaridan turib: «Ey Ollohning rasuli, menga izn beringiz, bu bo'htonchilarning bo'ynini uzib tashlay!»—dedilar. Buni eshitib, Xazraj qabilasidan bir kishi o'rnidan turdi-da, dag'daga birlan «Bekor aytibsan, Ollohga gasamki, agar bo'htonchilar Avs qabilasidan bo'lsa ham, ularning bo'yniga sening qilich urmog'ingga yul quymagaiman!»—dedi. Shul tariqa masjidda Xazraj birlan Avs kishilari o'rtasida jang bo'lishiga oz goldi. Ammo, men buning sababidan bexabar erdim. Keyin, o'shal kuni kechgurun uydan hojat uchun chiqdim. Men birlan Ummu Mistah ham birga erdi. Oyog'i toyilib ketib, «Noumid boʻlgur, Mistah!» deb qargʻandi. Men unga «Ey ona, oʻz o'g'lingizni qarg'aysizmi?»—dedim. U indamadi. So'ng, yana toyilib ketib, yana «Noumid bo'lgur Mistah» deb garg'andi, uchinchi bor toyilib ketganda ham shu gapni akrorladi. Men unga nafrat birlan qarab erdim, u «Ollohga qasamki, seni deb uni garg'ayotirman!»—dedi. Men «Nechun meni deb uni garg'ayotirsiz?» —dedim. Shunda u menga bor gapni so'zlab berdi. Men «Ie, hali shunday gaplar bo'ldimi?»—dedim. U «Ha» deb javob berdi.

Hushim og'ib, tashqariga nima uchun chiqqanim yodimda yo'q, uyga qaytib kirdim, meni gattig isitma oldi. Men Janob Rasulullohdan otamning uylariga yuborishlarini so'radim ul zot menga bir xizmatkor bolani qo'shib yubordilar. Men uyga kirib kelganimda, otam Abu Bakr tomda Qur'on tilovat qilar, onam Ummu Rumon ersalar, pastda turgan erdilar. Onam menga: «Nechun kelding, qizim?» — dedilar. Men onamga boʻlgan voqeani aytdim. Ammo, bundan onamning yuzlarida o'zgarish sezilmadi. Onam menga «Ey gizim, sekinrog gapirgil, nomusingni saglagil, chunkim koʻpincha er biror chiroyli xotinini yaxshi ko'rsa, uning kundoshlari hasad qilib, bo'hton tarqataverishadi»,— dedilar. Men: «Bu haqda otam ham biladilarmi?»—deb soʻradim. Onam «Ha»,— dedilar. Men «Rasululloh sallallohu alayhi va sallam ham biladilarmi?»—dedim. Onam «Ha, Rasululloh sallallohu alayhi va sallam ham biladilar»,— dedilar. Buni eshitib, koʻzimdan tirqirab yosh quyildi, «dod» deb yigʻla-dim. Otam Abu Bakr raziyallohu anhu ovozimni eshitib tepadan, Qur'on o'qiyotgan yerlaridan tushdilar. So'ng, onamdan «Unga ne bo'libdi?» deb soʻradilar Onam «Uzi haqidagi boʻhtonni eshitib qolibdi»,— dedilar. Otam menga «Ey qizalog'im, uyingga qaytishingni maslahat bergayman'» — dedilar. Men uyga qaytdim. Shu asnoda Rasululloh sallallohu alayhi va sallam uyga kirib, xodimamdan men haqimda so'rayotgan erkanlar. Xodima «Ollohga qasamki, uning biror aybi borligini bilmasman!

Uning bor-yoʻgʻ aybi, u ham boʻlsa, uning norasida qizchaligidur, agar unga bir xamirni ishonib topshirsangiz, bolalik qilib uxlab qolgay-da, xamirni qoʻzichoq yeb ketgay»,— dedi. Shunda sahobalardan biri uning gapini boʻlib, soʻralgan maqsadni tushuntirdilar-da «Janob Rasulullohga haqiqatni aytasanmi, yoʻqmi'»—deb dagʻdagʻa qildilar. Xodima «Subhonalloh, zargar sof oltinni qanday ajrata olsa, men ham Oishaning pokligini shunday yaxshi bilurman!» — dedi.

(Bu boʻhton haqidagi xabar Oisha birlan birga qoralanayotgan kishining ham qulogʻiga yetganda, u «Subhonalloh, men umrimda biror ayolning koʻkragini ham ochib koʻrmaganman!» — dedi. Keyinchalik, oʻsha kishi Olloh taolo yoʻlida jihod qilib, shahid boʻldi)

Rasululloh sallallohu alayhi va sallam asrni o'qib bo'lganlaridan keyin, huzurimga kirib keldilar. Shunda ota-onam yonimda o'ltirishgan erdi. Ulardan birlari o'ng va birlari chap yonimda erdilar. Rasululloh sallallohu alayhi va sallam hamdu sano aytgach «Ey Oisha, agar yomonlik (yoki oʻzingga zulm) qilgan ersang, Olloh taologa tavba qilgil, chunki Olloh taolo bandalardan tavba gabul gilguvchidur|» —dedilar. Uyda ansoriya bir ayol ham bo'lib, u eshik yonida o'ltirar erdi, men ul zotga «Menga ayb go'ygani mana bu ayoldan uyalmaysizmi?»—dedim. Lekin, Rasululloh sallallohu alayhi va sallam menga pand-nasihat qilmoqda davom etaverdilar. Men otamga qarab: «Rasulullohning gaplariga javob beringiz!» — dedim. Otam «Men nima ham derdim»,— dedilar. Shunda onamga qarab «Boʻlmasa, siz javob beringiz!»—dedim. Onam ham «Men nima ham derdim», – dedilar. Ikkovlari javob bermagach, men kalimai shahodat birla Olloh taologa munosib hamdu sanolar aytdim-da, so'ng «Olloh taologa qasam ichurmanki, hatto «Men pokman» deb aytganim birlan sizlar ishonmagaysizlar, chunki bo'htonni dillaringizga jo qilib olgansizlar. Agar men «Xa, gunoh qildim»,— desam, vaholanki qilmaganimni Olloh taolo bilur, sizlar «Ana endi rostini aytding»,— deysizlar. Shu boisdan ham Ya'qub alayhissalomning «Endi sabr qilmog'im yaxshidur, sizlar aytayotgan bo'htondan xalos bo'lmog'imda menga Olloh taoloning o'zigina madadkordur!» degan gaplarini aytishdan bo'lak ilojim yo'q!» — dedim. Shu asnoda Janob Rasulullohga vahiy nozil bo'lib golib, oraga jimlik cho'kdi. Vahiy nozil bo'lgach, men ul zotning yuzlaridan xursandlik alomatini paygab oldim. Rasululloh sallallohu alayhi va sallam peshonalarini arta turib «Ey Oisha, xursand bo'lgil, Olloh taolo sening pokliging haqida xabar nozil gildi'»— dedilar. Bu kun ersa, mening uchun umrimda eng gattig g'azablangan kun bo'ldi. Ota-onam «Turgil, Janob Rasulullohga gullug gilgil!»— deyishdi. Men «Ollohga gasamki, Rasulullohdan minnatdor bo'lib o'rnimdan turmagayman ham, rahmat aytmagayman ham, shuningdek sizlarga ham rahmat aytmasman, lekin mening pokligim haqida xabar yuborgan Olloh taologagina hamd aytgumdur. Sizlar ersangizlar, bo'htonga gulog solib, uni inkor qilmadingizlar ham, kuyunmadingizlar ham'»—dedim.

Ushanda Zaynab binti Jahsh mening haqimda nuqul yaxshi gaplar aytgan erdi, Olloh taolo uni diyonatli qildi, uning singlisi Hamna ersa, boʻhtonchilar tarafini olib, oʻshalar birlan birga halok boʻldi. Boʻhtonchilar — Mistah, Hasson va munofiq Abdulloh ibn Ubay erdi. Abdulloh ibn Ubay yangidan yangi igʻvolar tarqatar erdi. «Gunohning eng katta xissasini koʻtargan» kishilar mana shu Abdulloh ibn Ubay birlan Hamna erdi. Otam Abu Bakr ilgarilari Mistahga yordam qilib turur erdilar, ul menga boʻhton qilgach «Men endi sira ham Mistahga ehson qilmayman»—deb ont ichdilar. Shunda Olloh taolo «Oralaringizdagi fazl va boylik sohibi boʻlganlar qarindoshlari, miskinlar va muhojirlarga Olloh yoʻlida ehson qilmaslikka qasam ichmasinlar, balki ularni afv qilsinlar, Olloh sizlarni

mag'firat qilishini istamaysizlarmi? Olloh mehribon va mag'firatlidur!» degan oyat nozil kildi. Otam Abu Bakr Siddiq darhol»Ha, ey parvardigorim, biz mag'firat istarmiz!» — deb ilgarigidek Mistahga ehson qila boshladilar»

13-bob Olloh taoloning qavli: «Ko'kraklarini yoping'ichlari birlan to'ssinlar!»

Oisha raziyallohu anho bunday deydilar: «Avvalgi muxojirlarning xotinlarini Olloh taolo rahmat qilsin! Olloh taolo «Ko'kraklarini yoping'ichlari birlan to'ssinlar!» degan oyatni nozil qilganda ular choyshab-laridan yirtib olib, ko'kraklarini yopib yurgan erdilar»

«AL-FUROON» SURASI

1-bob. Olloh taoloning qavli: «Yuzlari birlan yurib borib jahannamda toʻplanuvchilar — ana oʻshalardur (oxiratda) eng joyi yomon va butunlay yoʻldan ozganlar!»

Anas ibn Molik raziyallohu anhu bunday deydilar: «Bir kishi Janob Rasulullohdan «Ey Ollohning paygʻambari, qiyomat kuni kofirlar qanday qilib yuzlari birlan yuradirgan qilib tiriltiriladi?»—deb soʻradi. Rasululloh sallallohu alayhi va sallam: «Bu dunyoda ikki oyoq birlan yuradirgan qilib qoʻygan zot qiyomatda yuzi birlan yuradirgan qilib qoʻymoqqa qodir ermasmi'»—dedilar. Shunda Qatoda raziyallohu anhu: «Ha, rabbimizning ulugʻligi haqi, albatta qodirdur! — dedilar».

2-bob. Olloh taoloning qavli: «... va Ollohga shirk keltirmaydirganlar, Olloh o'ldirmoqni ta'qiq qilgan biror jonni nohaq o'ldirmaydirganlar va zino qilmaydirganlar va kimki buni qilsa (ya'ni, Ollohga shirk keltirsa, nohaq o'ldirsa va zino qilsa), uqubatga mubtalo bo'lur»

Abdulloh ibn Mas'ud va Vosil ibn Xabbon raziyallohu anhumo rivoyat qilishadi: «Rasululloh sallallohu alayhi va sallamdan «Ollohning nazdida eng katta gunoh qaydur?»—deb soʻrashdi. Rasululloh sallallohu alayxi va sallam «Olloh seni yaratgan boʻla turib, unga biror narsa sherik qilmoqligingdur»,— dedilar. «Keyin, qaysi?» — deb soʻrashdi. Rasululloh sallalohu alayhi va sallam «Taomingga sherik boʻlishidan qoʻrqib, oʻz bolangni oʻldirmoqligingdur»,— dedilar. «Undan keyinchi? — deb soʻrashdi. Rasululloh sallallohu alayhi va sallam «Qoʻshningning jufti haloli birlan zino qilmoqligingdur»,— dedilar. Shunda Janob Rasulullohning gaplarining tasdiqi uchun «va Ollohga shirk keltirmaydirganlar, Olloh oʻldirmoqni ta'qiq qilgan biror jonni nohaq oʻldirmaydirganlar va zino qilmaydirganlar» degan oyat nozil boʻldi».

Qosim ibn Abu Buzza rivoyat qiladilar: «Men Sa'id ibn Jubayrdan «Mo'min kishini qasddan o'ldirgan qotil uchun tavbaga imkon bormi?» — deb so'radim-da, «Olloh o'ldirmoqni ta'qiq qilgan biror jonni nohaq o'ldirmaydirganlar» degan oyatni tilovat qildim. Shunda Sa'id bunday deb javob qildilar: «Men ham bu oyatni xuddi siz menga o'qib berganingizdek Ibn Abbosga o'qib bergan erdim. Ibn Abbos raziyallohu anhu: «Bu oyat Makkada nozil bo'lgan bo'lib, uni Madinada nozil bo'lgan «An-Niso» surasidagi oyat bekor qilgan»,— deb erdilar».

Sa'id ibn Jubayr rivoyat qiladilar: «Kufa ahli mo'min kishini qasddan o'ldirgan qotilga beriladirgan jazo haqida ixtilof qilishdi. Shunda men bu masala haqida so'ragani Ibn

Abbosning huzurlariga bordim. U kishi «Mazkur oyat eng keyin nozil boʻlgan oyatlardan hisoblanur, uni boshqa bir oyat bekor qilgan ermas»,— dedilar»

Sa'id ibn Jubayr raziyallohu anhu rivoyat qiladilar: «Ibn Abbosdan «Qotilning jazosi jahannamdur» degan oyatning mazmunini so'radim. Ul kishi «Qotilning tavbasi qabul qilinmaydi»,— dedilar. Keyin, «Ollohga shirk keltirmaydirganlar» degan oyat xususida so'rab erdim, ul kishi «Bu oyat johiliyat davri (kishilari) xususida erdi»,— dedilar».

3-bob Olloh taoloning qavli: «Qiyomat kuni unga ikki karra koʻp azob berilur va ul oʻshal joyda xorlangan holda mangu qolur!»

Ibn Abziy rivoyat qiladilar: «Ibn Abbosdan «Kimki moʻminni qasddan oʻldirsa, uning jazosi jahannamdur» hamda «Olloh oʻldirmoqni ta'qiq qilgan biror jonni oʻldirmaydirganlar» degan oyatlar haqida soʻradim Ibn Abbos raziyallohu anhu bunday dedilar «Bu oyat nozil boʻlganda, Makka ahli «Biz Ollohga shirk keltirib boʻlak tangriga iltijo ham qilganmiz, Olloh oʻldirishni harom qilgan jonni ham oʻldirganmiz, fahsh ishlarni ham qilganmiz»,— deyishdi. Shunda Olloh ularning dilini hidoyatga chorlash uchun «Kimki gunohlariga tavba qilsa, iymon keltirsa va yaxshi ishlar qila boshlasa, Olloh ularning gunohlarini savobga aylantirib qoʻyur, Olloh magʻfiratli, mehribondur!» degan oyatni nozil qildi».

4-bob Olloh taoloning qavli: «Kimki gunohlariga tavba qilsa, iymon keltirsa va yaxshi ishlar qila boshlasa, Olloh ularning gunohlarini savobga aylantirib qo'yur, Olloh mag'firatli, mehribondur!»

Sa'id ibn Jubayr rivoyat qiladilar: «Abdurrahmon ibn Abziy ikki oyat xususida Ibn Abbosdan so'ramog'imni buyurdilar. Avval men «Kimki mo'minni qasddan o'ldirsa...» degan oyat haqida so'radim. Shunda Ibn Abbos: «Bu oyatni boshqa biror oyat bekor qilgani yo'q,— dedilar. Keyin, men «Ollohga shirk keltirmaydirganlar» degan oyat haqida so'rab erdim, Ibn Abbos «Bu oyat mushriklar haqida nozil bo'lgan»,— dedilar».

5-bob Olloh taoloning qavli: «Endi sizlarga (albatta sazo bermoq) lozim bo'lur!»

Masruq rivoyat qiladilar: « Abdulloh ibn Mas'ud bundai dedilar: «Besh alomat— «Tutun», «Oy», «Rum», «Hujum» va «Sazo» bo'lib o'tdi»

(«Tutun» Quraysh kofirlarining kufri. Paygʻambarimiz (sollallohu alayhi va sallamga nisbatan tobora kuchaya borgandan soʻng, Rasululloh sallallohu alayhi va sallam Ollohdan Yusuf alayhissalom zamonlarida boʻlgan qahatchilikdan yuborishni soʻragan erkanlar. Bir necha yil davom etgan qahatchilik va qurgʻoqchilikdan kofirlar daraxt va koʻkatlarning tomirini yeyishga majbur boʻlgan erkan. Qurib-qaqshab ketgan yerdan koʻtarilgan chang-toʻzon ularning koʻziga tutundek boʻlib koʻringan erkan Shundan soʻng, ular Ollohga iltijo qila boshlabdilar-u, ammo balo ketishi birlanoq Paygʻambarimizga yana osiylik qilishda davom etibdilar.

«Oy»: Quraysh kofirlari Paygʻambarimiz alayhissalomdan odatdan tashqari moʻʻjizalar koʻrsatishni talab qilishardi. Ularning talabiga binoan, kechalarning birida Janob Rasululloh barchaning koʻz oldida Oyni bir ishora birlan ikkiga boʻlib, birini Mashriqqa,

ikkinchisini Magʻribga joʻnatdilar, soʻng yana bir ishora birlan birlashtirdilar. Buni koʻrib kofirlar Janob Rasulullohni sehrgar deyishdi. Bu voqeaga Qur'ondagi «Qiyomat yaqinlashdi va Oy teng ikkiga boʻlindi» degan oyat dalildur.

«Rum»: Paygʻambarimiz alayhissalom bashorat qilib «Fors mamlakati hozircha Rum ustidan gʻolib boʻlib turibdi, koʻp oʻtmay Rum forslar ustidan zafar quchadi»,— degan erdilar. Oradan yetti yil oʻtgach, bashorat zohir boʻlib, Rum mamlakati forslar ustidan gʻalabaga erishdi. Bunga Olloh taoloning «Juda yaqin joyda rumliklar magʻlub boʻldi, lekin ular bu magʻlubiyatidan soʻng, yaqin yillar ichida albatta gʻalaba qiladilar» degan oyati dalildur.

«Hujum»: Olloh taolo uz oyati karimasida «Tez fursatda ularni halok qilurmiz» —deb aytgan erdi. Badr kuni musulmonlar mushriklar ustiga tashlanib, Olloh taoloning irodasi birlan ulardan 70 tasini halok qildilar.

«Sazo»: Olloh taolo oʻz oyati karimasida. «Endi sizlarga (albatta sazo bermoq) lozim boʻlur!» — deb aytgan erdi. Badr janggida 70 mushrik oʻldirildi, yuzdan ortigʻi asir olindi, bir qanchasi yarador boʻldi, oʻldirilgan mushriklardan 24 tasining jasadi eng iflos chohga tashlab yuborildi).

«ASH-SHU'ARO» SURASI

1-bob. Olloh taoloning qavli: «Va barcha qayta tiriladirgan kunda meni sharmanda qilmagil!»

Abu Hurayra raziyallohu anhu rivoyat qiladilar: « Janob Rasululloh: «Darhaqiqat, Ibrohim alayhissalom qiyomat kunida otalarini qora tutun bosganini koʻrgaylar»,—dedilar».

Abu Hurayra raziyallohu anhu rivoyat kiladilir: «Janob Rasululloh: «Qiyomat kuni Ibrohim alayhissalom otalarini uchratgaylar. Shunda Ibrohim alayhissalom: «Ey parvardigor, darhaqiqat sen hamma qayta tiriladigan kunda meni sharmanda qilmaslikka va'da bergansan!» —degaylar. Olloh taolo ersa: «Darhaqiqat, men jannatni kofirlarga harom qilgandurman!»—deb javob bergay»,— dedilar».

2-bob. Olloh taoloning qavli: «(Avval) oʻzingizning yaqin qarindoshlaringizni qoʻrqitingiz (oxirat azobidan ogohlantiringiz) va musulmonlardan oʻzingizga ergashganlariga xayrixohlik qilingiz!»

Ibn Abbos raziyallohu anhu rivoyat qiladilar: «Uzingizning yaqin qarindoshlaringizni qoʻrqitingiz. .» degan oyat nozil boʻlganda Janob Rasululloh Safo togʻi ustiga chiqib, Quraysh qabilasidagi urugʻlarga «Ey Baniy Fihr, ey Baniy Adiy!» deb nido qilib erdilar, hamma jamlandi, oʻzi kelishga qodir boʻlmagan kishilar ersa, «Borib kelchi, nima gap erkan» deb odam joʻnatdi. Abu Lahab va Qurayshning kattalari ham kelishdi. Janob Rasululloh: «Nima deysizlar, agar men sizlarga «Mana bu vodiyda dushman otliqlari bostirib kelishga shaylanib turibdi» deb xabar bersam, sizlar menga inonasizlarmi?»—dedilar. Koʻpchilik: «Ha, chunki biror marta ham sizdan rostdan boʻlak gap eshitmaganmiz!» — deyishdi. Rasululloh sallallohu alayhi va sallam: «Shunday erkan, men sizlarni kelgusida boʻladirgan qattiq azobdan ogohlantirurman»,— dedilar. Abu

Lahab: «Sen halok va barbod boʻlgil, shuning uchun bizlarni jamladingmi?» — deb masxara qildi. Shunda «Abu Lahabning ikki qoʻli quridi, moli va kasb qilgan narsasi uni bundan qutultira olmadi...» degan sura nozil boʻldi».

Abu Hurayra raziyallohu anhu rivoyat qiladilar: «Ollohning «Uzingizning yaqin qarindoshlaringizni qoʻrqitingiz» degan oyati nozil boʻlganda, Janob Rasululloh oʻrinlaridan turib: «Ey Quraysh jamoasi, oxiratingiz gʻamini oʻzlaringiz yengizlar, men (oxiratda) sizlar uchun Olloh taolodan biror yengillik soʻrab bermagayman! Ey Baniy Abdu Manof, oxiratingiz gʻamini oʻzlaringiz yengizlar, men sizlar uchun Olloh taolodan biror yengillik soʻrab bermagayman! Ey Abbos ibn Abdulmuttalib, oxiratingiz gʻamini oʻzingiz yengiz, men siz uchun Olloh taolodan biror yengillik soʻrab bermagayman! Ey Rasulullohning ammasi boʻlmish Safiyya, men siz uchun Olloh taolodan biror yengillik soʻrab bermagayman! Ey Fotima binti Muhammad, mening molimdan xohlaganingcha soʻra, ammo Olloh taolodan sening uchun biror yengillik soʻrab bermagayman!» — dedilar».

«AL-QASAS» SURASI

1-bob. Olloh taoloning qavli: «Albatta, siz oʻzingiz yaxshi koʻrgan kishini qidoyat qila olmagaysiz, ammo Olloh oʻzi xohlagan bandasini hidoyat qilur!»

Sa'id ibn Musayyab otalaridan nahl qiladilar: «Abu Tolibning vafot qiladirgan kuni yaqinlashganda Janob Rasululloh uning huzuriga keldilar. Shunda ul zot Abu Tolibning oldida Abu Jahl, Abdulloh ibn Abu Umayya ibn Mug'iyrani ko'rdilar. Janob Rasululloh: «Ey amaki, «Lo iloha illalloh» deb kalima keltiringiz, men ul dunyoda Olloh taologa kalima keltirganingizni dalil qilurman!» — dedilar. Abu Jahl birlan Abdulloh ibn Abu Umayya ibn Mug'iyra ersa nuqul: «Abdulmuttalibning dinidan yuz o'girasizmi?» — deyishar erdi. Janob Rasululloh ham «Kalima keltiringiz» deb qistayverdilar. Ammo, Abu Tolib kalima keltirmay, «Abdulmuttalib millatida qolurman» deya jon taslim qildi. Shunda Janob Rasululloh: «Xudo haqi, agar man' etilmasam, siz uchun istig'for ayturman!» —deb erdilar, Olloh taolo «Payg'ambar va mo'minlarning mushriklar uchun istig'for aytmoqligi durust emasdur!» degan oyatni hamda «Albatta, siz o'zingiz yaxshi ko'rgan kishini hidoyat qila olmagaysiz, ammo Olloh o'zi xohlagan bandasini hidoyat qilur!» degan oyatni nozil qildi».

2-bob. Olloh taoloning qavli: «Ey Muhammad, sizga Qur'onni farz qilgan zot, albatta sizni avvalgi maqomga (ya'ni, Makkaga) qaytarguchidur!»

Ibn Abbos raziyallohu anhu: «Sizni avvalgi maqomga qaytarguchidur» deyilganda Makka nazarda tutilgan»,— deydilar.

«AR-RUM» SURASI

Masruq rivoyat qiladilar: «Kinda qabilasidan bir kishi bunday dedi: «Qiyomat kuni bir tutun kelib, munofiqlarning qulogʻu koʻzlarini qoplagay. Moʻminga ersa tumovday yengilgina ta'sir qilgay». Bu soʻzni eshitib biz qoʻrquvga tushdik. Men Ibn Mas'udning oldilariga kelib, shul haqda soʻradim. Ibn Mas'ud suyanib turgan erkanlar, mening gapimni eshitib, gʻazablandilar-da, soʻng oʻltirib bunday dedilar! «Kim bilsa, gapirsin, bilmasa, Olloh taolo biluvchiroq!» desin. Chunki, bilmaydirgan narsasini «bilmayman»

deyish ham ilmdandur. Olloh taolo: «Ey Muhammad, «Men sizlarni da'vat qilganim uchun haq so'ramayman va men qiyin ahvolga tushib qolganlardan ham ermasman!» deb aytingiz!» — degandur. Bir vaqtlar Quraysh islomga kiravermadi. Shunda Janob Rasululloh: «Ey parvardigor, ularga Yusuf alayhissalom davridagidek qahatchilik yuborib, menga madad bergil!»—dedilar. Tez fursatda ularga qahatchilik kelib, o'limtik va suyaklarni yeyishga majbur bo'ldilar, ochlikdan birin-ketin halok bo'la boshladilar. Keyin, ular yeru osmon oralig'ini tutunga o'xshash narsa qoplaganini ko'rdilar Abu Sufyon Janob Rasulullohning qoshlariga kelib: «Ey Muhammad, o'zingiz bizga qarindoshlarga yaxshilik qilishni buyurasiz, ammo o'z qavmingiz halok bo'layotir-ku?! Olloh taologa duo qilingiz (musibatni to'xtaqin)!»—dedi».

Keyin, Ibn Mas'ud Olloh taoloning quyidagi «Siz kutingiz ul kunniki, osmon aniq bir tutun keltirur («albatta sizlar yana qaytguchidursizlar» degan soʻzigacha) oyatini qiroat qildilar-da, bunday dedilar: «Ular, oʻzlariga paygʻambar kelib ogohlantirganligiga qaramay, kufr keltirishdi, shunday boʻlgach, nechuk ular oxirat azobidan xalos qilinsinlar?! Olloh taoloning «Ul kunki, biz buyuk (qattiq) tutish qilurmiz» degan qavli ham, «Endi, tez fursatda ul sazo sizlarga lozim boʻlur» degan qavli ham Badr kuni boʻlib oʻtdi. Olloh taolo: «Magʻlub boʻldilar rumliklar yaqin bir yerda va ular magʻlub boʻlganlaridan keyin, oz fursatda gʻolib boʻlurlar»,— degan erdi, ma'lumingizki, bu ham boʻlib oʻtdi».

1-bob. Olloh taoloning qavli: «...Ollohning yaratganini o'zgartib bo'lmas, budur to'g'ri din!»

(Ya'ni, Olloh taolo odamizodning xilqatin shundog paydo qilgandurki, agar ul haqni tushunmoq va qabul qilmoqchi bo'lsa, qila olur va yo boshqalar, agar uni asliy tabiatiga qo'yib bersalar, albatta ul o'zicha haq dinni qabul etur).

Abu Hurayra raziyallohu anhu rivoyat qiladilar: «Rasululloh sallallohu alayhi va sallam bunday dedilar: «Har bir tugʻiladirgan goʻdak, albatta, islomda tugʻiladir. Keyin, uni otaonasi yahudiy, nasoro yoki majusiy qilur. Shuningdek, Olloh taoloning qudrati ila hayvondan ham mukammal hayvon tugʻiladur. Aytingchi, hayvon bolasining (agar keyin oʻzingiz kesmasangiz) biror a'zosi kesik holda tugʻilganini koʻrganmisizlar? Olloh taolo: «Olloh odamlarni yaratishda ularning tabiatiga jo qilgan xilqatni oʻzgartib boʻlmas, budur toʻgʻri din!» — deydi».

«LUQMON» SURASI

Olloh taoloning qavli: «Ollohga shirk keltirma, darhaqiqat shirk katta zulmdur!»

Abdulloh ibn Mas'ud raziyallohu anhu aytadilar: «Iymon keltirgan kishilar iymonlarini zulmga omuxta qilmasalar, ularga xotirjamlik bo'lur va ular hidoyat topgan kishilardurlar» degan oyat nozil bo'lganda Janob Rasulullohning sahobalari dillariga tashvish tushdi. Ular «Qaysi birimiz iymonimizni zulm birlan bulg'amadik?!»—deya kuyunishdi. Shunda Rasululloh sallallohu alayhi va sallam «Albatta, bu oyatning ma'nosi sizlar tushungandek ermas, Luqmonning o'z o'g'liga «Darhaqiqat, shirk katta zulmdur »—deganini eshitmagansizlarmi?»— dedilar». (Zulmdan maqsad, musulmonlar bilibbilmay qilib qo'yadirgan gunohlar ermas, balki Olloh taologa shirk keltirmoqlikdur).

1-bob Olloh taoloning qavli: «Darhaqiqat, qiyomatning qachon boʻlmogʻini faqat Olloh bilgaydur!»

Abu Hurayra raziyallohu anhu rivoyat qiladilar: «Rasululloh sallallohu alayhi va sallam bir kuni odamlar birlan mubohasa qilib oʻltirgan erdilar, shu payt bir notanish kishi kelib Janob Rasulullohga «Ey Ollohning rasuli, iymon nedur?»— deb savol berdi. Janob Rasululloh «Iymon Ollohga, uning farishtalariga, payg'ambarlariga, Olloh birlan qiyomatda yuzma-yuz bo'lishga, oxiratda qayta tirilishga ishonmoglikdur»,— dedilar. Boyagi kishi yana «Ey Ollohning rasuli, islom nedur?» — deb soʻradi. Janob Rasululloh «Islom — Ollohga ibodat qilmoqliqingiz, unqa biror narsani sherik qilmasliqingiz, namoz oʻqimoqligingiz, farz qilingan zakotni bermoqligingiz va ramazon oyi roʻzasini tutmoqligingizdur»,— dedilar. Boyagi kishi yana «Ey Ollohning rasuli, ehson nedur?» dedi. Janob Rasululloh Ehson — parvardigoringizga xuddi uni ko'rib turganingizdek ibodat qilmoqligingizdur, chunki siz uni ko'rmayotgan bo'lsangiz ham, u sizni ko'rib turadur»,— dedilar. Boyagi kishi yana «Ey Ollohning rasuli, qiyomat qachon boʻlgay?» dedi. Janob Rasululloh «Bu haqda soʻralguvchi soʻrovchidan bilimdonrog ermas, lekin sizga giyomatning shartlarini gapirib berayin: ayol o'z xojasini (ya'ni, gapiga itoat qilmaydigan, aksincha o'ziga buyruq qiladirgan farzand) tug'sa, bu qiyomat belgilaridandur, agar yalangoyog, yalang'och odamlar elga boshlig bo'lsalar, bu ham qiyomat belgilaridandur. Besh narsa xususida faqat Olloh taoloning o'zi bilur qiyomatning qachon bo'lmog'ini, qachon yog'in yog'mog'ini, ona qornidagi homilaning na erkanini, ertaga kimning qaerda qanday rizqi borligini va kim qaerda, qay holatda oʻlmogʻini»,— dedilar. Shundan soʻng, boyagi kishi chiqib ketdi. Janob Rasululloh uni zudlik birlan qaytarib kelmoqni buyurdilar, ammo odamlar tashqariga chiqishganda hech kim yoʻq erdi. Janob Rasululloh «Bu Hazrat Jabroil alayhissalom erdilar, odamlarga ularning dinlarini o'rgatish uchun kelgan erdilar»,— dedilar».

Abdulloh ibn Umar raziyallohu anhu rivoyat qiladilar: «Janob Rasululloh «G'aybning kaliti beshtadur»,— dedilar, keyin «Darhaqiqat, qiyomatning qachon boʻlmogʻini faqat Ollohning oʻzi bilur» degan oyatni oʻqidilar».

«TANZIYLUS-SAJDA» SURASI

1-bob Olloh taoloning qavli: «Bas, ularning qilgan amallari uchun qanday koʻzni quvontiradirgan ne'matlar mukofot tariqasida asrab qoʻyilganini biror jon bilmas!»

Abu Hurayra raziyallohu anhu rivoyat qiladilar: «Janob Rasululloh «Olloh taborak va taolo «Men solih bandalarim uchun koʻz koʻrmagan, quloq eshitmagan, inson koʻngliga kelmagan narsalarni tayyorlab qoʻydim»,— deb aytdi»,— dedilar. Agar xohlasangizlar, «Bas, ularning qilgan amallari uchun qanday koʻzni quvontiradirgan ne'matlar mukofot tariqasida asrab qoʻyilganini biror jon bilmas!» degan oyatni oʻqingizlar!»

Abu Hurayra raziyallohu anhu rivoyat qiladilar: «Paygʻambar alayhissalom «Olloh taolo «Men solih bandalarim uchun koʻz koʻrmagan, quloq eshitmagan, biror insonning xayoliga kelmagan ne'matlarni tayerlab qoʻyganman, bu ne'matlar bandalarim oʻzlari bilgan mukofotlar-dan tashqaridur'»—dedi»,— dedilar. Soʻng, «Bas, ularning qilgan

amallari uchun qanday koʻzlarni quvontiradigan ne'matlar mukofot tariqasida asrab qoʻyilganini biror jon bilmas!» degan oyatni tilovat qildilar»

«AL-AHZOB» SURASI

Olloh taoloning qavli: «Paygʻambar moʻminlarga oʻzlaridan ham haqdorroqdur!»

Abu Hurayra raziyallohu anhu rivoyat qiladilar: «Paygʻambar sallallohu alayhi va sallam «Men har qanday, moʻminga bu dunyoda ham, oxiratda ham boshqalardan koʻra haqdorroqman. Agar xohlasangizlar, Olloh taoloning «Paygʻambar moʻminlarga oʻzlaridan ham haqdorroqdur!» degan oyatini oʻqingizlar! Qaysi moʻmin oʻzidan keyin mol qoldirsa, agar uning qarindoshlari boʻlsa, moliga merosxoʻr boʻlsinlar, agar u qarz yoki qarovsiz bola qoldirgan boʻlsa, ul holda mening huzurimga kelsinlar, men uning mavlosiman (ya'ni, qarzini uzib, bolasiga homiylik qilurman)!»— dedilar».

1-bob. Olloh taoloning qavli: «Ularni o'z otalari ismi birlan chaqiringizlar, bu Olloh nazdida to'g'riroqdur!»

Abdulloh ibn Umar raziyallohu anhu rivoyat kiladilar: «Darhaqiqat, «Ularni oʻz otalari nomi birlan chaqiringizlar!» degan oyat nozil boʻlguncha, biz Janob Rasulullohning qullari Zayd ibn Horisani Zayd ibn Muhammad deb chaqirar erdik. (Mazkur oyat va hadis hukmiga binoan, asrandi bola xech qachon oʻz pushti kamaridan boʻlgan farzand oʻrnida boʻlmaydi. Chunonchi, Janob Rasululloh oʻz qullari boʻlmish Zayd ibn Horisani qullikdan ozod qilib, oʻgil qilib olgan erdilar. Shuning uchun ham sahobai kiromlar Zaydni Zayd ibn Muhammad deb chaqirishar erdi. Mazkur oyat bunga yakun yasadi)».

2-bob. Olloh taoloning qavli: «Moʻminlar orasida (jihod qilish va shahid boʻlish haqida) Ollohga bergan va'dalariga vafo qilgan kishilar mavjuddur. Ularning ba'zilari shahid boʻldilar, ba'zilari shaxodatni kutib turibdilar. Ular munofiqlar singari ahdlarini oʻzgartirganlari yoʻq!»

Anas ibn Molik raziyallohu anhu: «Ushbu «Moʻminlar orasida Ollohga bergan va'dalariga vafo qilgan kishilar mavjuddur...» degan oyat Anas ibn Nazr haqida nozil boʻlgan»,— deydilar.

Zayd ibn Sobit raziyallohu anhu bunday deydilar: «Qur'onni mushaf qilib jamlayotganimizda «Al-Ahzob» surasidan bir oyatni yoʻqotib qoʻydim, uni Janob Rasulullohning qiroat qilganlarini eshitgan erdim. Ammo, uni hech kimdan topa olmadim. Qidira-qidira, nihoyat uni Janob Rasululloh bir oʻziga ikki kishi oʻrnida guvohlik berish huquqini in'om qilgan Xuzayma al-Ansoriydan topdim. Bu oyat — «Moʻminlar orasida Ollohga bergan va'dalariga vafo qilgan kishilar mavjuddur» degan oyat erdi».

3-bob. Olloh taoloning qavli: «Ey payg'ambar, xotinlaringizga: «Agar sizlar bu dunyo hayoti birlan uning zebu ziynatlarini istaydirgan boʻlsangizlar, ul holda kelingizlar, men sizlarni oʻsha narsalardan biroz bahramand qilayin-da, soʻng yaxshilik ila qoʻyib yuboray!»—deb aytingiz!»

Oisha raziyallohu anho rivoyat qiladilar: «Olloh taolo Janob Rasulullohga vahiy yuborib,

xotinlariga ikki narsadan birini tanlash ixtiyorini berish lozimligini aytganda, ul zot birinchi boʻlib mening huzurimga kirdilar-da, «Men senga bir narsa xususida soʻzlagayman, ota-onangga maslahat solmay turib, menga javob bermoqqa oshiqma!» — dedilar. Vaholanki, Janob Rasululloh yaxshi bilur erdilarki, ota-onam hech qachon menga ul zotdan ajramogimni buyurmagay! Janob Rasululloh gaplarida davom etib: «Olloh taolo menga «Ey paygʻambar, xotinlaringizga «Agar sizlar bu dunyo hayoti birlan uning zebu ziynat-larini istaydirgan boʻlsangizlar, ul holda kelingizlar, men sizlarni oʻsha narsalardan biroz bahramand qilayin-da, soʻng yaxshilik ila qoʻyib yuboray» deb aytingiz!» deb buyurdi»,— dedilar. Shunda men: Buning uchun ota-onamning buyrugini kutmogimga hojat yoʻq, chunki men albatta Ollohni, uning rasulini va oxiratni tanlagayman!» —dedim».

4-bob. Olloh taoloning qavli: «Agar Ollohni, uning rasulini va oxirat uyini istaydirgan boʻlsangizlar, ul holda shak-shubhasiz Olloh sizlarning orangizdagi solih amallar qilguvchilar uchun ulugʻ mukofot boʻlmish jannatni tayyorlab qoʻygandur!»

Payg'ambarimiz alayuhissalomning xotinlari Oisha raziyallohu anho rivoyat kiladilar: «Janob Rasululloh xotinlariga tanlash ixtiyorini berishga buyurilganlaridan keyin, dastlab mening huzurimga kirdilar-da, menga: «Hozir men senga bir gapni aytaman, otaonangning fikrlarini olmay turib, menga javob berishga shoshilma!»—dedilar. Vaholanki, Janob Rasululloh ota-onamning menga ul zotdan ajrashimni buyurmasliklarini yaxshi bilur erdilar. Ul zot Olloh taoloning «Ey paygʻambar, xotinlaringizga aytingizki, agar sizlar bu dunyo hayoti birlan uning zebu ziynatlarini istaydirgan bo'lsangizlar, ul holda kelingizlar, men sizlarni o'sha narsalar birlan biroz bahramand qilayin-da, so'ng yaxshilik ila qo'yib yuboray. Agar Ollohni va uning rasulini hamda oxirat uyini istaydirgan bo'lsangizlar, ul holda shak-shubhasiz Olloh sizlarning orangizdagi solih amallar qiluvchilarga ulug' mukofot bo'lmish jannatni tayyorlab qo'ygandur!» degan oyatini oʻqidilar. Shunda men Janob Rasulullohga: «Buning nimasini ota-onamdan soʻragayman, albatta men Ollohni, uning rasulini va oxirat uyini istarman!» — dedim Keyin, Janob Rasulullohning boshqa xotinlari ham xuddi men qilgan ishni qilishdi» (Shu vaqtda Janob Rasulullohning nikohlarida to'qqizta xotin bor erdi, ular: «Oisha binti Abu Bakr, Hafsa binti Umar, Ummu Habiba binti Abu Sufen, Savda binti Zam'a, Ummu Salama binti Abu Umayya, Safiyya binti Huyay, Maymuna binti Horis, Zaynab binti Jahsh va Juvayriyya binti Horis.

Mazkur oyatning nozil boʻlish sabablari:1) Olloh taolo oʻz rasuliga bu dunyoni yoki oxiratni tanlashni buyurganda, ul zot oxiratni afzal bilgan erdilar. Shuning uchun Olloh taolo Janob Rasulullohning yostiqdoshlarini ham faqat oxiratni oʻylaydirgan va uni bu dunyodan ustun qoʻyadirgan ayollar boʻlmogʻini xoxladi. 2) Janob Rasulullohning xotinlari oʻzaro suhbatda: «Qaniydi, ul zotdan boshqa erga tekkanimizda bizning ham orzu-havaslarimiz roʻyobga chiqib, taqinchoqlarimiz koʻp boʻlgan boʻlur erdi'» — deb hayotlaridan nolishgan erdi. 3) Janob Rasulullohning xotinlaridan biri Misr matosidan, yana biri Yaman matosidan koʻylak, boshqa biri ersa taqinchoq olib berishni talab qildi, ammo ul zot, ma'lumki xotinlarining barcha aytganlarini olib berishga qodir boʻlgan ahli dunyolardan ermas erdilar. Yolgʻiz Oisha raziyallohu anhogina boriga shukr qilib, Janob Rasulullohdan hech narsa talab qilmaganlar. Shul boisdan ham Olloh taolo oxirat mukofoti boʻlmish jannatnigina xohlagan ayolning ul zot birlan qolmogʻini, bu dunyo zebu ziynatlarini xohlagan ayolning ersa ul zotdan ajrab, boʻlak erga tegmogʻini iroda

qildi. Shunda ul zot xotinlarining hammasi oxirat mukofotiga rozi erkanliklarini, qalblari Janob Rasulullohning qalblari birlan hamohang erkanligini izhor qilishdi. Mazkur onalarimizning hammalaridan Olloh taolo rozi boʻlsin!»).

5-bob. Olloh taoloning qavli: «... va maxfiy tutur erdingiz dilingizda ul soʻzniki, Olloh uni oshkor qilmakchi erdi va siz odamlardan qoʻrqdingiz va Olloh ziyoda haqlirokdurki, siz undan qoʻrqing!»

Anas ibn Molik raziyallouh anhu rivoyat qiladilar: «... va maxfiy tutur erdingiz dilingizda ul soʻzniki, Olloh uni oshkor qilmakchi erdi .» degan oyati karima Zaynab binti Jahsh va Zayd ibn Horisa haqlarida nozil boʻlgan erdi» (Paygʻambarimiz alayhissalom ammalarining gizi Zaynab binti Jahshni o'zlarining asrab olgan o'g'illari Zayd ibn Horisaga xotinlikka soʻrab borganlarida, Zaynab e'tiroz bildirib: «Ey Ollohning rasuli, axir men Quraysh qabilasining eng oliynasab ayollaridan biriman-ku, Zayd ersa kuni kecha qullikdan ozod bo'lgan bir yigitdur, men qandayin unga xotin bo'lurman?» — dedi. Payg'ambar alayhissalomga «Kim Olloh va uning rasuliga osiy bo'lsa, bas u ochiqdanochiq yoʻldan ozibdi» degan oyat nozil boʻlgandan keyingina, Zaynab noiloj rozilik berdi. Lekin, Zayd birlan Zaynabning hayotlari yaxshi bo'lmadi. Chunki, Zaynab Zaydga o'zining oliynasab erkanligini nuqul pesh qilaverar erdi. Nihoyat, Zayd payg'ambarimizga shikoyat qilib keldi. Bu vaqtda Olloh taolo tomonidan Janob Rasulullohga vahiy nozil qilingan bo'lib, unda Zaydning Zaynabdan ajralmog'i va Janob Rasulullohning o'zlari unga uylanmoglari haqida xabar qilingan erdi. Ammo, ul zot «Muhammad oʻzi asrab olgan o'g'lining xotiniga uylandi» deb ta'na gilishlaridan cho'chib, mazkur vahiyni oshkor gilmay yashirib kelardilar, shuning uchun ham Zayd Zaynabdan ajralishmogchi erkanini aytganda, unga sabr qilishni buyurdilar).

6-bob. Olloh taoloning qavli: «Siz ayollaringizdan qaysi birining navbatini qoldirib, qaysi birining navbatini ilgariga surmakchi boʻlsangiz, joizdur. Shuningdek, qaysi bir ayolingizni (vaqtincha) oʻzingizdan chetlatgan boʻlsangiz, uni yana oʻzingizga ham-xona qilsangiz, gunohi yoʻqdur»

Oisha raziyallohu anho rivoyat qiladilar: «Uzini oʻzi Janob Rasulullohga tortiq qilgan ayollarni koʻrib gʻashim kelur va. «Ayol ham oʻzini oʻzi erkakka tortiq qilgaymi?» — der erdim. Olloh taolo «Siz ayollaringizdan qaysi birining navbatini qoldirib, qaysi birining navbatini ilgariga surmakchi boʻlsangiz, joizdur. Shuningdek, qaysi bir ayolingizni (vaqtincha) oʻzingizdan chetlatgan boʻlsangiz, uni yana oʻzingizga hamxona qilsangiz, gunohi yoʻqdur» degan oyati karimani nozil qilganda, men ul zotga: «Rabbingizning sizning xohishingizniqina tezda roʻebga chiqarayotganini koʻrib turibman!»—dedim».

Oisha raziyallohu anho rivoyat qiladilar: «Olloh taolo (yuqoridagi) oyatni nozil qilgandan soʻng, Rasululloh sallallohu alayhi va sallam koʻngillari tusagan xotinlarining huzuriga navbatdan tashqari tashrif buyurmoqchi boʻlsalar. avval navbati kelgan xotinlaridan bunga izn soʻrar erdilar»

Maoz rivoyat qiladilar: «Men Oisha raziyallohu anhodan "Sizning navbatingiz kelganda boshqa xotinlari huzuriga kirmoq uchun sizdan izn soʻrasalar, ne der erdingiz?» - deb soʻradim. Oisha «Agar shunday desalar, «Yo Rasulalloh, men yolgʻiz oʻzim sizga ega boʻlib olmoqni istamayman!» —der erdim»,— dedilar».

7-bob Olloh taoloning qavli: «Ey mo'minlar, payg'ambarning uylariga izn so'rab, taomga taklif qilinsangizlargina kiringizlar. Taomning pishishiga ko'z tutib o'ltirmangizlar, balki chaqirilgan paytingizda kirib, taomlanib bo'lgach, tarqalingizlar va ezmalanib ul yerda qolib ketmangizlar. Chunki, bu ishlaringiz payg'ambarga ozor berur, u ersa sizlarni chiqarib yuborishdan tortingay. Ammo, Olloh haqiqatni aytishdan tortinmas. Qachonki sizlar payg'ambarning xotinlaridan biror narsa so'ramoqchi bo'lsangizlar, parda ortida turib so'rangizlar. Mana shu sizlarning dillaringizni ham, ularning dillarini ham pokiza saqlagaydur. Ollohning payg'ambariga ozor bermoqlik va ul o'tgandan so'ng, uning ayollariga uylanmoqlik sizlarga durust ermas, chunki bu qilmishingiz Olloh nazdida ulkan gunohdur!»

Umar raziyallohu anhu rivoyat qiladilar: «Men Janob Rasulullohga- «Yo Rasulalloh, uyingizga yaxshi odam ham, yomon odam ham kirgay, moʻminlarning onalariga hijob (parda) tutmoqni buyurganingizda erdi!» — dedim, shunda Olloh taolo «Hijob» oyatini nozil qildi»

Anas ibn Molik raziyallohu anhu rivoyat qiladilar: «Rasululloh sallallohu alayhi va sallam Zaynab binti Jahshga uylanganlarida qavmni chaqirib, ularni ziyofat qildilar. Ziyofatdan soʻng, qavm gaplashib oʻltirib qoldi. Janob Rasululloh turishga ishora qilgan boʻlsalar ham, qavm oʻltira berdi. Buni koʻrib, ul zotning oʻzlari oʻrinlaridan turib tashqariga chiqdilar. Shunda koʻpchilik chiqib ketdi, ammo uch kishi qimirlamay oʻltiraverdi. Janob Rasululloh ichkariga kirmoqchi boʻlganlarida boyagi uch kishi hanuz suhbatlashib oʻltirar erdi. Nihoyat, ular ham turishdi, men kuzatib qoʻygach, ularning chiqib ketganligini aytdim. Janob Rasululloh ichkariga kirdilar, men ham kirmoqchi boʻlgan erdim, ul zot men birlan oʻzlari oʻrtalariga parda tortib qoʻydilar. Shunda Olloh taolo «Ey moʻminlar, paygʻambarning uylariga iznsiz kirmangizlar .» degan oyatni nozil qildi».

Anas ibn Molik raziyallohu anhu rivoyat kiladilar: «Bu oyatning, ya'ni «Hijob» oyatining nozil bo'lish sababini men boshqalardan ko'ra yaxshiroq bilurman. Zaynab binti Jahsh Janob Rasulullohga nikoh qilinganlaridan keyin, ul zotning uylarida birgalashib taom tayyorladilar. So'ng, Janob Rasululloh qavmni ziyofatga chaqirdilar. Ziyofat tugagandan so'ng, qavm gaplashib o'ltiraverdi. Janob Rasululloh tashqariga chiqib qaytib kelsalar ham hanuz gaplashib o'ltirishar erdi. Shunda Olloh taolo «Ey mo'minlar, payg'ambarning uylariga iznsiz kirmangizlar .» degan oyatni nozil qildi. Keyin, o'rtaga parda tortilib erdi, qavm turib chiqib ketdi».

Anas ibn Molik raziyallohu anhu rivoyat kiladilar: «Paygʻambarimiz alayhissalom Zaynab binti Jahshga uylanganlarida non va goʻshtdan iborat ziyofat tayyorlandi. Shunda qavmni ziyofatga taklif qilishga yuborildim. Qavm birin-ketin ziyofatga kelib, taomdan yeb chiqib keta berdi. Nihoyat, barcha kelib boʻldi. Men Janob Rasulullohga. «Ey Ollohning paygʻambari, ziyofatga chaqirishga odam topolmay qoldim!» — dedim. Ul zot: «Taomdan olib kir, uyda yana uch nafar odam gaplashib oʻltiribdi'» — dedilar-da, tashqariga chiqib, Oisha raziyallohu anhoning hujralarigacha yurib bordilar. Soʻng, Oishaga: «Assalomu alaykum, ey ayolim, senga Ollohning rahmati boʻlsin!» — dedilar. Oisha raziyallohu anho: «Sizga ham Ollohning salomi va rahmati boʻlsin! (Yangi) ayolingiz koʻnglingizdagidek erkanmi? Olloh sizga muborak qilsin!» —deb javob berdilar. Shul tariqa ul zot barcha ayollarining hujralariga kirib, Oishaga aytgan gaplarini aytdilar, ular ham Oisha kabi shirin til birlan koʻngil soʻrashdi. Keyin, Janob Rasululloh qaytib

keldilar hamki, uydagi odamlar hanuz gaplashib oʻltirishar erdi. Paygʻambar alayhissalom nihoyatda hayoli erdilar. Yana qaytib chiqib, Oishaning hujralariga kirib turdilar. Odamlar ketganini men xabar qildimmi yoki boshqa birov aytdimi, bilmayman, ul zot yana qaytib keldilar. Bir oyoqlarini eshik ostonasiga qoʻyib, ikkinchisini tashqarida qoldirib turgan hollarida men birlan oʻzlari oʻrtalariga parda tortib qoʻydilar. Shunda «Hijob» oyati nozil boʻldi».

Anas ibn Moyaik raziyallohu anhu aytadilar: «Janob Rasululloh Zaynab binti Jahshga uylanganlarida toʻy ziyofati qilib berdilar. Odamlar non birlan goʻshtga toʻydi. Soʻng, ul zot moʻminlar onalarining hujralariga birma-bir kirib, har safar uylanganlarida ertasiga ertalab chiqib salom berganlaridek, ularga salom berdilar, ularni duo qildilar, ular qam alik olib, ul zotning haqlariga duo qilishdi. Janob Rasululloh uylariga qaytganlarida ikki kishining hanuz suhbatlashib oʻltirganini koʻrdilar. Shunda ul zot yana qaytib chiqib erdilar, boyagi ikki kishi irgʻib oʻrnidan turdi. Ularning chiqib ketganini men oʻzim xabar qildimmi yoki boshqa birov aytdimi, bilmayman, Janob Rasululloh yana uyga qaytib kirdilar. Soʻng, men birlan oʻzlari oʻrtalariga parda tortib qoʻydilar. Shunda «Hijob» oyati nozil boʻldi».

Oisha raziyallohu anho rivoyat qiladilar: «Hijob (parda) tortish buyurilgandan soʻng, Savda hojat uchun tashqariga chiqdilar, boʻylari barvasta boʻlgani uchun koʻrgan odam darhol tanib olar erdi. Umar ibn Xattob raziyallohu anhu Savdani koʻrib: «Ey Savda, xudo haqi, bizdan yashirinmaysizmi, qanday chiqqanligingizga bir qarangiz?!» — deb uyaltirdilar. Shunda Savda uyalib qaytib ketdilar. Shu paytda Janob Rasululloh mening hujramda boʻlib, taom tanovul qilayotgan erdilar, qoʻllarida goʻshtli suyak bor erdi. Savda ichkariga kirib: «Ey Ollohning rasuli, men hojatimga chiqqan erdim. Umar menga unday-bunday gaplarni aytib uyaltirdi!» — dedilar. Shu payt Olloh taolo ul zotga vahiy yubordi. Janob Rasululloh vahiy qabul qilib boʻlgach, qoʻllaridagi boyagi suyakni ushlagan hollarida: «Olloh taolo sizlarga hojatlaringiz uchun tashqariga chiqmoqlaringizga ijozat berdi»,— dedilar».

8-bob. Olloh taoloning qavli: «Agar sizlar biror narsani oshkor qilsangizlar yoki yashirsangizlar, albatta Olloh bilur, zero Olloh barcha narsani biluvchi zotdur! Paygʻambar xotinlarining oʻz otalari, oʻgʻillari, aka-ukalari, aka-ukalarining oʻgʻillari, opa-singillarining oʻgʻillari, oʻz jinslaridan boʻlmish ayollar va choʻrilarga yuzlari ochiq holda koʻrin-moqlari gunoh emasdur, Ollohdan qoʻrqingizlar, Olloh barcha narsa ustida guvoh boʻlib turgan zotdir!»

Oisha raziyallohu anho aytadilar: «Hijob tortish buyurilgandan keyin, Abulqu'aysning ukasi Aflah mening oldimga kirish uchun izn soʻradi. Men: «Janob Rasulullohdan soʻramagunimcha izn bermayman, chunki meni Abulqu'aysning ukasining xotini ermas, balki Abulqu'aysning xotini emizgan»,— dedim. Janob Rasululloh kelganlarida: «Yo Rasulalloh, Abulqu'aysning ukasi Aflah huzurimga kirishga izn soʻragan erdi, men unga izn bermadim, chunki sizdan izn olmagan erdim»,— dedim. Janob Rasululloh: «Amakingga izn berishga senga nima toʻsqinlik qildi?» — dedilar. Men: «Yo Rasulalloh, axir meni Aflahning xotini ermas, balki Abulqu'aysning xotini emizgan-ku?» — dedim. Janob Rasululloh: «Aflahga izn bergil, chunki u amaking erur!» — dedilar».

Urva bunday deydilar: «Oisha shunga koʻra: «Tugishganlar bir-biriga mahram boʻlgani kabi, emishganlar ham oʻzaro mahram boʻlgaydir»,— der erdilar».

9-bob. Olloh taoloning qavli: «Shubhasizki, Olloh va uning farishtalari rahmat yuborurlar bu paygʻambarga, ey iymon keltirganlar, sizlar ham unga rahmat yuboringizlar va ezgu salom yoʻllangizlar!»

Abuloliya bunday deydilar: «Olloh taoloning salavoti — uning oʻz paygʻambarini farishtalari oldida maqtashidur. Farishtalarning salavoti ersa, ularning Janob Rasululloh haqlariga qilgan duolaridur».

Ka'b ibn Ujra raziyallohu anhu rivoyat qiladilar: «Ey Ollohning rasuli, biz «Assalomu alayka»ning ma'nosini bilurmiz, ammo «Assalotu» so'zi qanday so'z?» — deb Janob Rasulullohdan so'rashdi. Janob Rasululloh: «Ey Olloh, Ibrohim alayhissalomga rahmat yuborganingdek, payg'ambarimiz Muhammad alayhissalomga va ul kishining oilalariga ham rahmat yuborgil, darhaqiqat sen maqtovga loiq va sharafli zotdursan! Ey Olloh, Ibrohim alayhissalomning oilalariga barakot berganingdek, payg'ambarimiz Muhammad alayhissalomga va ul kishining oilalariga barakot bergil, darhaqiqat sen maqtovga loiq va sharafli zotdursan!» deb duo qilingizlar!» — dedilar».

10-bob. Olloh taoloning qavli: «Musoga ozor bergan kimsalardek boʻlmangizlar!»

Abu Hurayra raziyallohu anhu rivoyat qiladilar: «Janob Rasululloh bunday dedilar: «Darhaqiqat, Muso nihoyatda hayoli odam erdilar. Bu quyidagi oyatda bor boʻlib, Olloh taolo: «Ey moʻminlar, Musoga ozor bergan kimsalardek boʻlmangizlar! Olloh Musoni tuhmatdan qutultirdi. U Ollohning huzurida sharafli inson erdi»,— deydi».

«SABA'» SURASI

Olloh taoloning qavli: «(Farishtalar), dillaridan qoʻrquv ketkazilgandan keyin, bir-birlariga: «Rabbingiz ne dedi?» — deganlarida, «Haqni aytdi»,— deb javob qilgaylar. Olloh taolo ulugʻ va buyuk zotdur!»

Abu Hurayra raziyallohu anhu rivoyat qiladilar: «Janob Rasululloh bunday dedilar: «Osmonda Olloh taolo bir ishni hukm qilsa, farishtalar darhol itoatkorona qanotlarini qoqgaylar. (Olloh taolo oʻz hukmini vahiy ila izhor qilganda toshga urilgan zanjirning ovozidek ovoz chiqgay. Shunda farishtalar qoʻrqinchga tushgaylar), qoʻrqinchlari bosilgandan soʻng, bir-birlaridan: «Rabbingiz ne dedi?» — deb soʻragaylar. Soʻralganlar: «Haqni aytdi va ul eng buyuk, ulug zotdur!»— deb javob bergaylar. Olloh taoloning hukmini «xabar oʻgʻrilari» oʻgʻrincha eshitib olishgay, ular mana bunday ustma-ust turishgay. Dastlabki «xabar oʻgʻrisi» oʻzi eshitgan xabarni pastroqdagisiga, ul ersa undan pastroqqagisiga yetkazgay va shul tariqa bul gap sehrgarga yoki folbinga yetib borgay. Koʻpincha, «xabar oʻgʻrisi»ga uchar yulduz yetib boradi-da, gapni yetkazguncha uni kuydirib halok qiladi. Ba'zida ersa, olov yetib borguncha, oʻzidan pastdagiga yetkazib ulguradi, shunda folbinlar unga yuzta yolgʻonni qoʻshib gapirishadi. Odamlar ersa: «Folbin falon kuni unday degan erdi, toʻgʻri chiqmadimi, piston kuni bunday degan erdi, toʻgʻri chiqmadimi, piston kuni bunday degan erdi, toʻgʻri chiqmadimi?»—deb osmondan oʻgʻrincha eshitilgan gap sababli folbinga inonadilar».

1-bob. Olloh taoloning qavli: «Ul (paygʻambar) kelgusi qattiq azobdan sizlarni ogohlantiruvchi bir zotdur!»

Ibn Abbos raziyallohu anhu rivoyat qiladilar: «Paygʻambar alayhissalom bir kuni Safo togʻiga chiqib: «Ey qavm ogoh boʻlingizlar!»—deb nido qildilar. Shunda barcha Quraysh ahli yigʻilib, Rasulullohdan: «Ne boʻldi?»—deb soʻradi. Janob Rasululloh: «Aytingizlarchi, agar sizlarga «Ertalab yoki kechqurun dushman ustingizga hujum qilmoq niyatida» deb ayqam, sizlar menga ishonursizlarmi yohud yoʻqmi?»—dedilar. Hammalari: «Albatta, ishonurmiz!» — deyishdi. Janob Rasululloh: «Unday ersa, men sizlarni kelgusi qattiq azobdan ogohlantirurman!» — dedilar. Shunda Abu Lahab: «Qurib ketgur, shunga chaqirdingmi bizni?!»—deb qargʻab erdi, Olloh taolo «Tabbat yado Abiy Lahab» surasini nozil qildi».

«YOSIN» SURASI

Olloh taoloning qavli: «Quyosh o'z qarorgohi tomon betinim harakat qilib turur. Bu qudratli va hamisha bilguvchi zotning taqdiridur!»

Abu Zarr al-G'iforiy raziyallohu anhu rivoyat qiladilar: «Men quyosh botayotgan paytda Janob Rasululloh birlan birga masjidda erdim. Shunda ul zot: «Ey Abu Zarr, aytchi, hozir quyosh qaerga botayotir?»— dedilar. Men: «Olloh va uning paygʻambari biluvchiroqdur!»— dedim. Ul zot bunday dedilar: «Quyosh Olloh taologa sajda qilmoq uchun Arsh osti tomon yoʻl olgan. Olloh taolo: «Quyosh oʻz qarorgohi tomon betinim harakat qilib turur. Bu qudratli va hamisha bilguvchi zotningtaqdiridur!»—deydi».

Abu Zarr al-G'iforiy raziyallouu anuu rivoyat qiladi-lar: «Quyosh botayotgan paytda men Janob Rasululloh birlan birga masjidda erdim. Ul zot bunday dedilar: «Ey Abu Zarr, aytchi, Quyosh qaerga botaetir?» Men: «Olloh va uning paygʻambari biluvchiroqdur!» — dedim. Ul zot: «Quyosh Olloh taologa sajda qilmoq uchun Arsh osti tomon yoʻl olgan. Olloh taolo: «Quyosh (azaldan belgilab qoʻyilgan) oʻz qarorgohi tomon betinim harakat qilib turur. Bu qudratli va hamisha bilguvchi zotning (azaldan belgilab qoʻygan) taqdiridur!» — deydi»,— dedilar».

Abu Zarr al-G'iforiy raziyallohu anhu rivoyat qiladilar: «Quyosh oʻz qarorgohi tomon betinim harakat qilib turur. Bu qudratli va hamisha bilguvchi zotning taqdiridur!» degan oyatning mazmunini soʻradim. Janob Rasululloh: «Quyoshning qarorgohi Arshning taqidur»,— dedilar».

«VAS-SOFFOT» SURASI

Olloh taoloning gavli: «Va albatta Yunus ham payg'ambarlardandur»

Abdulloh ibn Mas'ud raziyallohu anhu rivoyat qiladilar: «Rasululloh sallallohu alayhi va sallam: «Hech bir kishi o'zini Ibn Mattodan yaxshiroq deb hisoblamasligi lozim!» — dedilar».

Abu Hurayra raziyallohu anhu rivoyat qiladilar: «Janob Rasululloh: «Kimki «Men Yunus ibn Mattodan yaxshiroqman» desa, yolgʻon aytibdi»,— dedilar».

«SOD» SURASI

Avvom rivoyat qiladilar: «Men Mujohiddan «Sod» surasidagi sajda oyati haqida soʻradim. Mujohid: «Bu haqda ibn Abbosdan soʻralganda, ul kishi: «Ulaikallaziyna hadallohu fabihudohim iqtadih» degan oyatdur» — deb aytdilar»,— dedilar. Ibn Abbosning oʻzlari ham shu oyatda sajda qilar erkanlar».

Avvom rivoyat qiladilar: «Men Mujohiddan «Sod» surasidagi sajda oyati haqida soʻradim. Mujohid: «Men Ibn Abbosdan «Sod surasining qaysi oyatida sajda qilursiz?» deb soʻragan erdim, ul kishi: «Va min zurriyyatihi Dovuda va Sulaymona ulaikallaziyna hadallohu fabihudohim iqtadih» degan oyatni oʻqimasmisiz? Dovud paygʻambar shunday kishilardan erdilarki, paygʻambaringiz unga iqtido qilishga buyurilgan erdilar, bas Janob Rasululloh ham shu oyatda sajda qilur erdilar»— deb javob berdilar» (mazkur oyat «Al-An'om» surasida).

1-bob. Olloh taoloning qavli: «Menga oʻzimdan keyin hech kimga muyassar boʻlmaydirgan bir saltanat ato etgin, darhaqiqat hadya etguvchi yolgiz sen oʻzingdursan!»

Abu Qurayra raziyallohu anhu rivoyat qiladilar: «Paygʻambar alayhissalom bunday dedilar: «Jinlarning kattasi boʻlmish Ifrit oʻtgan kecha kelib, mening namozimni buzishga urindi. Olloh taolo menga imkon berdi, men uni masjid ustunlaridan biriga bogʻlab qoʻydim, chunki ertalab sizlarning koʻrishlaringizni xohladim. Lekin, keyin men Sulaymon birodarimning «Ey rabbim, menga oʻzimdan keyin hech kimga muyassar boʻlmaydirgan bir saltanat ato etgin!» deganlarini eslab qoldim». Ruh: «Keyin, Janob Rasululloh Ifritni haydab yubordilar»,— deydilar. (Bir kuni Hazrat Sulaymon paygʻambar bir ayolni imtihon qilmay nikohlariga oladilar. Usha ayol jin boʻlib, yashirincha butga sigʻinib yuradi, ammo bundan ul kishi bexabar boʻladilar. Natijada, Olloh taolo ul kishiga ato etilgan saltanatni qirq kun muhlat birlan olib qoʻyadi. Shunda, ul kishi «Ey rabbim, menga oʻzimdan keyin hech kimga muyassar boʻlmaydirgan bir saltanat ato etgin!»— deb yolboradilar, Olloh taolo magʻfirat aylab, ul kishini avvalgi hollariga qaytaradi. Janob Rasulullohning Sulaymon paygʻambarning ana shu gaplarini eslab, masjid ustuniga oʻzlari bogʻlab qoʻygan Ifritni haydab yuborganlarining boisi ham shunda boʻlsa kerak).

2-bob. Olloh taoloning qavli: «Va men paygʻambarlikni da'vo qiluvchi soxtakorlardan ermasman!»

Masruq raziyallohu anhu rivoyat qiladilar: «-Abdulloh ibn Mas'ud raziyallohu anhuning huzurlariga kirdik, ul kishi bizga bunday dedilar: «Ey odamlar, kim bir narsani bilsa, gapirsin, bilmasa, «Olloh taolo biluvchiroqdur» desin! Chunki, oʻzi bilmagan narsa xususida gapirmay, «Olloh taolo biluvchiroqdur» deyish ham ilmdandur. Olloh taolo oʻz paygʻambariga: «Men Qur'oni Karimni yoki risolatimni yetkazganim uchun sizlardan haq soʻramayman, men paygʻambarlik da'vo qiluvchi soxtakorlardan ermasman!» — deb aytmoqni buyurdi. Men sizlarga «Tutun» voqeasi toʻgʻrisida gapirib berayin: Paygʻambar alayhissalom Quraysh qabilasini islomga chaqirdilar. Ammo, ular sustkashlik qilaverishdi. Shunda Paygʻambar alayhissalom" «Ey Olloh, menga yordam bergil, ularga Yusuf alayhissalom davrlarida yuborgan yetti yillik qahatchilik kabi qahatchilik yuborgil!»—deb duoyi bad qildilar. Ularga shunday qahatchilik yili keldiki, hamma narsa quridi, hatto oʻlimtiklarni va terilarni yedilar, ochlikning zoʻridan oʻzlari birlan osmon oʻrtasida tutun

singari narsani koʻrdilar. Ushanda Olloh taolo oyati karimada' «Koʻz tutingiz bir kungaki, osmondan tutun kelur va odamlarni chulgʻab olur, bu alamli azobdur!» — degan erdi. Kofirlar:

«Ey rabbimiz, biz moʻmin boʻldik, bizlardan azobingni aritgin!» — deb iltijo qildilar. Vaholanki, ular Olloh taoloni yuz-xotir qilmagan va oʻzlariga yuborilgan haq paygʻambardan yuz oʻgirib «Bu gʻirt jinni-ku!»—degan erdilar. Shunday ersada, Olloh taolo «Biz sizlardan azobni bir oz aritamiz, lekin sizlar yana dindan qaytursizlar»,— dedi. Lekin, qiyomatda azob aritilgaymi?! Keyin, ulardan azob aritildi, ammo ular yana kufrga qaytdilar. Olloh taolo buning uchun ularni Badr kuni halokatga duchor qildi. Olloh taolo oyati karimasida: «Biz bir kuni ularni qattiq qoʻlga tushirurmiz, darhaqiqat biz intiqom oluvchidurmiz!» - degan»

«AZ-ZUMAR» SURASI

1-bob. Olloh taoloning qavli: «Ey oʻz jonlariga jafo qilgan bandalar, Ollohning rahmatidan noumid boʻlmangizlar, albatta Olloh barcha gunohlarni magʻfirat qilur, chunki u magʻfiratli va mehribon zotdur!»

Ibn Abbos raziyallohu anhu rivoyat qiladilar: «Ba'zi mushriklar juda koʻp odam oʻldirdi, behad zino qildi. Keyin, ular Janob Rasulullohning oldilariga kelib. «Siz gapirayotgan va da'vat qilayotgan narsa juda yaxshi narsa erkan! Biz koʻp yomon ishlar qilganmiz, qilgan gunohlarimizga kafforat boʻladirgan biror narsa xususida bizga xabar qilsangiz erdi!» — deyishdi. Shunda «Olloh birlan birga yana boshqa ilohga sigʻinmaydirgan, Olloh oʻldirishni man' qilgan jonlarni nohaq oʻldirmaydirgan va zino qilmaydirgan kishilar» hamda «Ey Muhammad, aytingiz: «Ey oʻz jonlariga jafo qilgan bandalar, Ollohning rahmatidan noumid boʻlmangizlar. .» degan oyatlar nozil boʻldi».

2-bob. Olloh taoloning qavli: «Ollohni o'ziga munosib qadrlamadilar»

Abdulloh ibn Mas'ud raziyallohu anhu rivoyat qiladilar: «Yahudiy ulamolaridan biri kelib, Rasululloh sallallohu alayhi va sallamga: «Ey Muhammad, kitoblarimizdan bizga ma'lumki, Olloh osmonlarni bir barmog'i (qudrati) birlan, yerlarni bir barmog'i birlan, daraxtlarni bir barmog'i birlan, suv va tuproqni bir barmog'i birlan va boshqa maxluqotni bir barmog'i birlan ushlab turib «Men podshohman!» — deydi»,—dedi. Payg'ambar alayhissalom yahudiyning gapini tasdiqlab qattiq kuldilar, hatto oziq tishlari ko'rinib ketdi. Keyin, Rasululloh sallallohu alayhi va sallam «Ollohni o'ziga munosib qadrlamadilar» degan oyatni o'qidilar»

3-bob. Olloh taoloning qavli: «Holbuki, butun Yer qiyomat kuni uning kaftida bo`lur, osmonlar ersa uning o`ng qo`lida o`ralgan holda turur, pokdur ul va yuqoridur ularning shirklaridan!»

Abu Hurayra raziyallohu anhu rivoyat qiladilar: «Men Rasululloh sallallohu alayhi va sallamning «Olloh taolo Yerni kaftiga quyadi, oʻng qoʻli birlan ersa osmonlarni oʻrab tashlab, soʻng «Men podshohman, qani yer yuzining podshohlari?» — deydi»,— deganlarini eshitganman».

4-bob. Olloh taoloning qavli: «... va sur chalinur, bas behush boʻlur kimiki osmonlardadur va kimiki yerdadur, Olloh istaganlargina behush boʻlmaslar. Soʻng, ikkinchi bor sur chalinur, bas birdan behush boʻlganlar oʻrinlaridan turib, Ollohning amriga koʻz tutarlar»

Abu Hurayra raziyallohu anhu rivoyat qiladilar: «Janob Rasululloh «Ikkinchi bor sur chalinganda men birinchi boʻlib boshimni koʻtargayman. Shunda men Muso alayhissalomning Arshni ushlab turganlarini koʻrgayman, ammo ul kishi avvaldan shu holatda turibdilarmi yoki sur chalingach, turdilarmi, buni bilmagayman»,— dedilar»

A'mash rivoyat qiladilar: «Janob Rasululloh. «Ikki bor sur chalinishining orasi qirqdur»,—deb aytgan erkanlar. Odamlar Abu Hurayradan: «Ey Abu Hurayra, qirq kunmi?»—deb soʻrashdi. Abu Hurayra: «Bilmayman»,— dedi. Kimdir: «Qirq yil boʻlsa kerak», — dedi. Abu Hurayra «Bilmayman»,— dedi. Kimdir «Qirq oydur».— dedi. Abu Hurayra: «Bilmayman, lekin insonning hamma a'zosi chirib dumgʻazasigina saqlanib qolur, insonning qayta tarkib topdirilmogʻiga shu dumgʻaza asos boʻlur», — dedi»

«AL-MU'MIN» SURASI

Alo ibn Ziyod bir kuni doʻzax haqida gapirib erdilar, bir odam Aloga «Nechun siz odamlarni umidsizlikka tushirayotirsiz?» — deb e'tiroz bildirdi. Shunda Alo bunday dedilar: «Men umidvor qilishga ham qodirdurman, Olloh taolo bir oyatida «Ey oʻz jonlariga jafo qilgan bandalar, Ollohning rahmatidan noumid boʻlmangizlar!»— degan boʻlsa, ikkinchi bir oyatida «Darhaqiqat (gunoh qilib) oʻz jonlariga jafo qilguvchilar doʻzax ahllaridur»,— deydi. Sizlar boʻlsangiz, qilgan amallaringiz evaziga jannatdan joy ato etilmogʻi haqida oldindan xushxabar eshitmoqni xohlaysizlar, Olloh taolo ersa, oʻz Rasulini itoat etganlarning jannatga va osiylik qilganlarning doʻzaxga tushmogʻini xabar qilish hamda kelgusi doʻzax azobidan ogohlantirish uchun yuborgandur»

Urva ibn Zubayr raziyallohu anhu rivoyat qiladilar: «Men Abdulloh ibn Amr ibn Osga «Mushriklarning Janob Rasulullohga nisbatan qilgan eng qabih ishi haqida aytib beringz!»—dedim. Ul kishi bunday dedilar: «Bir kuni Rasululloh sallallohu alayhi va sallam Ka'ba hovlisida namoz oʻqiyotgan erdilar, shunda Uqba ibn Abu Mu'ayt kelib, ul zotning yoqalaridan ushladi-da, kiyimlarini boʻyinlariga oʻrab, qattiq boʻgʻdi. Shu asnoda Abu Bakr kelib qolib, Uqbaning yoqasidan tortib Janob Rasulullohni uning changalidan xalos qildilar-da, unga «Rabbim Olloh degan kishini oʻldirursizlarmi, vaholanki bul kishi sizlarga rabbingizdan dalillar keltirgandur!» — dedilar»

«HO-MIM AS-SAJDA» SURASI

Sa'id ibn Jubayr raziyallohu anhu rivoyat qiladilar: «Bir odam Ibn Abbosdan bunday deb so'radi: «Qur'onni o'qiganimda undagi ba'zi bir oyatlar menga ixtilofli ko'rindi. Masalan «Keyin, sur chalingan vaqtda ularning oralarida na nasl-nasab qolur va na ular bir-birlari ila savol-javob qila olurlar» degan oyatga «Va ular bir-birlariga boqishib savol-javob qilurlar» degan oyat ixtiloflidur. «Biror so'zni Ollohdan yashira olmaslar» degan oyatga ersa, «Parvardigoro, bizlar mushrik emas erdik» degan oyat ixtilofli bo'lib, keyingi oyatda mushriklar Ollohdan haqiqatni yashirayotirlar. Mana bu «Olloh osmonni yaratdi, shiftini baland qilib ko'tardi va uni barobar qilib, tunini qorong'u va yorug'ligini zohir qildi va shundan so'ng, Yerni yoyib tekis qildi» degan oyatlarda Olloh taolo osmonni Yerdan

ilgari yaratganligini zikr qilsa, «Siz aytingizki, «Ey (mushriklar), haqiqatan ham sizlar shundogʻ xudoga munkir boʻlursizlarmiki, ul yaratibdur Yerni ikki kunda va unga shirk keltirursizlarmi?! Budur jamiki olamlarning parvardigori va ul paydo qilibdur. Yerda togʻlar va barakot ato etibdur. Yerga va muhayyo qilibdur unda yemaklar toʻrt kunda tamoman. Bu (tafsilotlar) soʻraguvchilar uchundur. Keyin, (parvardigor) yuzlandi osmon tarafiga va ul tutun kabi erdi, bas dedi unga va Yergaki, «Har ikkingiz kelingizlar yaxshilik ila yo zoʻrlik ila!» degan oyatlarda osmonni Yerdan keyin yaratgani zikr qilinur. Ayrim oyatlarda «Olloh magʻfiratli, mehribon erdi, qudratli, hikmatli yaratguvchi erdi, eshitguvchi va koʻrguvchi erdi» deyilurki, bundan «Olloh taolo ilgari shunday boʻlgan, hozir ersa unday ermas» deb tushunmoq mumkin»

Ibn Abbos raziyallohu anhu yuqoridagi savollarga bunday deb javob qildilar 1) «Birinchi bor sur chalinganda barcha qoʻrquvdan nasl-nasabini (urugʻ-aymogʻini) unutib, bir-birini tanimagay va savol-javob qila olmagay, behush boʻlib yiqilgay. Ikkinchi bor sur chalinganda ersa, hamma qayta oʻziga kelib, savol-javob qilmoqqa tushgay 2) Olloh taolo ixlos ahlining gunohlarini kechadi, buni koʻrib kofirlar: «Kelingizlar, bizlar ham mushrik ermas erdik, deb aytgaymiz!»—deyishur. Ammo, Olloh taolo ularning ogʻizlarini muhrlab qoʻygay, shunda qoʻllari soʻzlab guvohlik bergay-da, Ollohdan biror gapni yashirib boʻlmasligi ayon boʻlgay 3) Olloh taolo (dastlabki) ikki kunda Yerni yaratdi, soʻng osmonlarni yaratdi, keyin osmonlarga yuzlanib, oxirgi ikki kunda ularni tekisladi, soʻng suv yurgizib oʻtloqlar barpo qilmoqlik uchun Yerni ham tekisladi, togʻlaru togʻ tizmalarini, tepaliklarni va ularning oraligʻidagi joy-larni ham oxirgi ikki kunda yaratdi 4) Olloh taolo oʻzini «Olloh magʻfiratli erdi»,— debdi, bu ham va uning «U doimo shunday boʻlib qolur» degan qavli ham uning oʻzining qavlidur, zero Olloh taolo oʻzi iroda qilgan narsasidan sira ham voz kechmagandur. Demak, Qurʻon sen oʻylaganingdek ixtilofli ermas, chunki «erdi» va «shunday boʻlib qolur» degan soʻzlar uning oʻzinikidur!»

1-bob. Olloh, taoloning qavli: «Sizlar quloqlaringiz, koʻzlaringiz va terilaringizning oʻzlaringizga qarshi guvoh boʻlmogʻidan yashirina olmas erdingizlar. Lekin, sizlar Olloh qilgan amallaringizdan koʻpini bilmas, deb oʻyladingizlar»

Ibn Mas'ud raziyallohu anhu rivoyat qiladilar: «Quraysh qabilasiga mansub ikki kishi birlan ularning Saqif qabilasiga mansub ikki qarindoshi yoki Sakif qabilasiga mansub ikki kishi birlan ularning Quraysh qabilasiga mansub ikki qarindoshi Baytullohda suhbatlashib oʻltirar erdi. Ulardan biri: «Olloh taolo suhbatimizni eshitib turibdi, deb oʻylaysizlarmi?!»—deb soʻradi. Boshqasi: «Qisman eshitadi»,— dedi. Yana biri: «Qisman eshitadirgan boʻlsa, demak hammasini eshitadi»,— dedi. Shunda «Sizlar quloqlaringiz, koʻzlaringiz va terilaringizning oʻzlaringizga qarshi guvoh boʻlmogʻidan yashirina olmas erdingizlar...» degan oyat nozil boʻldi».

2-bob. Olloh taoloning qavli: «Va bu narsa sizlarning oʻz parvardigoringizga qilgan gumonlaringizdur, ul gumon sizlarni halok qildi, bas sizlar ziyon (zarar) koʻrganlardan boʻldingizlar»

Abdulloh ibn Mas'ud raziyallohu anhu rivoyat qiladilar: «Quraysh qabilasidan ikki va Saqif qabilasidan bir kishi yoki Saqif qabilasidan ikki va Quraysh qabilasidan bir kishi Baytulloh oldida toʻplandi. Qorinlarida yogʻ moʻl va qalblarida bilim oz boʻlmish oʻshal kishilardan biri: «Nima deysizlar, Olloh taolo bizning qapimizni eshitayot-ganmikan?» —

dedi. Boshqasi: «Agar ovozimizni balandroq chiqarsak, eshitgay, pichirlashsak, eshitmagay»,— dedi. Yana boshqasi: «Agar baland ovoz birla gapirsak, eshitadirgan ersa, demak pichirlashsak ham eshitgay»,— dedi. Shunda Olloh taolo «Sizlar quloqlaringiz, koʻzlaringiz va terilaringizning oʻzlaringizga qarshi guvoh boʻlmogʻidan yashirina olmas erdingizlar...» degan oyatni nozil qildi».

«HO-MIM-AYN-SIYN-QOF» SURASI

Olloh taoloning qavli: «... Qarindoshlarga nisbatan muhabbatnigina (talab

Ibn Abbos raziyallohu anhu «Qarindoshlarga nisbatan muhabbatnigina...» degan oyat toʻgʻrisida soʻradilar. Sa'id ibn Jubayr: «Qarindoshlar — Muhammad sallallohu alayhi va sallamning oila a'zolaridur»,— dedilar. Ibn Abbos raziyallohu anhu bunday dedilar: «Shoshildingiz, Quraysh qabilasining barcha kimsalari ham Paygʻambar alayhissalomga qarindoshdurlar. Oyat «Men birlan oʻzlaringiz oʻrtangizdagi qarindoshlik munosabatlarini mustahkamla-mogʻingiznigina (talab qilurman)» degan mazmunda».

«ZUXRUF» SURASI

Olloh taoloning qavli: «Va faryod qilurlarki, «Ey Molik, parvardigoring bizlarni oʻldirsin qoʻysin!». Molik derki, «Sizlar bu azobda mangu qolursizlar!»

Safvon ibn Ya'loning otalari rivoyat qiladilar: «Men Rasululloh sallallohu alayhi va sallamning minbarda turib: «Ey .Molik, parvardigoring bizlarni o'ldirsin ko'ysin...» degan oyatni o'qiganlarini eshitdim».

«AD-DUXON» SURASI

Olloh taoloning qavli: «Ey Muhammad sallallohu alayhi va sallam, osmondan aniq tutun keladirgan kunga koʻz tutingiz!»

Abdulloh ibn Mas'ud raziyallohu anhu rivoyat qiladilar: «Olloh taolo bo'lajagi haqida xabar bergan besh voqea bo'lib o'tdi, ular «Tutun», «Rum», «Oy», «Hujum»va «Sazo».

1-bob. Olloh taoloaing qavli: «Tutun odamlarni chulgʻab olgay, bu ersa dardli azobdur»

Abdulloh; ibn Mas'ud raziyallohu anhu rivoyat qiladilar: «Osmondan tutun kelganining sababi shulki, Quraysh Qabilasi Janob Rasulullohga osiylik qilib, qarshilik qilaverganidan so'ng, ul zot ularni duoyi bad qildilar va ularga Yusuf alayhissalom davrlarida kelgan qahatchilik singari qahatchilik yuborishni Olloh taolodan so'radilar. Tez fursatda Quraysh ahli qahatchilik balosiga giriftor bo'lib, hatto ochlikdan suyaklarni ham yeyishdi. Biror kishi osmonga qarasa, azbaroyi ochligidan o'zi birlan osmon o'rtasida tutun yanglig' narsa ko'radigan bo'ldi. Olloh taoloning «Ko'z tutingiz shunday bir kungaki, osmondan tutun kelib odamlarni o'rar, bu ersa dardli azobdur» degan xabari shul erdi. Pirovardida, Qurayshning kattalari Janob Rasulullohning qoshlariga kelib: «Ey Ollohning Rasuli, Muzar ahli uchun Ollohdan suv so'rab beringiz, chunki ular halok bo'layotirlar!» — dedi. Shunda Rasululloh sallallohu alayhi va sallam Muzar ahlining kattasiga (ya'ni, Abu Sufyonga): «Sen jur'atli odamdursan, (o'zing mushrik bo'la turib, Ollohdan suv

soʻrayotirsan)!» — dedilar. Keyin, ul zot Olloh taolodan suv soʻradilar, Olloh taolo ularni suvga serob qildi. Soʻng, ushbu «Albatta, sizlar yana kufrga qaytursizlar» degan oyat nozil boʻldi. Darhaqiqat, serobchilik boʻlgandan keyin, ular darhol yana kufrga qaytdilar. Olloh taolo shunda «Yaqin kunda katta (qattiq) tutish qilurmiz, darhaqiqat biz intiqom oluvchidurmiz» degan oyatni nozil qildi».

2-bob. Olloh taoloning qavli: «Ey rabbimiz, bizlardan azobni aritgil, bizlar mo`minlarmiz!»

Masruq raziyallohu anhu rivoyat qiladilar: «Men Ibn Mas'udning oldilariga kirgan erdim, ul kishi bunday dedilar: «Albatta, oʻzing bilmaydirgan narsa haqida «Olloh biluvchiroq» deyish ham ilmdandur. Olloh taolo oʻz Rasuliga: «Ey Muhammad, «Men da'vatim uchun sizlardan hech qachon haq soʻramagayman va men paygʻambarlikni da'vo qiluvchi soxtakorlardan ermasman!» deb aytingiz!» — dedi. Quraysh Janob Rasulullohga tajovuz qila boshlagandan keyin, ul zot: «Yo Olloh, Qurayshga Yusuf alayhissalom davridagi yetti yillik qahatchilik singari qahatchilik yuborib, menga yordam bergil!»— dedilar. Ular shunday qahatchilikka duchor boʻldilarki, hatto ochlikdan oʻlimtiklarni, suyaklarni yedilar, azbaroyi ochlikdan birortasi osmonga qarasa, oʻzi birlan osmon oʻrtasida tutunga oʻxshash narsa koʻradirgan boʻlib qoldi. Keyin, ular: «Ey rabbimiz, bizlardan azobni aritgil, bizlar moʻminlarmiz!»—deb iltijo qilishdi. Shunda Olloh taolo: «Biz ulardan azobni ariqak, keyin ular yana kufrga qayturlar»,— dedi. Rasululloh sallallohu alayhi va sallam duo qilganlaridan keyin, ulardan azob aridi. Ammo, ular darhol oʻz kufrlariga qaytdilar. Buning uchun Olloh taolo ulardan Badr kuni qasos oldi. Chunki, u qasos olmogʻi haqida ilgari oyat nozil qilgan erdi».

3-bob. Olloh taoloning qavli: «Nechuk nasib boʻlur ularga nasihat, holbuki ularga haq paygʻambar kelgandur» (ya'ni, balo kelganda nasihatga amal qilmoqdan foyda yoʻqdur)

Masruq rivoyat qiladilar: «Men Abdullohning oldilariga kirdim. Abdulloh bunday dedilar: «Rasululloh sallallohu alayhi va sallam Qurayshni dinga chaqirgan vaqtlarida, Quraysh ul zotni yolgonchiga chiqarib, zoʻravonlik qila boshladi. Shunda Rasululloh sallallohu alayhi va sallam: «Ey Olloh, bularga Yusuf alayhissalom davrlaridagidek qahatchilik yuborib, menga madad bergaysan!» -dedilar. Keyin, ularga shunday qahatchilik keldiki, hamma narsa qurib, hatto oʻlimtiklarni yeyishdi, birortasi oʻrnidan turib osmonga qarasa, azbaroyi sillasi quriganidan oʻzi birlan osmon oʻrtasida tutunga oʻxshash narsa koʻrar erdi». Keyin, Abdulloh «Koʻz tutingiz osmondan tutun keladirgan kunga!» degan oyatni oʻqiy boshladilar, uning «Biz ulardan azobni ariqak, keyin ular yana kufrga qayturlar» degan joyiga yetganda: «Qiyomat kuni ulardan azob aritilarmidi?!» — dedilar va yana «Yaqin kunda ularni katta (qattiq) tutish qilurmiz» degan oyatni oʻqidilar».

4-bob. Olloh taoloning qavli: «Soʻng, undan yuz oʻgirib, uni gʻirt jinni deyishdi»

Abdulloh ibn Mas'ud raziyallohu anhu rivoyat qiladilar: «Olloh taolo Muhammad sallallohu alayhi va sallamni payg'ambar qilib yubordi. Ul zot: «Men da'vatim uchun sizlardan haq olmagayman va men payg'ambarlikni da'vo qiluvchi soxtakor ham ermasman!» — dedilar. Rasululloh sallallohu alayhi va sallam Qurayshni dinga da'vat qilganlarida, ular bo'yin tovlashdi. Shunda Rasululloh sallallohu alayhi va sallam Ollohga: «Ey Olloh, Qurayshqa Yusuf alayhissalom davrlaridagidek yetti yillik qahatchilik yuborib,

menga madad bergil!» —dedilar. Keyin, ularga qahatchilik yili keldi, hamma narsa quridi, hatto suyaklarni va terilarni yeyishdi. Qurgʻoqchilikning zoʻridan yerdan tutunga oʻxshash narsa koʻtarilar erdi. Mushriklarning kattasi Abu Sufyon Janob Rasulullohning yonlariga kelib:

«Ey Muhammad, qavmingiz halok boʻldi, Ollohga duo qilingiz, ulardan azobni ariqin!» — dedi. Rasululloh sallallohu alayhi va sallam duo qildilar. Ammo, ular keyin yana kufrga qaytishdi».

5-bob. Olloh taoloning qavli: «Yaqin kunda ularni katta (qattiq) tutish qilurmiz, darhaqiqat biz intiqom olurmiz»

Abdulloh: «Besh alomat -"Sazo", "Rum", Hujum", "Oy" va "Tutun" bo'lib o'tadi", deydilar.

«AL-JOSIYA» SURASI

Olloh taoloning qavli: «Va halok etmish bizni faqat zamona»

Abu Hurayra raziyallohu anhu rivoyat qiladilar: «Rasululloh sallallohu alayhi va sallam bunday dedilar: «Olloh taolo: «Odamiyzod zamonni soʻkib, menga ozor berur, vaholanki zamon men oʻzimman, barcha ishlar mening qoʻlimda boʻlib, kecha birlan kunduzni almashtirurman»,— deydi».

«AL-AHQOF» SURASI

Olloh taoloning qavli: «Va ul odamiki, der oʻz ota-onasiga: «Tuf sizlarga, va'da qilursizlarmi mangaki, man qabrdan chiqarilurman? Holbuki, har qancha jamoat oʻtdilar, mandan avval». Ikkisi faryod qilurlar Ollohga, (derlar): «Afsus holingga, iymon keltirgil, Ollohning qayta tirilmoq haqidagi va'dasi albatta qaqdur!», keyin ul derki, «.Bu avvalgilardan qolgan bir afsonalardur»

Yusuf ibn Molik rivoyat qiladilar: «Marvon Mu'oviya tomonidan Hijozga hokim etib tayinlangan erdi. U bir kunl odamlarni yigʻdida, ularga xutba oʻqib Yazid ibn Mu'oviya haqida yaxshi soʻzlarni gapirdi, otasi oʻrniga endi unga bayʻat qilishga daʻvat qildi. Shunda Abdurrahmon ibn Abu Bakr Marvonga gapirayotib Yazid haqida haqoratli soʻzlarni aytdi. Marvon uni ushlashga buyurgan erdi, u qochib Oisha onamizning uylariga kirib oldi, Marvon uni tuta olmay: «Bu bola shundayki, uning haqida Olloh taolo va ul odamiki, der oʻz ota-onasiga: «Tuf sizlarga, vaʻda qilursizlarmi mangaki, man (ul dunyoda qayta) qabrdan chiqarilurman?...» degan oyatni nozil qilgan»,— dedi. Buni eshitib, Oisha raziyallohu anho hijob (parda) orqasidan: «Olloh taolo mening pokligim xususidagina oyat nozil qilgandur, bundan boʻlak bizning haqimizda hech narsa nozil qilmagandur!» — dedilar».

1-bob. Olloh taoloning qavli: «Keyin, vaqtiki ular koʻrdilar ul azobniki, bulut suratida kelur oʻz vodiylari tomon, dedilar: «Bu bir bulutdurki, bizlarga yogʻin berur». Yoʻq-yoʻq, bu oʻzlaringiz tezroq kelishini xohlagan bir boʻrondurki, unda dardli azob bordur!»

Oisha raziyallohu anhu rivoyat qiladilar: «Men Rasululloh sallallohu alayhi va sallamning kichik tillari koʻrinadirgan darajada qattiq kulganlarini sira ham koʻrmaganman, ul zot faqat tabassum qilib qoʻyardilar, xolos. Agar shamol essa yoki bulutni koʻrsalar, yuzlarida xavotirlik sezilar erdi. Bir kuni men: «Yo Rasulalloh, odamlar bulutni koʻrsalar, yomgir yogur degan umidda xursand boʻlurlar, sizning ersa bulutni koʻrganingizda xavotir boʻlganingizni koʻrurman»,— dedim. Janob Rasululloh bunday dedilar: «Ey Oisha, kelayotgan bulut oʻzi birlan azob olib kelmayotganmikan, deb xavotir olurman, chunki bir qavm boʻron (shamol) yuborilib azoblangan, ular ersa azobni koʻrib: «Bu bir bulutdurki, bizlarga yomgir berur»,— deganlar».

«ALLAZIYNA KAFARUU» YoKI «MUHAMMAD» SURASI

Olloh taoloning qavli: **«Va qirqursizlar (uzursizlar) qarindoshlik aloqalaringizni...»**

Abu Hurayra raziyallohu anhu rivoyat qiladilar: «Paygʻambar sallallohu alayhi va sallam bunday dedilar: «Olloh taolo yaratish ishidan forigʻ boʻlgach, bachadon Olloh taoloning belbogʻidan tutdi. Olloh taolo unga: «Qoʻyib yubor!» —dedi. Bachadon: «Qonqarindoshlik aloqalarining uzulmogʻidan asramogʻingni tilaydirganning joyi hali shu boʻldimi?» — dedi. Olloh taolo «Agar men qon-qarindoshlik aloqalarini mustahkamlaganlarni yarlaqasam-u, uni uzganlardan ersa, rahmatimni forigʻ tuqam, rozi bulgaymi-san» — dedi. Bachadon «Ha, yo parvardigorim, rozidurman!» — dedi Olloh taolo «Shunday qilgumdur!» — dedi»

Abu Hurayra rivoyat qiladilar: «Janob Rasululloh qarindoshlik munosabatlari haqida soʻzladilar, soʻng «Agar istasangizlar, mana bu «Bas, agar sizlar hukumatga ega boʻlsangizlar, (amalu boylikka xirs qoʻyib) mamlakatda buzgʻunchilik qilursizlar va qirqursizlar qarindoshlik aloqalaringizni» degan oyatni oʻqingizlar!» — dedilar»

«AL-FATH» SURASI

Olloh taoloning qavli: «Darhaqiqat, biz ato etdik sizga bir ravshan fathni (zafarni)...»

Zayd ibn Aslam rivoyat qiladilar: «Rasululloh sallallohu alayhi va sallam safarlaridan birida kechasi yoʻlda ketayotgan erdilar, Umar ibn al-Xattob raziyallohu anhu ham ul zot birlan birga erdilar. Shunda Hazrat Umar Janob Rasulullohdan bir savol soʻradilar, ammo ul zot javob qilmadilar. Hazrat Umar ikkinchi bor soʻradilar, ul zot yana javob bermadilar, uchinchi bor soʻraganlarida ham indamadilar Umar ibn al-Xattob raziyallohu anhu xayolan «Onang sendan ajrab qolgur, ey Umar! Janob Rasulullohdan uch bor soʻrading, ammo ul zot senga javob kilmadilar»,— deb qoʻydilar. Hazrat Umar bunday deydmlar «Keyin, men tuyamni tezlatib odamlar tomon ilgarilab ketdim, «Mening haqimda oyat nozil boʻlib qolmasa erdi!» deb xavotirlandim Koʻp oʻtmay, xabarchining meni chaqirganini eshitdim «Uzim haqimda oyat nozil bulishidan qoʻrqqan erdim-a!» — dedim-da, Janob Rasulullohning qoshlariga kelib salom berdim. Shunda Rasululloh sallallohu alayhi va sallam «Bu kecha menga shunday bir sura tushirildiki, bu sura men uchun quyosh charaqlab turgan bu dunyodan mahbubroqdur!»— dedilar, keyin «Darhaqiqat, biz sizga bir ravshan fath (gʻalaba) ato qildik» deb tilovat qildilar»

Anas ibn Molik raziyallohu anhu «Darhaqiqat, biz sizga bir ravshan fath (gʻalaba) ato qildik» degan oyat Hudaybiyya gʻalabasi haqidadur»,— deydilar.

Abdulloh ibn Mugaffal rivoyat qiladilar «Rasululloh sallallohu alayhi va sallam Makka fathi kuni «Al-fath» surasini chiroyli ovoz birlan qiroat qildilar»

1-bob Olloh taoloning qavli: «(Darhaqiqat, biz sizga bir ravshan fath ato qildik), toki Olloh taolo sizning oʻtgan va kelgusi xatolaringizni magʻfirat qilsin va sizga oʻz ne'matini mukammal qilib, sizni siroti mustaqimga hidoyat qilsin...»

Mugiyra bunday deydilar: «Rasululloh sallallohu alayhi va sallam kechasi namozda shunchalik uzoq turardilarki, hatto oyoqlari shishib ketar erdi. Odamlar Rasululloh sallallohu alayhi va sallamga «Olloh taolo sizning oʻtgan va kelgusi xatolaringizni magfirat qilgan-ku, nechun oʻzingizni bunchalar qiynaysiz?» — deyishganda, ul zot «Olloh taoloning shu mehribonchiligiga shukr qilguvchi banda boʻlmayinmi?»— dedilar».

Oisha raziyallohu anho rivoyat qiladilar: «Rasululloh sallallohu alayhi va sallam kechasi namozda shu qadar koʻp qiyomda turardilarki, hatto oyoqlari yorilib ketardi. Men «Yo Rasulalloh, nechun bunday qilursiz, axir Olloh taolo sizning oʻtgan va kelgusi xatolaringizni magʻfirat qilgan-ku!» — deganimda, ul zot «Shukr qilguvchi banda boʻlmayinmi?» — dedilar. Ul zot vazminlashib qolganlaridan keyin, oʻltirib namoz oʻqiydirgan boʻldilar, rukuʻ qilmoqchi boʻlganlarida turib qiroat qilardilar, keyin rukuʻga egilardilar»

2-bob Olloh taoloning qavli: «Darhaqiqat, biz sizni guvoh, xushxabar yetkazuvchi va ogohlantiruvchi qilib yubordik...»

Abdulloh ibn Amr ibn al-Os raziyallohu anhu bunday deydilar: «Qur'ondagi «Darhaqiqat, biz sizni guvoh, xushxabar yetkazuvchi va ogohlantiruvchi qilib yubordik» degan oyat Tavrotda quyidagicha «Ey paygʻambar, darhaqiqat biz sizni guvoh, xushxabar yetkazuvchi, ogohlantiruvchi va ummiylarga himoya qilib yubordik, siz mening bandam va rasulimsiz, men sizni «vakilim» deb atadim, (mening vakilim ersa) dagʻal va qoʻpol soʻz ermas, bozorlarda baqirib-chaqirib yurmagay, yomonlikka yomonlik birlan javob bermagay, balki afv etguvchi va kechirguvchidur, Olloh uning jonini olmagaydur, tokim ul yoʻldan ozgan millatni «Lo iloha illalloh» degizib, toʻgʻri yoʻlga solmaguncha va bu soʻz ila soʻqir koʻzlarni, kar quloklarni va qulf qalblarni ochmaguncha».

3-bob. Olloh taoloning qavli: «Mo'minlarning dillariga orom tushirgan zot Olloh taolodur»

Barro raziyallohu anhu aytadilir: «Paygʻambar alayhissalomning ashoblaridan biri Qurʻon oʻqir erdilar, hovlida ul kishining otlari bogʻliq turgan erdi. Nogahon, ot bezovta boʻla boshladi. Sahobiy chiqib qarasalar, hech narsa yoʻq, ammo ot bezovtalanaverdi. Ertalab ul kishi Janob Rasulullohga voqeani aytgan erdilar, ul zot. «Bu Qur'on birlan tushgan oromdur (sakinatdur)»,— dedilar («Sakinat»— oʻshal otmi hurkitib yuborgan «orom» boʻlib, aytishlaricha u yuzi inson yuzi singari boʻlmish bir yengil shaboda yoki moʻminlar qalbiga orom beruvchi farishta erkan)».

4-bob. Olloh taoloning qavli: «Mo'minlar daraxt tagida sizga bay'at qilayotganlarida Olloh ulardan rozi bo'ldi»

Jobir ibn Abdulloh; «Biz Hudaybiyya kuni bir ming toʻrt yuzta erdik»,— deydilar.

Abdulloh ibn Mugaffal raziyallohu anhu: «Men daraxt ostida bay'at qilganlardan erdim. Ushanda Payg'ambar alayhissalom tosh otish va g'uslgohda siyishdan qaytardilar»,— deydilar (Tosh otishning foydasidan ko'ra zarari ko'pdir. Chunki, u birlan ovni urib bo'lmaydi, dushmanni o'ldirib ham bo'lmaydi. Ammo, u odamning biror yerini yorishi, ko'zini ko'r qilishi mumkin. Janob Rasululloh insonga zarar yetkazish ehtimolidan tosh otishni nahiy qildilar. G'usl qiladirgan joyga bavl qilishdan qaytarganlarining boisi shulki, agar yer qattiq bo'lsa, siydik kishining o'ziga sachraydi).

Sobit ibn Zahhokning aytishlaricha, ul kishi daraxt ashoblaridan erkanlar (Hudaybiiya vodiysidagi bir daraxt tagida hozir boʻlgan musulmonlar, ya'ni, bir yarim ming sahoba Paygʻambar alayhissalomga qoʻl berishib, to boshlariga oʻlim soati kelguniga qadar ul zotga sodiq boʻlishga qasamyod qildilar. Qur'on ersa ularning paygʻambar orqali Olloh taologa bay'at qilganlarini uqdiradi va bu bay'at islom tarixida «Bay'aturrizvon», ya'ni Olloh moʻminlardan rozi boʻlgan bay'at, deb nomlangan).

Habib ibn Abu Sobit: «Men bir narsani soʻrash uchun Abu Voilning oldiga borgan erdim, u: «Biz Siffayn degan joyda erdik»,— dedi (Siffayn — Furot daryosining vodiysi boʻlib, shu joyda Hazrat Ali birlan Muoviya o'rtasida katta jang bo'lgan). Bir kishi kelib Ali raziyallohu anhudan: «Ollohning Kitobiga da'vat giladirgan kishilarning gapiga ne deysiz?» — deb so'radi. Hazrat Ali: «Qur'on oyatiga da'vat qilgan kishining qapini darhol qabul qilurman»,— dedilar. Shunda Sahl ibn Hanif: «Nafsingiz yoʻliga yurmangizlar, ya'ni aql birlan ish tutingizlar, bizning Hudaybiyyadagi ishimizni, ya'ni Payg'ambar alayhissalom birlan mushriklar o'rtasida sulh tuzilganini bilursizlar. Agar urush qilmoqni istaganimizda erdi, urushgan bo'lur erdik»,— dedi. Shul asnoda Hazrat Umar kelib, Janob Rasulullohga. Bizning ishimiz haq, ularning ishi ersa botil ermasmi? Bizdan oʻlganlar jannatda, ulardan oʻlganlar doʻzaxda boʻlmaydilarmi?»—dedilar. Rasululloh sallallohu alayhi va sallam: «Ha, shunday boʻlgay!» — dedilar. Hazrat Umar: «Unda nechun Olloh taolo bizga hukm qilib turgan bir paytda ortga qaytgaymiz?» — dedilar. Janob Rasululloh: «Ey Xattobning o'g'li, men Ollohning rasulidurman, Olloh ersa meni hech gachon mag'lub gilmagay!»— dedilar. Shundan so'ng, Hazrat Umar alam birlan Abu Bakrning oldilariga keldilar-da, ul kishiga: «Ey Abu Bakr, bizlar hag, ular ersa botil ermasmi?» — dedilar. Abu Bakr Siddiq raziyallohu aihu: «Ey Umar ibn al-Xattob, ul zot Ollohning rasulidurlar, Olloh ersa ul kishini sira mag'lub qilmagay!» — dedilar. Shunda «Al-Fath» («Zafar») surasi nozil bo'ldi»

«AL-HUJUROT» SURASI

Olloh taoloning qavli: «Ovozlaringizii paygʻambar ovozidai baland koʻtarmangizlar!»

Ibn Abu Mulayka raziyallohu anhu rivoyat qiladilar: «Ikki yaxshi odam, ya'ni Abu Bakr birlan Umar halok bo'lishlariga oz qoldi. Ikkovlari Janob Rasulullohning huzurlarida ovozlarini baland ko'tarib yuborishdi. Sababi, ul zotning huzurlariga Banu Tamim qabilasidan otliqlar kelishgan erdilar. Abu Bakr Siddiq Aqra' ibn Hobisni, Hazrat Umar

ersalar boshqa bir kishini ularga amir etib tayinlashni taklif qildilar. Shunda Abu Bakr Siddiq Hazrat Umarga: «Doim siz menga qarshi ish tutursiz!» — dedilar. Hazrat Umar: «Sizga qarshi ish tutmoqni xohlaganim ioʻq!» — dedilar. Natijada, ikkovlari ham baland ovoz birlan tortishib ketishdi. Shul asnoda Olloh taolo «Ey moʻminlar ovozlaringizni paygʻambar ovozidan baland koʻtarmangizlar!» degan oyatni nozil qildi»

Ibn Zubayr « Mana shu oyat nozil boʻlgandan keyin, Umar raziyallohu anhu Janob Rasulullohga pichirlab gapiradirgan boʻlib qoldilar, hatto ul zot koʻpincha tushunmay qolib, qayga-qayta soʻrar erdilar»,— deydilar. Ammo, Ibn Zubayr bobolari Abu Bakr haqlarida bunday gapni gapirmadilar»

Anas ibn Molik raziyallohu anhu rivoyat qiladilar: «Paygʻambar alayhissalom Sobit ibn Qaysni qidirib qoldilar. Shunda bir kishi «Yo Rasulalloh, men u haqda bilib kelgayman!» — deb chiqib ketdi-da, Sobitning uyiga bordi. Sobit uyida boshini quyi egganicha oʻltirgan erdi. Boyagi kishi Sobitdan «Ne boʻldi?»—deb soʻradi. Sobit: «Yomon boʻldi»—deb, oʻzining Janob Rasulullohning oldilarida baland ovoz birlan gapirib yuborganini, shu sababli butun amallari habata boʻlganini, oʻzi ersa doʻzax ahlidan boʻlib qolganini aytdi. Keyin, haligi odam Janob Rasulullohning huzurlariga kelib, bor gapni xabar qildi. Janob Rasululloh haligi odamni yana Sobitning uyiga junatayotib «Siz doʻzax ahlidan ermas, balki jannat ahlidan erkansiz, deb unga ayt!»—dedilar».

Aboulloh ibn Zubayr raziyallohu anhu rivoyat qiladilar: «Paygʻambar alayhissalomning huzurlariga Banu Tamimdan otliqlar kelgan erdi. Shunda Abu Bakr Siddiq «Bularga Qaqo ibn Mu'abbadni amir qilsangiz!»— dedilar. Umar raziyallohu anhu ersalar «Aqra' ibn Hobisni amir qilsangiz!»— dedilar. Abu Bakr raziyallohu anhu Hazrat Umarga e'tiroz bildirib: «Doim menga qarshi ish qilursiz!»—dedilar.

Umar raziyallohu anhu «Men sizga qarshi ish qilishni xohlaganim yoʻ!»— dedilar. Natijada, ikkoalari gap talashib, ovozlari baland koʻtarilib ketdi. Shu haqqa Olloh taolo «Ey moʻminlar, Olloh va uning paygʻambari huzurida (ulardan ilgari) gapirmangizlar!» degan oyatni nozil qildi».

«QOF» SURASI

Olloh taoloning qavli: «Jahannam: «Yana (qo'shimcha) bormi?» — deydi»

Abu Hurayra raziyallohu anzhu rivoyat qiladilar: «Janob Rasululloh bunday dedilar: «Jahannamga «Toʻldingmi?» —deyilgay, shunda u «Yana (qoʻshimcha) bormi?» — degay. Parvardigor («Boʻldi, qolmadi» degan ma'noda) qadamini jahannam ustiga qoʻygachgina, u «Yetarli, yetarli!» — deb aytgay».

Abu Hurayra raziyallohu anhu rivoyat qiladilar: «Paygʻambar alayhissalom bunday dedilar: «Jannat birlan doʻzax oʻzaro gap talashishdi. Doʻzax «Men takabburu zoʻravonlar uchun yaratilganman»,— dedi. Jannat ersa «Menga faqat odamlarning kuchsizlari-yu mazlumlari kirgay»,— dedi. Olloh taolo jannatga «Sen mening rahmatimsan, sening vositang ila istagan bandamga rahmat qilurman»,— dedi. Soʻng, doʻzaxga «Sen mening azobimsan, istagan bandamga sening vositang ila azob berurman»,—deb aytdi. Jannatning ham, doʻzaxning ham oʻz toʻldirguvchilari bordur. Ammo, doʻzax, toki Olloh taolo uning ustiga qadamini qoʻymas erkan, toʻlmagay Olloh taolo oyogʻini qoʻygach,

do'zax «Yetarli, yetarli!» — degay-da, og'zini yopib olgay. Olloh taolo biror maxluqiga ortiqcha azob berib zulm qilmagay. Ammo, jannat xususiga kelsak, (u solih bandalarga to'lib-toshib keqa ham, qabul qilavergay), hatto Olloh taolo qo'shimcha yana bir jannat barpo qilgay»

1-bob. Olloh taoloning qavli: «Kun chiqishidan ilgari ham, kun botishidan ilgari ham parvardigoringga tasbihu hamd aytgil!»

Abdulloh ibn Mas'ud raziyallohu anhu rivoyat qiladilar: «Biz kechasi Rasululloh sallallohu alayhi va sallam birlan birga o'ltirgan erdik. Shunda ul zot o'n to'rt kechalik oyga qarab bunday dedilar: «Albatta, sizlar ul dunyoda rabbingizni xuddi mana shu oyni ko'rgandek ko'rursizlar. Uni ko'rishda bir-biringizga xalal bermagaysizlar. Agar quyosh chiqishidan va botishidan ilgarigi namozlarni shaytonga boy bermaslikka qodir bo'lsangizlar, o'qingizlar!». Keyin ul zot «Kun chiqishidan ilgari ham, kun botishidan ilgari ham parvardigoringga tasbihu hamd aytgil!» degan oyatni tilovat qildilar».

Ibn Abbos raziyallohu anhu: «Janob Rasululloh menga hamma namozlardan soʻng tasbih aytmoqni buyurdilar»,— deydilar».

1-bob Olloh taoloning qavli: «Ey Muhammad, hujralar ortidan turib sizni chaqiradirgan kimsalarning koʻplari albatta aqlsiz kimsalardur»

«AT-TUR» SURASI

Ummu Salama raziyallohu anho rivoyat qiladilar: «Men Janob Rasulullohga kasalligimdan shikoyat qilib erdim, «Ulovda odamlarga ergashib Ka'bani tavof qilaver!» deb buyurdilar. Shunda men tavof qildim, ul zot ersalar Baytullohning bir chekkasida «Vat-Tur va kitobim mastur» surasini qiroat qilib namoz o'qidilar».

Jubayr ibn Mut'imning otalari rivoyat qiladilar: «Men Janob Rasulullohning shom namozida «Vat-Tur» surasini qiroat qilganlarini eshitdim. Ul zot «Balki ular hech narsadan (oʻz-oʻzidan) yaralib qolgandirlar-a' Balki ular oʻzlari yaratguvchimikanlar-a?! Balki osmonlar birlan Yerni ular yaratgandirlar-a?! Balki ular ishonmaslar? Balki parvardigoringizning xazinalari ularning qoshlaridadur-a?! Yoki ular butun borliqni boshqarib turguvchimikanlar-a?!» degan oyatga kelganlarida qalbim uchib chiqib ketishiga oz qoldi!»

Sufyon raziyallohu anhu «Janob Rasulullohning shomda «Vat-Tur» surasini oʻqiganlarini Zuhriydan men ham eshitganman, ammo qolgan gaplarni eshitmaganman»,— deydilar.

«VAN-NAJM» SURASI

Masruq rivoyat qiladilar «Men Oisha onamizdan «Ey onajon, Muhammad sallallohu alaihi va sallam parvardigorlarini koʻrganmilar?»—deb soʻradim. Oisha onamiz «Sening gapingdan sochim tikka boʻldi. Uchta gapdan xabaring yoʻq erkanda? Kim senga: «Muhammad sallallohu alayhi va sallam parvardigorlarini koʻrganlar»,— desa, gʻirt yolgʻon aytibdi!»—dedilar, keyin ushbu «Eng oʻtkir koʻzlar ham uni koʻrmagay, ammo ul ularni koʻrib turgay va ul har qanday toʻsiqdan oʻtguvchi va har qanday ishdan xabardor zotdur» degan oyatni, soʻng «Biror inson Olloh birlan yuzma-yuz gaplasha olmas, u

faqat vahiy orqaligina gaplashur yoki hijob (parda) orqasidan turib gaplashur» degan oyatlarni oʻqidilar. Soʻng, soʻzlarida davom etib «Kimki senga «Janob Rasululloh ertaga boʻladirgan ishni bilurlar»,— desa ham gʻirt yolgʻon aytibdi!»—dedilar-da, «Biror jon ertaga ne ish qilmogʻini bilmas» degan oyatni oʻqidilar. Keyin, yana soʻzlarida davom etib: «Kimki senga «Janob Rasululloh Olloh buyurgan narsani yashirgan»,— desa ham gʻirt yolgʻon aytibdi!»— dedilar-da, «Ey paygʻambar, rabbingizdan oʻzingizga yetkazilgan narsalarni yetkazingiz!» degan oyatni oʻqidilar. «Lekin,— dedilar Oisha onamiz,— ul zot Hazrat Jabroilni ikki bor asl qiyofalarida koʻrganlar»

1-bob. Olloh taoloning qavli: «Bas, paygʻambarga ikki kamon oraligida, balki undan pastrog yagin keldi»

Ibn Mas'ud raziyallohu anhu rivoyat qiladilar: «Payg'ambar alayhissalom Hazrat Jabroilni ko'rganlar, ul kishining olti yuzta qanotlari bor erkan».

2-bob. Olloh taoloning qavli: «Darhaqiqat, paygʻambar oʻz parvardigorining buyuk oyatlarini (belgi, alomatlarini) koʻrdi»

Abdulloh ibn Mas'ud: «Darhaqiqat, payg`ambar o`z parvardigorining buyuk oyatlarini koʻrdi» degan oyatni tafsir qilib «Rasululloh sallallohu alayhi va sallam (Jabroilning) yashil qanotlarini koʻrdilar, u butun ufqni toʻsib turardi»,— deydilar.

3-bob. Olloh taoloning qavli: «Lot va Uzzo... (nomli butlar) xususida hech o'ylab ko'rdingizlarmi?»

Abu Hurayra raziyallohu anhu rivoyat qiladilar: «Rasululloh sallallohu alayhi va sallam «Kimki Lot va Uzzoni tilga olib qasam ichgan ersa, (darhol) «Lo iloha illalloh» deb ayqin, kimki sherigiga «Kel, qimor oʻynaylik!» degan ersa, (darhol) sadaqa qilib yuborsin!» — dedilar».

4-bob. Olloh taoloning qavli: «... va boshqa uchinchi (but) Manot...»

Oisha raziyallohu anho rivoyat qiladilar: «Mushallal degan yerdagi Manotga sigʻinuvchi kishilar Safo va Marva oʻrtasini tavof qilmas erdilar. Olloh taolo «Albatta, Safo birlan Marva Olloh buyurgan ibodatgohlardandur» degan oyatni nozil qilgach, Janob Rasululloh va musulmonlar ul yerni tavof qila boshladilar».

Sufyon: «Manot Kadid degan joyning Mushallal mavzesiga oʻrnatilgan erdi»,— deydilar.

Oisha onamiz: «Safo va Marva haqidagi oyat ansorlar xususida nozil boʻlgan. Ular va gʻassonliklar musulmon boʻlishlaridan avval Manotga niyat qilib ehrom bogʻlar erdilar»,— deydilar.

Oisha onamiz: «Ansorlar ilgari Manotga niyat qilib ehrom bogʻlar erdilar. Manot — Makka birlan Madina orasidagi bir butning nomi boʻlib, ansorlar: «Yo Rasulalloh, biz ilgari Manotni ulugʻlab, Safo va Marvani tavof qilmas erdik»,— deyishgan erdi»,— deydilar.

5-bob. Olloh taoloning qavli: «Bas, sizlar Ollohga sajda va ibodat qilingizlar!»

Ibn Abbos raziyallohu anhu rivoyat qiladilar: «Paygʻambar alayhissalom «Van-Najm» surasini oʻqib sajda qildilar, ul zot birlan birga musulmonlar ham, mushriklar ham, jinlaru odamlar ham sajda qilishdi»

Abdullhu ibn Mas'ud raziyallohu anhu rivoyat qiladilar: «Eng birinchi nozil boʻlgan sajda oyatli sura— «Van-Najm» surasidir. U nozil boʻlganda Janob Rasululloh darhol sajda qildilar, shunda ul zotga ergashib ortlarida turgan kishilar ham sajda qildi, ammo bir kishi sajda qilmadi. Ushal kishi yerdan bir siqim tuproq olib oʻshanga sajda qildi. Keyinchalik, men uning kofir holda oʻldirilganini koʻrdim. Uning nomi Umayya ibn Xalaf erdi».

«IQTARABATIS-SO'ATU» YoKI «AL-QAMAR» SURASI

1-bob. Olloh taoloning qavli: «Oy ikkiga boʻlindi va agar kofirlar koʻrsalar ham biror moʻʻjizani, yuz oʻgururlar»

Abdulloh ibn Mas'ud raziyallohu anhu rivoyat qiladilar: «Janob Rasulullohning davrlarida Oy alohida-alohida ikki qismga bo'lindi. Bir qismi togʻ ustida, ikkinchi qismi ersa uning ro'parasida turdi. Shunda Janob Rasululloh barchaga: «Guvoh bo'lingizlar!»—dedilar».

Abdulloh bunday deydilar: «Oy ikkiga boʻlindi, shunda biz Janob Rasululloh birlan birga turgan erdik. U alohida-alohida ikki qismga ajraldi. Janob Rasululloh bizlarga: «Guvoh boʻlingizlar, guvoh boʻlingizlar!» — dedilar».

Ibn Abbos raziyallohu anhu: «Paygʻambar alayhissalomning zamonlarida Oy ikkiga boʻlindi»,— deydilar.

Anas ibn Molik raziyallohu anhu bunday deydilar: «Ahli Makka Janob Rasulullohdan moʻʻjiza koʻrsatishni talab qilishdi. Shunda ul zot moʻʻjiza tariqasida Oyni ikkiga boʻlib koʻrsatdilar».

Anas: «Oy teng ikkiga boʻlindi»,— deydilar.

2-bob. Olloh taoloning qavli: «(Kema) suzar erdi koʻz oldimizda bir intiqom sifatida ul odam uchunki, qadrlanmadi va batahqiq qoldirdik ul voqeani ibrat qilib, bormi nasihat olguvchi?»

Qatodo raziyallohu anhu bunday deydilar: «Olloh taolo Nuhning kemasini salomat saqladiki, hatto uni mana shu ummatning dastlabki kishilari ham koʻrdilar».

Abdulloh «Janob Rasululloh «Fa-hal min muddakir» («nasihat olguvchi bormi?») deb giroat gilur erdilar»,— deydilar.

3-bob. Olloh taoloning qavli: «Biz Qur'onni nasihat (ibrat) olmoq uchun oson qilib qo'ydik, (undan) nasihat olguvchi bormi?»

Abdulloh «Janob Rasululloh «Fa-hal min muddakir» deb qiroat qilur erdilar»,— deydilar.

4-bob. Olloh taoloning qavli: «Tomiri ila sug`urilgan xurmo daraxtlari kabi (odamlarni uchirib ketar erdi), bas nechuk bo`libdur mening azobim va ogohlantirishim?!»

Abu Ishoq bunday deydilar: «Bir odam Asvaddan «Fa-hal min muddakir» mi yoki «muzzakir» mi?»— deb soʻradi. Asvad «Men Abdullohning «min muddakir» deb oʻqiganlarini eshitganman, ul kishi «Paygʻambar alayhissalomning «min muddakir» deb oʻqiganlarini eshitgan erkanlar»,— dedi»

5-bob. Olloh taoloning qavli: «Ular tikondan qoʻra yasovchining sanchilgan yogʻochlari kabi boʻlib qoldilar. Biz Quronni nasihat olmoq uchun oson qilib qoʻydik, (undan) nasihag olguvchi bormi?»

Abdullohniig rivoyatlariga qaraganda, Payg'ambar alayhissalom «Fa-hal min muddakir»—deb «dol» birlan qiroat qilganlar»

6-bob. Olloh taoloning qavli: «Haqiqatan, erta tongda ularga barqaror azob yetib keldi. Endi mening azobimni va ogohlantirishimni bir tatib koʻringizlar!»

Abdulloh rivoyat qiladilarki, Payg'ambar alayhissalom «Fa-hal min muddakir» — deb «dol» harfi birlan qiroat qilgan erkanlar

7-bob. Olloh taoloning qavli: «Biz sizlarga oʻxshashlarni halok qildik, bundan biror ibrat olguvchi bormi?»

Abdulloh rivoyat qiladilar: «Men Janob Rasulullohga «Fa-hal min muzzakir» — deb «zol» harfi birlan oʻqib berdim. Shunda ul zot «Fa-hal min muddakir» — deb dol birlan oʻqi!»— dedilar».

8-bob. Olloh taoloning qavli: «Yaqinda oʻshal jamoa yengilib, ortlariga qarab qochib qolurlar»

Ibn Abbos raziyallohu anhu rivoyat qiladilar: «Rasululloh sallallohu alayhi va sallam Badr kuni chodirda turgan hollarida bunday dedilar: «Yo Olloh, va'dangga vafo qilmogingni iltijo qilurman! Yo Olloh, agar istasang, bugundan keyin ibodat qilinmagaysan (ya'ni, agar istasang, ertagayoq butun bandalaringni halok qilgaysan, o'zingga ibodat qilguvchilarni qoldirmagaysan)!» Shunda Abu Bakr Siddiq raziyallohu anhu qo'llari birlan Janob Rasulullohni tortib «Ey Ollohning rasuli, bo'ldi, kifoya, rabbingizdan ko'p iltijo qildingiz!»—dedilar. Janob Rasululloh ersalar sovutda bo'lsalar ham, irgib turdilar-da «Yaqinda o'shal jamoa yengilib, ortlariga qarab qochib qolurlar!»—deya tashqari chiqdilar»

9-bob Olloh taoloning qavli: «Balki qiyomat ularga va'da qilingan vaqtdur va qiyomat (azobi) qattiqroq va achchiqroqdur!»

Yusuf ibn Molik rivoyat qiladilar: «Men moʻminlarning onasi Oishaning oldilarida erdim. Shunda, ul muhtarama «Muhammad sallallohu alayhi va sallamga Makkada «Balki qiyomat ularga va'da qilingan vaqtdur va qiyomat (azobi) qattiqroq va achchiqroqdur!»

degan oyat nozil boʻlganda men yosh qizaloq erdim, oʻynab yurar erdim»,— dedilar»

Ibn Abbos raziyallohu anhu rivoyat qiladilar: «Paygʻambar alayhissalom Badr kuni chodirda turib bunday dedilar: «Ey Olloh, vaʻdangga vafo qilmogingni iltijo qilurman! Ey Olloh, agar xohlasang, bugundan keyin butunlay ibodat qilinmaysan!» Shunda Abu Bakr Siddiq raziyallohu anhu qoʻllari birlan Janob Rasulullohni tortib «Ey Olloh-ning rasuli, boʻldi, yetarli, rabbingizga koʻp iltijo qildingiz!»—dedilar.

Keyin, Janob Rasululloh sovut kiygan holda tashqariga chiqayotib, «Yaqinda oʻshal jamoa yengilib, ortlariga qarab qochib qolurlar, balki qiyomat ularga va'da qilingan vaqtdur va qiyomat qattiqroq va achchiqroqdur!» degan oyatlarni oʻqidilar».

«AR-RAHMON» SURASI

Olloh taoloning qavli: «Ul ikki jannatdan pastroqda yana ikki jannat bordur»

Abdulloh ibn Qays raziyallohu anhuning otalari rivoyat qiladilar: «Janob Rasululloh bunday dedilar: «Ikki jannat bor, ularning idishlari-yu boshqa narsalari kumushdan yasalgan va yana ikki jannat bor, ularning idishlari-yu boshqa narsalari tilladan yasalgan. Adn jannatida qavm birlan parvardigorlari oʻrtasida unga nazar solmoqlariga ulugʻlik pardasigina mone'lik qilib turgay».

1-bob. Olloh taoloning qavli: «Chodirlarda asralgan hurlar bor»

Abdulloh ibn Qaysning otalari rivoyat qiladilar: «Rasululloh sallallohu alayhi va sallam: «Jannatda ichi gʻovak marvariddan qilingan chodirlar bor, uning kengligi oltmish mildur. Ul chodirlarning har bir burchida istiqomat qilguvchi (hurlar) boʻlib, biri ikkinchisini koʻrmaydi, ularni moʻminlar tavof qilib yuradirlar. Ikki jannat bor, ularning idishlari va boshqa narsalari kumushdan yasalgan, yana ikki jannat bor, ularning idishlari va boshqa narsalari ersa oltindan yasalgan. Adn jannatida qavm birlan parvardigorlari oʻrtasida unga nazar solmoqlariga ulugʻlik pardasigina moneʻlik qilgay».

«AL-VOQI'A» SURASI

«... va uzun soya ostida...»

Abu Hurayra raziyallohu anhu rivoyat qiladilar: «Paygʻambar sallallohu alayhi va sallam: «Jannatda bir daraxt bor, otliq uning soyasida yuz yil yurib ham poyoniga yetolmaydi. Agar xohlasangizlar: «Uzun soya ostida» degan oyatni oʻqingizlar!»—dedilar». Undagi «Odamlar orasida shunday kishilar borki... Odamlar orasida shunday kishilar borki...» degan oyatlar shunday ketma-ket nozil boʻla boshladiki, hatto odamlar: «Bu sura bittamizni ham qoldirmay birma-bir zikr qilsa kerak» — deb oʻylashdi»,— dedilar. Men ul kishidan «Anfol» surasi haqida ham soʻradim, uning Badr janggi haqida nozil boʻlganini aytdilar. Keyin, «Al-Hashr» surasi xususida ham soʻragan erdim, uning Baniy Nazir qabilasi toʻgʻrisida nozil boʻlganini aytdilar».

Sa'id boshqa bir hadisda: «Al-Hashr» surasi bu «Nazir» surasidur»—deb aytganlar.

1-bob. Olloh taoloning qavli: «Ul xurmo daraxtiki, kesdingizlar...»

Ibn Umar raziyallohu anhu rivoyat qiladilar: «Rasululloh sallallohu alayhi va sallam Baniy Nazir xurmozorlarini yondirdilar, kesdilar. Bu xurmozorlar Buvayrada erdi. Shunda Olloh taolo «Ul xurmo daraxtiki, kesdingizlar yo qoldirdingizlar uni oʻz tomirlarida turgan holda, har ikkisi ham Ollohning izni ila nofarmonlarni rasvo qilmogʻi uchun boʻldi» degan oyatni nozil qildi».

2-bob. Olloh taoloning qavli: «Va ul molniki, beurush berdi Olloh o'z rasuliga»

Umar raziyallohu anhu rivoyat qiladilar: «Baniy Nazirning mollari Olloh taolo oʻz paygʻambariga ulardan urushsiz olib bergan mollar boʻlib, unga musulmonlar na ot va na tuyalarini choptirib erishgan ermas erdilar. Shuning uchun ham bu mollar Janob Rasulullohga xos boʻlib, undan oʻz ahllariga bir yillik nafaqa berdilar. Qolgan qurol-yarogʻ va otlarni Olloh taolo yoʻlida jihod qilmoq uchun asrab qoʻydilar».

«AL-HASHR» SURASI

Sa'id ibn Jubayr rivoyat qiladilar: «Men Ibn Abbos raziyallohu anhuga «Tavba» surasi haqida gapirdim. Shunda Ibn Abbos: «Bu sura oshkor (sharmisor) qilguvchi suradur.

Olloh taoloning qavli: «Payg'ambar sizlarga nimaiki keltirsa, olingizlar!»

Algama rivoyat giladilar: «Abdulloh ibn Mas'ud raziyallohu anhu: «Olloh taolo husn uchun badaniga (igna birlan) surat chizdirgan va chizgan ayollarni, yuzining mo'ylarini qirdirgan ayollarni, kurak va qoziq tishlari orasini eqovlatib kengaytirgan ayollarni, ya'ni Olloh yaratganini o'zgartirgan ayollarni la'natladi»,— dedilar. Bu gap Baniy Asad qabilasidan boʻlgan bir ayolga yetib bordi Uni Ummu Ya'qub deyishar erdi. Ushal Ummu Ya'qub Abdullohning huzurlariga keldi-da, ul kishiga «Men eshitdimki, siz unday va bunday ayollarni la'natlabsiz, to'grimi?»—dedi. Abdulloh: «Janob Rasululloh la'natlaganlarni nechun men la'natlamayin, axir Olloh taolo ham o'z Kitobida ularni la'natlagan-ku!» — dedilar. Ummu Ya'qub «Olloh taolo hagi, ikki lavh (er va osmon) oraligidagi jamiki yozuvlarni o'qib chiqib ham bunday qapni topolmadim!» —dedi. Abdulloh: «Olloh taolo hagi, agar hagigatan ham axtarib koʻrganingda erdi, «Rasululloh Olloh taolodan sizlarga nimaiki keltirgan ersa, barchasini gabul gilingizlar va nimadan qaytargan ersa, oʻsha ishni qilmangizlar!» degan soʻzlarni oʻqigan boʻlur erding!» dedilar. Ummu Ya'qub «Ha, buni o'qiganman»,— dedi. Abdulloh: «Janob Rasululloh Olloh taoloning aytgan shu qavliga ko'ra o'sha ishlardan qaytarganlar»,— dedilar. Ummu Ya'qub «Lekin, o'zingizning xotinlaringiz shu ishlarni gilishsa kerak, deb o'ylayman», dedi. Abdulloh «Unday ersa, uyimga borib xotinlarimni koʻrgil!» — dedilar. Ummu Ya'qub Abdullohning uylariga borib xotinlarini ko'rdi, ularning badanlarida o'zi istagan narsani topmadi».

Abdulloh «Agar ayollar mazkur ishlarni qilsalar, biz ularni taloq qilar erdik»— deydilar.

Abdulloh; «Rasululloh sallallohu alayhi va sallam sochiga ulama taqqan ayollarni la'natlagan erdilar»,— deydilar

4-bob. Olloh taoloning qavli: «Muhojirlardan ilgari Madinaga kelib oʻrnashgan va iymon-e'tiqodni mahkam ushlagan kishilar...»

Umar raziyallohu anhu rivoyat qiladilar: «Xalifa dastlabki muhojirlarga oʻz haqhuquqlarini bilmoqni hamda Janob Rasululloh hijrat qilmaslaridan ilgari Madinaga kelib joylashgan va iymonlarini mahkam ushlagan ansoriylarga, agar muhojirlardan biror yaxshilik boʻlsa, qabul qilmoqni va agar biror xatolik boʻlsa, afv etmoqni vasiyat qildilar»

5-bob. Olloh taoloning qavli: «Uzlarida ehtiyoj boʻlaturib oʻzgalarni ortiq bilurlar»

Abu Hurayra rivoyat qiladilar «Bir kishi Janob Rasulullohning qoshlariga kelib «Ey Ollohning rasuli, men juda ochman!» — dedi. Janob Rasululloh xotinlariga odam yuborib, biror yegulik soʻratdilar, lekin uylarida hech narsa topilmadi. Shunda ul zot «Bu kecha biror kishi mehmonni ziyofat qila olurmi? Ziyofat qilgan odamni Olloh taolo yarlaqasin!»—dedilar. Buni eshitib, ansor-lardan bir kishi urnidan turdi-da «Ey Ollohning rasuli, men mehmon qilurman!»—dedi, soʻng uyiga borib «Janob Rasulullohning mehmonlariga biror yegulik bormi?» —deb xotinidan soʻradi. Ayol «Xudo haqi, bolalarning ovqatidan boʻlak hech narsa yoʻq!» - dedi. Ansoriy «Agar bolalar ovqat tilasa, ularni uxlatib qoʻigil-da, chiroqni oʻchirgil, oʻzimiz bu kecha qornimizni tangʻib bogʻlab qoʻya qolurmiz!»—dedi. Ayol eri aytganiday qildi. Ertalab mezbon Janob Rasulullohning huzurlariga borganida, ul zot «Olloh taolo falon ayolning qilgan ishlaridan taajjub qilib, «Uzlarida ehtiyoj boʻlaturib oʻzgalarni ortiq bilurlar» degan oyat nozil qildi»,— dedilar».

«AL-MUMTAHINA» SURASI

1-bob Olloh taoloning qavli: «Ey mo'miilar, mening va o'zlaringizning dushmanlaringizni do'st tutmangizlar!»

Ali raziyallohu anhu bunday deydilar: «Rasululloh sallallohu alayhi va sallam men, Zubayr va Migdodni joʻnatayotib «Boringizlar, «Xox» degan bogʻchaga yetganlaringizda taxtiravonda o'ltirgan bir ayolni uchratgaysizlar, unda maktub bor, olib kelingizlar!» deb burdilar. So'ng, biz otlarimizni choptirib bog'chaga yetib keldik. Haqiqatan, o'sha yerda taxtiravonda o'ltirgan bir ayolni uchratdik. Unga «Maktubni ber!»— deb buvurdik. U «Menda maktub yoʻq!» — deb qarshilik qildi. Men unga «Yo maktubni berasan yoki yotqizib kiyimlaringni yechurmiz!» — dedim. Nihoyat, u sochlari orasidan maktubni chiqarib berdi. Biz uni Janob Rasulullohga keltirib berdik. Ne ko'z birlan ko'raylikki, maktub Hotib ibn Abu Balta'adan Makka mushriklarining kattalariga yuborilgan bo'lib, unda ul zotning rejalashtirgan ayrim ishlari to'g'risida xabar qilingan erdi. Payg'ambar alayhissalom: « Ey Hotib, bu nima qilga-ning» —deb soʻradilar. Hotib ibn Abu Balta'a «Yo Rasulalloh, menga (jazo berishga) shoshilmangiz, men Qurayshdan bo'lmasam ham, u birlan qasam ichib do'stlashganman. Siz birlan birga hijrat qilganlarning Makkada garindoshlari bo'lib, ular bularning u yerdagi bola-chaga va mollarini himoya gilurlar. Mening Makkada garindoshim boʻlmasa-da, ul yerda oʻzimga bir doʻst paydo qilay, ular bola-chaqam va molimni himoya qilsinlar, deb shu ishni ma'qul ko'rdim. Lekin, buni kufr yoki dindan qaytishim sababli qilmadim!»—dedi. Paygʻambar alayhissalom: «Albatta, bu haq gapni aytdi!» — dedilar. Umar raziyallohu anhu: «Menga izn beringiz, yo Rasulalloh, bo'ynini uzib tashlayin!»—dedilar. Janob Rasululloh: «Axir, u

Badrda ishtirok qilganlardan-ku! Olloh taolo ahli Badrning qiladirgan ishlaridan oʻzi voqifdur, u: «Xohlagan ishlaringizni qilingizlar, sizlarni batahqiq magʻfirat qildim!» — deb aytgan»,— dedilar».

Amr raziyallohu anhu: «Keyin, Hotib haqida «Ey moʻminlar, mening va oʻzlaringizning dushmanlaringizni doʻst tutmangizlar!» degan oyat nozil boʻldi»,— deydilar.

2-bob. Olloh taoloning qavli: «Agar sizlarga mo'minalar hijrat qilib kelsalar...»

Oisha raziyallohu anho rivoyat qiladilar: «Rasululloh sallallohu alayhi va sallam, agar moʻminalar hijrat qilib kelsalar, mazkur oyat sababli ularni imtihon qilib koʻrar erdilar. Imtihon shartlari quyidagi oyatda zikr qilingan: «Ey paygʻambar, agar sizga moʻminalar hijrat qilib kelsalar, Ollohga biror narsani sherik qilmaslikka, oʻgʻrilik qilmaslikka, zino qilmaslikka, bolalarini oʻldirmaslikka, oʻzaro boʻxton va igʻvo toʻqimaslikka va biror yaxshi ishda sizga itoaqizlik qilmaslikka sizga bayʻat qilsinlar, agar qasamyod qilsalar, siz ularning qasamyodlarini qabul qilingiz va ular haqlariga Ollohdan magʻfirat talab qilingiz, darhaqiqat Olloh magʻfiratli va mehribon zotdur!» Moʻminalardan qaysi ayol shu shartlarga iqror qilsa, unga Janob Rasululloh ogʻzaki: «Batahqiq, men bayʻatingni qabul qildim!» —derdilar, Ollohga qasamki, qoʻllari ayolning qoʻliga tegmas erdi! Bayʻatda faqat: «Bayʻatingni qabul qildim mazkur shartlarga binoan»,— derdilar»

3-bob. Olloh taoloning qavli: «Ey Muhammad, agar sizga bay'at qilish uchun mo'mina ayollar kelsalar...»

Ummu Atiyya raziyallohu anho rivoyat qiladilar: «Biz Janob Rasulullohga bay'at qildik. «Ollohga biror narsani sherik qilmasinlar» degan oyatni o'qib berdilar, so'ng azada baland ovoz birlan yig'lashdan bizni qaytardilar. Oramizdagi bir ayol barmog'ini tishlab: «Falonchi mening uyimda azada yig'lashgan erdi, men ham qarzimni uzib uning uyida azada yig'lashim kerak»,— dedi. Janob Rasululloh unga hech narsa demadilar. Ayol borib, keyin qaytib keldi, ul zot uning bay'atini qabul qildilar».

Ibn Abbos raziyallohu anhu: «Ollohning «Ayollar sizga yaxshi ishlarda osiy boʻlmasinlar!» degan oyatining mazmuni Olloh taolo shaxsan ayollarga buyurgan shartlardur»,— deydilar (Bu shartlar, mufassirlarning gaplariga qaraganda, baland ovoz birlan yigʻlamaslik, begona erkak birlan tanho qolmaslik, yuzni boʻyamaslik, koʻkraklarni ochib yurmaslik, qargʻamaslik, she'r oʻqimaslik va har qanday ishda Olloh va uning rasuliga itoat etmoqlik).

Uboda ibn Somit raziyallohu anhu rivoyat qiladilar: «Biz Janob Rasululloh birlan birga oʻltirgan erdik. Shunda ul zot: «Ollohga biror narsani sherik qilmaslikka, oʻgʻrilik qilmaslikka, zino qilmaslikka menga bay'at qilgaymisizlar'»—dedilar, keyin ayollar bay'ati toʻgʻri-sidagi oyatni oʻqidilar»

Sufyon o'z rivoyatlarida bunday deydilar: «Janob Rasululloh oyatni o'qidilar, keyin bunday dedilar. «Sizlardan qaysiningiz o'z bay'atiga vafo qilsa, ajrini Olloh taolo bergay. Kimki mazkur shartlardan birini buzsa, muayyan jazo tortguvsidur, unga shu kafforat bo'lur. Kimki bir gunoh qilib qo'ysa-yu, Olloh uni yashirgan bo'lsa, bu Ollohga xavola, agar xohlasa, gunohkorga azob bergay, agar xohlasa, uni mag'firat qilgay».

Ibn Abbos raziyallohu anhu rivoyat qiladilar: «Men ramazon hayiti kuni Janob Rasululloh birlan ham, Abu Bakr raziyallohu anhu birlan ham, Umar va Usmon raziyallohu anhumolar birlan ham iyd namozini oʻqiqanman. Ularning hammalari ham iyd namozini xutbadan avval o'qib, keyin xutba qilur erdilar. Ushal kuni Janob Rasululloh minbardan tushdilar, odamlarning shundog ro'paralarida o'ltirganlarini hozir ham ko'rib turgandekman. Janob Rasululloh ularga yonlarini oʻgirib oʻltirdilar-da, huzurlariga Bilol raziyallohu anhu va ayollar kelgunlariga qadar odamlarga qarata quyidagi oyatni qiroat qildilar «Ey payq'ambar, agar huzuringizga mo'mina ayollar Ollohga hech narsani sherik qilmaslikka, o'g'rilik qilmaslikka, zino qilmaslikka, bolalarini o'ldirmaslikka, o'z qo'lu oyoqlari o'rtasida bo'hton to'qimaslikka (ya'ni, o'shal paytda ayol farzand ko'rmasa, birovning bolasini olib uning oyoglari orasiga qo'yardilar-da, «tug'di-tug'di» qilib, so'ng uni «o'zi tug'di» deb e'lon gilardilar. Buni Olloh taolo goralab, man etdi) bay'at gilish uchun kelsalar, ularning bay'atini qabul qilingiz va ularga Ollohdan mag'firat so'rangiz!», keyin «Sizlar mana shu shartlarni bajarishga majbursizlar!»—dedilar. Shunda bir ayol «Ey Ollohning rasuli, biz rozimiz!» —dedi, ammo boshqa ayollar javob berishmadi Soʻng, Rasululloh sallallohu alayhi va sallam sadaqa bermoqni buyurdilar, ayollar Bilol raziyallohu anhuning etaklariga uzuk va bilakuzuk kabi ziynatlarini sadaga gilib tashlashdi»

«AS-SAF» SURASI

Olloh taoloning qavli: «Mendan keyin Ahmad ismli iayg'ambar kelur»

Muhammad ibn Jubayr raziyallohu anhuning otalari rivoyat qiladilar: «Men Rasululloh sallallohu alayhi va sallamning bunday deganlarini eshitganman: «Darhaqiqat, mening bir necha ismlarim bor men Muhammadman, men Ahmadman, men Mohiyman, ya'ni men birlan Olloh taolo kufrni mahv qilur. Men Hoshirman, ya'ni mahshar kuni yurib odamlarni yig'urman. Men Oqibman, ya'ni o'zimdan oldin o'tganlarning yaxshiligini davom etdirquvchiman».

«AL-JUM'A» SURASI

Olloh taoloning qavli: «Olloh bu paygʻambarni boshqa toifalarga ham yubordiki, ular hanuz bularga qoʻshilmadilar»

Abu Hurayra raziyallozhu anhu rivoyat qiladilar: «Biz Paygʻambar sallallohu alayhi va sallamning huzurlarida oʻltirgan erdik, shunda «Jumʻa» surasi nozil qilindi, unda «Olloh bu paygʻambarni boshqa toifalarga ham yubordiki, ular hanuz bularga qoʻshilmadilar» degan oyat bor erdi. Men « Ey Ollohning rasuli, ular kimlar?»— deb soʻradim. Janob Rasululloh savolimga javob bermadilar, hatto men uch bor savolimni qaytardim. Oramizda Salmon Forsiy ham boʻlib, Janob Rasululloh koʻllarini uning yelkasiga qoʻydilarda, soʻng, «Basharti iymon Surayyo yulduzida boʻlsa ham mana bu (atrofimdagi) kishilar uni olgan boʻlur erdilar!» — dedilar».

1-bob Olloh taoloning qavli: «Va qachon koʻrsalar musulmonlar bir tijoratni...»

Jobir ibn Abdulloh rivoyat qiladilar: «Jum'a kuni karvon keldi. Odamlar Janob Rasulullohning birga turganliklariga qaramay, karvon tomon tarqab ketishdi, faqat oʻn ikki kishigina ul zotning qoshlarida qoldi. Shunda Olloh taolo «Va qachon koʻrsalar

musulmonlar bir tijoratni yo bir tamoshoni, uning tarafiga tarqalib keturlar» degan oyatni nozil qildi»

«AL-MUNOFIQUUN» SURASI

Olloh taoloning qavli: «Ey Muhammad, agar munofiqlar huzuringizga kelsalar: «Guvohlik berurmizki, albatta siz Ollohning rasulisiz»,— deydilar. Holbuki, Olloh sizning payg'ambarligingizni bilur va Olloh guvohlik berurki, albatta munofiqlar yolg'on gapiruvchidurlar»

Zayd ibn Arqam aytadilar: «Men gazotda erdim. Shunda Abdulloh ibn Ubayning «Rasulullohning yonidagi kishilarga nafaqa (yordam) bermasangizlar, ular uning atrofidan tarqab ketgaylar. Ziyoda izzatli kishilar Madinaga borganimizdan keyin, albatta bul xorlarni haydab chiqargaylar» deganini eshitdim. Men bu gapni amakimga (yoki Hazrat Umarga) aytdim, ul kishi Janob Rasulullohga yetkazdilar. Keyin, Janob Rasululloh meni chaqirdilar, men bor gapni ul zotga soʻzlab berdim Rasululloh sallallohu alayhi va sallam Abdulloh ibn Ubay va uning sheriklariga odam yubordilar. Ular kelgach, aytgan gaplaridan tonib qasam ichishdi. Shunda Janob Rasululloh meni yolgonchiga chiqarib, ularning gapiga ishondilar. Meni shul qadar gam chulgab oldikim, ilgari sira ham bunday ahvolga tushmagan erdim! Amakim menga «Janob Rasulullohga yolgon soʻzlab, ul zotning gazablariga duchor boʻlmogingga seni ne majbur qildi?»—deb dashnom berdilar. Shul asnoda Olloh taolo «Ey Muhammad, agar munofiqlar huzuringizga kelsalar» degan (yuqoridagi) oyatni nozil qildi. Keyin, Paygʻambar alayhissalom meni chaqirtirib oyatni oʻqib berdilar-da: «Ey Zayd, Olloh taolo sening gapingni tasdiq qildi»,— dedilar».

1-bob. Olloh taoloning gavli: «Ular ichgan gasamlarini sipar gilib olurlar»

Zayd ibn Arqam aytadilar: «Men amakim birlan birga erdim. Abdulloh ibn Ubayning «Rasulullohning atrofidagi kishilarga nafaqa qilmasangizlar, ular uni tashlab ketgaylar, biz Madinaga borganimizda ziyoda izzatli kishilar bul xorlarni albatta haydab chiqargaylar» deganini eshitib qoldim. Bu gapni darhol amakimga aytdim, amakim Janob Rasulullohga yetkazdilar. Janob Rasululloh Abdulloh ibn Ubay birlan uning sheriklarini chaqirtirdilar. Ular kelib aytmaganliklari toʻgʻrisida qasam ichishdi. Shunda ul zot ularga inonib, meni yolgʻonchi qildilar, meni mislsiz gʻam chulgʻab oldi. Men uyimdan chiqolmay oʻltirib qoldim. Keyin, Olloh taolo «Ey Muhammad, agar munofiqlar huzuringizga kelsalar... («... ziyoda izzatli kishilar Madinaga borganimizda bul xorlarni haydab chiqargaylar» degan qavligacha)» deb boshlanadirgan oyatlarni nozil qildi. Janob Rasululloh meni chaqirtirib: «Olloh taolo sening gapingni tasdiqladi»—dedilar».

2-bob. Olloh taoloning qavli: «Bu shuning uchundur-ki, ular iymon keltirdilar, soʻng yana kofir boʻldilar, bas muhr urildi dillariga, endi ular tushunmaslar»

Zayd ibn Arqam aytadilar: «Abdulloh ibn Ubay «Rasulullohning yonida yurgan kishilarga (muhojirlarga) nafaqa (yordam) qilmangizlar» va «Madinaga qaytib borganimizda» degan gaplarni aytganida, men bundan Paygʻambar alayhissalomni xabardor qildim. Shunda ansorlar meni malomat qila boshlashdi, Abdulloh ibn Ubay ersa «Bunday deb aytmadim» deb qasam ichdi. Keyin, men uyga qaytdim, uxladim. Nogahon, Janob Rasululloh meni chaqirtirdilar, men bordim, ul zot menga: «Darhaqiqat, Olloh taolo sening qapingni tasdiq qildi»,— dedilar. Chunki, shul haqda oyat nozil boʻlgan erdi».

3-bob. Olloh taoloning qavli: «Agar ularga boqsangiz, jismlari sizni hayratga solgay, soʻzlaganlarida quloq solursiz. Ular devorga suyab qoʻyilgan quruq yogʻochga oʻxsharlar, har bir qichqiriqovozni ustlariga tushayotgan balo, deb oʻylaydilar. Ular dushmandirlar, ulardan ehtiyot boʻlingiz...»

Zayd ibn Arqam aytadilar: «Biz Paygʻambar alayhissalom birlan birga safarga chiqqan erdik, odamlar qattiq qiynalishdi. Abdulloh ibn Ubay sheriklariga: «Rasulullohning yonlaridagi kishilarga yordam qilmangizlar, toki ular Rasulullohni tashlab qaytib keqinlar! Madinaga qaytaylik, ziyoda izzatlilar bul xorlarni haydab chiqargaylar»,— dedi. Men Paygʻambar alayhissalomning huzurlariga kelib boʻlgan gapni aytdim. Janob Rasululloh Abdulloh ibn Ubayga odam yubordilar. U kelib bunday deb aytmaganligi toʻgʻrisida qasam ichdi. Odamlar: «Zayd Rasulullohni aldabdi»—deb gap tarqatishdi. Ularning gapidan dilim qattiq gʻam chekdi. Keyin, Olloh taolo mening rost gapirganim toʻgʻrisida oyat nozil qildi. Janob Rasululloh ularni istigʻfor aytishga da'vat qildilar, ammo ular yuzlarini oʻgirib teskari qarab ketishdi».

4-bob. Olloh taoloning qavli: «Agar ularga «Kelingizlar, sizlar uchun Rasululloh istig`for ayqinlar» deyilsa, ular boshlarini bururlar va siz ularning kibru qavo qilgan holda yuz oʻgirganlarini koʻrursiz».

Bu yerda yuqoridagi hadis takroran keltirilgan.

5-bob. Olloh taoloning qavli: «Ey Muhammad, siz ular uchun magʻfirat soʻradingizmi, soʻramadingizmi, ularga nafi yoʻqdur, Olloh ularni hargiz magʻfirat qilmas, chunki Olloh bunday fosiq qavmni hidoyat qilmagay».

Sufyon raziyallohu anhu rivoyat qiladilar: «Bir kuni biz lashkar orasida turgan erdik. Shunda muhojirlardan biri ansorlardan birining orqasiga tepdi. Ansoriy: «Ey ansorlar, yordam beringizlar!» deb chaqirdi. Bundan qoʻrqib keggan muhojir ham «Ey muhojirlar, yordam beringizlar!»—deb yordamga chaqirdi. Janob Rasululloh buni eshitib «Ne boʻldi sizlarga, johiliyat da'vosini qilyapsizlar?!»—dedilar. Odamlar «Ey Ollohning rasuli, bir muhojir bir ansoriyni tepdi»,— deyishdi. Janob Rasululloh, «Qoʻy, bunday qabih gaplarni gapirma!»— dedilar. Bu gapni Abdulloh ibn Ubay eshitib: «Shunday qilishdimi? Ollohga qasamki, agar Madinaga qayqak, ziyoda izzatlilar bul xorlarni haydab chiqargay!»— dedi. Bu gap Paygʻambar alayhissalomga yetdi. Umar raziyallohu anhu oʻrinlaridan turib: «Ey Ollohning rasuli, menga qoʻyib beringiz, bu munofiqning buynini qilich birlan chopib tashlayin!» - dedilar. Paygʻambar alayhissalom. «Qoʻyaver, tagin odamlar Muhammad oʻz ashobini oʻldirayotir!» deyishmasin!»— dedilar. Muhojirlar Madinaga kelgan paytlarida ansorlarning soni koʻproq erdi. Keyinchalik muxojirlarning soni koʻpayib ketdi».

6-bob Olloh taoloning qavli: «Munofiqlar «Paygʻambarniig ashoblariga yordam qilmangizlar, toki ular uni tark etib tarqalib keqinlar!» — deyishur. Vaholanki, yeru osmon xazinalari yolgiz Olloh nikidur, lekin munofiklar buni bila olmaslar!»

Anas ibn Molik raziyallohu anhu aytadilar: «Men Harrada musibat yetgan (shahid boʻlgan) ansoriylarga qattiq achindim, bul haqda menga Zayd ibn Arqam yozib yuborgan

erdi. Menit ularga qattiq achinganim xususida Zayd ham xabar topdi. U keyingi xatida Janob Rasulullohning ansorlar haqida «Ey Olloh, ansorlarni hamda ularning bolalari oʻzint magfirat qilgil!» deb duo qilganlarini eshitganini yozibdi».

Abdulloh ibn al-Fazl aytadilarki, «Anas ibn molikning yonida oʻltirgan kishilar «Zayd kim erdi? — deb soʻrashdi. Anas ibn Molik «Bu shunday odamki, Janob Rasululloh ul haqda «Bu Olloh quloq solgan zot» der edilar» dedilar».

7-bob Olloh taoloning qavli: «Munofiqlar: «Madinaga qayqak, ziyoda izzatlilar bul xorlarni ul yerdan haydab chiqargaylar»,— degaylar. Vaholanki, ulugʻlik Ollohniki, uning paygʻambariniki va moʻminlarnikidur va lekin munofiqlar buni bilmaslar»

Jobir ibn Abdulloh raziyallohu anhu aytadilar «Biz bir gʻazotda erdik. Muhojirlardan biri ansorlardan birini tepdi. Ansoriy «Ey ansorlar, yordam beringizlar!»—dedi. Muhojir ham «Ey muhojirlar, yordam beringizlar!» — dedi. Olloh taolo bu xabarni oʻz rasuliga yetkazdi. Janob Rasululloh Ne gap »—deb soʻradilar. Odamlar «Muhojirlardan biri ansoriylardan birini tepib erdi, ansoriy ansoriylarni, muhojir ersa muhojirlarni yordamga chaqirdi»,— deyishdi. Paygʻambar alayhissalom «Qoʻyingizlar, bunday yaramas gaplarni aytmangizlar!» — dedilar. Paygʻambar alayhissalom Madinaga kelgan paytlarida ansorlar koʻproq erdi, keyin muhojirlar koʻpayib ketdi. Abdulloh ibn Ubay «Shunday qilishdimi, Ollohga qasamki, Madinaga qayqak, ziyoda izzatlilar bul xorlarni ul yerdan haydab chiqargay!»—dedi. Umar raziyallohu anhu: «Ey Ollohning rasuli, qoʻyib beringiz menga, bu munofiqning boʻynini oʻzib tashlayin!»—dedilar. Paygʻambar alayhissalom «Qoʻyaver, tagʻin odamlar «Muhammad oʻz ashoblarini oʻldirayotir!» demasinlar!»—dedilar»

«AT-TALOQ» SURASI

Abdulloh ibn Umar raziyallohu anhuning xabar beriitaricha, ul kishi oʻz xotinlarini hayz koʻrgan holida taloq qildilar. Hazrat Umar bul haqda Janob Rasulullohga aytganlarida, ul zotning achchiqlari keldi-da, bunday deb aytdilar: «Xotini birlan qaytib yarashsin, ushlab tursin, keyin taloq qilish niyatidan voz kechmasa, u birlan qoʻshilmasdan turib, hayzdan pok holida taloq qilsin, mana shu Olloh taolo buyurgan hayzdan pok boʻlib, yana bir hayz koʻrib, undan ham pok boʻlguncha uyida iddadur!»

1-bob Olloh taoloning qavli: «Homilador ayollarning iddasi homilalarini tugʻishlaridur. Kim Ollohdan qoʻrqsa, Olloh uning ishini oson qilur!»

Abu Salama raziyallohu anhu aytadilar: «Bir odam Ibn Abbosning oldilariga keldi, Abu Hurayra raziyallohu anhu Ham shu yerda oʻltirgan erdilar. Boyagi odam Ibn Abbosga «Eri oʻlgach, qirq kundan keyin farzand tuqqan ayolning iddasi toʻgrisida menga fatvo bersangiz!»—dedi. Ibn Abbos «Homilador ayolning iddasi ikki muddatning oxiri, ya'ni toʻrt oy-u oʻn kundur»,— dedilar. Shunda men: «Homilador ayolning iddasi bolasini tuqqinchadur»,— deb gapga aralashdim. Abu Hurayra raziyallohu anhu: «Men birlan birga birodarimning oʻgli ham kelgan erdi»,— deb meni tanishtirdilar. Ibn Abbos raziyallohu anhu shu masalani soʻrab kelish uchun xizmatkorlari Kuraybni Ummu Salama raziyallohu anhoning huzuriga yubordilar. Ummu Salama: «Subayʻa Aslamiyya eri vafot qilganda homilador erdi. Erining oʻlimidan qirq kun keyin bola tugdi. Keyin, unga sovchi

qo'yilgan erdi, Janob Rasululloh nikohlab qo'ydilar. Abu Sanobil ham unga sovchi qo'ygan kishilardan erdi»,- - deb xabar berdilar».

Muhammad ibn Fazl aytadilar: «Men bir davrada oʻltirgan erdim, Abdurrahmon ibn Abu Laylo ham shul yerda bo'lib, ul kishini ashoblari nihoyatda hurmat qilishardi. Shul yerda ikki muddatning oxiri (idda) toʻgrisida gap ochildi. Men Subay'a binti Horis voqe'asini Abdulloh ibn Utbadan eshitganimdek rivoyat qilib erdim, ul kishining ashoblaridan ba'zilari jim bo'lmogimga ishora gilishdi. Shunda men tushuntirishga harakat gilib: «Demak, men Abdulloh ibn Utbadan eshitganlarimni buzib rivoyat qilishga jur'at qilibman-da?! Ul kishi Kufaning bir nohiyasida yashab turibdilar, men ul kishini yolgonchiga chiqarmoqqa hayo qilurman!» — dedim. Bu haqda Abdurrahmon ibn Abu Layloning amakilari Abdulloh ibn Mas'ud ham hech narsa demagan erkanlar. So'ng, men gapimni isbotlash uchun Abu Atiyya Molik ibn Omirga uchrashdim. Ul kishidan mazkur hadis haqida so'radim. Shunda Abu Atiyya menga Subay'a voqeasini gapira boshladilar. Men Abu Atiyyadan: «Bu haqda Abdulloh ibn Mas'uddan biror narsa eshitganmisiz?» deb soʻradim. Abu Atiyya bunday dedilar: «Ayollarga mashaqqat qilmoqni istab, ularga yengillik tugdirmogni istamaysizlarmi? Axir, ayollar iddasi xususida «Bagara» surasidan so'ng «Niso» surasi ham nozil bo'lgan-ku! Unda «Homilador ayollarning iddasi homilalarini tuqishlaridur» degan oyat mavjud»,— dedilar».

«AT-TAHRIM» SURASI

Olloh taoloning qavli: «Ey muhtaram payg'ambar, ne uchun siz Olloh halol qilgan narsani oʻzingizga harom qilursiz? Xotinlaringizning rizoligini istarsizmi? Olloh magfiratli va mehribon zotdur!»

Ibn Abbos raziyallohu anhu: «Sizlar uchun Janob Rasulullohda chiroyli namuna (ibrat) bordur!» — deydilar.

Oisha raziyallohu anho rivoyat qiladilar: «Rasululloh sallallohu alayhi va sallam Zaynab binti Jahshning hujralariga kirib asal ichdilar-da, ul yerda uzoq qolib ketdilar. Shunda: «Agar Janob Rasululloh qaysi birimizning yonimizga kelsalar, «Ey Ollohning rasuli, magʻofir yedingizmi? Sizdan magʻofirning hidi kelayotir, deymiz» — deb Hafsa birlan kelishib oldim. Janob Rasululloh: «Yoʻq, magʻofir yeganim yoʻq, lekin Zaynabning huzurida asal ichgan erdim, Ollohga qasamki, endi hech qachon asal yemayman, bul haqda hech kimga aytma!» — dedilar».

1-bob. Olloh taoloning qavli: «Xotinlaringizning rizoligini istarsizmi? Olloh taolo mag`firatli va mehribon zotdur! Batahqiq, Olloh taolo kafforat berib qasamingizdan qutulishingizni buyurur, u biluvchi va hikmatli zotdur!».

Ibn Abbos raziyallohu anhu aytadilar: «Men Umar ibn al-Xattob raziyallohu anhudan bir oyat haqida soʻrash uchun bir yil payt poyladim, chunki ul kishining salobatlari sababli soʻray olmasdim. Bir kuni ul kishi haj safariga chiqdilar, men ham birga chiqdim. Hajdan qaytayotganimizda ancha yoʻl yurganimizdan soʻng, Hazrat Umar ibn al-Xattob bir misvok daraxtining yoniga hojat uchun bordilar, Men kutib turdim, boʻshaganlaridan soʻng, birga yurib ketdik, yoʻlda u kishiga: «Ey moʻminlarning amiri, Janob Rasulullohga qaysarlik qilgan oʻshal ikki xotinlari kimlar erdi?»—deb savol berdim. Umar raziyallohu anhu: «Ular Hafsa birlan Oisha erdilar»,— dedilar. Men: «Ollohga qasamki, sizdan shul

haqda so'rayman, deb rosa bir yil imkon poyladim, chunki sizdan hayiqib sira so'rashga botinolmas erdim»,— dedim. Hazrat Umar: «Unday qilmangiz, agar meni biror narsadan xabardor, deb o'ylasangiz, darhol so'rayveringiz, agar men bilsam, sizga xabar qilgayman»,— dedilar. Keyin, bunday dedilar: «Xudo haqi, biz johiliyat vaqtida Olloh taolo ayollar haqida oyat nozil qilib, ularga o'zi taqsim qilgan huquqni taqsim gilmaguncha, ularni kamsitur erdik. Bir kuni men bir ish hagida fikrlab turgan erdim, xotinim menga: «Bu ishni mana bunday qilsangiz!» — deb aql o'rgata boshladi. Shunda men unga: «Sen gayda-yu, mening ishim gayda! Mening gilmogchi boʻlgan ishimning senga nima og'irligi tushayotir? — dedim. Xotinim: «Taajjub, ey Xattobning o'g'li, sizga hech gap qaytarib bo'lmas! Qizingiz Hafsa ersa Janob Rasulullohning gaplarini qaytarib, kun bo'yi ul zotning g'azablarini keltirayotir»,— dedi». Aytishlaricha, Hazrat Umar darhol o'rinlaridan turib, ridolarini sudragan holda Hafsaning uylariga kiribdilar-da, gizlariga' «Ey qizalog'im, sen Janob Rasulullohga gap qaytarib, kun bo'yi ul zotning dillarini og'ritgan ermishsan!» — debdilar. Hafsa raziyallohu anho: «Ollohga gasam-ki, albatta biz hammamiz ham Janob Rasulullohga gap gaytarurmiz!» — debdilar. Hazrat Umar aytadilar: «Men Hafsaga: «Bilasanmi gizim, albatta men sening Olloh taoloning azobidan va Janob Rasulullohning g'azablaridan ehtiyot bo'lmog'ingni xohlarman. Ey gizalog'im, g'o'zalligi birlan Janob Rasulullohning muhabbatlarini gozongan anavi (Oisha) seni mag'rur qilib qo'ymasin!» — dedim. Keyin, chiqib, Ummu Salama raziyallohu anhoning huzurlariga kirdim-da, Hafsa va Oisha haqida qapirdim. Ummu Salama. «Taajjub, ey Xattobning o'g'li, hamma ishga aralashib yurursiz, hatto Janob Rasululloh birlan ul zotning xotinlarining o'rtasiga ham tushmoqchi bo'lib turibsiz!» — dedilar. Ollohga gasamki, Ummu Salamaning bul gaplari g'azabimni bosdi, men tashgariga chiqib ketdim. Mening bir ansoriy do'stim bor erdi, agar men Janob Rasulullohning huzurlarida bo'lmasam, u menga xabar keltirib turardi, agar u bo'lmasa, men unga xabar keltirardim. Ushal kunlari biz G'asson podsholarining biridan xavflanib turgan erdik, chunki kelgan xabarga ko'ra u bizning ustimizga yurish boshlamokchi erdi. Shuning uchun qalbimiz to'la vahima erdi. Nogahon, mening o'shal ansoriy do'stim eshikni taqillatib «Oching, oching!» — deb qattiq ovoz qildi. Men unga: «Nima, G'asson bostirib keldimi?» —desam, u menga: «Bundan ham badtarrog boʻldi, Janob Rasululloh barcha xotinlaridan arazladilar!» — dedi. Men: «Oisha birlan Hafsaning burni yerga ishqalsin!» — dedim-da, kiyinib olib Janob Rasulullohning huzurlariga yo'l oldim. Kelsam, ul zot boloxonada o'ltirgan erkanlar. Zinaning tepasida ersa gora gullari turibdi, unga: «Umar ibn al-Xattob keldi, deb ayt!» — dedim. Janob Rasululloh menga izn berdilar, men huzurlariga kirib bo'lgan voqe'ani batafsil qapirib berdim. Ummu Salamaning qaplarini aytganimda Janob Rasululloh tabassum qildilar. Ul zot yolgiz bo'yra ustida yonboshlab yotar, boshlari ostida ersa xurmo barglari to'ldirilgan, teridan qilingan yostiq qo'yilgan erdi. Oyoqlari orasida terini oshlash uchun ishlatiladirgan daraxt barqlari to'planib yotardi, devorda ersa oshlanmagan teri osigʻliq boʻlib, men boʻyraning biqinlariga botib ketgan izini ko'rib, yig'ladim. Janob Rasululloh: «Nechuk yig'layotirsan?» — dedilar. Men: «Ey Ollohning rasuli, albatta Kisro va Qaysar yumshog joylarda yotibdi, siz ersangiz Ollohning rasuli bo'la turib.», -dedim. Shunda Janob Rasululloh: «Dunyo ular uchun, oxirat ersa biz uchun erkanligiga rozi ermasmisan?» — dedilar».

2-bob. Olloh taoloning qavli: O'z juftlaridan biriga (Hafsaga) bir sirni aytganini eslangiz! Qachonki, Hafsa ul sir «Oishaga xabar berganda va Olloh Jabroil orqali payg'ambarni bundan voqif qilganda payg'ambar Hafsaga buning ba'zisini bildirdi, ba'zisini bildirmadi. Buni Hafsa eshitib: «Kim sizga bu xabarni yetkazdi?» — deganda, payg'ambar: «Menga bilguchi va xabardor zot xabar

berdi», - dedi»

Ibn Abbos raziyallohu anhu bunday deb aytar edilar: «Men Umar raziyallohu anhudan: «Ey moʻminlarning amiri, Janob Rasulullohga qarshi til biriktirgan ikki ayol kim erdi» — deb soʻradim. Ul kishi darxol «Oisha birlan Hafsa erdi», — dedilar».

3-bob. Olloh taoloning qavli: «Ey Oisha va Hafsa, agar sizlar bu qilmishlaringiz uchun Ollohga tavba qilsangizlar, qalblaringiz moyil boʻlibdur va agar paygʻambarga qarshi til biriktirsangizlar, ul holda, shak-shubhasiz, Olloh ham, Jabroil ham, solih moʻminlar ham uning madadkoridurlar, shuningdek farishtalar xam yordamchidurlar»

Bir kuni Janob Rasululloh xotinlaridan biri boʻlmish Hafsaga: «Men choʻrim Mariyani oʻzimga harom qilmoqchiman», — deb sir aytdilar. Kalbiyning rivoyat qilishlaricha, Janob Rasululloh: «Mendan keyin sening otang Abu Hafsa, ya'ni Umar ibn Al-Xattob va Abu Oisha, ya'ni Abu Bakr Siddiq moʻminlarga xalifalik qiladilar», — deb sir aytdilar. Hafsa bu sirni Oishaga aytib qoʻydi, Olloh taolo bundan paygʻambarni voqif qilib, mazkur oyatni nozil qildi.

Ibn Abbos raziyallohu anhu aytadilar: «Janob Rasulullohning sirlarini fosh qilishda oʻzaro til biriktirgan ikki ayol toʻgʻrisida Hazrat Umardan soʻrashni istagandim, ammo bunga imkon topolmay bir yil yurdim Nihoyat, Umar raziyallohu anhu birlan birga haj safariga chiqdim. Zahron degan joyga yetganimizda Umar raziyallohu anhu hojat uchun chetga chikdilar. Mening qoʻlimda tahorat uchun suv bor erdi, ul kishi suv qidirib yurgan erkanlar, men qoʻlimdagi suvni quyib berdim Soʻng, payt topib: «Ey moʻminlar amiri, Janob Rasulullohning sirlarini fosh qilgan ikki ayol kim erdi» — deb soʻradim. Ul kishi darhol «Oisha birlan Hafsa erdi»—deb javob berdilar»

4-bob Olloh taoloning qavli: «Agar paygʻambar sizlarni taloq qilsa, oz fursatda uning rabbi sizlardan yaxshiroq xotinlarni unga oʻrinlaringizga berurki, ular farmonbardor, iymonlik, namozxon, tavba qilguvchi, ibodat qilguvchi, uy koʻrgan va uy koʻrmagan ayollar boʻlurlar»

Umar raziyallohu anhu aytadilar: «Rasululloh sallallohu alayhi va sallamning xotinlari ul zotga qarshi til biriktirishdi. Shunda, men ularga: «Agar Janob Rasululloh sizlarni taloq qilsalar, parvardigorlari oʻrningizga sizlardan yaxshiroq xotinlarni ul zotga ato eqa, ajab ermas!» — dedim, shul asnoda Olloh taolo mazkur oyatni nozil qildi»

«NUN VAL-QALAM» SURASI

1-bob. Olloh taoloning qavli: "badxulqning, buning ustiga haromzodaning...» Ibn Abbos raziyallohu anhu aytadilar: «Badxulq, buning ustiga haromzoda» deyilganda Quraysh qabilasiga mansub bir kishi nazarda tutilgan boʻlib, uning qulogʻida qoʻyning qulogʻida boʻladirgan belgi (tamgʻa) kabi belgi bor erdi»

Horisa ibn Vahb al-Xuzo'iy aytadilar: «Men Janob Rasulullohning bunday deganlarini eshitdim: «Oe, sizlarga ahli jannat haqida xabar berayinmi? Har bir za'if va bechorahol insondur. Bundaylar Ollohga qasam ichsalar, qasamlariga vafo qilurlar Oyo, sizlarga ahli do'zaxlar haqida xabar berayinmi? Har bir badxulq, dilozor, takabbur insondur»

2-bob. Olloh taoloning qavli: «Soq ochiladurgan kuni ...»

Abu Sa'id al-Xudriy raziyallohu anhu aytadilar: «Men Janob Rasulullohning bunday deganlarini eshitganman. «Parvardigor soqini ochganda har bir moʻmin va moʻmina unga sajda qilur. Kimki bu dunyoda riyo uchun namoz oʻqigan ersa, harchand harakat qilmasin, beli qotib qolib sira sajdaga egilmas» («Soq»ning lugʻaviy ma'nosi «ilik yoki boldir» boʻlib, bundan Olloh taoloning jismi bor, deb tushunmaslik lozim. Chunki, bu soʻz «Olloh taoloning qoʻli, yuzi» deyilgandagi kabi bir sifatdur)

«INNO ARSALNO NUHAN» SURASI

Ibn Abbos raziyallohu anhu aytadilar. «Nuh alayhissalomning qavmlarida boʻlgan butlar keyinchalik arablarda boʻlgan erdi. «Vad» degan but Davmatul-Jandal degan joyga qoʻyilgan boʻlib, Kalb qabilasiga qarashli erdi, «Suvoʻ» degan but Huzayl qabilasiniki, «Yagʻus» — avval Murod qabilasiniki, keyin Baniy Gʻatif qabilasiniki boʻlgan erdi. U Javf degan joyda erdi «Yaʻuq» degan but Hamdon qabilasiniki, «Nasr» ersa Oli Zil-Kaloʻ podsholigidagi Himyar qabilasiniki erdi. Mazkur butlarning nomi Nuh qavmidagi solih kishilarning ismlari boʻlib, ular halok boʻlganlaridan keyin, shayton Nuh qavmi dillariga: «Avliyolaringiz oʻltirgan joylarga ularning haykallarini quringizlar va haykallarni ularning ismlari birlan atangizlar!» — deb vasvasa solgan Qavm shaytonning aytganini qilib, ularni ulugʻlab turgan Qavm olamdan oʻtgach, mazkur solih kishilarning asli kim boʻlganliklari unutilib ketib,keyingi avlodlar oʻshal xaykallarga ibodat qiladirgan boʻlishgan».

«QUL UXIYA ILAYYA» YOKI «JIN» SURASI

Ibn Abbos raziyallohu anhu aytadilar: «Rasululloh sallallohu alayhi va sallam ashoblaridan bir nechasini olib o'rtasida to'siq paydo bo'lib, shaytonlarga olovli yulduzlar otilgach, ular qo'rqib yerga tushgan erdi. Shunda shaytonlarning sardorlari «Sizlarga ne bo'ldi» — deb so'rashdi. Ular «Biz birlan osmondan xabar keladirgan yo'l orasi to'silib goldi. Bizga garshi olovli yulduzlar otilmogda» — deb javob berishdi. «Sizlar birlan osmondan xabar keladirgan yo'lning orasi to'sib qo'yilganiga dunyoda sodir bo'lgan biror hodisa sabab boʻlgan boʻlsa kerak»,— deyishdi shaytonlarning sardorlari. Shundan so'ng, shaytonlar mag'ribu mashrigni kezib chiqishdi, chunki ular bunga nima sabab bo'lganini o'z ko'zlari birlan ko'rmoqchi bo'ldilar. Ularning bir guruhi Tihoma tomonga kelayotib, Naxla degan joyda Janob Rasulullohga duch keldi. Rasululloh sallallohu alayhi va sallam ashoblari birlan Ukoza bozoriga ketayotgan erdilar. Shunda ul zot Naxlada to'xtab bomdod namozini o'qidilar. Shaytonlar Qur'on qiroatini eshitib va yodlab olishga harakat qilishib: «Bizlar birlan osmondan xabar keladirgan yoʻl orasini toʻsgan narsa aynan mana shu!» — deb orqalariga qaytishdi. Ular o'z qavmlari oldiga borib «Ey gavmimiz, bir ajoyib, kishini hidoyatga boshlaydirgan Qur'on qiroatini eshitdik, biz iymon keltirdik, endi rabbimizga hech kimni sherik qilmaymiz!» — deyishdi. Olloh taolo payg'ambarimizga «Ey Muhammad, «Menga vahiy gilindiki, jinlarning bir guruhi Qur'onni eshitdi» deb aytingiz!» degan oyatni nozil qildi. Darhaqiqat, Olloh, taolo ul zotga jinlarning gaplarini vahiy qilgan erdi».

«AL-MUDDASSIR» SURASI

Yahyo ibn Abu Kasir aytadilar: «Men Abu Salama ibn Abdurrahmondan Qur'ondan birinchi bo'lib nima nozil bo'lgani haqida so'radim. Ul kishi «Yo ayyuhal-muddassir» — deb javob berdilar. Men «Axir, ko'pchilik «Iqra' bismi rabbikallaziy xalaqa» deb aytishadi-ku?!»—dedim. Abu Salama bunday dedilar: «Men ham Jobir ibn Abdullohdan shul haqda so'raganimda siz aytgan gapni aytgan erdim, shunda Jobir «Men sizga Rasululloh sallallohu alayhi va sallam ne degan bo'lsalar, shuni gapirib berurman, ul zot bunday degan erdilar»,— dedilar: «Men Hiro' tog'idagi g'orda e'tikofga o'ltirdim. E'tikofimni tugatganimdan so'ng, pastga tushdim. Shunda qulog'imga bir ovoz chalindi, o'ng yonimga qaradim, hech kimni ko'rmadim, chap yonimga qaradim, hech kimni ko'rmadim, ro'paramga qarasam ham xech kim yo'q, keyin ortimga burildim, hech kim yo'q. Nihoyat boshimni tepaga ko'targan erdim, bir narsani ko'rdim. Xadichaning oldiga keldim-da, unga «Meni o'rab qo'yingizlar, ustimdan sovuq suv quyingizlar!»—dedim. Meni o'rab qo'yishdi va ustimdan sovuq suv quyishdi. So'ng, «Ey o'ralib yotuvchi, turingiz o'rningizdan, ogohlantiringiz va rabbingizni ulug'langiz!» degan oyat nozil bo'ldi».

Olloh taoloning «... turingiz o'rningizdan, ogohlantiringiz...» hamda «va rabbingizni ulug'langiz!» degan qavli haqida

Bu yerda yuqoridagi hadis takroran keltirilgan.

1-bob Olloh taoloning qavli: «... va kiyimiigizni pok tutingiz...»

Jobir ibn Abdulloh raziyallohu anhu aytadilar: «Men Paygʻambar alayhissalomning oʻzlaridan dastlabki vahiyning nozil boʻlishi xususidagi quyidagi hadislarini eshitdim. «Bir vaqt men yurib ketayotgan erdim, osmondan kelayotgan bir ovozni eshitdim. Boshimni koʻtarib qarab erdim, Hiroʻ togʻida huzurimga kelgan farishta yer birlan osmon oʻrtasida kursida oʻtirganini koʻrdim. Undan qoʻrqib tezda uyga qaytdim-da «Meni oʻrab qoʻyingizlar, meni oʻrab qoʻyingizlar!» — dedim, meni oʻrab qoʻyishdi. Shunda Olloh taolo «Ey oʻralib yotuvchi, turingiz oʻrningizdan, ogohlanti-ringiz va rabbingizni ulugʻlangiz va kiyimingizni pok tutingiz va nopoklikdan yiroq boʻlingiz!» degan oyatlarni nozil qildi»

2-bob Olloh taoloning qavli: «... va nopoklikdan yiroq bo'lingiz...»

Bu yerda yuqoridagi hadis takroran keltirilgan

«AL-QIYOMA» SURASI

Ibn Abbos raziyallohu anhu rivoyat qiladilar: «Rasululloh sallallohu alayhi va sallam qachon vahiy nozil boʻlsa, uning soʻzlarini takrorlab tillarini harakatlantirar erdilar. Olloh taolo «Tezroq yodlab olmoq uchun vahiy soʻzlarini takrorlab tilingizni harakatlantirmangiz!» degan oyatni nozil qildi».

1-bob. Olloh taoloning qavli: «Zero uni dilingizda jamlash ham, tilingizda qiroat qildirish ham bizning zimmamizdadir»

Muso ibn Abu Oisha Sa'id ibn Jubayrdan «Tezroq yodlab olmoq uchun vahiy so'zlarini takrorlab tilingizni harakatlantirmangiz» degan oyat haqida so'radilar. Sa'id ibn Jubayr: «Ibn Abbos bunday der erdilar»,— dedilar: «Qachon Janob Rasulullohga vahiy nozil

qilinsa, ul zot tezroq yodlab olmoq uchun uning soʻzlarini takrorlab ikki lablarini harakatlantirar erdilar. Shunda Olloh taolo ul zotga. «Tezroq yodlab olmoq uchun vahiy soʻzlarini takrorlab tilingizni harakatlantirmangiz, zero uni dilingizda jamlash ham, tilingizda qiroat qildirish ham bizning zimmamizdadir. Biz uni farishta tili orqali oʻqiganimizda uning oʻqishiga tobeʻ boʻlingiz, keyin uni ravshan bayon qilib bermoqlik bizning zimmamizdadur»,—deb vahiy nozil qildi».

2-bob Olloh taoloning qavli: «Biz uni farishta tili orqali oʻqiganimizda uning oʻqishiga tobe' boʻlingiz»

Sa'id ibn Jubayr Ibn Abbosdan «Tilingizni hara -katlantirmangiz» degan oyat haqida so'radilar. Ibn Abbos raziyallohu anhu bunday dedilar: «Agar Rasululloh, sallallohu alayhi va sallamga Hazrat Jabroil vahiy olib kelsalar, ul zot tezroq yodlab olmoq uchun tillarini va ikki lablarini harakatlantirar erdilar, ammo bu ish ancha qlyin bo'lar erdi, qiyinligi shundoq sezilib turar erdi. Shunda Olloh taolo «Lo uqsimu» («Al-Qiyoma») surasidagi «Tezroq yodlab olmoq uchun tilingizni harakatlantirmangiz» degan oyatni nozil qilib, «Uni sizning dilingizda jam qilish va tilingizda qiroat qildirish bizning zimmamizdadur. Biz farishta tili orqali qiroat qilayotganimizda siz eshitib turingiz, keyin uni ravshan bayon qilib bermoqlik, ya'ni sizning tilingiz birlan bayon qildirmaklik bizning vazifamizdur»,— dedi. Shundan so'ng, Jabroil kelsalar, ul zot sukut saqlar va ketganlaridan so'ng, Olloh va'da berganidek qiroat qilardilar».

«VAL-MURSALOT» SURASI

Abdulloh ibn Mas'ud raziyallohu anhu aytadilar: «Biz Rasululloh sallallohu alayhi va sallam birlan birga erdik, ul zotga nozil qilingan «Val-Mursalot» surasini oʻzlaridan oʻrganayotgan erdik. Shu payt bir ilon chiqib qoldi. Biz uni oʻldirishga shoshildik. Ammo, u bizdan chaqqonlik qilib iniga kirib ketdi. Rasululloh sallallohu alayhi va sallam, «Sizlarning yomonligingizdan u saqlandi, uning yomonligidan ersa sizlar saqlandingizlar»,— dedilar».

Abdulloh aytadilar: «Biz Rasululloh sallallohu alayhi va sallam birlan birga gʻorda oʻltirgan erdik. Shu vaqtda «Val-Mursalot» surasi nozil boʻlib qoldi. Biz uni Janob Rasulullohning ogʻizlaridan ilib olib oʻrganayotgan erdik, nogahon bir ilon chiqib qoldi. Janob Rasululloh. «Sizlarga yomonlik qilmoq niyatida chiqdi, uni oʻldiringizlar!»—dedilar. Hammamiz uni oʻldirishga shoshildik, ammo u tezroq harakatlanib, qaytib iniga kirib ketdi. Rasululloh sallallohu alayhi va sallam «Ilon sizlarning yomonligingizdan, sizlar ersangiz uning yomonligidan saqlandingiz»,— dedilar»

1-bob. Olloh taoloning qavli: «Ul olov qasrdek uchqunlar otib turur»

Ibn Abbos mazkur oyat mazmuni haqida gapirib: «Biz qishda yoqish uchun uch gaz keladirgan yoki undan kichikroq toʻnkalarni yigʻib qoʻyardik va uni «qasr» deb atardik»,— deydilar.

2-bob. Olloh taoloning qavli: «Ul uchqunlar sariq va qora tuyalarga o'xshar»

Bu yerda yugoridagi hadis takrorlangan.

3-bob. Olloh taoloning qavli: «Bu kun oʻshal kundurki, unda kofirlar soʻzlayolmas»

Abdulloh aytadilar: «Biz Paygʻambar sallallohu alayhi va sallam birlan oʻltirgan erdik. Shul yerda «Val-Mursalot» surasi nozil boʻlib qoldi. Men uni ul zotning ogʻizlaridan ilib olib oʻrganayotgan erdim, ogʻizlari tilovatdan toʻxtamay turib, bir ilon bizga sapchib qoldi. Paygʻambar alayhissalom: «Ilonni oʻldiringizlar!»—dedilar. Biz ilonni oʻldirishga shoshildik, lekin ilon qochib qutuldi. Shunda Paygʻambar alayhissalom: «Ilon sizlarning yomonligingizdan saqlandi, sizlar ham uning yomonligidan saqlandingiz-lar»,— dedilar. Umar: «Men bu surani Minodagi gʻorda Ubaydan oʻrganib yodlagan erdim»,— deydilar».

«AMMA YATASOALUN» SURASI

1-bob. Olloh taoloning qavli: «Sur chalinadirgan kuni toʻp-toʻp boʻlib kelursizlar»

Abu Hurayra raziyallohu anhu aytadilar: «Rasululloh sallallohu alayhi va sallam: «Ikki bor sur chalinishining oraligʻidagi muddat qirqdur»,— dedilar. Shunda bir kishi mendan: «Ey Abu Hurayra, qirq kunmi?» —deb soʻradi, men indamadim. U yana: «Qirq oymi?» — deb soʻradi, men yana indamadim. U: «Qirq yilmi?» — dedi, men tagʻin indama-dim. Janob Rasululloh gaplarida davom etib: «Keyin, Olloh taolo osmondan suv (yomgʻir) yuborur, oʻsimliklar ungani singari barcha odamlar unib chiqur. Inson oʻlgach, uning dumgʻazasidan boʻlak barcha a'zosi chirib yoʻq boʻlib ketur. Qiyomatda inson ana oʻshal dumgʻazadan qayta tarkib topdirilur»,— dedilar».

«VAN-NOZIOT» SURASI

Sahl ibn Sa'd aytadilar: «Rasululloh sallallohu alayhi va sallamni ko'rdim, ul zot o'rta va ko'rsatkich barmoqlarini ayri qilib ko'rsatib: «Men payg'ambar qilib yuborildim va menga qiyomatning mana shu barmoqlarim orasini yopgunimchalik tez fursatda bo'lib o'tmog'i ayon qilindi»,— dedilar».

«ABASA» SURASI

Oisha raziyallohu anho aytadilar: «Paygʻambar alayhissalom: «Qur'onni qiynalmay yodlab, mohirona qiroat qilgan kishi ulugʻ farishtalar birlan birga boʻlur. Qur'onni ixlos birlan, qiynalib oʻqigan kishiga ersa Olloh taolo ikki ajr berur»,— dedilar»

«VAYLUN LIL-MUTAFFIFIYNA» SURASI

Abdulloh ibn Umar raziyallohu anhu aytadilar: «Paygʻambar alayhissalom: «Odamlar olamlar parvardigorining huzurida turadirgan kuni ba'zilar qulogʻigacha oʻz badanidan chiqqan terga gʻarq boʻlur»,— dedilar».

«IZAS-SAMOUNSHAQQAT» SURASI

Olloh taoloning gavli: «Keyin, u oson xisob-kitob qilinur».

Oisha raziyallohu anho rivoyat qiladilar: «Paygʻambar alayhissalom: «Kimki Olloh taolo

xuzurida hisob kitob qilinsa, u albatta halok boʻlur», - dedilar. Men: «Yo Rasu-lalloh, meni sizga Olloh taolo fido qilsin! Axir, Olloh taolo: «Kimniki nomai a'moli oʻng qoʻliga tutqazilsa, u oson hisob-kitob qilinur» —deb aytmaganmi?» — dedim. Janob Rasululloh: «Bu hisob-kitob deyilmaydi, bu faqat bandalarning gunohlarini oʻzlariga koʻrsatib qoʻyish, xolos. Kimki qattiq hisob-kitob qilinsa, u albatta halok (holi xarob) boʻlur»,—dedilar».

«SABBIHISMA RABBIKAL-ALO»

Barro raziyallohu anhu aytadilar: «Paygʻambar. alayhissalomning ashoblari orasida Madinaga birinchi boʻlib kelganlari Mus'ab ibn Umayr va Abdulloh ibn Ummu Maktum erdilar. Ular bizga Qur'on oʻqib berardilar. Keyin, Ammor, Bilol va Sa'd keldilar. Ulardan keyin, yigirma kishi birlan Umar raziyallohu anhu keldilar, keyin ersa Paygʻambar alayhissalom keldilar. Men Madina ahlining hech kimga Janob Rasulullohga quvonganlaridek quvonganlarini koʻrmadim. Hatto bolalarning ham: «Shahrimizga Janob Rasululloh keldilar!» — deb quvonganlarini koʻrdim. Janob Rasululloh kelganlarida men «Sabbihisma rabbikal-a'lo» surasini va yana boshqa suralarni oʻqib kutib oldim».

«VASH-SHAMSI VA ZUHOHO» SURASI

Abdulloh ibn Zam'a Rasululloh sallallohu alayhi va sallamning xutbalarini eshitganlarini aytib bunday deydilar: «Rasululloh sallallohu alayhi va sallam Solih alayhissalomning tuyalari haqida gapirib, uni soʻygan kofir nomini ham tilga oldilar-da, «Shu payt tuyani soʻyish uchun Abu Zam'aga oʻxshagan qaysar, johil va baxil bir kishi oʻrnidan turdi»,—dedilar (ushbu hadisning roviysi Abdulloh ibn Zam'aning bobosi Abu Zam'a Makkadagi musulmonlarga koʻp yomonliklar qilgan mustahjinlardan biri boʻlgan, Badr janggida oʻz oʻgʻli Zam'a tomonidan oʻldirilgan). Keyin, ayollar haqida gapirib: «Orangizda shunday kishilar borki, ular kunning avvalgi qismida xotinini urib, uning ikkinchi yarmida uni quchoqlab, bir toʻshakda yotadilar»,— dedilar. Soʻng, birovning ketidan tasodifan yel chiqib keqa, undan kuluvchilar xususida soʻzlab: «Biringiz bilmay qilgan narsadan ikkinchingiz nechun kulursiz?!» — deb aytdilar».

«VAL-LAYLI» SURASI

1-bob. Olloh taoloning qavli: «Va qasamdur kunduzga, vaqtiki ul ravshan bo`lur»

Alqama raziyallohu anhu aytadilar: «Men Abdulloh ibn Mas'udning ashoblaridan bir guruhi birlan Shomga bordim.

Abu Dardo' bizning kelganimizni eshitib keldilar-da, bizga: «Ichlaringizda Qur'on o'qiydirgan qorilaringiz bormi?»—dedilar. Biz: «Ha»—deb javob berganimizdan keyin: «Qaysi biringizning qiroatingiz yaxshiroq?» — dedilar. Sheriklarim meni ko'rsatishdi. Menga: «Uqi!» — deb buyurdilar. Men: «Val-layli izo yag'sho, van-nahori izo tajallo, vaz-zakara val-unso» — deb o'qidim. Abu Dardo' mendan: «Ustozingizning og'zidan shunday deb eshitganmisiz?»—deb so'radilar. Men: «Ha»,— dedim. Abu Dardo': «Men ham Rasululloh sallallohu alayhi va sallamning og'izlaridan shunday deb eshitganman, lekin shomliklar bu qiroatni man' qilurlar»,— dedilar. (Abu Dardo' birlan Alqama oyatdagi «va-mo xalaqa» so'zini tushirib o'qir erkanlar).

2-bob. Olloh taoloning qavli: «Va qasamdur ul zotgaki, yaratdi erkak birlan ayolni»

Ibrohim rivoyat qiladilar: «Abdulloh ibn Mas'udning ashoblari Abu Dardo'ni istab Shomga kelishdi. Abu Dardo' ularning kelganini eshitib, izlab topdilar-da: «Qaysi biringiz Abdullohning uslubida qiroat qilursiz?» — dedilar. Ular: «Hammamiz» — deb javob berishdi. Soʻng, «Qaysi biringiz Qur'onni yoddan qiroat qilursiz?» — deb soʻradilar Abu Dardo'. Shunda Alqamani koʻrsatishdi. Abu Dardo': «Val-layli» surasini ustozingiz nechuk qiroat qilganlarini eshitganmisiz?» — deb Alqamadan soʻradilar. Alqama: «Vazzakara val-unso» tarzida qiroat qilurlar»,— dedilar. Abu Dardo' raziyallohu anhu «Guvohlik berurmanki, Paygʻambar alayhissalom ham shunday oʻqir erdilar, ammo shomliklar meni «Va-mo xalaqaz-zakara val-unso» tarzida oʻqimogʻimni istarlar, Olloh taolo haqi, men ularga ergashmasman!» — dedilar».

3-bob. Olloh taoloning qavli: «Ammo, ul kishiki, zakotu sadaqa berdi va taqvo qildi...»

Ali raziyallohu anhu aytadilar: «Biz Rasululloh sallallohu alayhi va sallam birlan birga «Baqiy'ul-G'arqad» qabristonida bir janozada ishtirok etdik. Rasululloh sallallohu alayhi va sallam: «Sizlardan har biringiz uchun Olloh taolo jannatda ham, do'zaxda ham joy taqdir qilib qo'ygan»,— dedilar. Sahobalar: «Unday ersa tavakkal qilib yuraveraylik-da!» — deyishdi. Janob Rasululloh. «Amal qilingizlar, barchasi muyassar bo'lgay!» — dedilarda, «Ammo, ul kishiki, zakotu sadaqa berdi va taqvo qildi va ishondi yaxshi so'zga...» («mashaqqatga duchor qilurmiz», ya'ni «lil-usro» degan so'zgacha) qiroat qildilar».

4-bob. Olloh taoloning qavli: «Ammo, ul kishiki, ishondi yaxshi soʻzga (ya'ni, tavhid kalimasiga)

Bu yerda yuqoridagi hadis takrorlangan.

5-bob. Olloh taoloning qavli: «Muyassar qilurmiz uni osonlikka»

Ali raziyallohu anhu rivoyat qiladilar: «Paygʻambar alayhissalom bir janozada boʻldilar, qoʻllariga choʻp olib yerga chizdilar-da: «Sizlardan har biringiz uchun Olloh taolo yo doʻzaxdan yoki jannatdan joy taqqir qilib qoʻygan»,— dedilar. Sahobalar: «Yo Rasulalloh, unday ersa tavakkal qilib yuravermaymizmi?» — deyishdi. Janob Rasu-lulloh: «Amal qilingizlar, barchasi muyassar boʻlgay!» — dedilar, soʻng «Ammo, ul kishiki, zakotu sadaqa berdi va taqvo qildi va ishondi yaxshi soʻzga...» deb qiroat qildilar».

6-bob. Olloh taoloning qavli: «Ammo, ul kishiki baxillik qildi va beniyozlik izhor qildi...»

Bu yerda yuqoridagi hadis takroran keltirilgan.

7-bob. Olloh taoloning qavli: «Va ul kishiki, ishonmadi yaxshi soʻzga (kalimai tavhidga)

Ali raziyallohu anhu aytadilar: «Biz «Baqiy'ul-G'arqad» qabristonida bir janozada ishtirok

qildik. Shunda Rasululloh sallallohu alayhi va sallam qoshimizga kelib oʻltirdilar, biz atroflarida oʻltirdik. Qoʻllarida aso bor erdi, u birlan yerni chiza turib: «Sizlardan har biringizning va har bir tirik jonning jannat va doʻzaxdagi joyi taqdir qilib qoʻyilgan hamda uning baxtlimi, badbaxtmi erkanligi ham bitib qoʻyilgan»,— dedilar. Bir kishi: «Ey Ollohning rasuli, unday ersa taqdirimizga tavakkal qilib amal qilmay qoʻya qolaylik-da! Chunki, qaysi birimiz ahli saodatdan boʻlsak, albatta pirovardida ahli saodatdan boʻlurmiz va qaysi birimiz ahli shaqovatdan boʻlsak, albatta pirovardida axli shaqovat amalini qilurmiz»,— dedi. Janob Rasululloh: «Kimki ahli saodatdan boʻlsa, unga ahli saodat amali muyassar qilingay va kimki ahli shaqovatdan boʻlsa, unga ahli shaqovat amali muyassar qilingay»,— dedilar, soʻng «Ammo, ul kishiki, zakotu sadaqa berdi va taqvo qildi va yaxshi soʻzga (kalimai tavhidga) ishondi ...» degan oyatni tilovat qildilar».

8-bob. Olloh taoloning qavli: «Va muyassar qilurmiz uni mashaqqatga (do'zaxga)»

Bu yerda yuqoridagi hadis takroran keltirilgan.

«VAZ-ZUHO» SURASI

Olloh taoloning qavli: «Parvardigoringiz sizni tark etgani ham yoʻq, yomon koʻrib qolgani ham yoʻq»

Jundub ibn Sufyon aytadilar: «Rasululloh sallallohu alayhi va sallam ikki yoki uch kun kasal boʻlib yotdilar. Shunda bir ayol kelib: «Ey Muhammad, men umid qilurmanki, shoyad shaytoning seni tark qilgan boʻlsa! Chunki ikki-uch kundan buyon uning senga yaqin kelganini koʻrmadim»,— dedi. Bas, Olloh taolo «Choshtgoh vaqtiga qasamki va zulmati birlan atrofni oʻrab olgan kechaga qasamki, ey Muhammad, parvardigoringiz sizni tark qilgani ham yoʻq, yomon koʻrib qolgani ham yoʻq!» degan oyatni nozil qildi».

«VAT-TIYN» SURASI

Barro raziyallohu anhu aytadilar: «Paygʻambar alayhissalom bir safarda boʻlganlarida xufton namozining bir rak'atida «Vat-tiyn» surasini qiroat qildilar».

«AL-ALAQ» SURASI

Paygʻambar alayxissalomning xotinlari Oisha raziyallohu anho rivoyat qiladilar: «Rasululloh sallallohu alayhi va sallamga birinchi boʻlib nozil boʻlgan narsa rost (chin) tushlar erdi. Janob Rasululloh tong shafagʻi yangligʻ nurafshon tushlarnigina koʻrur erdilar. Keyin, ul zot yolgʻizlikni xushlaydirgan boʻlib qoldilar. Hiroʻ gʻoriga borib bir necha kecha ibodat birlan mashgʻul boʻldilar. Buning uchun oziq-ovqat gʻamlab olardilar. Ibodatdan keyin, oilalariga qaytardilar-da, Xadicha onamizdan yeguliklar olib, yana gʻorga borardilar. Nihoyat, ul zotga haqiqat zohir boʻldi. Bir kuni Janob Rasululloh Hiroʻ gʻorida erkanliklarida qoshlariga bir farishta kelib: «Uqingiz!»—dedi. Rasululloh sallallohu alayhi va sallam: «Men oʻqiyolmayman»,— dedilar. «Shunda,— deydilar Janob Rasululloh,— farishta meni ushlab shunday qattiq qisdiki, hatto men holsizlanib qoldim. Keyin, meni boʻshatib, yana: «Uqingiz!»—dedi. Men: «Uqiyolmayman»,— dedim. U meni yana ushlab, shunday qattiq qisdiki, hatto men holsizlanib qoldim. Keyin, yana meni boʻshatib: «Uqingiz!»—dedi. Men yana: «Uqiyolmayman»,— dedim. U uchinchi bor

meni ushlab, shunday qattiq qisdiki, hatto men holsizlanib qoldim. Soʻng, u meni boʻshatib, «Ey Muhammad, butun mavjudotni yaratgan parvardigoringiz nomi birlan oʻqingiz! U insonni laxta qondan yaratdi. Uqingiz, parvardigoringiz insoniyatga qalam birlan yozishni oʻrgatgan zotdir! Ul zot insonga uning bilmaganini oʻrgatdi» degan oyatlarni oʻqidi».

Rasululloh sallallohu alayhi va sallam bul hodisadan qo'rqib, dag'-dag' titragan holda ortlariga qaytdilar-da, Xadicha onamizning oldilariga kirib: «Meni oʻrangizlar, meni o'rangizlar!»—dedilar. Janob Rasulullohni, go'rguvlari bosilguncha, o'rab go'yishdi. Keyin, Xadichaga: «Ey Xadicha, menga ne bo'layotir? Menga bir narsa bo'lib golmasaydi, deb o'zimdan qo'rkdim»—deb bo'lgan voqe'ani qapirib berdilar. Xadicha: «Qo'rgmangiz, aksincha xursand bo'lingiz, xudo haqi, Olloh taolo sizni aslo xor qilmagay, xudo haqi, siz garindoshlaringizga oqibat qilqaysiz, rost qapirqaysiz, birovlarning oq'irini yengil qilgaysiz, yoʻqsillarni toʻydirgaysiz, mehmondoʻstlik qilgaysiz, ezgulik yoʻlida sa'yu imdod aylagaysiz»,— dedilar. Soʻng, Janob Rasulullohni amakilarining oʻgʻli Varaga ibn Navfalning huzuriga olib bordilar. Varaga johiliyat zamonida nasroniy dinini gabul gilgan erdi. U arabcha xat yozishni ham bilar, Olloh taolo muyassar etganicha Injildan arabchaga ko'chirib yozar erdi. Uzi gari kishi bo'lib, ko'zi ojiz erdi. Xadicha onamiz unga: «Ey amaki, birodaringizning o'g'lining so'ziga gulog solingiz!»—dedilar. Varaga: «Ey jiyanim, nelarni koʻrdingiz?»—deb Janob Rasulullohdan soʻradi. Paygʻambar alayhissalom ko'rgan narsalarining xabarini berdilar. Varaga: «Bu Nomus (ya'ni, Hazrat Jabroil) bo'lib, Musoga ham vahiy birlan tushirilgan farishtadur. Koshkiydi, shu paytda mening yoshligim boʻlsa, koshkiydi, men hayot boʻlsam!» — dedi. Keyin, yana ba'zi qaplarni ham aytdi. Rasululloh sallallohu alayhi va sallam: «Qavmim meni haydab chiqarqaymi?»—deb so'radilar. Varaqa: «Ha, shunday. Ammo, biror kishi siz keltirgan narsa birlan (payg'ambarlik birlan) kelmagan, gar kelsa, giynogga solingan bo'lur erdi. Agar sizning kunlaringizda men tirik bo'lsam, sizga katta yordam bergan bo'lur erdim!»—dedi. Lekin, ko'p o'tmay Varaga vafot etdi. Keyin, birmuncha vaqt Janob Rasulullohga vahiy kelmay qo'ydi. Ul zot bundan qayg'ura boshladilar».

Jobir ibn Abdulloh rivoyat qiladilar: «Rasululloh sallallohu alayhi va sallam vahiyning boshlanishi haqida gapirib, bunday dedilar: «Bir payt men yurib ketayotgan erdim, osmondan bir ovozni eshitdim. Yuqoriga qarasam, roʻparamda bir farishta, ya'ni Hiroʻ gʻorida oldimga kelgan farishta osmon birlan yer oʻrtasida kursida oʻltiribdi. Undan qoʻrqib uyga qaytib keldim-da: «Meni oʻrangizlar, meni oʻrangizlar!» — dedim. Meni oʻrab qoʻyishdi. Shunda Olloh taolo «Ey oʻralib yotgan bandam, turingiz, qavmingizni ogohlantiringiz, rabbingizni ulugʻlangiz va kiyimin-gizni pok tutingiz hamda nopoklikdan yiroq boʻlingiz!» degan oyatlarni nozil qildi».

Olloh taoloning qavli: «Olloh insonni laxta qondan yaratdi»

Oisha raziyallohu anho aytadilar: «Rasululloh sallallohu alayhi va sallamga birinchi boʻlib nozil boʻlgan vahiy rost (chin) tushlar erdi. Keyin, ul zotning huzurlariga farishta kelib, «Sizni yaratgan parvardigoringizning nomi birlan oʻqingiz, u insonni laxta qondan yaratgan zotdur, oʻqingiz, ulugʻ rabbingiz insonga qalam birlan ilm oʻrgatdi» —degan oyatni vahiy qildi».

1-bob. Olloh taoloning qavli: «Rabbingiz insonga qalam birlan ilm oʻrgatgan zotdur»

Oisha raziyallohu anho aytadilar: «Rasululloh sallallohu alayhi va sallam Xadichaning oldilariga qaytib keldilar-da: «Meni oʻrangizlar, meni oʻrangizlar!» — dedilar».

2-bob. Olloh taoloning qavli: «Ioʻq, aslo, agar u bunday gumrohlikdan toʻxtamasa, qasamki, biz uni torturmiz jahannamga peshonasidan, peshonaiki yolgʻonchidur,gunohkordur»

Ibn Abbos raziyallohu anhu aytadilar: «Abu Jahl: «Agar men Muhammadning Ka'ba oldida namoz o'qiyotganini ko'rganimda bo'ynidan bosib olgay erdim!»—dedi. Bu gap Payg'ambar alayhissalomga yetganda, ul zot «Agar ul shunday qilganda, maloikalar uni mahkam ushlab olur erdilar»,— dedilar»

«LAM YAKUN» SURASI

Anas ibn Molik raziyallohu anhu aytadilar: «Paygʻambar alayhissalom Ubay ibn Ka'bga: «Olloh taolo «Ahli kitob va mushriklardan boʻlmish kofirlar, to oʻzlariga ochiq hujjat (dalil) kelmaguncha, kufrdan qaytmadilar» degan oyatni senga oʻqib bermogʻimni buyurdi»,— dedilar. Ubay ibn Ka'b: «Olloh taolo mening nomimni tilga oldimi?» — deb soʻradilar. Rasululloh sallallohu alayhi va sallam: «Ha»,— deganlaridan keyin, Ubay yigʻlab yubordilar».

Bu yerda yuqoridagi hadis takrorlangan.

«IZO ZULZILATIL-ARZU ZILZOLAHO» SURASI

Olloh taoloning qavli: «Kimki qilibdur zarra vaznicha yaxshilik, koʻrur ul uni» Abu Hurayra raziyallohu anhu aytadilar: «Rasululloh sallallohu alayhi va sallam bunday dedilar: «Otning uch xislati mavjud bo'lib, bir kishiga savob keltirgay, ikkinchi bir kishining aybini yopgay, uchinchi kishiga ersa, gunoh orttirgaydur. Otidan savob topadirgan kishi xususiga kelsak, ul o'z otini Olloh taolo yo'lida jihod qilmoq bo'lib biror yaylov yoki boqqa bogʻlab qoʻygan kishi boʻlib, otining oʻshal yerdagi oʻt-oʻlanlardan tanovul gilib xordig chiqarmog'iga imkon bergani uchun savob olgaydur, hattoki oti yechilib ketib, u yoqdan bu yoqqa yayrab shataloq oqa ham uning qoldirgan izlari va tezaklari savob keltirgaydur. Agar o'shal ot bir chashma yonidan o'tayotib undan ichayotganda egasi mone'lik gilmasa ham savob bo'lgaydur. Oti tufayli aybi (gunohi) yopiladirgan kishi shulkim, ul o'z otini tirikchilik uchun egarlab, topayotgan rizgi ro'zidan Olloh taolo yoʻlida ehson qilmoqni unutmaydi va bu birlan ba'zi bir gunohlarini yopadi. Kishi maqtanish yokim riyo yuzasidan ot saqlayotgan ersa, bu unga gunoh bo'lib yozilgaydur» Keyin, Janob Rasulullohdan eshak xususida so'rashdi, shunda ul zot: «Olloh taolo menga bul haqda «Kimki zarracha boʻlsa ham yaxshilik qilsa, ajru savob olgay va kimki zarracha bo'lsa ham yomonlik qilsa, azobga qolgay» degan oyatdan bo'lak hech narsa nozil qilmagandur», - dedilar»

1-bob Olloh taoloning qavli: «Kimki zarracha boʻlsa ham yomonlik qilsa, azobga qolgay (uning jazosini koʻrgay)»

Abu Hurayra raziyallohu anhu aytadilar: «Paygʻambar sallallohu alayhi va sallamdan eshak haqida soʻralganda, ul zot: «Menga bul haqda «Kimki zarracha boʻlsa ham yaxshilik qilsa...» degan oyat nozil boʻlgan, xolos»,— dedilar»

«INNO ATAYNOKAL-KAVSAR» SURASI

Anas raziyallohu anhu aytadilar: «Paygʻambar alayhissalom osmonga (me'rojga) chiqarilganlaridan keyin, bunday deb hikoya qildilar. «Bir daryo (suv) oldiga keldim. Uning ikki qirgʻogʻi ichi gʻovak marvariddan ishlangan. Men Hazrat Jabroildan «Bu nima» — deb soʻraganimda, ul kishi: «Bu (Havzi) Kavsar», — deb javob berdilar».

Abu Ubayda raziyallohu anhu aytadilar: «Men Oisha raziyallohu anhodan Olloh taoloning «Albatta, biz sizga Kavsarni berdik» degan qavlining ma'nosini soʻradim. Oisha onamiz «Bu Kavsar shunday bir daryoki, u paygʻambaringizga berilgan. Uning ikki qirgʻogʻi ichi gʻovak marvarid birlan bezatilgan boʻlib, atrofiga terib qoʻyilgan koʻzalar yulduzlardek jilolanur»,— dedilar».

Ibn Abbos raziyallohu anhu Kavsar haqida soʻzlab: «Bu shunday xayrki, Olloh taolo uni oʻz Rasuliga bergan»,— dedilar

Abu Bashar bunday deydilar: «Men Sa'id ibn Jubayrga «Kavsarni odamlar jannatdagi bir daryo, deb gumon qilayotirlar»,— dedim. Sa'id «Jannatdagi daryo bo'lganda ham, u shundayin xayrki, Olloh taolo uni o'z habibiga bergan»,— dedilar»

«IZO JOA NASRULLOHI» SURASI

Oisha raziyallohu anho aytadilar: «Paygʻambar alayhissalom «Agar sizga Ollohning madadi va fathi kelsa» surasi nozil boʻlgandan keyin, hamma namozlarida «Subhonaka rabbano va bihamdika, Ollohummagʻfir liy», — der erdilar» (ma'nosi «Ey rabbimiz, poklik senga xosdur, senga hamd ayturman, ey Olloh, meni magʻfirat qil»).

Oisha raziyallohu anho aytadilar: «Janob Rasulullohning odati shariflari shunday erdiki, namozlarining ruku'i va sujudlarida «Ey rabbimiz, poklik senga xosdur, senga hamd ayturman, ey Olloh, meni mag`firat qil» deb juda ko`p aytar, suradagi oyatning ma'nosini ta'vil qilar erdilar»

1-bob Olloh taoloning qavli: «Va odamlarning Ollohning diniga guruh-guruh bo'lib kirayotganlarini ko'rsangiz...»

Ibn Abbos raziyallohu anhu aytadilar: «Umar raziyallohu anhu sahobalardan «Izo joa nasrullohi val-fathu» surasidan murod nedur?» — deb soʻradilar. Hammalari «Shaharlar va qasrlarni fath etish (zabt etish)» —deb javob berishdi. Umar raziyallohu anhu «Ey Ibn Abbos, bul xususda siz ne deysiz?» — deb soʻraganlarida, ul kishi «Muhammad sallallohu alayhi va sallamga ajallarining yaqinligi ishora qilinayotir»,— dedilar»

Olloh taoloning qavli: «Parvardigoringizga qamd aytish birlan uni ulug'langiz, unga istig'for aytingiz, albatta u tavbalarni qabul qilguvchidur»

Ibn Abbos raziyallohu anhu rivoyat qiladilar: «Umar raziyallohu anhu bir kuni Badr qatnashchilari boʻlmish yoshi ulug kishilarning suhbatiga meni ham olib kirdilar. Ultirganlarning ba'zilarining dili ranjib «Mana bu bolani ne uchun bizning davramizga olib kirdingiz, bunday bolalar bizlarda ham bor erdi!» — deyishdi. Umar raziyallohu anhu

«Olib kirganimning sababi shulki, uning ilmu fazlini bir koʻrib qoʻysangizlar!» — dedilar. Keyin, Hazrat Umar bir kuni ularni oʻz uylariga taklif qildilar, men bildimki, bugun meni ularga bir koʻrsatib qoʻymoqchilar. Umar raziyallohu anhu barcha oʻltirganlarga «Izo joa nasrullohi val-fathu» surasi haqida ne deysizlar?» —deb savol berdilar. Ba'zilar «Agar nusrat topsak va biror shaharni fath qilsak, Ollohga hamd va istigfor aytishni Olloh bizga buyurur»,— deyishdi. Ba'zilar ersa, sukut saqlab biror soʻz aytishmadi Shunda, Umar raziyallohu anhu «Ey Ibn Abbos, siz ham shunday degaysizmi?»—dedilar. Menga. Men: «Yoʻq»,— dedim. Hazrat Umar: «Unday ersa, siz ne degaysiz?» — dedilar. Men: «Bu birlan Olloh taolo oʻz Rasuliga «Agar sizga Ollohning madadi va fathi kelsa, ajalingiz yaqindur, bas parvardigoringizga hamd aytish birlan uni uluglangiz, unga istigʻfor aytingiz, albatta u tavbalarni qabul qilguvchidur» — deb ma'lum qilur»,— dedim. Hazrat Umar «Men ham bu surani siz aytgandrk tushunurman»,— dedilar»

«TABBAT» SURASI

Ibn Abbos raziyallohu anhu aytadilar: «Ey Muhammad, oʻzingizga yaqin qarindoshlaringizni va ulardan oʻzingizga muxlis boʻlganlarini ogohlantiringiz!» degan oyat nozil boʻlganda Janob Rasululloh Safo togʻi ustiga chiqib: «Yo sabohohu!» — deb nido qildilar. Shunda Quraysh ahli «Bu kim boʻldi erkan?» — deb Janob Rasulullohning tevaraklariga kelib toʻplanishdi. Janob Rasululloh ularga: «Aytingizlarchi, agar men sizlarga «Mana shul togʻ ortidan dushman otliqlari chiqib, sizlarga hujum qilmoq niyatidadur» deb xabar qilsam, menga ishonursizlarmi?» — dedilar. Ular «Biz sizning yolgʻon soʻzlaganingizni sira bilmasmiz!»—deyishdi. Janob Rasululloh: «Unday ersa, men sizlarni kelgusi qattiq azobdan ogoh qilurman!» — dedilar. Shunda Abu Lahab «Qurib ketgur, shunga chaqirdingmi bizni?!» —deb qargʻab erdi, Olloh taolo «Sindi Abu Lahabning ikki qoʻli va halok boʻldi oʻzi va saqlab qololmadi uni bundan uning moli va ul narsaki, kasb qildi» degan surani nozil qildi»

Bu yerda yuqoridagi hadis takroran keltirilgan

Olloh, taoloning qavli: «Tez fursatda u alangali o'tga kirur»

Bu yerda yuqoridagi hadis qisqacha takrorlangan.

«IXLOS» SURASI

Abu Hurayra raziyallohu anhu aytadilar: «Paygʻambar alayhissalom bunday dedilar: «Olloh taolo aytadiki, «Odam farzandi meni yolgʻonchi qildi, u bunday qilmasligi kerak erdi! U meni haqorat qildi, u bunday qilmasligi kerak erdi! U oʻlganidan soʻng qayta tiriltirilmogʻiga ishonmay, meni yolgʻonchi qilur. Vaholanki, ilgari insonni yaratganim keyin uni qayta tiriltirmogʻimdan osonroq boʻlmagan. Uning meni haqorat qilganiga kslsak, u: «Ollohning bolasi bor»,— deydi. Vaholanki, men yakkayu yagoka, abadiy, tugʻmagan va tugʻulmagan hamda tengi yoʻq zotdurman!»

Bu yerda yuqoridagi hadis takrorlangan.

«FALAQ» SURASI

Ubay ibn Ka'bdan «Muavvizatayn» (ikki «Qul a'uuzu») to'grisida so'ralganda, ul kishi:

«Men ham Rasululloh sallallohu alayhi va sallamdan soʻrasam, ul zot: «Menga shunday deyildi»,— dedilar. Shundan buyon biz ham Janob Rasululloh aytganlaridek aytamiz»,— dedilar.

«AN-NOS» SURASI

Zarr ibn Hubaysh aytadilar: «Men Ubay ibn Ka'bga: «Ey Abu Munzir, birodaringiz Ibn Mas'ud («Mu'avvizatayn» haqida) shunday va shunday dedilar»,— dedim. Ubay ibn Ka'b: «Men ham Janob Rasulullohdan soʻraganimda, ul zot: «Menga shunday deyish buyurildi, men shunday dedim»,— dedilar. Shundan buyon biz ham Janob Rasululloh aytganlaridek aytamiz»,— deb javob berdilar».

QUR'ON FAZILATLARI KITOBI

1-bob. Vahiy qanday nozil bo'ldi? Dastlab nozil bo'lgan oyatlar haqida

Oisha raziyallohu anho va Ibn Abbos raziyallohu anhu rivoyat qiladilar: «Paygʻambar alayhissalomga Makkada ham oʻn yil va Madinada ham oʻn yil davomida Qur'on nozil boʻldi».

Abu Usmon raziyallohu anhu aytadilar: «Menga xabar berilishiga qaraganda, Jabroil alayhissalom Janob Rasulullohning qoshlariga keldilar. Shunda ul zotning huzurlarida Ummu Salama raziyallohu anho ham bor erdilar. Jabroil alayhissalom Janob Rasulullohga gapira boshladilar. Paygʻambar sallallohu alayhi va sallam (joʻrttaga): «Bu kishi kim?» — deb Ummu Salamadan soʻradilar. Ummu Salama: «Bu kishi Dihya (Dihyatul-Kalbiy)»,— dedilar. Hazrat Jabroil ketganlaridan soʻng, Ummu Salama: «Xudo haqi, men boyagi kishini, toki Janob Rasulullohning Hazrat Jabroil kelib ketganlari haqida xutba qilayotganlarini eshitgunimcha, Dihya deb oʻyladim»,— deydilar».

Ubay: «Bu hadisni kimdan eshitdingiz»—deb Abu Usmondan soʻrasalar, ul kishi: «Usoma ibn Zayddan eshitdim» — deb javob qilibdilar.

Abu Hurayra raziyallohu aihu aytadilar: «Paygʻambar alayhissalom: «Paygʻambarlarning hammalariga ham vahiy yuborilgandur, unga insonlar iymon keltirgandurlar. Shuningdek, Olloh taolo menga ham vahiy yuborgandur. Men umid qilurmanki, qiyomat kuni menga ergashganlarning soni ularga ergashganlardan koʻproq boʻlgay!»—dedilar».

Anas ibn Molik raziyallohu anhu aytadilar: «Olloh taolo Rasululloh sallallohu alayhi va sallamga vafotlari arafasida shul qadar ketma-ket vahiy yubordiki, uning soni butun paygʻambarlik davrlarida kelgan vahiylardan koʻproq erdi».

Jundub raziyallohu anhu bunday deb aytar erdilar: «Paygʻambar sallallohu alayhi va sallam kasal boʻlib, bir yoki ikki kecha oʻrinlaridan turmadilar. Shunda bir ayol keldi-da, (Hazrat Jabroilning kelmay qolganlariga ishora qilib) «Ey Muhammad, shaytoning seni tark qilgan koʻrinur» — deb erdi, Olloh taolo «Parvardigoringiz sizni tark qilgani ham yoʻq, yomon koʻrib qolgani ham yoʻq» degan oyatni nozil qildi»

2-bob Qur'onning Quraysh ahli tilida — arab tilida nozil qilinganligi haqida

Usmon raziyallohu anhu Zayd ibn Sobit, Sa'id ibn al-Os, Abdulloh ibn az-Zubayr va Abdurrahmon ibn al-Harsga Qur'on suralarini mushaflarga koʻchirmoqni amr qildilar va «Agar sizlar Zayd ibn Sobit birlan Qur'onning biror arabcha soʻzida ixtilof qilib qolsangizlar, (uni oʻzgartirmay) Quraysh ahli tilida yozaveringizlar, chunki Qur'on ularning tilida nozil qilingan»,— dedilar. Ular shunday qilishdi»

Safvon ibn Ya'loning xabar berishlariga qaraganda, ul kishi: «Koshkiydi, men Rasulullohga vahiy nozil bo'layotganini ko'rsam!»—deb orzu qilur erkanlar. Vaqtiyki, Rasululloh sallallohu alayhi va sallam Ji'rona degan joyda erdilar, ul zotning tepalariga soya qilsin uchun bir libos to'sib qo'yilgan erdi, yonlarida sahobalari ham bor erdilar. Shul payt o'ziga xushbo'yliklar sepib olgan bir odam kelib «Yo Rasulalloh, bir odam chakmon kiyib, ehrom bog'lasa-yu, keyin o'ziga xushbo'yliklar sepsa, bo'lurmi?» — deb

soʻradi. Paygʻambar alayhissalom bir soatcha vahiy kelmogʻini kutdilar soʻng ul zotga vahiy keldi. Shunda Umar raziyallohu anhu Yaʻloga «Kel!» —deb ishora qildilar. Yalo kelib, boshlarini Janob Rasulullohga soya qilib turgan libos ostiga kiqdilar-da, Janob Rasulullohning yuzlari qizarib ketganini koʻrdilar. Ul zot yana birmuncha vaqt xirillagan holda yotdilar, soʻng vahiydan forigʻ boʻldilar-da: «Hozirgina menga umra toʻgʻrisida savol bergan kishi qaerda?»— deb soʻradilar. Savol bergan kishi qidirib topib keltirildi, Rasululloh sallallohu alayhi va sallam unga «Uzingga sepgan xushboʻylikni uch marta yuvib tashla, soʻng chakmoningni yechgil-da, hajingga qanday ehrom boglasang, umrangga ham shunday ehrom boglagil!» — dedilar».

3-bob Qur'onning jamlanishi haqida

Zayd ibn Sobit raziyallohu anhu aytadilar: «Ahli Yamoma urushidan keyin, Abu Bakr Siddig raziyallohu anhu menga odam yubordilar. Borsam huzurlarida Umar ibn al-Xattob raziyallohu anhu o'ltiribdilar. Shunda Abu Bakr menga bunday dedilar: «Mening oldimga Umar kelib «Yamoma kuni Qur'on gorilarining ko'pi halok bo'ldi. Men go'rgamanki, boshqa janglarda ham qorilar shunday qirilib ketaversa, Qur'onni yod bilganlar qolmaydi. Istardimki, Qur'onni jam etmoqqa amr bersangiz!»—dedilar. Men Umarga «Rasululloh sallallohu alayhi va sallam qilmagan ishni men qanday qilurman?»— dedim. Hazrat Umar «Olloh haqi, bu xayrli ishdur!»—dedilar. Shu tariga Hazrat Umar menga qayta-qayta murojaat qilaverdilarki, hatto Olloh taolo mening qalbimni ham shu ishga moyil qilib qo'ydi. Men ham bu ishda Hazrat Umar ko'rgan narsani — xayriyatni ko'rdim». Keyin, Abu Bakr menga: «Siz aglli va yosh yigitdursiz, sizni hech gachon yomon ish ustida ko'rmagandurmiz. Buning ustiga siz Janob Rasulullohga nozil bo'lgan vahiylarni yozib olur erdingiz, Qur'onni jamlab yiqingiz!» — dedilar. Ollohga qasamki, agar menga bir togni o'z joyidan boshqa joyga ko'chirmoqni buyursalar, bu ish menga Qur'onni jamlamoqdan osonroq bo'lur erdi! Men ularga «Rasululloh sallallohu alayhi va sallam qilmagan ishni nechuk qilursizlar?»— dedim. Abu Bakr Siddiq raziyallohu anhu: «Ollohga qasamki,bu ish xayrlidur!»—deb qayta-qayta murojaat qilishda davom etdilarki, hatto Olloh taolo Abu Bakr va Umarning dillarini moyil gilgan narsaga mening dilimni ham moyil qilib qo'ydi. Nihoyat, men Qur'onni xurmo barglaridan, oppoq, silliq toshlardan, odamlarning dillaridan ko'chirib jamlay boshladim, hatto «Tavba» surasining oxiri — «Ey insonlar, batahqiq sizlarga oʻzlaringizdan boʻlgan sizlarning kulfatmashaqqatlaringizni koʻrib achinuvchi, sizlarning haq dinga kelishingizga haris (tashna) va barcha mo'minlarga marhamatli, mehribon bir payg'ambar keldi-ku! Ana endi ham yuz o'girsalar, u holda aytingiz «Menga Ollohning o'zi yetarlidir, boshqa hech qanday iloh yoʻq, faqat uning oʻzi bordur, men uning oʻziga suyandim. U Ulug Arsh sohibidur!» degan oyatlarni Abu Huzaymadan topdim. Undan boshqa biror kishida bu oyatlarni uchratmadim. Suhuf (suralar bitilgan sahifalar) Abu Bakr Siddigning huzurlarida saqlandi. Ul kishi vafot qilganlaridan soʻng, Umar raziyallohu anhuning huzurlarida saglandi, ul kishi vafot gilganlaridan keyin, Hafsa binti Umarning go'llarida goldi»

Anas ibn Molik raziyallohu anhu rivoyat hiladilar: «Huzayfa ibn Yamon Usmon raziyallohu anhuning huzurlariga keldilar. Ahli Shom birlan ahli Iroq Armaniston va Ozarbayjonda gazotda erdilar. Ularning qiroatidagi ixtilofdan choʻchigan Huzayfa Usmon raziyallohu anhuga: «Ey moʻminlarning amiri, bu ummatni yahudiy va nasorolar ixtilofi singari Qur'onda ixtilof qilmoqliklaridan toʻxtatib qolingiz!»—dedilar. Usmon raziyallohu anhu Hafsa raziyallohu anhoga odam yuborib: «Suhufni bizga yuboringiz, biz undan nusxa koʻpaytirib mushaflar qilurmiz, keyin oʻzini sizga qaytarurmiz!»—dedilar. Hafsa

raziyallohu anho Suhufni Usmonga yubordilar, soʻng Usmon raziyallohu anhu Zayd ibn Sobit, Abdulloh ibn Zubayr, Sa'-id ibn al-Os va Abdurrahmon ibn Harsga buyurdilar, ular Suhufdan nusxa koʻchirib mushaflar tayyorlashdi. Hazrat Usmon uchta qurayshlik kotiblarga: «Agar Qur'on soʻzlarida Zayd birlan ixtilof qilsalaringiz, (uni oʻzgartirmay) Quraysh tilida yozaveringizlar, chunki Qur'on ularning tilida nozil boʻlgandur!»—dedilar. Kotiblar shunday qilishdi, soʻng Hazrat Usmon Suhufni Hafsaga qaytarib berdilar. Keyin, Hazrat Usmon mushaflarni dunyoning toʻrt chekkasiga yuborib, Qur'on bitilgan bundan boʻlak har qanday sahifa yoki mushafni yoqib yubormoqni amr qildilar».

Ibn Shihob aytadilar: «Menga Xorija ibn Zayd ibn Sobitning xabar berishlaricha, Zayd ibn Sobit raziyallohu anhu bunday deb aytgan erkanlar: «Qur'ondan nusxa koʻchirayotgan vaqtimda «Ahzob» surasidan bir oyatni topolmadim, vaholanki uni Janob Rasululloh qiroat qilganlarida eshitgan erdim. Uni qidirib, nihoyat Huzayma ibn Sobit al-Ansoriydan topdik. Bu oyat «Moʻminlarning orasida ba'zi kishilar borki, ular Ollohga bergan va'dalariga har qachon sodiq boʻladilar» degan oyat erdi. Uni oʻz oʻrniga qoʻshib qoʻydik».

4-bob. Payg'ambar alayhissalomning kotiblari haqida

Zayd ibn Sobit aytadilar: «Abu Bakr Siddiq menga odam yuborib: «Darhaqiqat, siz Janob Rasulullohga nozil boʻlgan vahiylarni yozib olur erdingiz. Qur'onni jamlangiz!» — dedilar. Men Qur'onni yigdim, «Tavba» surasining oxirgi ikki oyatini Abu Huzayma al-Ansoriydangina topdim, boshqa biror kishidan bu oyatlarni topmadim. Ular «La-qad joakum rasuulun min anfusikum» deb boshlanadirgan oyatlardur».

Barro raziyallohu anhu aytadilar: «Barobar boʻlmaydilar jihoddan qolgan moʻminlar birlan Olloh yoʻlida jihod qiluvchilar» degan oyat nozil boʻlganda, Paygʻambar alayhissalom: «Huzurimga Zaydni chaqiringiz, lavh birlan siyoh keltirsin!»—dedilar. Keyin, menga: «Yoz!... Barobar boʻlmaydilar...»—deb vahiy soʻzlarini aytayotganlarida ul zotning orqalarida oʻltirgan koʻzi ojiz Amr ibn Ummu Maktum: «Ey Ollohning rasuli, menga gazot qilmoqni qandayin buyurgaysiz, axir men koʻzi ojiz odamman-ku?!» — dedilar. Shunda mazkur oyat oʻrniga «tana a'zolariga zarar (jarohat) yetmagan holda jihoddan qolgan moʻminlar birlan Olloh yoʻlida jihod qiluvchilar barobar boʻlmaydilar» degan oyat nozil boʻldi».

5-bob. Qur'onning yetti harf (vajh)da nozil qilinganligi haqida

Ibn Abbos raziyallohu anhu aytadilar: «Rasululloh sallallohu alayhi va sallam: «Menga Hazrat Jabroil Qur'onni bir harfda (bir uslubda) oʻqimoqni oʻrgatdilar, men murojaat qilaverganimdan keyin ersa, uni yetti harfga (uslubga) yetkazdilar»,— dedilar».

Umar ibn al-Xattob raziyallohu anhu aytadilar: «Men Hishom ibn Hakimning «Furqon» surasini oʻqiganlarini Janob Rasulullohning hayotlik davrlarida eshitgan erdim. Ul kishining qiroatlarini astoydil tinglasam, Rasululloh sallallohu alayhi va sallam menga oʻrgatmagan uslubda oʻqiyotirlar. Shunda men namozda oʻltirgan ul kishining yoqalaridan tutmoqchi boʻldim-u, ammo namozni tugatmoqlarini kutdim. Ul kishi ikki yelkalariga salom berganlaridan soʻng, yoqalaridan tutib: «Hozir men eshitgan qiroat uslubini sizga kim oʻrgatgan?» —dedim. Ul kishi bamaylixotir: «Janob Rasulullohning oʻzlari oʻrgatganlar»,— dedilar. Men: «Yolgon gapiryapsiz! Chunki, Rasululloh sallallohu

alayhi va sallam menga siz oʻqigandan boshqacha oʻrgatganlar»,— dedim-da, ul kishini yetaklab Rasululloh sallallohu alayhi va sallamning oldilariga olib bordim va: «Men bul kishining «Furqon» surasini bir oʻzgacha uslubda oʻqiganlarini eshitdimki, bu uslubni siz menga oʻrgatmagan erdingiz»,— dedim. Rasululloh sallallohu alayhi va sallam menga: «Uni qoʻyib yuboringiz!»— dedilar. Keyin, Hishomga: «Ey Hishom, oʻqingiz!»— dedilar. Hishom Janob Rasulullohga men eshitgan uslubda qiroat qilib berdilar, Rasululloh sallallohu alayhi va sallam: «Bu sura aynan shunday nozil qilingan».— dedilar. Keyin: «Ey Umar, siz ham oʻqingiz!»— dedilar. Men Janob Rasululloh menga oʻzlari oʻrgatganlaridek qiroat qildim. Rasululloh sallallohu alayhi va sallam: «Bu sura aynan shunday nozil qilingan. Darhaqiqat, Qur'on yetti harfda (uslubda) nozil qilingan, qaysi uslubda qiroat qilmoqni oson, deb bilsanqiz, oʻsha uslubda oʻqiyveringiz!»— dedilar».

6-bob. Qur'on suralarini kitob qilib olish haqida

Yusuf ibn Molik xabar beradilar: «Men mo'minlarning onasi Oisha raziyallohu anhoning huzurlarida erdim. Shunda ichkariga bir iroqlik kirib kelib: «Kafanning ganagasi yaxshiroq?» — deb so'radi. Oisha onamiz: «Eh bechora, o'lganingizdan keyin kafanning qanday bo'lmog'ining sizga hech zarari yo'q!» — dedilar. Iroqlik: «Ey mo'minlarning onasi, menga Mushafingizni koʻrsatingiz!» — dedi. «Ne uchun?» — dedilar Oisha raziyallohu anho. Iroqlik: «Shoyad, unga qarab men o'zimga Qur'on qilib olsam!» dedi. Chunki, u Qur'on suralarini tartibsiz o'qir erdi. Oisha onamiz: «Qaysi surani avval oʻqisangiz, sizga zarari yoʻqdur. Qur'onning eng avval nozil boʻlgan suralari uzun suralar bo'lib, unda jannat va do'zax haqida zikr qilinur. Islomga kirganlar soni ko'paygandan keyin ersa, harom va halol haqida oyatlar nozil boʻldi. Agar «Aroq ichmangizlar!» degan oyat birinchi bo'lib nozil bo'lganda, odamlar: «Biz arogni mutlago tark gilmaymiz!» degan bo'lur erdilar. Agar «Zino qilmangizlar!» degan oyat birinchi bo'lib nozil bo'lganda, odamlar: «Biz zinoni mutlaqo tark qilolmaymiz!»— derdilar. Muhammad alayhissalomga Makkada (u vaqtda men yosh qizaloq erdim) «Qiyomat ular birlan va'dalashgan joyimiz bo'lib, u nihoyatda dahshatlidur» degan oyat nozil bo'ldi. «Bagara» va «Niso» suralari nozil boʻlganda ersa, men Janob Rasulullohning nikohlarida erdim»,— dedilar. Keyin, Oisha raziyallohu anho Mushafni olib chiqib, suralar tartibini iroqlikka aniqlab berdilar».

Ibn Mas'ud raziyallohu anhu aytadilar: «Darhaqiqat, «Bani Isroil», «Kahf», «Maryam», «Toho» va «Anbiyo» suralari dastlab nozil boʻlgan suralar boʻlib, ularni Qur'ondan oʻrganib olganimga ancha boʻlgan».

Barro raziyallohu anhu aytadilar: «Men «Sabbihisma rabbikal-a'lo» surasini Janob Rasulullohning Madinaga kelmaslaridan avval yodlagan erdim».

Shaqiq raziyallohu anhu aytadilar: «Abdulloh: «Men Rasululloh sallallohu alayhi va sallam har bir rak'atda juft-juft oʻqiydirgan suralarni bilib olganman»,— dedilar. Keyin, Abdulloh chiqib ketdilar-da, Alqama birlan qaytib kirdilar. Alqama chiqib ketgach, Abdullohdan «nazira» (oʻxshash) suralar haqida soʻradik. Ul kishi: «Ibn Mas'udning ta'liflariga koʻra, Qur'onning boshlanishidan yigirma sura, ularning oxirgisi — «Havomim»dur»,— dedilar».

7-bob. Jabroil alayhissalomning Rasululloh sollallohu alayhi va sallamdan Qur'onni imtihon qilib turganlari haqida

Oisha raziyalloohu anho Fotima raziyallohu anhodan naql qiladilarki, Paygʻambar alayhissalom: «Darhaqiqat, Hazrat Jabroil har yili mendan Qur'onni bir bor imtihon qilur erdilar, bu yil ersa ikki bor imtihon qildilar, bundan bilurmanki, ajalim yaqindur»,— dedilar».

Ibn Abbos raziyallohu anhu aytadilar: «Paygʻambar alayhissalom eng saxovatli odam erdilar. Ramazon oyida ersa, yanada saxovatlari ortar erdi, chunki Jabroil alayhissalom Ramazon oyining har kechasida ul zot birlan uchrashib, Qur'onni imtihon qilur erdilar. Janob Rasululloh Hazrat Jabroil birlan uchrashgan kunlari yomgʻir keltiruvchi shamoldan ham saxovatliroq boʻlib ketur erdilar».

Abu Hurayra raziyallohu anhu aytadilar: «Har yili Janob Rasulullohdan Qur'on bir bor imtihon qilinur erdi, vafot qilgan yillari ersa ikki bor imtihon qilindilar. Rasululloh sallallohu alayhi va sallam har yili oʻn kun e'tikofda oʻltirur erdilar, vafot etadirgan yillari ersa yigirma kun e'tikofda oʻltirdilar».

8-bob. Payg'ambar alayhissalomning qori sahobalari haqida

Abdulloh; ibn Mas'ud raziyallohu anhu aytadilar: «Men Payg'ambar sallallohu alayhi va sallamning «Qur'onni to'rt kishidan — Abdulloh ibn Mas'ud, Solim, Muoz va Ubay ibn Ka'bdan olingizlar (o'rganingizlar)!» deb aytganlarini eshitganman. Shu gap menga hanuz xush yoqadi!»

Shaqiq ibn Salama aytadilar: «Abdulloh ibn Mas'ud raziyallohu anhu bizga xutba qilib: «Xudo haqi, men Janob Rasulullohning ogʻizlaridan yetmishdan ortiq sura oʻrgan-dim, xudo haqi, Janob Rasulullohning sahobalari meni Ollohning Kitobini koʻproq biluvchi, deb hisoblaydilar, vaholanki men ulardan yaxshiroq ermasman!» — dedilar. Men: «Odamlar Abdullohning bu gaplariga ne deyishar erkan?» — deb poyladim, lekin ul kishining gaplarini qaytarguvchini koʻrmadim».

Alqama aytadilar: «Biz Himsda erdik. Ibn Mas'ud raziyallohu anhu «Yusuf» surasini qiroat qildilar. Bir odam: «Bu sura bunday nozil qilingan ermas»,— dedi. Ibn Mas'ud: «Men buni Janob Rasulullohga o'qib berganimda, ul zot: «Juda chiroyli o'qidingiz!» — deb aytganlar»,— dedilar. Birdan haligi odamdan aroq hidi keldi. Shunda Ibn Mas'ud: «Sen Ollohning Kitobini yolg'onga chiqarish birlan birga aroq ham ichayotirsanmi?!» — deb unga hadd (darra) urdirdilar».

Abdulloh raziyallohu anhu aytadilar: «Ibodatga loyiq zot boʻlmish oʻzi tanho Olloh haqi! Ollohning Kitobidan qaysi sura nozil kilingan boʻlsa, men uning qaerda nozil qilinganini hamda qaysi oyat nozil qilingan boʻlsa, men uning ne haqda nozil qilinganini bilurman. Agar biror kishining Ollohning kalomini mendan yaxshiroq biluvchi erkanini bilsam, uning oldiga, u tuyada boradirgan joyda boʻlsa ham, borur erdim!».

Qatoda aytadilar: «Men Anas ibn Molikdan. «Qur'onni kim jam qilgan?»—deb soʻradim. Anas: «Toʻrt kishi, hammalari ham ansorlardan boʻlib, ular — Ubay ibn Ka'b, Muoz ibn Jabal, Zayd ibn Sobit va Abu Zayd»,— dedilar».

Anas raziyallohu anhu aytadilar: «Paygʻambar alayhissalom vafot etdilar hamki, Qur'onni toʻrt kishidan boʻlak odam jam qilmadi, ular Abu Dardoʻ, Muoz ibn Jabal, Zayd ibn Sobit

va Abu Zayd. Biz Abu Zaydga Qur'on xususida merosxo'r bo'ldik».

Ibn Abbos raziyallohu anhu rivoyat qiladilar: «Umar raziyallohu anhu «Bizga Ubay qiroat qilmoqni oʻrgatur erdilar, biz ersak ul kishining qiroat yoʻllaridan boʻlakcha oʻqir erdik. Shunda ul kishi. «Men Qur'onni Janob Rasulullohning ogʻizlaridan oʻrganganman, uni hech narsa evaziga tark qilmasman, Olloh taolo «Qaysi oyatni mansux qilsak yoki uni sizga unutdirsak, undan yaxshirogʻini yoki uning oʻxshashini ato qilurmiz!» deb aytgan».

9-bob QUR'ON OCHQICHI

Abu Sa'id al-Xudriy raziyallohu anhu aytadilar: «Biz safarda erdik. Bir joyda dam olish uchun toʻxtadik. Shunda bir qizcha kelib: «Mahallamiz sqsoqolini gazanda chaqib oldi, unga yordam qiladirgan hech kim yoʻq, orangizda biror duoxon bormi?» — dedi. Qizchaning gapini eshitib bir odam oʻrnidan turdi, ammo uning duoxonlik qilganini hech koʻrmagan erdik. U borib bemorga duo oʻqigan erdi, shifo topdi. Tuzalgan bemor xursand boʻlib unga oʻttizta qoʻy berdi, sut birlan bizni mehmon qildi. Sherigimiz qaytib kelgandan keyin: «Ilgari ham duoxonlikk qilur erdingizmi yoki endi duoxon boʻlib qoldingizmi?»—dedik. Ul kishi: «Yoʻq, men «Ummul-Kitob» («Fotiha» surasi) birlan davoladim»,— dedi. Biz bir-birimizga: «Bul haqqa gapirmaylik, yaxshisi Janob Rasulullohdan soʻraylik!»— dedik. Madinaga qaytganimizdan keyin, voqeani Paygʻambarimizga soʻzladik. Rasululloh sallallohu alayhi va sallam: «Fotiha» surasining shifo erkanligini unga kim oʻrgatdi erkan? Qoʻylarni taqsim qilingizlarda, mening ulushimni ham beringizlar!» — dedilar».

«BAQARA» SURASINING FAZILATI

Abu Mas'ud raziyallohu anhu aytadilar: «Payg'ambar alayhissalom: «Kimki kechqurur! «Baqara» surasining oxirgi ikki oyatini o'qisa, unga kifoya qilur (ya'ni, balo-ofatlardan himoya qilur)»,— dedilar».

Abu Hurayra raziyallohu anhu aytadilar: «Rasululloh sallallohu alayhi va sallam meni ramazon zakotini yigʻishga vakil qildilar. Bir odam kelib, oziq-ovqatlardan ola boshladi. Men uni ushladim-da: «Seni Janob Rasulullohning huzurlariga eltaman»,— dedim. U menga: «Kechqurun oʻrningga yotganingda «Oyatal-Kursiyni» oʻqigil, Olloh yuborgan bir qoʻriqchi doim sen birlan birga boʻlur, tonggacha senga shayton ham yaqinlashmas»,— dedi. Paygʻambar alayhissalom: «Ul rost aytibdi, ammo ul kazzob shayton erdi»,— dedilar».

1-bob. «Kahf» surasining fazilati

Barro raziyallohu anhu aytadilar: «Bir odam «Kahf» surasini oʻqur erdi, yonida oti bogʻliq turur erdi. nogahon, oʻshal odamni bir bulut qurshab ola boshladi. Buni koʻrib ot bezovta boʻldi. Boyagi odam tong otganda Janob Rasulullohning huzurlariga keldi-da, voqe'ani baen qildi. Janob Rasululloh: «Bu sakiynat (xotirjamlik farishtasi) boʻlib, Qur'on qiroati sababidan tushgan»,— dedilar».

2-bob. «Fath» surasining fazilati

Zayd ibn Aslam otalaridan nahl qilib aytadilar: «Rasululloh sallallohu alayhi va sallam bir

safarda erdilar. Umar ibn al-Xattob raziyallohu anhu ul zot birlan birga ketaturib bir savol soʻradilar. Janob Rasululloh javob qilmadilar. Hazrat Umar yana soʻradilar, ul zot yana javob qilmadilar. Hazrat Umar yana soʻradilar, ul zot yana javob qilmadilar. Umar raziyallohu anhu: «Onang sendan ajrab qolgur, Janob Rasulullohdan uch marta savol soʻrading, ul zot senga javob bermadilar»,— dedilar-da, tuyalarini choptirib odamlardan ilgarilab ketdilar. «Mening haqimda Qur'on (oyat) nozil boʻlib qolmasa erdi, deb xavotirlandim,— deydilar Hazrat Umar,— koʻp oʻtmay bir kishining meni chaqirganini eshitib qoldim. Shunda oʻzimga-oʻzim: «Aytdim-a, mening haqimda oyat nozil boʻlib qolmasa erdi, deb»,— dedim-da, Rasulullohning oldilariga keldim. Rasululloh sallallohu alayhi va sallam menga: «Bul kecha menga bir sura nozil qilindi, bu sura men uchun quyosh charaqlab turgan butun olamdan ham mahbubroqdur!»— dedilar, keyin «Inno fatahno laka fatham mubiyno» surasini oʻqidilar».

3-bob. «Qul huvallohu ahad»ning fazilati

Abu Sa'id al-Xudriy raziyallohu anhu aytadilar: «Bir odam bir kishining «Qul huvallohu ahad»ni takror o'qiyotganini eshitib, tong otganda Janob Rasulullohning oldilariga bordida: «Falonchi odam «Qul huvallohu ahad»ni amali oz hisoblab, takror o'qiyotir»,- dedi. Rasululloh sallallohu alayhi va sallam «Mening jonim qo'lida bo'lgan zot haqi, «Qul huvallohu ahad» surasi Qur'onning uchdan bir qismiga tengdir!»— dedilar»

Bu yerda yuqoridagi hadis takrorlangan.

Abu Sa'id al-Xudriy raziyallohu anhu ashyaae)sh7ar.ch<Payg`ambar alayhissalom ashoblariga: «Bir kechada Qur'onning uchdan bir qismini oʻqimogʻingiz qiyin boʻlurmi?» — dedilar. Sahobalarga bu mashaqqatli koʻrinib: «Ey Ollohning rasuli, bunga birortamizning qudratimiz yetgaymi?» — deyishdi. Rasululloh sallallohu alayhi va sallam «Olloh yagona va abadiy» degan sura Qur'onning uchdach biridur»,— dedilar».

4-bob. Ikki «Qul a'uuzu» surasining fazli

Oisha raziyallohu anho rivoyat qiladilar: «Rasululloh sallallohu alayhi va sallam, agar kasal boʻlsalar, ikki «Qul a'uuzu» surasini oʻqib, oʻzlariga dam solur erdilar, ogʻriqlari kuchayganda ersa, men oʻzim oʻqir erdim-da, barakoti tegsin, deb ul zotning qoʻllari birlan badanlarini silar erdim»

Oisha raziyallohu anho rivoyat qiladilarki, Paygʻambar sallallohu alayhi va sallam har kecha toʻshakka yotayotganlarida «Qul huvallohu ahad» birlan ikki «Qul a'uuzu»ni oʻqib, kaftlariga dam urardilar, keyin ikki kaftlari birlan badanlarining qoʻllari yetgan joyigacha silar erdilar, silashni boshlari va yuzlaridan boshlab, koʻkraklariga qadar davom ettirar erdilar, buni uch bor takrorlar erdilar».

5-bob Qur'on o'qilganda (osmondan) sakiynat va maloikalarning tushishlari

Muuammad ibn Ibrohim aytadilar: «Usayd ibn Hazir kechasi «Baqara» surasini oʻqiyotgan erdilar, yonlarida otlari bogʻliq turar erdi, birdan ot bezovta boʻla boshladi. Ul kishi oʻqishdan toʻxtagan erdilar, ot ham tinchlandi, keyin oʻqishni davom ettirgan erdilar, ot yana bezovtalana boshladi. Ul kishi shul tariqa uch bor oʻqib, uch bor oʻqishdan toʻxtadilar Har safar oʻqiganlarida ot bezovtalanar va har safar oʻqishdan

toʻxtaganlarida tinchlanar erdi. Shunda ul kishi oʻrinlaridan turib, otning yoniga bordilar Ot bogʻlangan joy yaqinida Yahyo ismli oʻgʻillari uxlab yotgan boʻlib, unga ot shikast yetkazmasaydi, deb xavotir oldilar. Nogahon, osmonga qaragan erdilar, uni bir narsa qoplab turganini koʻrdilar. Tong otgach, Janob Rasulullohning huzurlariga borib, boʻlgan voqeani aytib berdilar. Janob Rasululloh «Ey Ibn Hazir, oʻqiyveringiz, ey Ibn Hazir, oʻqiyveringiz!»— dedilar. Usayd ibn Hazir «Yo Rasulalloh, oʻgʻlim Yahyo ot bogʻliq turgan joy yaqinida uxlab yotgan erdi, uni ot bosib olmasaydi, deb qoʻrqdim. Oldiga borgach, osmonga qarasam, bir bulut yangligʻ narsa turibdi, uning chiroqdek charaqlagan narsalari ham bor. Darhol, tashqariga chiqdim, lekin uni boshqa koʻrmadim»,—dedilar Janob Rasululloh «Bildingizmi, u ne erkan »—dedilar Usayd «Yoʻq»,— dedilar Janob. Rasululloh «Ushal narsa farishtalar boʻlib, qiroatingizni eshitib, sizga yaqin kelganlar. Agar siz Qurʻonni oʻqiyverganingizda, tong otib qolib, odamlar ham ularni koʻrib olgan boʻlur erdilar, ular odamlar nigohidan berkinmas erdilar»,— dedilar»

6-bob «Janob Rasulullohdan faqat ikki muqova orasidagi narsagina, ya'ni Qur'oni Karim qolgandur»,— degan kishi haqida

Ibn Abbos raziyallohu anhuning aytishlariga qaraganda, «Shaddod ibn Mu'aqqal ul kishidan «Payg'ambar alayhissalom oʻzlaridan soʻng biror narsa qoldirganlarmi?»— deb soʻrabdilar. Ibn Abbos raziyallohu anhu «Ikki muqova orasidagi narsa, ya'ni Qur'ondan boʻlak hech narsa qoldirmaganlar»,— debdilar. Shaddod «Biz Muhammad ibn Hanafiyya huzurlariga kirib shu savolni berganimizda ul kishi ham «Rasululloh sallallohu alayhi va sallam ikki muqova orasidagi narsadan boʻlak hech narsa qoldirmaganlar» — deb javob berdilar»,— deydilar»

7-bob Qur'onning boshqa kalomlardan afzalligi haqida

Abu Muso al-Ash'ariy aytadilar: «Paygʻambar alayhissalom bunday dedilar: «Qur'on qiroat qiluvchi kishining utruja (rangi chiroyli, lazzatli, xushboʻy meva) yangligʻ mazasi ham, hidi ham yaxshi. Qur'on oʻqimaydirgan kishi ersa, xurmoga oʻxshash mazasi shirin, lekin hidi yoʻq oʻzi fojir, lekin Qur'on oʻqiydirgan kishi rayhon kabi xushboʻy, ammo mazasi achchiq Uzi fojir va buning ustiga Qur'on oʻqimaydirgan kishi ithamakka oʻxshaydi, uning hidi ham yoʻq, mazasi ham achchiq»

Ibn Umar raziyallohu anhu aytadilar: «Paygʻambar alayhissalom bunday dedilar: «Utgan ummatlarning Olloh taologa ibodat qilgan davriga qaraganda sizlarning davringiz asr namozi birlan shom namozi oʻrtasicha muddatdur. Sizlarni va yahudiylar birlan nasorolarni oʻzaro taqqoslaydirgan boʻlsak, bu shunga oʻxshaydiki, bir odam: « Kim kunning yarmiga qadar bir qiyrot-bir qiyrot haq uchun menga ishlab bergay?»—deb oʻziga xizmatchilar yolladi. Yahudiylar ana shuncha muddat Olloh taologa ibodat qildilar. Keyin u «Kim kunning yarmidan asrgacha menga ishlab bergay?» - dedi. Nasorolar ana shuncha muddat Olloh taologa ibodat qildilar. Keyin sizlar asrdan to shomgacha ikki qiyrot-ikki qiyrot haq uchun ishlaisizlar. Shunda ular: « Biz koʻp ishladik ammo haqni oz oldik»,— deyishgay. U: «Men sizlarga zulm qildimmi?»—degay. Ular «Yoʻq»,— degaylar. U Bu mening fazlim, uni oʻzim xohlagan kishiga ato etgayman!»—degay»

8-bob. Ollohning Kitobi vasiyat qilib qoldirilgani haqida

Talha raziyallohu anhu aytadilar: « Men Abdulloh ibn Abu Avfodan «Paygʻambar

alayhissalom vasiyat qildilarmi? deb soʻradim. Ul kishi «yoʻq» — dedilar. Men: «Unday ersa odamlarga bajarmoqlik buyurilgan vasiyat qanday yozildi, axir Rasululloh sallallohu alayhi va sallam vasiyat qilmabdilar-ku'»—dedim. Abdulloh «Rasululloh sallallohu alayhi va sallam Ollohning Kitobini vasiyat qilib qoldirdilar» — dedilar»

9-bob. Qur'onni tajvid birla o'qimoq haqida

Olloh taoloning qavli: «Axir, biz sizga nozil qilgan va ularga (har vaqt) tilovat qilinayotgan bu Kitob ularga kifoya qilmaydimi?!»

Abu Hurayra raziyallohu anhu aytadilar: «Rasululloh sallallohu alayhi va sallam «Olloh taolo hech narsaga Paygʻambar sallallohu alayhi va sallamning tajvid birla qilgan qiroatlariga quloq solganchalik quloq solmagan»,— dedilar»

Abu Hurayra raziyallohu anhudan nakl qilinadiki, «Paygʻambar alayhissalom «Olloh taolo hech bir narsani Paygʻambar sallallohu alayhi va sallamning tajvid birla qilgan qiroatlarini eshitganchalik eshitmagan»,— dedilar»

10-bob Quron o'quvchiga hasad qilmoq haqida

Abdulloh ibn Umar raziyallohu anhu aytadilar: «Men Rasululloh sallallohu alayhi va sallamning bunday deganlarini eshitganman: «Hasad qilish mumkin ermas, ammo ikki kishiga hasad qilsa boʻlur ulardan biri — agar Olloh taolo bir kishiga Qur'on ato etgan boʻlsa-yu, u kechayu kunduz Qur'on tilovati birlan mashgʻul boʻlsa, ikkinchisi — bir odamki, Olloh taolo unga halol mol bergan boʻlsa-yu, u kecha-yu kunduz uni sadaqa qilib turgan boʻlsa»

Bu yerda yuqoridagi hadis takrorlangan

11-bob. «Orangizdagi yaxshi kishilar — Qur'onni oʻrganib, uni boshqalarga ham oʻrgatuvchilardur»

Usmon raziyallohu anhu rivoyat qiladilar: «Paygʻambar alayhissalom «Sizlarning orangizdagi yaxshilaringiz — Qur'onni oʻrganib, uni boshqalarga ham oʻrgatuvchilardur» — dedilar»

Usmon ibn Affon raziyallohu anhu aytadilar: «Paygʻambar sallallohu alayhi va sallam «Darhaqiqat, sizlarning fazlda ulugʻroqlaringiz — Qur'onni oʻrganib, uni boshqaga ham oʻrgatuvchingizdur!» — dedilar»

Sahl ibn Sa'd aytadilar: «Bir xotin Janob Rasulullohning huzurlariga kelib, oʻzini Olloh taolo yoʻlida uning paygʻambari uchun tortiq qilganini aytdi. Rasululloh sallallohu alayhi va sallam «Mening xotinlarga hojatim yoʻq»,— dedilar. Shunda bir sahobiy «Ey Ollohning rasuli bu ayolni menga nikohlab beringiz!» — dedilar. Rasululloh sallallohu alayhi va sallam «Unday ersa, ayolga mahr ber!» — dedilar. Sahobiy «Mahr topolmagayman»,— dedilar. Janob Rasululloh «Bir temir uzuk boʻlsa ham una ber!» — dedilar. Sahobiy xafa boʻlib jim qoldilar. Rasululloh sallallohu alayhi va sallam «Qur'ondan nelarni bilursan?» — deb soʻradilar. Sahobiy «Falon va falon suralarni» — deb aytdilar. Janob Rasululloh «Men bu ayolni oʻshal oʻzing bilgan Qur'on evaziga senga nikohlab qoʻydim»,— dedilar»

12-bob Qur'onni yoddan o'qimoq haqida

Saul ibn Sa'd aytadilar: «Bir ayol kelib Janob Rasulullohga «Ey Ollohning rasuli, men sizga oʻzimni hadya qildim!» — dedi. Janob Rasululloh unga boshdan-oyog bir garab chiqdilar-da, boshlarini quyi egdilar. Ayol o'zi haqida ul zotning bir qarorga kelmaganlarini ko'rib, o'ltirdi. Janob Rasulullohning ashoblaridan biri turib «Ey Ollohning rasuli, agar sizning bu ayolga hojatingiz boʻlmasa, uni menga nikohlab goʻyingiz!» dedilar. Rasululloh sallallohu alayhi va sallam undan «Mahrga biror narsang bormi?» deb soʻradilar. Sahobiy «Xudo haqi, yuq!»— dedilar. Janob Rasululloh ul kishiga «Uyga borib gara-chi, ehtimol biror narsa toparsan!» — dedilar. Sahobiy ketib, yana qaytib keldilar-da: «Xudo haqi, yo Rasulalloh, hech narsa topolmadim!» — dedilar. Janob Rasululloh yana «Qara-chi, temirdan yasalgan uzuk bo'lsa ham, mayli!» — dedilar. Sahobiy yana uyga borib, qaytib keldilar-da: «Ey Ollohning rasuli! Temir uzuk ham yoʻq erkan, lekin mana bu ishtonim bor»,—dedilar. Bechora sahobiyning ustlarida hatto ko'ylaklari ham bo'lmay, birgina ishtonlarining yarmini ayolga mahr uchun bermoqchi boʻldilar. Janob Rasululloh «İshtoningni qanday mahrga berasan? Agar uni sen kiysang, ayolga va agar ayol kiysa, senga hech vaqo qolmaydi-ku|»— dedilar. Sahobiy uzoq oʻltirib goldilar. Keyin, oʻrinlaridan turdilar. Rasululloh sallallohu alayhi va sallam ko'rdilarki, sahobiy ketayotirlar, ul kishini darhol chaqirtirib: «Qur'ondan qancha sura bilursan?»—deb soʻradilar. Sahobiy «Qur'onning falon va falon surasini bilurman» — deb oʻzlari bilgan suralarni sanab berdilar. «Ularni yoddan qiroat qila olursanmi?» — dedilar. Janob Rasululloh Sahobiy «Ha»,— deganlaridan keyin, ul zot «Bor, oʻzing bilgan Qur'on evaziga seni bu ayolga ega gildim! — dedilar».

13-bob Qur'onni yodlagan kishining uni takrorlab, mustahkamlab turmog'i lozimligi haqida

Ibn Umar raziyallohu anhu aytadilar: «Rasululloh sallallohu alayhi va sallam bunday dedilar: «Sohibi Qur'on (hofizi Qur'on) boglab qo'yilgan tuyaning egasiga o'xshaydi. Agar u uni bog'liqda saqlab ehtiyotlasa, olib qolgay, bo'shatib yuborsa, ketib qolgay»

Abdulloh aytadilar: «Paygʻambar alayhissalom bunday dedilar: «Kishining «Men mana bu va mana bu oyatni esdan chiqardim» deb aytmogʻi naqadar baxqizlikdur. Qur'onni hech kim oʻzicha esidan chiqarmagay, balki esidan chiqartiriladi. Qur'onni doim takrorlab turingizlar, chunki uning odamlar dilidan chiqib ketishi shoʻx tuyadan ham tezroqqur!»

Abu Muso razilllohu anhu aytadilar: «Paygʻambar sallallohu alayhi va sallam: «Qur'onni takrorlab turingizlar, chunki u, mening jonim qoʻlida boʻlgan zot haqi, bogʻliq tuyadan ham qochuvchanroqdur!» — dedilar».

14-bob. Ulov minib turib Qur'on qiroat qilmoq haqida

Abdulloh ibn Mugaffal: «Men Makka fathi kuni Janob Rasulullohning tuyalarida oʻltirib «Fath» surasini qiroat qilganlarini koʻrdim»,— deydilar».

15-bob. Bolalarga Qur'onni o'rgatmoq haqida

Sa'id ibn Jubayr: «Sizlar «mufassal» deb ataydirgan suralarning hammasi «muhkam»

suralardur»,— dedilar. Ibn Abbos: «Rasululloh sallallohu alayhi va sallam vafot etgan paytlarda men o'n yashar bola bo'lib, «muhkam» suralarni yod olgan erdim»,— dedilar».

Ibn Abbos: «Men «muhkam» suralarni jamladim»,— dedilar. Sa'id: «Muhkam nedur?» — dedilar. Ibn Abbos: «Muhkam — mufassal, ya'ni batafsil suralardur»,— dedilar.

16-bob. Qur'onni yoddan chiqarmoq haqida, «Men falon va falon oyatlarni yodimdan chiqardim» — deb aytish mumkinmi?

Olloh taoloning qavli: **«Biz sizni qiroat qildirurmiz. Bas, siz Ollohning o'zi unutishingizni xohlagan oyatlardan boshqasini unutmagaysiz»**

Oisha raziyallohu anho aytadilar: «Paygʻambar sallallohu alayhi va sallam masjidda bir kishining qiroat qilayotganini eshitib: «Uni Olloh taolo yarlaqasin, u falon suradagi falon oyatni mening yodimga solib qoʻydi»,—dedilar».

Oisha raziyallohu anho rivoyat qiladilar: «Rasululloh sallallohu alayhi va sallam kechasi bir kishining bir surani oʻqiyotganini eshitib: «Uni Olloh taolo yarlaqasin, u falon suradagi falon oyatni esimga soldi, bu oyat mening esimdan chiqartirilgan erdi»,— dedilar».

Abdulloh aytadilar: «Paygʻambar alayhissalom: «Kishining «Men falon va falon oyatni esdan chiqardim» deb aytmogʻi naqadar baxqizlikdur. Qur'on oʻzicha esdan chiqmagay, balki unuttirilgay»,— dedilar».

Abdulloh aytadilar: «Paygʻambar alayhissalom: «Kishining «Men falon va falon oyatni esdan chiqardim» deb aytmogʻi naqadar baxqizlikdur. Qur'on oʻzicha esdan chiqmay, balki unuttirilgay»,— dedilar».

17-bob. «Baqara» yoki falon va falon sura deb aytilsa, gunoh sanalmasligi haqida

Abu Mas'ud al-Ansoriy aytadilar: «Payg'ambar alayhissalom: «Baqara» surasining oxirida ikki oyat bor bo'lib, kimki ularni kechasi o'qisa, unga kifoya qilgay»,— dedilar».

Umar ibn al-Xattob raziyallohu anhu rivoyat qiladilar: «Men Hishom ibn Hakimning «Furqon» surasini Janob Rasululloh oʻrgatmagan uslubda oʻqiganini eshitdim. Namozda boshiga chang solishdan oʻzimni tiydim. Namozni oʻqib boʻlguncha sabr qildim, keyin libosini boshiga oʻrab ushladim-da, unga: «Hozir sen oʻqigan surani senga kim oʻrgatdi?»—dedim. Hishom: «Menga buni Rasululloh sallallohu alayhi va sallam oʻrgatganlar»,— dedi. Men unga: «Yolgʻon gapirayotirsan, xudo haqi, bu surani menga Rasululloh sallallohu alayhi va sallam boshqacha oʻrgatganlar!» — dedim. Uni yetaklab Janob Rasulullohning oldilariga keldim. «Ey Ollohning rasuli, manavi «Furqon» surasini siz menga oʻrgatgandan boshqa uslubda oʻqiyotir. Bu surani siz menga oʻrgatgan erdingiz»,— dedim. Rasululloh sallallohu alayhi va sallam: «Ey Hishom, oʻsha surani oʻqi!» — dedilar. Hishom oʻsha men eshitgan uslubda oʻqidi. Rasululloh sallallohu alayhi va sallam: «Xuddi shunday nozil qilingan»,— dedilar. Keyin, menga: «Ey Umar, siz ham oʻsha surani oʻqingiz!»—deb buyurdilar. Men Janob Rasululloh menga oʻrgatganlaridek qiroat qildim. Rasululloh sallallohu alayhi va sallam: «Xuddi shunday nozil qilingan. Darhaqiqat, Qurʻon yetti harfda (etti uslubda qiroat qiladirgan qilib) nozil qilingan. Bas,

qaysinisi oʻzingizga oson boʻlsa, oʻsha uslubda oʻqingiz!» — dedilar».

Oisha raziyallohu anho aytadilar: «Rasululloh sallallohu alayhi va sallam kechasi masjidda bir qorining Qur'on o'qiyotganini eshitib: «Uni Olloh taolo yarlaqasin, u falon suradagi falon oyatni esimga soldi, men uni tushirib qoldirar erkanman»,— dedilar».

18-bob. Qiroatda tajvidga rioya qilmoq lozimligi, Olloh taoloning «Qur'onni tajvid qoidasi birlan o'qingiz!» va «Sizning Qur'onni odamlarga astasekin o'qib bermog'ingiz uchun biz uni bo'lib-bo'lib nozil qildik» degan qavllari hamda Qur'onni she'r singari bo'lib-bo'lib o'qishning makruhligi haqida

Abdulloh ibn Mas'uddan naql kilinadi: «Bir kishi: «Men o'tgan kecha «mufassal»ni o'qib chiqdim»,— dedi. Abdulloh unga: «She'r singari o'qigansan. Biz haqiqiy qiroatni eshitganmiz. Men Qur'ondagi «nazira» suralarni Janob Rasulullohning o'zlaridan o'rganib yodlaganman. Ularning o'n sakkiztasi «mufassal» va ikkitasi «ho-mim» jumlasiga kiruvchi suralardur»,— dedilar».

Ibn Abbos raziyallohu anhu «Lo tuharrik bihi lisonaka» oyati haqida bunday deb rivoyat qiladilar: «Qachon Hazrat Jabroil vahiy keltirsalar, Janob Rasululloh tillari va ikki lablarini harakatlantirar erdilar, buning ul zotga mashaqqatli erkanligi shundoqqina sezilib turardi. Bas, Olloh taolo «Lo uqsimu» surasidagi «yodlab olishga oshiqib vahiy soʻzlarini takrorlab tilingizni harakatlantirmangiz, Qur'onni dilingizga jo qilish, uni tilingizda oʻqitish bizning zimmamizdadur» ya'ni, «Vahiyni qalbingizga joylash va uni oʻqitish bizning zimmamizdadur, qachon biz Jabroil tili orqali oʻqib boʻlsak, shundagina siz unga ergashingiz, agar biz vahiy nozil qilsak, avval uni eshitingiz, - keyin uni sizning tilingiz birlan bayon qilurmiz» degan mazmundagi oyatni nozil qildi. Shundan keyin, qachon Hazrat Jabroil vahiy keltirsalar, ul zot sukut saqlar, ketganlaridan keyin ersa Olloh va'da qilgandek oʻqir erdilar».

19-bob. Qiroatni cho'zmoq haqida

Qatoda raziyallohu anhu aytadilar: «Anas ibn Molik raziyallohu anhudan Janob Rasulullohning qiroatlari haqida soʻradim. Anas: «Janob Rasululloh choʻzib qiroat qilur erdilar»,— dedilar».

Qatoda aytadilar: «Anas raziyallohu anhudan: «Janob Rasulullohning qiroatlari qanday erdi?» —deb soʻralganda, ul kishi: «Choʻzib oʻqir erdilar»,— dedilar. Soʻng, Bismillohir rahmonir rahiymning «bismilloh» soʻzini alohida, «ar-rahmon» soʻzini alohida va «ar-rahiym» soʻzini alohida choʻzib oʻqib koʻrsatdilar».

20-bob. Tarji' birlan giroat gilish hagida

Abdulloh ibn Mugaffal aytadilar: «Men Payg'ambar alayhissalomning tuyalari ustida o'ltirib «Fath» surasini tarji' birlan o'qiqanlarini eshitdim».

21-bob. Yoqimli ovoz birlan qiroat qilish haqida

Abu Burda aytadilar: «Payg'ambar alayhissalom Abu Musoga (yoqimli ovozlarini nazarda

tutib); «Ey Abu Muso, darhaqiqat Olloh taolo tomonidan sizga dovudiylarning surnaylaridan biri ato etilgan»,— dedilar».

22-bob. Qur'on qiroatini boshqadan eshitmoqni yaxshi ko'rgan kishi haqida

Abdulloh ibn Mas'ud raziyallohu anhu aytadilar: «Payg'ambar alayhissalom: «Menga bir Qur'on o'qib bersangiz!» —dedilar. Men: «Sizga men Qur'on o'qib berayinmi, axir Qur'on sizga nozil qilingan-ku?!»—dedim. Janob Rasululloh: «Men Qur'onni o'zimdan bo'lakdan eshitmoqni xush ko'rurman»,— dedilar».

23-bob. Qur'on o'qittiruvchining qoriga: «Bo'ldi, yetarli!» — deb aytmog'i haqida

Abdulloh ibn Mas'ud raziyallohu anhu aytadilar: «Payg'ambar alayhissalom menga: «Bir Qur'on o'qib bersangiz!»—dedilar. Men: «Ey Ollohning rasuli, sizga men Qur'on o'qib berayinmi, axir Qur'on sizga nozil qilingan-ku?!»—dedim. Janob Rasululloh: «Ha, o'qi!»—dedilar. Men «Niso» surasini o'qiyotib, «Endi, ul kun na holat paydo bo'lur, vaqtiki biz chaqirurmiz har ummatdan guvoh va keltirurmiz sizni (ey Muhammad) ularga guvoh qilib» degan oyatga kelganimda, Janob Rasululloh: «Bo'ldi, yetarli!» — dedilar. Men to'xtab, ul zotga qaradim, ikki ko'zlaridan yosh quyilar erdi».

24-bob. Qur'onning qanchasi o'qilsa, kifoya qilur?

Olloh taoloning qavli: «Qur'ondan Olloh muyassar qilgancha o'qingizlar!»

Ibn Shibrimma aytadilar: «Men: «Kishi namozda Qur'onning qanchasini o'qisa, kifoya qilgay?»—deb fikr qildim. Qur'on suralari ichidan uch oyatli («Al-Kavsar») surasidan kichigini topmadim. Shunda: «Demak, uch oyatdan kam o'qish mumkin ermas»,— dedim».

Alqama rivoyat qiladilar: «Men Abu Mas'udni Baytullohni tavof qilayotganlarida uchratib qoldim. Shunda ul kishi Janob Rasulullohning «Kimki kechasi «Baqara» surasining oxirgi ikki oyatini o'qisa, unga kifoya qilur» degan hadislarini zikr qildilar».

Abdulloh ibn Amr rivoyat qiladilar: «Otam meni tagli-taxtli bir ayolga uylab qoʻydilar. Keyin, otam kelindan hol-ahvol soʻrab, mening xususimda ham surishtiribdilar. Shunda kelin: «Erkaklar orasida juda ajoyiblar, lekin hanuz mening toʻshagimda yotganlari yoʻq, hatto men birlan taom ham yemadilarki, hojatxonaga chiqay desalar, men kelganimdan buyon ahvol shu!» — deb javob beribdi. Otam kelinning shikoyati koʻpayib ketgandan keyin, bul haqda Paygʻambar alayhissalomga zikr qilibdilar. Rasululloh sallallohu alayhi va sallam: «Huzurimga yuboringiz!» — debdilar. Men Janob Rasulullohga uchradim. Rasululloh sallallohu alayhi va sallam: «Roʻzani qanday tutayotir-san?» — deb soʻradilar. Men: «Har kuni», — dedim. Ul zot: «Qanchada xatm qilayotirsan?» — dedilar. Men: «Ey Ollohning rasuli, men bundan koʻprogiga qodirman!» — dedim. Janob Rasululloh: «Unday ersa, bir _jumʻada (haftasiga) uch kun roʻza tutgil!» — dedilar. Men yana: «Bundan koʻprogiga ham qodirman», — dedim. Janob Rasululloh: «Boʻlmasa, ikki kun ogiz ochib, bir kun roʻza tutgil!» —dedilar. Men: «Bundan koʻprogiga qodirman», — dedim. Rasululloh sallallohu alayhi va sallam: «Unday ersa, roʻzaning afzalini — Dovud

alayhissalomning ro'zalarini tutgil, ya'ni bir kun ro'za tutgil, bir kun ogiz ochgil, har yetti kunda bir xatm qilgil!» — dedilar. Koshkiydi, Janob Rasulullohning nasihatlarini qabul qilgan bo'lsam! Mana, endi qaridim, quvvatdan ketdim».

Aytishlaricha, Abdulloh har kuni kunduzi Qur'onning yettidan bir qismini o'z ahllaridan biriga o'qib berar erkanlar. Buni kechasi o'zlariga oson bo'lsin uchun qilar erkanlar. Ozgina quvvatlanib olmoqni istasalar, bir necha kun ro'za tutmas, keyin ersa ro'za tutmagan kunlarining miqdoricha yana ro'za tutar erkanlar, chunki «Janob Rasulullohning tavsiyalariga zid ish qilib qo'ymokdan qo'rqar erkanlar. Ba'zilar uch kunda, ba'zilar besh kunda, ko'pchilik ersa, yetti kunda xatm qilar erdi, deyishadi.

Bu yerda yuqoridagi hadis qisqacha takrorlangan.

25-bob. Qur'on qiroati vaqtida yig'lamoq haqida

Abdulloh ibn Mas'ud raziyallohu anhu aytadilar: «Rasululloh sallallohu alayhi va sallam menga: «Bir Qur'on o'qib bersangiz!»—dedilar. Men: «Ey Ollohning rasuli, sizga men Qur'on o'qib berayinmi, axir Qur'on sizga tushirilgan-ku?!» — dedim. Rasululloh sallallohu alayhi va sallam: «Men Qur'onni o'zimdan bo'lakdan eshitmoqni xushlayman»,— dedilar. Men «Niso» surasini o'qiyotib, «Endi, ul kun ne holat paydo bo'lur, vaqtiki biz chaqirurmiz har ummatdan guvoh va keltirurmiz sizni ularga guvoh qilib» degan oyatga yetganimda, Rasululloh sallallohu alayhi va sallam: «To'xta, yetarli!»—deb amr qildilar. Qarasam, Janob Rasulullohning ikki ko'zlaridan yosh quyilayotir».

26-bob. Qur'on qiroati birlan riyo qilguvchi, Qur'on qiroati birlan tirikchilik qilguvchi hamda Qur'on qiroati birlan maqtanguvchi shaxslar haqida

Ali raziyallohu anhu aytadilar: «Men Paygʻambar sallallohu alayhi va sallamdan bunday deb eshitdim: «Zamon oxirida shunday bir qavm kelurki, oʻzlari yosh, aqllari past boʻlib, Ollohning kalomidan, rasulullohning soʻzlaridan gapirurlar, islomdan ersa oʻq kamondan qanday otilsa, shunday tez chiqurlar, ularning iymonlari tomoqlaridan nariga oʻtmagay. Ularni qaerda koʻrsangizlar, oʻldiringizlar, chunki ularni oʻldirgan odamga qiyomatda ulug ajr bordur!»

Abu Sa'id al-Xudriy raziyallohu anhu aytadilar: «Men Janob Rasulullohdan eshitgan erdim, bunday degan erdilar: «Sizlarning ichingizdan shunday bir qavm chiqurki, ular oʻzlarining namozlari birlan namozlaringizni tahqir qilurlar, roʻzalari birlan roʻzalaringizni tahqir qilurlar. Qur'on oʻqisalar, qiroatlari tomoqlaridan nariga oʻtmagay, dindan oʻq kamondan otilgandek tez chiqurlar, oʻqning tigiga qarasalar, ovdan nishon yoʻq, kamonga qarasalar, unda ham hech vaqo yoʻq, ipiga qarasalar ham, hech narsa yoʻq, keyin oʻq otildimi-yoʻqmi, shak qila boshlagaylar» (Mazkur hadisda bora-bora insonlarda, ayniqsa yoshlarda e'tiqodning yoʻqolib ketishi, qalbda samimiy iymonning kamayishi nazarda tutiladi. Odamlarning xoʻjakoʻrsinga qiladirgan ibodatu tilovati Ollohning huzurida hech qabuliyatga ega ermasligi bekor ketgan va nishonga tegmagan oʻqqa misol qilinadi).

27-bob. Dilingizni (xayolingizni) bir joyga yig'ib Qur'on o'qingiz!

Jundub ibn Abdulloh rivoyat qiladilar: «Payg'ambar alayhissalom: «Dilingizni jamlab Qur'on oʻqingiz, agar dilingiz faromush boʻlsa, turib ketingiz!»—dedilar».

Abdullohdan nakl qilinadiki, ul kishi bir odamning qiroatini eshitib qoldilar. Abdulloh oʻshal odam qiroat qilgan surani Janob Rasulullohdan oʻrganib, boshqacha uslubda qiroat qilur erdilar. «Men oʻshal odamni qoʻlidan ushlab Janob Rasulullohning qoshlariga olib bordim,— deydilar. Abdulloh,— shunda ul zot: «Ikkovingiz ham chiroyli oʻqiyotirsiz, shunday oʻqiyveringizlar!» —dedilar. Agar yanglishmasam, ul zot yana: «Sizlardan ilgarigi qavm ixtilof qilgan erdi, ixtiloflari ularni halok qildi» — deb ham aytdilar».

NIKOH KITOBI

Nikohga targ'ib qilish haqida. Olloh taolo bu xususda: **«Bas, nikohlaringizga olingizlar xotinlardan ta'blaringiz suygan ikki va uch va to'rttasini»**,—deydi («An-Niso» surasi, 3- oyat)

Anas ibn Molik raziyallohu anhu rivoyat qiladilar: «Uch nafar kishi Janob Rasulullohning ayollari yashaydirgan hujralarga kelib, ul zotning toat-ibodatlari xususida soʻradi. Ayollar bu haqda xabar berishgach, ular tortishib: «Rasululloh sallallohu alayhi va sallam qayoqdalar-u, biz qayoqdamiz, ul zotga tenglashishga bizga yoʻl boʻlsin! Axir, Olloh taolo ul zotning sobiq va kelgusi gunohlarini magʻfirat qilgan-ku!» — deyishdi. Shunda ulardan biri: «Ammo, men boʻlsam, doimo tunda namoz oʻqiyman»,— dedi. Boshqasi: «Men ogʻiz ochmay uzok, roʻza tutaman (ya'ni, surunkasiga bir necha kun ogʻiz ochmay roʻza tutaman)»,— dedi. Yana biri: «Men ersam, ayollardan nari yuraman, hech qachon uylanmayman»,— dedi. Keyin, Rasululloh sallallohu alayhi va sallam kelib, ularga: «Shunday va shunday deb aytgan sizlarmi? Ammo, Olloh taolo haqi, men Olloh taolodan sizlardan koʻra koʻproq qoʻrqib taqvo qilurman, lekin men roʻza ham tutaman, ogʻiz ham ochaman, namoz ham oʻqiyman, dam ham olaman (uxlayman ham), ayollarga uylanaman ham. Kimki mening sunnatimdan yuz oʻgirsa, u mendan emasdur (ya'ni, mening ummatim emasdur)!»—dedilar».

Zuhriy rivoyat qiladilar: «Urva Oisha onamizdan Olloh taoloning «Va agar sizlar yetim qizlarga nisbatan noinsoflik qilib qoʻyishdan qoʻrqsangizlar, bas nikohlaringizga olingizlar xotinlardan ta'blaringiz suygan ikki va uch va toʻrttasini, agar barobar (teng) ta'minlay olmasligingizdan qoʻrqsangizlar, ul holda bir xotin kifoya qilur yoki mulklaringiz boʻlmish choʻrilarni nikohingizga olsangiz boʻlur, bunda umid borki, bir tarafga ogʻmassizlar» («An-Niso» surasi, 3- oyat) degan oyati karimasi haqida soʻradi. Oisha onamiz: «Ey jiyanim, (odatda) yetim qiz oʻz valiysining nazoratida boʻlib, valiy uning molu jamoliga qiziqadi-da, bir oz mahr berib unga uylanmoqchi boʻladi. Shu boisdan ham, valiylar (etim qiz asraganlar), toʻliq mahr bermay adolaqizlik qiladilar deb, yetimcha qizlarga uylanishdan qaytarildilar, ammo yetimcha qizlardan boʻlak ayollarga uylanishlariga ijozat berildi»,— dedilar».

1-bob. Janob Rasulullohning «Sizlardan kimda-kim uylanishga qudrati yeqa, uylansin, chunki bu uning koʻzlarini tuban tushirib, oʻzini zinodan saqlaydi, nikohga hojati boʻlmagan kimsa uylanarmi-di?!» degan qavllari haqida

Alqama raziyallohu annhu rivoyat qiladilar: «Men Abdulloh birlan birga erdim, Usmon Minoda unga yoʻliqib: «Ey Abu Abdurrahmon, mening senda bir ishim bor»,— dedi, soʻng ikkalasi chetga chiqdi. Usmon Abdullohga: «Ey Abu Abdurrahmon, biz seni bir bokira qizga uylantirib qoʻyaylikmi?»—dedi. Usmon Abdullohning bunga ehtiyoji yoʻqligini bilgach, menga ishora qilib: «Ey Alqama, men bundan qoʻlimni yuvib, qoʻltigʻimga urdim! Menga u: «Ammo, agar buni birovga ayqang...»,— deyapti. Paygʻambarimiz ersalar bizga: «Ey yigitlar, sizlardan kimda-kim qudrati yeqa, uylansin, qudrati yetmaganlar ersa, roʻza tuqin, chunki bundaylarning tuxumi palagʻdadur!» — deb aytganlar»,— dedi».

2-bob. Qudrati yetmaganlar ersa, ro'za tutgin!

Abdulloh raziyallohu anhu rivoyat qiladilar: «Biz — kuchimizni qaerga ishlatishni bilmaydirgan bir guruh yigitlar Rasululloh sallallohu alayhi va sallam birlan birga erdik, shunda ul zot bizga: «Ey yigitlar, sizlardan kimda-kim qudrati yeqa, uylansin, chunki bu uning koʻzlarini tuban tushirib, oʻzini zinodan saqlaydi, qudrati yetmaganlar ersa, roʻza tuqin, chunki bundaylarning tuxumi palagʻdadur!»—deb aytdilar».

3-bob. Ko'pxotinlilik haqida

Ato raziyallohu anohu rivoyat qiladilar: «Biz Ibn Abbos birlan birgalikda Sarafga — Maymunaning janozasiga bordik. Shunda Ibn Abbos: «Bu Janob Rasulullohning jufti halollaridur, agar tobutlarini koʻtarsangizlar, silkitmay, titratmay asta yuringizlar, chunki Janob Rasulullohning toʻqqizta xotinlari bor erdi, ul zot sakkiztasiga ajratib, bittasiga ajratmas erdilar»,— dedi». (Maymuna onamiz boshqa onalarimizga nisbatan sabrqanoatliroq boʻlgan boʻlsalar, Janob Rasululloh ul muhta-ramaga gʻazotda olingan oʻljalardan ulush ajratmagan boʻlishlari mumkin, yana Olloh taoloning oʻzi yaxshiroq bilur!)

Anas raziyallohu aihu rivoyat qiladilar: «Rasululloh sallallohu alayhi va sallamning toʻqqizta xotinlari boʻlib, bir kechada hammasini aylanib chiqardilar».

Sa'id ibn Jubayr rivoyat qiladilar: «Ibn Abbos menga: «Uylandingmi?» — dedi. Men: «Yo'q»,— dedim. U: «Uylangin, zero bu ummatning eng yaxshisi (ya'ni, Janob Rasululloh) — eng xotini ko'pidur!» — dedi».

4-bob. Kim nima niyatda hijrat yoki biror kori xayr qilgan boʻlsa, albatta oʻshanga erishadi, xotin olmoqni niyat qilgan xotin oladi

Umar ibn al-Xattob raziyallohu anhu rivoyat qiladilar: «Rasululloh sallallohu alayhi va sallam bunday deb aytdilar: «Ishlar niyatga bogʻliqdur, darhaqiqat kishi niyat qilgan narsasiga muyassar boʻladi. Kimki Olloh taolo birlan uning rasuli yoʻlida hijrat qilgan boʻlsa, hijrati Olloh taolo birlan uning rasuli yoʻlida boʻlgan boʻladi, kimki mol-dunyo uchun hijrat qilgan boʻlsa, mol-dunyoga erishadi yoki uylanmoq uchun hijrat qilgan boʻlsa, uylanadi, chunki nimani deb hijrat qilgan boʻlsa, oʻshanga erishadi».

5-bob. Hamrohi Qur'onu islom boʻlgan muhtoj kishini uylantirmoq lozimligi haqida

Ibn Mas'ud raziyallohu anhu rivoyat qiladilar: «Biz Rasululloh sallallohu alayhi va sallam birlan birga g'azot qilur erdik, xotinlarimiz yo'q erdi. Shunda, biz: «Yo Rasulalloh, dunyodan toq o'tmaylikmi?»—dedik. Ul zot bizni bunday qilmog'imizdan qaytardilar».

6-bob. Kishining o'z musulmon birodariga: «Qaysi xotinimni istasang, o'shani tanla, seni deb men undan voz kechaman!» — deb aytmog'i xususida

Anas ibn Molik rivoyat qiladilar: «Abdurrahmon ibn Avf kirib keldi, Janob Rasululloh uni Sa'd ibn ar-Rabi' birlan aka-uka tutintirib qo'ydilar. Sa'dning ikkita xotini bo'lib, u Abdurrahmonga: «Ahlu ayolim birlan molu dunyomning teng yarmini o'zingga olgil!» —

deb taklif qildi. Shunda, Abdurrahmon: «Olloh taolo senga, ahlu ayolingga hamda molu dunyongga baraka ato eqin, meni bozorga olib boringizlar!» — dedi. Uni bozorga olib borishgan erdi, u ozgina pishloq, ozgina sariyog xarid qildi. Bir necha kundan keyin, Janob Rasululloh uni uchratib qoldilar, qoʻlida (yoki egnida) bir sarig narsaning dogi bor erdi. Ul zot unga: «Ey Abdurrahmon, ahvoling nechuk?» — dedilar. U: «Bir ansoriya xotinga uylandim»,— dedi. Ul zot «Nima berding?» — dedilar. Abdurrahmon: «Danakdek oltin»,— dedi. Ul zot: «Bitta qoʻy soʻyib boʻlsa ham, toʻy qilgil!» — dedilar».

7-bob. Tarki dunyo qilmoq va dunyodan toq o'tmoqning makruhligi haqida

Sa'd ibn Abu Vaqqos rivoyat qiladilar: «Rasululloh sallallohu alayhi va sallam Usmon ibn Maz'unga dunyodan toq o'tmoqni rad qildilar, agar ul kishiga ijozat berganlarida biz ham dunyodan toq o'tgan bo'lur erdik!».

Bu yerda yuqoridagi hadis takroran keltirilgan.

Abdulloh raziyallohu anhu rivoyat qiladilar: «Biz Rasululloh sallallohu alayhi va sallam birlan birga gazot qilur erdik, hech narsamiz (xotinlarimiz) yoʻq erdi. Shunda, biz. «Yo Rasulalloh, dunyodan toq oʻtaylikmi?»—dedik. Ul zot bizni bunday qilmoqqan qaytardilar, soʻng mahriga bir koʻylak berib boʻlsa ham, uylanmogʻimizga ruxsat berdilar. Keyin, «Ey moʻminlar, Olloh taolo sizlarga halol qilgan ne'matlarni harom qilmangizlar va tajovuz qilmangizlarki, Olloh taolo tajovuz qilguvchilarni yaxshi koʻrmaydi» degan oyati karimani bizga qiroat qildilar».

Abu Hurayra raziyallohu anhu rivoyat qiladilar: «Yo Rasulalloh, men yosh (yigit)man, biror yomon ish qilib qoʻymasaydim, deb oʻzimdan xavotirlanaman, uylanay desam, hech vaqom yoʻq!» — dedim. Ul zot gapimga javob bermadilar. Men boyagi gapimni yana takrorladim, ul zot yana indamadilar. Men yana qaytardim, ul zot yana sukut qildilar, men yana aytdim, shunda ul zot menga: «Ey Abu Hurayra, senga munosib koʻrilgan narsani allaqachonlar (taqdir) qalami bitib qoʻygandur, bunga tan ber yoki tan berma (baribir taqdiringdagi boʻladi)»,— dedilar».

8-bob Bokira qizlarni nikohlab olish xususida

Ibn Abu Mulayka rivoyat qiladilar: «Ibn Abbos Oisha onamizga «Rasululloh sallallohu alayhi va sallam sizdan boʻlak bokiraga uylanmaganlar»,— dedi».

Oisha raziyallohu anho rivoyat qiladilar: «Yo Rasulalloh, agar bir vodiyga tushsangiz-u, ul yerda mevasidan yeyilgan va mevasidan hali yeyilmagan ikki daraxtni koʻrsangiz, qaysi birining tagida tuyangizni oʻtlatar erdingiz!» — dedim. Ul zot «Usha hali mevasidan yeyilmagan daraxtning tagida!» — dedilar» Oisha onamiz bu birlan Janob Rasulullohning oʻzlaridan boʻlak bokiraga uylanmaganlarini nazarda tutyaptilar.

Oisha raziyallohu anho rivoyat qiladilar: «Rasululloh sallallohu alayhi va sallam «Sen menga tushimda ikki bor koʻrsatilgansan, bir kishi seni bir parcha ipak matoga oʻrab koʻtarib ketayotgan ermish-u, menga «Bu sening xotining!» — der ermish. Keyin, men matoni ochib koʻrsam, haqiqatan ham bu sen ermishsan. Shunda, men «Agar bu tushim Olloh taolo tarafidan sodir qilingan boʻlsa, albatta uni roʻyobga chiqaradi!»—deb qoʻydim».

9-bob Juvon ayollar haqida

Ummu Habiba rivoyat qiladilar: «Rasululloh sallallohu alayhi va sallam «Na qizlaringizni va na singillaringizni menga taklif qilmangizlar!»— dedilar» (ya'ni, Janob Rasululloh o'z xotinlarining ilgarigi erlaridan bo'lgan qizlarini va ularning singillarini nazarda tutib «Mening ularga uylanishim mumkin ermas, Olloh taolo buni harom qilgan»,— deyaptilar, chunki ularning qizi Janob Rasulullohga o'gay qiz, singillari ersa, qaynsingil bo'ladi)

Jobir ibn Abdulloh; rivoyat qiladilar «Biz Rasululloh sallallohu alayhi va sallam birlan birga gʻazotdan qaytdik. Men tuyamni tezlatib ildamlab ketdim. Bir otliq ketimdan yetib kelib, qoʻlidagi tayoq birlan tuyamni nuqidi, tuyam sen koʻrgan eng chopqir tuya kabi loʻkillab yugurib ketdi. Janob Rasululloh buni koʻrib «Nega shoshyapsan?» — dedilar. Men: «Chillali kuyovman»,— dedim. Ul zot «Bokiraga uylandingmi yoki juvongami?» — dedilar. Men «Juvon»,— dedim. Ul zot «Qiz bola boʻlganida bir-biringizga ovunchoq boʻlgan boʻlur erdingizlar!» — dedilar (hazilla-shib) Yetib borgach, uylarimizga kirmoqchi boʻlib erdik, ul zot «Kech kirguncha kirmay turingizlar, toki (xotinlaringiz) toʻziq sochlarini tarab olsin, oʻzlaringiz boʻlsangizlar, soch-soqollaringizni olib ulguringizlar!»— dedilar».

Jobir ibn Abdulloh raziyallohu anhu rivoyat qiladilar: «Men uylandim Janob Rasululloh menga «Kimga uylanding?»—dedilar. Men «Juvonga»,— dedim. Ul zot «Nechun bokiraga uylanmading? Bokiraga uylanganingda erdi, (noz-karashma qilib) oʻynashar erdi!»— dedilar».

10-bob. Yosh bokira qizlarni erga bermoq xususida

Urva raziyallohu anhu rivoyat qiladilar: «Rasululloh sallallohu alayhi va sallam Abu Bakr Siddiqdan Oishani oʻzlariga nikohlab bermoqlarini soʻradilar. Abu Bakr Siddiq ul zotga «Darhaqiqat, men sizning birodaringizman!» — dedilar. Ul zot «Siz Olloh taoloning dini va Kitobi boʻyicha mening birodarimdursiz, shul boisdan Oisha mening uchun haloldur!» —dedilar».

11-bob. Kimga uylanmoq kerak va qanday ayol uylan-moqqa yaxshiroqdur?

Abu Qurayra raziyallohu anhu rivoyat qiladilar: «Rasululloh sallallohu alayhi va sallam «Tuya minadirgan ayollar yaxshiroqdurDuraysh o'z ayollarini yoshlikdanoq bolajon va eriga mehribon qilib tarbiyalaydi»,—dedilar».

12-bob. Choʻri saqlamoq va choʻrisini ozod qilib, keyin unga uylangan shaxs xususida

Abu Burda otalaridan naql qshadilar: «Rasululloh sallallohu alayhi va sallam «Kimda-kim qoʻlidagi choʻrisiga mukammal ta'lim berib, axloq-odob oʻrgatib, soʻng uni ozod qilib, unga uylansa, ikkita savob olgay, ahli kitoblardan boʻlmish qaysi bir odam oʻz paygʻambarlariga hamda menga iymon keltirsa, unga ham ikkita savob tekkay,qaysidir mamluk oʻz valiysining haqini hamda Olloh taoloning haqini ado eqa, u ham ikkita savob olgay»,— dedilar».

Anas raziyallou anhu rivoyat qiladilar: «Rasululloh sallallohu alayhi va sallam Xaybar birlan Madina oraligʻida uch kun qolib, Safiyyaga uylandilar. Men musulmonlarni Janob Rasulullohning ziyofatlariga taklif qildim. Dasturxonga qoʻyishga na non va na goʻsht bor erdi. Janob Rasululloh: «Boriga qanoat qilingizlar!» — dedilar. Keyin, dasturxonga xurmo, pishloq va yogʻ tortildi, shul tariqa ziyofatlari boʻlib oʻtdi. Musulmonlar: «Safiyya moʻminlarning onalaridan biri boʻlarmikan yoki choʻrilardan biri boʻlarmikan?» — deyishdi. Keyin, ular yana: «Agar uni hijob (parda) ichiga olsalar, demak u moʻminlarning onalaridan biri boʻladi, aks holda choʻrilaridan biri boʻladi»,— deyishdi. Janob Rasululloh Safiyyaning kajavasi ketlaridan yoʻlga tushganda, u birlan odamlar orasiga parda tortib qoʻydilar».

13-bob. Choʻrining ozod qilinganligini unga berilgan mahr, deb hisoblagan kishi haqida

Anas ibn Molik rivoyat qiladilar: «Rasululloh sallallohu alayhi va sallam Safiyyani ozod qildilar va uning ozod qilinganligini unga berilgan mahr oʻrnida koʻrdilar».

14-bob. Muhtoj (og'ir ahvolda qolgan) kishini uylantirish xususida. Olloh taolo: «Agar faqir bo'lsalar, Olloh o'z fazlidan ato etib, ularni boy qiladi»,— deydi.

Sahl ibn Sa'd as-So'idiy rivoyat qiladilar: «Bir ayol Rasululloh sallallohu alayhi va sallamning huzurlariga kelib: «Yo Rasulalloh, oʻzimni sizga bagʻishlagani kel-dim!» dedi. Janob Rasululloh unga garab bir o'grayib go'ydilar-da, boshlarini guyi tushirdilar. Ayol, Janob Rasulullohning o'zi xususida biror garorga kelmaganlarini ko'rgach, o'ltirdi. Shunda Janob Rasulullohning sahobalaridan biri o'rnidan turib: «Yo Rasulalloh, agar sizning bu ayolga ehtiyojingiz boʻlmasa, meni unga uylantirib qoʻyingiz!» — dedi. Janob Rasululloh: «Mahr uchun biror narsang bormi?» — dedilar. U: «Yo Rasulalloh, Olloh taolo haqi, hech vaqom yo'q!»—dedi. Ul zot: «Uyingga borgin-da, mahrga yaragulik biror narsa topib kel!» — dedilar. U uyiga borib, qaytib keldi-da: «Yo Rasulalloh, xudo haqi, hech narsa topolmadim!» — dedi. Ul zot: «Bor, loagal bir temir uzuk bo'lsa ham, olib kel!» — dedilar. U yana borib, qaytib keldi-da: «Yo Rasulalloh, xudo haqi, hatto bitta temir uzuk ham topolmadim, ammo mening mana bu izorim (ishtonim) bor»,— dedi. Uning ridosi (badanning beldan tepa qismini berkitadirgan kiyim) bo'lmay, faqat izori bor erdi, demak u mahrga izorining yarmini berishi kerak erdi. Janob Rasululloh: «Izoringni ganday gilib mahrga berasan? Agar uni sen kiysang, ayolingga undan hech vago qolmaydi va agar uni ayoling kiysa, senga undan hech vaqo qolmaydi»,— dedilar. Boyagi sahoba uzoq vaqt oʻltirib qoldi. Keyin, Janob Rasululloh oʻrinlaridan turib, uning mung'ayib o'tirganini ko'rdilar-da, uni qoshlariga chaqirdilar. U qoshlariga kelgach: «Qur'ondan nimalarni bilasan?»—dedilar. U: «Men falon va falon suralarni bilaman» deb o'zi bilgan suralarni sanay ketdi. Janob Rasululloh: «Ularni yoddan giroat gila olasanmi?»—dedilar. U: «Ha»,— dedi. Janob Rasululloh: «Ketaver, Qur'ondan yod bilgan surala-ringni mahr qilib, bu ayolni senga olib berdim!» — dedilar».

15-bob. Din borasida tenglar haqida.

Olloh taolo: «Va uldur ul zotiki, yaratdi suvdan odamizodni keyin qildi uni nasab va kuyovlik sohibi va sening parvardigoring qodirdur» (ya'ni, maniydan insondek bir izzatli maxluqni yaratdi, keyin undan naslu nasab va kuyovlik aloqalarini vujudga keltirdi, birgina ojiz insondan jamoalar paydo qildi») («Al-

Furgon» surasi, 54- oyat)

Oisha raziyallohu anho bunday deydilar: «Rasululloh sallallohu alayhi va sallam birlan birga Badr gʻazotida boʻlgan Abu Huzayfa Solimni oʻziga oʻgʻil qilib olib, uni akasining qizi Hind (binti al-Valiyd ibn Utba ibn Rabiyʻa)ga uylantirib qoʻydi. U bir ansoriyning xotinining mavlosi erdi. Shuningdek, Janob Rasululloh sallallohu alayhi va sallam ham Zaydni oʻzlariga oʻgʻil qilib olgan erdilar. Johiliyat davrida odamlar oʻgʻil qilib olingan bolani oʻsha oʻgʻil qilib olgan odamning ismi birlan, ya'ni «Ey falonchining oʻgʻli» deb chaqirishar erdi. Keyin, Olloh taolo «Ularni (oʻgʻil qilib olingan bolalarni) oʻz otalarining ismi birlan chaqiringizlar!...» degan oyati karimasini nozil qildi. Abu Huzayfa ibn Utbaning xotini Sahla binti Suhayl ibn Amr al-Qurayshiy (keyinroq, al-Omiriy) Janob Rasululloh sallallohu alayhi va sallamning huzurlariga kelib: «Yo Rasulalloh, biz Solimni bola, deb hisoblar erdik, bu haqda Olloh taolo oʻz oyati karimasini nozil qilganini endi bildim»,— dedi-da, boʻlgan voqeani aytib berdi».

Oisha raziyallohu anho bunday deydilar: «Rasululloh sallallohu alayhi va sallam Zibo'a binti az-Zubayrning huzuriga kirib: «Menimcha, sen haj qilmoqchiga o'xshaysan?» — dedilar. Zibo'a «Olloh taolo haqi, bunga kasalligimdan bo'lak mone'lik yo'q » — dedi. Janob Rasululloh unga «Hajga niyat qilavergil-da, «Yo parvardigoro, o'zing meni qimirlay olmaydirgan qilib qo'ygan joyimda (kasal qilib yotqizib qo'ygan joyimda) hajimni qabul qilgaysan!» — deb iltijo qilgil!» — dedilar. Bu ayol Miqdod ibn al-Asvadning xotini erdi».

Abu Hurayra raziyallohu anhu rivoyat qiladilar: «Janob Rasululloh «Ayolga uning quyidagi toʻrt narsasi uchun uylanasan molini, zotini, jamolini va diynini deb. Agar (oʻz diningdan chiqib boshqa) dindagi ayolga uylansang, xayriyatga erishmaysan!» — dedilar».

Sahl raziyallohu anhu rivoyat qiladilar: «Bir kishi Rasululloh sallallohu alayhi va sallamning huzurlariga kelib: «Mana bu masala xususida nima deysizlar?»—deb soʻradi. Ular (sahobalar) «Agar biror ayolni xotinlikka soʻragan boʻlsa, unga uylanmogʻi lozim, agar shafoat talab qilinsa, shafoat qilmogʻi darkor va agar birov gapirsa, eshitmogʻi lozim»,— deyishdi. Keyin, u indamay faqir musulmonlarning oldiga borib «Mana bu masalaga nima deysizlar?»— deb soʻradi. «Agar biror ayolni xotinlikka soʻragan boʻlsa, uylanmasa ham boʻladi, agar shafoat talab qilinsa, shafoat qilmasa ham boʻladi va agar birov gapirsa, eshitmasa ham boʻladi»,— deyishdi. Janob Rasululloh «Bu (Din xususida barchani barobar koʻrgan odam)— yer yuzi toʻla ana shundaylardan ham yaxshiroqdur!»— dedilar»

16-bob Boylik borasida tenglar va kambag'al ayollarga uylanish xususida

Ibn Shihob raziyallohu anhu rivoyat qiladilar: «Urva Oisha onamizdan Olloh taoloning «Va agar sizlar yetim qizlarga nisbatan noinsoflik qilib qoʻyishdan qoʻrqsangizlar» degan oyati karimasi haqida soʻradi. Oisha onamiz bunday dedilar «Ey jiyanim, yetim qiz oʻz valiysining nazoratida boʻladi, u ersa qizning jamoli va moliga ega boʻlib olmoqchi boʻladi-da, unga kam mahr berib uylanmoqqa intiladi. Shul boisdan ular (valiylar) yetim qizlarga uylanmoqdan qaytarildilar, ammo yetim qizlarga insof qilib, mahrini toʻla-toʻkis bersalar, ularga uylanishlari mumkin boʻldi, aks holda ulardan boʻlak ayollarga uylanish buyurildi. Shundan soʻng, odamlar Janob Rasulullohdan fatvo soʻrashib erdi, Olloh taolo «Va ey habib, odamlar sizdan xotinlarni nikohlariga olmoq xususida fatvo surarlar

(«nikohlaringizga olmoqchi boʻlasizlar ularni» degan qavligacha)» degan oyati karimasini nozil qildi. Olloh taolo ularga «Agar yetim qiz goʻzal va badavlat boʻlsa, toʻla mahr bermay unga uylanishga intildingizlar, agar xunuk yoki kambagʻal boʻlsa, ularni qoʻyib, boshqa ayollarga uylandingizlar»,— dedi. Yetim qizlarni kambagʻal yoki xunuk, deb ularga uylanmaganlaridan keyin, ularning husni va jamoli uchun ham uylanmoqlariga yoʻl yoʻqdur. Ammo, ularga insof qilib, toʻla-toʻkis mahr bersalar, uylanmoqlari mumkindur»

17-bob. Xotindan sodir bo'ladirgan baxqizlik xususida. Olloh taolo: «Darhaqiqat, xotinlaringizdan va bolalaringizdan ayrimlari sizga dushmandur!»—deydi

Abdulloh ibn Umar rivoyat qiladilar: «Rasululloh sallallohu alayhi va sallam «Baxqizlik xotinda, xonadonda va otdadur»,— dedilar».

Ibn Umar: «Odamlar Janob Rasulullohning huzurlarida baxqizlik xususida soʻzlashdi. Shunda, ul zot «Agar biror narsada baxqizlik boʻlsa, u ham xotinda, xonadonda va otdadur»,— dedilar».

Sahl ibn Sa'd bunday deydilar. «Janob Payg'ambarimiz alayhissalom «Agar biror narsada (baxqizlik) bo'lsa, u ham otda, xotinda va xonadondadur»,— dedilar».

Usoma ibn Zayd rivoyat qiladilar. «Paygʻambarimiz alayhissalom «Uzimdan keyin erkaklarga xotinlardan koʻra zararliroq fitna qoldirmadim»,—dedilar».

18-bob. Qo'l ostidagi ozod ayol xususida

Oisha raziyallohu anho rivoyat qiladilar: «(Choʻri) Bariraga nisbatan uch sunnatni ado etmogʻim kerak erdi, men uni ozod qilib, soʻng eri huzuriga borish yoki qolish ixtiyorini oʻziga berdim. Janob Rasululloh: «Uni ozod qilaver, unga homiylik huquqi ozod qilgan shaxsning qoʻliga oʻtadi»,— degandilar. Bir kuni Janob Rasululloh hujramga kirib keldilar, shunda qozon ostiga oʻt qalangan erdi. Ul zot taom hidini sezib: «Qozon koʻrinmaydimi?»— dedilar. Men: «Bariraga sadaqa qilingan goʻshtni (qozonga solib qoʻyganman), darvoqe siz sadaqa yemaysizku!»— dedim. Ul zot: «Bu goʻsht Bariraga sadaqa qilingan, bizga ersa hadyadur»,— dedilar».

19-bob. To'rttadan ziyod xotinga uylanilmaydi. Olloh taolo: «Ikkitadan va uchtadan va to'rttadan»,— degan

Ali ibn Xusayn raziyallohu anhu: «Ikkitadan va uchtadan va toʻrttadan»,— dedilar. Olloh taolo: «(Farishtalarning ham) ikkitadan va uchtadan va toʻrttadan qanotlari bor-dur»— deydi, ya'ni «ikkita, uchta va toʻrtta».

Oisha raziyallohu anho bunday deydilar: «Va agar sizlar yetim qizlarga nisbatan noinsoflik qilib qoʻyishdan qoʻrqsangizlar...» degan oyati karimaning mazmuni shuki, yetim qiz oʻz xojasining nazoratida (qoʻl ostida) boʻladi, xojasi uning moliga ega boʻlib olmoq niyatida unga uylanadi, keyin unga na yaxshi muomala qiladi va na uning moli xususida adolat qiladi, bas bundaylar ta'blari suygan boshqa xotinlardan ikkitasi, uchtasi va toʻrttasiga uylansinlar».

20-bob. «Va sizlarni emizgan onalaringizni...» va (sizlar birlan) emishganlarni va nasab jihatidan ta'qiqlanganlarni (nikohingizga olmogʻingiz) haromdur!

Janob Rasululloh Oisha onamizning huzurlarida erkanliklarida Oisha onamiz bir kishining Hafsa raziyallohu anhoning huzuriga kirmoqqa ijozat soʻrayotganini eshitib-dilar. Oisha onamiz bunday deydilar: «Shunda, men: «Yo Rasulalloh! Anavi kishi hujrangizga kirmoqqa izn soʻrayotir»,— dedim. Ul zot: «Kimligini koʻrib turibman, u Hafsaning emishgan amakisi boʻladi»,— dedilar. Men: «Agar shunday boʻlsa, u holda uning emishgan amakisi mening ham huzurimga kirishi mumkin erkan-da?» — dedim. Ul zot:

«Ha, tugʻishganlik nimani man' qilsa, emishganlik ham shuni man' qiladi»,— dedilar».

Ibn Abbos raziyallohu anhu rivoyat qiladilar: «Odamlar Janob Rasulullohga: «Hamzaning qiziga uylanmaysiz-mi?» — deyishdi. Ul zot: «Ul qiz mening emishgan akamning qizlari boʻladi!»—dedilar».

Zaynab binti Abu Salama rivoyat qiladilar: «Abu Sufyonning qizi Ummu Habiba: «Yo Rasulalloh, Abu Sufyonning qizi boʻlmish singlimga uylaningiz!» — dedi. Ul zot: «Sen shuni istaysanmi?» — dedilar. U: «Ha, men sizga qarshilik qilmayman, mening baxtimga singlim ham sherik boʻlmogʻini istayman!» —dedi. Ul zot: «Bu menga sira ham mumkin ermas!» — dedilar. U: «Biz sizni Ummu Salamaning qiziga uylanmoqchisiz, deb yuribmiz!»—dedi. Ul zot: «Ummu Salamaning qiziga?» — dedilar. U: «Ha»,— dedi. Ul zot: «Hatto u mening qoʻlimda tarbiyalanmayotgan qiz boʻlganida ham bu menga mumkin ermas. Axir, u mening emishgan akamning qizi-ku! Men birlan Abu Salamani Suvayba emizgan-ku! Menga qizlaringizni ham, singillaringizni ham taklif qilmangizlar!» — dedilar. Urva bunday deydilar: «Suvayba Abu Lahabning choʻrisi boʻlib, u uni ozod qilgan erdi, keyin Suvayba Rasululloh sallallohu alayhi va sallamni emizdi. Abu Lahab oʻlgach, uning oila a'zolaridan biri uni tushida koʻrdi. U tushida Abu Lahabga: «Qanday savobli ishlaring borligini bilding?» — dedi. Abu Lahab: «Sizlarni tark etgach, Suvaybani ozod qilganimdan boʻlak biror savobli ishim borligini koʻrmadim!» — dedi».

21-bob. «Ikki yil emizgandan soʻng, emizish yoʻq!» degan shaxs xususida. Olloh taolo: «(Va onalar oʻz bolalarini) butun ikki yil davomida emizsinlar, bul hukm emizish muddatin nihoyasiga yetkazmoqni istaganlar uchundur»,— deydi («Al-Baqara» surasi, 233- oyat). Kam va koʻp (oz va koʻp muddat) emizishga nima mone'lik qiladi?

Masruq raziyallohu anhu rivoyat qiladilar: «Rasululloh sallallohu alayhi va sallam Oishaning hujrasiga kirib kelganlarida uning huzurida bir kishi oʻltirgan erdi. Shunda ul zotning yuzlari oʻzgargandek boʻldi, goʻyoki uni yoqtirmagandek boʻldilar. Oisha buni sezib: «Bu mening (emishgan) ukam!» — dedi. Janob Rasululloh: «Ukalarimdan biri, deb hisobladingmi? Emishganlik ochlikdan sut emadirgan goʻdaklik chogʻidadur!»— dedilar».

22-bob Emishgan erkak xususida

Urva bunday deydilar «Abulqu'aysning birodari Oishaning huzurlariga kelib, ichkariga kirmogka izn soʻradi. U Oishaning emishgan amakilari boʻlib, bu voqea «Hijob» oyati

nozil boʻlgandan keyin sodir boʻlgan erdi «Shunda,— deydilar Oisha onamiz,— mening ul kishiga ruxsat bergim kelmadi, keyin Janob Rasululloh kelganlarida qilgan ishimni aytdim. Janob Rasululloh ul kishiga ruxsat bermogʻimni amr qildilar»

23-bob Emizgan ayolning guvohligi haqida

Ubayd ibn Abu Maryam rivoyat qiladilar: «Uqba bunday dedi: «Men bir ayolga uylandim. Keyin, bir qora xotin huzurimizga kelib «Men ikkalangizni ham emizganman»,— dedi. Men Janob Rasulullohning huzurlariga borib «Yo Rasulalloh, men falonchi qizi falonchiga uylanib erdim, bir qora xotin huzurimizga kelib, ikkalamizni ham emizganini aytdi, lekin u yolgʻon gapiryapti»,— dedim. Shunda ul zot yuzlarini teskari oʻgirib oldilar, men roʻparalariga aylanib oʻtib, yana «U yolgʻonchi!» — dedim. Ul zot «U birlan qandai yashaysan? Axir, ikkalangizni ham emizganligini ta'kidlayapti-ku! Uni qoʻygil!» — dedilar».

24-bob Qaysi ayollarga uylanmoq halol va qaysi ayollarga uylanmoq haromdur?

Olloh taoloning qavli: «Harom qilindi sizlarga (o'z) onalaringiz va qizlaringiz va singillaringiz va ammalaringiz va xolalaringiz va birodarlaringiz qizlari va singillaringiz qizlari va sizlarni emizgan onalaringiz (ya'ni, enagalaringiz) va emishgan singillaringiz va xotinlaringiz onalari va sizlar birlan birga yotgan xotinlaringizning qo'l ostingizda parvarish topayotgan qizlari (ya'ni, o'gay qizlaringiz) va agar sizlar ularning onalari ila birga yotmagan bo'lsangizlar, ul holda sizlarga bu gunoh bo'lmas va shuningdek, o'z pushtlaringizdan bo'lgan o'g'illaringiz xotinlariga uylanmoqlaringiz va ikki singilni (opa-siigilni) bir nikoxda jam' qilmoqlaringiz ham sizlarga harom qilindi, illo bo'lib o'tgan narsa bo'lib o'tgandur, darqaqiqat Olloh taolo mag'firat qilguvchi, nihoyatda shafqatli zotdur!» («An-Niso» surasi, 23-oyat)

Anas raziyallohu anhu Olloh taoloning «Va erli xotinlar ham (sizlarga xarom qilindi), (kofirlarning sizlar gazotda asir olib) mulkingizga aylangan xotinlari bundan mustasnodur» degan oyati karimasi xususida gapirib: «Kishi oʻz joriyasini oʻz qulidan tortib olsa, hechqisi yoʻq, ammo mushrika ayollarga, ular moʻmina boʻlmagunlariga qadar, uylanmangizlar!» —deydilar.

Ibn Abbos «Onasi, qizi va singlisiga uylanmoq harom qilingani kabi, toʻrttadan ortiq ayolga uylanmoq ham haromdur!» — deydilar.

Ibn Abbos «Nasabdosh ayollardan yetti nav'iga (ona, qiz, singil, amma, xola, birodarlar qizi, singillar qizi) va emishganlardan yetti nav'iga (emizgan enaga, emishgan singil, qaynona, o'gay qiz, kelin, qaynsingil, kelinoyi) uylanmoq haromdur»,— dedilar, so'ng Olloh taoloning «Harom qilindi sizlarga (o'z) onalaringiz» deb boshlanadirgan oyati karimasini qiroat qildilar.

Abdulloh ibn Ja'far bir vaqtning oʻzida Alining qizlari birlan (uning onasidan boʻlak) ayollariga uylanganlar. Ibn Sirin «Buning hechqisi yoʻq»,— deydilar Hasan ersalar, avval buni «makruh» deb, keyin «buning zarari yoʻq» deb aytganlar. Hasan ibn Hasan ibn Ali bir kechada amakining (onasi boshqa-boshqa) ikki qiziga uylanganlar Jobir ibn Zayd buni qarindoshlik munosabatlariga putur yetkazishi mumkinligidan «makruh» deb,

«Aslida bunga ta'qiq yoʻq, chunki Olloh taolo (24- oyatda) «Mana shulardan boshqa ayollarga uylanmogʻingiz sizlarga halol qilindi» — «degan»,— deydilar. Ikrima Ibn Abbosdan naql qilib: «Agar kishi oʻz xotinining singlisi birlan zino qilgan boʻlsa, unga xotini harom boʻlib qolmaydi» — deydilar. Abu Ja'far bola birlan uynashgan kishi xususida: Agar u bolaning ortiga kiritgan boʻlsa bolaning onasiga uylana olmaydi»,— deydilar. Ikrima ibn Abbosdan naql qilib «Agar kishi qaynsinglisi birlan zino qilib qoʻysa, unga xotini harom boʻlmaydi» — deydilar. Abu Nasrdan zikr qilinishicha, Ibn Abbos «Xotini harom boʻladi»,— deb aytgan erkanlar. Imron ibn Husayn, Jobir ibn Zayd, Hasan va ba'zi iroqliklar «Xotini harom boʻladi»—deyishgan erkan. Abu Hurayra «Harom boʻlmaydi, jimoʻ qilaveradi» — deydilar. Hazrat Ali «Harom boʻlmaydi, bu haqda oyat nozil qilingan»,— deydilar.

25-bob Olloh taoloning «Va sizlar birlan birga yotgan xotinlaringizning qoʻl ostingizda parvarish topayotgan qizlari...» degan qavli xususida

Ibn Abbos «Ad-Duxuul va al-masiys va al-limos — jimoʻ qilishlikdur. Agar kimki: «Bolamning qizi»,—desa, demak u ham oʻz qizidek boʻlib, unga uylanmogʻi haromdur»,— deydilar. Rasululloh sallallohu alayhi va sallam Ummu Habibaga: «Menga (ilgarigi erlaringizdan boʻlgan) qizlaringiz birlan singillaringizni taklif qilmangizlar!»—deb aytganlar. Shuningdek, oʻgʻillarning bolalarining xotinlari ham oʻgʻillarning xotinlari kabi boʻlib, uylanmoqqa haromdur. Ugay qiz, agar oʻgay otaning qoʻl ostida parvarish topmayotgan boʻlsa ham, oʻgay otaning unga uylanmogʻi haromdur. Rasululloh sallallohu alayhi va sallam oʻz oʻgay qizlarini uni boqishni oʻz zimmasiga olgan kishiga berganlar. Ul zot qizlarining qizini «qizim» deb ataganlar».

Ummu Habiba rivoyat qiladilar: «Yo Rasulalloh, Abu Sufyonning qizi sizga darkormi?» — dedim. Ul zot: «Xoʻsh, uni nima qilaman?» — dedilar. Men: «Nikohingizga olasiz»,— dedim. Ul zot: «Shuni xohlaysanmi?» — dedilar. Men: «Sizga bu xususda mone'ligim yoʻq, sizga yetishib erishgan baxtimga singlim ham (menga) sherik boʻlsa, deyman!» — dedim. Ul zot: «Unga uylanmogʻim mumkin ermas!» — dedilar. Men: «Men eshitdimki, uylanarmishsiz»,— dedim. Ul zot: «Ummu Salamaning qizigami?» — dedilar. Men: «Ha»,— dedim. Ul zot: «Ugay qizim boʻlmaganida ham bu menga mumkin ermas, chunki Suvayba meni va uning otasini emizgandur. Menga (ilgarigi erlaringizdan boʻlgan) qizlaringiz birlan singillaringizni taklif qilmangizlar!» — dedilar».

Hishom: «Usha qiz Abu Salamaning gavhari erdi»,—deydilar.

26-bob. Ikki singilni (opa-singilni) bir nikohda jam' qilmoqlaringiz qam sizlarga harom qilindi, illo bo'lib o'tgan narsa bo'lib o'tgandur...»

Ummu Habiba rivoyat qiladilar: «Yo Rasulalloh, Abu Sufyon qizi boʻlmish singlimga uylaningiz!» — dedim. Ul zot: «Sen shuni istaysanmi?»—dedilar. Men: «Ha, sizga bul xususda qarshilik qilmayman, men singlimning baxtimga sherik boʻlmogʻini xohlayman!»—dedim. Ul zot: «Bu menga mumkin ermas»,— dedilar. Men: «Yo Rasulalloh, Olloh taolo haqi, biz sizni Abu Salamaning «gavhar» qiziga uylanmoqchisiz deb gapirib yuribmiz»,— dedim. Ul zot: «Abu Salamaning qiziga?»—dedilar, Men: «Ha»,— dedim. Ul zot: «Hatto u mening qoʻl ostimda parvarish topmayotgan boʻlganida ham, bu menga mumkin ermas, chunki u mening emishgan akamning qizi boʻlib,

Suvayba men birlan Abu Salamani emizgandur. Menga (ilgarigi erlaringizdan boʻlgan) qizlaringiz birlan singillaringizni taklif qilmangizlar!» — dedilar».

27-bob. Ayol o'z ammasi ustiga nikohlanmaydi!

Jobir raziyallohu anhu rivoyat qiladilar: «Rasululloh sallallohu alayhi va sallam ayolning o'z ammasi yoki xolasining ustiga nikohlanmog'ini man' qildilar».

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Ayol na ammasi va na xolasi birlan bir nikohga jam' qilinmaydi!» — dedilar».

Abu Hurayra raziyallohu anhu rivoyat qiladilar: «Rasululloh sallallohu alayhi va sallam ayolni oʻz ammasi ustiga ham, xolasi ustiga ham nikohlamoqdan qaytardilar. Biz ayolning xolasini ammasi maqomida, deb bilurmiz. Chunki, Oisha onamiz: «Nasab jihatidan ta'qiqlanganlari kabi, emishganlik jihatidan ham ta'qiqlangandurlar»,— deb aytganlar».

28-bob. Qizini yoki singlisini birovga uning qizi yoki singlisiga uylanish sharti birlan erga berish haqida

Ibn Umar raziyallohu anhu rivoyat qiladilar: «Rasululloh sallallohu alayhi va sallam «shigʻor»dan qaytardilar, «shigʻor» — bir kishining oʻz qizini (yoki singlisini) birovga uning qiziga (yoki singlisiga) uylanish sharti birlan erga berishidur. Bunda har ikki tomon ham mahr bermaydi».

29-bob. Ayol o'zini o'zi biror erkakka bag'ishlasa, joizmi?

Hishom otalaridan nahl qiladilar: «Xavla binti Hakim oʻzlarini oʻzlari Rasululloh sallallohu alayhi va sallamga bagishlagan (hadya qilgan) ayollardan biri erdi. Oisha onamiz bunday deydilar: «Ammo, ayol oʻzini oʻzi erkakka bagʻishlamoqdan hayo qiladi. Olloh taoloning «Ulardan (xotinlaringizdan) istaganingizning navbatini keyinga surmogʻingiz sizga joizdur» degan qavli nozil boʻlganda, men Janob Rasulullohga: «Yo Rasulalloh, parvardigoringizning sizning xohishingiz xususidagina oshiqayotganini koʻryapman!» — dedim».

30-bob. Ehromdagi kishining nikohi (eqromdagi kishining uylanmog'i) haqida

Ibn Abbos raziyallohu anhu rivoyat qiladilar: «Rasululloh sallallohu alayhi va sallam ehromda boʻla turib, uylandilar».

31-bob. Nihoyat, Rasululloh sallallohu alayhi va sallam muvaqqat nikohdan qaytardilar

Ibn Abbos rivoyat qiladilar: «Rasululloh sallallohu alayhi va sallam Xaybar gazoti vaqtida muvaqqat nikoh (nikohul-mut'a)dan va xonaki eshaklar goʻshtini yemoqdan qaytardilar».

Abu Hamza rivoyat qiladilar: «Men odamlarning Ibn Abbosdan muvaqqat nikohga ijozat soʻrashganini eshitganman. Shunda ul kishi ularga ruxsat berib erdilar».

Ibn Abbosning ozod qilingan qullari Abu Hamzaga: «Vunga noiloj ahvolda qolinganda, ayollar yetishmaganda va shunga oʻxshash hollardagina ruxsat qilingan»,— deb aytibdilar.

Salami ibn al-Akva' rivoyat qiladilar: «Biz lashkarlar orasida turgan erdik. Shu payt Janob Rasululloh oldimizga kelib: «Quloq solingizlar, deb sizlarga aytilgan, endi quloq solingizlar!» — dedilar».

Salama ibn al-Akva' rivoyat qiladilar: «Rasululloh sallallohu alayhi va sallam: «Agar biror erkak va ayol oʻzaro (muvaqqat nikohga) kelishsalar, ul holda ularga uch kecha ishrat qilmoqlik joizdur va agar bundan ziyodroq yoki kamroq ishrat qilmoqni ixtiyor qilsalar, buni oʻzlari kelishib oladilar»,— dedilar. Bu hukm faqat biz gʻazotda yurganlarga taalluqlimidi yoki barchagamidi, buni bilmayman».

Abu Ubaydulloh: «Bu (ya'ni, muvaqqat nikohga berilgan ruxsat) keyin bekor qilingan»,— deydilar.

32-bob. Ayolning o'zini o'zi solih erkakka taklif qilmog'i haqida

Sobit al-Bunoniy rivoyat qiladilar: «Men Anasning huzurida erdim, qizi ham shu yerda erdi. Anas: «Bir ayol Janob Rasulullohning huzurlariga keldi-da, oʻzini oʻzi ul zotga taklif qilib. «Yo Rasulalloh, menga ehtiyojingiz bormi?»—dedi»—deb aytdi. Anasning qizi: «Voy behayo, voy sharmanda, voy sharmanda!» — dedi. Anas qiziga: «U sendan yaxshiroqdur, chunki u Janob Rasulullohga yetishmoqni ragʻbat qilib, oʻzini oʻzi ul zotga taklif qildi!» — dedi».

Sahl ibn Sa'd rivoyat qiladilar: «Bir ayol oʻzini oʻzi Janob Rasulullohga taklif qildi. Shunda bir kishi ul zotga: «Yo Rasulalloh, meni unga uylantirib qoʻyingiz!» — deb iltimos qildi. Janob Rasululloh: «Mahriga nimang bor?»— dedilar. U. «Hech vaqom yoʻq»,— dedi. Janob Rasululloh: «Bor, loaqal bitta temir uzuk boʻlsa ham, topib kel!»— dedilar. U uyiga borib keldi-da: «Yo Rasulalloh, Olloh taolo haqi, hech narsa yoʻq, hattoki temir uzuk ham topolmadim, ammo mana bu izorim (ishtonim)ning yarmi unga (mahr) boʻla qolsin!»— dedi. Bechoraning egnida ridosi (koʻylagi) ham yoʻq erdi. Janob Rasululloh: «Izoringni qanday qilib mahr qilasan, axir uni sen kiysang, xotiningga, u kiysa, senga hech vaqo qolmaydi-ku!»— dedilar. Boyagi kishi tarvuzi qoʻltigʻidan tushib, oʻltirib qoldi. Anchadan keyin, Janob Rasululloh oʻrinlaridan turib, unga koʻzlari tushdi, uni yonlariga chaqirib (yoki chaqirtirib); «Qur'ondan nimalarni bilasan?», — dedilar. U: «Men falon va falon suralarni bilaman» — dedi-da, oʻzi bilgan suralarni sanay ketdi. Janob Rasululloh: «Biz seni bu ayolga ega qildik!» — dedilar».

33-bob. Insonning o'z qizi yoki singlisini xayriyat ahliga (xotinlikka) taklif qilmog'i xususida

Abdulloh ibn Umar raziyallohu anhu rivoyat qiladilar: «Hafsa binti Umar Janob Rasulullohning sahobalaridan biri boʻlmish Xaniys ibn Xuzofa as-Sahmiy Madinada vafot etib tul qolgan kezlarda Hazrat Umar al-Xattob bunday deb erdilar: «Men Usmon ibn Affonning huzuriga borib, Xafsani unga (xotinlikka) taklif qildim. U menga: «Biroz uylab koʻrayin»,— dedi. Men bir necha kecha kutdim, keyin u menga uchrab: «Shu kunlarda

uylana olmaydirgan koʻrinaman»,— dedi. Keyin, men Abu Bakr as-Siddiqni uchratib, ul kishiga: «Agar istasangiz, (qizim) Hafsani sizga nikohlab qoʻyaman»,— dedim. Ul kishi menga lom-mim demadilar, men Usmondan koʻra ul kishidan koʻproq xafa boʻldim. Bir necha kecha kutdim. Soʻng, qizim Hafsani Janob Rasululloh oʻzlariga soʻrattirib nikohlariga oldilar. Keyinchalik, Abu Bakr as-Siddiq meni uchratib: «Xafsani menga (xotinlikka) taklif qilganingda lom-mim demaganim uchun mendan xafa boʻlgan boʻlsang kerak»,— dedilar. Men: «Ha»,— dedim. Abu Bakr as-Siddiq: «Sen menga taklif qilgan narsa xususida javob bermogimga Janob Rasulullohning oʻz suhbatlarida Hafsa haqida gapirib oʻtganlaridan xabardor boʻlganimgina mone'lik qilgan erdi, men ul zotning sirlarini oshkor qila olmas erdim, agar Janob Rasululloh uni olmaganlarida, men olgan boʻlur erdim»,—dedilar».

Zaynab binti Abu Salama rivoyat qiladilar: «Ummu Habiba Rasululloh sallallohu alayhi va sallamga: «Yo Rasulalloh, biz sizni Abu Salamaning «durdona» qiziga uylanasiz, deb yuribmiz!»— dedi. Janob Rasululloh: «Ummu Salamaga uylanmogim mumkinmi? Ummu Salamaga uylanmogim munkin boʻlmaganidan keyin, uning qiziga ham uylanmogim mumkin ermas, chunki uning otasi mening emishgan birodarimdur!» — dedilar».

34-bob. Olloh azza va jallaning qavli: «Va gunoh boʻlmas sizlarga ishora ila ul xotinlarga nikoh paygʻomini bersangizlar yoki (ul muddaoni) dillaringizda saqlasangizlar, Olloh taolo sizlarning ularga (nikoq xususida) zikr qilishingizni biladi va lekin ular ila maxfiy ravishda nikoh xususida va'dalashmangizlar, illo qoidaga muvofiq biror soʻz ayqangizlar (gunoh yoʻkdur) va to iddadan chiqmaguncha nikohga qat'iy qaror ham qilmangizlar va bilingizlarki, Olloh taolo dillaringizda bor har bir narsani bilib turur, bas undan ehtiyot boʻlingizlar va bilingizlarki, Olloh taolo magʻfiratli rahimdil zotdur!» («Al-Baqara» surasi, 235-oyat)

Yuqoridagi oyatdagi «aknantum» — «koʻnglingizga tugdingiz», «dilingizda saqladingiz» degan ma'noda boʻlib, berkitilgan, oʻzgalardan yashirilgan har bir narsani anglatadi.

Ibn Abbos oyatdagi «fiymo arraztum bihi min xitbatin-nisoi» degan qavl uaqida soʻzlab: «Masalan, men uylanmoqchi boʻlaman-u, dilimda biror soliha ayolning oʻzimga muyassar boʻlmogini istayman»,— dedilar.

Qosim: «Biror ayolga uylanmoqni diliga tugib qoʻygan kishi, oʻsha ayolga «Sen menga azizsan, koʻnglimdagidek ayolsan, Olloh taolo senga xayriyatni ravo koʻrsin!» kabi soʻzlarni aytmogʻi mumkin»,— deydilar.

Ato bunday deydilar: «Ishora ila ma'lum qiladi, oshkora aytmaydi. «Men bir xotin olmoq qasdidaman, xudoga shukrki, sen barcha orzu qiladirgan ayolsan!» deb aytadi, ayol ham erkak qay yoʻsinda gap qilgan boʻlsa, shunday gap qiladi, zarracha ortiq gap aytmaydi. Ayolning valiysi undan yashirincha birovga va'da bermaydi. Agar ayol iddada oʻltirgan vaqtida biror kishi birlan va'dalashgan boʻlsa-yu, keyin u uni oʻz nikohiga olgan boʻlsa, ularni ajratib boʻlmaydi».

Hasan: «Lo tuvo'iduuhunna sirran» (ular ila maxfiy ravishda nikoh xususida va'dalashmangizlar) degan qavl zaminida zino mavjud»,— deydilar.

Ibn Abbos: «Al-Kitobu ajalah» — «iddasi tugaguncha» demakdur»,— deydilar.

35-bob. Uylanmasdan burun ayolni ko'rmoq haqida

Oisha raziyallohu anho rivoyat qiladilar: «Rasululloh sallallohu alayhi va sallam menga bunday dedilar: «Men seni tushimda koʻrdim, bir farishta seni ipak matoga oʻrab olib ketayotgan erkan. Farishta menga: «Bu sening xotiningdur»,— dedi. Men yuzingni ochib koʻrsam, haqiqatan ham bu sen erkansan. Shunda men: «Agar bu tushim Olloh taolodan boʻlsa, albatta roʻyobga chiqadi!» — deb qoʻydim».

Sahl ibn Sa'd rivoyat qiladilar: «Bir ayol Janob Rasulullohning huzurlariga kelib: «Yo Rasulalloh, men o'zimni sizga bag'ishlagani (hadya qilgani) keldim!» — dedi. Janob Rasululloh unga bir tikilib, soʻng nigohlarini quyi tushirdilar-da, boshlarini sarak-sarak qildilar. Ayol, ul zotning oʻzi xususida biror qarorga kelmaganlarini koʻrgach, oʻltirdi. Shunda sahobalardan biri o'rnidan turib: «Yo Rasulalloh, agar sizning bu ayolga ehtiyojingiz bo'lmasa, ul holda meni unga uylantirib qo'yingiz!» — deb iltimos gildi. Janob Rasululloh: «Mahriga berarlik biror narsang bormi?» — dedilar. U: «Xudo haqi, yo'q, yo Rasulalloh!» — dedi. Janob Rasululloh: «Uyingga borib ko'rgil, biror narsa toparsan!» — dedilar. U uyiga borib, qaytib keldi-da: «Xudo haqi, hech narsa topmadim, yo Rasulalloh!» — dedi. Janob Rasululloh: «Borib qarab koʻr, loaqal bitta temir uzuk bo'lsa ham, topib kel!» —dedilar. U yana borib, qaytib keldi-da: «Xudo haqi, yo Rasulalloh, hatto temir uzuk ham topolmadim. Ammo, mening mana bu izorim (ishtonim) bor»,— dedi. Uning egnida koʻylagi boʻlmay, izorining yarmini ayolga mahr qilib bermoqchi bo'ldi. Janob Rasululloh: «Izoringni qanday qilib mahriga berasan, axir uni sen kiysang, ayolga, ayol kiysa, senga hech vaqo qolmaydi-ku!» — dedilar. Boyagi kishi uzoq o'ltirib qoldi. So'ng, Janob Rasululloh o'rinlaridan turganlarida uning g'amgin oʻltirganini koʻrib chaqirtirdilar. U kelgach: «Qur'ondan nimalarni bilasan?» — dedilar. U: «Men falon va falon suralarni bilaman» — deya o'zi bilgan suralarni sanay ketdi. Janob Rasululloh. «Bu suralarni yoddan qiroat qila olasanmi?» — dedilar. U: «Ha»,— dedi. Janob Rasululloh: «Ketaver, Qur'ondan bilgan suralaring evaziga biz seni bu ayolga ega qildik!» — dedilar».

36-bob. Faqat valiy ishtirokidagina nikoh qilinadi!

Olloh taolo: «Ularga toʻsqinlik qilmangizlar!» — deganda juvonni, shuningdek bokirani ham nazarda tutadi. Olloh taolo yana: «Mushriklarga ular moʻmin boʻlmagunlari-cha, (musulmon ayollarni) nikoh qilmangizlar!» va «Tul xotinlarni nikohlaringizga olingizlar!» — deydi.

Oisha raziyallohu anho rivoyat qiladilar: «Johiliyat davrida toʻrt xil nikoh mavjud erdi. Ulardan biri bugungi kunda ham bor boʻlib, kishi oʻz qoʻl ostidagi ayollardan birini yoki oʻz qizini bir kishiga erga beradi, u ersa mahrini berib, uni nikohiga oladi. Ikkinchisi — bir kishi oʻz xotiniga, agar u hayzdan poklangan boʻlsa: «Birovga bildirmay falonchining oldiga borgin-da, u birlan kelishib dom olishgin!» — deydi, soʻng u xotinini alohida qilib qoʻyib, to oʻsha kishidan homiladorligi ma'lum boʻlguncha, unga sira ham qoʻl tekkizmaydi. Xotinining homiladorligi ma'lum boʻlgach, agar istasa, u birlan yashayveradi. U farzandlik boʻlish niyatidagina shunday qiladi. Bu nikohni «Uzaro kelishilgan nikoh» deb atashgan. Uchinchisi — oʻntacha kishi birgalashib bir ayolning

huzuriga kirishadi-da, hammalari uni jimoʻ qilishadi, agar u homilador boʻlib, tugʻsa, tuqqanidan keyin bir necha kecha oʻtgach, boyagi kishilarni chorlab odam yuboradi, ulardan birortasi ham oʻzini olib qocholmaydi. Barchalari ayolning huzurida toʻplanishadi. Ayol ularga: «Qilgan ishlaringizning oqibatini bildingizlar, mana men tugʻdim, ey falonchi, bu sening farzanding!» — deb ulardan oʻzi xohlagan kishining ismini aytadi-da, bolasini oʻsha kishiga topshiradi, u kishi ersa rad etolmaydi. Toʻrtinchisi — koʻp kishilar yigʻilishib, barchalari bir ayolning huzuriga kirishadi, ayol ulardan birortasiga ham «yoʻq» demaydi. Bunday xotinlar fohishalar boʻlib, eshiklari tepasiga belgi sifatida bayroq osib qoʻyganlar, istagan kishi ularning huzurlariga kiravergan. Agar bunday ayollardan biri homilador boʻlib qolib, tugʻsa, boyagi kishilar uning huzurida toʻplanishganda, folbin xotinni chaqirishgan. Keyin, kimga fol chiqqan boʻlsa, bolani oʻshanga berib yuborishgan, oʻziga fol chiqqan kishining bolani rad qilishga sira iloji boʻlmagan. Olloh taolo Muhammad sallallohu alayhi va sallamni paygʻambar qilib yuborgach, bugungi kundagi nikohdan boʻlak barcha johiliyat davridagi nikohlar yoʻq qilindi».

Oisha raziyallohu anho rivoyat qiladilar: «Olloh taoloning «Kitobda sizlarga aytilgan hukmlar yetim ayollar xususida boʻlib, sizlar ularga Olloh taolo tomonidan buyurilgan narsani (mahrni) bermay uylanishga intilasizlar» degan oyati karimasi odamlar qoʻlida tarbiyalanayotgan yetim qizlar haqida boʻlib, har ikkalasining (valiy birlan yetim qizning) moli oʻrtada boʻlishi ham mumkin. Shunda qizning eng yaqin kishisi boʻlmish valiy qizning molini qizgʻanganidan uni birovga erga bermay, oʻzi uylanishga ha-rakat qiladi».

Ibn Umar raziyallohu anhu rivoyat qiladilar: «Hazrat Umar kuyovlari Ibn Xuzofa as-Sahmiy Madinada vafot etib, qizlari Hafsa tul qolgan kezlarda bunday deb aytgan erdilar: «Usmon ibn Affonni uchratib, ul kishiga: «Agar istasangiz, Hafsani sizga nikohlab beraman»,— dedim. Usmon: «Bir oʻylab koʻraychi»,— dedi. Men bir necha kecha kutdim. Keyin, Usmon menga uchrab: «Shu kunlarda uylana olmaydirganga oʻxshayman»,— dedi. Soʻng, men Abu Bakr Siddiqni uchratib: «Agar istasangiz, Hafsani sizga nikohlab beraman»,— dedim».

Mu'aqqal ibn Yasor «Ularga toʻsqinlik qilmangizlar!» degan oyati karimaning oʻzlari haqlarida nozil boʻlganini aytib, bunday deydilar: «Men singlimni bir kishiga erga bergan erdim, u uni taloq qildi. Keyin, u singlimning iddasi tugaganda uni yana xotinlikka soʻratgani keldi. Men unga: «Men seni uylantirdim, uy-joyli qildim, izzat-ikrom qildim, sen boʻlsang, uni taloq qilib, endi yana xotinlikka soʻratgani kelding, Olloh taolo haqi, endi sira ham uni senga qaytarib bermaymiz!» — dedim. U yomon odam ermasdi, singlim ham unikiga qaytib bormoqni istardi. Shunda Olloh taolo «Ularga toʻsqinlik qilmangizlar!» degan oyati karimasini nozil qildi. Men Janob Rasulullohga: «Endi toʻsqinlik qilmayman, yo Rasulalloh!» — dedim. Ul zot: «Uni eriga (qayta) turmushga ber!» — dedilar».

37-bob. Agar valiyning (qizga homiylik qiluvchi kishining yoki qizning biror yaqin kishisining) o'zi kuyov bo'lsa, unda u nima qilmog'i kerak?

Mugiyra ibn Shu'ba bir ayolni (amakisining qizini)oʻziga soʻrattirdi, u uning eng yaqin kishisi erdi. Shunda u bir kishiga (qizning oʻzidan boʻlak yaqin kishisiga) buyurib erdi, u uni qizga uylantirib qoʻydi. Abdurrahmon ibn Avf Ummu Hakim binti Qorizga: «Uzingni menga topshirasanmi?»—dedi. U «Ha»—deb javob berdi. Abdurrahmon unga «Boʻldi, senga uylandim!» — dedi. Ato qizni ishonti-rish yoki qizni oʻziga nikohlab qoʻyishni uning

qarindoshlaridan biriga buyurish maqsadida «Boʻldi, men seni nikohimga oldim»— dedi. Sahl rivoyat qiladiki, bir ayol Janob Rasulullohning huzurlariga kelib: «Men oʻzimni sizga bagʻishladim!» — dedi. Shunda bir kishi «Yo Rasulalloh, agar sizning bu ayolga ehtiyojingiz boʻlmasa, meni unga uylantirib qoʻyingiz!» — dedi.

Oisha raziyallohu anho Olloh taoloning «Odamlar sizdan ayollar xususida fatvo soʻraydilar, siz aytipgizki, Olloh taolo sizlarga fatvo berur» degan oyati haqida soʻzlab: «Bu oyat yetim qizlar haqida nozil boʻlgan boʻlib, yetim qiz, odatda, biror kishining qoʻlida parvarish topayotgan va oʻz molini xojasining moliga qoʻshib tasarruf qilayotgan boʻladi. Xoja ersa unga oʻzi uylanmoqchi boʻladi, chunki u qizning molini qizgʻanib, uni birovga erga bergisi kelmaydi. Shul boisdan, Olloh taolo bunday kishilarni oʻz qoʻllarida parvarish topayotgan yetim qizlarga uylanmoqdan qaytardi» — dedilar.

Sahl ibn Sa'd rivoyat qiladilar: «Biz Rasululloh sallallohu alayhi va sallamning huzurlarida oʻltirib erdik, bir ayol oʻzini ul zotga bagʻishlagani (taklif qilgani) keldi. Ul zot unga bir tikilib qarab, soʻng nigohlarini quyi tushirdilar-da, indamadilar. Shunda sahobalaridan biri «Yo Rasulalloh, meni unga uylantirib qoʻyingiz!» — dedi. Ul zot «Mahrga berarlik biror narsang bormi?» — dedilar. U «Menda hechnarsa yoʻq»,— dedi Ul zot «Loaqal, bitta temir uzuk top!» — dedilar. U «Hatto temir uzuk ham yoʻq, ammo mana bu choponimni ikkiga boʻlib, yarmini unga beraman, yarmini oʻzim olaman»,— dedi. Ul zot «Ioʻq, boʻlmaydi. Qur'ondan biror narsa bilasanmi?» — dedilar. U «Ha», — dedi. Ul zot «Bor, ketaver, biz seni Qur'ondan bilgan narsalaring evaziga unga ega qildik!» — dedilar»

38-bob Kishining o'z qizaloqlarini (balog'atga yetmagan qizchalarini) birovga nikohlab qo'ymogi haqida

Olloh taolo «Va hayz koʻrmagan yosh qizchalarning ham iddalari uch oydur» degan qavli birlan (balogʻatga yetmay birovga nikohlab qoʻyilgan) qizchalarning ham iddalarini uch oy, deb belgilab koʻydi («At-Talok;» surasi, 4-oyat)

Hishom otalaridan naql qiladilar: «Rasululloh sallallohu alayhi va sallam Oishaga olti yashar qizchalik paytida uylanib, toʻqqiz yoshga yetganida unga qoʻshilganlar, u Janob Rasululloh birlan birga toʻqqiz yil yashagan»

39-bob Otaning o'z qizini yoshi ulug' kishiga erga bermog'i haqida

Hazrat Umar: «Rasululloh sallallohu alayhi va sallam Hafsani oʻzlariga xotinlikka soʻratdilar, men ul zotni nikohlab qoʻydim»,— deydilar

Hishom otalaridan naql qiladilar: «Rasululloh sallallohu alayhi va sallam Oishaga olti yashar qizchalik paytida uylanib, toʻqqiz yoshga yetganida unga qoʻshilganlar Oisha Janob Rasululloh birlan birga toʻqqiz yil yashaganliklari haqida aytganlar»

40-bob. Sulton (hukmdor) — valiydir!

Janob Rasululloh sallallohu alayhi va sallam «Biz seni Qur'ondan bilgan narsalaring evaziga bu xotinga uylantirdik!» — deb aytganlar.

Sahl ibn Sa'd rivoyat qiladilar: «Bir ayol Janob Rasulullohning huzurlariga kelib «Men oʻzimni sizga hadya qildim!» — dedi-da, uzoq kutib turib qoldi. Shunda bir kishi «Agar sizning bu ayolga ehtiyojingiz boʻlmasa, meni unga uylantirib qoʻya qolingiz!»—dedi. Ul zot «Mahriga berarlik biror narsang bormi?» — dedilar. U «Mening izorimdan boʻlak hech vaqom yoʻq»,— dedi. Ul zot «Agar izoringni unga bersang, izorsiz qolasanku! Boshqa biror narsa topib kel!»—dedilar. U «Hech narsa topolmadim»,— dedi. Ul zot «Loaqal, bitta temir uzuk boʻlsa ham, topib kel!» — dedilar. U topib kelolmadi. Shunda ul zot «Qur'ondan biror narsa bilasanmi?» — dedilar. U «Ha, falon va falon suralarni bilaman»,— deb oʻzi bilgan suralarning nomini aytdi. Ul zot «Biz seni Qur'ondan bilgan narsalaring evaziga bu xotinga uylantirdik!» — dedilar»

41-bob. Ota yoki shu kabi kishilar bokira yoki juvonni ularning roziligisiz nikohlamasligi lozim!

Abu X,urayra raziyallohu anhu rivoyat qiladilar: «Rasululloh sallallohu alayhi va sallam «Tul ayolni, uning oʻzi birlan maslahatlashilmay va bokirani, uning oʻzidan ijozat soʻramay, nikoxlab qoʻyilmaydi»,— dedilar. Sahobalar: «Yo Rasulalloh, bokira qiz qanday qilib ijozat beradi?» («Ha»,— deydi?)» — deyishdi Ul zot: «Agar sukut qilsa, (rizo boʻlganidur)» — deb javob qildilar»

Abu Amr rivoyat qiladilar: «Oisha raziyallohu anho «Yo Rasulalloh, bokira hayo qiladi-ku!» — dedilar. Janob Rasululloh «Sukut qilgani rizo boʻlganidur » — dedilar».

42-bob Agar kishi o'z qizini erga bersa-yu, u rizo bo'lmasa, nikoh bekordur!

Yazid ibn Horisaning oʻgillari Abdurrahmon va Mujmi' rivoyat qilishadi «Xanso' binti Xuzom al-Ansoriyani otasi erga berdi. U juvon boʻlib, nikohni rad etdi. Keyin, Janob Rasulullohning huzurlariga kelib bor gapni aytib erdi, ul zot nikohni bekor qildilar»

Yazid ibn Horisaning oʻgillari Abdurrahmon va Mujmi'. «Bir kishi Xuzomdan «Qizingni menga nikohlab qoʻygil» — deb iltimos qildi, u uni unga nikohlab qoʻydi» — deb rivoyat qilishadi.

43-bob Yetim qizni erga bermoq haqida. Olloh taoloning qavli: «Va agar sizlar yetim qizlarga noinsoflik qilib qoʻyishdan qoʻrqsangizlar, bas nikohlaringizga olingizlar (xotinlardan ta'blaringiz suygan ikki va uch va toʻrttasini...)

Bir kishi valiyga (ayolning homiisi yoki yaqin qarindoshiga) «Meni falonchi ayolga uylantirib quyingiz!» — degach, uzoq vaqt kutib qolsa yoki valiy «Mahriga berarlik nimang bor» — deb soʻraganda, u «Falon va falon narsam bor» — deb ayqa-yu, valiy «Biz seni unga uylantirdik!»—desa, joizdur»,— deydilar. Sahl Janob Rasulullohni nazarlarida tutib.

Ibn Shihob rivoyat qiladilar: «Urva Oisha onamizdan «Ey onajon, Olloh taoloning «Va agar sizlar yetim qizlarga nisbatan noinsoflik qilib qoʻyishdan qoʻrqsangizlar («mulklaringiz boʻlgan choʻrilar boʻlur» degan qavligacha)» degan oyati karimasi kimlar xususida nozil boʻlgan?» — deb soʻradi. Oisha onamiz bunday dedilar: «Ey jiyanim, odatda yetim qiz biror valiyning qoʻlida parvarish topayotgan boʻladi, valiy ersa yetim qizning jamoli va moliga qiziqib, unga toʻla mahr bermay uylanishga intiladi. Shul

boisdan ham, valiylar (etim qiz parvarish qilayotgan kishilar) yetim qizlarga uylanmokdan qaytarildilar».

44-bob Agar kuyov bo'lmish kishi valiyga: «Meni falonchi ayolga uylantirib o'yingiz!» — desa-yu, valiy: «Biz seni falon va falon narsalar evaziga bu ayolga uylantirdik!» — deb ayqa, agarchi kelin bo'lmishga «Rozimisan?» yoki «Qabul qildingmi?» demasa qam, nikoh joizdur!

Sahl raziyallohu anhu rivoyat qiladilar: «Bir ayol Janob Rasulullohning huzurlariga kelib, oʻzini ul zotga taklif qildi. Ul zot «Bugun mening ayollarga hojatim yoʻq»,— dedilar. Bir kishi «Yo Rasulalloh, meni unga uylantirib qoʻya qolingiz!» - dedi. Ul zot «Mahrga nimang bor'»—dedilar. U «Hech narsam yoʻq»,— dedi Ul zot «Unga loaqal bitta temir uzuk boʻlsa ham, bergin!» — dedilar. U «Hech narsam yoʻq»,— dedi. Ul zot «Qur'ondan nimalarni bilasan?» — dedilar. U «Falon va falon suralarni»,— dedi. Ul zot «Biz seni Qur'ondan bilgan narsalaring evaziga bu xotinga uylantirdik!»— dedilar».

45-bob Kishi o'z birodari xotinlikka so'ratgan ayolni (qizni) xotinlikka so'ratmaydi, birodarining uni o'z nikoxiga olmog'ini yoki undan voz kechmog'ini kutadi.

Ibn Umar raziyallohu anhu bunday deb aytar erdilar: «Rasululloh sallallohu alayhi va sallam biringiz savdolashib qoʻygan narsa ustida ikkinchingizning savdolashmo-gingizdan hamda kishining oʻz birodari xotinlikka soʻratgan ayolni, toki ul undan voz kechgunicha yoki unga oʻzi ruxsat bergunicha, xotinlikka soʻratmogidan qaytardilar»

Abu Hurayra Janob Rasulullohdan nakl qilib: «Badgumon boʻlmangizlar, badgumonlik eng boʻlmagur gapdur. Gap poylamangizlar, gap tashimangizlar va bir-biringizdan nafratlanmangizlar, Olloh taoloning oʻzaro aka-uka bandalari boʻlingizlar, kishi oʻz birodari xotinlikka soʻratgan ayolni xotinlikka soʻratmasin, birodarining uni oʻz nikohiga olmogini yoki undan voz kechmogini kuqin!»—deydilar».

46-bob. Xotinlikka so'ralgan ayoldan voz kechmoqlikningtafsiri

Abdulloh ibn Umar raziyallohu anhu rivoyat qiladilar: «Hazrat Umar qizlari Hafsa tul qolgan kezlarda bunday deb aytgan erdilar: «Men Abu Bakrni uchratib: «Agar istasangiz, qizim Hafsani sizga nikohlab beraman»,— dedim-da, bir necha kecha kutdim. Keyin, uni Janob Rasululloh oʻzlariga soʻratdilar. Shundan soʻng, men Abu Bakrni uchratib qoldim, ul kishi menga: «Sening menga qilgan taklifingga ijobiy javob bermogimga faqat bir narsa mone'lik qilgan erdi, u ham boʻlsa men Janob Rasulullohning Hafsa haqida eslaganlarini bilar erdim, men ul zotning sirlarini oshkor qilolmas erdim, agar undan voz kechganlarida, men uni qabul qilgan boʻlar erdim!»— dedilar».

47-bob. Nikohdagi xutba haqida

Ibn Umar raziyallohu anhu rivoyat qiladilar: «Mashriqdan ikki kishi kelib xutba oʻqidi. Shunda Janob Rasululloh: «Ba'zi bayonlarda sihr bordur!» — dedilar».

48-bob. Nikohda doira chalmoq hamda ziyofat qilmoq xususida

Rabi' binti Mu'avviz ibn Afro' rivoyat qiladilar: «Janob Rasululloh menga qo'shilmoq bo'lib huzurimga kirganlarida, hozir sen o'ltirganingdek to'shagimga o'ltir-dilar. Joriya qizlarimiz doira chalishib, Badr gazotida shahid bo'lgan ota-bobolarim haqida yiglab kuylay boshlashdi. Ulardan biri: «Bizning oramizda payg'ambar borlar, ul zot ertangi kundan boxabarlar» — deya kuylar erdi. Shunda ul zot: «Bu qo'shigingni bas qilgil, avvalgi qo'shigingni aytavergil!» — dedilar».

49-bob. Olloh taoloning «Va beringizlar xotinlarga ularning mahrlarin xursandlik ila!» hamda «Va bergan boʻlsangizlar dastlabki xotinlaringizga koʻp bir molni, qaytarib olmangizlar ul moldan hech bir narsani!», shuningdek «Yoki ularga biror mahr muqarrar qilmay turib» degan qavllari xususida

Sahl aytdilarki, Rasululloh sallallohu alayhi va sallam «Loaqal, bitta temir uzuk boʻlsaham!»—deb aytibdilar.

Anas rivoyat qiladilar: «Abdurrahmon ibn Avf danakdek keladirgan oltin berib, bir ayolga uylandi. Janob Rasululloh uni kuyovlik libosida koʻrib, undan bir narsa haqida soʻradilar. U: «Men danakdek keladirgan oltin berib, bir ayolga uylandim»,— dedi».

50-bob. Qur'on evaziga (mahr bermay) uylantirib qo'ymoq haqida

Sahl ibn Sa'd as-So'idiy rivoyat qiladilar: «Men Rasululloh sallallohu alayhi va sallamning huzurlaridagi bir qavm orasida erdim. Shunda, bir ayol o'rnidan turib: «Yo Rasulalloh!» — deb murojaat qildi-da, o'zini ul zotga hadya qilganligini aytdi. Ul zot indamadilar. Keyin, u yana o'rnidan turib: «Yo Rasulalloh!» —deb murojaat qildi-da, o'zini ul zotga hadya qilganligini aytdi. Ul zot yana indamadilar. U yana o'rnidan turib: «Yo Rasulalloh!» —deb murojaat qildi-da, o'zini ul zotga hadya qilganligini aytdi. Shunda bir kishi o'rnidan turib: «Yo Rasulalloh, meni unga uylantirib qo'ya qolingiz!» — dedi. Ul zot: «Mahriga berarlik biror narsang bormi?» — dedilar. U: «Yo'q», — dedi. Ul zot: «Bor, loaqal bitta temir uzuk bo'lsa ham, topib kel!» — dedilar. U borib qidirib keldi-da: «Hech narsa yo'q, hatto temir uzuk ham topolmadim», — dedi. Ul zot: «Qur'ondan biror narsa bilasanmi?»—dedilar. U: «Men Qur'ondan falon va falon suralarni bilaman», — dedi. Ul zot: «Bor, ketaver, biz seni Qur'ondan bilgan narsalaring evaziga bu xotinga uylantirdik!» — dedilar».

51-bob. Mahrning na hajmi va na vazni muhim ermas! Masalan, temir uzuk

Sahl ibn Sa'd rivoyat qiladilar: «Rasululloh sallallohu alayhi va sallam uylanayotgan bir kishiga: «Loaqal bitta temir uzuk bo'lsa ham!» — deb aytdilar».

52-bob. Nikohdagi shartlar

Hazrat Umar: «Ayollar farjining qonuniy halol boʻlmogʻi nikoh shartlarining toʻla-toʻkis bajarilmogʻiga bogʻlikdur!» — deydilar.

Misvar rivoyat qiladilar: «Men Rasululloh sallallohu alayhi va sallamning o'z kuyovlari

haqida so'zlayotib, uning o'zlariga munosib kuyovlik qilayotganini aytganlarini hamda unga tasannolar o'qib, maqtaqanlarini eshitdim».

53-bob. Nikohdagi makruq shartlar haqida

Ibn Mas'ud: «Ayol o'z singlisining taloq qilinmog'ini shart qilib qo'ymasin!» — deydilar.

Abu .Hurayra raziyallohu anhu rivoyat qiladilar: «Rasululloh sallallohu alayhi va sallam: «Ayolning oʻz singlisining taloq qilinmogʻini talab qilmogʻi makruhdur. Bunday ayolning beti qursin! Zero, unga ham koʻz tikkan balo bordur!» — dedilar».

54-bob. Uylangan kishining qo'lidagi sarig' dog' haqida

Anas ibn Molik raziyallohu anhu rivoyat qiladilar: «Abdurrahmon ibn Avf Rasululloh sallallohu alayhi va sallamning huzurlariga keldi, uning qoʻlida bir sarigʻ narsaning dogʻi bor erdi. Ul zot undan bu dogʻning nimaning dogʻi erkanligini soʻradilar. U bir ansoriya ayolga uylanganini aytdi. Ul zot: «Unga qancha mahr berding?» — dedilar. U: «Danakdek keladirgan oltin»,— dedi. Ul zot: «Bir qoʻy soʻyib boʻlsa ham toʻy qilgil!» — dedilar».

55-bob.

Humayd raziyallohu anohu rivoyat qiladilar: «Anas: «Rasululloh sallallohu alayhi va sallam Zaynabga uylanganlarida har safar uylanganlarida qilganlaridek, mu-sulmonlarni ziyofat qilganlar-ku!» — dedi-da, moʻminlarning onalari hujralariga borib, ularni duo qildi, ular ham uni duo qilishdi. Keyin, qaytib ketayotganida ikki kishini koʻrib, yana orqasiga qaytdi. Usha ikki kishining chiqib kelayotganini men oʻzim unga xabar qildimmi yoki birov xabar qildimi, buni bilmayman».

56-bob. Uylangan kishi qanday duo qilinadi?

Anas raziyallohu anhu rivoyat qiladilar: «Rasululloh sallallohu alayhi va sallam Abdurrahmon ibn Avfda sarigʻ dogʻ borligini koʻrib: «Bu nima?»—dedilar. U: «Men danakdek keladirgan oltin berib, bir ayolga uylandim»,— dedi. Ul zot: «Borakalloh, bir qoʻy soʻyib boʻlsa ham toʻy qilgin!» — dedilar».

57-bob. Kelinni kuyovning huzuriga kuzatgan ayollarni hamda kelinni duo qilmoq haqida

Oisha raziyallohu anho rivoyat qiladilar: «Rasululloh sallallohu alayhi va sallam menga uylandilar. Shunda, onam qoshimga kelib, meni hovliga olib kirdilar. Uyda koʻpgina ansoriya ayollar boʻlib, ular menga xayru baraka va baxtli turmush tiladilar».

58-bob. G'azotdan ilgari ayoliga qo'shilmoqni yaxshi ko'rgan kishi haqida

Abu Hurayra raziyallohu anhu Rasululloh sallallohu alayhi va sallamdan naql qilib bunday deydilar: «Paygʻambarlardan biri gʻazotga otlangach, oʻz qavmiga: «Birorta ham kishi xotinlarini olib mening ketimdan gʻazotga ergashmasin, chunki u xotiniga yaqinlik qilmoqni xohlagani birlan, yaqinlik qilolmaydi, gʻazotda bunga imkon yoʻq!» — dedi».

59-bob. To'qqiz yashar qizaloqqa qo'shilgan kishi haqida

Urva rivoyat qiladilar: «Rasululloh sallallohu alayhi va sallam Oishaga olti yoshligida uylanib, toʻqqiz yoshligida unga qoʻshildilar. Oisha ul zot birlan toʻqqiz yil turmush qurdi».

60-bob. Safarda qo'shilmoq haqida

Anas rivoyat qiladilar: «Rasululloh sallallohu alayhi va sallam Safiyyaga qoʻshilmoq uchun Xaybar birlan Madina oraligʻidagi bir yerda uch kun turib qoldilar. Men musulmonlarni Janob Rasulullohning toʻy ziyofatlariga taklif qildim. Dasturxonda na non va na goʻsht bor erdi, shul boisdan ul zot boriga qanoat qilmoqni amr qildilar. Dasturxonga xurmo, pishloq va yogʻ tortildi, shu birlan toʻy ziyofatlari boʻlib oʻtdi. Musulmonlar: «Safiyya moʻminlarning onalaridan biri boʻlarmikin yoki ul zotning choʻrilaridan biri boʻlarmikin?» —deyishdi. Keyin, ular oʻzlaricha: «Agar Janob Rasululloh uni hijobga olsalar (parda ortiga yashirsalar), u moʻminlarning onalaridan biri, basharti olmasalar, choʻrilaridan biri boʻladi»,— deyishdi. Safiyyaning kajavasi Janob Rasulullohning ortlaridan yoʻlga chiqqanda, ul zot u birlan odamlar orasiga parda tortib qoʻydilar».

61-bob. Ulovga mindirmay va olov yoqmay, kuppa-kunduzi qoʻshilmoq haqida

Oisha raziyallohu anho rivoyat qiladilar: «Rasululloh sallallohu alayhi va sallam menga uylandilar. Keyin, onam qoshimga kelib meni hovliga olib kirdilar. Kuppa-kunduzi boʻlgani uchun ham, men faqat Janob Rasulullohdan choʻchirdim». (Islomdan ilgari kelinni ulovga mindirib, gulxan atrofidan aylantirilgan).

62-bob. Ayollar uchun namatlar va shunga o'xshash narsalar haqida

Jobir ibn Abdulloh raziyallohu anhu rivoyat qiladilar: «Rasululloh sallallohu alayhi va sallam: «Namatlarni oldingizlarmi?» — dedilar. Men: «Yo Rasulalloh, bizda namat nima qiladi?!» — dedim. Ul zot: «Boʻlishi kerak!» — dedilar».

63-bob. Kelinni kuyov huzuriga kuzatib qo'yuvchi ayollar haqida

Hishom ibn Urva rivoyat qiladilar: «Oisha raziyallohu anho bir kelinni bir ansoriy kuyovning huzuriga kuzatib qoʻydilar. Janob Rasululloh: «Ey Oisha, musiqa chalib oʻyin-kulgi birlan kuzatib qoʻydingizlarmi? Ansorlar musiqa chalib oʻyin-kulgi qilishni xush koʻradilar»,— dedilar».

64-bob. Kuyovga qilinadirgan hadya haqida

Abu Usmon rivoyat qiladilar: «Men Anas ibn Molikning biz birlan birga «Baniy Rifoa» masjididan oʻtib ketayotib bunday deb aytayotganini eshitdim: «Rasululloh sallallohu alayhi va sallam Ummu Sulaymning hovlisi yonidan oʻtib ketayotib uning uyiga kirdilarda, unga salom berdilar. Ushanda ul zot Zaynabga uylanish arafasida erdilar. Ummu Sulaym menga: «Janob Rasulullohga (Zaynabga qoʻshilgan kunlari ertalab) nonushta tortiq qilsak, juda soz boʻlar erdi!» — dedi. Men unga: «Shunday qilgin!» — dedim-da,

xurmo, yogʻ va pishloqdan «haysa» (uch xil narsadan tayyorlanadirgan taom) tayyorlab, uni bir idishqa soldim. Keyin, uni olib Ummu Sulaym birlan birgalikda Janob Rasulullohning huzurlariga ravona bo'ldim. Janob Rasululloh menga: «Qo'lingdagini qo'y!» —dedilar, so'ng: «Falonchilarni hamda yo'lingda uchragan kishilarni chaqirib kel!» — deb amr qildilar. Men amrlarini bajo keltirib, qaytib keldim. Hovli odamlarga liq to'ldi. Janob Rasulullohga garasam, qo'llarini o'sha «haysa» ustiga qo'yib: «Mo shoalloh!» dedilar. Soʻng, huzurlariga oʻnta-oʻntadan odam chaqira boshladilar, ular kirib taomdan yeyishdi. Ul zot ularga: «Olloh taoloning ismini aytib yengizlar, har bir kishi o'ziga nasib qilganicha yesin!» — dedilar. Hamma to'yguncha yedi. Keyin, ko'pchilik chiqib ketdi, faqat bir nafar kishi suhbatlashib o'ltirib qoldi. Bunga mening g'ashim keldi. So'ng, Janob Rasululloh chiqib, hujralar tomon yurdilar, men ham ketlaridan chiqdim-da: «Ular ketishdi»,— dedim. Janob Rasululloh qaytib uyga kirib, pardani tashlab qo'ydilar, men ersam dahlizda turib goldim. Shunda ul zot: «Ey mo'minlar, payg'ambarning uylariga biror taomga taklif qilinganingizdagina kiringizlar, (barvaqtroq kirib taomning) pishishiga intizor bo'lib o'ltirmangizlar va lekin gachon chagirilsangizlar, kiringizlar, vagtiki taom yeb bo'ldingizlar, tarqalingizlar va o'ltirmangizlar o'zaro suhbatlashib, bu narsa albatta payg'ambarga ozor berur va payg'ambar sizlardan hayo gilur va Olloh taolo hagigatni bayon qilishdan hayo qilmas («Al-Ahzob» surasi, 53-oyat)»,— dedilar».

Abu Usmon: «Anas Janob Rasulullohga o'n yil xizmat qildi»,— deydilar.

65-bob. Kelin uchun kiyim va boshqa narsalarni birovdan vaqtincha olib turmoq haqida

Xishom otalaridan naql qiladilar: «Oisha raziyallohu anho Asmodan marjonini vaqtincha taqish uchun soʻrab olgan erdilar, yoʻqotib qoʻydilar. Janob Rasululloh uni qidirib topish uchun bir qancha sohobalarini joʻnatdilar. Shu asnoda namoz vaqti boʻlib qolib, ular betahorat namoz oʻqishdi (chunki, suv yoʻq boʻlib, «tayammum» haqidagi oyat hali nozil boʻlmagan erdi). Keyin, Janob Rasulullohning oldilariga kelishganda, shul haqda ul zotga shikoyat qilishdi. Shunda «tayammum» xususida oyat nozil boʻldi. Usayd ibn Huzayr Oisha onamizga: «Xudo xayringizni bersin, Olloh taolo haqi, bundan avval ham siz tufayli Olloh taolo biz musulmonlarga barakot ato etgan erdi!» — dedi».

66-bob. Ayoliga qo'shilmoqchi bo'lgan kishi nima deb aytmog'i lozim?

Ibn Abbos raziyallohu anhu rivoyat qiladilar: «Rasululloh sallallohu alayhi va sallam: «Ammo, agar birortasi ayoliga qoʻshilayotganda: «Bismillohi, yo parvardigoro, meni shaytondan va shaytonni sen bizga ato etadirgan farzandimizdan yiroq qilgil!» — desa, Olloh taolo ularga farzand taqdir qilgan boʻlsa, shayton unga mutlaqo zarar yetkaza olmaydi»,— dedilar».

67-bob. To'yda ziyofat bermoqlik — to'g'ri ishdur!

Abdurrahmon ibn Avf rivoyat qiladilar: «Rasululloh sallallohu alayhi va sallam menga: «Bir qo'y so'yib bo'lsa ham, to'y qilgil!»—dedilar».

Anas ibn Molik Janob Rasululloh sallallohu alayhi va sallam Madinaga kelganlarida oʻn yashar bola erdilar, ul kishi bunday dedilar: «Onam meni doimo Janob Rasulullohning xizmatlarini qilishga undar erdilar, men ul zotga oʻn yil xizmat qildim. Janob Rasululloh

vafot qilganlarida yigirma yoshda erdim. «Hijob» oyati xususida eng koʻp bilguvchi kishi men boʻlib, bu oyat Janob Rasulullohning Zaynab binti Jahsh birlan turmush qurgan kunlari nozil boʻlgan dastlabki oyat erdi. Ushanda Janob Rasululloh Zaynabga qoʻshilib kuyov boʻlgach, qavmni toʻy ziyofatiga chorladilar, qavm yeb-ichib, soʻng chiqib ketdi. Janob Rasulullohning huzurlarida bir necha kishigina uzoq oʻltirib qoldi. Shunda ul zot oʻrinlaridan turib tashqariga chiqdilar, men ham anavilar chiqib keqin deb, ul zot birlan birga chiqib ketdim. Janob Rasululloh yurdilar, men ham yurdim. Ul zot Oisha onamizning hujralari ostonasiga qadar bordilar, soʻng anavilar chiqib ketgandur, deb oʻylab ortlariga qaytdilar, men ham birga qaytdim. Ammo, ul zot Zaynabning huzuriga kirganlarida anavilar hanuz suhbatlashib oʻltirishar erdi. Janob Rasululloh buni koʻrib, yana ortlariga qaytdilar-da, Oisha onamizning hujralari ostonasiga qadar bordilar, men ham birgalashib bordim. Soʻng, anavilar chiqib ketgandur, deb oʻylab yana ortlariga qaytdilar, men ham birga qaytdim. Bu safar qaytganlarida anavilar chiqib ketishgan erdi. Janob Rasululloh oʻzlari birlan mening oʻrtamga parda tashlab qoʻydilar. Shunda Olloh taolo «Hijob» («Parda») oyatini nozil qildi».

68-bob. Bir qo'y so'yib bo'lsa ham, to'y (ziyofat) qilmoq kerak!

Anas raziyallohu anhu rivoyat qiladilar: «Rasululloh sallallohu alayhi va sallam Abdurrahmon ibn Avf bir ansoriya ayolga uylanganida unga: «Qancha mahr berding?» — dedilar. U: «Danakdek keladirgan oltin»,—dedi».

Humayd: «Men Anasning bunday deb aytganini eshitgan erdim»,— deydilar: «Muhojirlar Madinaga kelishganda ansorlarning uylariga tushishdi. Abdurrahmon ibn Avf Sa'd ibn ar-Rabi'ning uyiga tushdi. Sa'd unga: «Mol-mulkimning yarmini senga beraman va sening uchun xotinlarimning biridan voz kechaman!»— dedi. Abdurrahmon: «Olloh taolo oilang birlan mol-dunyongga barakot ato qilsin!»— dedi-da, bozorga ravona bo'ldi. U yerda u oldi-sotdi qilgach, biroz pishloq va yog xarid qildi, keyin uylandi. Janob Rasululloh unga: «Bir qo'y so'yib bo'lsa ham, to'y (ziyofat) qilgin!»— dedilar».

Anas raziyallohu anhu: «Janob Rasululloh birorta ham xotinlarini Zaynabni siylaganchalik ziyofat birlan siylamagan erdilar, Zaynabni bir qoʻy soʻyib siylagan erdilar»,— deydilar.

Anas raziyallohu anhu rivoyat qiladilar: «Rasululloh sallallohu alayhi va sallam Safiyyani ozod qildilar, soʻng ozod qilinganligini mahr qilib, unga uylandilar hamda uni «Hays» (xurmo, yogʻ va pishloqdan tayyorlanadirgan taom) birlan siyladilar».

Anas raziyallohu anhu rivoyat qiladilar: «Rasululloh sallallohu alayhi va sallam bir ayolga uylandilar. Keyin, meni joʻnatdilar, men borib odamlarni taomga taklif qildim».

69-bob. Ba'zi ayollarini ba'zi ayollaridan ko'ra ko'proq ziyofat birlan siylagan kishi haqida

Sobit raziyallohu anhu rivoyat qiladilar: «Anasning huzurida Zaynab binti Jahshning toʻyi haqida eslashdi.

Shunda u: «Men Janob Rasulullohning birorta ham xotinlarini Zaynabni siylaganchalik

ziyofat birlan siylaganlarini koʻrmaganman, oʻshanda uni bir qoʻy soʻyib siylagan erdilar»,— dedi».

70-bob. Qo'ydan kamroq narsa birlan ziyofat qilib siylagan kishi haqida

Safiyya binti Shayba: «Rasululloh sallallohu alayhi va sallam ba'zi xotinlarini ikki mudd arpa birlan siylagan erdilar»,— deydilar.

71-bob. Ziyofat (to'y)ga aytib kelsa, unga bormoq lozimligi, da'vatga javob bermoq kerakligi va yetti kun ziyofat qilgan kishi haqida

Rasululloh sallallohu alayhi va sallam ziyofatga na bir kun va na ikki kun vaqt ajratmaganlar!

Abdulloh ibn Umar raziyallohu anhu rivoyat qiladilar: «Rasululloh sallallohu alayhi va sallam: «Agar birortangiz ziyofatga (toʻyga) taklif qilinsangiz, unga albatta boringiz!» — dedilar».

Abu Muso raziyallohu anhu Janob Rasulullohdan naql qilib: «Asirni ozod qilingizlar, da'vat qilquvchiqa ijobat qilingizlar va kasalni borib koʻringizlar!» — dedilar».

Barro ibn Ozib raziyallohu anhu rivoyat qiladilar: «Rasululloh sallallohu alayhi va sallam bizga yetti narsani buyurib, yetti narsadan qaytardilar. Ul zot bizga kasalni borib koʻrmoqni, janozaga bormoqni, aksa urgan («Alhamdu lilloh» desa), unga («Iarhamukallohu va yashfiyka» deb) javob bsrmoqni, qasamga vafo qilmoqni, mazlumga yordam bermoqni, salom (alik)ni eshittirib aytmoqni va da'vat qilguvchiga ijobat qilmoqni amr qildilar hamda ul zot bizni oltin uzuk taqmoqdan, kumush idish tutmoqdan, miysara, qassiy, istabraq, deboj... kiymoqdan qaytardilar».

Abu Hozim rivoyat qiladilar: «Abu Usayd as-So'idiy Janob Rasulullohni o'z to'yiga taklif qildi. Uning xotini (ya'ni, kelin bo'lmish) o'sha kuni mehmonlarga o'zi shaxsan xizmat qildi. Sahl: «Bilasizlarmi, u Janob Rasulullohga nimani ichirganligini? Kechasi birlan turib qolgan xurmolarning suvini ul zot ovqat yeganlarida ichirib yubordi»,— dedi».

72-bob. Kimki da'vatga ijobat qilmasa, Olloh taolo birlan uning rasuliga osiylik qilgan boʻladi!

Abu Hurayra raziyallohu anhu: «Taomning eng yomoni — kambagʻallar qolib, boylar taklif qshshngan ziyofatdagi taomdur! Kimki da'vatga ijobat qilmasa, Olloh taolo birlan uning rasuliga osiylik qilgan boʻlur!» — deb aytar erdilar.

73-bob. (Qo'yning) soniga taklif qilinganda borgan kishi haqida

Abu Hurayra raziyallohu anhu rivoyat qiladilar. «Rasululloh sallallohu alayhi va sallam bunday dedilar: «Agar da'vat qilinsam qo'y soniga, bergayman albat, Agar hadya qilinsa qo'y qo'li, olgayman albat».

74-bob. To'y va shu kabilarga da'vat qilguvchiga ijobat qilmoq haqida

Abdulloh ibn Umar raziyallohu anhu rivoyat qiladilar: «Rasululloh sallallohu alayhi va sallam «Agar da'vat qilinsangiz, unga ijobat qilingizlar!» — dedilar». Ab-dullohning oʻzlari toʻy va shu kabilarga da'vat (taklif) qilinsalar, roʻza boʻlsalar ham, borar erdilar.

75-bob. Ayollar va bolalarning to'yga bormoqlari haqida

Anas ibn Molik raziyallohu anhu rivoyat qiladilar: «Rasululloh sallallohu alayhi va sallam to'ydan kelayotgan bir guruh ayollaru bolalarni ko'rib, qadlarini tikladilar-da: «Parvardigoro! Sizlar mening uchun eng mahbub odamsizlar!» — dedilar».

76-bob. Da'vat qilingan joyga borganda makruh narsani ko'rsa, ortiga qaytib ketadimi?

Ibn Mas'ud bir uyda surat borligini ko'rib, ortlariga qaytib ketdilar.

Ibn Umar Abu Ayyubni uylariga da'vat qildilar. Ul kishi uyda devorga osig'liq suratli pardani ko'rib, qaytib ketmoqchi bo'ldilar. Shunda Ibn Umar: «Bunga bizni xotinlar majbur qildi»,— dedilar. Abu Ayyub: «Bundan qo'rqsam ham, sendan qo'rqmayman! Xudo haqi, sizlar birlan bir dasturxonda o'ltirmayman!» — dedilar-da, ortlariga qaytib ketdilar.

Qosim ibn Muhammad rivoyat qiladilar: «Rasululloh sallallohu alayhi va sallamning jufti halollari boʻlmish Oisha onamiz suratli bir kichik yostiq sotib oldilar. Janob Rasululloh uni koʻrib, ichkariga kirmay, eshik ostonasida turib qoldilar. «Shunda,— deydilar Oisha onamiz,— ul zotning yuzlarida jirkanish alomatini koʻrib: «Yo Rasulalloh, Olloh taologa va.uning rasuliga tavba qildim, men nima gunoh qilib qoʻydim erkan?» — dedim. Ul zot: «Anavi yostiq bu yerda nima qilib turibdi?» — dedilar. Men: «Ultirasiz va bosh qoʻyasiz, deb siz uchun sotib oldim»,— dedim. Ul zot: «Mana shu suratlarni chizganlarga qiyomat kuni qattiq azob beriladi va ularga: «Oʻzlaringiz bunyod qilgan narsangizga jon kirgizingizlar!» — deyiladi»,— dedilar. Soʻng, yana: «Suratlar bor uyga farishtalar kirmaydi!» — deb aytdilar».

77-bob. To'y kuni ayolning erkaklar tepasida turib, shaxsan o'zi ularga xizmat qilmog'i haqida

Sahl raziyallohu anhu rivoyat qiladilar: «Abu Usayd uylanganida Rasululloh sallallohu alayhi va sallam birlan ul zotning sahobalarini toʻyga taklif qildi. Shunda u ularga taom ham keltirmadi, ularga yaqin ham kelmadi, bizga xizmatni faqat uning xotini Ummu Usaydning oʻzi ado etdi. Ummu Usayd toshdan yoʻnilgan bir togoraga xurmo solib, suvga boʻktirib qoʻyib, tuni birlan shunday qoldirgan erdi. Janob Rasululloh taom tanovul qilib boʻlganlarida u oʻsha xurmolarni ezib, suvini ul zotga quyib berdi».

78-bob. To'ydagi mast qilmaydirgan «naqi'» va «sharob» ichimliklari haqida

Abu Hozim rivoyat qiladilar: «Abu Usayd as-So'idiy Janob Rasululloh birlan ul zotning sahobalarini o'z to'yiga taklif qildi. Shunda kelin bo'lmish uning xotini ularga xizmat qilgan erdi. Sahl o'shanda: «Bilasizlarmi, uning Janob Rasulullohga nima quyib

berganini? U togorada tuni birlan ivitilgan xurmo suvini ul zotga quyib berdi»—deb aytgan erdi».

79-bob. Ayollar birlan murosa-yu madora qilmoqlik qamda Janob Rasulullohning «Darhaqiqat, ayol qobirgʻaga oʻxshaydi» degan qavllari haqida

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Ayol qobirgʻaga oʻxshaydi, agar uni toʻgʻrilayman desang, sindirib qoʻyasan va agar (shundayligicha) foydalanaveraman desang, foydalanaverasan, uning oʻzi (azaldan) qiyshiq!» — dedilar».

80-bob. Ayollar birlan maslahat qilmoqlik haqida

Abu Hurayra raziyallohu anhu rivoyat qiladilar: «Rasululloh sallallohu alayhi va sallam bunday deb aytdilar: «Kimki Olloh taologa va qiyomatga iymon keltirgan boʻlsa, qoʻshnisiga ozor bermasin! Shuningdek, ayollar birlan doimo yaxshilikcha maslahatlashingizlar. Chunki, ular qobirgʻadan yaratilgan boʻlib, qobirgʻaning eng qiyshiq yeri — uning doʻng joyidur. Agar uni toʻgʻrilashga harakat qilsang, sindirib qoʻyasan va agar qoʻyib yuborsang (yana qaytib oʻz holiga keladi-da), egriligicha qoladi. Bas, shunday erkan, ayollar birlan doimo yaxshilikcha maslahatlashingizlar!».

Ibn Umar raziyallohu anhu rivoyat qiladilar: «Biz, Janob Rasululloh hayotlik vaqtlarida, «Tagʻin, biror baloga griftor boʻlib qolmaylik!» deb xavotirlanganimizdan, ayollarimizga biror (qattiq) soʻz aytib, bemalolroq muomala qilishdan qoʻrqar erdik. Janob Rasululloh sallallohu alayhi va sallam vafot qylganlaridan soʻng, ayollarimizga (qattiq) gapirib, bemalolroq muomala qiladirgan boʻldik».

81-bob. Uzingizni hamda oilangizni do'zax o'tidan saqlangizlar!

Abdulloh raziyallohu anhu rivoyat qiladilar: «Rasululloh sallallohu alayhi va sallam bunday deb aytdilar: «Barchangiz homiy va mas'uldursizlar. Imom (rahbar) ham homiy hamda mas'uldur, er (erkak) o'z oilasiga homiy va mas'uldur, xotin erining uyiga homiy va mas'uldur, qul xojasining moliga homiy va mas'uldur, zero barchangiz homiy va barchangiz mas'uldursizlar!»

82-bob. Oila birlan yaxshi muomala qilmoqlik haqida

Oisha raziyallohu anho rivoyat qiladilar: «Un bitta ayol oʻz erlari xususidagi gaplarni zarracha yashirmasdan oshkor qilishga kelishib olishib, bir yerga toʻplanishdi. Birinchi ayol: «Mening erim tuya yangligʻ tirraqi, yengil boʻlib — chaqqonmas, semiz boʻlib — polvonmas!»—dedi. Ikkinchi ayol: «Men erimning sirini oshkor qilmasligim u yoqda tursin, hatto shunday oshkor qilayki, uning bor nuqsonlarini aytib, astar-avrasini chiqarib yuboray!» — dedi (ya'ni, u shugina bir gapi birlan erining kim erkanligini bildirib qoʻya qoldi) Uchinchi ayol: «Mening erim xudbin, unga bitta soʻz koʻplik va yarimta soʻz kamlik qiladi»,— dedi. Toʻrtinchi ayol: «Mening erim tihomalik bir notavon boʻlib, na issiq va na sovuq, na tasqara va na jirkanarlidir»,— dedi. Beshinchi ayol «Mening erim, uyga kirganda qoplon kabi uzala tushib dong qotib uxlaydi, koʻchaga chiqqanda arslon kabi qutirib ketadi (yoki arslonni koʻrganda dahshatga tushgan kishi kabi pisib qoladi)»,— dedi. Oltinchi ayol: «Mening erim ovqat yesa, biqinidan, suv ichsa, tomogʻidan

ko'rinadirgan bir odam bo'lib, oilasining na ovqatidan va na suvidan xabar oladi, bolachaqasining ahvoli nima kechayotir, zarra parvosiga kelmaydi»,— dedi. Yettinchi ayol: «Mening erim o'ta nimjon bo'lib, bo'lar bo'lmasga dardga chalinaveradi, tegsang, chochilib ketadigandek!» — dedi. Sakkizinchi ayol: «Mening erim quyondek tezotar va moldek sassig»,— dedi. Toʻqqizinchi ayol «Mening erim ustundek baland, tepalikdek salobatli, qurumdek qop-qora va xonanishindir»,— dedi. Uninchi ayol: «Mening erim oʻzi xon, koʻlankasi maydon, ta'rifi ortiqroqdur bundan ming chandon, qoʻra ichra tuyalari ko'pdur, ammo yaylovda oz — bir necha to'pdur, bu sho'rlik tuyalar gar soz ovozini eshiqalar, halok boʻldik, deb oʻylagaylar»,— dedi. Un birinchi ayol bunday dedi: «Mening erim Abu Zar' ikki qulog'imni isirg'a birlan bezab, ikki bilagimni tiqmachoqdek qilib semirtirdi, meni maqtab keriltirdi, meni o'zining ash-Shiqqadagi qo'ylari hamda yilqi-yu, tuyalari o'rnida ko'rdi. Men uning huzurida yomonlik ko'rmadim, yeb-ichib, huzurhalovatda yashadim. Uning onasi Ummu Abu Zar' ersa, ichi to'la qarg'ish, uyi bedarvoza bir xotindur. O'g'li Ibn Abu Zar' — ko'rpa-yostig'i juldur, o'zi bir echki qo'lini yesa, arang to'yadi. Qizi Binti Abu Zar' — ota-onasining g'irt o'zi, semizligidan kuylagiga sig'maydi, bor zahrini cho'risiga sochadi. Cho'risi ersa, gapimizni ko'chaga tashimaydi, o'g'ritomoq ermas, uyimizni oyogosti ham qilmaydi. Bir kuni Abu Zar' suv to'la meshdek jussasini soʻlgillatib koʻchaga chiqdi-da, ikki oʻgʻilchasi birlan kelayotgan bir ayolni uchrat-di. Ayolning bolalari onasining pinjida o'ynashayotgan ikki qoplonchadek ikki dona anorni o'ynashar erdi. Abu Zar' meni taloq qilib, o'sha ayolga uylandi. Keyin, men bir erkakka tegib oldim. U men birlan bearmon dom olishdi, menga ilgari bilmagan lazzatlarni, erdan ayolga lozim bo'lgan barcha rohatlarni baxsh etdi. U menga: «Bori-yo'g'imni sen Ummu Zar'ga bag'ishladim!»— dedi. Agar u menga ato etgan narsalarni jamlab, Abu Zar'ning (barcha idishlariga, hatto) eng kichik idishiga ham solsang, to'lib-toshib kega kerak!»

Oisha raziyallohu anho rivoyat qiladilar: «Habashlar nayzabozlikni mashq qilayotgan erdilar, shunda Janob Rasululloh meni begona koʻzdan pana qilib turdilar, men tomosha qildim. Biroz tomosha qilgach, ichkariga kirib ketdim, oʻshanda men oʻyin-kulgi qiladirgan yoshdagi bir qizaloq erdim»

83-bob Kishining o'z qiziga uning eri xususida pand-nasihat qilmog'i

Abdulloh ibn Abbos rivoyat qiladilar: «Men ancha vaqt Hazrat Umardan Janob Rasulullohning ayollaridan ikkitasi xususida so'ramoqchi bo'lib yurdim-u, lekin so'ray olmadim. Olloh taolo ular haqida «Agar Ollohga tavba qilsangizlar .» degan oyati karimasini nozil qilgan erdi. Hazrat Umar haj qilganlarida men ham birga haj qildim. Hajdan qaytayotib bir yerga kelganda, chekkaga chiqdilar, men ham meshchadagi suvni olib chekkaga chiqdim. Ul kishi hojatdan bo'shalib qaytgach, qo'llariga suv quyib berdim, tahorat oldilar. Soʻng, men ul kishidan «Yo moʻminlar amiri, Olloh taolo Janob Rasulullohning ayollaridan ikkitasi xususida «Agar Ollohga tavba qilsangizlar..» degan oyati karimasini nozil qilgan erkan, ular kimdurlar'»—deb suradim. Hazrat Umar: «Vo ajabo! Shuni ham bilmaysanmi, ey Ibn Abbos?! Ular — Oisha birlan Hafsa-dur», dedilar! Keyin, Hazrat Umar bunday deb gaplarida davom etdilar: «Men va mening bir ansoriy qushnim Baniy Umayya ibn Zayd qabilasida erdik. Ular Madina akobirlaridan erdilar. Men va qo'shnim navbatma-navbat Janob Rasulullohniig huzurlariga borib turar erdik, bir kun u borar erdi va bir kun men borar erdim. Men borib kelsam, o'shal kun Janob Rasulullohga nozil bo'lgan vahiy va u yerda bo'lgan boshqa voqealar haqida unga soʻzlab berar erdim. U borib kelganda ham xuddi shunday qilar erdi. Biz qurayshliklar ayollarimizdan ustun turar erdik. Ansorlar huzuriga kelsak, ularning ayollari erkaklaridan ustun erkan. Natijada, bizning ayollarimiz ularning ayollaridan «ta'lim» ola boshlashdi. Bir kuni xotinimga baqirib erdim, u ham menga baqirib javob qildi. Men: «Gap qaytarma!» — dedim. Xotinim: «Mening ogʻzimga urmangiz, xudo haqi, Janob Rasulullohning xotinlari ham ul zotga gap qaytarishadi, Ul zot bugun kechgacha ularning biridan arazladilar»,— dedi. Bundan men qattiq xavotirga tushdim-da, xotinimga: «Ulardan qaysi biri shu ishni qilgan boʻlsa, albatta badnom boʻladi!» — dedim. Keyin, kiyinib qizim Hafsaning huzuriga yoʻl oldim, yetib borgach, ichkariga kirdim-da, unga: «Ey Hafsa, bugun Janob Rasululloh birortangiz birlan kechgacha gaplashmayman, dedilarmi?» — dedim. Qizim: «Ha», — dedi. Men: «Ishonchimni oqlamading, baxtingni boy berding! Olloh taolo Janob Rasulullohning gʻazablari tufayli dargʻazab boʻlsa, omon qolasizlarmi? Halok boʻlasan! Janob Rasululloh birlan zinhor aytishma, ul zotga zarracha gap qaytarma, arazlama, nimaiki miyangga kelsa, mendan soʻra, qoʻshningning yolgʻonyashiq, balandparvoz gaplariga aldanma, hattoki u Janob Rasulullohga eng mahbuba boʻlgan Oisha boʻlsa ham!» — dedim.

O'sha paytlarda biz: «G'asson podshohi bizga qarshi urush qilmoq taraddudida otlarini tagalamogda» — deb xavotirlanib gapirib yurar erdik. Bir kuni ansoriy do'stim o'z navbati bo'yicha Janob Rasulullohning huzurlariga borib, kechki payt qaytib keldi-da, eshigimni qattiq taqillatdi. Shunda, «Biror gunoh qilib qoʻyiptimikan?» deb qoʻrqib, darhol oldiga chiqdim. U menga: «Bugun bir ulkan voqea sodir boʻldi!» — dedi. Men: «Nima gap o'zi, G'asson podshohi bostirib keldimi?» — dedim. U: «Yo'q, aslo, bundan ham badtar va dahshatliroq, Janob Rasululloh xotinlarini taloq qilibdilar!»—dedi. Men: «Hafsa ishonchimni oglamadi, baxtini boy berdi. Shunday bo'lmasaydi, deb xayolimdan o'tkazgan erdim-a!» — dedim-da, kiyinib olib Janob Rasululloh birlan birga bomdod namozini o'qidim. Keyin, Janob Rasululloh boloxonalariga kirib, unda yolg'iz o'zlari qoldilar. Men Hafsaning huzuriga kirsam, yigʻlab oʻltiribdi, unga: «Seni yigʻlatayotgan narsadan ehtiyot bo'lmog'ingni aytmaganmidim?! Mana, endi nima bo'ldi?! Janob Rasululloh sizlarni taloq qildilarmi?»—dedim. U: «Bilmayman, ul zot hov anavi boloxonada yolg'iz o'zlari o'ltiribdilar»,—dedi. Men tashqariga chiqib, minbar oldiga bordim, garasam bir to'da odamlar uning atrofida o'ltirishibdi, ba'zisi yig'layapti, men ham ular birlan biroz o'ltirdim. Keyin, qalbimdagi hislar meni mag'lub qildi-da, Janob Rasululloh o'ltirgan boloxona oldiga bordim. Qora xizmatkorlariga: «Umarga ichkariga kirmogga ijozat berasizmi, deb soʻrab chiq!» — dedim. Xizmatkor ichkariga kirib, Janob Rasululloh birlan soʻzlashib qaytib chiqdi-da: «Janob Rasulullohga sizning kelganingizni aytdim, indamadilar», — dedi. Men, noiloj, boyagi minbar atrofida o'ltirgan odamlar yoniga borib oʻltirdim. Keyin, qalbimdagi hislar yana meni magʻlub etib, xizmatkor oldiga bordim-da, unga: «Umarga izn berasizmi, deb so'rab chiq!»— dedim. U ichkariga kirib chiqib: «Sizning kelganingizni aytdim, indamadilar»,— dedi. Men, noiloj, yana boyagi minbar atrofidagi odamlar oldiga borib o'ltirdim. So'ng, galbimdagi hislar yana meni mag'lub etib, xizmatkor oldiga bordim-da: «Umarga ruxsat berasizmi, deb so'rab chig!» — dedim. U ichkariga kirib chiqib: «Sizning kelganingizni aytdim, indamadilar»,— dedi. Endigina ortimga qaytib ketayotgan erdim, nogahon xizmatkor meni chaqirib: «Ul zot sizga ijozat berdilar»,— dedi. Men Janob Rasulullohning huzurlariga kirsam, ul zot bo'yra ustida yotibdilar, bo'yra biginlariga botib ketibdi. Boshlariga ichiga pohol tigilgan teridan qilingan yostiq qo'yib olibdilar. Men ul zotga salom berdim-da, tik turganimcha: «Yo Rasulalloh, xotinlaringizni taloq qildingizmi?» — dedim. Ul zot menga qarab: «Io'q», dedilar. Men: «Ollohu akbar!» — dedim, soʻng oʻsha tik turgan holimda: «Yo Rasulalloh, agar mening gaplarimga quloq osmog'ingizni lozim topsangiz, tinglangiz! Sizga ma'lumki, biz Quraysh jamoasi xotinlarimizdan ustun turar erdik, Madinaga kelsak, bul

yerdagi qavm ayollari erkaklaridan ustun erkan»,— dedim. Janob Rasululloh bu gapimni eshitib tabassum qildilar. Keyin, men yana davom etib: «Yo Rasulalloh, agar bilsangiz, men Hafsaning huzuriga kirib, unga: «Qo'shningning yolg'on-yashig, balandparvoz gaplariga aldanma, hattoki u Janob Rasulullohga eng mahbuba boʻlgan Oisha boʻlsa ham!» — deb aytdim»,— dedim. Shunda ul zot yana bir tabassum qilib ko'ydilar. Men tabassum qilganlaridan foydalanib, oʻltirib oldim-da, uylariga koʻz yugurtirdim. Olloh taolo haqi, uylarida uchta oshlanmagan teridan bo'lak biror ko'zga ilinadirgan narsa ko'rmadim! Janob Rasulullohga: «Yo Rasulalloh, Olloh taologa iltijo gilib, duo gilingiz, ummatingizga ne'matlarini bisyor gilsin! Olloh taolo Fors va Rum ahliga ne'matlarini bisyor qilgan, ularga mol-dunyo bergan, ular ersalar unga ibodat qilmaydilar»,— dedim. Janob Rasululloh yonboshlab yotgan erdilar, o'rinlaridan turib o'ltirdilar-da: «Yo Ibn al-Xattob, rost aytding! Darhagikat, bu gavmlar barcha ne'matlarni mana shu dunyoda olmogga oshiqdilar»,— dedilar. Men: «Yo Rasulalloh, mening uchun Olloh taolodan mag'firat tilangiz!» — dedim. Ushanda Rasululloh sallallohu alayhi va sallam o'zlari haqlarida Hafsa Oishaga gap tarqatganda xotinlaridan yigirma to'qqiz kun arazlagan erdilar. Janob Rasululloh Olloh taolo o'zlariga tanbih berganda xotinlaridan qattiq xafa bo'lganlaridan: «Men ular huzuriga bir oy kirmayman!» — deb aytgan erdilar. Yigirma to'qqiz kun o'tgach, Janob Rasululloh Oishaning hujrasiga kirib, u birlan so'zlasha boshladilar. Shunda Oisha: «Yo Rasulalloh, siz bizning huzurimizga bir oy kirmayman, deb ont ichgan erdingiz, vaholanki mening hisobimga ko'ra, yigirma to'qqiz kun o'tkazib kirdingiz!»—dedi. Janob Rasululloh: «(Bu) oy yigirma toʻqqiz kundur», dedilar. Darhaqiqat, o'sha oy yigirma to'qqiz kun erdi. Oisha: «Keyin, Olloh taolo tanlash ixtiyori berilganligi haqida oyat nozil qildi. Janob Rasululloh ayollaridan eng birinchi bo'lib men birlan, so'ng boshqa ayollari birlan gaplasha boshladilar»,— deydilar. Ul zotning boshqa ayollari ham, Oisha kabi: «Bir oy kirmayman deb, yigirma toʻqqiz kunda kirdingiz-ku?!» deyishdi».

84-bob. Ayolning ro'za tutmoqqa xohish bildirib eridan ruxsat olgachgina ro'za tutmog'i haqida

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Eri huzurida boʻlgan ayol erining iznisiz roʻza tutmaydi!» — dedilar».

85-bob. Agar ayol erining to'shagini tark etib, o'zi yolg'iz uxlasa... (ya'ni, boshqa-boshqa joy solib yoqa...)

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Agar er xotinini oʻz toʻshagiga chorlasa~yu, u bosh tortib kelmasa, maloikalar uni tongga qadar la'natlab chiqadilar!»—dedilar».

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Agar ayol erining toʻshagini tark etib, oʻzi yolgiz uxlasa, maloikalar uni to erining qoʻyniga qaytguniga qadar la'natlaydilar!» — dedilar».

86-bob. Ayol erining uyiga uning ruxsatisiz biror kishining kirmog'iga izn bermaydi

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Eri huzurida boʻlgan ayolning erining iznisiz roʻza tutmogi halol ermas hamda ayol

erining uyiga uning ruxsatisiz biror kishining kirmogiga izn bermasin va erining buyrugisiz biror narsani sarf qilmasin, chunki oʻsha sarf qilingan narsaning yarmi erinikidur!»—dedilar».

87-bob.

Usoma raziyallohu anhu rivoyat qiladilar: «Rasululloh sallallohu alayhi va sallam: «Men jannatning darvozasi ostonasiga kelib turdim, u yerga (birinchi boʻlib) kirayotgan omma miskinlar boʻlib, boylar ersa toʻxtatib qoʻyilgan erdi. Ammo, doʻzax ahlini doʻzaxga haydamoqqa allaqachonlar amr qilingan boʻlib, men uning ham darvozasi ostonasiga kelib turdim, ul yerga kirgan omma ayollar erdi»,— dedilar».

88-bob. Bir yostiqqa bosh qo'ygan erga ko'rnamaklik qilmoqlik xususida

Ibn Abbos raziyallohu anhu rivoyat qiladilar: «Rasululloh sallallohu alayhi va sallamning davrlarida quyosh tutildi. Janob Rasululloh namoz o'qidilar, odamlar ham birgalashib namoz o'gishdi. Shunda «Surai Bagara» giroatiga ketganchalik vagt giyomda uzog turdilar, keyin uzoq ruku' qildilar, so'ng qadlarini rostlab uzoq qiyomda turdilar, ammo bu safar ilgarigi qiyomdagidan ko'ra kamroq vaqt sarfladilar, keyin uzoq ruku' qildilar, ammo bu gal avvalgi ruku'dagidan ko'ra kamrog vagt sarf gildilar, so'ng gadlarini rostladilar, soʻng sajda qildilar, keyin qadlarini rostlab uzoq qiyomda turdilar, ammo bu safar ilgarigi qiyomdagiga nisbatan kamroq turdilar, soʻng uzoq ruku' qildilar, ammo bu gal avvalgidan ko'ra kamrog vagt sarf gildilar, so'ng gadlarini rostlab uzog giyomda turdilar, lekin avvalgiga nisbatan kamrog turdilar, keyin uzog ruku' gildilar, lekin avvalgiga nisbatan kamroq vaqt sarf qildilar, soʻng turdilar, soʻng sajda qildilar, keyin namozxonlarga o'girildilar. Shu vaqtda quyosh tutilib bo'lib, charaglab turgan erdi. Janob Rasululloh odamlarga garata bunday dedilar: «Quyosh birlan oy Olloh taoloning mo"jizalaridan ikki mo"jizadur. Ular biror kishining o'limi yoki hayotligi tufayli tutilmaydilar, agar ularning tutilganini ko'rsangizlar, darxol Olloh taoloni zikr qilingizlar!». Odamlar: «Yo Rasulalloh! Namoz chog'ida sizning ana shu turgan yeringizda bir narsani olganingizni koʻrdik, keyin orqaga tisarildingiz»,— deyishdi. Ul zot: «Men jannatni koʻrdim.(yoki menga jannat koʻrsatildi). Undan bir shingilni uzib olmogchi bo'ldim, agar ololganimda erdi, dunyo turguncha undan yer edingizlar. Keyin, do'zaxni ko'rdim, bugungidek (dahshatli) manzarani ko'rmaganman! Qarasam, uning ko'pchilik ahli ayollar erkan»,— dedilar. Odamlar: «Yo Rasulalloh, nechun bunday?» — deyishdi. Ul zot: «Koʻrnamaklik qilganlari uchun»,— dedilar. Odamlar: «Olloh taologa koʻrnamaklik qilganlari uchunmi?» — deyishdi. Ul zot: «Erlariga va ularning qilgan yaxshiliklariga ko'rnamaklik qilganlar. Agar ayollardan birortasiga umr bo'yi yaxshilik qilsang-u, keyin sendan zarracha xatolik o'tganini ko'rsa, «Sendan sira yaxshilik ko'rmadim!» deb aytgay»,— dedilar».

Imron bunday deydshar: «Janob Rasululloh: «Jannat namoyon qilindi, qarasam uning koʻpchilik ahli kambagʻallar erkan, soʻng doʻzax namoyon qilindi, qarasam uning koʻpchilik ahli ayollar erkan»,— dedilar».

89-bob. Xotiningning senda haqi bor!

Abdulloh ibn Amr ibn al-Os rivoyat qiladilar: «Rasululloh sallallohu alayhi va sallam: «Ey Abdulloh! Sen kunduzi ro'za tutib, kechasi birlan ibodat qilib chiqar ermishsan»,—

dedilar. Men: «Ha, yo Rasulalloh!»—dedim. Ul zot: «Bunday qilma! Roʻza ham tut, ogʻiz ham och, tunda ibodat ham qil, uxlagil ham, chunki jasadingning ham, koʻzingning ham, xotiningning ham senda haqi bordur!» — dedilar».

90-bob. Ayol erining uyiga homiydur!

Ibn Umar raziyallohu anhu rivoyat qiladilar: «Rasululloh sallallohu alayhi va sallam: «Barchangiz oʻz qoʻl ostingizdagilarga homiy va mas'uldursizlar, amir ham homiydur va er oʻzining xonadon a'zolariga homiydur, xotin ersa erining uyi va uning bolalariga homiydur. Demak, barchangiz oʻz qoʻl ostingizdagilarga homiy va mas'uldursizlar!» — dedilar».

91-bob. Olloh taolo: «Erlar xotinlarga hokimdurlar, bu shuning uchunki Olloh taolo ba'zilarin ba'zilaridan ortiq qilgandur» («Olloq taolo buyuk va ulugʻ zotdur» degan qavligacha),— deydi

Anas raziyallohu anhu rivoyat qiladilar: «Rasululloh sallallohu alayhi va sallam xotinlari huzuriga bir oy kirmaslikka ont ichib, boloxonalarida yolgʻiz oʻzlari yashadilar, soʻng yigirma toʻqqiz kun deganda tushdilar, Shunda xotinlari: «Yo Rasulalloh, bir oy kirmaslikka ont ichib erdingizku?!»—deyishdi. Ul zot: «(Bu) oy yigirma toʻqqiz kundur»,—dedilar».

92-bob. Rasululloh sallallohu alayhi va sallam xotinlaridan arazlaganlarida ularning uylaridan oʻzga joyda (boloxonada) yotib yurdilar

Muoviya ibn Hayda: «Erkak xotinlaridan arazlaganda faqat ularning uylarida yotib yuradi» — deb aytgan erkanlar, ammo yuqoridagi fikr toʻgʻriroqdur.

Ummu Salama rivoyat qiladilar: «Rasululloh sallallohu alayhi va sallam ba'zi xotinlarining huzuriga bir oy kirmaslikka ont ichdilar, soʻng yigirma toʻqqiz kun oʻtgach, kirdilar. Shunda ul zotga: «Yo Rasulalloh, bir oy kirmaslikka ont ichib erdingizku?!» — deyishdi. Ul zot: «(Bu) oy yigirma toʻqqiz kun boʻladi»,— dedilar».

Ibn Abbos bunday deb aytgan erkanlar: «Bir kuni ertalab turib Janob Rasulullohning xotinlari yigʻlashayotganini va ularning har biri oldida oʻz qarindoshlari toʻplanib turganini koʻrdim. Keyin, men masjidga chiqdim, qarasam u yerda odam liq toʻla. Hazrat Umar Janob Rasulullohning boloxonalari ostonasiga borib salom berdilar, ichkaridan hech kim alik olmadi, keyin yana salom berdilar, yana hech kim alik olmadi, yana salom berdilar, yana hech kim alik olmadi. Keyin, (endi qaytib ketaman, deb turganlarida) ichkaridan Janob Rasululloh chaqirib qoldilar, Hazrat Umar ichkariga kirdilar-da: «Xotinlaringizni taloq qildingizmi?»—dedilar. Ul zot: «Ioʻq, lekin ularning huzuriga bir oy kirmaslikka ont ichdim»,— dedilar. Janob Rasululloh yigirma toʻqqiz kun turib, soʻng xotinlari huzuriga kirdilar».

93-bob. Xotinlarni qanday urmaslik kerak? Olloh taolo: «Ularni jonlari ogʻrimaydirgan qilib uringizlar!» — deydi

Abdulloh ibn Zam'a rivoyat qiladilar: «Rasululloh sallallohu alayhi va sallam:

«Birortangiz qulni savalagandek xotiningizni savalamangiz! Keyin, ertasiga u birlan yana yaqinlik qilasiz»,— dedilar».

94-bob. Ayol gunohovar ish xususida eriga itoat qilmasin!

Oisha raziyallohu anho rivoyat qiladilar: «Bir ansoriya ayol qizini erga berdi. Keyin u, qizining sochi toʻkilib ketgach, Janob Rasulullohning huzurlariga kelib, shul haqda «Kuyovim qizimga ulamasoch (yasamasoch) taqib qoʻymogʻimni buyurdi»,— dedi Ul zot «Bu mumkin ermas, chunki ulamasoch (yasamasoch taqmoqlik) la'natlangandur!» — dedilar»

95-bob. Agar ayol erining koʻngilsiz boʻlib qolishidan yoki qoʻyib yuborishidan choʻchisa...

Oisha raziyallohu anho rivoyat qiladilar: «Erining koʻngilsiz boʻlib qolishidan yoki quyib yuborishidan choʻchiydirgan ayol shunday ayolki odatda eri undan koʻngli toʻlmay, uni taloq qilib boshqa xotin olgisi keladi. Shunda oʻsha ayol eriga: «Meni nikohingizda olib qolingiz va meni taloq qilmangiz-da, ustimga boshqa xotin olaveringiz, siz menga nafaqa va mahrni biroz kamroq bersangiz ham mayli!» — deydi. Olloh taolo bu xususda «Va agar bir xotin uz erining koʻngilsiz boʻlishidan yoki yuz oʻgirishidan qurqsa-yu, oʻzaro kelishib sulh qilishsa, bu har ikkisiga ham gunoh ermas, sulh yaxshidur!»—deydi»

96-bob Maniyni tashqariga to'kish haqida

Jobir raziyallohu anhu: «Biz Janob Rasululloh zamonlarida (bola boʻlib qolmasin, deb) maniyni tashqariga toʻkar erdik»,— deydilar

Ato Jobirdan naql qiladilar: «Biz maniyni tashqariga toʻkar erdik, keyin bu xususda oyat nozil boʻldi»

Abu Sa'id al-Xudriy rivoyat qiladilar: «G'azotda asir olingan aeyollarni jimo' qilayotib, (xomilador qilib qo'yishdan qo'rqqanimizdan) maniyni tashqariga to'kar erdik. Keyin shul haqda Janob Rasulullohdan so'rab erdik, ul zot bizga: «Yoki o'zlaringiz shunday qilasizlarmi? Qiyomatga qadar dunyoga keladirgan odamlar allaqachonlar yaratib qo'yilgandur!» — deb uch bor aytdilar».

97-bob Safarga chiqmoqchi boʻlganda xotinlari oʻrtasida qur'a tashlamoq haqida

Ibn Abu Mulayka rivoyat qiladilar: «Rasululloh sallallohu alayhi va sallam safarga chiqsalar, xotinlari oʻrtasida qur'a tashlar erdilar. Bu safar ham qur'a tashlab erdilar, qur'a Oisha birlan Hafsaga chiqdi. Odatda, Janob Rasululloh tun boʻlsa, Oisha birlan suhbatlashgani borar erdilar. Hafsa Oishaga «Sen mening tuyamga va men sening tuyangga minib olsam-chi, nima qilishlarini bir koʻrar erdik!» — dedilar. Oisha: «Boʻpti!»—dedilar. Keyin, Ja-nob Rasululloh Oishaning tuyasi oldiga kelib, unda Hafsa oʻltirganini koʻrdilar-da, unga salom berib qaytib ketib qoldilar. Odamlar Hafsaning tuyasini choʻktirishdi. Oisha Janob Rasulullohni koʻzdan yoʻqotib qoʻydilar-da, atrofga alanglay boshladilar. Odamlar Oishaning tuyalarini choʻktirganda ul muhtarama

oyoqlarini o'tlar orasiga tiqib turib «Yo parvardigoro, shu yerdan bir chayon yoki ilon chiqarib meni chaqtirgil, men ul zotga biror narsa deyolmayman!» — dedilar».

98-bob Ayolning eri huzuriga kiradirgan kunini kundoshiga tuhfa qilishi xususida. Er xotinlari huzurig'a kiradirgan kunlarini qanday taqsimlaydi?

Hishom otalaridan naql qiladilar: «Savda binti Zam'a oʻzining huzuriga Janob Rasululloh kiradirgan kunini Oishaga tuhfa qildi. Janob Rasululloh uning huzuriga kiradirgan kunni Oishaga bagishladilar va bu kun Savdaning kuni erdi»

99-bob. Xotinlarni barobar ko'rmoq haqida

Olloh taolo «Va sizlar na qadar dillaringiz xoxlasa ham, xotinlarni barobar koʻra olmassizlar, zinhor bir tarafga egilib ketib, ikkinchi tarafni muallaq qoldirmanglar va agar isloh ham ehtiyot qilib tursangizlar, albatta Olloh taolo magfirat qilguvchi mehribondur va agar ikkalalari (ya'ni, er va xotin) ajralishsalar, (hech bok yoʻqdur), Olloh taolo har ikkalasini oʻz kushoyishidan bahramand qilgay, Olloh taolo kushoyishli hikmatli zotdur!» — deydi.

100-bob. Juvon ustiga bokira qizga uylansa...

Anas raziyallohu anhu rivoyat qiladilar: «Sunnat shuki, agar kishi bokira qizga uylansa, uning huzurida yetti kun va agar juvonga uylansa, uch kun turadi»

101-bob. Bokira qiz ustiga juvonga uylansa...

Anas raziyallohu anhu rivoyat qiladilar: «Payg'ambarimizdan qolgan sunnat shuki, agar kishi juvon ustiga bokira qizga uylansa, avval uning huzurida yetti kun turib, soʻng (ularning huzuriga navbat birlan kirib chiqish uchun) muayyan kunlarni ta'yin qiladi va agar kishi bokira qiz ustiga juvonga uylansa, avval uning huzurida uch kun turib, soʻng (ularning huzuriga navbat birlan kirib chiqish uchun) muayyan kunlarni ta'yin qiladi».

102-bob. Birvarakayiga hamma xotinlarini ziyorat qilib chiqqan kishi xususida

Anas ibn Molik rivoyat qiladilar: «Rasululloh sallallohu alayhi va sallam bir kechada hamma xotinlarini ziyorat qilib chiqar erdilar, oʻshanda ul zotning toʻqqizta xotinlari bor erdi».

103-bob. Kishining o'z xotinlari huzuriga kunduzi kirib chiqishi haqida

Oiish raziyallohu anho rivoyat qiladilar: «Rasululloh sallallohu alayhi va sallam, agar asr namozidan qayqalar, ayollarining huzuriga kirar va ulardan biri birlan yaqinlik qilar erdilar. Bir kuni ul zot Hafsaning huzuriga kirib u yerda odatdagidan koʻra koʻproq qolib ketdilar».

104-bob. Kishi xotinlaridan ulardan birining uyida davolanib yotmoqqa ijozat so'raganda unga ijozat berilgani xususida

Hishom ibn Urva otalaridan naql qiladilar: «Rasululloh sallallohu alayhi va sallam

vafotlaridan burungi xastalik chogʻlarida: «Ertaga men qay yerda boʻlaman, ertaga men qay yerda boʻlaman?»—deb soʻrar erdilar, ya'ni Oishaning huzuriga kiradirgan kunlari qachon kelishini soʻrar erdilar. Shunda xotinlari: «Uzingiz istagan xotiningizning uyida boʻlaveringiz!» — deb ijozat berishdi. Keyin, Janob Rasululloh to vafot qilgunlariga qadar Oishaning uyida boʻldilar. Oisha: «Janob Rasululloh aynan mening huzurimga kiradirgan kunlari mening uyimda vafot etdilar. Olloh taolo oʻz omonatini olganda ul zotning boshlari bagʻrimda va tupuklari tupugimga omuxta erdi» (ya'ni, Oisha onamiz tish tozalaydirgan misvok uchini tishlari birlan yumshatib bergan, Janob Rasululloh ersalar uni olib tishlarini tozalagan erdilar. Shunda Oisha onamizning misvokka tekkan tupuklari ul zotning tupuklariga omuxta boʻlgan erdi).

105-bob. Kishining ba'zi xotinlarini ba'zisidan ko'ra ko'proq yaxshi ko'rmog'i haqida

Ibn Abbos Hazrat Umarning Hafsaning huzuriga kirib: «Ey qizginam, qoʻshningning balandparvoz, yolgʻon-yashiq gaplariga aldanma, hattoki u Janob Rasulullohga eng mahbuba boʻlgan Oisha boʻlsa ham!» — dedim, soʻng bu gapimni ul zotga aytib berib erdim, tabassum qilib qoʻydilar» — deb aytganlarini eshitgan erkanlar».

106-bob. Uzida yoʻq narsaga oʻzini toʻygandek qilib koʻrsatishning hamda kundoshning oʻzini birovlarga eri oldida e'tibori bordek qilib koʻrsatishining makruhligi haqida

Asmo raziyallohu anho rivoyat qiladilar: «Bir ayol: «Yo Rasulalloh, mening kundoshim bor, agar men oʻzimni erim menga bermayotgan narsaga toʻygandek qilib koʻrsaqam, menga gunoh boʻlmaydimi?» — dedi. Ul zot: «Uziga berilmagan narsaga oʻzini toʻygandek qilib koʻrsatuvchi shaxs — birovning ikkita koʻylagini kiyib olgan odam kabidur!» — dedilar».

107-bob. Rashk haqida

Mugiyra rivoyat qiladilar: «Sa'd ibn Uboda: «Agar men bir begona kishini xotinim birlan koʻrib qolsam, uni qilich beti birlan ermas, tigʻi birlan urib, chopib tashlayman!» — dedi. Janob Rasululloh: «Sa'dning rashkidan ajablandingizlarmi? Men Sa'ddan, Olloh taolo ersa mendan ham koʻproq rashklidur!» — dedilar».

Abdulloh ibn Mas'ud rivoyat qiladilar: «Rasululloh sallallohu alayhi va sallam: «Olloh taolodan ko'ra rashkliroq kishi yo'qdur, shul boisdan ham ul buzuqliklarni harom qildi, shuningdek Olloh taolodan ko'ra madhni yoqtiradirganroq kishi ham yo'qdur!» — dedilar».

Oisha raziyallohu anho rivoyat qiladilar: «Rasululloh sallallohu alayhi va sallam: «Ey Muhammad ummati! Olloh taolodan koʻra, agar u oʻz bandasining zino qilayotganini koʻrsa, koʻproq rashk qiladirgan shaxs yoʻqdur! Ey Muhammad ummati! Agar men bilgan narsalarni bilganingizda erdi, kamroq kulib, koʻproq yigʻlagan boʻlur erdingizlar!»— dedilar».

Asmo raziyallohu anho rivoyat qiladilar: «Rasululloh sallallohu alayhi va sallam: «Olloh taolodan koʻra rashkliroq shaxs yoʻqdur'» — dedilar»

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Darhaqiqat, Olloh taolo rashk qilgay va Olloh taoloning rashki moʻmin banda Olloh taolo harom qilgan narsalarni qilganda tugʻyon urgaydur!» —dedilar»

Abu Bakr Siddigning qizlari Asmo rivoyat qiladilar: «Zubayr menga uylandi. Uning suv tortadirgan tuyasi-yu, otidan bo'lak hech vagosi yo'q erdi. Men otiga yem berar, tuyasi yordamida suv tortar va qo'l tegirmonda don yanchib, xamir qilar erdim. Lekin, men (hali) yaxshi non yopolmas erdim, ansoriya qo'shnilarimdan biri yopib berar erdi. Ikkalamiz ham pokdomon ayollar erdik. Men yanchilgan donni boshimga goʻyib, Zubayrning Janob Rasululloh in'om gilgan yeridan asl go'shnimning yeriga olib chigar erdim, go'shnim ersa mendan uchdan bir farsax narida turar erdi. Bir kuni donni boshimga qo'yib ketayotgan erdim, yo'lda Janob Rasulullohni bir guruh ansorlar birlan uchratib goldim. Ul zot meni goshlariga chaqirdilar, keyin kaftlariga tuplab, meni opichib olmogchi bo'ldilar. Men erkaklar birlan birga ketishdan uyalib, Janob Rasulullohga Zubayr va uning rashki haqida eslatdim, chunki erim o'ta rashkli odam erdi. Janob Rasululloh mening hayo qilganimni bilib, yo'llarida davom etdilar. Keyin, men Zubayrning oldiga borib, unga: «Men boshimga donlarni goʻyib ketayotgan erdim, Janob Rasulullohni bir guruh sahobalari birlan uchratib goldim. Shunda ul zot tiz cho'kib meni opichlab olmogchi bo'ldilar, men uyalib ko'nmadim. So'ng, ul zotga sizning rashkli erkanlığıngıznı bildirdim»,— dedim. Erim: «Xudo hagi, boshingdagi doningni ko'tarib olsalar, mayli-ya, ammo seni yuking birlan opichib olganlarida mening sha'nimga og'ir bo'lar erdi!»— dedi. Shundan keyin, (otam) Abu Bakr bir xizmatkor yubordilar, u meni ot bogish yumushidan ozod gildi».

Anas raziyallohu anhu rivoyat qiladilar: «Rasululloh sallallohu alayhi va sallam xotinlaridan birining huzurida erdilar. Bir payt, moʻminlarning onalaridan biri bir likopchada ul zotga taom kiritdi. Shunda Janob Rasululloh qaysi xotinlarining huzurida oʻltirgan boʻlsa-lar, oʻsha xotinlari taom keltirgan xizmatkorning qoʻliga urib erdi, likopcha tushib ketib, chilparchin boʻldi. Janob Rasululloh likopcha siniqlarini birlashtirdilar, soʻng sochilib ketgan taomni yigʻishtirib, unga soldilarda: «Onalaringiz rashk qildi!» — dedilar. Keyin, xizmatkorni toʻxtatib, unga hozir oʻzlari uyida oʻltirgan xotinlarining likopchalaridan birini berib yubordilar, singan likopchani ersa likopchani sindirgan xotinlarinikida qoldirdilar».

Jobir ibn Abdullou raziyallohu anhu rivoyat qiladilar: «Rasululloh sallallohu alayhi va sallam: «Jannatga kirdim (yoki jannatga keldim), u yerda bir qasrni koʻrib. «Bu kimning qasri?»—deb soʻradim. «Umar ibn al-Xattobniki»,— deyishdi. Keyin, men unga kirmoqchi boʻldim, ammo kirmogʻimga (ey Umar), faqat sening rashkchi erkanligingni bilganim mone'lik qildi»,— dedilar Xazrat Umar. «Yo Rasulalloh, ota-onam sizga fido boʻlsinlar! Yo Nabiyyalloh, sizdan rashk qilamanmi?!»—dedilar».

Abu Hurayra rivoyat qiladilar: «Bir payt, biz Rasululloh sallallohu alayhi va sallamning huzurlarida oʻltirib erdik, ul zot bizga. «Bir mahal, men uxlab yotgan erdim, oʻzimni jannatda koʻrdim. Bir ayol bir qasrning yonida yuvinib turgan erkan. «Bu qasr kimniki?»—dedim. «Bu Umarniki»,— deyishdi. Shunda men Umarning rashkli erkanligini eslab, u yerdan ortimga qaytib ketdim»,— dedilar. Hazrat Umar shu yerda oʻltirgan erdilar, yigʻlab yubordilar, soʻng: «Sizdan rashk qilamanmi, yo Rasulalloh?!» — dedilar».

108-bob Ayollar rashki va g'azabi xususida.

Oisha raziyallohu anho rivoyat qiladilar: «Rasululloh sallallohu alayhi va sallam menga. «Men sening mendan mamnun boʻlganingni ham, mendan dargazab boʻlganingni ham darhol bilib olaman»,— dedilar. Men: «Buni qaerdan bilasiz?» —dedim. Ul zot. «Agar mendan mamnun boʻlsang, «Yoʻq, Muhammadning parvardigori haqi!» deb aytasan va agar mendan dargʻazab boʻlsang, «Yoʻq, Ibrohimning parvardigori haqi!» deb aytasan»,— dedilar. Men: «Ha, shunday, xudo haqi, yo Rasulalloh! Mamnun boʻlganimda faqat sizning ismingizni aytaman»,— dedim».

Oisha raziyallohu anho rivoyat qiladilar: «Men Janob Rasulullohni Xadichadan rashk qilganchalik hech bir ayoldan rashk qilmaganman, chunki ul zot Xadichani koʻp eslab, koʻp maqtar erdilar. Jannatda Xadicha uchun shakar qamishdan qasr bunyod qilib qoʻyilganligini uning oʻziga bashorat qilmoqni Olloh taolo Janob Rasulullohga vahiy qilgandi.

109-bob. Kishining o'z qizini rashk va insof qilib himoya etmog'i haqida

Misvar ibn Maxrama rivoyat qiladilar: «Janob Rasululloh minbarda turib: «Hishom ibn al-Mugiyra qabilasi ahli oʻz qizini Ali ibn Abu Tolibga bermoqchi boʻlib mendan izn soʻradi. Men ruxsat bermayman, keyin ham, undan keyin ham ruxsat bermayman, faqat Ali ibn Abu Tolib qizimni taloq qilib, ularning qiziga uylanishni istasagina ruxsat beraman! Chunki, qizim mening bir boʻlagim boʻlib, uni shubhaga solgan narsa meni ham shubhaga soladi va unga aziyat yetkazgan narsa menga ham aziyat yetkazadi!» — dedilar».

110-bob. Erkaklar kamayib, ayollar ko'payadi

Abu Muso rivoyat qiladilar: «Rasululloh sallallohu alayhi va sallam: «Hali sen erkaklar kamayib, ayollar koʻpayib ketganidan bir erkakning ortidan qirqta ayolning lazzattalab boʻlib yurganlarini koʻrasan!» — dedilar».

Apas raziyallohu anhu rivoyat qiladilar: «Men sizlarga oʻzim shaxsan Janob Rasulullohdan eshitgan shunday bir hadisni aytib berayki, uni mendan boʻlak biror kishi sizlarga aytib bermaydi! Men ul zotning mana bunday deganlarini eshitganman: «Qiyomatning belgilaridan biri shuki, ilm (islom dini ilmi) oradan koʻtarilib, jaholat kuchayadi, zino, ichkilikbozlik avjga chiqadi hamda erkaklar kamayib, ayollar koʻpayib ketadi, hatto ellikta ayol uchun bitta homiy (erkak) toʻgri keladi».

111-bob. Erkak birlan ayol mahram boʻlsalargina yolgiz qola oladilar! Eri uyida boʻlmagan ayolning huzuriga kirmoq haqida

Uqba ibn Omir rivoyat qiladilar: «Rasululloh sallallohu alayhi va sallam: «Ayollarning huzuriga kirishdan oʻzingizni tiyingizlar!» — dedilar. Shunda ansorlardan biri: «Yo Rasulalloh, qayinlarni (ya'ni, erning otasi va erning oʻgillaridan boʻlak erkak qarindoshlarini) nazarda tutyapsizmi?»—dedi. Janob Rasululloh: «Qaynlar — oʻlimdur!» — dedilar (ya'ni, bu yerda erning otasi va ernish oʻgillaridan boʻlak erkak qarindoshlari nazarda tutilib, ular uning ayoliga mahramdurlar va u birlan yolgiz qolish ularga ruxsat etiladi. Shu boisdan ham, agar ular mazkur ayol birlan yolgiz qolishdan tiyilmay, uning

huzurida bemalol o'ltiraversalar, birdamas-birda gunoh sodir bo'lmogi mumkin, bu ersa dinni halokatga olib keladi)».

Ibn Abbos raziyallohu anhu rivoyat qiladilar: «Rasululloh sallallohu alayhi va sallam: «Erkak birlan ayol faqat mahram birlangina yolgiz qola oladilar!» - dedilar. Shunda bir kishi oʻrnidan turib: «Yo Rasulalloh! Xotinim haj qilmoqqa chiqib erdi, men falon va falon gazotga yozilib (boraman deb niyat qilib) qoʻydim»,— dedi. Ul zot: «Ortingga qaytib, xotining birlan haj qilgil!» — dedilar».

112-bob. Erkak birlan ayolning odamlar huzurida chekkaga chiqib so'zlashmog'ining joizligi haqida

Anas ibn Molik rivoyat qiladilar: «Bir ansoriya ayol Rasululloh sallallohu alayhi va sallamning huzurlariga keldi, shunda ul zot (huzurlaridagi kishilar koʻz oldida; u birlan chekkaga chiqdilar-da, unga: «Sen mening uchun (ansoriya ayollar ichidagi) eng suyukli odamsan!» — dedilar».

113-bob. Ayolchalish erkaklarning ayol huzuriga kirmog'i man' qilingani haqida

Hishom ibn Urva otalaridan naql qiladilar: «Rasululloh sallallohu alayhi va sallam Ummu Salamaiing uyida oʻltirgan erdilar, u yerda bir xunasa ham bor erdi. Usha xunasa Ummu Salamaning birodari Abdulloh ibn Abu Umayyaga: «Agar Olloh taolo ertaga sizlarga Toifni fath qilib bersa, men senga Gʻaylonning qizini koʻrsataman, u toʻrttasi birlan ilgari surilib, sakkiztasi birlan tisariladi»,— dedi. Janob Rasululloh: «Buni uyingizga kiritmangizlar!» — dedilar».

114-bob. Ayolning habashlarga yoki shu kabi kishilarga shunchaki qaramogʻi haqida

Oisha raziyallohu anho rivoyat qiladilar: «Men masjidda nayzabozlikni mashq qilayotgan habashlarga qarab turganimda Janob Rasulullohning meni kiyimlari birlan pana qilib turganlarini koʻrdim, keyin zerikkunimcha tomosha qildim, chunki men hali oʻyin-kulgiga toʻymagan bir yosh qizaloq erdim».

115-bob. Ayollarning hojatga chiqishlari haqida

Oisha raziyallohu anho rivoyat qiladilar: «Tunlardan birida Savda binti Zam'a tashqariga chiqdi. Hazrat Umar uni ko'rib, tanidilar va unga: «Sen, xudo haqi, ey Savda, bizdan berkinolmaysan!» — dedilar. Savda ortiga qaytib, Janob Rasulullohning huzurlariga bordi-da, bo'lgan gapni aytdi. Shunda ul zot mening hujramdagi kechki ovqatni tanovul qilayotgan bo'lib, qo'llaridagi sho'rvaga bir qarab qo'yib, so'ng nigohlarini yuqoriga qaratdilar-da: «Olloh taolo sizlarga (ayollarga) hojatlaringiz uchun tashqariga chiqmoqqa ijozat berdi», — dedilar».

116-bob. Ayolning masjid va shu kabi joylarga chiqmoqqa eridan ijozat so'ramog'i haqida

Solim otalaridan naql qiladilar: «Rasululloh sallallohu alayhi va sallam: «Agar

birortangizning xotiningiz masjidga chiqmoqqa sizdan izn soʻrasa, unga mone'lik qilmangiz!» — dedilar».

117-bob. Erkakning oʻzi birlan emishgan ayollarning huzuriga kirmogʻi va ularga qaramogʻi mumkinligi haqida

Oisha raziyallohu anho rivoyat qiladilar: «Emishgan amakim kelib, huzurimga kirmoqqa izn soʻradilar, men Janob Rasulullohdan soʻramagunimga qadar, ul kishiga ruxsat bergim kelmadi. Janob Rasululloh kelganlarida ul zotdan shu haqda soʻradim. Ul zot: «U sening amakingdur,unga ruxsat bergil!»—dedilar. Men: «Yo Rasulalloh,meni bu kishining xotini ermas, akasining xotini emizgandur!»— dedim. Ul zot: «U senga amaki boʻladi, huzuringga kiraversin!»—dedilar. Bu voqea biz ayollarga hijob (parda) tortilgandan soʻng roʻy bergan boʻlib, bildimki tugushganlarga harom qilingan narsa emishganlarga ham harom qilingan erkan».

118-bob. Bir ayol ikkinchi bir ayolning yonini olib kelmasin hamda uni eriga ta'rifu tavsif qilmasin!

Abdulloh ibn Mas'ud raziyallohu anhu rivoyat qiladilar: «Rasululloh sallallohu alayhi va sallam: «Bir ayol ikkinchi bir ayolning yonini olib kelmasin hamda uni shoyad eri unga qarasa, deb eriga ta'rifu tavsif qilmasin!» — dedilar.

Bu yerda yuqoridagi hadis takroran keltirilgan.

119-bob. Bir kishining «Bu kecha albatta xotinlarimni ziyorat qilgayman!» deb aytgani haqida

Abu Hurayra raziyallohu anhu rivoyat qiladilar: «Sulaymon ibn Dovud alayhissalom: «Bu kecha albatta yuzta xotinni ziyorat qilgayman, har biri Olloh taolo yoʻlida jang qiladirgan bir oʻgil tugib bergay!» — dedilar. Shunda farishta ul kishiga: «Inshoolloh, deb ayt!» — dedi, ammo ul kishi buni unitib, aytmadilar. Keyin, xotinlarini ziyorat qildilar, ammo ulardan bittasigina tugdi, u ham boʻlsa, chala. Rasululloh sallallohu alayhi va sallam: «Agar «inshoolloh» deganlarida, (qasamlarini) buzmagan boʻlardilar va tilaklarining roʻyobga chiqishidan qattiq umidvor boʻlsalar boʻlar erdi!»—dedilar».

120-bob. Agar kishi uzoq vaqt uyida bo'lmagan bo'lsa, «Oilam menga xiyonat qilmayaptimikan?» degan yomon o'y birlan kechasi kelib eshikni taqillatmasin!

Jobir ibn Abdulloh raziyallohu anhu rivoyat qiladilar: «Rasululloh sallallohu alayhi va sallam kishining to`satdan kechasi safardan kelib eshigini taqillatmog`ini makruh ko`rar erdilar».

Jobir ibn Abdulloh rivoyat qiladilar: «Rasululloh sallallohu alayhi va sallam: «Birortangiz uzoq vaqt uyingizda boʻlmagan boʻlsangiz, toʻsatdan kechasi kelib eshigingizni taqillatmangiz!» —dedilar».

121-bob. Bola ko'rmoq (farzandli bo'lmoq) ishtiyoqi

Jobir raziyallohu anhu rivoyat qiladilar: «Men Janob Rasululloh birlan birga q'azotda

erdim. Ortimizga qarab yoʻlga chiqqanimizda imillab ketayotgan tuyamni tezlatdim, shunda bir kishi ketimdan ulovda yetib keldi, oʻgirilib qarasam, bu Janob Rasululloh erkanlar. «Namuncha sho-shilmasang!»—dedilar. «Chillali kuyovman»,— dedim. «Bokira qizga uylandingmi yoki juvongami?» — dedilar. «Juvonga»,— dedim. «Agar bokira qizga uylanganingda erdi, bir-biringiz birlan vaqtxushlik qilar erdingizlar!» — dedilar. Yetib kelgach, uy-uyimizga kirmoqchi boʻldik. Shunda ul zot: «Kech boʻlguncha kutingizlar, keyin kirasizlar, chunki ayollaringiz oʻziga oro berib olsin, sizlar ham soch-soqollaringizni tarashlab olingizlar!» — dedilar. Soʻng, ul zot menga qarab: «Ey Jobir, fikru oʻyingda jimoʻ boʻlsin!» (ya'ni, «Farzandli boʻlmogʻing kerak!»)— dedilar».

122-bob. Safardan qaytgan erkaklar soch-soqollarini tarashlab, ayollar ersa toʻzigan sochlarini tarab olsinlar!

Jobir ibn Abdulloh rivoyat qiladilar: «Biz Janob Rasululloh birlan birga gʻazotda erdik. Ortimizga qaytib, Madinaga yaqinlashganimizda imillab yurayotgan tuyamni tezlashtirdim. Shunda ortimdan bir kishi ulovda yetib kelib, qoʻlidagi nayza (aso) birlan tuyamni bir nuqib erdi, sen bilgan eng yaxshi tuyalar kabi gijinglab ketdi. Ugirilib qarasam, bu Janob Rasululloh erkanlar. Men: «Yo Rasulalloh, men hali chillasi chiqmagan kuyovman!» — dedim. Ul zot: «Uylandingmi?»— dedilar. Men: «Ha»,— dedim. Ul zot: «Bokiragami yoki juvongami?» — dedilar. Men: «Juvonga»,— dedim. Ul zot: «Bokiraga uylanganingda erdi, oʻzaro dilxushlik qilgan boʻlar erdingizlar!» — dedilar. Yetib kelgach, uy-uyimizga kirib ketayotgan erdik, ul zot: «Kechgacha oshiqmangizlar, keyin kirasizlar, toki ayollaringiz toʻzigan sochlarini tarab, sizlar ersangiz sochsoqollaringizni tarashlab olingizlar!» — dedilar».

123-bob. Olloh taoloning «Va koʻrsatmaydilar ziynatlarini (jamollarini) erlaridan boʻlaklarga...» degan qavli haqida

Abu Hozim rivoyat qiladilar: «Odamlar Janob Rasulullohning Uhud kunidagi jarohatlari nima birlan davolangani xususida bahslashib qolishdi. Keyin, shu haqqa Sahl ibn Sa'd as-So'idiydan so`rashdi. Ul kishi Janob Rasulullohning tirik qolgan eng so`nggi madinalik sahobalari bo`lib, bunday dedilar: «Buni mendan ko`proq biladirgan odam qolmadi. Ushanda Fotima alayhossalom ul zotning yuzlaridan oqayotgan qonni yuvgan, Hazrat Ali ersa qalqonida suv keltirib bergan erdi. So`ng, bo`yrani kuydirib, kulini jarohatlariga bosgan erdi».

124-bob. Olloh taoloning «Sizlardan balogʻatga yetmaganlar...» degan qavli xususida

Abdurrahmon ibn Abbosrivoyat qiladilar: «Mei bir kishining Ibn Abbosdan: «Siz Janob Rasululloh birlan birga qurbon yoki ramazon hayitida boʻlganmisiz?» — deb soʻraganini eshitdim. Shunda Ibn Abbos bunday deb javob berdilar: «Ha, boʻlganman. Agar men ul zotga suyukli boʻlmaganimda, yosh bolaligim sababli birga boʻlolmagan boʻlar erdim. Ushanda Janob Rasululloh chiqib namoz oʻqidilar, soʻng va'z aytdilar, lekin na azon va na takbir haqida eslatmadilar. Keyin, ayollarning qoshiga borib, ularga ham va'z aytdilar va pand-nasihat qilib, sadaqa bermoqni amr qildilar. Shunda men ayollarning quloqlariga va boʻyinlariga qoʻllarini uzatib, isirgʻa va marjonlarini Hazrat Bilolga olib berishayotganini koʻrdim. Shundan keyin, Janob Rasululloh birlan Hazrat Bilol uylariga ketishdi».

125-bob. Kishining o'z do'stiga (o'rtog'iga); «Bu kecha jimo' qildingizmi?» — deb aytmog'i hamda kishining o'z qizining biqiniga turtib dashnom (jazo) bermog'i haqida

(Bu yerda yuqoridagi sarlavhaning birinchi qismiga taalluqli hadis berilmagan. 1-jilddagi «Janoza» kitobida keltirilgan. Anas ibn Molikning quyidagi hadisi nazarda tutilgan boʻlishi mumkin: «Biz Rasululloh sallallohu alayhi va sallamning qizlari (Ummu Gulsumning) janozasida erdik. Qarasam, Rasululloh sallallohu alayhi va sallam qabr yonida oʻltiribdilar-u, koʻzlaridan duv-duv yosh oqayotir. Nogahon, ul zot: «Orangizda bu kecha xotiniga yaqinlik qilmagan biror kishi bormi?» — deb soʻradilar. Shunda Talha: «Men»,— dedilar. Rasululloh sallallohu alayhi va sallam: «Unday boʻlsa, qabrga tushgil!» — dedilar. Talha (mayyitni lahadga qoʻygani) qabrga tushdilar»).

Oisha raziyalloh u anho rivoyat qiladilar: «Otam Abu Bakr as-Siddiq menga dashnom (jazo) berib, qoʻllari birlan biqinimga turta boshladilar, shunda men Janob Rasululloh boshlarini tizzamga qoʻyib uxlayotganlari uchungina qimirlay olmagan erdim».

«TALOQ» KITOBI

Olloh taoloning qavli: «Ey paygʻambari muxtaram! (Ummatlaringizga aytingizki), qachon xotinlaringizga taloq bermoqchi boʻlsangizlar, taloq qilingizlar ularni iddalarin avvalida va saqlab turingizlar iddani» (ya'ni, agar xotinlaringizga taloq bermoqchi boʻlsangizlar, xotin hayzdan pok boʻlib, gʻusl qilgandan keyin hamda u birlan yotmasdan turib taloq qilingizlar va har ikkingiz iddani xotiralaringizda tutingizlar).

«Ahsaynohu» — «uni yodda tutdik va hisobga olib qoʻydik», «taloqus-sunna» — «xotinni hayzdan poklangan holda, unga yaqinlik qilmay ikki guvoh huzurida taloq qilmoqlik».

Nofi' raziyallohu aihu rivoyat qiladilar: «Abdulloh ibn Umar raziyallohu anhu xotinini hayz koʻrgan holida taloq qildi. Bu voqea Janob Rasulullohning hayotlik vaqtlarida boʻlgan boʻlib, Hazrat Umar ibn al-Xattob ul zotdan shu haqda soʻradilar. Ul zot: «Borib aytgil, uni qayta nikohlab olsin, keyin hayzdan poklanguniga qadar uyida ushlab tursin, keyin yana hayz koʻrib, hayzdan poklansin, keyin agar istasa, uyida olib qolib yashayversin, agar ystamasa, unga yaqinlik qilmay turib taloq qilsin! Bu Olloh taolo amr qilgan idda boʻlib, shunga binoan ayollar taloq qilinadi»,— dedilar».

1-bob. Agar ayol hayz koʻrgan holida taloq qilingan boʻlsa ham, taloq hisobga oʻtadi!

Anas ibn Sirin rivoyat qiladilar: «Ibn Umar xotinini hayz koʻrgan holida taloq qildi. Hazrat Umar buni Janob Rasulullohga aytib erdilar, ul zot: «Uni qayta nikohlab olsin!»—dedilar. Hazrat Umar. «Hayz holida taloq qilgan boʻlsa ham, taloq hisobga oʻtadimi?» — dedilar. Ul zot: «Boʻlmasachi!» — dedilar».

Yunus ibn Jubayr rivoyat qiladilar: «Ibn Umar: «Janob Rasululloh otamga «Borib aytgil, uni qayta nikohlab olsin!» deb aytibdilar»,— dedi. Men: «Hayz holida taloq qilinsa ham, taloq hisobga oʻtadimi?»— dedim. Ibn Umar: «Qarib, miyasi aynib qolgan deb oʻyladingizmi?!» — dedi».

Sa'id ibn Jubayr rivoyat qiladilar: «Ibn Umar: «Men xotinimni hayz holida taloq qilib erdim, u menga taloq qilingan hisoblandi»,— dedi».

2-bob. Taloq qilgan kishi haqida. Kishi xotiniga yuzlanib turib uni taloq qilganini aytadimi?

Oisha raziyallohu anho rivoyat qiladilar: «Al-Ju-unning qizi Janob Rasulullohning huzurlariga kiritilib, ul zot unga yaqin borganlarida: «Olloh taolo sizdan meni oʻz panohida asrasin!» —dedi. Ul zot unga: «Endi, sen buyuk zotning (Olloh taoloning) panohidasan, oilangga (uyingga) ketaver!»—dedilar».

Abu Usayd raziyallohu anhu rivoyat qiladilar: «Biz (Janob Rasululloh uylanganlarida) yoʻlga chiqib, ash-Shavt nomli bir chorbogʻ tomon yoʻl oldik va nihoyat ikki chorbogʻ oraligʻiga yetib kelib, dam olgani oʻltirdik. Janob Rasululloh bizga: «Shul yerda oʻltira turingizlar!»— dedilar-da, chorboqqa kirib ketdilar. Ul zot oʻzlari birlan bir savat tortiq olib kelgan boʻlib, men uni an-Nu'mon ibn Sharohbil qizi Umayya doyasi birlan oʻltirgan xurmozor ichidagi uyga olib kirib qoʻydim. Janob Rasululloh Umayyaning huzuriga

qoʻshilmoq boʻlib kirganlarida, unga: «Kelgil, oʻzingni menga tuhfa qilgil!»—dedilar. Shunda Umayya ul zotga: «Malika ham oʻzini oʻz fuqarosiga tortiq qiladimi?!» — dedi. Janob Rasululloh uni tinchlantirmoq uchun qoʻllarini unga uzatib erdilar, u: «Olloh taolo meni sizdan oʻz panohida asrasin!»—dedi. Ul zot: «Endi, sen (uning) panohidasan!»—dedilar-da, bizning huzurimizga chiqib keldilar. Keyin: «Ey Abu Usayd, unga ikki boshoyok, sarpo kiygizgin-da, uyiga joʻnatib yubor!»—dedilar».

Abbos ibn Sahl va Abu Usayd rivoyat qilishadi. «Rasululloh sallallohu alayhi va sallam Sharohbil qizi Umayyaga uylandilar. Umayya Janob Rasulullohning huzurlariga kiritib yuborilganda ul zot unga qoʻl uzatdilar. Shunda u buni yoqtirmagandek boʻldi. Janob Rasululloh (darhol) Abu Usaydga qizni yoʻlga tayyorlab, unga ikki bosh-oyoq sarpo kiygizib, soʻng uyiga joʻnatib yubormoqni amr qildilar».

Abu G'allob Yunus ibn Jubayr rivoyat qiladilar: «Men Ibn Umarga; «Bir kishi xotinini hayz koʻrgan holida taloq qilibdi»,— dedim. U: «Sen Ibn Umarni taniysan («Bu menman» demoqchilar). U xotinini hayz holida taloq qildi. Keyin, Hazrat Umar Janob Rasulullohga shu haqda aytdilar. Ul zot xotinimni qayta nikohlab olmogʻimni, soʻng hayzdan poklangach, istasam uni taloq qilmogʻimni amr qilibdilar»,— dedi. Men: «Hayz holida qilingan taloqni taloq, deb hisobladilarmi?» — dedim. U: «Qarib, miyasi aynib qolgan, deb oʻylayapsanmi?!»—dedi».

3-bob. Uch taloqqa ijozat bergan kishi haqida. Olloh taolo: «Taloq ikki bor (qaytarilur), keyin (xotinni) yaxshilik ila nikoqda saqlanur yoki xush qilib qo'yib yuborilur...»,— deydi

(Islomdan avval arablarda qoida shul erdiki, ular xotinlarini oʻn va hatto yigirma marta taloq qilgandan keyin ham, iddalari tugamay turib yana qaytarib olur erdilar. Yuqoridagi oyat johiliyat davridagi ana shul qoidani bekor qildi, Oyatning mazmuni shuki, bir er oʻz xotinini ikki bor taloq qilib, yana qayta olmogʻi mumkin, lekin bu idda mobaynida boʻlur. Agar idda muddati tugagan boʻlsa, ul holda ixtiyor xotindadur. Er ikki bor xotinini taloq qilgandan keyin, yarashib yana uchinchi bor taloq qilsa, xotin boshqa bir kishiga tasodifan tegib chiqib, iddasi tugagandan keyingina avvalgi eriga halol boʻlgay).

Ibn Zubayr xotinini taloq qilgan bemor er xususida gapirib: «Uning taloq qilingan xotini undan meros oladi, deb hisoblamayman»,— dedilar. Sha'biy ersalar: «Undan meros oladi»,— dedilar. Ibn Shubruma: «Usha xotin, idda muddati tugasa, erga tegadimi?»— dedilar. Ibn Zubayr: «Ha»,— dedilar. Ibn Shubruma: «Agar uning keyingi eri ham oʻlsa, undan meros olmaydi, deb hisoblar erkansizda!» — dedilar.

Sahl ibn Sa'd rivoyat qiladilar: «Uvaymir al-Ajaloniy Osim ibn Adiy al-Ansoriyning huzuriga kelib, unga: «Ey Osim! Nima deb oʻylaysan, agar bir kishi xotinini begona bir kishi birlan tutib olsa, u oʻsha erkakni oʻldiradimi yoki uni sizlar oʻldirasizlarmi, unga nisbatan qanday chora koʻriladi? Iltimos, Janob Rasulullohdan shul haqda soʻrab bilib bergil!» — dedi.Osim shul haqda Janob Rasulullohdan soʻrab erdi, ul zot bu masalani aybli hisoblab, javob bergilari kelmadi, hatto Osimni shunday qattiq urishib berdilarki, u soʻraganiga pushaymonlar yedi. Osim uyiga qaytib kelgach, Uvaymir kelib: «Ey Osim! Janob Rasululloh nima dedilar?»—dedi. Osim: «Menga yaxshi boʻlmadi, Janob Rasululloh sen soʻragan masala xususida javob bermoqni istamadilar»,— dedi. Uvaymir: «Olloh taolo haqi! Buni soʻrab bilib olmagunimcha, qoʻymayman!» — dedi-da, Janob

Rasulullohning huzurlariga joʻnadi. Yetib borganida, ul zot odamlar qurshovida turgan erdilar. «Yo Rasulalloh! Nima deysiz, agar bir kishi xotini birlan boshqa bir kishini tutib olsa, uni oʻzi oʻldiradimi yoki uni sizlar oʻldirasizlarmi, unga nisbatan qanday chora koʻriladi?»—dedi Osim. Janob Rasululloh: «Olloh taolo sen birlan rafiqang xususida hozirgina oyat nozil qildi. Bor, xotiningni olib kel!» — dedilar. Keyin, ular ikkalasi bizning huzurimizda bir-birlarini muloʻana qilishdi (ya'ni, har biri oʻzining haq erkanligini aytib, bir-birini la'natladi). Muloʻanadan qutilganimizda, Uvaymir: «Yo Rasulalloh! Agar uni xotin qilsam, unga tuhmat qilgan boʻlaman»,— dedi-da, unga Janob Rasululloh amr qilmasla-ridan burun, uni oʻzi uch taloq qildi». Ibn Shihob: «Usha yili muloʻana qiluvchilar yili boʻlgan erdi»,— deydilar.

Oisha raziyallohu anho rivoyat qiladilar: «Rifo'at al-Quraziyning xotini Janob Rasulullohning huzurlariga kelib: «Yo Rasulalloh! Rifo'at moni qat'iyan taloq qildi. Keyin,men Abdurrahmon ibn az-Zubayr al-Quraziyga tegdim. Lekin, uning olati mana bu popuk yanglig' bo'sh (yumshoq) erkan»,—dedi. Janob Rasululloh: «Menimcha, sen ilgarigi ering bo'lmish Rifo'atga qaytib tegmoqchiga o'xshaysan, ammo ilgarigi ering zavq olgani kabi to u sening va sen uning asaldonidan zavq olmas erkansan, bu mumkin ermas!»— dedilar».

4-bob. Xotinlariga tanlash ixtiyorini bergan kishi xususida. Olloh taolo: «Ey paygʻambari muhtaram, siz oʻz xotinlaringizga aytingizki, agar sizlar dunyo hayotini va uning ziynatini istasangizlar, kelingizlar, men sizlarga bir oz foyda yetkazay-da, soʻng sizlarga yaxshilik ila ruxsat beray!»

Oisha raziyallohu anho rivoyat qiladilar: «Rasululloh sallallohu alayhi va sallam bizga tanlash ixtiyorini berdilar, biz (xotinlar) Olloh taolo birlan uning rasulini tanladik va buni bizga taloq, deb hisoblamadilar (ya'ni, Madinani zabt etmog, musulmonlarni asir qilmoq va islom dinini poymol etmoq umidida kelgan kofirlarni Olloh taoloning o'zi daf qildi, musulmonlarni dushmanga ro'baro' qilmadi. Janob Rasulullohning xotinlari, dushman daf gilinib, xalq biroz osuda va orom olganini koʻrishqach, Janob Rasulullohdan oʻzlarining ta'minotlarini ko'paytirishni talab qilmoqchi bo'lishdi. Janob Rasululloh ularning bu niyatlaridan xabar topib, xafa bo'ldilar-da, bir oygacha ularning huzuriga kirmaslikka ont ichdilar va masjidga yaqin bir boloxonada tanho turdilar. Hazrat Abu Bakr as-Siddig va Hazrat Umar raziyallohu anhumo bu voqeani eshitishib ranjishdi-da, o'z farzandlari Oisha birlan Hafsa onalarimizga tanbih berishdi. So'ng, Payg'ambarimiz sallallohu alayhi va sallamning huzurlariga kirishib, ul zotning muborak galblarini shirin soʻzlar birlan yozishdi. Bir oydan so'ng, Olloh taoloning yuqoridagi «Taxyir» (Bu dunyo hayoti birlan uning ziynatini yoki Olloh taolo birlan uning rasulini tanlash ixtiyori berilganligi haqidagi) oyati karimasi nozil bo'ldi. Janob Rasululloh bu oyatni avval Oisha onamizga eshittirdilar, shunda Oisha onamiz Olloh taolo birlan uning rasulini tanladilar, boshqa onalarimiz ham Oisha onamiz yanglig' ish tutishdi).

Ismoil raziyallohu anhu rivoyat qiladilar: «Oisha raziyallohu anho Masruqdan Janob Rasulullohning oʻz xotinlariga tanlash ixtiyorini berganliklari xususida soʻrab: «Rasululloh sallallohu alayhi va sallam bizga tanlash ixtiyorini berdilar, bu taloqmikin?» — dedilar. Masruq: «Xotinim (nikoh vaqtida) meni tanlagan boʻlganidan keyin, mening unga yana bir yoki yuz marta tanlash ixtiyorini bermogʻimning menga qizigʻi yoʻq!» — dedi».

5-bob. Agar er xotiniga «Men seni tark etdim» yoki «Men senga ruxsat berdim» yoki «Boʻshsan» yoki «Erklisan» deb ayqa-yu, bundan taloq qilmoqni nazarda tutmagan boʻlsa, niyatidagi boʻladi!

Olloh azza va jalla: «Va ruxsat beringizlar ularga yaxshilik ila!» — deydi. Olloh taolo yana: «Va sizlarga yaxshilik ila ruxsat beray (deb aytgil!)» — deydi. Shuningdek, Olloh taolo: «Yaxshilik ila nikohda saqlanur yoki xursand qilib (mahrlarini berib) qoʻyib yuborilur»,— deydi. Olloh taolo: «Yoki ularni yaxshilik ila tark etingizlar!» — deb ham aytadi.

Oisha raziyallohu anho rivoyat qiladilar: «Rasululloh sallallohu alayhi va sallam bizga oʻrqatdilarki, ota-onamiz bizni ul zotdan ajralmogʻimizga buyrug bera olmas erkanlar».

6-bob. «Sen menga haromsan!» deb xotiniga aytgan er xususida

Hasan raziyallohu anhu: «Niyatidagi boʻladi»,— deydilar.

Ilm ahli: «Agar er xotinini uch taloq qilgan boʻlsa, xotini unga haromdur!» — deyishib, «harom» soʻzini «taloq» va «ajralish» ma'nosida qoʻllashadi. Bu yerdagi «harom» soʻzi taomga nisbatan ishlatiladigan «harom» kabi ermas, chunki halol taomni harom deyilmaydi, balki taloq qilingan ayolni harom deyiladi. Olloh taolo uch taloq xususida: «Bundan keyin ul xotin unga halol Soʻlmas, toki boshqa bir erga nikoh qilinmasa»,— deydi. Ibn Umardan agar uch taloq qilgan kishilar haqida soʻralsa, «Basharti bir bor yoki ikki bor taloq qilgan boʻlsang, ul holda Janob Rasululloh menga qayta nikohlab olmoqni amr qilganlar va agar uch bor taloq qilgan boʻlsang, unda xotining sendan boʻlak erga nikohlanmaguncha senga haromdur!» — der erdilar.

Oisha raziyallohu anho rivoyat qiladilar: «Bir kishi xotinini taloq qilib erdi, erga tegib ketdi. Keyin, u ham uni taloq qildi. Chunki, uning olati popuk singari lapashang boʻlib, xotin undan qoniqmas erdi. Shul boisdan ham u uni tezda taloq qilgan erdi. Ushal xotin Janob Rasulullohning huzurlariga kelib: «Yo Rasulalloh! Erim meni taloq qildi, keyin men boshqa erga tegib erdim, u olyati popuk singari lapashang boʻlganidan arang bir marta yaqinlik qila oldi, xolos, shunda ham meni qoniqtira olgani yoʻq. Endi, men ilgarigi erimga halol boʻlamanmi?» —dedi. Janob Rasululloh: «Ilgarigi eringga, toki hozirgi ering sening va sen uning asaldonidan zavq olmas erkansan, halol boʻlmaysan!» — dedilar».

6-bob. Olloh taolo sizga halol qilgan narsani o'zingizga harom qilmangiz!

Sa'id ibn Jubayr Ibn Abbosning «Agar kishi xotiniga: «Sen menga haromsan!» — desa, talok; bo'lmaydi, chunki sizlar uchun Janob Rasulullohda yaxshi ibratlar mavjud-dur!» deb aytganlarini eshitgan erkanlar.

Oisha raziyallohu anho rivoyat qiladilar: «Rasululloh sallallohu alayhi va sallam Zaynab binti Jahshning hujrasiga kirib, u yerda asal tanovul qilib, uzoq qolib ketadirgan odat chiqardilar. Shunda men Hafsa birlan til biriktirib: «Agar Janob Rasululloh birortamizning hujramizga kirib kelsalar, ul zotga «Sizdan magʻofir (asalga oʻxshash sassiq yelim) hidi kelyaptimi, magʻofir tanovul qildingizmi?» deb aytamiz, deb kelishib oldim. Keyin, Janob Rasululloh xotinlaridan birining huzuriga kirib erdilar, u ul zotga boyagi gapni aytdi. Janob Rasululloh: «Yoʻgʻ-e, Zaynab binti Jahshning huzurida asal tanovul qilgan erdim,

endi sira ham asal tanovul qilmayman!» — dedilar. Shunda «Ey paygʻambari muhtaram! Olloh taolo sizga halol qilgan narsani oʻzingizga harom qilmangiz!» degan oyati karima nozil boʻldi. Olloh taolo paygʻambarimizning «Yoʻgʻ-e, asal tanovul qilgan erdim» degan gaplarini nazarda tutib, Oisha va Hafsa onamizga qarata: «Paygʻambar ba'zi xotinlariga ohista (pichirlab) biror soʻz aytganda...»—deb murojaat qildi».

Oisha raziyallohu anho rivoyat qiladilar: «Rasululloh sallallohu alayhi va sallam asal va halvoni xush ko'rar erdilar. Asr namozidan qaytganlarida barcha xotinlarining huzuriga birma-bir kirib, suhbatlashib chiqur erdilar. Keyin, Hafsaning huzurida koʻproq qolib ketadirgan odat chiqardilar, surishtirib bilsam, Hafsaga uning qavmidan bo'lgan bir ayol bir idishda asal tortiq qilgan erkan. Janob Rasululloh o'sha asaldan tanovul qilib, ko'proq ushlanib golar erkanlar. Men oʻzimga-oʻzim: «Xudo hagi, ul zotni bir boplaymiz!» dedim-da, Savda binti Zam'aga: «Ul zotning huzuringga kirmoglari turgan gap, huzuringga kirganlari-da: «Magʻofir yedingizmi?» — deysan, ul zot: «Yoʻq»,— deydilar. Sen: «Sizdan kelayotgan sassig hid nimaning hidi?» — deysan. Ul zot: «Hafsa menga asal yedirgan erdi», - deydilar. Sen: «Demak, asalarilar urfut gulidan asal olgan erkanda!» — deysan, men ham shunday deyman»,— deb tayinladim. Soʻng, Safiyyaga: «Ey Safiyya, sen ham shunday deb aytgil!»—dedim. Ushanda Savda: «Xudo haqi, Janob Rasululloh hujram eshigiga kelib turganlarida sen menga buyurgan gapni sendan qo'rqqanimdangina aytmoqchi bo'ldim»,— deb erdi. Janob Rasululloh Savdaga yaqinlashishlari hamonoq, u: «Yo Rasulalloh, magʻofir yedingizmi?» — dedi. Ul zot: «Yoʻq», dedilar. U: «Sizdan angiyotgan sassig hid nimaning hidi?» — dedi. Ul zot: «Hafsa menga asal yedirgan erdi»,— dedilar. U: «Demak, asalarilar urfut gulidan asal olgan erkanda!» — dedi. Keyin, men ham ul zot huzurimga kirganlarida shu gapni aytdim, Safiyyaning huzuriga kirganlarida u ham shunday dedi. Janob Rasululloh Hafsaning huzuriga kirganlarida, Hafsa: «Yo Rasulalloh, sizga asal yedirib qo'yaymi?» — deb erdi, ul zot: «Yegim kelmayapti»,— dedilar. Shundan keyin, Savda menga: «Xudo haqi, biz Janob Rasulullohga asalni harom qilib qo'ydik!»—dedi afsuslanib. Men unga: «Ovozingni o'chir!» -dedim».

7-bob. Nikohiga olmay turib taloq qilolmaydi!

Olloh taolo: «Ey mo'minlar! Agar mo'mina ayollarni nikohingizga olgan bo'lsangizlar-u, so'ng ularni jimo' qilmay turib taloq qilgan bo'lsangizlar, ularni iddada saqlamog'ingiz lozim ermas, ularning mahrlarini berib, yaxshilik ila qo'yib yuboringizlar!» — deydi.

Ibn Abbos yuqoridagi oyatga binoan «Olloh taolo taloqni nikoxdan keyinga qoʻydi»,— dedilar. Koʻpgina boshqa roviylar ham shul haqda rivoyat qilishadi, jumladan ash-Sha'biy: «Ayol nikohdan ilgari taloq qilinmaydi»,— deydilar.

8-bob. Agar kishi o'z xotinini majburan: «Bu mening singlim»,— desa, u taloq bo'lib qolmaydi!

Rasululloh sallallohu alayhi va sallam: «Ibrohim alayhissalom xotinlari Sorani: «Bu mening singlim»,— deganlar va bu birgina Olloh azza va jallaning oʻziga ayondur»,— dedilar.

9-bob. Tutqun va majburning hamda mast va majnunning talog'i haqida

Talog, shirk va boshqa shunga oʻxshash masala xususida mast va majnunga nisbatan hukm bir bo'lib, bular yanglishish va agl-hushning joyida ermasligi ogibatidir. Chunki, Rasu-lulloh sallallohu alayhi va sallam: «Amallar niyatga bogliq bo'lib, har kimga niyat qilgani nasib boʻladi!» — deb aytganlar. Sha'biy bu haqda: «Parvardigoro, agar unuqak yoki xato qilsak yohud vasvasa oqibatida nojoiz xatti-harakatlar qilib qo'ysak, bizni jazolamagil (aybdor gilmagil)!» — deb tilovat gilganlar. Janob Rasululloh oʻzining gilgan gunohini tan olgan kishidan: «Jinni ermasmisan?»—deb soʻraganlar. Hazrat Ali bunday deydilar: «Hamza ikki tuyamning qornini yordi. Shunda Janob Rasululloh Hamzani koyiy boshladilar, Hamza ersalar mast ko'zlarini tikib: «Sizlar otamning gullari ermasmisizlar?!» — dedilar. Janob Rasululloh Hamzaning mast erkanliklarini bilib, tashqariga chiqdilar, biz ham ul zot birlan birga chiqib ketdik». Hazrat Usmon: «Majnun va mast kishining talogi o'tmaydi»,— deydilar. Ibn Abbos: «Mast va majbur qilingan kishining talog'i nojoizdur»,— deydilar. Ugba ibn Omir: «Vosvosning talog'i joiz ermas»,— deydilar. Ato. «Agar kishi xotinini taloq qila boshlagan boʻlsa (ya'ni, birinchi martadan to uchinchi martagacha), har galgi talogning o'z shartlari mavjud»,— deydilar. Nofi': «Bir kishi xotinini qat'iyyan taloq qildi, agar xotin erining uyidan chiqib kega...»,dedilar. Ibn Umar: «Agar u erining uyidan chiqib kega, eridan uzilkesil ajragan boʻladi, basharti chiqib ketmasa, ul holda hechqisi yo'q»,— dedilar. Zuhriy «Agar shunday va shunday qilmasam, xotinim uch taloq bo'lsin!» deb aytganlar haqida qapirib: «Ushal qasamni ichgan vaqtida qalbida nima deb, nimani niyat qilgan bo'lsa, undan o'sha xususida soʻraladi. Agar u qasam ichgan vaqtidagi oʻzi istagan maqsadi birlan qalbiga tuqib qo'ygan niyatini ayga, bu uning iymonu halolligiga havola»,— deydilar. Ibrohim: «Agar er xotiniga: «Mening senga ehtiyojim yoʻq!» — deb ayqa, niyatidagi hisobga oʻtadi va har bir odam o'z tili birlan talog gilmog'i lozim!» —deydilar. Qatoda: «Basharti, er (yangi uylangan) xotiniga «Agar homilador boʻlsang, uch talogsan!» deb ayga, ul holda u xotinini har gal hayzdan poklanganda bir marta jimo' qiladi, agar xotininig homilador bo'lgani ma'lum bo'lsa, demak bola o'zidan bo'lgan»,— deydilar. Hasan: «Agar er xotiniga: «Uyingga (ota-onangnikiga) joʻna!» — desa, niyatidagi hisobga oʻtadi», deydilar. Ibn Abbos: «Xotinni taloq qilsam, oʻzimni rizo qilgan boʻlaman, qul ozod qilsam, Olloh taoloni rizo qilgan bo'laman!» — deydilar. Zuhriy: «Agar er xotiniga: «Sen xotinim ermassan!» — desa, niyat qilgani hisobga o'tadi, ya'ni shunda xotinini talok, qilmoqni niyat qilgan bo'lsa, taloq bo'ladi»,— deydilar. Hazrat Ali: «Uch toifa odamlarga, ya'ni majnun tuzalguncha, bola balog'atga yetguncha, uygudagi uyg'onguncha gunoh yozilmasligini bilmaysanmi?!» — deydilar. Hazrat Ali yana: «Jinnining talog'idan bo'lak barcha talog hisobga o'tadi»,— deydilar.

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Olloh taolo ummatimni koʻnglidan oʻtkazgan, ammo qilmagan yoki gapirmagan narsasi uchun gunohkor qilmaydi» —deb aytganlar».

Qatoda: «Koʻnglida (ichida) taloq qilsa, taloq hisobga oʻtmaydi»,— deydilar.

Jobir raziyallohu anhu rivoyat qiladilar: «Aslam qabilasiga mansub bir kishi Janob Rasululloh masjiddaliklarida huzurlariga kelib, oʻzining zino qilib qoʻyganini aytdi. Shunda ul zot nafratlanib yuzlarini oʻgirib oldilar. Boyagi kishi ul zotning oʻgirilib olgan tomonlariga aylanib oʻtdi-da, zino qilganiga toʻrt marta iqror boʻlib, oʻziga oʻzi guvohlik berdi. Shundan soʻng, Janob Rasululloh uni chaqirib: «Jinni-pinni ermasmisan?

Uylanganmi-san?» — deb soʻradilar. U: «(Jinnilik dardim yoʻq), uylanganman»,— dedi. Ul zot uni namozgohda toshboʻron qilmoqni amr qildilar. U birinchi tosh tegishi birlanoq qochib qoldi, keyin uni Harrada quvib yetib, oʻldirdik». Bu yerda yuqoridagi hadis takroran keltirilgan.

10-bob. Xul' (kiyimni yechib berish) va bunda taloq qanday bo'ladi?

Olloh taoloning qavli: «Va sizlar uchun nojoizdur ularga (xotinlarga) bergan narsalaringizdan (mahrlaringizdan) biror narsani qaytarib olmoqlaringiz, lekin er va xotin bundan buyon Olloh taoloning hukmlariga rioya qilgan holda birga yashay olmasak kerak, deb qoʻrqsalar, ul holda xotin mahridan kechib oʻzini qutqarib olsa, har ikkalasiga gunoh boʻlmas».

(«Xul' — kiyimni yechib berish» degan istilohning mazmuni quyidagicha: Er va xotin bir-birlari uchun kiyimdur, chunki Olloh taolo: «Xotinlar sizlar uchun va sizlar ular uchun kiyimdursizlar»,— deydi. Shunga koʻra, agar er xotinini taloq qilgisi kelmasa-yu, xotin oʻziga berilgan mahr evaziga eridan taloq olsa va er qabul qilib, unga taloq bersa, goʻyoki har ikkalasi bir-biriga kiyimini yechib bergandek boʻladi).

Hazrat Umar ayolni unga berilgan taloq xatidan boʻlak barcha mahri evaziga xul' qilmoqlikka ijozat berdilar. Hazrat Usmon ayolni uning boshidagi sochlarini tangʻib qoʻyadirgan bogʻichidan boʻlak barcha mahri evaziga xul' qilmoqqa ijozat berdilar.

Tovus raziyallohu anhu: «Er va xotin Olloh taolo har biriga farz qilgan hukmlarni bundan buyongi hayotida bajara olmaslikdan choʻchisa-yu, lekin er xotiniga ahmaqona gap qilmayotgan boʻlsa, to xotin eriga «Men seni deb nahsdan poklanmoq uchun gʻusl qilib oʻltirmayman!»—demaguncha, xul' halol boʻlmaydi»,— deydilar.

Ibn Abbos rivoyat qiladilar: «Sobit ibn Qaysning xotini Rasululloh sallallohu alayhi va sallamning huzurlariga kelib: «Yo Rasulalloh, men Sobit ibn Qaysni xulq va burch xususida ayblay olmayman, lekin men islomga zid ish tutishni ham istamayman!» — dedi. Janob Rasululloh: «Unga bogʻini qaytarib bermoqchimisan!» — dedilar (ya'ni, xotin mahrga berilgan bogʻdan voz kechib, eridan taloq olmoqchi). Xotin: «Ha»,— dedi. Janob Rasululloh uning eriga: «Bogʻni qabul qilgin-da, xotiningga qat'iyan taloq ber!» — dedilar».

Ibn Abbos rivoyat qiladilar: «Sobit ibn Qaysning xotini Janob Rasulullohning huzurlariga kelib: «Yo Rasulalloh, men Sobit ibn Qaysga burch va xulq xususida ayb qo'ya olmayman, ammo men unga toqat ham qilolmayman!» — dedi. Ul zot: «Unga bog'ini qaytarib bermoqchimisan?» — dedilar. Xotin: «Ha»,— dedi».

Ibn Abbos rivoyat qiladilar: «Sobit ibn Qaysning xotini Janob Rasulullohning huzurlariga kelib: «Yo Rasulalloh, men Sobit ibn Qaysni burch va xulq xususida ayblay olmayman, lekin men kufrdan qoʻrqaman»,— dedi. Ul zot: «Unga bogʻini qaytarib bermoqchimisan?» — dedilar. Xotin: «Ha»,— dedi. Keyin, xotin bogʻni eriga qaytarib berdi, Janob Rasululloh eriga amr qilib erdilar, u xotinini taloq qildi».

11-bob. Er va xotin orasining buzilishi va zarur boʻlgan chogʻda xul' qilmoqni ishora qiladimi?

Olloh taoloning qavli: «Va agar sizlar eru xotin oʻrtasining buzulmogidan qoʻrqsangizlar, ul er xonadonidan bir odil kishini va xotin xonadonidan bir odil kishini ta'yin qilingizlar!»

Misvar ibn Maxrama rivoyat qiladilar: «Men Rasululloh sallallohu alayhi va sallamning: «Banu Mugiyra oʻz qizini Aliga nikohlab bermoqlariga ijozat soʻradilar, men sira ham ijozat bermayman, keyin ham, undan keyin ham ijozat bermayman! Ali qizimni taloq qilib, ularning qiziga uylanmoqni istasagina ruxsat beraman, chunki qizim mening bir boʻlagimdur, uni shubhaga solgan narsa meni ham shubhaga soladi, unga aziyat yetkazgan narsa menga ham aziyat yetkazadi!» — deb aytganlarini eshitdim».

12-bob. Cho'rining sotib yuborilishi taloq hisoblanmaydi

Oisha raziyallohu anho rivoyat qiladilar: «Choʻri Bariraga nisbatan ado etilmogi lozim boʻlgan uchta sunnat mavjud erdi, ulardan biri — uning ozod qilinib, erini ixtiyor qilmogʻiga imkon berilganidur. Ushanda Janob Rasululloh: «Homiylik huquqi ozod qilgan shaxs qoʻliga oʻtadi»,— degan erdilar. Bir kuni ul zot hujramga kirib kelganlarida qozonda goʻsht qaynab turgan erdi. Oldilariga non va uyda mavjud boʻlgan xurushlardan keltirildi. Ul zot: «Goʻsht qaynatib qoʻyilgan qozonga koʻzim tushdi shekilli?» — dedilar. «Ha, qozonda goʻsht qaynatib qoʻyilgan, ammo bu goʻsht Bariraga sadaqa qilingan goʻshtdan, siz ersangiz sadaqa yemaysiz»,— deyishdi. Ul zot: «Bu goʻsht Bariraga sadaqa, bizgaersaxadyadir!»—dedilar».

13-bob. Cho'rining qulni tanlamog'i haqida

Ibn Abbos: «Men uning, ya'ni Bariraning erining qul erkanligini ko'rganman»,— deydilar.

Ibn Abbos: «Men oʻshal Mugis Abdu Bani falonning, ya'ni Bariraning erining Madina koʻchalarida Bariraning ketidan qolmay, unga yiglab yolborayotganini koʻrib turgandekmen»,— deydilar.

Ibn Abbos: «Bariraning eri qop-qora qul boʻlib, ismi Mugis Abdunnabiy erdi. Hozir men uning Madina koʻchalarida Bariraga ergashib yurganini koʻrib turgandekmen»,— deydilar.

14-bob. Nabiy sallallohu alayhi va sallamning' Bariraning eriga shafoat qilganlari haqida

Ibn Abbos rivoyat qiladilar: «Bariraning eri qul boʻlib, ismi Mugʻis erdi. Men uning Bariraning ketidan ergashib, yigʻlab yurganini va koʻz yoshlarining soqoliga oqib tushayotganini koʻrib turgandekmen. Janob Rasululloh: «Ey Abbos, Mugʻisning Bariraga boʻlgan muhabbatidan va Bariraning Mugʻisga boʻlgan nafratidan ajablanmaysanmi?» — dedilar. Janob Rasululloh Bariraga: «Unga qaytib tekkaningda erdi!»—dedilar. Barira: «Yo Rasulalloh, u menga shart qoʻydi»,— dedi. Ul zot: «Chunki, men unga achinaman»,— dedilar. Barira: «Men unga muhtoj ermasman!» — dedi».

15-bob.

Asvad rivoyat qiladilar: «Oisha raziyallohu anho Barirani sotib olmoqchi boʻldilar, shunda uning valiylari valiylik (homiylik) huquqini oʻzlarida olib qolishni shart qilib, sotmoqdan bosh tortdilar. Oisha onamiz buni Janob Rasulullohga aytib erdilar, ul zot: «Uni sotib olib, ozod qilaver, valoyat huquqi ozod qilgan shaxsniki-dur!»— dedilar. Bir kuni Janob Rasulullohga goʻsht keltirishdida, «Bu Bariraga sadaqa qilingan goʻshtdan»,— deyishdi. Ul zot: «Bu Bariraga sadaqa, bizga ersa hadyadir!»— dedilar».

16-bob. Olloh taoloning «Mushrik ayollarni ular moʻmina boʻlmagunlariga qadar nikohingizga olmangizlar! Mushrik ayoldan, agar u sizga yoqib qolgan boʻlsa ham, choʻri yaxshidur!» degan qavli haqida

Nofi' rivoyat qiladilar: «Ibn Umar, agar nasroniy ayolni yoki yahudiy ayolni nikohlab olmoq haqida soʻrashsa: «Olloh taolo mushrik ayollarni moʻminlarga harom qildi, men (mushrik) ayolning Olloh taoloning bandalaridan biri boʻlmish Isoni rabbim, deb shirk keltirganidan koʻra ogʻirroq qunohini bilmayman!»—der erdilar».

17-bob. Musulmon boʻlgan mushrik ayollarni nikohlab olmoq va ularning iddalari haqida

Ibn Abbos rivoyat qiladilar: «Mushriklar Rasululloh sallallohu alayhi va sallam birlan moʻminlarga nisbatan ikki xil mavqeda erdilar. Harb qabilasi mushriklari moʻminlarga, moʻminlar ersa ularga qarshi urush qilishar erdi. Ahd qabilasi mushriklari ersa moʻminlarga qarshi urush qilishmas, moʻminlar ham ularga qarshi urishmas erdilar. Agar Harb qabilasidan biror ayol musulmonlar tomoniga oʻqa, to hayz koʻrib, hayzdan poklanmagunicha, nikohga olinmas erdi, agar hayzdan poklansa, uni nikohga olmoqlik ruxsat etilar erdi. Ushal ayol, agar eri ham musulmonlar tomoniga oʻqa-yu, lekin oʻzi hanuz biror moʻminga nikohlanmagan boʻlsa, eriga qaytarilar erdi. Basharti, mushriklarning birorta quli yoki choʻrisi musulmonlar tomoniga oʻqa, u ozod deb hisoblanib, musulmonlar tomoniga oʻtgan ozod mushriklarga nisbatan qanday muomala qilinsa, unga ham shunday muomala qilinar erdi».

Mujohid: «Agar Ahd qabilasi mushriklarining birorta quli yoki choʻrisi musulmonlar tomoniga oʻqa, qaytarib bermay, narxini toʻlashar erdi»,— deydilar.

Ibn Abbos rivoyat qiladilar. «Qurayba binti Abu Umayya Umar ibn al-Xattobning huzurlarida erdi, keyin uni taloq qildilar. Unga Muoviya ibn Abu Sufyon uylandi. Abu Sufyonning qizi Ummulhakam ersa Iyoz ibn Gʻanam al-Fahriyga tekkan boʻlib, keyin uni taloq qildi. Unga Abdulloh ibn Usmon as-Saqafiy uylandi».

18-bob. Eri zimmiy yoki Harb qabilasiga mansub boʻlgan mushrik yohud nasroniy ayollar musulmon boʻlsa...

Ibn Abbos: «Agar nasroniy ayol eridan bir soat ilgari musulmon boʻlsa ham, eriga (umuman) haromdur!» — deydilar.

Ibrohim as-Soigrivoyat qiladilar: «Odamlar Atodan: «Ahd qabilasiga mansub bir ayol musulmon boʻldi, keyin u iddalik vaqtida eri ham musulmon boʻldi, u uning xotini boʻlib

qola oladimi?»—deb soʻrashdi. Ato: «Ioʻq, aslo! Endi, oʻshal xotin erining qayta nikohlab olmogʻini hamda boshqa mahr bermogʻini istashi kerak boʻladi»,— dedilar».

Mujohid: «Agar er xotini musulmon boʻlib, idda saqlayotgan vaqtda islomni qabul qilsa, unga uylanadi»,— deydilar.

Olloh taolo: «Na (musulmon boʻlgan) xotinlar (kofir) erlariga v na (kofir) erlar (musulmon boʻlgan) xotinlariga halol boʻlurlar!» — deydi.

Qatoda bir vaqtda musulmon bulgan majusiy eru xotin xususida suzlab: «Ular nikohlanadilar. Agar ulardan biri ikkinchisidan ilgari musulmon boʻlsa, musulmon boʻlgani musulmon boʻlmaganidan yuz oʻgiradi, demak musulmon boʻlmagan er uchun musulmon boʻlgan xotiniga yoʻl yoʻqdur!» — deydilar.

Ibn Jurayj rivoyat qiladilar: «Men Atoga: «Bir mushrik ayol musulmonlar tomoniga oʻtdi, eri undan xul' (mahr evaziga taloq bermoqlikni) talab qiladimi? Chunki, Olloh taolo: «Ular bergan narsalarni oʻzlariga qaytarib beringizlar!»—deydi-ku?!» — dedim. Ato: «Ioʻq, chunki bu Janob Rasululloh birlan Ahd qabilasi oʻrtasida kelishib olingan erdi»,— dedilar».

Mujohid: «Buning hammasi Janob Rasululloh birlan Quraysh qabilasi oʻrtasidagi sulhda qayd etilgan»,— deydilar.

Urva ibn az-Zubayr rivoyat qiladilar: «Janob Rasulullohning xotinlari Oisha onamiz bunday dedilar: «Agar ayollar islomni qabul qilib Janob Rasulullohning huzurlariga kelishsa, ularni qaytarib yubormay imtihon qilib koʻrardilar. Chunki, Olloh taolo: «Ey moʻminlar! Agar sizlarning huzuringizga moʻmin ayollar kelishsa, ularni (kofirlarga qaytarib bermay) imtihon qilib koʻringizlar!» — deydi. Mazkur ayollardan qaysi biri oʻshal imtihondan oʻtgan boʻlsa, demak u ogʻir sinovdan oʻtgan boʻlar erdi. Janob Rasululloh ayollarni gapga solib, iymonlari haqiqiy erkanligini bilib olganlaridan soʻng, ularga: «Sizlarga ruxsat, boringizlar, men sizlarni bayʻat qildirib (iymonlaringizning rost erkanligiga ont ichirib) boʻldim!» — der erdilar. Xudo haqi, Janob Rasulullohning qoʻllari biror begona ayolga tekkan ermas, ul zot ularga faqat soʻz birlan murojaat qilar erdilar! Xudo haqi, Janob Rasululloh begona ayollarga Olloh taolo oʻzlariga amr qilgan narsa birlangina, ya'ni soʻz birlangina murojaat qilar erdilar! «Sizlarni bayʻat qildirib boʻldim!» deb soʻz birlan murojaat qilganlari buning dalilidur».

19-bob. Olloh taoloning «Xotinlariga yaqin bormaslikka qasam ichadirgan odamlar uchun toʻrt oy muhlat berilur, bas agar (shul muddatda) qayqalar, Olloh taolo buyuk magʻfirat sohibi, nihoyatda rahimdil zotdur! Va agar taloq qilmoqni qasd qilsalar, albatta Olloh taolo eshitguvchi, bilguvchidur!» degan qavli xususida

Anas ibn Molik rivoyat qiladilar: «Rasululloh sallallohu alayhi va sallam xotinlarini iyloʻ qildilar, ya'ni bir oy birga turmayman, deb ont ichdilar. Oyoqlari yorilib (sinib) ketgan boʻlib, boloxonalarida yolgiz oʻzlari yigirma toʻqqiz kun turdilar. Soʻng, xotinlari huzuriga kirdilar, shunda ular: «Yo Rasulalloh, bir oyga qasam ichib erdingiz-ku?!» — deyishdi. Ul zot: «(Bu) oy yigirma toʻqqiz kundur!» —dedilar».

Nofi' rivoyat qiladilar: «Ibn Umar raziyallohu anhu iylo' haqida so'zlab, «Erlar Olloh taolo amriga muvofiq xotinlarni idda muddatlari tugagandan so'ng, yaxshilik ila nikohda saqlab turmoqlari yoki taloq qilmoqqa azm qilmoqlari lozim bo'ladi»,— deydilar».

Nofi' rivoyat qiladilar: «Ibn Umar: «Agar xotinini iylo' qilganiga to'rt oydan oshsa, uni taloq qilguniga qadar uyida ushlab turadi. Bunda, to taloq qilguniga qadar xotini taloq hisoblanmaydi»,— deydilar. Bu haqda Xazrat Usmon, H,azrat Ali, Abu Dardo', Oisha onamiz hamda Janob Rasulullohning o'n ikki sahobalari ham aytishgan».

20-bob. Yo'qolgan odam va yo'qolgan molning hukmi

Ibn al-Musayyab: «Agar er jang vaqtida dom-daraksiz yoʻqolib qolsa, xotini bir yil uni kutadi. Ibn Mas'ud bir choʻrini sotib olgan erdilar, bir yilga qadar uning egasini izlab topolmadilar. Keyin, bir-ikki dirhamdan ajratib, sadaqa qila boshladilar-da: «Yo parvardigoro, bu falonchiga (ya'ni, choʻrining topilmagan egasiga) berishim kerak boʻlgan qarzim uchundur!» — der erdilar hamda bizga: «Topilmaga nisbatan shunday ish tutingizlar!» — deb tayinlar erdilar».

Zuhriy asirga tushib qolgan kishi haqida: «Uning qaerdaligi ma'lum boʻlsa, xotini erga tegmaydi, uning moli ham taqsimlanmaydi. Agar er dom-daraksiz yoʻqolib keqa, xotini bir yil kutadi»,— deydilar.

Munba'isning mavlosi Yazid rivoyat qiladilar: «Janob Rasulullohdan yoʻqolgan (topib olingan) qoʻy haqida soʻrashdi. Ul zot: «Uni oʻzingga olaver, chunki u seniki yoki biror birodaringniki yoki boʻrinikidur!» — dedilar. Keyin, topib olingan tuya haqida soʻrashdi. Shunda ul zot qattiq gʻazablandilar, hatto yuzlari qizarib ketib: «U birlan ishing boʻlmasin, uning ozuqa va suvi oʻzi birlan, agar och qolsa, egasi topib olguncha suv ichib, oʻt yeb yuraveradi!» — dedilar. Soʻng, topib olingan hamyon haqida soʻrashdi. Ul zot: «Uni ochib, ichidagini koʻr, soʻng bir yil davomida uni topib olganing haqida ovoza qil, agar egasi chiqmasa, uni molingga qoʻshib yuboraver!» — dedilar».

21-bob. Zihor va Olloh taoloning «Olloh taolo uning sen birlan aytishib aytgan soʻzini eshitdi («Kimning qurbi yetmasa, oltmish miskinni toʻygʻazsin!» degan qavligacha)» degan qavli xususida

(«Zihor — kishining oʻz xotiniga: «Sen mening uchun onamning beli kabidursan!», ya'ni «Onamning beliga minmogim mumkin boʻlmaganidek, endi seni ham mina olmayman!» deb aytmogidur. Shunday deb xotinidan arazlagan er, yarashganidan soʻng, ichgan ontiga kafforat bermogi lozimdur).

Molik raziyallohu anhu Ibn Shihobdan qulning zihori xususida soʻradilar. Ul kishi: «Ozod kishining zihori kabidur»,— dedilar.

Molik: «Xotinini zihor qilgan qul ichgan onti kafforatiga ikki oy roʻza tutib beradi»,—deydilar.

Hasan: «Ozod kishining ozod xotinini zihor qilmogi birlan qulning choʻrini zihor qilmogi oʻrtasida hech qanday farq yoʻqdur»,— deydilar.

Ikrima: «Agar kishi choʻrisini zihor qilsa, hechqisi yoʻq, chunki zihor kishining oʻz xotiniga nisbatan shar'iy hukmga egadur»,— deydilar.

22-bob Taloq qilganini yoki biror narsani tasdiqlayotganini yohud biror narsadan qaytarganini yoinki biror narsa xususida amr qilganini ishora birlan anglatmoq haqida

Ibn Umar rivoyat qiladilar: «Rasululloh sallallohu alayhi va sallam: «Olloh taolo (mayyitga ovoz chiqarmay) toʻkilgan koʻz yoshi uchun azoblamaydi, ammo u mana bu (birlan dod-voy solingani) uchun azoblaydi» — deb tillariga ishora qildilar».

Ka'b ibn Molik rivoyat qiladilar: «Rasululloh sallallohu alayhi va sallam menga «yarmini ol!» degan ma'noda (qo'llari birlan) ishora qildilar

Asmo rivoyat qiladilar: «Rasululloh sallallohu alayhi va sallam Quyosh tutilganda namoz oʻqidilar. Men Oishaga: «Odamlarga ne boʻldi?»—dedim. U boish birlan Quyoshga ishora qildi. Men «(Qiyomat) alomatimi?»— dedim. U namozda turgan holda gapimni ma'qullab bosh irgadi».

Anas: «Janob Rasululloh Abu Bakr as-Siddiqqa («Beri kelingiz!» deb) qoʻllzri birlan ishora qildilar»,— deydilar.

Ibn Abbos: «Janob Rasululloh «Gunohi yoʻq!» deb qoʻllari birlan ishora qildilar»,— deydilar

Abu Qatoda rivoyat qiladilar: «Rasululloh sallallohu alayhi va sallam ehromdagi kishining ov qilmogi haqida gapirayotib! «Birortangiz «Hamla qilgil!» deb unga buyurdingizmi yoki oʻljaga ishora qildingizmi?» — dedilar. Odamlar «Ioʻq»,— deyishdi. Ul zot «Unday boʻlsa, yeyaveringizlar!» —dedilar».

Ibn Abbos rivoyat qiladilar: «Rasululloh sallallohu alayhi va sallam Baytullohni tavof qildilar, har gal rukn oldiga kelganlarida unga (asolari birlan) ishora qilib qoʻyib, takbir aytar erdilar».

Zaynab rivoyat qiladilar: «Rasululloh sallallohu alayhi va sallam «Ya'juj va Ma'juj oldidagi to`siq mana shuncha va mana shuncha ochildi va to`qson foiz boylandi (ya'ni, o`n foiz bo`shatildi)»,— dedilar».

Abu Hurayra rivoyat qiladilar: «Abulqosim sallallohu alayhi va sallam (Janob Rasululloh): «Jum'a kunida bir muayyan vaqt bordur. Musulmon bandaning namoz oʻqib turgan vaqti oʻsha vaqtga toʻgʻri kelib qolmogʻi qiyindur, bordi-yu toʻgʻri kelib qolsa, banda Olloh taolodan nimaiki soʻrasa, tilagi mustajob boʻlgaydur»,— dedilar-da, muborak qoʻllari birlan oʻshal vaqtning qisqaligiga ishora qildilar»

Anas ibn Molik rivoyat qiladilar: «Rasululloh sallallohu alayhi va sallamning hayotlik vaqtlarida bir yahudiy bir joriyaga tajovuz qilib, uning isirgʻasini tortib oldi-da, boshini tosh birlan urib yordi. Joriyani qarindoshlari Janob Rasulullohning huzurlariga ramaqijon holda keltirishdi, u soʻzlay olmas erdi. Ul zot: «Seni falonchi oʻldirdimi?» —deb yahudiydan boʻlak bir odamning ismini aytdilar. Joriya «yoʻq» degan ma'noda boshi

birlan ishora qildi. Ul zot. «Seni falonchi oʻldirdimi?»—deb yana boshqa bir odamning ismini aytdilar. Joriya yana «yoʻq» degan ma'noda boshi birlan ishora qildi. Ul zot: «Unda, falonchi oʻldirdimi?» — deb uni oʻldirgan yahudiyning ismini aytdilar. Joriya bu safar «Ha» degan ma'noda boshi birlan ishora qildi. Shundan soʻng, Janob Rasululloh oʻshal yahudiyni olib kelmoqni amr qildilar, uni olib kelishgach, boshini ikki tosh orasiga qoʻydirib, majaqlattirdilar».

Ibn Umar raziyallohu anhu rivoyat qiladilar: «Men Rasululloh sallallohu alayhi va sallamning mashriqqa ishora qilib: «Fitna oʻsha tomondan chiqadi!»—deb aytganlarini eshitdim».

Abdulloh ibi Abu Avfo rivoyat qiladilar: «Biz Rasululloh sallallohu alayhi va sallam birlan birga safarda erdik. Quyosh botgach, bir kishiga: «Ulovingdan tushib, menga talqon qorib ber (ya'ni, talqonga suv yoki sut aralashtirib ber)!»—dedilar. Boyagi kishi: «Yo Rasulalloh, biroz ko'qangiz bo'lardi!»—dedi. Biroz yurishgach, ul zot yana: «Ulovingdan tushib, menga talqon qorib ber!»— dedilar. Boyagi kishi bu gal ham: «Yo Rasulalloh, yana biroz kuqangiz (kechroq og'iz ochsangiz) bo'lardi, og'iz ochishingizga hali vaqt erta-ku!»—dedi. Yana biroz yurilgach, ul zot uchinchi bor: «Ulovingdan tushib, menga talqon qorib ber!»—dedilar. U ulovidan tushib, Payg'ambarimiz alayhissalomga talqon qorib berdi, ul zot uni ichib og'iz ochdilar. Keyin, mashriqqa qo'llari birlan ishora qilib: «Agar tunning (qorong'ulikning) o'shal tomondan bosib kelayotganini ko'rsangizlar.ro'zador og'iz ochaveradi»,—dedilar».

Abdulloh ibn Mas'ud raziyallohu anhu rivoyat qiladilar: «Rasululloh sallallohu alayhi vasallam: «Bilolning nidosi (azoni) birortangizga saharlikni man' qilmaydi, chunki u saharlikka turgan kishining bomdodgacha mizg'ib olmog'iga hali vaqti borligini ma'lum qiladi. Bu uning bomdodga chaqirib azon aytgani ermas»,—dedilar-da, Hazrat Bilolning azonlari birlan bomdod azoni oraligida biroz mizg'ib olmoqqa vaqt borligini anglatish maqsadida ikkala qo'llarini ko'tarib, birini ikkinchisidan uzoqroqqa cho'zdilar».

Abu Hurayra raziyallouu anhu rivoyat qiladilar: «Rasululloh sallallohu alayhi va sallam: «Baxil birlan qoʻli ochiq odam koʻkragidan to boʻgʻzigacha temir jubba (sovut) kiyib olgan ikki kishiga oʻxshaydi. Qoʻli ochiq odam bir narsa ehson qildi deguncha, sovutining halqalari boʻshashib, badanidagi sovut izlari yoʻqolgaydir. Ammo, baxil odam sadaqa qilmoqchi boʻlishi birlanoq, jubbasining har bir halqasi koʻkragu boʻynini tobora koʻproq qisa boshlagay, u harchand chiranmasin, jubba kengaymagay»,— dedilar-da, boʻgʻizlariga barmoqlari birlan ishora qildilar»

23-bob. Li'on va Olloh taoloning shu xususdagi qavli: «Va ul odamlariki tuhmat qilurlar xotinlariga, agar boʻlmasa alarning guvohlari oʻzlaridan boʻlak, bunday odamning guvohligi shulki, toʻrt marta xudoga qasamyod qilib: «Albatta, men rost aytayo-tirman!» — der»

Agar soqov er xotinini yozma yoki tushunarli imo-ishora birlan qazaf qilsa (zinokorlikda ayblasa), uning qazafi tili sogʻ kishining qazafi birlan barobardur. Chunki, Janob Rasululloh faroiz borasida ishoraga ijozat berganlar, buni ayrim hijozliklar va ulamolar ham tasdiqlashadi. Olloh taolo: «Keyin, Maryam bola tarafiga ishora qildi, ular: «Biz nechuk beshikda yotgan bolaga soʻzlay olamiz?» — dedilar»,— deydi. Zahhoq: «Imo-ishorasiz qazaf qilmogʻi darkor»,— deydilar. Ayrim kishilar: «Agar soqov imo-ishora

birlan qazaf qilsa, xotiniga hadd jazosi berilmaydi ham, ular li'on qilinmaydilar ham» — deb, so'ng: «Yozma yoki imo-ishora birlan taloq qilmoqlik joizdur va taloq birlan qazaf o'rtasida farq yo'qdur» — deb ta'kidlashadi. Shunga binoan, agar ular qazaf faqat og'zaki ma'lum qilinadi»—deydirgan bo'lsalar, demak taloq ham faqat og'zaki ma'lum qilinsagina, joiz bo'lishini ularga aytmoq kerak bo'ladi, aks holda taloq ham, qazaf ham botil bo'lib, soqovning xotini ham, o'zi ham mulo'ana qilinadi. Sha'biy va Qatoda: «Agar (soqov) barmoqlari birlan «Sen taloqsan!» deb ishora qilsa, ishorasiga asosan xotini undan ajratiladi»,— deyishadi. Ibrohim: «Soqov er, agar o'z qo'li birlan qazafnoma yozib bersa, qabul qilmoq lozimdur»,— deydilar. Hammod: «Soqov va garang, agar boshi birlan qazaf qilganini ishora qilsa, joizdur»,— deydilar.

Anas ibn Molik rivoyat qiladilar: «Rasululloh sallallohu alayhi va sallam: «Ansorlarning eng yaxshi hovlisi (xonadoni) haqida sizlarga xabar berayinmi?» — dedilar. «Ha, yo Rasulalloh!» — deyishdi. Ul zot: «Banu an-Najjor, soʻng ulardan keyingi Abd al-Ashhal, soʻng ulardan keyingi Banu al-Hars ibn al-Xazraj, soʻng ulardan keyingi Banu Soʻida»,— dedilar. Keyin, qoʻllari birlan bir tomonga ishora qilib, barmoqlarini juftladilar-da, tosh otgandek harakat qildilar, soʻng: «Ansorlarning barcha hovlilarida yaxshilik mavjuddur!» — dedilar».

Sahl ibn Sa'd as-So'idiy rivoyat qiladilar: «Rasululloh sallallohu alayhi va sallam: «Men payg`ambar qilib yuborilganimda qiyomat mana bu mana bunga qanchalik yaqin bo`lsa, shunchalik yaqin erdi» — deb ko`rsatgich barmoqlari birlan o`rta barmoqlari orasini birlashtirdilar».

Ibn Umar rivoyat qiladilar: «Rasululloh sallallohu alayhi va sallam: «Oy mana buncha va mana buncha va mana buncha, ya'ni o'ttiz kun bo'ladi»,— dedilar. So'ng: «Oy mana buncha va mana buncha va mana buncha, ya'ni yigirma to'qqiz kun bo'ladi» — deb ham aytdilar. Ya'ni, ba'zi oy o'ttiz kun va ba'zi oy yigirma to'qqiz kun bo'ladi, deb aytmoqchi bo'ldilar».

Abu Mas'ud rivoyat qiladilar: «Rasululloh sallallohu alayhi va sallam ko'llari birlan Yaman tomonga ishora qilib: «Iymon o'shal tarafda!»—deb ikki bor aytdilar, so'ng: «Lekin, og'ir vaqtlar boshlanib, tuyakashlar bag'ri tosh bo'lib ketadi, shayton shoxi — Rabiy'a va Muzar qabilalari ham o'sha tomondan chiqadi»,— dedilar».

Sahl rivoyat qiladilar: «Rasululloh sallallohu alayhi va sallam: «Men birlan yetimparvar ikkimiz jannatda mana bunday birga boʻlamiz» — deb koʻrsatkich va oʻrta barmoglarining orasini biroz ochib koʻrsatdilar».

24-bob. Agar kishi bolasidan tonib arz qilsa...

Abu Hurayra rivoyat qiladilar: «Bir kishi Rasululloh sallallohu alayhi va sallamning huzurlariga kelib: «Yo Rasulalloh, mening bolam qop-qora!» — dedi. Ul zot: «Tuyalaring bormi?»—dedilar. U: «Ha»,— dedi. Ul zot: «Rangi qanaqa?»—dedilar. U: «Qizg`ish»,— dedi. Ul zot: «Ularning orasida kulrangi bormi?» — dedilar. U: «Ha»,— dedi. Ul zot: «U qaerdan kelib qoldi?»—dedilar. U: «Menimcha, nasliga tortgandur?»— dedi. Ul zot: «O'q`ling ham nasliga tortgan bo`lsa kerak!»—dedilar».

25-bob. Li'on qiluvchiga ont ichirmoq xususida

Abdulloh raziyallohu anhu rivoyat qiladilar: «Bir ansoriy kishi xotinini qazaf qildi. Janob Rasululloh ansoriy birlan xotiniga qasam ichirib, soʻng ularni ajratib yubordilar».

26-bob Avval erkak li'on qiladi!

Ibn Abbos raziyallohu anhu rivoyat qiladilar: «Hilol ibn Umayya xotinini qazaf qildi, soʻng kelib rost aytayotganini gapirib qasam ichdi. Janob Rasululloh: «Olloh taolo ikkingizdan biringizning yolgʻon soʻzlayotganingizni bilib turibdi, qaysi biringiz tavba qilasiz?» — dedilar. Shunda xotin ham oʻrnidan turib rost gapirayotganiga gasam ichdi».

27-bob. Li'on va li'ondan so'ng xotinini taloq qilgan kishi haqida

Sahl ibn Sa'd as-So'idiy rivoyat qiladilar: «Uvaymir al-Ajaloniy Osim ibn Adiyning huzurlariga kelib: «Ey Osim, nima deysiz, bir kishi xotini birlan bir begona erkakni tutib olsa, uni o'zi o'ldiradimi yoki sizlar o'ldirasizlarmi yohud boshqa biror chora ko'riladimi? Iltimos, shu haqda Janob Rasulullohdan so'rab bilib bersangiz!» — dedi. Osim shul xususda Janob Rasulullohdan so'rab erdilar, ul zot bunday masala to'g'risida javob bergilari kelmay, Osimni shunday uyaltirdilarki, ul kishi hatto savol berganlariga ming pushaymon yedilar. Osim uylariga qaytib kelganlarida Uvaymir kelib: «Ey Osim, Janob Rasululloh sizga nima deb javob qildilar?» — dedi. Osim: «Menga yaxshilik qilmading! Janob Rasululloh sen so'ragan masala xususida javob bergilari kelmadi»,— dedilar. Uvaymir: «Xudo haqi, oʻzim soʻrab bilib olmagunimcha, qoʻymayman!» — dedi-da, Osimning huzurlaridan chiqib, Janob Rasulullohning qoshlariga yoʻl oldi, yetib borganida ul zot odamlar davrasida o'ltirgan erdilar. Uvaymir: «Yo Rasulalloh, agar bir kishi xotini birlan bir begona erkakni tutib olsa, uni o'zi o'ldiradimi yoki sizlar o'ldirasizlarmi yohud biror boshqa chora koʻriladimi?» — dedi. Janob Rasululloh: «Sening va umr yoʻldoshing xususida oyat nozil bo'ldi, borib xotiningni olib kelgil!» — dedilar. Keyin, ular ikkalasi birbirini (masjid-da) mulo'ana gilishdi, shunda men Janob Rasulullohning huzurlaridagi odamlar orasida erdim. Ikkalasi mulo'ana qilishib bo'lishqach, Uvaymir: «Yo Rasulalloh, agar uni nikohimda olib golsam, unga tuhmat gilgan bo'laman!» —dedi-da, Janob Rasulullohning amr qilmoqlarini kutmay, uni uch taloq qildi. Ibn Shihob: «Ushal yil mulo'ana qiluvchilar yili bo'lgan erdi»,— deydilar».

28-bob. Masjidda mulo'ana qilmoq xususida

Bu yerda Sahl ibn Sa'd as-So'idiyning yuqoridagi rivoyatlari takroran keltirilgan.

Ibn Shihob bunday deydilar: «Usha ikki eru xotindan soʻng, bir-birini muloʻana qiluvchilarni ajratib yuborish sunnat boʻlib qoldi. Agar ayol homilador boʻlsa, bolasi nasab xususida onasiga da'vo qilar erdi. Keyin, ayolning merosi xususida sunnat (qonun) joriy qilinib, ayol Olloh taolo farz qilgancha bolaga meros qoldiradirgan va bola onadan meros oladirgan boʻldi».

Sahl ibn Sa'd bunday deydilar: «Rasululloh sallallohu alayhi va sallam: «Agar oʻshal xotin qizgʻish, pak-pakana bola tugʻsa, xotin rost gapirib, eri unga tuhmat qilgan, deb hisoblayman, basharti u qop-qora, koʻzlari katta-katta bola tugʻsa, unda eri rost gapirib, xotini bolani birovdan orttirgan boʻladi»,— dedilar».

29-bob. Rasululloh sallallohu alayhi va sallamning «Birortani dalil-isboqiz rajm qiladirgan bo`lsam, shu ayolni rajm qilar erdim!» deganlari haqida

Qosim ibn Muhammad rivoyat qiladilar. «Ibn Abbos Rasululloh sallallohu alayhi va sallamning huzurlarida bir eru xotinning oʻzaro muloʻana qilganligi haqida gapirdi. Shunda Osim ibn Adiy shul xususda bir nima dedi-da, soʻng uyiga ketdi. Uyida oʻltirganida bir kishi huzuriga kelib, xotinini bir begona erkak birlan tutib olganini aytib shikoyat qildi. Osim: «Tilimdan ilinib, oʻzimga oʻzim balo orttirib oʻltiribman!»— dedi-da, boyagi kishini ergashtirib Janob Rasulullohning huzurlariga bordi va ul zotga xotinini tutib olgan kishi xususida soʻzlab berdi. Bu kishi sargʻish, qotma, sochlari muloyim va silliq erdi. Xotinining oʻynashi ersa qorachadan kelgan, semiz kishi erdi. Janob Rasululloh: «Yo parvardigoro, oʻzing fosh qilgaysan!»—dedilar. Keyin, oʻshal ayol eri belgilarini aytgan kishiga oʻxshash bola tugʻib qoʻydi. Janob Rasululloh ularni liʻon qildilar. Bir kishi Ibn Abbosga majlisda: «Janob Rasululloh «Birortani dalil-isboqiz rajm (toshboʻron) qiladirgan boʻlsam, shu ayolni rajm qilar erdim!» deb shu ayol haqida aytganmilar?»—dedi. Ibn Abbos: «Ioʻq, Janob Rasululloh nazarlarida tutgan ayol islom xususida yomonlik qilgan erdi»,— dedi».

30-bob. Li'on qilingan ayolning mahri haqida

Sa'id ibn Jubayr rivoyat qiladilar: «Men Ibn Umarga: «Bir kishi xotinini qazaf qildimi?» — dedim. Ibn Umar: «Janob Rasululloh Uvaymir al-Ajaloniy birlan uning xotinini ajratib yubordilar. Ul zot ularga uch bor: «Olloh taolo ikkingizdan biringizning yolg'on gapirayotganingizni bilib turibdi, qaysiningiz tavba qilgaysiz?» — dedilar. Shunda ikkalasi ham tavba qilmoqdan bosh tortib erdi, ularni ajratib yubordilar»,— dedi».

Ayyub bunday deydilar: «Amr ibn Dinor menga: «Sen ana shu hadisdagi bir (muhim) narsani tushirib qoldiryapsan. Ushanda uning eri: «Bergan mahrim nima boʻladi?» — degan erdi. Janob Rasululloh: «Senga mahrni qaytarib bermaydi, agar sen xotining xususida rost gapirgan boʻlsang ham, bergan mahring xotiningning avratidan foydalanganing uchun unda qoladi, agar tuhmat qilgan boʻlsang, senga mahrning qaytarib berilmasligi oʻz-oʻzidan ma'lumdur» — deb javob qilgan erdilar».

31-bob. Imomning mulo'ana qilinayotganlarga: «Ikkingizdan biringiz yolg`on gapirayotirsiz! Qaysi biringiz tavba qilgaysiz?» — deb aytgani haqida

Sa'id ibn Jubayr rivoyat qiladilar: «Men Ibn Umardan li'on qilinganlar haqida so'radim. Ibn Umar bunday dedi: «Janob Rasululloh li'on qilinayotganlarga: «Sizlarning hisob-kitobingiz Olloh taologa havola! Ikkingizdan biringiz yolg'on so'zlayotirsiz. Endi, sening uchun xotiningga yo'l yo'q!» — dedilar. Erkak: «Unga bergan mahrim nima bo'ladi?» — dedi. Janob Rasululloh: «Mahr senga qaytarilmaydi. Agar xotining xususida rost aytgan bo'lsang ham, uning avratidan foydalanganing uchun mahr unda qoladi. Basharti, yolg'on gapirgan bo'lsang, shundog' ham mahr senga qaytarilmasligi ayondur»,— dedilar».

32-bob. Li'on qilingan eru xotinni ajratib yuborish haqida

Ibn Umar raziyallohu anhu rivoyat qiladilar: «Rasululloh sallallohu alayhi va sallam bir

eru xotinni ajratib yubordilar, er xotinni qazaf qilgan bo'lib, ularning ikkalasiga ont ichirdilar».

Ibn Umar rivoyat qiladilar: «Rasululloh sallallohu alayhi va sallam ansorlardan boʻlmish bir eru xotinni li'on qilib, keyin ularni ajratib yubordilar».

33-bob. Bola li'on qilingan ayolniki bo'ladi!

Ibn Umar rivoyat qiladilar: «Rasululloh sallallohu alayhi va sallam bir eru xotinni li'on qildilar, shunda er bolani tan olmadi. Ul zot ularni ajratib, bolani ayolda qoldirdilar».

34-bob. Imomning «Yo parvardigoro, (qaysi biri haq, qaysi biri nohaq erkanligini) oʻzing ayon qilgaysan!» deb aytmogʻi haqida

Ibn Abbos rivoyat qiladilar: «Janob Rasululloh sallallohu alayhi va sallamning huzurlarida li'on qilingan bir eru xotin haqida gap ketdi. Shunda Osim ibn Adiy shul xususda bir nima dedi-da, uyiga ravona boʻldi. Keyin, unga qavmdosh bir kishi uning huzuriga kelib, xotini birlan bir begona erkakni tutib olganini aytdi. Osim: «Tilimdan ilinib, oʻzimga-oʻzim tashvish orttirib oʻltiribman-a!» —dedi-da, boyagi odamni ergashtirib Janob Rasulullohning huzurlariga bordi, ul zotga xotinini begona erkak birlan tutib olgan kishi haqida soʻzlab berdi. Bu kishi sargish, qotma va sochlari muloyim erdi, xotinining oʻynashi ersa, qorachadan kelgan, semiz, gavdali, sochi jingalak erdi. Janob Rasululloh: «Yo parvardigoro, oʻzing fosh (ayon) qilgaysan!» — dedilar. Keyin, oʻshal xotin yuqorida belgilari aytilgan oʻynashiga oʻxshash bola tugib qoʻydi. Janob Rasululloh eru xotinni li'on qildilar». Bir kishi majlisda Ibn Abbosga: «Janob Rasululloh «Agar birortani dalil-isboqiz rajm qiladirgan boʻlsam, shu xotinni rajm qilgan boʻlar erdim!» deb shul xotin haqida aytganlarmi?» — dedi. Ibn Abbos: «Yoʻq, Janob Rasululloh nazarlarida tutgan ayol islom xususida yomonlik qilgan erdi»,— dedi».

35-bob. Eri uch taloq qilgan ayol iddadan soʻng bir boshqa erga tegsa-yu, eri unga yotolmasa...

Oisha raziyallohu anho rivoyat qiladilar: «Rifo'at al-Quraziy bir ayolga uylanib, keyin uni taloq qildi.

Xotin boshqa erga tekkach, Rasululloh sallallohu alayhi va sallamning huzurlariga kelib, keyingi erining jimo'ga zaiflik qilayotgani hamda uning olati popuk singari lapashang erkani haqida gapirdi. Janob Rasululloh unga: «To keyingi ering sening va sen uning asaldonidan zavq olmaguningizcha, avvalgi eringga halol boʻlmaysan!»— dedilar».

36-bob. Olloh taoloning qavli: «Va ul xotinlaringizdanki, noumid boʻlibdirlar hayzdan (ya'ni, hayz mavsumidan oʻtib qolgan yo hayz yoshiga yetmagan xotinlaringizdan) shubqa qilsangizlar...»

Mujohid: «Agar sizlar xotinlaringiz hayz koʻradilar-mi, yoʻqmi, bilmasangizlar, ul holda hayz mavsumidan oʻtib qolgan yo hayz yoshiga yetmagan xotinlar uchun idda muddati uch oydur»,— deydilar.

37-bob. Olloh taoloning qavli: «Va qorinlarida bolasi bor xotinlarning iddasi bolasini tugʻishidur»

Ummu Salama raziyallohu anho rivoyat qiladilar: «Aslam qabilasiga mansub Subay'a ismli bir ayolning eri boʻlib, u vafot etib qoldi. Subay'a eridan homilador erdi. Uni Abussanobil ibn Bi'kak oʻziga xotinlikka soʻratdi, Subay'a unga tegishga rozilik bermadi. Odamlar unga: «Xudo haqi, iddani oxiriga yetkazmaguningcha, unga tegmoging durust ermas!» — deyishdi. Shunda Subay'a oʻn kuncha kutib, soʻng Janob Rasulullohning huzurlariga keldi, ul zot unga: «Tegaber!» — dedilar».

Ibn Shihob rivoyat qiladilar: «Ubaydulloh ibn Abdullohning otalari Ibn al-Arqamga maktub yoʻllab, Janob Rasululloh Subayʻaga qanday fatvo berganlarini uning oʻzidan soʻrab bilib berishni iltimos qildilar. Subayʻa: «Ul zot menga tugishim birlan erga tegmogim mumkinligini aytib fatvo berdilar» — deb javob qilibdi».

Misvar ibn al-Maxrama rivoyat qiladilar: «Subay'a al-Aslamiyya eri vafot qilgach, bir necha kun o'tkazib Janob Rasulullohning huzurlariga keldi-da, erga tegishga ijozat so'radi. Ul zot unga ijozat berib erdilar, erga tegib ketdi».

38-bob. Olloh taoloning qavli: «Va taloq berilgan xotinlar uch hayz oʻtguncha oʻzlarin boshqa nikoxdan saqlasinlar!»

Ibrohim idda vaqtida erga tekkan ayol (ya'ni, eri tomonidan raj'iy taloq — idda ichida yana qaytarib olsa bo'ladirgan taloq qilingan ayol) haqida so'zlab: «U (keyingi) eri uyida uch bor hayz ko'rib, oldingi eridan uzil-kesil ajraldi. Uning bu hayzi keyingi eri uchun hisobga o'tmaydi, u yana boshqa idda saqlaydi»,— deydilar. Zuhriy: «U ayol bir bor idda saqlasa, kifoya qiladi»,— deydilar. Zuhriyning bu gaplari Sufyon uchun ayni muddaodur».

39-bob. Fotima binti Qays qissasi va Olloh taoloning qavli: «Va qoʻrqingizlar parvardigoringiz boʻlmish Olloh taolodan, chiqarmangizlar ularni oʻz uylaridan va ular oʻzlari ham chiqmasinlar agar aniq bir hayosiz ish qilmasalar va bu narsalar Olloh taolo muqarrar qilgan cheklovlardur va kimiki Olloh, taoloning cheklovlariga tajovuz qilur, ul albatta oʻz joniga zulm qilgan boʻlur, ul xotin bilmaski, shoyad Olloh taolo paydo qilur taloqdan soʻng biror ishni (ya'ni, shoyad Olloh taolo ularning oʻrtalarida sulh paydo qilsa)... Joy beringizlar ularga oʻzlaringiz turgan yerlaringizdan qudratlaringizga muvofiq va ozor bermangizlar ularga ularni siqiltirmoqlaringiz uchun va agar ular homilador boʻlsalar, bas nafaqa berib turingizlar ularga to bolalarin tugʻib olgunlariga qadar («tanglikdan keyin yengillikni paydo qilur» degai qavligacha) («At-Taloq» surasi)

Molik rivoyat qiladilar: «Yahyo ibn Sa'id ibn al-Os Abdurrahmon ibn al-Hakamning qizini taloq qilib erdi, Abdurrahmon qizini uyiga ko'chirib olib keldi. Mo'minlar onasi Oisha raziyallohu anho Madina amiri Marvonga odam yuborib, «Olloh taolodan qo'rqgil, uni uyiga qaytargil!» deb aytishni buyurdilar».

Abdurrahmon ibn al-Qosim rivoyat qiladilar: «Urva ibn az-Zubayr Oisha raziyallohu anhoga: «Al-Hakamning qizi boʻlmish Fotimaning eri uch taloq qilgach, uyidan chiqib

ketganini ko'rmaysizmi?!»—dedi. Oisha raziyallohu anho: «Juda ham yomon ish qilibdi!»—dedilar. Urva: «Fotimaning «Bu voqea oshkor qilinsa, menga yaxshi bo'lmaydi!»—deb aytganini eshitmadingizmi?»—dedi».

Hishom: «Oisha raziyallohu anho (Fotimani) nihoyatda qattiq ayblab: «Fotima bir vahshiy hayvon yanglig ish tutibdi, bu unga xatarnokdur. Shul boisdan ham, Janob Rasululloh uni nazar-pisand qilmadilar»,— deb aytibdilar»,— deydilar.

40-bob. Agar taloq qilingan ayoldan erining uyidagilar: «Eri unga tashlanadi» — deb xavotir olishsa yoki: «Uning oʻzi bizga behayo gaplar gapiradi» — deb choʻchishsa...

Urva: «Oisha raziyallohu anho Fotimaning bu qilmishini qoraladilar»,— deydilar.

41-bob. Olloh taoloning qavli: «Va halol ermas ular uchun bachadonlaridagi Olloh taolo yaratgan hayzu homilani yashirmoqlari»

Oisha raziyallohu anho rivoyat qiladilar: «Rasululloh sallallohu alayhi va sallam yoʻlga chiqmoqchi boʻlganlarida Safiyya hayz koʻrib qolib, oʻz chodiri ostonasida gamgin oʻltirardi. Ul zot Safiyyaga: «Nechuk bema'nilik! Endi sen bizni yoʻldan qoldiradirgan boʻlding, Nahr kuni tavof qilganmiding?»—dedilar. Safiyya: «Ha»,— dedi. Ul zot: «Unday boʻlsa, yoʻlgachiq!»—dedilar».

42-bob. Olloh taoloning qavli: «Va ularni shu idda ichida qaytarib olmoqqa erlari boshqalardan koʻra koʻproq haqlidurlar». Er xotinini, agar uni bir yoki ikki taloq qoʻygan boʻlsa, qanday qaytarib oladi?

Hasan: «Ma'qil singlisini erga berib erdi, eri uni taloq qildi»,— deydilar.

Hosan raziyallohu anhu rivoyat qiladilar: «Ma'qil ibn Yasorning singlisi bir kishiga turmushga chiqib erdi, u uni taloq qildi. Keyin, uni to iddasi tugaguncha tashlab qo'yib, yana o'ziga xotinlikka so'radi. Shunda Ma'qil bunga qarshilik qilib: «Uni iddasi tugamasidan burun qaytarib olish imkoniga ega bo'la turib, o'z holiga tashlab qo'ydi, endi uni o'ziga yana xotinlikka so'ratadimi?!» — dedi-da, kuyovi birlan singlisining yarashib ketishiga mone'lik qildi. Shu asnoda Olloh taolo Janob Rasulullohga «Va qachon xotinlarni taloq qilsangizlar va ularning iddalari tamom bo'lsa, endi ul xotinlarni o'z erlarining nikohlariga kirmoqlariga mone'lik qilmangizlar, vaqtiki ular shariatga muvofiq o'zaro rozi bo'lsalar va bu nasihat sizlardan shundog' odamga qilinurki, ul odam Olloh taolo va qiyomat kuniga iymon keltirur, bu narsa sizlar uchun ziyoda safolik va ziyoda poklikdur va Olloh taolo bilur va sizlar bilmassizlar!» degan oyati karimani nozil qildi. Janob Rasululloh Ma'qilni chaqirib, unga shu oyatni qiroat qilib berdilar, Ma'qil kuyovi birlan singlisiga mone'lik qilishdan to'xtab, Olloh taoloning amriga bo'yin egdi».

Nofi' raziyallohu anhu rivoyat qiladilar: «Umar ibn al-Xattob raziyallohu anhuning oʻgʻli xotinini hayz koʻrgan holida bir taloq qildi. Rasululloh sallallohu alayhi va sallam unga xotinini qaytarib olmoqni, soʻng hayzdan poklanib, yana hayz koʻrib, yana poklangunicha uyida saqlab turmoqni, keyin agar istasa, hayzdan poklangan vaqtida unga yaqinlik qilmay turib taloq qilmoqni amr qildilar. Olloh taolo ayollarni taloq qilishda rioya qilmoqni amr qilgan idda mana shu iddadur. Abdulloh, agar oʻzlaridan bu haqda soʻrashsa: «Agar

uch taloq qilgan boʻlsang, xotining toki boshqa erga tegib chiqmagunicha, senga haromdur!» —deb aytar erdilar. Ibn Umar: «Agar bir yoki ikki bor taloq qilgan boʻlsang, Janob Rasululloh bunday holda nima qilmoqni menga amr qilganlar»,— deydilar».

43-bob. Hayz koʻrgan holida taloq qilingan ayolni qaytarib olmoq xususida

Yunus ibn Jubayr rivoyat qiladilar: «Ibn Umar xotinini hayz koʻrgan holida taloq qildi. Hazrat Umar shu haqda Janob Rasulullohdan soʻrab erdilar, ul zot: «Ugʻlingga borib ayt, xotinini qaytarib olsin, soʻng hayzdan poklanib, yana hayz koʻrib, yana poklangunicha uyida saqlab tursin, keyin agar istasa, hayzdan poklangan vaqtida unga yaqinlik qilmay turib taloq qilsin!» —deb amr qildilar. Men Ibn Umarga: «Keyin, u oʻsha taloqqa binoan iddada oʻltiradimi?» — dedim. U: «Nima, sen qarib miyasi aynib qolgan, deb oʻyladingmi?!» — dedi».

44-bob. Eri vafot etgan ayol to'rt oyu o'n kun aza tutadi!

Zuhriy: «Eridan yosh tul qolgan ayol pardoz-andoz ashyolaridan foydalanadi, deb oʻylamayman, chunki u iddadadir»,— deydilar.

Nofi' Zaynab binti Abu Salama uaqida rivoyat qiladilar: «Zaynab bunday dedi: «Men Rasululloh sallallohu alayhi va sallamning xotinlari bo'lmish Ummu Habibaning huzurlariga otalari Abu Sufyon vafot etganda kirdim. Shunda Ummu Habiba upa-elik keltirmogni buyurdilar-da, uni yuzlariga surtdilar. So'ng: «Xudo hagi, agar men Janob Rasulullohning: «Olloh taologa va giyomatga iymon keltirgan ayolning mayyitga uch kundan ortig aza tutmog'i makruhdur, eri o'lsagina to'rt oyu o'n kun aza tutadi» — deb aytganlarini eshitganim uchungina shunday gildim, aslida upa-elikka ehtiyojim yo'q erdi!» — dedilar. Keyin, men Zaynab binti Jahshning huzuriga akasi vafot qilganda kirdim. Shunda u ham upa-elik keltirmoqni buyurib, undan yuziga surtdi. So'ng: «Ammo, xudo hagi, men Janob Rasulullohning minbarda turib: «Olloh taologa va giyomatga iymon keltirgan ayol uchun mayyitga uch kundan ortig aza tutmog'i halol ermas, eri vafot qilsagina to'rt oyu o'n kun motam qiladi» — deb aytganlarini eshitmaganimda bunday gilmas erdim, aslida upa-elikka uncha xushim yoʻqdur!—dedi». Zaynab: «Men Ummu Salamaning bunday deb aytganlarini eshitgan erdim»,— dedi: «Bir ayol Janob Rasulullohning huzurlariga kelib: «Yo Rasulalloh! Qizim eri vafot qilib, tul goldi, yigʻlayverganidan koʻzi shishib ketdi, davo magsadida koʻziga surma goʻysa, bo'ladimi?» — dedi. Janob Rasululloh ikki yoki uch bor: «Io'q!» — dedilar (bundan ayonki, eri o'lgan azador ayol ko'zi og'risa ham, surmadan foydalanishi mumkin ermas). So'ng, ul zot yana: «Chunki, eri o'lgan ayolning azadorlik muhlati to'rt oyu o'n kundur. Johiliyat davrida birortangizning eringiz vafot gilsa, yilning boshida tezak otar erdingiz»,— dedilar». Humayd bunday deydilar: «Men Zaynabga: «Nechun yilning boshida tezak otadi?»—dedim. Zaynab bunday dedi: «Ayol, agar eri vafot gilsa, bir uychaga kirib, eng yomon kiyimini kiyib olardi-da, bir yil davomida upa-elikni qo'liga olmay u yerda yotar erdi. So'ng, unga bir mochaxar yoki sovliq yohud qush olib kelib berishar erdi. Ayol uni bir narsa birlan yirta-yirta, oxiri uni o'ldirar erdi. Keyin, u uychadan tashqariga chiqar erdi. Shunda uning qo'liga tezak tutqazishar va u tezakni (bir yil davomida ko'rgan kunim shu tazakdan yaxshiroq erdi, deb) irg'itib yuborar erdi. Keyin, u pardoz-andoz yoki biror boshqa narsani xohlagandan soʻng, (uyiga) qaytarilar erdi». Molikdan, Olloh taolo ul kishini rahmat qilsin, «Bir narsa birlan yirta-yirta» nima degani?» — deb so'rashdi. Ul kishi: «Bir narsa birlan terisini shiladi»,— dedilar».

45-bob. Azador ayolning surma qo'ymog'i mumkinmi?

Ummu Salama rivoyat qiladilar: «Bir ayolning eri vafot etib, yigʻlayverganidan koʻzlari ogʻrib qoldi. Shunda ayolning yaqinlari uning koʻzidan xavotir olishib, Janob Rasulullohning huzurlariga kelishdi-da, davo uchun koʻziga surma qoʻyishga ijozat soʻrashdi. Janob Rasululloh: «Surma qoʻymasin! Bir paytlar (johiliyat davrida) birortangizning eringiz oʻlsa, juldur-juldur kiyimingizni kiyib olar erdingiz. Bir yil oʻtgach, oldingizdan it oʻtib qolsa, unga tezak irgʻitar erdingiz. Nechuk endi toʻrt oyu oʻn kunga sabr qilolmaysizlar?!» —dedilar».

Zaynab binti Salama rivoyat qiladilar: «Rasululloh sallallohu alayhi va sallam: «Olloh taolo birlan oxirat kuniga iymon keltirgan mo'mina ayol uch kundan ziyod aza tutmasin, eri o'lsagina to'rt oyu o'n kun motam qilsa, bo'lur!» — dedilar».

Ummu Atiyya: «Biz ayollar uch kundan ortiq aza tutmoqdan qaytarildik, erlarimiz oʻlsagina toʻrt oyu oʻn kun aza tutmogʻimizga ijozat berildi»,— deydilar.

46-bob. Azador ayolning hayzdan poklanganda qust ishlatmog'i haqida

Ummu Atiyya rivoyat qiladilar: «Biz ayollar oʻlikka uch kundan ortiq aza tutmoqdan qaytarilgan erdik, er oʻlsagina toʻrt oyu oʻn kun aza tutmoq mumkin erdi. Bu muhlat mobaynida na surma va na atir-upa surtar va na yamaniy kiyimdan boʻlak kiyim kiyar erdik. Biz ayollarga birortamiz hayzdan poklanib, gusl qilganimizdagina biror zufor atri va qustdan (maxsus daraxt boʻlib, uni qaynatib shifobaxsh modda olingan) foydalanmoqqa ijozat berilgan erdi, xolos. Biz ayollar janozaga ergashmoqdan ham qaytarilgan erdik».

Abu Abdulloh: «Qust va kust — kofur va qofur (kamfara daraxti) kabi bir boʻlak yogʻochdur»,— deydilar.

47-bob. Azador ayol yamaniy burda (yo'l-yo'l ust kiyimi) kiyadi

Ummu Atiyya rivoyat qiladilar: «Rasululloh sallallohu alayhi va sallam: «Olloh taolo birlan oxirat kuniga iymon keltirgan ayolning eridan boʻlak mayyitga uch kundan ortiq aza tutmogʻi halol boʻlmay, azadorlik chogʻida surma qoʻymaydi, boʻyalgan (rangli) kiyim kiymaydi, faqat yamaniy burda kiyadi» — dedilar»

Hafsa rivoyat qiladilar «Ummu Atiyya menga bunday dedi «Rasululloh sallallohu alayhi va sallam biz ayollarga azadorlik chogʻimizda atir-upaga qoʻl tekkizmaslikni buyurib, hayzdan poklanganimizdagina biroz qust va zufor atri ishlatmogʻimizga ruxsat berdilar»

Abu Abdulloh; «Qust va kust — kofur va qofur kabidur»,—deydilar

48-bob Olloh taoloning qavli: «Va sizlardan ul odamlariki vafot qilurlar va xotinlarin qoldirib keturlar, ul xotinlar toʻrt oyu oʻn kungacha oʻzlarin intizorda saqlarlar va qachonki ularning iddalari tamom boʻlur, ul holda ular qoidaga muvofiq oʻz haqlarida bir ish qilsalar, bundan sizlarga qech bir gunoh yoʻkdur va Olloh taolo sizlar qilib turgan ishdan xabardordur!»

Mujohid rivoyat qiladilar: «Olloh taoloning «Va sizlardan ul odamlariki vafot qilurlar va xotinlarin qoldirib keturlar» degan (yuqoridagi) oyati karimasida aytilgan iddani ayol oʻz erining uyida oʻtkazishi vojib boʻlgan. Keyin, Olloh taolo «Va sizlardan ul odamlariki vafot qilurlar va xotinlarin qoldirib keturlar, ular vasiyat qilib keqinlarki, xotinlari uydan chiqarib yuborilmay bir yillik xarj birlan ta'minlansin va agar ular oʻzlari chiqib keqalar, ularning qoidaga muvofiq oʻzlari haqlarida qilgan ishlari uchun sizlar gunohkor boʻlmaysizlar» degan oyati karimasini nozil qildi Olloh taolo ayolga marhum erining uyida barcha narsalar birlan ta'minlangan holda toʻla bir yil turmoklik imkonini berdi va bundan toʻrt oyu oʻn kunni uning uchun idda muddati qilib va yetti oyu yigirma kunni erining vasiyati boʻyicha uning uyida turadirgan muhlat qilib belgiladi. Endi ayol vasiyat muhlatini, istasa, marhum erining uyida qolib oʻtkazadirgan, istamasa, u yerdan chiqib ketadirgan boʻldi. Chunki, Olloh taolo «uydan chiqarib yuborilmay» va «agar oʻzlari chiqib keqalar sizlar gunohkor boʻlmagaysizlar»,— deydi. Ammo, idda saqlamoqlik uning uchun ilgarigidek vojibligicha qoldi»

Ato Ibn Abbosdan naql qiladilar: «Bu oyat ayolning marhum eri uyida idda saqlashi vojibligini bekor qilib, unga boradigan yerida idda saqlamoqlik ixtiyorini berdi. Chunki, Olloh taolo «uydan chiqarib yuborilmay»,— deydi»

Ato bunday deydilar «Ayol, istasa, marhum erining uyida iddada oʻltiradi va vasiyat muhlati davomida u yerda turadi, agar istamasa, u yerdan chiqib ketaveradi. Chunki Olloh taolo «agar oʻzlari chiqib keqalar, ularning qoidaga muvofiq qilgan ishlari uchun sizlar gunohkor boʻlmagaysizlar»,— deydi»

Ato yana bunday deydilar: «Keyin, meros haqidagi oyat nozil boʻlib, u ayolning marhum eri uyida turmogʻini bekor qildi, ayol oʻzi istagan yerda iddada oʻltiradirgan boʻldi, endi uning uchun marhum erining uyida joy yoʻqdur».

Ummu Salama rivoyat qiladilar: «Abu Sufyonning qizi Ummu Habiba otalarining vafot etganligi haqidagi xabarni (uch kundan keyin) eshitib, xushboʻylik keltirmoqni buyurdilar, keyin uni bilaklariga surtdilar-da «Aslida, mening atir-upaga uncha xushim yoʻqdur, lekin men Janob Rasulullohning «Olloh taolo birlan oxirat kuniga ishongan ayol uchun eridan boʻlak biror marhumga uch kundan ortiq aza tutmoqligi halol ermas, erigagina toʻrt oyu oʻn kun motam tutadi» deb aytganlarini eshitganim uchungina shunday qildim»,— dedilar»

49-bob Fohisha (zinokor ayol)ning mahri va fosid nikoh haqida

Hasan «Agar kishi mahram ayolga uylansa-yu, uning mahram yoki nomahram erkanligini bilmagan boʻlsa, (bunday nikoh fosid boʻlib), ayolning eridan olgan narsasigina (laz-zatigina) oʻziniki boʻlgay, u bundan boʻlak narsa olmagay»,— dedilar Soʻng, yana «Ayol mahrdan mahrum qilingay» — deb qoʻydilar.

Abu Mas'ud raziyallohu anhu rivoyat qiladilar: «Rasululloh sallallohu alayhi va sallam it sotib, kohinlik qilib kun ko'rishdan va zinokor ayolga mahr berishdan qaytardilar»

Avn ibn Abu Juhfa otalaridan naql qiladilar: «Rasululloh sallallohu alayhi va sallam igna birlan birovlarning badaniga suratlar soluvchi va oʻziga ana shunday suratlar soldiruvchi

ayollarni, poraxoʻr birlan uning vositachisini la'natladilar hamda it sotib, fohishalik qilib kun koʻrishdan qaytardilar va musavvirlarni l a'natladilar»

Abu Hurayra rivoyat qiladilar: «Rasululloh sallallohu alayhi va sallam choʻrining badanini pullamoqdan qaytardilar»

50-bob Ayoliga qo'shilib qo'ygan kishining bergan mahri haqida. Yaqinlik qilmasdan burun ayolga mahr yoki taloq berish yaxshidur!

Sa'id ibn Jubayr rivoyat qiladilar: «Men Ibn Umarga «Bir kishi xotinini qazaf qilibdi (zinokorlikda ayblabdi)»,— dedim. Ibn Umar «Janob Rasululloh Banu Ajalon qabilasiga mansub ikki birodarning farzandlarini ajratib yubordilar-da «Olloh taolo ikkingizdan biringizning yolgʻon soʻzlayotganingizni bilib turibdi, qaysi biringiz tavba qilasiz?»— dedilar. Ular ikkalasi ham tavba qilmoqdan boʻyin tovlashdi. Ul zot yana «Olloh taolo ikkingizdan biringizni yolgʻon soʻzlayotganingizni bilib turibdi, qaysi biringiz tavba qilasiz?»— dedilar. Ular ikkalasi bu gal ham tavba qilmoqdan boʻyin tovlashdi. Shundan soʻng, ul zot ularni ajratib yubordilar»

Ayyub rivoyat qiladilar: «Amr ibn Dinor menga «Sen bu hadisdagi bir muhim narsani tuishrib qoldiryapsan. Ushanda ul kishi «Xotinimga bergan mahrim nima boʻladi?» — degandi. Ul zot «Bergan mahring senga qaytarib berilmaydi. Agar rost gapirayotgan boʻlsang ham, unga qoʻshilib quygansan va agar tuhmat qilayotgan boʻlsang, oʻz-oʻzidan bergan mahringdan mahrumsan!»—deb aytgan erdilar»,— dedi».

51-bob Mahri ta'yin qilinmagan ayolga mablag' berish haqida

Olloh taoloning qavli: «Agar sizlar xotinlarni ularga yaqin bormay va ularga biror mahr ta'yin qilmay turib taloq qilsangizlar, sizlarga gunoh bo'lmas va lekin sizlar ularga qoidaga muvofiq bir oz narsa (masalan, kiyim-kechak) beringizlar, badavlat odam davlatiga yarasha va holi tang odam qudratiga yarasha (bersin), bu yaxshi amal qilguvchilar uchun munosib ishdur. Va agar xotinlarni ularga yaqin bormay turib taloq qilsangizlar-u, ularga mahr ta'yin qilib qo'ygan bo'lsangizlar, o'shal ta'yin qilingan mahrning yarmi ularniki bo'lgaydur, agar xotinlar yoki nikoh tuguni qo'lida bo'lgan erlar mahrning o'zlariga tegishli bo'lgan yarmidan kechsalar, bu ham joiz bo'lib, siz erkaklar (mahrning o'zingizga tegishli yarmidan) kechsangizlar, bu taqvoga yaqin bir amaldur va bir-biringizga ehson qilmoqni yodingizdan chiqarmangizlarki, Olloh taolo qilib turgan amallaringizni albatta ko'rib turur!»

Olloh taoloning qavli: «Va taloq berilgan xotinlar uchun qoidaga muvofiq xarj berilur, bu Olloh taolodan taqvo qilguvchilar uchun munosib amaldur. Olloh taolo shul tariqa sizlarga o'z hukmlarini bayon qilur toki sizlar tushuningizlar deb»

Rasululloh sallallohu alayhi va sallam muloana chog'ida er xotinini taloq qilganda mut'a (ayolga beriladirgan xarj) xususida hech narsa demaganlar (chunki, bu voqeada er xotiniga yaqinlik qilgan bo'lib, mahr to'laligicha xotinnikidur).

Ibn Umar rivoyat qiladilar: «Rasululloh sallallohu alayhi va sallam bir-birini mulo'ana qilayotgan eru xotinga: «Sizlarning hisob-kitobingiz Olloh taoloning o'ziga havola! Ikkingizdan biringiz yolg'on so'zlayotirsiz endi sening uchun xotiningga yo'l yo'qdur!»—

dedilar. Xotinning eri: « Yo Rasulalloh, unga bergan mahrim nima boʻladi?»— dedi. Janob Rasululloh «Mahrni qaytarib ololmaysan agar rost soʻzlagan boʻlsang ham, bergan mahring uning avratidan foydalanganing badaliga uniki boʻladir va agar tuhmat qilgan boʻlsang, unda oʻz-oʻzidan ma'lumki, mahrdan mahrumsan!»—dedilar»

NAFAQALAR KITOBI

(Oilaga qilinadirgan nafaqaning fazilati haqida)

Olloh taoloning qavli: «Va savol berurlar sizgaki, (Olloh taolo yoʻlida) nima xarj qilsinlar (deb), siz aytingki, nimaiki (ehtiyojdan) ziyodadur. Ana shul tariqa Olloh taolo ravshan bayon qilur sizlar uchun oʻz oyatlarini, toki sizlar fikr qilinglar dunyo va oxirat haqida!»

Hasan «Al-Afv» — «ehtiyojidan ortiqchasi» degan ma'nodadur»,— deydilar.

Abu Mas'ud al-Ansoriy rivoyat qiladilar: «Rasululloh sallallohu alayhi va sallam «Agar biror musulmon o'z oilasiga xarj qilsa, sadaqa qilganlik savobini oldim, deb hisoblayversin!»—dedilar».

Abu Hurayra rivoyat qiladilar: «Rasululloh sallallohu alayhi va sallam «Olloh taolo «Ey Odam bolasi, xarj (nafaqa) qilgil, oʻzingga xarj qilgil!»—deydi»,— dedilar». (ya'ni, «Ey Odam bolasi, xarj qilgil, bu birlan sadaqa qilganlik savobini olib, oʻz oxirating gʻamini yeqan boʻlasan!»).

Abu Hurayra rivoyat qiladilar: «Rasululloh sallallohu alayhi va sallam: «Beva va miskinga gʻamxoʻrlik qiluvchi shaxs — Olloh taolo yoʻlida jihod qiluvchi yoki tuni birlan ibodat qilib, kuni birlan roʻza tutuvchi shaxs kabidur!» — dedilar».

Sa'd raziyallohu anhu rivoyat qiladilar: «Rasululloh sallallohu alayhi va sallam Makkada xastalanib yotganimda meni ko'rgani keldilar. Shunda ul zotga: «Men badavlat odamman, molimning hammasini sadaqa qilsinlar, deb vasiyat qilayinmi?»—dedim. Ul zot: «Yo'q!» — dedilar. Men: «Yarminimi?» — dedim. Ul zot yana: «Yo'q!» — dedilar. Men: «Uchdan birinimi?»—dedim. Ul zot: «Uchdan bir... uchdan bir ham ko'plik qiladi. Merosxo'rlaringni odamlarga qo'l cho'zib tilanadirgan qilib qoldirganingdan ko'ra, boyroq qilib qoldirganing afzaldur. Nimaiki xarj qilsang, hattoki xotiningning og'ziga bir luqma taom solib qo'ysang ham, sadaqa qilganlik savobini olgaysan. Shoyad, Olloh taolo seni darddan xalos qilsa-yu, musulmonlar sendan naf ko'rib, kofirlar zarar topsa!» — dedilar».

1-bob. Ahlu ayoliga xarj (nafaqa) qilmoqlik haqida

Abu Hurayra raziyallohu anhu rivoyat qiladilar: «Rasululloh sallallohu alayhi va sallam bunday dedilar: «Eng yaxshi sadaqa — kishining oʻzidan keyin boylik qilib qoldirgan narsasidir (ya'ni, kishining oʻzidan keyin merosxoʻrlariga qoldirgan narsasi eng yaxshi sadaqa boʻlib, u xoh moddiy va xoh ma'naviy boylik boʻlsin, merosxoʻrlar unga tayangan holda birovlarga sargʻaymay kun kechiradilar), baland qoʻl (mehnatkash qoʻl) past qoʻl (tilamchi qoʻl) dan afzaldur. Eng avvalo, oʻzing boqadirgan (oʻzingga qaram) kishilarga xarj (nafaqa) qilgil, (chunki) xotin: «Yo meni toʻydir yoki meni taloq qil!» — deydi, qul ersa: «Avval meni toʻydir, soʻng ishlat!» — deydi, farzand ersa: «Meni (oʻzing) toʻydir, meni kimga (ishonib) tashlab qoʻyyapsan?!» — deydi». Odamlar: «Ey Abu Hurayra, bu hadisni Rasululloh sallallohu alayhi va sallamdan eshitganmisiz?»—deyishdi. Abu Hurayra: «Yoʻq, bu Abu Hurayraning bisotidan»,— dedilar (kesatib).

Abu Hurayra rivoyat qiladilar: «Rasululloh sallallohu alayhi va sallam: «Eng yaxshi sadaqa — kishining oʻzidan keyin boylik qilib qoldirgan narsasidir va eng avvalo oʻzing boqadirgan kishilarga (axlu ayolingga) xarj qilgin!» — dedilar».

2-bob. Kishining o'z ahlu ayoli uchun bir yilga yetadirgan yegulikni zaxira qilib qo'ymog'i haqida va ahlu ayolga qanday nafaqa qilinadi?

Mu'ammar rivoyat qiladilar: «Savriy menga: «Ahlu ayoli uchun bir yillik yoki bir necha oylik yegulik zaxira qilib qoʻyadirgan kishi haqida eshitganmisan?» —dedi. Lekin, men bu haqda hech narsa eslay olmadim. Keyin, men Ibn Shihob az-Zuhriy bizga Molik ibn Avsdan, ul kishi ersalar Hazrat Umar raziyallohu anhudan naql qilib aytib bergan (quyidagi) bir hadisni xotirladim: «Rasululloh sallallohu alayhi va sallam Banu Nazirdagi xurmozor hosilini sotib, axlu ayollari uchun bir yillik yegulik zaxira qilib qoʻyar erdilar».

Molik ibn Avs ibn al-Hadason rivoyat giladilar. «Muhammad ibn Jubayr ibn Mut'im menga aytib bergan bir hadisda meros xususida eslatib o'tgan erdi. Keyin, men uning uyiga bordib, shul haqda undan so'radim. Ul menga bunday deb aytdi: «Men Xazrat Umarning huzurlariga kirmog niyatida uydan chiqdim. Huzurlarida oʻltirganimda eshikbonlari Yarfo qoshlariga kelib: «Usmon, Abdurrahmon, Zubayr va Sa'dda ishingiz bormi, ular huzuringizga kirmoqqa ijozat soʻrayotirlar?»— dedi Hazrat Umar: «Ha»,— dedilar-da, ularga ruxsat berdilar. Ular ichkariga kirib salom berishdi, soʻng oʻltirishdi. Birozdan so'ng, Yarfo yana qoshlariga kelib: «Ali va Abbosda ham ishingiz bormi?» — dedi. Hazrat Umar. «Ha»,— dedilar-da, ularga ruxsat berdilar. Ikkalalari ichkariga kirib salom berib o'lti rishgach, Abbos: «Yo mo'minlar amiri! Men birlan mana bu kishi (ya'ni, Hazrat Ali) o'rtamizdagi masalani hal qilib bersangiz!»—dedi. Shunda Hazrat Umarning huzurlaridagilar, ya'ni Hazrat Usmon va ul kishi birlan birga kelganlar: «Yo mo'minlar amiri! Ular ikkisi o'rtasidagi masalani hal qilib, birini ikkinchisidan xalos qilingiz!» deyishdi. Hazrat Umar ularga: «Ogoh boʻlingizlar, yeru osmonlar mavjudligi irodasiga boglig bo'lmish Olloh taolo nomi birlan sizlardan o'tinib so'rayman! Rasululloh sallallohu alayhi va sallamning «Biz meros qoldirmagaymiz, biz qoldirgan narsa — sadaqadur!» deb aytganlarini bilurmisizlar? Ul zot «Biz» deganlarida o'zlarini nazarda tutganlar», dedilar. Hazrat Usmon va ul kishi birlan birga kelganlar: «Ha, shunday deb aytganlar!» — deyishdi. Hazrat Umar Hazrat Ali birlan Abbosga yuzlanib: «Olloh taolo nomi birlan sizlardan o'tinib so'rayman! Rasululloh sallallohu alayhi va sallamning shunday deganlarini bilurmisizlar?» — dedilar. Ular ikkalalari: «Ha, shunday deb aytganlar!» deyishdi. Hazrat Umar bunday dedilar: «Men sizlarga ana shu masala (meros) xususida so'zlab berayin: Darhaqiqat, Olloh taolo o'z Rasuli sallallohu alayhi va sallamga maxsus (alohida) bir mol ato etgan erdikim, buni u ilgari ul zotdan o'zgalarga ato etmagan erdi. Olloh taolo: «Olloh taolo o'z Rasuliga ulardan (kofirlardan) urush gildirmay olib bergan mol uchun sizlar na ot va na tuya choptirib (mehnatingiz singan ermas), lekin Olloh taolo o'zi istagan bandalariga payg'am-barlarini hukmdor gilgaydur. Olloh taolo har narsaga qodirdur!»— deydi. Bu o'lja (mol) xolis Rasululloh sallallohu alayhi va sallamniki erdi. Xudo haqi, shunga qaramay Janob Rasululloh uni sizlarsiz yolgiz o'zlari tasarruf qilganlari yoʻq, undan sizlarga ham ulush ajratdilar. Mana endi, undan ana shul (sizlar talab gilib kelgan) molgina goldi, xolos. Janob Rasululloh yil bo'yi ana shu mol (er-suv) orqasidan ahlu ayollarini boqar va ehtiyojlaridan ortiqchasini Olloh taolo yo'lida ehson qilar erdilar. Ul zot umrlari bo'yi shul yo'sinda ish tutib kelgan erdilar. Olloh taolo nomi birlan sizlardan o'tinib so'rayman! Shuni bilurmisizlar?». Hazrat Usmon va ul kishi birlan birga kelganlar: «Ha»,— deyishdi. Soʻng, Hazrat Umar Hazrat Ali birlan Abbosga

yuzlanib: «Olloh taolo nomi birlan ikkalangizdan o'tinib so'rayman! Shuni siz ikkingiz ham bilurmisizlar?»—dedilar. Ular ikkalalari: «Ha»,— deyishdi. Shundan soʻng, Hazrat Umar bunday deb gaplarida davom etdilar: «Keyin, Olloh taolo oʻz Rasuli sallallohu alayhi va sallamni huzuriga chorladi. Shunda Hazrat Abu Bakr as-Siddiq: «Rasululloh sallallohu alayhi va sallamning vorislari mendurman!» — dedilar-da, oʻshal xolis molni o'z qo'llariga olib, uni Rasululloh sallallohu alayhi va sallam kabi tasarruf qildilar. Siz ikkingiz boʻlsangizlar, «Abu Bakr unday va bunday qildi» deb gapirib yuribsizlar, vaholanki ul kishi uni halollik birlan tasarruf gildilar. Soʻng, Olloh taolo Hazrat Abu Bakr as-Siddigni ham o'z huzuriga chorladi. Shunda men: «Rasululloh sallallohu alayhi va sallam birlan Hazrat Abu Bakr as-Siddiqning vorislari mendurman!» deb uni o'z qo'limga oldim, mana ikki yildurki, uni Rasululloh sallallohu alayhi va sallam birlan Hazrat Abu Bakr as-Siddig kabi tasarruf gilib kelmogdaman. Keyin, siz ikkingiz huzurimga keldingizlar, ikkingizning ham so'zingiz bir, ishingiz bir! Sen (Abbos) akangning o'g'lidan qolgan nasibangni talab qilib kelgansan, mana bu (Ali) ersa xotinining otasidan qolgan nasibasini talab gilib kelgan. Mening gat'iy so'zim budur: agar istasangizlar, Janob Rasululloh, Hazrat Abu Bakr va men kabi tasarruf qilmoqlik sharti birlan uni sizlarga topshirqayman, aks holda bu haqda menga og'iz ochmangizlar! Agar sizlar: «Shartingizga koʻndik, uni bizga topshiringiz!» — desangizlar, uni shu shart birlan sizlarga topshirayin. Ey (Usmon, Abdurrahmon, Zubayr va Sa'd), shu shart birlan uni mana bu ikkalasiga topshirayinmi?». Ular: «Ha»,— deyishdi. Hazrat Umar Hazrat Ali birlan Abbosga yuzlanib: «Olloh taolo nomi birlan sizlardan o'tinib so'rayman! Uni sizlarga shu shart birlan topshiraverayinmi?» — dedilar. Ikkalalari: «Ha»,— deyishdi. Hazrat Umar: «Lekin, keyinchalik bu haqda boshqacha hukm chiqarmoq'imni iltimos qilsangizlar, bilingizlarki yeru osmonlarning mavjudligi irodasiga bogʻliq zot haqi, qiyomatga qadar ham bundan oʻzgacha hukm chiqarmagayman! Agar mazkur shartni bajarmogga ojizlik gilib golsangizlar, uni menga gaytarib beringizlar, men sizlarni undan xalos qilqayman!»—dedilar».

3-bob. Olloh taoloning qavli: «Va onalar o'z bolalarini butun ikki yil emizsinlar, bu hukm ul odam uchundurki, sut emizmoq muddatini tamom qilmoqchidur («Olloh taolo qilib turgan amallaringizni ko'rib turur» degan qavligacha)

Olloh taolo: «Uni (bolani) (qorinda) ko'tarib yurish va uni (emizib) sutdan chiqarish (muddati) o'ttiz oydur»,— deydi.

Olloh taolo: «(Taloq qilingan xotin homilador boʻlsa, to tugʻib olguncha uni boqib turingizlar, keyin u sizlarni yuz-xotir qilib bolani emizsa, buning uchun ham unga haq toʻlangizlar va bu toʻgʻrida qoidaga muvofiq oʻzaro maslahat qilingizlar) va agar kelisha olmasangizlar, ul holda bolani boshqa bir xotin emizib berur, xarj qilsin rizqi ulugʻ odam rizqining ulugʻligiga yarasha va kimning rizqi oz boʻlsa, qudrati yetgancha xarj qilsin. Olloh taolo hech kimga oʻzi unga ato etgandan ortiq xarj qilmoqni yuklamas, oz fursatda Olloh taolo paydo qilur tanglikdan keyin yengillikni!» —deydi.

Yunus Zuhriydan naql qiladilar: «Olloh taolo: «(Taloq qilingan) onaga bolasi tufaylidan ozor berilmasin!» — deydi va bu ersa onaga: «Sen bolani emizmaysan!»— deb aytmoqligingizdur. Vaholanki, bola uchun oʻz onasidan koʻra butun vujudi birlan koʻkrak berguvchi zot boʻlmay, u boshqa ayoldan koʻra unga mushfiqroq va mehribonroqdur. Taloq qilingan ayol, sobiq eri Olloh taoloning amriga muvofiq boqib turgandan keyin, bolani emizishdan boʻyin tovlamasligi lozim va bolaning otasi ham: «Bolani sen

emizmaysan, uni boshqa bir enagaga topshiraman!»—deb bolaning onasiga ozor bermasligi kerak. Ammo, ota va ona oʻzaro rozilik birlan bolani boshqa bir emizguvchiga topshirsalar, ularga gunoh boʻlmas. Agar ular oʻzaro kelishib bolani sutdan chiqarmakchi boʻlsalar, buning uchun ham gunohkor boʻlmagaylar!».

4-bob. Eri (ma'lum sabablarga ko'ra) uyida mavjud bo'lmagan ayolning va bolalarning nafaqasi haqida

Oisha raziyallohu anho rivoyat qiladilar: «Hind binti Utba kelib: «Yo Rasulalloh, erim Abu Sufyon mumsik odam, uning molidan xarj qilib uydagilarga yedirsam, gunoh boʻlmaydimi?» — dedi. Ul zot: «Insofan, yetarlicha olsang, mayli!» — dedilar».

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Agar ayol eri ishlab topib kelgan narsalardan uning buyrug`isiz (oshkora, yaxshi niyatda) nafaqa (sadaqa) qilsa, bundan tegadirgan savobning yarmisi erinikidir»,— dedilar».

5-bob. Ayolning o'z eri uyida mehnat qilmog'i haqida

Ibn Abu Laylo rivoyat qiladilar: «Fotima alayhossalom Janob Rasululloh sallallohu alayhi va sallamning huzurlariga yorguchok, (qoʻl tegirmoni)ni aylantiraverib qoʻllari shilinib, qavarib ketganidan shykoyat qilgali keldilar, (xizmatkor soʻramoqchi erdilar), ammo ul zotni uchratolmay, gaplarini Oisha onamizga tayinlab, uylariga qaytib ketdilar. Keyin, Oisha onamiz ul zot kelganlarida Fotima alayhossalomning ne sababdan kelib ketganlarini ma'lum qildilar. Hazrat Ali bunday deydilar: «Janob Rasululloh uyimizga kelganlarida Fotima birlan men oʻringa kirib yotgan erdik, oʻrnimizdan turmoqchi boʻlganimizni koʻrib: «Joyingizda yotaveringizlar!» — dedilar-da, men birlan qizlari Fotima oʻrtamizga kelib oʻltirdilar, hatto men qornimga tegib ketgan muborak oyoqlarining sovqotib ketganini his qildim. Soʻng, bizga: «Mendan talab qilgan narsangizdan koʻra yaxshiroq narsa haqida sizlarga aytaymi? Agar oʻringa kirib yoqangizlar, oʻttiz uch marta «Subhonolloh», oʻttiz uch marta «Alhamdulilloh» va oʻttiz toʻrt marta «Ollohu akbar» deb aytingizlar, bu sizlar uchun xizmatkor talab qilganingizdan koʻra yaxshiroqdur!»— dedilar».

6-bob. Ayolning xizmatkori xususida

Abdurrahmon ibn Abu Laylo rivoyat qiladilar: «Fotima alayhossalom Janob Rasulullohning huzurlariga xizmatkor soʻrab kelganlarida, ul zot: «Xizmatkor soʻraganingdan koʻra oʻzing uchun xayrliroq narsa haqida aytaymi? Uyquga ketishingdan burun oʻttiz uch marta «Subhonolloh», oʻttiz uch marta «Alhamdulilloh» va oʻttiz toʻrt marta «Ollohu akbar» deb aytgil!»—dedilar. Sufyon bunday deydilar: «Ulardan biri oʻttiz toʻrt marta boʻlib, ul zot shunday deb amr qilganlaridan buyon ularni biror kecha aytmay qoʻyganim yoʻq!» (Boshqa hadislarda barchasi oʻttiz uch marta).

7-bob. Erkakning o'z oilasi ishlariga qarashmog'i haqida

Asvad ibn Yazid rivoyat qiladilar: «Men Oisha raziyallohu anhodan: «Rasululloh sallallohu alayhi va sallam uyda nima qilar erdilar?»—deb soʻradim. Oisha onamiz: «Oilalarining

ishlariga ko'maklashar erdilar, agar azon ovozini eshiqalar, masjidga chiqar erdilar»,— dedilar».

8-bob. Agar er (mumsik bo'lib) o'zicha nafaqa qilmasa, xotin o'zi va bolalarini ta'minlash uchun eriga bildirmay uning molidan insofan olmog'i mumkin!

Oisha raziyallohu anho rivoyat qiladilar: «Hind binti Utba: «Yo Rasulalloh! Abu Sufyon xasis odam boʻlib, men birlan bolamga yetarlicha ovqat bermaydi, unga bildirmay molidan olib turaman»,— dedi. Ul zot: «Insofan oʻzing birlan bolangga yetarlicha olgin!»—dedilar».

9-bob. Ayol erining molini va xarjini tejamog'i lozim!

Abu Hurayra rivoyat qiladilar: «Rasululloh sallallohu alayhi va sallam: «Ayollarning yaxshisi tuya minadirgan ayollar boʻlib, bu Quraysh ayollaridir!» — dedilar. Soʻng, yana: «Quraysh ayollarining yaroqlisi ersa, bolaga yoshligidanoq mehribonrogi va erining molini tejaydirganrogidur!» — dedilar».

10-bob. Insofan vaqti-vaqti birlan ayollarga ust-bosh qilib berib turmoq darkorligi haqida

Hazrat Ali: «Rasululloh sallallohu alayhi va sallam menga bir hulla berdilar, uni oʻzim kiyib erdim, ul zotning yuzlarida gazab alomatini koʻrdim. Shunda men uni boʻlib-boʻlib ayollarimga taqsim qildim».

11-bob. Ayol eriga uning bolalarini parvarish qilishda yordam bermog'i lozim!

Jobir ibn Abdulloh raziyallohu anhu rivoyat qiladilar: «Otam halok boʻlib, menga yetti (yoki toʻqqiz) qizni qoldirib ketdilar. Keyin, men bir juvonga uylandim. Janob Rasululloh menga: «Ey Jobir, uylandingmi?» — dedilar. Men: «Ha»,— dedim. Ul zot: «Bokiragami yoki juvongami?» — dedilar. Men: «Ioʻq, juvonga»,— dedim. Ul zot: «Bokira qizga uylanganingda erdi, bir-biringiz birlan hazil-huzil qilishar erdingizlar, sen uni va u seni kuldirib yurar erdi!»—dedilar. Men ul zotga: «Otam Abdulloh halok boʻlib, menga yetti (yoki toʻqqiz) qizni tashlab ketdilar. Men shu qizlar kabi yosh qizga uylanmoqni ep koʻrmay, ularga onalik qila oladirgan, ularni toʻgri tarbiyalay oladirgan ayolga uylandim»,— dedim. Ul zot: «Borakalloh!» — dedilar».

12-bob. Kambag'al kishining o'z oilasiga qilgan nafaqasi haqida

Abu Hurayra raziyallohu anhu rivoyat qiladilar: «Bir kishi Rasululloh sallallohu alayhi va sallamning huzurlariga kelib: «Yo Rasulalloh, men endi halok boʻldim!» — dedi. Ul zot: «Nechun?»—dedilar. Kishi: «Ramazon (roʻza) boʻla turib xotinimga yaqinlik qilib qoʻydim!» —dedi. Ul zot: «(Gunohingni yuvish uchun) bir qul ozod qilgil!» — dedilar. Kishi: «Mening qulim yoʻq»,— dedi. Ul zot: «(Boʻlmasa) ketma-ket ikki oy roʻza tutgil!»—dedilar. Kishi: «Eplay olmayman»,— dedi. Ul zot: «(Boʻlmasa) oltmishta miskinni toʻygazgil!» — dedilar. Kishi: «Oltmishta miskinga yetarli ta'om menda qayoqdan ham boʻlsin!» — dedi. Shul asnoda Janob Rasulullohga bir savat xurmo olib kelib qolishdi. Ul zot: «Boyagi savol bergan odam qani?» —dedilar. Kishi: «Mana men shu yerdaman!» — dedi. Ul zot: «Buni sadaga qilgil!»—dedilar. Kishi: «Uzimizdan

qashshoqroqqami? Yo Rasulalloh, sizni haq paygʻambar qilib yuborgan zot haqi, shaharda bizdan koʻra kambagalroq oila yoʻqdur!» — dedi. Ul zot uning bu gapidan kulib yubordilar, hatto qoziq tishlari ham koʻrinib ketdi, soʻng unga: «Demak, eng kambagal oʻzlaringiz erkansizlar (ya'ni, «Unday boʻlsa, bu xurmolarni bola-chaqangga sadaqa qilgil!»)»,— dedilar».

13-bob. Olloh taoloning qavli: «Va vorisga ham shunga oʻxshash va ayolga undan biror narsa» hamda «Va bayon qildi Olloh taolo bir misolni, ya'ni ikki kishiniki, ulardan biri gungdurki, hech bir narsaga kuchi yetmas va ul oʻz egasiga ortiqcha bir yukdur, qaysi bir tarafga uni yuborsa, hech bir yaxshi ish qilib kelmas. Ey, barobar boʻla olurmi ul odam va ul odamiki, xalqni adolatga buyurur ham oʻzi toʻgʻri yoʻldadur?!»

Ummu Salama rivoyat qiladilar: «Yo Rasulalloh, Abu Salamaning bolalarini boqqanim uchun menga savob tegadirmi? Men ularni biror narsaga zoriqtirganim yoʻq, chunki ular bolalarimdur!»—dedi. Ul zot: «Ha, senga ularni boqqaning uchun savob tekkay!»—dedilar».

Oisha raziyallohu anho rivoyat qiladilar: «Hind binti Utba: «Yo Rasulalloh, Abu Sufyon mumsik odam, men uning molidan oʻzim va bolalarimga yetarlicha olsam, gunohkor boʻlmaymanmi?» —dedi. Ul zot: «Insof birlan olaver!» — dedilar».

14-bob. Rasululloh sallallohu alayhi va sallamning: «Kimki oʻzidan keyin qarz yoki yetim qoldirgan boʻlsa, u menikidur!» — deb aytganlari xaqida

Abu Hurayra raziyallohu anhu rivoyat qiladilar: «Rasululloh sallallohu alayhi va sallam qarzdorligicha vafot etib ketgan kishini olib kelishganda: «Qarzini uzish uchun ortiqcha mol qoldirganmi?» — deb soʻrar erdilar. Agar: «Ha, qoldirgan»,— deyishsa, unga janoza oʻqir erdilar, aks holda musulmonlarga: «Birodaringizga (oʻrtogʻingizga) salavot aytingizlar!» — der erdilar. Olloh taolo ul zotning qoʻllarini kofirlar ustidan baland qilganda «Men moʻminlar uchun ularning oʻzlaridan koʻra gʻamxoʻrroqman (ya'ni, moʻminlar oʻzlari haqlarida menchalik gʻam yemaydi-lar), biror moʻmin vafot qilib, boʻynida qarz qolsa, uni men uzaman va biror moʻmin mol-dunyo qoldirsa, u merosxoʻrlarinikidur dedilar»

15-bob Cho'rilardan bo'lmish enagalar va boshqalar haqida

Janob Rasulullohning xotinlari Ummu Habiba rivoyat qiladilar: «Yo Rasulalloh, Abu Sufyon qizi boʻlmish singlimni oʻz nikohingizga olingiz!» — dedim .Ul zot «Sen shuni xohlaysanmi?»— dedilar Men «Xa, men sizga qarshilik qilmayman, singlim ham mening baxtimga sherik boʻlsa, deyman!»— dedim. Ul zot «Bu menga mumkin ermas!» — dedilar. Men: «Yo Rasulalloh, Olloh taolo haqi, biz sizni Abu Salamaning «durdona» qiziga uylanmoqchisiz, deb oʻzaro gapirib yuribmiz!» — dedim. Ul zot: «Ummu Salamaning qiziga?»—dedilar. Men: «Ha»,— dedim. Ul zot: «Xudo haqi, oʻz bagʻrimda parvarish topayotgan qiz boʻlmaganida ham Axir, u mening emishgan birodarimning qiziku! Men birlan Abu Salamani (choʻri) Suvayba emizgan, menga (boshqa erlaringizdan boʻlgan) qizlaringizni hamda singillaringizni xotinlikka taklif qilmangizlar!»— dedilar. Urva «Suvaybani Abu Lahab ozod qilgan erdi»,— deydilar».

Abu Hurayra rivoyat qiladilar: «Nihoyatda sillam quriqanidan biror yequlik izlab koʻchaga chiqib erdim, Umar ibn al-Xattobga yoʻligdim. Shunda Olloh taoloning Kitobidan ochlarni tuyg'azish lozimligi haqidagi oyatni o'qib bermog'ini undan iltimos gildim (gornim ochligini fahm-lasin, deb erdim) U hovlisiga kirib, Qur'oni Karimni ochdi-da, men aytgan oyatni o'qib tushintirdi (ammo, ochligimni fahmlamadi) Keyin, men uning hovlisidan chiqib, biroz yurdim, ammo sillam quriqanidan yuz tuban yiqildim. Bir mahal qarasam, Rasululloh sallallohu alayhi va sallam tepamda turibdilar: «Ey Abu Hurayra!» — dedilar ul zot. Men: «Labbay, yo Rasulalloh, xizmatingizga tayyorman!»—dedim. Janob Rasululloh goʻlimdan tortib meni turgʻazdilar-da, ochlikdan shul ahvolga tushganimni bilib, meni tuyalari tomon yetakladilar. Keyin, kattagina bir idishda sut uzatib, ichmog'imni amr qildilar, men ichdim So'ng, menga «Ey Abu Hurayra, yana quyib ich!»—dedilar. Men yana qo'iib ichdim. So'ng: «Yana quyib ichyo»—dedilar. Men yana quyib ichdim hatto qornim kamondek tarang tortilib ketdi. Keyin, men Umarni yana uchratib, boya o'zimga nima bo'lganini unga aytdim-da «Olloh taolo meni to'yg'azmogni sendan ko'ra haqliq'roq kishiqa (ya'ni, Janob Rasulullohqa) topshirdi. Ey Umar, xudo haqi, men sendan mazkur oyatni o'zim bilmaganim uchun o'qib bermog'ingni iltimos qilmagan erdim, uni sendan ko'ra o'zim yaxshiroq qiroat qila olaman!»—dedim. Umar «Xudo haqi, terisi shilingan tuya kabi boʻlganimdan koʻra, seni toʻygʻazganim mening uchun yaxshiroq erdi!»—dedi».

TAOMLAR KITOBI

Olloh taolo: «Biz sizlarga rizq qilib bergan pokiza ne'matlardan tanovul qilingizlar!», «Peshona teringiz birlan topgan ne'matlardan sadaqa (ehson) qilingizlar!», «Amali solihlar qilingizlar, men sizlarning qilib turgan ishlaringizni bilib tururman!» — deydi.

Abu Muso al-Ash'ariy raziyallohu anhu rivoyat qiladilar «Rasululloh sallallohu alayhi va sallam «Ochni toʻygʻazingizlar, kasalni borib koʻringizlar, asirni ozod qilingizlar!» — dedilar».

Abu Hurayra rivoyat qiladilar: «Muhammad sallallohu alayhi va sallamning oilalari (loagal) uch kun to`yib ovgat yemagandur!»

1-bob Olloh taoloning ismini aytib, o'ng qo'l birlan taom yemoq haqida

Umar ibn Abu Salama rivoyat qiladilar: «Men Rasululloh sallallohu alayhi va sallamning bagʻrlarida parvarish topayotgan bir bola erdim. Ovqat yeyayotganimizda qoʻlimni laganning dam uyogʻiga, dam buyogʻiga uzata boshlagan erdim, ul zot menga «Ey bola, Olloh taoloning ismini aytib, oʻng qoʻling birlan oʻz oldingdan yegil!» — dedilar (ya'ni, Olloh taoloning ismini aytish birlan kishi oʻz oldidagi taomdan shaytonni quvib yuboradi, taomning dam uyogʻidan, dam buyogʻidan yeyish beadablik va badnafslik alomati boʻlib, shunday qilgan kishi birga taom yeyayotganlarning dilini ranjitadi, ularning koʻnglini taomdan qoldiradi, taomni oʻng qoʻl birlan yeyish chin moʻmin-musulmonning odati boʻlib, shaytongina chap qoʻli birlan tanovul qiladi). Shu-shu boʻldi-yu, men bunday beadabchilikni sira qilmadim».

2-bob. O'z oldidan (taom) yemoq haqida

Anas rivoyat qiladilar: «Rasululloh sallallohu alayhi va sallam: «Olloh taoloning ismini aytingizlar va har bir kishi oʻz oldidan (taom) yesin!»— dedilar».

Ibn Ummu Salama rivoyat qiladilar: «Bir kuni men Rasululloh sallallohu alayhi va sallam birlan birga taom yeyayotib, laganning dam uyogʻiga, dam buyogʻiga qoʻl uzata boshladim. Shunda Janob Rasululloh: «Uz oldingdan (taom) yegil!» — dedilar».

Vahb ibn Kayson Abu Nu'aym rivoyat qiladilar: «Rasululloh sallallohu alayhi va sallamga taom keltirishdi, shunda Abu Salamaning o'g'li (ya'ni, ul zotning o'gay o'g'illari) Umar ham birga o'ltirgan erdi. Ul zot unga: «Olloh taoloning ismini aytib, o'z oldingdan (taom) yegil!» — dedilar».

3-bob. Bir lagandan taom yeyayotib, sherigiga yoqmasligini oʻylamay, uning tarafiga ham qoʻl uzatgan kishi haqida

Anas ibn Molik rivoyat qiladilar: «Bir tikuvchi taom tayyorlab, Rasululloh sallallohu alayhi va sallamni mehmonga taklif qildi, men ham ul zot birlan birga bordim. Qarasam, Janob Rasululloh idishning chetidagi qovoqlardan olib yeyaptilar. Shu bugundan e'tiboran men qovoqni xush koʻrib qoldim!».

Abu Salamaning o'gillari Umar rivoyat qiladilar: «Rasululloh sallallohu alayhi va sallam menga: «Ung qo'ling birlan yegil!» — dedilar».

4-bob. Taom yeyishni hamda bundan boshqa ishlarni oʻngdan boshlash lozimligi haqida

Oisha raziyallohu anho rivoyat qiladilar: «Rasululloh sallallohu alayhi va sallam tahoratni ham, poyafzal kiyishni ham, soch tarashni ham oʻngdan boshlashni yaxshi koʻrar erdilar. Ul zot barcha oʻngdan boshlash joiz boʻlgan ishlarni oʻngdan boshlashni odat qilgan erdilar».

5-bob. To'ygunicha taom yegan kishi haqida

Anas ibn Molik rivoyat qiladilar: «Abu Talha Ummu Sulaymga: «Rasululloh sallallohu alayhi va sallam ochlikdan toliggan koʻrinadilar, ovozlarini arang eshitdim, biror yeguliging bormi?» — dedilar. Ummu Sulaym bir necha arpa nonini yopinchig`lariga o'rab, go'ynimga tigib go'ydilar-da, meni Rasululloh sallallohu alayhi va sallamning qoshlariga joʻnatdilar. Men nonlarni olib yoʻlga chiqdim, ul zotni masjiddan topdim, huzurlarida bir gancha odamlar ham bor erdi. Men ularning tepasiga borib turdim. Rasululloh sallallohu alayhi va sallam menga: «Seni Abu Talha yubordimi?»—dedilar. Men: «Ha»,— dedim. Janob Rasululloh: «Taomga taklif qildimi?» — dedilar. Men: «Ha»,— dedim. Janob Rasululloh oʻzlari birlan birga oʻltirganlarga: «Turingizlar!» dedilar-da, yoʻlga chiqdilar, men ham birgalikda yoʻlga chiqib, ularni Abu Talhaning uylariga boshlab bordim. Abu Talha: «Ey Ummu Sulaym, Janob Rasululloh bir necha odamlar birlan birga keldilar, bizning ersa ularni mehmon gilarlik taomimiz yoʻq!» dedilar. Ummu Sulaym: «Olloh taolo va uning Rasuli yaxshirog bilgaydur!» — dedilar. Abu Talha tashqariga chiqib Janob Rasulullohni kutib oldilar, keyin ikkalalari uyga kirib kelishdi. Janob Rasululloh: «Ey Ummu Sulaym, boringni olib kelavergil!» — dedilar. Ummu Sulaym boyagi nonlarni dasturxonga qo'yib erdilar, Janob Rasululloh nonxurush keltirmoqni amr qildilar. Ummu Sulaym yog'donlariga meva solib, nonxurush tayyorlab berdilar. Keyin, Janob Rasululloh dasturxonga qo'yilgan yeguliklarni maqtab-maqtab tanovul gildilar. Soʻng, oʻzlari birlan kelgan odamlardan oʻn kishini dasturxonga taklif qilmoqqa ruxsat berdilar. Ular to'ygunlaricha yeb, so'ng chiqib ketishdi. Keyin, yana o'n kishini dasturxonga taklif qilmoqqa izn berdilar, ular ham to'ygunlaricha yeb, chiqib ketishdi. So'ng, yana o'n kishini dasturxonga taklif qilmogga ruxsat berdilar, ular ham to'ygunlaricha yeb, chiqib ketishdi. Keyin, yana o'n kishiga izn berdilar, ular ham to'ygunlaricha yeb, so'ng chiqib ketishdi. Shul tariqa, barchalari to'yib ovqatlanishdi, vaholanki ular sakson kishi erdilar».

Abdurrahmon ibn Abu Bakr raziyallohu anhu rivoyat qiladilar: «Biz Rasululloh sallallohu alayhi va sallam birlan birga bir yuz oʻttiz kishi erdik. Janob Rasululloh: «Birortangizda yegulik bormi?» — dedilar. Bir kishida bir soʻ yoki shunga yaqin yegulik boʻlib, u boshqalar birlan baham koʻrgisi kelmay, gapni chaynadi. Keyin, bir novcha mushrik bir qoʻy yetaklab kelib qoldi. Shunda Janob Rasululloh unga: «Sotiladimi yoki hadyami?» — dedilar. Mushrik: «Yoʻq, sotiladi»,— dedi. Janob Rasululloh qoʻyni undan sotib oldilar, men uni soʻydim. Janob Rasululloh uning jigarini qovurishni buyurdilar. Olloh taologa ont ichamanki, bir yuz oʻttiz kishining har biriga qovurilgan jigardan kesib ulush ajratdilar, kim shu yerda boʻlsa, ulushini oʻziga berdilar, biror yerga ketgan boʻlsa, ulushini ehtiyotlab olib qoʻydilar. Keyin, qolqanini ikki laqanga soldilar, barchamiz toʻyguncha

yedik, shunda ham ikki lagan ortib qoldi, men uni tuyaga ortib qo'ydim».

Oisha raziyallohu anho: «Rasululloh sallallohu alayhi va sallam biz xurmo birlan suvga endigina to'yganimizda vafot etib qoldilar»,— deydilar.

6-bob. Olloh taoloning qavli: «Yoʻqdur gunoh koʻrga va yoʻqdur gunoh choʻloqqa va yoʻqdur gunoh xastaga va na oʻzlaringizga yemaklaringizda oʻz uylaringizdan yo otalaringiz uylaridan yo onalaringiz uylaridan yo birodarlaringiz uylaridan yo singillaringiz uylaridan yo ammalaringiz uylaridan yo togʻalaringiz uylaridan yo xolalaringiz uylaridan yo kalitlari qoʻllaringizda boʻlgan uydan yo doʻstlaringiz uylaridan, yoʻqdur gunoh sizlarga bir boʻlib emoqlaringizda yo alohida-alohida boʻlib, keyin qachon kirsangizlar uylarga, bas salom beringizlar oʻz kishilaringizga-ki, (bu «Olloh taolo tarafidan muborak va pokiza duodur, mana shundoq bayon qilur Olloh taolo sizlarga oʻz oyatlarini toki sizlar tushuningizlar deb»

Suvayd ibn an-Nu'mon rivoyat qiladilar: «Biz Rasululloh sallallohu alayhi va sallam birlan birga Xaybarga yoʻlga chiqdik. Sahbo degan yerga yetganimizda («Sahbo Xaybardan bir kechalik yoʻl masofasida»,— deydilar Yahyo) Janob Rasululloh taom keltirmoqni buyurdilar, ammo talqondan boʻlak yegulik keltirishmadi. Biz uni chaynay-chaynay yedik, keyin suv keltirmoqni amr qildilar, u birlan ogʻiz chayqadilar, biz ham ogʻiz chayqadik. Soʻng, tahorat olmay (taom tahoratni buzmaydi, ogʻiz chayqalsa, bas) biz birlan shom oʻqidilar». Sufyon: «Men bu hadisni Suvayddan birinchi va oxirgi marta eshitdim»,— deydilar.

7-bob. Yumshog non hamda xontaxta va dasturxonda ovgatlanmog xususida

Qatoda rivoyat qiladilar: «Biz Anasning uyida boʻldik, uning huzurida nonvoyi ham oʻltirgan erdi. Shunda Anas: «Rasululloh sallallohu alayhi va sallam Olloh taologa roʻpara boʻlgunlariga qadar ham na yumshoq non va na qaynatilgan qoʻy goʻshti yemaganlar!» — dedi».

Anas raziyallohu anhu rivoyat qiladilar: «Men Rasululloh sallallohu alayhi va sallamning na taqsimchada ovqatlanganlarini va na nonlari yumshoq boʻlganini va na xontaxtada ovqatlanganlarini sira ham bilmayman!».

Qatodaga: «Janob Rasululloh va ul zotning oilalari nimada ovqatlanishgan?»— deb aytishdi. Qatoda: «Dasturxonda»,— dedilar.

Anas rivoyat qiladilar. «Rasululloh sallallohu alayhi va sallam Safiyyaga uylandilar. Men musulmonlarni ul zotning to'y ziyofatlariga taklif qildim. Janob Rasululloh charm palosni to'shamoqni amr qildilar, men uni to'shadim, ustiga xurmo, pishloq va yog' qo'yildi».

Amr Anasdan naql qilib: «Rasululloh sallallohu alayhi va sallam Safiyyaga uylandilar. Soʻng, charm palos toʻshatib, musulmonlarni «hays» (xurmoga yogʻ va pishloq qoʻshib tayyorlanadirgan taom) birlan ziyofat qildilar»,— deydilar.

Vahb ibn Kayson rivoyat qiladilar: «Shom ahli Ibn Zubayrni: «Ey ikki kamarli ayolning oʻgʻli!» — deb izza qilishar erdi. Asmo ul kishiga: «Ey bolajonim, ularning seni nechun

bunday deb izza qilishlarini hamda ikki kamarning ne erkanligini bilurmisan? Bir paytlar men kamarimni ikkiga boʻlib, Janob Rasulullohning meshlarini bir boʻlagi birlan, safarxaltalarini ersa ikkinchi boʻlagi birlan bogʻlab bergan erdim»,— dedilar. Shom ahli Ibn Zubayrni: «Ikki kamarli ayolning oʻgʻli!» deb izza qilganda, u ularga javoban: «Ey betamizlar, meni izza qilaman deb oʻzlaringizni izza qilayotirsizlar!»—der erdi».

Ibn Abbos rivoyat qiladilar: «Ibn Abbosning xolasi boʻlmish Xrris ibn Xuznning qizi Ummu Xafid Rasululloh sallallohu alayhi va sallamga yogʻ, pishloq va kaltakesaklar (echkemarlar) tortiq qildi. Janob Rasululloh ayollarini dasturxonga taklif qildilar, ular ul zotning xontaxtala-rida tanovul qilishdi. Ammo, Janob Rasulullohning oʻzlari ulardan jirkangandek oʻrinlaridan turib nari ketdilar. Agar kaltakesak goʻshti harom qilingan boʻlganida ayollar ul zotning xontaxtalarida tanovul qilmagan boʻlur erdilar, buning ustiga ul zot ularga kaltakesak goʻshtini yeyishni amr ham qilmadilar».

8-bob Talqon haqida

Suvayd ibn an-Nu'mon rivoyat qiladilar «Biz Rasululloh sallallohu alayhi va sallam birlan birga Sahbo degan yerda bo'ldik, Sahbo Xaybardan bir kechalik yo'l uzoqligida Namozga hozirlik ko'rib turgan erdik, Janob Rasululloh taom keltirmoqni amr qildilar, ammo talqondan bo'lak yegulik yo'q erdi. Biz ul zot birlan birgalikda talqon tanovul qildik. Keyin, ul zot suv keltirmoqni buyurdilar-da, og'iz chayqadilar, so'ng taho-ratni yangilamay namoz o'qidilar, biz ham birgalikda o'qidik»

9-bob. Rasululloh sallallohu alayhi va sallamning taomni, Olloh taoloning ismini aytmay va uning nimadan tayyorlanganligini bilmay turib, tanovul qilmaganliklari xususida

Abu Umoma ibn Saohl ibn Hunayf al-Ansoriy rivoyat qiladilar: «Xolid ibn Valid (Sayfulloh) Rasululloh sallallohu alayhi va sallam birlan birga oʻzining va Ibn Abbosning xolasi boʻlmish Maymunaning uyiga kirib, u yerda xolasining singlisi Xafida binti al-Xrris Najddan keltirgan qovurilgan kaltakesak goʻshtiga koʻzi tushdi. Maymuna kaltakesak goʻshtini Janob Rasulullohning oldilariga olib kelib qoʻydi. Janob Rasululloh taomga, uning nimadan tayyorlanganligini soʻramay va Olloh taoloning ismini aytmay turib, kamdan-kam qoʻl uzatar erdilar. Ul zot kaltakesak goʻshtiga qoʻl uzatib erdilar, huzurlaridagi ayollardan biri: «Yo Rasulalloh, bu kaltakesak goʻshti!» — deb ogoh qildi. Shunda Janob Rasululloh darhol kaltakesak goʻshtidan qoʻllarini tortdilar. Xolid ibn Valid «Yo Rasulalloh, kaltakesak harommi?» — dedi. Ul zot: «Yoʻq, ammo yer yuzida undan jirkanmaydirgan birorta ham qavmim boʻlmagay, men ham undan jirkanaman!»— dedilar. Xolid ibn Valid: «Men ul zotning koʻz oldilarida kaltakesak goʻshtini nimtalab yedim»,— deydilar»

10-bob. Bir kishi to'yadirgan ovqat ikki kishiga ham kifoya qiladi!

Abu Hurayra raziyallohu anhu rivoyat qiladilar: «Rasululloh sallallohu alayhi va sallam «Ikki kishi toʻyadirgan ovqat uch kishiga kifoya qiladi va uch kishi toʻyadirgan ovqat toʻrt kishiga kifoya qiladi»,— dedilar».

11-bob. Mo'min bitta ichagi to'lguncha yeydi!

Nofi rivoyat qiladilar: «Ibn Umar toki bir miskinni topib kelishmaguncha, ovqat yemas erdilar, topib kelishgach, u birlan birga ovqatlanar erdilar. Bir kuni birga ovqatlansin, deb bir kishini Ibn Umarning huzurlariga kiritib yubordim. U badnafs chiqib qolib, koʻp ovqat yeb yubordi .Shunda Ibn Umar «Ey Nofi', buni ikkinchi mening huzurimga kiritma! Men Janob Rasulullohning «Moʻmin bitta ichagi toʻlguncha, kofir ersa yettita ichagi toʻlguncha ovqat yeydi!» deb aytganlarini eshitganman»,— dedilar»

Ibn Umar raziyallohu anhu rivoyat qiladilar: «Rasululloh sallallohu alaihi va sallam «Darhaqiqat, moʻmin bitta ichagi toʻlguncha, kofir (yoki munofiq) ersa yettita ichagi toʻlguncha ovqat yeydi!» — dedilar»

Sufyon Xazrat Umardan naql qiladilar: «Abu Nuhayk badnafs odam erdi. Ibn Umar unga «Janob Rasululloh «Darhaqiqat, kofir yettita ichagi tulguncha ovqat yeydi!» deb aytganlar, men ersam Olloh taolo birlan uning rasuliga iymonliman!» — dedi».

Abu Hurayra raziyallohu anhu rivoyat qiladilar: «Rasululloh sallallohu alayhi va sallam «Musulmon bitta ichagi toʻlguncha, kofir ersa yettita ichagi toʻlguncha ovqat yeydi!»— dedilar».

Abu Hurayra rivoyat qiladilar: «Bir kishi ilgari juda koʻp ovqat yer erdi, musulmon bulgach, kam ovqat yeydirgan boʻldi. Bu haqda Janob Rasulullohga aytishgan erdi, ul zot «Darhaqiqat, moʻmin bitta ichagi toʻlguncha, kofir ersa yettita ichagi toʻlguncha ovqat yeydi!»—dedilar».

12-bob. Yonboshlab ovqat yemoq xususida

Abu Jhuayfa rivoyat qiladilar: «Rasululloh sallallohu alayhi va sallam «Men yonboshlab ovqat yemayman»,— dedilar».

Abu Juhayfa rivoyat qiladilar: «Men Janob Rasulullohning huzurlarida erdim, shunda huzurlarida oʻltirgan bir boshqa kishiga: «Men yonboshlagan holda ovqat yemayman»,—dedilar».

13-bob Qovurilgan go'sht haqida

Olloh taoloning qavli: «Keyin, keltirdi qovurilgan buzoq».

Ibi Abbos rivoyat qiladilar: «Rasululloh sallallohu alayhi va sallamga qovurilgan kaltakesak (echkemar) keltirildi, ul zot undan yemoq boʻlib qoʻl uzatdilar. Shunda ul zotga uning kaltakesak goʻshti erkanligi aytildi, ul zot darhol undan qoʻllarini tortdilar. Xolid «Bu harommi?»—dedi. Ul zot: «Ioʻq, lekin yer yuzida bundan jirkanmaydirgan birorta ham qavmim boʻlmaydi, men ham bundan jirkanaman»,— dedilar. Xolid Janob Rasulullohning koʻz oldilarida undan yedi».

14-bob. Xazira haqida

Nazr «Xazira — xurmodan va harira sutdan tayyorlanadirgan taomdur»,— deydilar

Maumud ibn ar-Rabi' rivoyat qiladilar «Badr g'azotida ishtirok qilgan sahobalardan biri Atbon ibn Molik al-Ansoriy Janob Rasulullohning huzurlariga kelib: «Yo Ra-sulalloh! Mening ko'zim xira bo'lib, shu holimda gavmimga imomlik gilaman. Agar yomg'ir yog'ib sel kelsa, men birlan ularning o'rtasidagi vodiyni suv bosib ketib, ularga imomlik qilmog'im uchun masjidlariga borolmay qolaman. Yo Rasulalloh, mening uyimga borib namoz o'qisangiz, men siz namoz o'qigan joyni o'zimga namozgoh qilib olgan bo'lur edim!»—dedilar. Janob Rasululloh: «Inshoolloh, shunday qilqayman!»—dedilar. Atbon bunday deydilar. «Rasululloh sallallohu alayhi va sallam birlan Abu Bakr as-Siddig ertasiga guyosh ko'tarilgan vaqtda mening uyimga tashrif buyurishdi. Ul zot ichkariga kirmoqqa izn soʻradilar, men izn berdim. Soʻng, ichkariga kirishlari hamonoq oʻltirmay: «Uyingning gaerida namoz o'qib bermog'imni istaysan?» — dedilar. Men uyimning bir joyini ko'rsat-dim, ul zot o'sha joyga borib takbir aytdilar, biz saf tortdik, bizga imomlik qilib ikki rak'at namoz o'qidilar, keyin ikki yelkalariga salom berdilar. Keyin, biz ul zotni o'zimiz tayyorlagan «xazira»ga taklif qilib olib qoldik. Xonadon ahlidan bir qanchasi uyga kirib toʻplanishdi. Shunda bir kishi «Molik ibn ad-Duxshin gaerda?» — dedi. Kimdir «U munofiqdur, Olloh taolo birlan uning rasulini yaxshi ko'rmaydi!»—dedi. Ul zot «Olloh taoloning rizoligini istab «Lo iloha illallohu» deb aytganini koʻra-bila turib, bunday demagil!» — dedilar. Ul «Olloh taolo va uning rasuli koʻprog bilguvchidir! Ammo, biz uning munofiqlarga nisbatan munosabatini koʻrib, shunday deb aytuvdik»,— dedi. Ul zot «Darhagigat, Olloh taoloning rizoligini istab «Lo iloha illallohu» deb aytgan kishini kuydirmogni Olloh taolo do'zaxga harom gildi»,— dedilar».

15-bob. Pishloq haqida

Humayd rivoyat qiladilar: «Men Anasning bunday deb aytganini eshitib erdim: «Rasululloh sallallohu alayhi va sallam Safiyyaga uylandilar. Dasturxonga xurmo, pishloq va yogʻ qoʻyib musulmonlarni ziyofat qildilar».

Amr ibn Abu Umar Anasdan naql qilib: «Rasululloh sallallohu alayhi va sallam (Safiyyaga uylanganlarida) «hays» (pishloqqa xurmo va yogʻ qoʻshib tayyorlanadirgan taom) tayyorladilar»,— dedilar.

Ibn Abbos raziyallohu anhu rivoyat qiladilar «Xolam Rasululloh sallallohu alayhi va sallamga (qovurilgan) kaltakesak goʻshti, pishloq va sut tortiq qildilar. (Qovurilgan) kaltakesak goʻshtini ul zotning xontaxtalariga qoʻyishdi. Agar kaltakesak harom boʻlganida xontaxtalariga qoʻyishmas erdi. Ul zot sutni ichib, pishloqni yedilar (ammo, kaltakesakdan jirkanib yemadilar)».

16-bob. (Qand) lavlagi va arpa xususida

Sahl ibn Sa'd rivoyat qiladilar: «Biz jum'a kuni xursand bo'lur erdik. Bizning bir kampirimiz bo'lib, u (qand) lavlagini qozoniga solib, unga biroz arpa donidan qo'shib qaynatib qo'yar erdi. Biz jum'ani o'qib bo'lib, uni ko'rgani borar va u bizni boyagi taom birlan siylar erdi. Shul boisdan ham biz har jum'a kuni xursand bo'lur erdik. Odatda, biz jum'ani o'qimagunimizcha na tushlik va na qaylula qilar erdik. Xudo haqi, o'sha taomda na go'sht yog'i va na dumba yog'i bo'lar erdi».

17-bob. (Go'shtni) tish birlan uzib olib chaynamoq va go'shtni (qozondan) olmoq haqida

Ibn Abbos raziyallohu anhu rivoyat qiladilar «Rasululloh sallallohu alayhi va sallam biqin (qobirgʻa) goʻshtini yeb boʻlib, oʻrinlaridan turdilar-da, tahoratlarini yangilamay namoz oʻqidilar».

Ibn Abbos rivoyat qiladilar: «Rasululloh sallallohu alayhi va sallam qobirgʻa goʻshtini qozondan olib yedilar-da, tahoratlarini yangilamay namoz oʻqidilar» (chunki, taom yeganda tahorat buzilmaydi, ogʻiz chayqalsa, bas)

18-bob Qo'l go'shtini yemoq xususida

Qatoda otalaridan naql qiladilar: «Biz Rasululloh sallallohu alayhi va sallam birlan birga Makka tomonga yoʻl oldik».

Abdulloh ibn Abu Qatoda otalaridan nagl qiladilar: «Men Rasululloh sallallohu alayhi va sallamning sahobalaridan bir guruhi birlan Makka yoʻlidagi bir joyda oʻltirgan erdim, Janob Rasululloh ham yonginamizga kelib go'ngan erdilar. Barcha ehromda bo'lib, fagat men ehrom bogʻlamagan erdim. Poyafzalimni yamab turganimda odamlar bir gulonni koʻrib qolishdi, ammo buni menga bildirishma-di, chunki ular «Koshki, uni oʻzi koʻrib golsa!» deb istashgan erdi (chunki, ehrom kiygan odam o'zi ko'rib golgan ov hayvonini ehrom kiymagan odamga ko'rsatib qo'ymasligi lozim). Bir payt, o'girilib gulonga ko'zim tushib goldi. Urnimdan turib otimning oldiga bordim-da, uni egarladim. So'ng, uni mindim, ammo gamchi birlan nayzani unutib goldirgan erdim. Odamlarga: «Qamchi birlan nayzani olib beringizlar!» — dedim. Ular: «Yoʻq, aslo! Xudo hagi, biz senga bu ishda yordam bermaymiz!» — deyishdi (chunki, ular ehromda bo'lib, ov borasida yordam ko'rsatmoqlari mumkin ermas erdi). Men g'azablanib otdan tushdim-da, qamchi birlan nayzani o'zim olib, yana otga mindim. Otimni ov ustiga haydab, unga nayza otdim, so'ng borib garasam, o'libdi. Odamlar uning go'shtidan pishirib yeyishdi, so'ng ehromdaliklari yodlariga tushib: «Qulon go'shtidan yeb gunohkor bo'lmadikmikan?» deb xavotirga tushishdi. Keyin, biz yoʻlga tushdik, men gulonning ortib golgan bir goʻlini o'zim birlan olib oldim. Rasululloh sallallohu alayhi va sallamning qoshlariga borgach, ul zotdan shul haqda so'radik. Ul zot: «Qulon go'shtidan biror bo'lak olib keldingizlarmi?» — dedilar. Men gulonning go'lini ul zotga uzatib erdim, ehromdaliklariga garamay, uni yeb suyaklarigacha tozalab qo'ydilar».

19-bob. Go'shtni pichoq birlan kesmoq haqida

Amr ibn Umayya rivoyat qiladilar: «Men Rasululloh sallallohu alayhi va sallamning qoʻyning yelkasidan qoʻlini kesib olayotganlarini koʻrdim. Shunda namozga azon aytilib qoldi, ul zot qoʻyning qoʻli birlan pichoqni qoʻyib, oʻrinlaridan turdilar-da, tahoratni yangilamay namoz oʻqidilar».

20-bob. Rasululloh sallallohu alayqi va sallam taomga nah urmas erdilar!

Abu Hurayra raziyallohu anhu rivoyat qiladilar: «Rasululloh sallallohu alayhi va sallam taomga nah urmas erdilar, ishtahalari boʻlsa, yer erdilar, ishtahalari boʻlmasa, yemas erdilar».

21-bob. Arpa (unini) puflamoq (sovurmoq) haqida

Abu Xozim rivoyat qiladilar: «Men Sahldan: «Rasululloh sallallohu alayhi va sallamning zamonlarida (elangan) oq undan yopilgan nonni koʻrganmisizlar?» — deb soʻradim. U: «Yoʻq»,— dedi. Men: «Arpa (unini) elar erdingizlarmi?»—dedim. U: «Yoʻq, ammo uni puflar (sovurar) erdik»,— dedi».

22-bob. Rasululloh sallallohu alayhi va sallam birlan ul zotning sahobalari nima eyishar erdi?

Abu Hurayra raziyallohu anhu rivoyat qiladilar: «Bir kuni Rasululloh sallallohu alayhi va sallam sahobalariga xurmo taqsim qildilar. Har bir sahobaga yettitadan xurmo berdilar, menga ham yettita xurmo berdilar. Ulardan biri yomonroq erdi. Xullas, ularning ichida menga yoqadirgani boʻlmay, birini olib biriga uradirgan darajada erdi».

Qays: «Sa'd menga bunday deb aytdi»,— deydilar: «Mening Olloh taolo yoʻlida birinchi boʻlib oʻq otgan arab erkanligimni bilursen. Biz Janob Rasululloh birlan gʻazot qilur erdik, oʻshanda hubla bargidan boʻlak yemishimiz boʻlmay, ichimiz qoʻyning qumalogʻi yangligʻ erdi. Keyin, Banu Asad meni dinga bul qadar berilmaslikka unday boshladi, men ularning gapiga kirib, ilgarigi sa'yimni habata qilib qoʻydim».

23-bob. Sutli xo'rda haqida

Urva ibn Zubayr rivoyat qiladilar: «Janob Rasululloh sallallohu alayhi va sallamning jufti halollari boʻlmish Oisha raziyallohu anhoning biror yaqin kishilari vafot qilsa, qoʻshni ayollar ta'ziya bildirgani uylariga kirishar erdi, keyin ular chiqib ketib, faqat xonadon ahli qolar erdi. Shunda Oisha onamiz bir togʻora sut olib kelmoqlarini buyurar, soʻng uni pishirib non burdalari ustiga quyib xoʻrda tayyorlar erdilar-da: «Bundan ichingizlar! Chunki, men Janob Rasulullohning «Sutli xoʻrda bemorning diliga orom berib, azador kimsaning qaygʻusini yengillashtiradi» deb aytganlarini eshitganman»,— der erdilar».

24-bob, Sarid (non burdalari yoki qovoq solib tayyorlanadirgan sutli xoʻrda) haqida

Abu Muso al-Ash'ariy rivoyat qiladilar: «Rasululloh sallallohu alayhi va sallam bunday deb aytdilar: «Ko'pchilik erkaklar kamolotga erishdi, ammo Maryam binti Imron va Fir'avnning xotini Osiyadan bo'lak ayollar kamolotga erishmadi. Sarid boshqa taomlardan afzal bo'lgani kabi, Oisha ham boshqa ayollardan afzaldur!».

Anas ibn Molik rivoyat qiladilar: «Rasululloh sallallohu alayhi va sallam: «Oishaning boshqa ayollardan afzalligi — saridning boshqa taomlardan afzalligi kabi-dur!» — dedilar».

Anas raziyallohu anhu rivoyat qiladilar: «Men Janob Rasululloh birlan birga tikuvchi gʻulomlarining huzuriga kirdim. U Janob Rasulullohga bir idishda sarid (shirqovoq) berdida, oʻz ishiga ketdi. Janob Rasululloh shirqovoqni tanovul qila boshladilar, men ham roʻparalarida oʻltirib yeya boshladim. Shundan beri qovoqni juda xush koʻraman!»

25-bob. Qo'y go'shti qovurdog'i, qo'l va biqin go'shti haqida

Qatoda raziyallohu anhu rivoyat qiladilar: «Anas ibn Molikning uyiga borganimizda qoshida nonvoyi turgan erdi. Shunda Anas bizga: «Olingizlar, (nondan) yengizlar! Ammo, men Janob Rasulullohning vafot qilgunlariga qadar ham yumshoq oq nonni koʻrganlarini bilmayman, ul zot qoʻy qoʻshti qovurdogini oʻz koʻzlari birlan mutlaqo koʻrgan ermaslar!» —dedi».

Ja'far ibn Amr ibn Umayya otalaridan nakl qiladilar: «Men Rasululloh sallallohu alayhi va sallamning qo'yning qo'lini kesib yeganlarini ko'rdim. Keyin, namozga azon aytilib erdi, o'rinlaridan turib qo'llaridagi pichoqni tashladilar-da, tahoratlarini yangilamay namoz o'qidilar».

26-bob. Ajdodlarning o'z uylari va safarlari uchun taom, go'sht va boshqa yeguliklar g'amlab qo'yganlari haqida

Oisha va Asmo raziyallohu anhumo: «Biz Rasululloh sallallohu alayhi va sallam birlan Abu Bakr as-Siddig uchun yoʻlga yeguliklar tayyorlab berdik»,— deyishadi.

Abdurrahmon ibn Obis otalaridan naql qiladilar: «Men Oisha onamizga: «Rasululloh sallallohu alayhi va sallam qurbonlik goʻshtini uch kundan ortiq yemoqlikdan qaytarganmilar?»—dedim. Oisha onamiz: «Odamlar och qolgan yili boylarning kambagallarni toʻydirmogini istab shunday qilgan erdilar, xolos!» — dedilar. Soʻng, (hazillashib); «Agar bitta sonni koʻtarib olib ketolsak, uni oʻn besh kunda yeb bitirar erdik»,— deb aytdilar. Shunda odamlar: «Bunga sizlarni nima majbur qilgan erdi?»—deyishdi. Oisha onamiz kulib yubordilar-da: «Muhammad sallallohu alayhi va sallamning oilalari ul zot vafot qilgunlariga qadar uch kun boʻlsa ham oq bugdoy nonini toʻyib yemagan!» — dedilar».

Jobir raziyallohu anhu: «Janob Rasulullohning davrlarida kurbonlikka soʻyilgan jonliqlar goʻshtini Madinaga (ketayotganda yoʻlda yeb ketish uchun) ehtiyotlab qoʻyar erdik»,— dedilar. Ibn Jurayj Atodan soʻradilar: «Madinaga yetib kelgunimizga qadar, deb aytdimi?». Ato «Yoʻq»,— dedilar.

27-bob. Hays (xurmoga yog' va pishloq qo'shib tayyorlanadirgan taom) haqida

Anas ibn Molik rivoyat qiladilar: «Rasululloh sallallohu alayhi va sallam Abu Talhaga: «Gʻulomlaringdan biri mening xizmatimni qilib yursa!» - dedilar. Abu Talha meni ulovlariga mingashtirib olib yoʻlga chiqdilar, men Janob Rasululloh qaerda tushib dam olsalar, xizmatlarini qilar erdim. Shunda men ul zotning nuqul «Yo parvardigoro, meni gʻamu tashvishdan, musibatdan, munkillaganlikdan, yalqovlikdan, qoʻrqoqlikdan, baxillikdan, qarzga botmoqdan hamda odamlar qahridan oʻz panohingda asragin!»—deb aytganlarini eshitar erdim. Men Janob Rasulullohning Xaybardan ortga qarab yoʻlga chiqqunlariga qadar ham xizmatlarini qilib yurdim. Janob Rasululloh oʻzlariga xotin qilib olgan Safiyya binti Huyay birlan birga yoʻlga chiqdilar. Shunda men ul zotning Safiyyani oʻz kiyimlari birlan oʻrab-chirmab tuyalariga mingashtirib olganlarini koʻrdim. Biz Sahbo degan joyga yetib borganimizda yerga charm palos yozdirib, «hays» tayerladilar, soʻng meni joʻnatdilar, men odamlarni dasturxonga taklif qilib keldim. Odamlar «hays» tanovul qilishdi. Bu Janob Rasulullohning Safiyyaga uylanganlari munosabati birlan berilgan toʻy

ziyofati erdi Keyin, yoʻlga chiqdilar, yoʻlda Uhud togʻi koʻringach «Bu togʻ bizni yaxshi koʻrur, biz ham uni yaxshi koʻrurmiz!» — dedilar. Madinaga yaqinlashgach ersa: «Yo par-vardigoro, Ibrohim Makkani muqaddas qilgani kabi, men ham Madinaning ikki togʻi oraligʻidagi yerlarni muqaddas qildim! Yo parvardigoro, Madina axlining toshu tarozusiga barakot ato etgaysan!»—dedilar».

28-bob Kumush idishda ovqat yemoq xususida

Mujohid rivoyat qiladilar: «Abdurrahmon ibn Abu Laylo Huzayfaning huzurida boʻlganida Huzayfa suv soʻradilar. Bir majusiy qadahda suv keltirib Huzayfaning qoʻllariga berganda u kishi uni otib yubordilar-da «Men unga kumush idishda suv keltirmaslikni bir-necha bor tayinlagandim, u boʻlsa endi bunday qilmayman, deb «aytgandek boʻladi-yu, baribir oʻz bilganidan qolmaydi. Men Janob Rasulullohning «Na ipak va na deboj kiymangizlar, oltin va kumush idishda yeb-ichmangizlar, chunki bunday kiyimu idishlar bu dunyoda ular uchun, oxiratda ersa bizlar uchundur!» — deb aytganlarini eshitganman»,— dedilar»

29-bob. Din ilmi xususidagi yig'inda taom haqida so'zlash (makruh ermas!)

Abu Muso al-Ash'ariy rivoyat qiladilar: «Rasululloh sallallohu alayhi va sallam bunday dedilar: «Qur'on qiroat qiluvchi mo'min utrujja (limon) singari xushbo'y va xushta'mdur, Qur'on qiroat qilmaydirgan mo'min ersa xurmo kabi shirin bo'lgani birlan xushbuy hiddan mahrumdir, Qur'on qiroat qiladirgan munofiq xususiga kelsak, u rayhon kabi xushbo'y bo'lsa-da, ta'mi achchiqdur, Qur'on qiroat qilmaydirgan munofiq ersa achchiq tarvuz (kolokvint) kabi hidsiz va ta'mi achchiqdur!».

Anas ibn Molik rivoyat qiladilar: «Oishaning boshqa ayollardan afzalligi — sarid (sutli xoʻrda)ning boshqa taomlardan afzalligi kabidur!» — dedilar. Rasululloh sallallohu alayhi va sallam».

Abu Hurayra rivoyat qiladilar: «Rasululloh sallallohu alayhi va sallam: «Safar azobning bir boʻlagi boʻlib, u sizni uyqu birlan taomdan qoldiradi. Agar kimniki safarda nafsi magʻlub qilsa, darhol oilasiga qayqin!» — dedilar».

30-bob. Xurush (ishtahani ochuvchi vositalar) haqida

Qosim ibn Muhammad rivoyat qiladilar: «Joriya Bariraga nisbatan ado etilmogʻi lozim boʻlgan uch sunnat mavjud erdi. Oisha raziyallohu anho Barirani sotib olib, ozod qilmoqchi boʻldilar. Shunda uning egalari unga homiylik huquqini oʻzlarida qoldirilishini shart qilib qoʻyishdi. Oisha raziyallohu anho buni Janob Rasulullohga aytdilar. Ul zot: «Ularning shartiga koʻnib, uni sotib olaver, chunki homiylik huquqi uni ozod qilgan shaxsga oʻtadi!» — dedilar. Keyin, Oisha raziyallohu anho Barirani ozod qilib, unga eri birlan yashash yoki yashamaslik ixtiyorini berdilar. Bir kuni Janob Rasululloh Oishaning uyiga kirdilar, shunda qozonda goʻsht qaynab turardi. Ul zot ovqat keltirmoqni buyurdilar, dasturxonga non va uyda mavjud boʻlgan xurushlardan olib kelib qoʻyishdi. Ul zot: «Qozonda goʻsht qaynatib qoʻyilganini koʻrdim shekilli?»— dedilar.

«Ha, yo Rasulalloh! Ammo, bu go'sht Bariraga sadaqa qilingan bo'lib, u bizga ozginasini

ilinib yuboribdi»,— deyishdi. Ul zot: «Bu goʻsht Bariraga sadaqa, bizga ersa hadyadur»— dedilar».

31-bob. Halvo va asal haqida

Oisha raziyallohu anho: «Rasululloh sallallohu alayhi va sallam halvo birlan asalni yaxshi koʻrar erdilar»,— dedilar.

Abu Hurayra raziyallohu anhu rivoyat qiladilar: «Patir yemay va harir kiymay yurgan kezlarimda hamda biror gʻulom yoki choʻri xizmatimni qilmagan chogʻlarda men qornimni toʻygʻazish uchun Rasululloh sallallohu alayhi va sallamning ortlaridan ergashib yurgan erdim. Ushanda ochlikdan qornim umurtqamga yopishib qolgan boʻlib, qornim och erkanligini sezarmikan, degan maqsadda, oʻzim yaxshi bilsam ham, uchragan odamdan miskinlarni toʻygʻazish lozimligi haqidagi oyatni oʻqib bermogʻini iltimos qilar erdim. Eng miskinparvar odam boʻlmish Ja'far ibn Abu Tolib bizga qiyo boqib uyida bor narsani olib chiqib qornimizni toʻygʻazar va agar u boʻm-boʻsh yogʻ idishini olib chiqsa ham, biz uning yuqini yalab tozalab qoʻyar erdik».

32-bob. Qovoq (kadi) haqida

Anas rivoyat qiladilar: «Rasululloh sallallohu alayhi va sallam tikuvchi mavlolarining uyiga kirib erdilar, bir idishda oldilariga pishirilgan qovoq olib kelib qoʻydi. Janob Rasululloh qovoqdan tanovul qila boshladilar. Men Janob Rasulullohning qovoq yeqanlarini koʻrqanimdan buyon qovoqni yaxshi koʻraman».

33-bob. Kishi o'z birodarlari uchun taom tayyorlab takalluf ko'rsatadi

Abu Mas'ud al-Ansoriy rivoyat qiladilar: «Ansorlardan boʻlmish Abu Shu'ayb ismli bir kishi boʻlib, uning qassob gʻulomi bor erdi. Bir kuni u oʻsha gʻulomiga: «Menga bir taom tayyorlab bergin, Janob Rasululloh birlan yana toʻrt kishini mehmonga taklif qilaman!» — dedi. Keyin, u Janob Rasululloh birlan yana toʻrt kishini uyiga mehmonga chaqirib erdi, ularga yana bir kishi ergashib keldi.

Janob Rasululloh mezbonga: «Sen bizni besh kishi boʻlib kelmogʻimizni aytgan erding, ammo mana bu kishi ham bizga ergashib keldi, xohla, uni ham ichkariga taklif qil, xohla, taklif qilma!» — dedilar. Mezbon: «Mayli, kiraversin!» —dedi»,

Muhammad ibn Ismoil bunday deydilar: «Biror xontaxta (dasturxon) atrofida oʻltirgan qavm oʻz xontaxtasidan (dasturxonidan) boshqa xontaxtaga (dasturxonga) oʻtib tanovul qilmasin, ammo bir qavm ikkinchi qavmga oʻz xontaxtasidagi (dasturxonidagi) taomdan uzatmogʻi yoki ularni chorlab mehmon qilmogʻi mumkindur».

34-bob. Bir kishini taom birlan siylab, soʻng oʻz ishiga ketgan shaxs haqida

Anas raziyallohu anhu rivoyat qiladilar: «Men Rasululloh sallallohu alayhi va sallamga dastyorlik qilib yuruvchi bir gʻulom erdim. Bir kuni Janob Rasululloh oʻzlarining tikuvchi gʻulomlari uyiga kirdilar, u bir idishda ustiga pishirilgan qovoq qoʻyilgan taom keltirib qoʻydi. Janob Rasululloh ishtaha birlan qovoqdan tanovul qila boshladilar, buni koʻrib men ham ul zotning oldilaridagi qovoqdan olib yeya boshladim. Tikuvchi gʻulom ersa

bizni taom birlan siylab, soʻng oʻz ishiga ketdi. Men Janob Rasulullohning ishtaha birlan qovoq yeganlarini koʻrganimdan buyon qovoqni yaxshi koʻrib qoldim!»

35-bob. Suyuq ovqat (maraq) haqida

Anas ibn Molik rivoyat qiladilar: «Bir tikuvchi (gʻulom) Rasululloh sallallohu alayhi va sallamni oʻzi tayyorlagan taomga taklif qildi, men ham ul zot birlan birga bordim. U dasturxonga arpa noni, qovoq solib pishirilgan maraq va sur goʻsht keltirib qoʻydi. Qarasam, Janob Rasululloh ishtaha birlan idishdagi qovoqdan tanovul qilaetirlar, men shu kundan e'tiboran qovoqni xush koʻrib qoldim!».

36-bob. Sur go'sht haqida

Anas raziyallohu anhu rivoyat qiladilar: «Men Rasululloh sallallohu alayhi va sallamning oldilariga qovoq solib pishirilgan maraq va sur goʻsht olib kelib qoʻyilganini hamda ul zotning qovoqdan ishtaha birlan tanovul qilganlarini koʻrdim».

Oisha raziyallohu anho: «Rasululloh sallallohu va sallam odamlar och qolgan yiligina uch kundan ortiq qurbonlik goʻshtidan yeyishga ruxsat bermaganlar, oʻshanda boylarning kambagʻallarni toʻygʻazmogʻini istagan erdilar. Agar bitta sonni koʻtarib ketolsak, uni oʻn besh kunda yeb bitirar edik»,— dedilar. (Odamlar Oisha onamizning «Un besh kunda bitta sonni yeb bitirar erdik» deb hazil qilganlarini tushunmay: «Bunga sizlarni nima majbur qilgan erdi?»— deyishdi). Oisha onamiz (kulib yubordilar-da): «Muhammad sallallohu alayhi va sallamning oilalari uch kun boʻlsa ham oq bugʻdoy nonini toʻyib yemagan!»— dedilar.

37-bob. Do'stining (o'rtog'ining) oldidagi xontaxtaga biror yegulik keltirib qo'ygan kishi haqida

Ibn al-Muborak: «Ikki qavm bir-birini oʻz xontaxtasidagi taomdan uzatib siylamogʻi mumkin, ammo kishi oʻzicha bu xontaxtadan u xontaxtaga oʻtib tanovul qilmaydi»,— deydilar.

Anas ibn Molik rivoyat qiladilar: «Bir tikuvchi (gʻulom) taom tayyorlab Rasululloh sallallohu alayhi va sallamni mehmonga taklif qildi, men ham ul zot birlan birga oʻsha mehmondorchilikka bordim. Mezbon ul zotning oldilariga arpa noni, qovoq solib pishirilgan maraq va sur goʻsht keltirib qoʻydi. Qarasam, Janob Rasululloh idishdagi qovoqdan ishtaha birlan tanovul qilayotirlar. Ushandan beri men qovoqni xush koʻrib qolganman!».

38-bob. Yangi uzilgan xurmoni bodring (tarrak) birlan yemoq haqida

Abdulloh ibn Ja'far ibn Abu Tolib raziyallohu anhu rivoyat qiladilar: «Men Rasululloh sallallohu alayhi va sallamning yangi uzilgan xurmoni tarrak birlan yeyayotganlarini ko'rdim».

39-bob.

Abu Usmon rivoyat qiladilar: «Men yetti kishi bo'lib Abu Hurayranikiga mehmonga

bordim. Shunda uning oʻzi, xotini va xizmatkori tunning uchdan bir qismini navbatchilik qilib oʻtkazishdi, ya'ni biri namoz oʻqib boʻlib, ikkinchisini uygʻotar erdi. Ushanda Abu Hurayraning bunday deb aytganini eshitgan erdim: «Rasululloh sallallohu alayhi va sallam sahobalariga xurmo taqsim qildilar, menga yettita xurmo tegdi, ulardan birining sifati yomon erdi».

Abu Hurayra raziyallohu anhu rivoyat qiladilar: «Rasululloh sallallohu alayhi va sallam bizga xurmo taqsim qildilar, shunda menga beshta xurmo tegdi, toʻrttasi yaxshi va bittasi yomon erdi. Qarasam, oʻsha bitta yomoniga tishim ham oʻtmaydi».

40-bob. Yangi uzilgan xurmo va xurmo qoqisi haqida

Olloh taoloning qavli: «Va qimirlat (silkit) xurmo daraxtini oʻz tarafinggaki, tushurur sanga yangi pishgan xurmoni».

Oisha raziyallohu anho rivoyat qiladilar: «Xurmo birlan suvga endigina toʻyganimizda Rasululloh sallallohu alayhi va sallam vafot etib qoldilar».

Jobir ibn Abdulloh raziyallohu anhu rivoyat qiladilar: «Madinada bir yahudiy bo'lib, u xurmolarimni (pishqanda) o'ziga uzib olish sharti birlan menga garz bergan erdi (Ruma degan gudug tomonda Jobirning xurmozori bor erdi) O'sha yili xurmozorimning hosili kechikib ketib, garzimni uzolmadim. Yahudiy kelasi yil hosilini yig'ishtirish paytida kelib erdi, xurmozorimga kirib garzimni uzishga yetarlik xurmo ko'rmadim. Shunda yahudiydan yanagi yil hosilini kutmog'ini iltimos gildim, u ko'nmadi. Keyin, shu haqda Rasululloh sallallohu alayhi va sallamga xabar qildim. Janob Rasululloh ashoblariga! «Turingizlar, biz Jobirga muhlat bersin, deb yahudiydan talab gilamiz!»— dedilar. Soʻng, Janob Rasululloh sahobalari birlan birga xurmozorimga keldilar-da, yahudiydan koyinib: «Ey Abulqosim, qani oʻzi u, uni koʻrmayapman-ku?» — dedilar. Keyin, yahudiyga koʻzlari tushqach, xurmozorimni bir aylanib keldilar-da, oldiga borib uni koʻndirishga harakat gildilar, u koʻnmadi. Men oʻrnimdan turib biroz xurmo uzib keldim-da, Janob Rasulullohning oldilariga qo'ydim, ul zot ularni tanovul qilgach, menga: «Xurmozoringning eng soya-salqin yeri qaerda?» — dedilar. Men oʻzim dam oladirgan eng soya-salgin joyni ko'rsatdim. Janob Rasululloh: «Usha yerga joy solib ber!» dedilar, men joy solib berdim. Janob Rasululloh yetib dam oldilar, soʻng uygʻondilar. Men yana biroz xurmo uzib keldim. Ul zot ulardan tanovul Qilgach, o'rinlaridan turib yana yahudiyni ko'ndirishga harakat qildilar, ammo u ko'nmay: «Ikkinchi (kelgusi) yil hosilini olmayman!» — deb turib oldi. Shunda Janob Rasululloh: «Yo Jobir, xurmolarni terib olib qarzingni uzgil!» —dedilar-da, terim tuqaquncha kutib turdilar. Men (baraka kasb etgan) xurmolarni terib garzimni uzdim, yana ganchasi ortib ham goldi. Keyin, xurmozordan chiqib, Janob Rasulullohning qoshlariga keldim-da, boʻlgan voqeani aytib xursand qildim. Ul zot: «Darhagigat, men Olloh taoloning rasulidurman!» — dedilar».

41-bob. Jummor (xurmoning ezilib pishgan joyi) yemoq haqida

Abdulloh ibn Umar raziyallohu anhu rivoyat qiladilar: «Bir payt biz Rasululloh sallallohu alayhi va sallamning huzurlarida oʻltirib erdik, jummor olib kelib qolishdi. Shunda Janob Rasululloh: «Aytingizlarchi, qaysi daraxtning barakasi musulmonning barakasi kabidur?»— dedilar. Men: «Bu xurmo daraxti boʻlsa kerak?»— deb oʻylab, «Yo Rasulalloh, bu xurmo daraxtidur!»— deb aytmoqchi boʻldim-u, ammo atrofimga qarab,

shu yerda turganlarning eng yoshi kichigi erkanligimni koʻrdim-da, indamay qoʻya qoldim. Janob Rasululloh (hech kim javob bermagach); «Bu xurmo daraxtidur!»—dedilar».

42-bob. Ajva (eng oliy nav xurmo daraxti) haqida

Omir ibn Sa'd otalaridan naql qiladilar: «Rasululloh sallallohu alayhi va sallam: «Kimki erta birlan turib yetti dona ajva xurmosidan tanovul qilsa, o'sha kuni unga zahar ham, sihr ham zarar yetkazmaydi»,— dedilar».

43-bob. Xurmoni juftlab yemoq haqida

Jabla ibn Suhaym rivoyat qiladilar: «Mudroq bosgan yili (Badr gʻazoti vaqtida Olloh taolo musulmonlarga yengil uyqu nozil qilib, shayton vasvasasi tufayli ularning dillarida paydo boʻlgan dushman vahmini bartaraf qilgan erdi) biz Ibn Zubayr birlan xurmo yeb kun kechirgan erdik. Bir kuni biz xurmo yeb turgan erdik, Abdulloh ibn Umar yonimizdan oʻtib ketayotib: «Xurmoni juftlab yemangizlar, chunki Janob Rasululloh (xurmoni) juftlab yemoqdan qaytarganlar»,— dedi, soʻng: «Agar kishi birodariga izn bersa, mumkin»—deb qoʻydi».

44-bob. Bodring haqida

Abdulloh ibn Ja'far rivoyat qiladilar: «Men Janob Rasulullohning yangi uzilgan xurmoni bodring birlan yeganlarini ko'rganman».

45-bob. Xurmo daraxtining barakasi haqida

Ibn Umar rivoyat qiladilar: «Rasululloh sallallohu alayhi va sallam: «Daraxtlar ichida (baraka jihatidan) musulmonga oʻxshash bir daraxt mavjud, u xurmo daraxtidur!» — dedilar».

46-bob. Bir vaqtda ikki xil taom yemoqlik haqida

Abdulloh ibn Ja'far raziyallohu anhu rivoyat qiladilar: «Men Rasululloh sallallohu alayhi va sallamning yangi uzilgan xurmoni tarrak birlan yeyayotganlarini ko'rganman».

47-bob. Mehmonlarni o'nta-o'ntadan qilib uyga kiritgan kishi hamda o'nta-o'nta bo'lib ovqatlanmoq xususida

Anas rivoyat qiladilar. Ummu Sulaym bir mudd arpani un qilgach, hamir qorib kulcha yopdilar, keyin uyda mavjud yogʻ idishni silqitdilar-da, meni Janob Rasulullohning huzurlariga joʻnatdilar. Men borsam, ul zot sahobalari davrasida oʻltirgan erkanlar, mehmonga taklif qildim. Shunda ul zot sahobalariga: «Barchangiz men birlan yuringiz!» — dedilar. Men qaytib borib: «Janob Rasululloh sahobalariga: «Barchangiz men birlan yuringiz!» — deb aytdilar».— dedim. Abu Talha chiqib ul zotni kutib oldilar-da: «Yo Rasulalloh, Ummu Sulaym biroz taom tayyorlagan erdi!» —dedilar. Janob Rasululloh Abu Talha birlan uyga kirgach: «Tashqaridagilarni oʻnta-oʻntadan huzurimga kirit!»—dedilar. Ichkariga oʻn kishi kirib, toʻyguncha taom tanovul qildi. Soʻng, ul zot: «Yana oʻn kishini kirit!» — dedilar. Yana oʻn kishi kirib, toʻyguncha ovqatlandi. Janob Rasululloh: «Yana oʻn kishini kirit!» — dedilar. Yana oʻn kishi kirib, toʻyguncha ovqatlandi, shul tariqa qirq

kishi kirib, to'yib ovqatlandi. Shundan keyingina ul zotning o'zlari taom tanovul qilib chiqib ketdilar. Keyin, men: «Yegulik biroz bo'lsa ham kamaydimikan?»—deb ichkariga kirib qaray boshladim».

48-bob. Sarimsoq va ayrim ko'katlarning makruhligi haqida

Abdulaziz rivoyat qiladilar: «Janob Rasululloh sarimsoq haqida nima deganlar?» — deb Anasdan soʻrashdi. «Kimki sarimsoq yesa, masjidimizga yaqinlashmasin!» - deb aytganlar»,— dedi Anas»

Jobir ibn Abdulloh raziyallohu anhu rivoyat qiladilar «Janob Rasululloh «Kimki sarimsoq yoki piyoz yegan boʻlsa, bizni (yoki masjidimizni) xoli qoʻysin!» — dedilar»

49-bob. Arok (yogʻochidan misvok yasaladirgan daraxt) mevasi haqida

Jobir ibn Abdulloh rivoyat qiladilar: «Biz Rasululloh sallallohu alayhi va sallam birlan birga Marruzzahronda arok mevasini terayotgan erdik Shunda ul zot «Qorayganini teringizlar, chunki qoraygani yaxshi (pishgan) boʻladi!» — dedilar».

50-bob. Taom yegandan so'ng og'iz chayqash haqida

Suvayd ibn an-Nu'mon rivoyat qiladilar «Biz Rasululloh sallallohu alayhi va sallam birlan birga Xaybar gazotiga chiqdik. Sahbo degan yerga borganimizda ul zot taom keltirmoqni amr qildilar, ammo talqondan bo'lak yegulik olib kelishmadi. Biz talqonni yedik. So'ng, ul zot o'rinlaridan turib oqiz chayqadilar, biz ham oqiz chayqadik, keyin namoz o'qidik».

Suvayd rivoyat qiladilar: «Biz Rasululloh sallallohu alayhi va sallam birlan birga Xaybar gazotiga chiqdik. Sahbo degan joyga yetganimizda ul zot yegulik olib kelmoqni amr qildilar, ammo talqondan boʻlak yegulik keltirishmadi. Biz ul zot birlan birgalikda talqonni chaynay-chaynay yedik. Keyin, ul zot suv keltirmoqni amr qildilar, suv keltirishgach, ogyaz chaiqadilar, biz ham ogiz chayqadik Soʻng, tahoratlarini yangilamay biz birlan shom oʻqidilar».

51-bob Barmoqlarni yalab va so'rib, so'ng ro'molchaga (sochiqqa) artmoq lozim!

Ibn Abbos rivoyat qiladshar: «Rasululloh sallallohu alayhi va sallam «Birortangiz taom yesangiz, barmoqlaringizni yalab tozalamaguningizcha rumolchaga artmangiz!» — dedilar».

52-bob Kishi ovqatlanib bo'lgach, ne deb aytmog'i lozim?

Abu Umoma rivoyat qiladilar. «Rasululloh sallallohu alayhi va sallam dasturxon yigishtirib olingach «Olloh taologa beadad ezgu shukronalar boʻlsinki, ul doimo saxovatli va bandalarining shukronasiga ijobat qilguvchi boʻlib, unga muhtoj boʻlmagan kimsa yoʻqdur! Yo parvardigoro!» — der erdilar».

Xolid ibn Mi'don Abu Umomadan naql qiladilar: «Bir kuni Rasululloh sallallohu alayhi va sallam ovqat yeb bo'lib, dasturxon yiqishtirib olingach: «Bizni yedirib-ichirguvchi Olloh

taologa shukronalar boʻlsinkim, ul doimo saxovatli va bandalarining shukronasiga ijobat qilguvchi bir zotdir!»—deb erdilar. Keyin, ul zot yana bir kuni «Parvardigorimizga shukronalar boʻlsinkim, ul saxovatli va bandalarining shukronasiga ijobat qilguvchi bir zot boʻlib, unga muhtoj bulmagan kimsa yoʻqdur!» — deb aytdilar»

53-bob. Xizmatkor birlan birga ovqatlanmoq haqida

Abu Hurayra rivoyat qiladilar: «Rasululloh sallallohu alayhi va sallam «Agar birortangizni xizmatkoringiz oʻzi tayyorlagan taom birlan siylasa, u birlan oʻltir-masangiz ham, bir yoki ikki luqma nasiba olib yengiz, chunki u bu birlan sizga oʻz mehr-muhabbatini izhor qilayotir!» — dedilar».

54-bob. Shukr qilib taom tanovul qilguvchi sabr qilib ro'za tutguvchi yanglig'dur!

Abu Hurayra raziyallohu anhu yuqoridagi qavlni Janob Rasululloh aytganliklarini ta'kidlaydilar

55-bob. Taomga taklif qilingan kishining: «Bu ham men birlan birga» — deb aytganligi haqida

Anas raziyallohu anhu: «Agar biror begaraz musulmonning uyiga kirsang, uning oldingga qoʻygan narsalaridan yebich!» — deydilar.

Abu Mas'ud al-Ansoriy rivoyat qiladilar: «Bir ansoriy kishi bo`lib, laqabi «Abu Shu'ayb» erdi, uning bir qassob gulomi ham bor erdi. Bir kuni Abu Shu'ayb Rasululloh sallallohu alayhi va sallamning huzurlariga keldi, shunda ul zot sahobalari davrasida o`ltirgan erdilar. Abu Shu'ayb

Janob Rasulullohning chehralarida ochlik alomatini sezib, qassob gulomining oldiga bordi-da, unga: «Besh kishiga yetadigan taom tayyorlab ber, Janob Rasululloh birlan yana toʻrt kishini mehmonga taklif qilmoqchiman» — dedi. Gʻulom unga taom tayyorlab bergach, u borib Janob Rasulullohni mehmonga taklif qildi. Mehmonga taklif qilinganlarga bir kishi ergashib keldi. Shunda Janob Rasululloh: «Ey Abu Shuʻayb, bir kishi bizga ergashib keldi, agar istasang, unga ijozat ber, istamasang, ijozat berma!» — dedilar. Abu Shuʻayb: «Nega endi, kiraversin!»—dedi».

56-bob. Agar kechki ovqat keltirilsa, (namozga) shoshilinmasin!

Amr ibn Umayya rivoyat qiladilar: «Rasululloh sallallohu alayhi va sallam qoʻllaridagi qoʻy qoʻlidan kesib yeyayotgan erdilar, namozga azon aytilib qoldi. Shunda ul zot qoʻy qoʻli birlan pichoqni qoʻyib oʻrinlaridan turdilar-da, tahoratlarini yangilamay namoz oʻqidilar».

Anas ibn Molik raziyallohu anhu rivoyat qiladilar: «Rasululloh sallallohu alayhi va sallam: «Agar oldingizga kechki ovqat keltirilgan boʻlsa-yu, namoz boshlanib qolsa, avval ovqatni yeb olingiz!»—dedilar».

Ibn Umar ham yuqoridagi hadisqa o'xshash hadisni rivoyat qilganlar.

Nofi rivoyat qiladilar: «Bir kuni Ibn Umar imomning qiroatini eshitib turib ham kechki ovqatni yeyishda davom etavergan erdilar».

Oisha raziyallohu anho rivoyat qiladilar: «Rasululloh sallallohu alayhi va sallam: «Agar namoz vaqti boʻlib qolib, kechki ovqat keltirilsa, avval ovqatni yeb olingiz!» — dedilar».

Hishom: «Agar kechki ovqat keltirilgan boʻlsa»,— deb yuqoridagi hadisga qoʻshimcha qiladilar.

57-bob Olloh taoloning «Agar taom yeb boʻlsangizlar, tarqalingizlar!» degan qavli haqida

Ibn Shihob raziyallohu anhu rivoyat qiladilar: «Anas bundai deydilar: «Men «Hijob» oyati tarixini barchadan koʻra yaxshiroq bilurman, Ubay ibn Kaʻb mendan bu haqda soʻragan erdi: Janob Rasululloh va Zaynab binti Jahsh ikkalalari kuyov-kelin boʻlishdi, ul zot Madinada unga uylandilar. Kechqurun ul zot odamlarni toʻy ziyofatiga chaqirib, oʻzlari ham ular birlan birga oʻltirdilar. Keyin, odamlar oʻrinlaridan turishgach, ul zot ham turdilar. Keyin tashqariga chiqib Oisha onamizning hujralari eshigigacha yurib bordilar, men ham birga bordim. Soʻng, odamlar chiqib ketib boʻlgandur, deb oʻylab ortlariga qaytdilar, men ham birga qaytdim. Ammo, odamlar hanuz joylarida oʻltirishar erdi. Buni koʻrib izlariga qaytdilar-da, Oisha onamizning hujralari eshigigacha ikkinchi bor yurib bordilar, men ham birga bordim. Keyin, yana ortlariga qaytdilar, men ham birga qaytdim. Bu gal qaytganimizda odamlar chiqib ketishgan erdi. Janob Rasululloh ichkariga kirib oʻzlari birlan mening oʻrtamga hijob (parda) tashlab qoʻydilar. Shunda Olloh taolo «Hijob» oyatini nozil qildi».

AQIQA KITOBI

(«Aqiqa» — har bir chaqaloqning ona qornidalik vaqtida chiqqan sochi boʻlib, u chaqaloq tugʻilganiga bir hafta boʻlgan kuni olib tashlanadi. Shu munosabat birlan qurbonlik qilinadirgan jonligʻ ham «aqiqa» deb ataladi).

1-bob. Agar yangi tug'ilgan chaqaloqqa aqiqa qilinmasa, unga ism qo'yilib, tanglayi xurmo birlan ko'tarib qo'yiladi.

Abu Muso raziyallohu anhu rivoyat qiladilar: «Men oʻgil koʻrdim, soʻng uni Rasululloh sallallohu alayhi va sallamning huzurlariga olib bordim. Janob Rasululloh unga «Ibrohim» deb ism qoʻyib, tanglayini xurmo birlan koʻtarib qoʻydilar, keyin Olloh taolodan xayru barakot talab qildilar-da, menga qaytarib berdilar». Bu Abu Musoning toʻngich farzandi erdi.

Oisha raziyallohu anho rivoyat qiladilar: «Bir chaqaloqni Rasululloh sallallohu alayhi va sallamning huzurlariga xurmo birlan tanglayini koʻtarib qoʻysinlar, deb olib kelishdi. Shunda chaqaloq Janob Rasulullohning kiyimlariga siyib qoʻyib erdi, siydik ustidan suv quyib yubordilar».

Asmo binti Abu Bakr raziyallohu anho rivoyat qiladilar: «Men (Abdulloh ibn Zubayrga homiladorlik vaqtimda) oy-kunim yaqinlashib qolganligiga qaramay, (Makkadan) yoʻlga chiqib Madinaga yetib bordim, soʻng Quboda tushib, oʻsha yerda koʻzim yoridi. Keyin, bolamni olib Rasululloh sallallohu alayhi va sallamning huzurlariga bordim-da, uni tizzalariga qoʻydim. Janob Rasululloh xurmo keltirmoqni amr qildilar, soʻng uni chaynab bolamning ogʻziga tupurib qoʻydilar. Bolamning ogʻziga birinchi boʻlib, Rasululloh sallallohu alayhi va sallamning muborak tupuklari kirdi Keyin, ul zot bolamning tanglayini chaynalgan xurmo birlan koʻtarib, unga xayru barakot tilab duo qildilar. Mening farzandim islomda tugʻilgan dastlabki bola boʻlib, uning dunyoga kelganidan barcha musulmonlar behad xursand boʻlishdi, chunki gʻanimlar ularga «Yahudiylar sizlarni sihrlab qoʻygan, sizlar endi farzand koʻrmaysizlar!» — deb aytishgan erdi».

Anas ibn Molik raziyallohu anhu rivoyat qiladilar: «Abu Talhaning oʻgʻilchalari betob yotgan erdi. Abu Talha uylaridan ko'chaga chiqishlari birlanoq u vafot etib qoldi. Abu Talha uylariga qaytib kelib, xotinlariga «Ugʻlimning ahvoli nechuk?»—dedilar. Xotinlari Ummu Sulaym «Ilgarigidek orom olib yotibdi»,— dedilar-da, Abu Talhaga kechki ovqatni keltirdilar. Abu Talha ovqatlanib bo'lib, xotinlarini jimo' qildilar. G'usuldan so'ng, xotinlari «Bolani dafn qilingiz!» —dedilar. Tong otgach, Abu Talha Rasululloh sallallohu alayhi va sallamning huzurlariga borib, bo'lgan voqeani aytib berdilar. Shunda ul zot: «Kechasi jimo' qilishdingizmi!»—dedilar. Abu Talha «Ha»,— dedilar. Ul zot: «Yo parvardigoro, bu ikkalasining tunini barakotli qilib, ularga o'g'il ato etgaysan!»—deb duo qildilar. Abu Talha (o'g'il ko'rganlarida) menga: «Ug'limni Janob Rasulullohning huzurlariga borguningcha ehtiyotlab ko'tarib ol!» — dedilar. Keyin, Abu Talha o'zlari ham men birlan birgalashib Janob Rasulullohning huzurlariga bordilar. Abu Talhaning xotinlari go'dakning yoʻrgagiga biroz xurmo solib qoʻygan erdilar. Janob Rasululloh qoʻdakni qoʻllariga olib: «Buning yoʻrgagi ichida biror narsa bormi?» — dedilar. Biz «Ha, biroz xurmo bor», dedik. So'ng, Janob Rasululloh bir dona xurmoni chaynab, uni og'izlaridan oldilar-da, go'dakning og'ziga solib tanglayini ko'tardilar, keyin unga «Abdulloh» deb ism qo'ydilar».

2-bob Aqiqa vaqtida (o'g'il) bola sochining (yoki jinsiy a'zosidagi xatna qilinadirgan terining) olib tashlanmogi haqida

Salmon ibn Omir rivoyat qiladilar: «Men Rasululloh sallallohu alayhi va sallamning «Ugʻil bolaning aqiqasi uning oʻzi birlan birga boʻlib, keyin uni qon oqizib olib tashlangiz.lar!»— deb aytganlarini eshitdim» (Ya'ni, «Ugʻil bola olatidagi xatna qilinadirgan teri tugʻilish vaqtida unga hamroh boʻlib, keyin uni xatna qilib olib tashlangizlar!»)

3-bob Tuyaning dastlabki tuqqan bolasini butga qurbonlik qilmoq haqida

Abu Hurayra rivoyat qiladilar: «Rasululloh sallallohu alayhi va sallam «Tuyaning dastlabki bolasini butga atab soʻymoq hamda rajab oyining birinchi oʻn kunligida jonligʻ qurbonlik qilmoq ta'qiqlanadi!»— dedilar (ya'ni, johiliyat davrida, islomdan avval shunday qilishgan)

4-bob Rajab oyining birinchi o'n kunligida jonlig' qurbonlik qilmoq haqida

Bu yerda yuqoridagi hadis takroran keltirilgan

QURBONLIK, OV VA OVGA TASMIYA AYTMOQ HAQIDA KITOB

Olloh taoloyaing qavli: «Harom qilindi sizlarga oʻzi oʻlgan jonivor va qon va toʻngʻiz goʻshti va ul jonivoriki, unga Ollohdan boshqaning nomi aytilsa va boʻgʻilib oʻlgan jonivor va urilib oʻlgan jonivor va balandlikdan yiqilib oʻlgan jonivor va suzib oʻldirilgan jonivor va darranda yeb (tishlab) oʻldirgan jonivor, magar halol qilib olganlaringiz (ochliqdan nochor qolsangiz, shari'at yoʻli birlan soʻyilmagan jonivor goʻshtidan oʻlmay qoladirgan miqdorda iste'mol qilsangiz boʻlur) va jonivoriki, soʻyilur Ka'badan boshqa ibodatxonalar uchun va taqsim qilmoqlaringiz qimor oʻqlari ila (johiliyat davridagi odamlar oʻz qismatlarini sinashda qoʻllagan ikki tomoni uchlik va oʻrta qismi yoʻgʻon tayoq boʻlib, undan ovda ham foydalanganlar), bu hammasi gunoxdur, bugun noumid boʻldilar kofirlar sizlarning dinlaringizdan, endi sizlar ulardan qoʻrqmanglar va mendan qoʻrqinglar!».

Olloh taoloning qavli: «Ey mo'minlar, albatta Olloh taolo sizlarni qo'llaringiz va nayzalaringiz kasb etib turgan bir kichik ov jonivori ila (ham) imtihon qilurki, toki bilsin Olloh taolo kim ko'rmay turib undan qo'rqur va kimiki bundan keyin haddan oshsa, bordur unga dardli azob!».

Olloh taoloning qavli: «Halol qilindi sizlar uchun o'txo'r hayvonlar» («endi sizlar ulardan qo'rqmanglar va mendan qo'rqinglar!» degan qavligacha, «Al-Moida» surasi).

Adiy ibn Hotim raziyallohu anhu rivoyat qiladilar: «Men Rasululloh sallallohu alayhi va sallamdan mi'roz birlan ov qilmoq haqida soʻradim («Mi'roz» — koʻpincha bir tarafiga temir uchlik oʻrnatiladirgan ogir yogoch yoki kaltak boʻlib, ba'zilar uni «Ikki uchi oʻtkir va oʻrta qismi yoʻgon paqiz nayza boʻlgan»,— deyishadi. Johiliyat ahli uning ila oʻz qismatlarini sinaganlar. Ov vaqtida ersa uning uchlik tomoni qolib, yon tomoni birlan hayvonni urib oʻldirganlar) Janob Rasululloh «Uning uchi birlan jarohat yetkazilgan jonivorni yeyaver, uning yon tomoni birlan jarohat yetkazilgan jonivor ersa urib oʻldirilgandur (harom oʻlgandur)»,— dedilar. Keyin, ul zotdan tozi birlan ov qilmoq haqida soʻradim. Ul zot «Agar iting oʻljani tutib olgan boʻlsa-yu, itingning yonida yana boshqa bir itning turganini koʻrib, «Itimning oʻljasini u tortib olmasaydi!» — deb qoʻrqsang va oʻsha begona it sen oʻylagandek oʻljani tortib olib, oʻldirib quysa, uni yemagil, chunki sen oʻz itingga tasmiya («Bismilloh») aytgansan, begona itga aytmagansan» — dedilar»

1-bob Mi'roz birlai ov qilmoq xaqida

Ibn Umar bunduqa (kesak, loydan yasab quritilgan soqqa) birlan oʻldirilgan jonivor haqida: «U urib oʻldirilgandur» — deb, bunduqa birlan ov qilmoqni rad qiladilar. Bunduqa birlan ov qilmoqni Solim, Qosim, Mujohid, Ibrohim, Ato va Hasan ham rad qiladilar. Hasan qishloq va shaharlarda bunduqa otmoqni rad qilib, bundan boʻlak joylarda bunduqa oqa, zarari yoʻq, deb hisoblaydilar.

Adiy ibn Hotim raziyallohu anhu rivoyat qiladilar: «Men Rasululloh sallallohu alayhi va sallamdan mi'roz birlan ov qilmoq haqida soʻradim: Janob Rasululloh «Agar jonivorni uning oʻtkir tomoni birlan (sanchib) jarohatlagan boʻlsang, yeyaver, agar jonivor uning yoʻgon (yon) tomoni birlan urib oʻldirilgan boʻlsa, ul holda u urib oʻldirilgan boʻlib, yemagil!» — dedilar. Men «Agar itimni oʻzim ovga qoʻyib borsam-chi'»— dedim. Janob

Rasululloh «Agar itingni oʻzing ovga qoʻyib yuborsang va tasmiya (Bismilloh) ayqang, u tutgan jonivorni yeyaver!»—dedilar. Men: «Agar jonivorni (biroz) yegan (tishlagan) boʻlsa-chi»—dedim. Janob Rasululloh «Ul holda yemagil, chunki iting uni sening uchun ermas, oʻzi uchun tutgandur!» — dedilar. Men «Men itimni ovga quyib yuborsam-u, uning birlan bir begona itning ham turganini koʻrsamchi?» — dedim. Janob Rasululloh «Ul holda tutilgan jonivorni yemagil, chunki sen oʻzingning itingga tasmiya aytgansan, begona itqa ermas!» — dedilar».

2-bob Mi'rozning yo'g'on (yon) tomoni birlan jarohatlangan jonivor haqida

Adiy ibn Hotim raziyallohu anhu rivoyat qiladilar: «Yo Rasulalloh, biz (ovga) oʻrgatilgan itni ovga qoʻyib boramiz, (bu haqda ne deysiz)?»—dedim. Janob Rasululloh «Senga tutib kelgan jonivorni yeyaver!» — dedilar Men. «It uni oʻldirib qoʻygan boʻlsa hammi?» — dedim. Janob Rasululloh «Uldirib qoʻygan boʻlsa ham!» — dedilar. Men «Biz mi'roz birlan ov qilsakchi?» — dedim. Janob Rasululloh «Utkir tomoni birlan sanchib jarohatlangan jonivorni yeyaver agar yoʻgon (yon) tomoni birlan urilgan bulsa, yema!» — dedilar».

3-bob Kamon birlan ov qilmoq xususida

.Hasan va Ibrohim: «Agar jonivorni otganida uning qoʻli yoki oyogi tanasidan ajralib keqa, oʻsha ajralib ketgan qismi yeyilmaydi, qolgan qismi yeyilaveradi»,— deyishadi.

Ibrohim «Agar jonivorning bo'yni yoki beliga otgan bo'lsang uni yeyaver!»— deydilar.

A'mash Zayddan naql qilib bunday deydilar: «Abdullohning xonadoniga mansub bir kishining quloni (egasiga) qaysarlik qilib bo'isinmay qo'idi. Shunda o'sha kishi odamlarga «Qulonning duch kelgan yeriga uringizlar, uning tanasidan nimaiki uzilib tushsa, yemangizlar, qolganini yeyaveringizlar!» — deb amr qildi».

Abu Sa'laba rivoyat qiladilar: «Yo Rasulalloh, biz (hozir) ahli kitoblardan boʻlmish bir qavmning yerida turibmiz, ularning idishlarida ovqat yesak boʻlurmu? Shuningdek, ularning ov qiladirgan yerida kamonim hamda ovga oʻrgatilmagan va oʻrgatilgan itim birlan ov qilsam, mening uchun durust boʻlurmu?» — dedim. Janob Rasululloh: «Ammo, ahli kitoblar xususida eslatib juda yaxshi qilding! Agar ularning idishlaridan boʻlak idish topsangizlar, ularning idishlarida ovqat yemangizlar, agar topmasangizlar, ul holda ularning idishlarini yuvib, soʻng unda ovqat yengizlar! «Bismilloh!» deb kamoning birlan ovlagan jonivorni yeyaver! «Bismilloh!» deb ovga oʻrgatilgan iting birlan ovlagan jonivorni ham yeyaver! Ovga oʻrgatilmagan iting birlan ovlagan jonivorni ham, itingdan tortib ololsang, yeyaver!» — dedilar».

4-bob. Tosh va kesak (guvalak) otmog haqida

Abdulloh ibn Burayda rivoyat qiladilar: «Abdulloh ibn Mugaffal (tosh yoki kesak) otayotgan bir kishini koʻrib, unga: «Otma, chunki Janob Rasululloh (tosh yoki kesak) otmoqdan qaytarib, «(Tosh yoki kesak) otib ov ham qilib boʻlmaydi, dushmanni yengib ham boʻlmaydi. Lekin, (tosh yoki kesak) tishni sindirib, koʻzni chiqaradi!» deb aytgandurlar»,— dedi. Soʻng, Abdulloh boyagi kishining shuncha gapdan keyin ham (tosh yoki kesak) otayotganini koʻrib, unga. «Men senga Janob Rasulullohning (tosh yoki kesak) otmoqdan qaytarganlarini aytib turibman-u, sen boʻlsang oʻz bilganingdan

qolmay, hanuz otayotirsan. Endi, senyo birlan sira ham gaplashmaganim boʻlsin!» — dedi».

5-bob. Kimki tozi bo'lmagan (yoki ovga o'rgatilmagan) itni boqsa, (har kungi qilgan amali solihlariga tegadirgan savoblarning ikki qiyrotini yo'qotadi!)»

Ibn Umar raziyallohu anhu rivoyat qiladilar: «Rasululloh sallallohu alayhi va sallam: «Kimki tozi boʻlmagan (yoki ovga oʻrgatilmagan) itni boqsa, har kungi qilgan amali solihlariga tegadirgan savoblarning ikki qiyrotini yoʻqotadi!» — dedilar»

Solim Abdulloh ibn Umardan naql qiladilar: «Men Rasululloh sallallohu alayhi va sallamning: «Kimki ovga oʻrgatilmagan (yoki tozi boʻlmagan) itni boqsa, har kungi oladirgan savobining ikki qiyrotini yoʻqotadi!» — deb aytganlarini eshitdim».

Nofi' Abdulloh ibn Umardan naql qiladilar: «Rasululloh sallallohu alayhi va sallam: «Kimki tozi boʻlmagan (yoki ovga oʻrgatilmagan) itni boqsa, har kungi amali solihlari uchun tegadirgan savoblarning ikki qiyrotini yoʻqotadi!» — dedilar».

6-bob. Agar it (o'ljani) yegan bo'lsa...

Olloh taoloning qavli: «(Ey Muhammad sallallohu alayhi va sallam!) Sizdan soʻrarlarki, qaysi jonivor ular uchun haloldur? Siz aytingizki, sizlarga har bir halol jonivor haloldur va ovchi jonivorlar ovlari hamki, sizlar ularni (ovga) oʻrgatdingizlar, qoʻyib yuborursizlar ovga, ta'lim berursizlar ularga Olloh sizlarga ta'lim bergan tariqada. Bas, yenglar ular sizlar uchun tutgan ovdan va Olloh taolo nomin tilga olinglar ularni (ovga) qoʻyib yuborishda va qoʻrqinglar Olloh taolodan, batahqiq Olloh taolo tez hisob-kitob qilguvchi zotdur!».

Ibn Abbos: «Agar it (oʻljani) yegan (tishlagan) boʻlsa, uni harom qilgan boʻlur, zero u uni oʻzi uchun tutgan boʻlib, Olloh taolo: «... ta'lim berursizlar ularga Olloh sizlarga ta'lim bergan tariqada» —deb aytadi. Shunga koʻra, sizlar itni urib, toki aytganingizni qiladirgan boʻlgunicha, unga ta'lim berasizlar»,— deydilar. Ibn Umar ham it tishlagan (egan) ovni harom, deb hisoblaydilar. Ato ersalar: «Agar it oʻljaning qonini ichib, oʻzini tishlamagan boʻlsa, uni yeyaver!» — deydilar.

Adiy ibn Hotim rivoyat qiladilar: «Men Rasululloh sallallohu alayhi va sallamga savol berib: «Biz it birlan ov qilguvchi bir qavmdurmiz, (shul xususida ne dersiz?)» — dedim. Ul zot: «Agar ovga oʻrgatilgan itingni qoʻyib yuborsang-u, Olloh taoloning ismini tilga olgan boʻlsang, oʻzingga tutib bergan jonivorni yeyaver! Basharti, it jonivorni oʻldirib qoʻygan boʻlsa, ul holda uni itning oʻzi yeydi, chunki u uni oʻzi uchun tutgandur. Agar ovga qoʻyib yuborgan iting birlan begona itning turganini koʻrsang, tutgan oʻljasini yemagil!» — dedilar».

7-bob. Otilgan jonivorni yo'qotib qo'yib, ikki-uch kundan keyin topsa...

Adiy ibn Hotim raziyallohu anhu rivoyat qiladilar: «Rasululloh sallallohu alayhi va sallam bunday deb aytdilar: «Agar itingni ovga qoʻyib yuborayotib tasmiya aytgan boʻlsang-u, u oʻljani tutib oʻldirib qoʻysa, yeyaver! Agar oʻljani yegan boʻlsa, yema, chunki u uni oʻzi uchun tutgandur. Basharti, iting tasmiya aytilmagan bir begona it birlan birgalikda oʻljani

ushlab oʻldirib qoʻygan boʻlsa, yema, chunki sen ulardan qaysi biri uni oʻldirganligini bilmaysan. Agar sen bir oʻljani otgach, uni (yoʻqotib qoʻyib) bir-ikki kundan soʻng topsang-u, uning badanida sen otgan oʻq izidan boʻlak iz boʻlmasa, yeyaver! Agar u suvga tushgan boʻlsa, yema!».

Omir Adiy ibn Hotimdan naql qiladilar: «Adiy ibn Hotim Janob Rasulullohga: «Bir kishi oʻljani otgach, uni ikki-uch kun izlab, soʻng oʻlik holda topsa-yu oʻzi otgan oʻqning uning badaniga sanchilib turganini koʻrsa, ne qilgay?» — dedi. Janob Rasululloh: «Inshoolloh, yegay!» — dedilar».

8-bob. Agar kishi ov (o'lja) yonida begona itning turganini ko'rsa...

Adiy ibn Hotim rivoyat qiladilar: «Yo Rasulalloh, men itimni tasmiya aytib ovga qoʻyib yuboraman, shul xususda ne deysiz?»—dedim. Janob Rasululloh: «Agar itingni tas-miya aytib ovga qoʻyib yuborsang-u, u oʻljani tutib oʻldirib yesa, yemagil, chunki u uni oʻzi uchun tutgandur!» — dedilar. «Agar men itimni ovga qoʻyib yuborsam-u, keyin uning yonida begona itning turganini koʻrsam va ulardan qaysi birining oʻljani tutganini bilmasam-chi?» —dedim. Janob Rasululloh: «Uni yemagil, chunki sen oʻz itingga tasmiya aytgansan, begona itga aytmagansan!»—dedilar. Soʻng, men mi'roz birlan ov qilmoq haqida soʻradim. Janob Rasululloh: «Agar uning oʻtkir (uchli) tomoni birlan jarohatlagan boʻlsang, yeyaver va agar uning yugʻon (yon) tomoni birlan (urib) oʻldirgan boʻlsang, u urib oʻldirilgan boʻlib, uni yemagil!» — dedilar».

9-bob. Ovchilik qilib kun ko'rmoq xususidagi hadislar

Adiy ibn Hotim raziyallohu anhu rivoyat qiladilar: «Yo Rasulalloh, biz manavi itlar birlan ovchilik qilib kun kechiruvchi bir qavmmiz, shul xususda fikringiz qanday?» — dedim. Janob Rasululloh bunday dedilar: «Agar oʻrgatilgan itingni tasmiya aytib ovga qoʻyib yuborsang, u senga tutib bergan oʻljani yeyaver! Agar iting oʻljadan yegan boʻlsa, yemagil, chunki men u uni oʻzi uchun tutgan boʻlishi kerak, degan xavotirdaman. Basharti itingga begona it qoʻshilib qolgan boʻlsa (ham), yemagil!»

Abu Sa'laba raziyallohu anhu rivoyat qiladilar: «Men Rasululloh sallallohu alayhi va sallamning huzurlariga borib: «Yo Rasulalloh! Biz (hozir) ahli kitoblardan boʻlmish bir qavmning yerida turibmiz, ularning idishida ovqat yeymiz va men ular ov qiladirgan joylarda kamonim hamda ovga oʻrgatilgan va oʻrgatilmagan itlarim birlan ov qilaman»,—dedim. Janob Rasululloh bul xususda bizga nimalar halol qilinganligini aytgach, bunday dedilar: «Ammo, ahli kitoblardan boʻlmish bir qavm yerida erkaningni eslab yaxshi ish qilding! Ularning idishida ovqat yeyishing xususiga kelsak, agar boʻlak idish topsangizlar, ularning idishida ovqat yemangizlar, agar topmasangizlar, ul holda ularning idishini yuvib tashlab, soʻng unda ovqat yengizlar! Ammo, ahli kitoblardan boʻlmish bir qavm ov qiladirgan yerda erkanligingni eslab ham yaxshi ish qilding! Kamoning birlan nimaiki ovlasang, avval Olloh taoloning ismini zikr qilib, soʻng yegil! Ovga oʻrgatilgan iting birlan (ham) nimaiki ovlasang, avval Olloh taoloning ismini yod etib, soʻng yegil! Ovga oʻrgatilmagan iting birlan ovlagan oʻljangni ersa, agar uni itingdan ololsang, yeyaver!».

Anas ibn Molik raziyallohu anhu rivoyat qiladilar: «Biz Marrizahron degan yerda bir quyonni choʻchitib yubordik. Odamlar uni quva-quva charchashdi. Keyin, men uni quvib tutib oldim-da, Abu Talhaning oldiga olib bordim. Keyin, u quyonning bir qoʻli va ikki

oyog'ini Janob Rasulullohga ilinib yuborib erdi, ul zot oldilar».

Abu Qatodaning mavlolari rivoyat qiladilar: «Abu Qatoda Rasululloh sallallohu alayhi va sallam birlan birga Makka yoʻllaridan birida ketayotib, hamrohlari birlan ortda qolib ketdilar. Hamrohlari ehromda boʻlib, oʻzlari ehrom bogʻlamagan erdilar. Shunda Abu Qatoda bir qulonni koʻrib qolib, otlariga mindilar-da, hamrohlaridan qamchilarini olib bermoqni iltimos qildilar, ular bosh tortishdi. Keyin, nayzalarini olib bermoqlarini iltimos qilgan erdilar, buni ham rad etishdi. Abu Qatoda oʻzlari otdan tushib qamchi va nayzalarini oldilar-da, qulon ustiga shitob birlan ot solib borib, nayza sanchib uni oʻldirdilar. Keyin, Janob Rasulullohning ayrim sahobalari qulon goʻshtidan yeyishdi, ba'zilari ersa yemoqdan bosh tortishdi. Soʻng, ular Janob Rasulullohga yetib olishgach, ul zotdan shul haqda soʻrashdi. Ul zot: «Bu sizlarga Olloh taolo ato etgan rizqdur!» — dedilar».

Ato ibn Yasor Abu Qatodadan naql qiladilarki, Janob Rasululloh oʻshanda: «Qulonning goʻshtidan menga ham biror boʻlak olib keldingizlarmi?» — deb aytgan erkanlar.

10-bob. Tog'larda ovchilik qilmoq haqida

Abu Qatoda rivoyat qiladilar: «Men Rasululloh sallallohu alayhi va sallam birlan birga Makka birlan Madina oraligidagi bir joyda ketayotgan erdim, ular ehrom bogʻlab olishgan erdi. Menga ersa ot minib yurish ruxsat etilgan bo'lib, tez-tez togga chiqib turar erdim. Bir mahal garasam, odamlar bir narsaga tikilib turishibdi, men ham borib o'sha tomonga ko'z tashlab bir qulon turganini ko'rdim. Men ularga: «Bu nima?»— dedim. Ular: «Bilmaymiz»—deyishdi. Men «Bu qulonku!» — dedim. Ular: «Nimani koʻrib turgan bo'lsang, o'sha!»—deyishdi. Keyin, men gulonni ovlamogchi bo'lib otimga mindim-u, lekin gamchini olishni unitibman. Men ularga «Qamchimni olib beringizlar!» — dedim. Ular: «Bu ishda senga yordam bera olmaymiz!» — deyishdi (chunki, ehrom kiygan odamning ov gilmog'i hamda ehrom kiymagan odamga ov xususida yordam bermog'i mumkin ermas) Keyin, men o'zim otdan tushib, qamchimni oldim-da, yana otimga minib qulonni quvib ketdim, so'ng unga yetib olib nayza sanchdim. Keyin, hamrohlarim oldiga kelib: «Turingizlar, gulonni olib kelingizlar!»—dedim. Ular «Unga go'l ham tekkizmaymiz!» — deyishdi. Shunda men o'zim borib qulonni olib keldim. Hamrohlarimning ba'zisi qulon go'shidan yedi, ba'zisi yomoqdan bosh tortdi. Men ularga «Janob Rasulullohni to'xtatib, sizlarga shul haqda so'rab bilib beraman» — dedim-da, ul zotga yetib olib, boʻlgan voqeani aytib berdim. Ul zot menga «Oulonning goʻshtidan menga ham olib qoʻydingizlarmi?» —dedilar. Men: «Ha» — dedim. Ul zot «Yeyaveringizlar, chunki u Olloh taolo sizlarga ato etgan rizgdur!» — dedilar».

11-bob Olloh taoloning «Dengiz jonivorlarini ovlamoq sizlar uchun halol qilindi!» degan qavli xususida.

Ibn Umar: «Suv jonivori ovlab olinsagina ov hisoblanib, otib olingan jonivornigina yeyish mumkin!» — deydilar.

Abu Bakr: «Suv betida qalqib turgan o'lik (suv) jonivori haloldur!» — deydilar.

Ibn Abbos «Ulik (suv) jonivorini, undan jirkanmasang, yeyaver! Ilonbaliqni yahudiylar yemaydilar, biz ersak yeyaveramiz»,— deydilar.

Shurayh: «Dengizdagi har bir jonivor — soʻyilgandur|» — deydilar (ya'ni, oʻzi islom yoʻli birlan soʻyilgan kabi haloldur)

Ato: «Ammo, qushni soʻyish lozim, deb hisoblayman» — deydilar

Ibn Jurayj bunday deydilar: «Daryolardagi va qoya toshlar oraligʻida toʻplanib qolgan sel suvidagi jonivorlarni ovlash shartlari dengiz jonivorlarini ovlash shartlari kabidurmi?» — deb Atodan soʻradim. Ato «Ha»,— dedi soʻng «Furot daryosining suvi chuchuk boʻlib, juda ichishlidir, dengizning suvi ersa, shoʻr boʻlib, ichingni kuydiradir, ammo har ikkalasidan ham yumshoq, lazzatli goʻsht olib yeysizlar!» degan mazmundagi bir she'rni oʻqidi».

Hasan alayhissalom hut (kit) terisidan qilingan egarga minganlar.

Sha'biy «Agar bola-chaqam suv baqasini yeganida erdi, ularni suv baqasi birlan boqqan bo'lur erdim!» — deydilar.

Hasan suv toshbaqasining go'shtini «beqiyos deb hisoblaganlar.

Ibn Abbos: «Dengizda ov qilmoqdan qoʻrquvchi kishi — nasroniy, yahudiy va majusiydur!» — deydilar

Jobir raziyallohu anhu rivoyat qiladilar: «Biz «Jayshulxabt» («Barg lashkari») Abu Ubayda qoʻmondonligida gʻazotga chiqdik (Yeguliklarimiz tugab qolib), juda och qoldik, (hattoki daraxglarning bargini ham yedik) Nogahon, dengiz toʻlqinlari bir oʻlik hut (kit)ni sohilga chiqarib tashladi. Bu hutning nomi «anbar» (kashalot) boʻlib, ilgari bu qadar bahaybat hutni koʻrmagan erdim. Biz uni yarim oy yedik Keyin, Abu Ubayda uning suyaklaridan birini olib tiklab erdi, uning ostidan tuya mingan kishi bemalol oʻtib ketdi».

Jobir raziyallohu anhu rivoyat qiladilar: «Rasululloh sallallohu alayhi va sallam biz uch yuz chogʻlik chavandozlarni gʻazotga joʻnatdilar, amirimiz Abu Ubayda boʻlib, Quraysh karvonini qoʻlga tushirmogʻimiz darkor erdi. Yoʻlda qattiq och qolib, hatto daraxtlarning bargini ham yedik. Shul boisdan ham bizning lashkarimiz «Barg lashkari deb ataldi. Keyin, dengiz toʻlqinlari «anbar» deb ataluvchi bir (oʻlik) hutni sohilga chiqarib tashladi, biz uni yarim oy yedik, uning yogʻini surib hatto jismimiz shifo topdi. Keyin, Abu Ubayda uning qobirgʻalaridan birini olib yerga oʻrnatib qoʻyib erdi, bir kishi tuya minib uning ostidan oʻtdi. Oramizda bir kishi boʻlib, ochlik qattiq qiynagan vaqtda uchta ulovni, keyin yana uchta ulovni, keyin yana uchta ulovni, soʻng Abu Ubayda uni bunday qilmoqdan qaytardi».

12-bob. Malah yemoq haqida

Ibn Abu Avfo raziyallohu anhu rivoyat qiladilar: «Biz Rasululloh sallallohu alayhi va sallam birlan yettita yoki oltita gʻazotda birga boʻldik. Shunda biz ul zot birlan birga malah yer erdik» (Ammo, Abu Dovudning rivoyatlarida Janob Rasululloh «Men malah yemayman ham, uni harom demayman ham!» — deb aytganlar).

13-bob Majusiylar tutgan idish hamda o'limtik haqida

Abu Sa'laba rivoyat qiladilar: «Men Janob Rasulullohning huzurlariga kelib «Yo Rasulalloh, biz (hozir) kitob ahlining yerida turibmiz, ular tutgan idishda ovqat yeyayotirmiz hamda men ularning shikorgohida kamonim, oʻrgatilgan va oʻrgatilmagan itlarim birlan ov qilayotirman, shu haqda ne deysiz?» — dedim. Janob Rasululloh «Ahli kitob yerida erkanligingni eslab yaxshi ish qilding! Boʻlak idish topsangizlar, ularning idishida ovqat yemangizlar, boʻlak idish topmasangizlar, ul holda ularning idishini yuvib tashlab, soʻng unda ovqat yengizlar! Ahli kitob shikorgohida erkanligingni eslab ham yaxshi ish qilding! Kamoning birlan nimayki ovlasang, Olloh taoloning ismini zikr qilib yeyaver! Urgatilgan iting birlan ovlagan jonivorni ham Olloh taoloning ismini zikr qilib yeyaver! Ammo, oʻrgatilmagan iting birlan ovlagan jonivorni, agar uni undan ololsang, yeyaver!»—dedilar».

Salama ibi al-Akva' rivoyat qiladilar: «Xaybar fath (zabt) qilingan kuni kechqurun musulmonlar koʻplab gulxan yoqishdi. Janob Rasululloh buni koʻrib «Bu gulxanlar ne uchun yoqildi?» — dedilar. «Xonaki eshaklar goʻshtini pishirmoq uchun»,— deyishdi. Janob Rasululloh «Qozonlardagi goʻshtlarni agʻdarib, soʻng qozonlarni sindirib tashlangizlar!»— dedilar. Shunda bir kishi oʻrnidan turib: «Goʻshtlarni agʻdarib, qozonlarni yuvib tashlab qoʻyaqolayilikda?!»—dedi. Janob Rasululloh: «Yoki shunday qilingizlar!» — dedilar»

14-bob So'yiladirgan jonliqqa tasmiya (Bismillohi, Ollohu akbar!) aytmoq hamda ataylab tasmiya aytmagan shaxs xususida

Ibn Abbos «Kimki soʻyiladirgan jonliqqa tasmiya aytmoqni unutib qoʻysa hechqisi yoʻq,—deydilar

Olloh taoloning qavli: «Ollohning nomi zikr qilinmagan jonliq goʻshtidan yemangizlar, chunki uni yemoqlik gunohdur!» (Tasmiya atishni unutgan kishi fosiq deyilmaydi).

Olloh taoloning qavli: «Va albatta shaytonlar oʻz doʻstlariga vasvasa qilurlar toki ular sizlar ila janjal qilsinlar va agar sizlar ularga itoat qilsangizlar, albatta sizlar mushrik boʻlursizlar!»

Rofi' ibn Xadij rivoyat qiladilar: «Biz Rasululloh sallallohu alayhi va sallam birlan birga Zulhulayfada erdik. Odamlar och qolib, bir tuya birlan bir qoʻyni soʻydik. Shunda Janob Rasululloh bizdan orqaroqda kelayotgan erdilar. Odamlar oʻchoq qilib, qozonlarni oʻrnata boshlashdi. Janob Rasululloh ularning oldiga yetib kelib, qozonlarni agʻdarib tashlashni amr qildilar, qozonlar agʻdarib tashlandi. Soʻng, oʻnta qoʻyni bir guruh odamlarga taqsimlab, qolganlarga oʻnta qoʻy hisobida bir tuya ajratdilar. Keyin, boyagi tuya qochib ketdi. Qavmda bir kichik poda boʻlib, odamlar uni oʻshaning orasidan izlab topishdi, lekin uni tutolmay toza charchashdi. Shunda bir kishi tuyaga nayza otib erdi, uning joni Ollohning dargohiga ravona boʻldi. Janob Rasululloh «Bu jonivorlarda vahshiy hayvonlarda boʻlgani kabi yovvoyilik mavjuddur, qaysi bir hayvon sizga shu qiligʻni qilsa, hozirgidek ish tutingizlar!» — dedilar».

15-bob Ka'ba yoniga o'rnatilgan toshga hamda butga atab qurbon qilingan jonlig' haqida

Abdulloh rivoyat qiladilar: «Rasululloh sallallohu alayhi va sallam Baldah degan joyning quyi tomonida Zayd ibn Amrni uchratdilar. Bu voqea Janob Rasulullohga hali vahiy nozil boʻlmagan kezlarda sodir boʻlgan erdi. Shunda Zayd ul zotga bir dasturxonda goʻsht keltirdi. Ul zot uni yeyishdan bosh tortib: «Men oʻz butlaringizga atab qurbon qilgan jonligʻingiz goʻshtidan yemagayman, men faqat Ollohning nomi zikr qilinib soʻyilgan jonligʻ goʻshtidan yegayman!» — dedilar».

16-bob Janob Rasulullohning: «Olloh taoloning ismini aytib soʻysin!» — deganlari haqida

Jundub ibn Sufyon rivoyat qiladilar: «Biz Janob Rasululloh birlan birga qurbon hayiti kuni koʻplab jonligʻ qurbon qildik. Ushanda koʻpchilik odamlar jonligʻlarini hayit namozidan ilgari soʻyib quyishdi. Namozdan qaytgach, Janob Rasululloh ularning oʻz jonligʻlarini namozdan ilgari soʻyib qoʻyishganini koʻrib: «Kimki namozdan ilgari suygan boʻlsa, oʻrniga boshqasini soʻysin, kimki namoz oʻqib boʻlgunimizga qadar soʻymagan boʻlsa, Olloh taoloning ismini aytib soʻysin!»—dedilar».

17-bob. Qamish, chaqmoqtosh va temir birlan so'yilgan jonlig' haqida

Ibn Ka'b ibn Molik otalaridan naql qiladilar: «Ularning bir choʻrisi boʻlib, u Sal' degan togda qoʻy boqar erdi. Bir kuni qarasa, qoʻylaridan biri oʻlar holatda yotibdi. Shunda u bir toshni sindirib oʻsha qoʻyni soʻydi. Ibn Ka'bning otalari: «Uni yemangizlar!«— deb oilalariga aytdilar-da, Janob Rasulullohning huzurlariga borib shul xususda soʻradilar. Janob Rasululloh oʻsha qoʻyni yemoqni amr qildilar»

Bu yerda yuqoridagi hadis takroran keltirilgan. Sa'id ibn Masruq rivoyat qiladilar: «Aboya ibn Rofi'ning bobolari «Yo Rasulalloh, bizning pichogimiz yo'q!» — dedilar. Janob Rasululloh «Qoni oqizilib, Olloh taoloning ismi zikr qilingan jonlig'ni yeyaver, tirnoq va suyak (tish) birlan qon chiqarilmagan bo'lsa, bo'ldi!» — dedilar».

18-bob Ayol va cho'ri so'ygan jonlig' haqida.

Bu yerda Ibn Ka'b ibn Molikning otalari rivoyat qilgan hadis takroran keltirilgan

19-bob. Tish, suyak va tirnoq birlan so'yilmaydi!

Rofi' ibn Xadij rivoyat qiladilar: «Rasululloh sallallohu alayhi va sallam «Tish (suyak) va tirnoqdan bo'lak narsa birlan so'yilgan (qoni oqizilgan) jonligni yeyaver!» — dedilar»

20-bob Badaviylar va shularga o'xshash kishilar so'ygan jonlig' haqida

Oisha raziyallohu anho rivoyat qiladilar: «Bir qavm Janob Rasulullohga «Bizga bir qavm goʻsht olib keladi, ammo ular jonligni Olloh taoloning ismini zikr qilib soʻyganlarmi yoki yoʻqmi, biz bilmaymiz!» — dedi. Janob Rasululloh «Ular keltirgan goʻshtni oʻzlaringiz Olloh taoloning ismini zikr qilib yeyaveringizlar!» — dedilar. Bizga goʻsht olib keluvchilar kofirlikdan qaytib endigina musulmon boʻlgan (badaviylar) erdi»

21-bob Urush va boshqa soha kishilaridan boʻlmish kitob ahli soʻygan jonligʻlar goʻshti va yogʻi haqida

Olloh taoloning qavli: «Bugun sizlar uchun pokiza narsalar halol qilindi va kitobiylarning taomlari sizlarga haloldur va sizlarning taomlaringiz ularga haloldur!».

Zuhriy: «Nasroniy arablar soʻygan jonligʻ goʻshtini yesangiz, zarari yoʻqdur va agar ularning jonligʻ soʻyayotganlarida Olloh taolodan boʻlak tangrining nomini zikr qilganlarini eshiqangiz, yemangiz, basharti eshitmagan boʻlsangiz ul holda Olloh taolo ularning kofir erkanliklarini bilgan holda uni halol qilgandur!» — deydilar.

Hasan va Ibrohim «Xatna qilinmagan kishi soʻygan jonligʻ goʻshtini yesa, hechqisi yoʻq!» — deyishadi.

Ibn Abbos «(Oyatdagi) «taomlari» degan soʻz— «soʻygan jonligʻlari» demakdur», — deydilar

Abdulloh ibn Mugaffal raziyallohu anhu rivoyat qiladilar: «Biz Xaybar qal'asini qamal qilib turgan erdik, bir kishi bir xalta yogʻ tashladi. Men uni olaman, deb intilgan erdim, qarasam yonginamda Janob Rasululloh turibdilar, shunda ul zotdan uyalib ketdim»

22-bob Qochib ketgan mol vahshiy (yovvoyi) hayvon o'rnidadur!

Ibn Mas'ud bunday molni (otib tutmoqqa) ijozat berganlar

Ibn Abbos «Qoʻlingdagi mol-hollardan qaysi biri (itoat etmay) seni holdan toydirsa, u ov hayvoni hisobidadur. Quduqqa qulab tushgan tuyani, agar uni tortib olishga kuching yeqa, soʻyib yubor!» — deydilar. Hazrat Ali, Ibn Umar va Oisha onamiz ham shunday deb hisoblashadi

Rofi' ibn Xadij rivoyat qiladilar «Yo Rasulalloh! Biz ertaga dushmanga ro'baro' bo'lamiz, (dushman bizni ko'p, deb o'ylamog'i uchun tunda ko'plab gulxanlar yoqib, ko'plab molhol so'ymog'imiz darkor), ammo bizning pichog'imiz yo'q»,— dedim. Janob Rasululloh «Tezdan biror narsa top! Tish (suyak) va tirnoqqan bo'lak narsa birlan Olloh taoloning nomi zikr qilinib qoni oqizilgan (so'yilgan) jonlig'ni yeyaver!»— dedilar. (Bir kuni) biz bir qancha tuya va qo'y o'lja olib erdik, tuyalardan biri qochib ketdi. Shunda bir kishi uni nayza otib .o'ldirdi. Janob Rasululloh «Bu tuyada vahshiy hayvonlarda bo'lgani kabi yovvoyilik mavjud erkan, agar biror tuyangiz sizga itoat qilmasa, uni ham hozirgidek ahvolga solingizlar!»— dedilar»

23-bob. Nahr va zabh xususida

Ibn Jurayj rivoyat qiladilar: «Ato «(Tuyadan boʻlak) jonligʻlarni qaeridan buyurilgan boʻlsa, oʻsha yeridan zabh qilmoq va tuyani ham qaeridan buyurilgan boʻlsa, oʻsha yeridan nahr qilmoq darkor!» — dedilar. Men «Zabx qilinadirgan jonligʻni nahr qilsam, joizmi?»—dedim. Ato «Ha! Sigirni Olloh taoloning ismini zikr qilib zabh qilmoq kerak, ammo nahr qilinadirgan jonligʻni zabh qilib quygan boʻlsang, joizdur. Men oʻzim nahr qilmoqni afzal koʻrurman Zabh ersa, boʻyin tomirlarini kesmoqlikdur»,— dedilar (ya'ni, tuyadan boʻlak jonligʻlar boʻynining bir xil yeridan soʻyilaveradi, tuya ersa avval yuragiga

tigʻ urilib holdan ketib yiqilgach, boʻinining muayyan yeridan boʻgʻizlanadi) Men «Boʻyin tomirlaridan soʻng, harom magʻiz ham qirqiladimi?» — dedim. Ato «Bunday deb oʻylamayman»,— dedilar. Keyin, Nofi' menga aytdilarki, Ibn Umar (ham) orqa miyani (harom magʻizni) qirqmoqdan qaytarib: «Suyakdan boʻlak narsalar qirqiladi, soʻng oʻlguniga qadar tashlab qoʻyiladi»,— degan erkanlar. Olloh taolo: «Vaqtiki dedi Muso oʻz qavmiga: «Olloh taolo hukm qilur sizlargaki, bir sigir soʻyinglar!» keyin ular uni (sigirni) soʻydilar, (aslida ersa) ular bunday qilmoqchi ermas erdilar»,— deydi».

Sa'id ibn Jubayr Ibn Abbosdan naql qilib: «Bo'g'iz va ko'krakning yuqori qismidan so'yiladi» — deydilar. Ibn Umar, Ibn Abbos va Anas «Agar kallasi qirqib yuborilsa, hechqisi yo'q» — deyishadi.

Asmo binti Abu Bakr raziyallohu anhumo: «Rasululloh sallallohu alayhi va sallamning davrlarida ot soʻyib yedik»,— deydilar. Bu yerda yuqoridagi hadis takroran keltirilgan.

24-bob. Jonivorlarga azob bermoq, ularni suvsiz, yeguliksiz qoldirib tutqunlikda ushlab turmoq makruhdur!

Hishom ibn Zayd rivoyat qiladilar: «Men Anas birlan birgalikda Hakam ibn Ayyubning huzuriga kirdim. Anas bir toʻda bolalarning bir tovuqni bogʻlab qoʻyib toshboʻron qilayotganlarini koʻrib: «Rasululloh sallallohu alayhi va sallam jonivorlarni ushlab olib (qiynamoqdan) qaytarganlar!»—dedilar».

Ishoq ibn Sa'id ibn Umar otalarining bunday deb aytganlarini eshitgan erkanlar: «Ibn Umar raziyallohu anhu Yahyo ibn Sa'idning huzuriga kirib, uning o'g'illaridan birining bir tovuqni bog'lab qo'yib toshburon qilayotganini ko'rdilar-da,tovuqning oldiga borib uni yechdilar. So'ng,tovuq birlan bolani olib Yahyoning oldiga keldilar-da: «Rasululloh sallallohu alayhi va sallam jonivorlarni tutib olib (qiynab) o'ldirmoqdan qaytarganlar!»—dedilar».

Sa'id ibn Jubayr rivoyat qiladilar: «Men Ibn Umarning huzurlarida erdim. Shunda bir bolaning (yoki bir necha bolalarning) bir tovuqni bog'lab quyib toshbo'ron qilayotganida yonidan o'tib qoldim. Ular Ibn Umarni ko'rib tovuqni tashlab qochishdi. Ibn Umar: «Kimki shunday qilsa Janob Rasululloh shunday qilgan kishini la'natlaganlar!» — dedilar».

Abdulloh ibn Yazid rivoyat qiladilar: Rasululloh sallallohu alayhi va sallam birovning molini oʻgʻirlamoqdan (tortib olmoqdan) hamda jonivorlarga azob bermoqdan qaytarganlar».

25-bob. Tovuqlar (uy parrandalari) xususida

Abu Muso al-Ash'ariy raziyalloohu anhu rivoyat qipadilar: «Men Rasululloh sallallohu alayhi va sallamning tovuq (parranda) go'shti yeyayotganlarini ko'rdim»

Zuhdum (Zahdam) rivoyat qiladilar: «Biz Abu Muso al-Ash'ariyning huzurida boʻldik. Biz birlan Jarm qabilasiga mansub bu mahalla ahli oʻrtasida aka-ukalarcha munosabat mavjud erdi. Ushanda Abu Muso dasturxonga tovuq goʻshtidan tayyorlangan taom keltirib qoʻydi. Ultirganlyar orasida bir afti-angori qizgʻish kishi ham boʻlib, u Abu Muso

keltirgan taomga hadeganda qo'l uzatavermadi. Shunda Abu Muso: «Ol, yegil! Men Janob Rasulullohning shunday taom yeganlarini koʻrganman»,— dedi. Boyagi kishi «Men tovugning bir narsani yeganini koʻrganman, shul boisdan ham men uning goʻshtidan hazar qilaman, tovuq qo'shti yemaslikka ont ichqanman!»—dedi. Abu Muso «Beri kel, men senga ont ichmog xususida bir hadis aytib berayin. Men bir necha ash'ariylar birlan birga Janob Rasulullohning huzurlariga borib erdim, garasam ul zot g'azabnok holda o'ltiribdilar-u, zakotga berilgan mollarni taqsim qilayotirlar. Biz ul zotdan yuk ortib, minib ketishimiz uchun ulov so'radik. Shunda ul zot ulov bera olmasliklarini aytib ont ichdilar-da: «Sizlarni mindirib yuboray desam, ulovim yoʻq!» — dedilar. Soʻng, Janob Rasulullohning huzurlariga o'lja olingan tuyalarni yetaklab kelib qolishdi. Janob Rasululloh: «Boyagi ash'ariylar qani? Boyagi ash'ariylar qani?»—dedilar. Keyin, Janob Rasululloh bizga beshta oq o'rkachli tuya berdilar. So'ng, biz unchalik uzoq yurmay to'xtadik, shunda men hamrohlarimga: «Janob Rasululloh boya ont ichganlarini unitdilar, Olloh taolo nomi birlan qasam ichamanki, agar biz tufayli ont ichganlarini unutgan bo'lsalar, endi sira ham omadimiz yurishmagay!» — dedim. Keyin, biz ul zotning huzurlariga qaytib borib: «Yo Rasulalloh! Biz boya sizdan ulov so'rab erdik, siz ont ichib ulov bera olmasligingizni (ulovingiz yoʻqligini) aytdingiz, akli zaifimizcha, siz ont ichganingizni unutgan koʻrinasiz»,—dedik. Ul zot: «Sizlarni tuyalarga mindirib yuborgan (sizlarga tuyalarni ato etgan) Olloh taolodur! Men ersam, inshoolloh, toki ilgarigi qasamimni kafforat berib halollab olmagunimga qadar, boshqa bir qasamni afzalroq koʻrib gasam ustiga gasam ichmagayman!» — dedilar».

26-bob. Ot go'shti haqida

Asmo raziyallohu anho rivoyat qiladilar: «Biz Rasululloh sallallohu alayhi va sallamning davrlarida ot so'yib, qo'shtini yedik».

Jobir ibn Abdulloh rivoyat qiladilar: «Rasululloh sallallohu alayhi va sallam Xaybar g`azoti kuni eshak go`shti yemoqdan qaytarib, ot go`shti yemoqqa ijozat berdilar».

27-bob. Xonaki eshaklar go'shti haqida

Ibn Umar raziyallohu anhu rivoyat qiladilar: «Rasululloh sallallohu alayhi va sallam Xaybar g`azoti kuni xonaki zshaklar go`shtini yemoqdan qaytardilar».

Abdulloh (ibn Umar) rivoyat qiladilar: «Rasululloh sallallohu alayhi va sallam xonaki eshaklar goʻshtini yemoqdan qaytardilar»

Hazrat Ali raziyallohu anhu rivoyat qiladilar: «Rasululloh sallallohu alayxi va sallam Xaybar gʻazoti kuni muvaqqat (siygʻa) nikohni bekor qilib, xonaki eshaklar goʻshtini yemoqdan qaytardilar».

Jobir ibn Abdulloh rivoyat qiladilar: «Rasululloh sallallohu alayhi va sallam Xaybar g`azoti kuni eshaklar qo`shtini yemokdan qaytarib, ot qo`shtini yemoqqa ruxsat berdilar».

Ibn Abu Avfo rivoyat qiladilar: «Rasululloh sallallohu alayhi va sallam eshaklar goʻshtini yemoqdan qaytardilar».

Abu Sa'laba rivoyat qiladilar: «Rasululloh sallallohu alayhi va sallam xonaki eshaklar

go'shtini harom, deb aytdilar».

Zuhriy rivoyat qiladilar: «Rasululloh sallallohu alayhi va sallam qoziq tishli barcha hayvonlar (sher, boʻri, tulki, ayiq, yoʻlbars, fil, maymun va boshqalar) goʻshtini yemoqdan qaytardilar».

Anas ibn Molik raziyallohu anhu rivoyat qiladilar: «Rasululloh sallallohu alayhi va sallamning qoshlariga bir kishi kelib: «Eshak goʻshti yedim»,— dedi, keyin yana bir kishi kelib: «Eshakni halok qildim (soʻydim)»,— dedi. Shunda ul zot jarchiga buyurdilar, u odamlarga: «Darhaqiqat, Olloh taolo va uning rasuli sizlarni xonaki eshaklar goʻshtini yemoqdan qaytarur, chunki eshak goʻshti iflosdur!» — deb e'lon qildi. Keyin, ichida eshak goʻshti qaynab turgan qozonlar agʻdarib tashlandi».

Sufyon raziyallohu anhu rivoyat qiladilar: «Amr bunday dedi: «Men Jobir ibn Zaydga: «Odamlarning ta'kidlashicha, Janob Rasululloh sallallohu alayhi va sallam xonaki eshaklar goʻshtini yemoqdan qaytargan emishlar»,— deb aytdim. Jobir: «Hakam ibn Amr Basrada bizga shunday deb yurgan erdi, ammo bu gapni Bahr ibn Abbos tasdiqlamadi-da, «Menga nozil qilingan vahiyda ta'qiq topmadim, deb aytgil!» deb qiroat qildi».

28-bob. Qoziq tishli barcha hayvonlar go'shtini yemaslik lozimligi haqida

Abu Sa'laba raziyallohu anhu rivoyat qiladilar: «Rasululloh sallallohu alayhi va sallam har qanday qoziq tishli hayvon go'shtini yemoqdan qaytardilar».

29-bob. O'limtik (harom o'lgan) hayvonlar terisi xususida

Abdulloh ibn Abbos raziyallohu anhu rivoyat qiladilar: «Rasululloh sallallohu alayhi va sallam bir harom oʻlgan qoʻy yonidan oʻtib ketayotib: «Uning terisidan foydalanmaysizlarmi?» — dedilar. «U harom oʻlgan-ku?!» — deyishdi. Janob Rasululloh: «Uning goʻshtini yemoqlik harom qilin-gan!» — dedilar».

Ibn Abbos raziyallohu anhu rivoyat qiladilar: «Rasululloh sallallohu alayhi va sallam bir harom o'lgan echki yonidan o'tib ketayotib: «Buning egalariga ne bo'lgan o'zi, terisidan foydalanishsa, bo'lmaydimi?!»—dedilar».

30-bob. Mushk haqida

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Olloh taolo yoʻlida jarohatlangan kishi qiyomat kuni jarohatidan qon oqib turgan holda (mahsharga) keladi. Rangi — qon rangi, hidi — mushk hidi boʻladir!» — dedilar».

Abu Muso raziyallohu anhu rivoyat qiladilar: «Rasululloh sallallohu alayhi va sallam: «Solih suhbatdosh birlan yomon suhbatdosh mushk tashuvchi kishi birlan oʻtda toblanayotgan temirga dam uruvchi kishiga oʻxshaydi. Mushk tashuvchi yo oʻzi senga mushkidan tuhfa qiladi yoki sen oʻzing uning mushkidan xarid qilasan yohud undan kelayotgan mushk hididan bahra olasan, temirga dam uruvchi kishi ersa yo kiyimingni kuydiradi yoki sen undan kelayotgan qoʻlansa hidni hidlaysan!» — dedilar».

31-bob. Quyon haqida

Anas raziyallohu anhu rivoyat qiladilar: «Biz Marrizahron degan yerda bir quyonni choʻchitib yubordik. Qavm uni quva-quva charchadi. Keyin, men uni tutib Abu Talhaning oldiga olib bordim. Ul kishi uni soʻyib, ikki qoʻlini (yoki ikki sonini) Janob Rasulullohga yuborib erdi, oldilar».

32-bob. Kaltakesak haqida

Ibi Umar raziyallohu anhu rivoyat qiladilar: «Rasululloh sallallohu alayhi va sallam kaltakesak haqida: «Men uni yemayman ham, harom demayman ham!» — dedilar».

Abdulloh; ibn Abbos raziyallohu anhu rivoyat qiladilar: «Xolid ibn Valid Janob Rasululloh birlan birga Maymunaning uyiga kirdi. Shunda ul zotning oldilariga qovurilgan kaltakesaklarni keltirib qoʻyishdi. Ul zot yeyman deb qoʻl uzatganlarida xotinlardan biri. «Nimani yemoqchi boʻlganlarini ul zotga aytingizlar!» — dedi. Xotinlar: «Bu kaltakesakdur, yo Rasulalloh!» — deyishdi. Janob Rasululloh qoʻllarini tortdilar. Xolid bunday deydilar: «Men: «Kaltakesak harommi yo Rasulalloh!» — dedim. Ul zot: «Yoʻq, lekin yer yuzida kaltakesakdan jirkanmaydirgan birorta ham qavmim yoʻqdur, men ham undan jirkanaman!» — dedilar. Keyin, men ul zotning koʻz oldilarida kaltakesakdan olib chaynab-chaynab yedim».

33-bob. Quyuq (qotgan) yoqqa sichqon tushib qolsa?

Maymuna raziyallohu anho rivoyat qiladilar: «Yoqqa sichqon tushib oʻlib qoldi. Keyin, Janob Rasulullohdan shul haqda soʻraldi. Ul zot: «Sichqonni va yogʻning sichqon tushgan yerini olib tashlab, yeyaveringizlar!» — dedilar».

Yunus raziyallohu anhu rivoyat qiladilar: «Qotgan yoki quyuq yoqqa tushib oʻlib qolgan sichqon va boshqa jonivorlar xususida suhbatlashildi. Shunda Zuhriy bunday deb aytdi. «Bizga xabar qilishdiki, Janob Rasululloh yoqqa tushib oʻlib qolgan sichqonni va yogʻning sichqon tushqan yerini olib tashlab, yeyaverish mumkinligini aytibdilar».

34-bob. Molning yuziga tamg'a bosmoqlik va belgi qo'ymoqlik xususida

Ibn Umar molning yuziga belgi qo'ymoqlikni rad etib: «Janob Rasululloh molning yuziga tamga bosmoqdan qaytarganlar»,— deydilar.

Xanzala: «Molning yuziga tamga bosiladi»,—deydilar.

Anas raziyallohu anhu rivoyat qiladilar: «Men ukam birlan birga Janob Rasulullohning huzurlariga kirdim, ukamning tanglayini xurmo birlan koʻtarib qoʻysinlar, degan erdim. Qarasam, ul zot oʻz qoʻralarida bir qoʻyni tamgʻalayotirlar». Xishom ibn Zayd: «Menimcha, Anas: «Qoʻyning quloqlarini tamgʻalayotirlar» —deb aytgandi»,— deydilar (demak, molning yuzidan boʻlak yeriga tamgʻa bosish yoki belgi qoʻyish mumkin).

35-bob. (Chorvani) qavm oʻlja olgan boʻlsa-yu, qavmning ba'zi kishilari oʻrtoqlarining buyrugʻisiz biror qoʻyni yoki tuyani soʻysa, yeyilmaydi!

Tovus va Ikrima o'gri so'ygan jonlig haqida: «Uni tashlab (otib) yuboringizlar!» — deydilar.

Rofi' ibn Xadij rivoyat qiladilar: «Men Rasululloh sallallohu alayhi va sallamga: «Biz ertaga dushmanga ro'baro' bo'lamiz, ammo pichog'imiz yo'q»,— dedim. Janob Rasululloh: «Olloh taoloning ismi zikr qilinib qoni oqizilgan jonlig'ni yeyaveringizlar, suyak va tirnoq (birlan qon oqizilgan) bo'lmasa, bo'ldi! Habash tilida «sinn» — «suyak» va «zufr» — «pichoq»dur»,— dedilar. Keyin, odamlar oldinga ilgarilab ketishdi-da, bir necha qo'yni so'yib qozonlarga solishdi. Janob Rasululloh odamlarning ortida kelayotgan erdilar, ularning oldiga yetib kelib, qozonlarni ag'darib tashlashni amr qildilar. So'ng, ularga o'nta qo'y va o'nta qo'y hisobida bitta tuya taqsim qildilar. Shunda boyagi tuya qochib ketdi. Quvib yetishga ot bo'lmagani uchun bir kishi nayza otib uni o'ldirdi. Janob Rasululloh: «Bu jonivorlarda vahshiy hayvonlarda bo'lgani kabi yovvoyilik mavjuddur, ulardan qaysi biri sizga shu qiliqni qilsa, hozirgidek ish tutingizlar!» — dedilar».

36-bob. Agar qavmning tuyasi qochib keqa-yu, qavmdoshlardan biri o'z qavmiga yaxshilik qilmoq niyatida nayza otib uni o'ldirsa, joizdur!

Bu yerda yuqoridagi hadis takroran keltirilgan.

37-bob. Nochor ahvolda golgan kishining yeguligi haqida

Olloh taoloning qavli: «Ey mo'minlar! Yengizlar biz sizlarga ato qilgan halol rizqlardan va Olloh taologa shukr qilingizlar, agar ungagina ibodat qilsangizlar! Haqiqat shulki, Olloh taolo harom qilgandur sizlarga harom o'lgan jonivorni va qonni va to'ng'iz go'shtini va Olloh taolodan boshqaning nomini aytib so'yilgan jonivorni, bas kimiki nofarmon bo'lmay va haddidan oshmay, nochor (yuqoridagi harom qilingan narsalardan yesa), unga hech gunoh bo'lmas. Olloh taolo albatta mag'firat va rahmat sohibidur!»

Olloh taoloning qavli: «Bas, yengizlar ul jonivor (goʻshtidanki), unga Olloh taoloning nomi zikr qilinibdur, agar uning oyatlariga iymonlaringiz boʻlsa! Va sizlarga nima boʻlibdurki, yemassizlar ul jonivor (goʻshtidanki), unga Olloh taolo nomi zikr qilinibdur? Holbuki batafsil bayon qilibdur sizlarga ul narsaniki uni sizlarga harom qilibdur vale yesangizlar boʻlur ul narsaniki unga sizlar nochordursizlar va darxaqiqat koʻp kishilar ilmsiz oʻz xayolotlari ila boshqani ozdirib yururlar, darhaqiqat sizning parvardigoringiz haddan oshquvchilarni yaxshi bilur!»

Olloh taoloning qavli: «Siz dengki, «Men oʻzimga vahiy qilingan hukmlar orasidan harom oʻlgan jonivor yo oqib turgan qon yo toʻngʻiz goʻshtidan boʻlak yeguvchi uchun harom qilingan bir taomni topa olmayman, chunki ul albatta nopokdur yo ul Olloh taolodan boshqaning nomi zikr qilinib, nojoiz soʻyilgan jonivordur», endi kimiki nochor qolsa-yu, (yuqorida harom qilingan narsalardan) lazzatga berilmay va haddan oshmay iste'mol qilsa, albatta sizning parvardigoringiz magʻfirat va rahmat sohibidur!»

QURBON QILINADIRGAN JONLIG'LAR HAQIDA KITOB

1-bob. (Qurbon hayiti kuni) jonlig' qurbon qilmoqning sunnati haqida

Ibn Umar: «Jonlig qurbon qilmoqlik sunnat va urfdur»,— deydilar.

Barro raziyallohu anhu rivoyat qiladilar: «Rasululloh sallallohu alayhi va sallam. «Bugungi kunimizda bizning eng avvalo qiladirgan ishimiz — namoz oʻqiymiz, soʻng (namozdan) qaytib jonlig qurbon qilamiz. Kimki shunday qilsa, bizning sunnatimizni ado etgan boʻlur va kimki (namozdan) ilgari (jonlig) soʻysa, bola-chaqasi uchun goʻsht tayyorlab bergan boʻlib, qilgan qurbonligining hech qanday savobi yoʻqdur!»—dedilar. Shunda namozdan ilgari jonligini soʻyib qoʻygan Abu Burda oʻrnidan turib: «Mening bir yosh echkim bor (oʻrniga oʻshani soʻysam boʻlurmi?)»—dedi. Janob Rasululloh: «Mayli, oʻshani soʻya qolgil, ammo sendan keyin boshqa biror kishiga bu joiz ermas!» — dedilar».

Omir Barrodan nakl qiladilar: «Rasululloh sallallohu alayhi va sallam: «Kimki namozdan keyin jonlig soʻygan boʻlsa, Olloh taolo yoʻlida qurbonlik qilib, musulmonlar zimmasidagi sunnatni ado etgan boʻlur!» — dedilar».

2-bob. Imomning qurbonlik uchun odamlarga jonligʻlarni taqsimlab bermogʻi haqida

Ba'ja al-Juhaniy rivoyat qiladilar: «Rasululloh sallallohu alayhi va sallam qurbon qilmoq uchun o'z sahobalariga jonliglarni taqsimlab berdilar, shunda Uqbaga bir echkicha tegdi. Uqba «Yo Rasulalloh, menga echkicha tegdi-ku?!» — dedi. Janob Rasululloh: «Shuni qurbon qilgil!» — dedilar»

3-bob. Musofir va ayollar nomidan jonlig' qurbon qilmoq xususida

Abdurrahmon ibn al-Qosim raziyallohu anhu rivoyat qiladilar: «Rasululloh sallallohu alayhi va sallam Oisha raziyallohu anhoning huzurlariga kirdilar. Ul muhtarama Makkaga yetib bormay turib Saraf degan yerda hayz koʻrib qolganlari boysidan yiglab oʻltirgan erdilar. Janob Rasululloh «Senga ne boʻldi, hayz koʻrib qoldingmi?»— dedilar. Oisha onamiz: «Ha»,— dedilar. Janob Rasululloh: «Bu Olloh taolo Odam qizlarining peshonasiga yozgan taqdirdur, hojilar ado etmogi lozim boʻlgan barcha marosimlarni oʻtayver, faqat Baytullohni tavof qilmagil!»—dedilar. Keyin, biz Minoda erkanligimizda mol goʻshti keltirishdi. Men «Bu qanday goʻsht?»— dedim. «Rasululloh sallallohu alayhi va sallam xotinlari nomidan bir sigir qurbon qildilar»,— deyishdi».

4-bob. Nahr kuni ishtaha birlan go'sht yeyilmog'i haqida

Anas ibn Molik rivoyat qiladilar: «Rasululloh sallallohu alayhi va sallam Nahr kuni «Kimki (hayit) namozidan oldin jonlig soʻygan boʻlsa, (namozdan soʻng) boshqa jonlig qurbon qilsin!» — dedilar. Shunda bir kishi oʻrnidan turib: «Yo Rasulalloh, bu kun — ishtaha birlan goʻsht yeydirgan kundur!» — dedi-da, qoʻshnilari haqida gapirdi, soʻng «Menda bir echkicha bor, u ikkita qoʻyning goʻshtidan yaxshiroqdur!»—dedi. Janob Rasululloh oʻsha echkichani qurbon qilmoqqa unga ijozat berdilar, ammo (echki qurbon qilmoq xususidagi) ruxsat undan boshqalarga ham tegishli erdimi yo yoʻqmi, buni bilmayman.

Keyin Rasululloh sallallohu alayhi va sallam ikkita qo'chqor so'ydilar. Odamlar ularning qo'shtini o'zaro bo'lishib olishdi».

5-bob «Bugun jonlig' qurbonqiladirgan kundur!» — deb aytgan kishi haqida

Abu Bakra raziyallohu anhu rivoyat qiladilar: «Rasululloh sallallohu alayhi va sallam bunday dedilar:

«Zamon Olloh taolo osmonlar birlan yerni yaratgan kundagidek (hech bir o'zgarishsiz yana) bir davra aylandi. Yil o'n ikki oydan iborat bo'lib, ulardan to'rttasi muqaddasdur. To'rttadan uchtasi—Zulqa'da, Zulhijja, Muharram ketmaket keladi, turtinchisi ersa Rajab (Muzar) oyi bo'lib, Jumodassoniy birlan Sha'bon oylari oralig'idadur. (Aytingizlarchi), hozir gaysi oy?» Biz «Olloh taolo va uning rasuli yaxshirog bilur!» — dedik. Janob Rasululloh biroz sukut qildilar, shunda biz bu oyning biror boshqa nomini aygalar kerak, deb o'yladik. Janob Rasululloh: «Bu oy Zulhijja oyi ermasmi?»—dedilar. Biz «Ha», dedik. Janob Rasululloh: «Bu gaysi shahar?»— dedilar. Biz «Olloh taolo va uning rasuli yaxshiroq bilur!»—dedik. Janob Rasululloh biroz sukut qildilar, biz bu shaharning biror boshqa nomini aygalar kerak, deb o'yladik. Janob Rasululloh «Bu al-Balda (Makka) ermas-mi?»—dedilar. Biz «Ha», — dedik. Janob Rasululloh «Bugun ganday kun?» dedilar. Biz: «Olloh taolo va uning rasuli yaxshirog bilur!»—dedik. Janob Rasululloh biroz sukut gildilar, biz bu kunning biror boshqa nomini aygalar kerak, deb o'yladik. Janob Rasululloh «Nahr kuni ermasmi?»—dedilar. Biz «Ha»,—dedik. (Keyin), Janob Rasululloh (bizga) bunday deb aytdilar: «Qoningiz, mol-dunengiz, obro'yingiz mana shul shahringizdagi kuningiz va oyingiz hurmati kabi bir-biringizga muqaddasdur! Oxiratda parvardigoringizga ro'baro' bo'lganingizda sizlardan gilgan amallaringiz xususida so'ragaydur. Mendan keyin bir-biringizning bo'g'zingizga tig' uradirgan gumroh bo'lib ketmangizlar! (Mening bu vasiyatimni) eshitganlar eshitmaganlarga yetkazsin, chunki ba'zi bir birovdan eshitganlar ul qulog'i birlan eshitganlardan ko'ra zehnlirog bo'lur!»

(Roviy) Muhammad Janob Rasulullohning oʻshal kungi vasiyatlari xususida eslaganda: «Rasululloh sallallohu alayhi va sallam (dillaridagi bor gapni) roʻy-rost aytib, soʻng «Tushuntira oldimmi? Tushuntira oldimmi?» — dedilar»,— der erdilar.

6-bob Musalloda (namoz o'qiydirgan joyda) jonlig' qurbon qilmoq haqida

Ibi Umar raziyallohu anhu rivoyat qiladilar: «Rasululloh sallallohu alayhi va sallam (masjiddagi) musalloda (ham) jonligʻ (tuya qoʻy mol va boshqalar) qurbon qilur erdilar».

7-bob. Janob Rasulullohning ikki shoxdor semiz qoʻchqorni qurbon qilganlari haqida

Abu Umoma ibn Sahl rivoyat qiladilar: «Biz Madinada qurbonlikka atalgan jonlig`larni boqib semirtirar erdik, barcha musulmonlar ham shunday qilishar erdi».

Anas ibn Molik rivoyat qiladilar: «Rasululloh sallallohu alayhi va sallam ikki qoʻchqor va men ikki qoʻchqor qurbon qilur erdik».

Anas ibn Molik rivoyat qiladilar: «Rasululloh sallallohu alayhi va sallam ikki shoxdor ola qoʻchqorni oʻz qoʻllari birlan soʻydilar».

Abulxayr rivoyat qiladilar: «Rasululloh sallallohu alayhi va sallam Uqba ibn Omirga bir qancha jonligʻ berib, ularni qurbon qilmoq uchun sahobalariga taqsimlashni topshirdilar. Shunda Uqbaning oʻziga bir echkicha qoldi. U bu hakda ul zotga aytib erdi: «Sen oʻshani qurbon qila qolgil!» — dedilar».

8-bob. Janob Rasulullohning Abu Burdaga: «Ushal echkingni qurbon qila qolgil, ammo bu sendan keyin biror kishiga joiz ermas!» — deb aytganlari haqida

Barro ibn Ozib raziyallohu anhu rivoyat qiladilar: «Abu Burda ismli togʻam jonligʻlarini (hayit) namozidan burun soʻyib qoʻydilar. Shunda Rasululloh sallallohu alayhi va sallam ul kishiga: «Qoʻyingni (bola-chaqangga) goʻsht tayyorlab bermoq uchun soʻyibsan!» — dedilar. Togʻam: «Yo Rasulalloh, mening yana bir echkicham bor, (oʻshani qurbon qilsam boʻlurmi?)»—dedilar. Janob Rasululloh: «Mayli, oʻshani qurbon qila qolgil, ammo bu sendan boʻlak odamga durust ermas!»—dedilar. Soʻng, ul zot yana bunday deb gaplarida davom etdilar: «Kimki namozdan ilgari soʻygan boʻlsa, oʻzi uchun soʻyibdur, kimki namozdan soʻng soʻygan boʻlsa, Olloh taolo yoʻlida jonligʻ qurbon qilib, musulmonlar zimmasidagi sunnatni ado etibdur!».

Barro rivoyat qiladilar: «Abu Burda jonligʻini namozdan burun soʻyib qoʻydi. Shunda Janob Rasululloh unga: «Urniga boshqa jonligʻ soʻygil!» — dedilar. Abu Burda: «Menda bir yosh echkichadan boʻlak jonligʻ yoʻq»,— dedi. (Sha'biy: «Menimcha, oʻshanda Abu Burda: «Echkicham katta qoʻydan ham yaxshiroq» — deb aytgandi»,— deydilar). Janob Rasululloh: «Mayli, oʻrniga oʻshani qurbon qila qolgil, ammo bu sendan keyin hech kimga joiz ermas!» — dedilar».

9-bob. O'z qo'li birlan qurbonlikka atalgan jonlig'larni so'ygan kishi haqida

Anas raziyallohu anhu: «Rasululloh sallallohu alayhi va sallam ikki ola qoʻchqorni qurbon qildilar. Shunda men ul zotning ikkala qoʻyning biqiniga oyoqlarini qoʻyib turib tasmiya va takbir aytganlarini, soʻng oʻz qoʻllari birlan ularni soʻyganlarini koʻrdim»,— deydilar.

10-bob. Uzganing qurbonlikka atalgan jonlig'ini so'ygan kishi haqida

Bir kishi Ibn Umarga qurbonlikka atalgan jonligʻlarini soʻyishda koʻmaklashdi. Abu Muso qizlariga oʻz qoʻllari birlan jonligʻ qurbon qilmoqni buyurdilar.

Oisha raziyallohu anho rivoyat qiladilar: «Rasululloh sallallohu alayhi va sallam Saraf degan yerda huzurimga kirganlarida men yigʻlab oʻltirgan erdim. Shunda ul zot: «Senga ne boʻldi, hayz koʻrib qoldingmi?» — dedilar. Men: «Ha»,— dedim. Ul zot: «Bu Olloh taolo Odam qizlarining peshonasiga yozgan taqdirdur, hoji ado etmogʻi lozim boʻlgan barcha marosimlarni bajargil, lekin Baytullohni tavof qilma!» — dedilar. Keyin, ul zot oʻz xotinlari nomidan bir sigirni qurbon qildilar».

11-bob. Jonlig'ni namozdan so'ng so'ymog lozim!

Barro raziyallohu anhu rivoyat qiladilar: «Men Rasululloh sallallohu alayhi va sallamning va'z aytayotib bunday deganlarini eshitdim: «Bugungi kunimizda bizning birinchi boʻlib qiladirgan ishimiz — namoz oʻqiymiz, soʻng qaytib jonligʻ qurbon qilamiz. Kimki shunday qilsa, sunnatimizni ado etgan boʻlur, aks holda u oʻz bola-chaqasiga goʻsht tayyorlab

bergan boʻlib, qilgan kurbonligidan hech bir savob tegmas!». Shunda Abu Burda: «Yo Rasulalloh, men namoz oʻqimasimdan burun jonligʻimni soʻyib qoʻydim, ammo menda yana bir echkicha boʻlib, u katta qoʻydan ham yaxshiroqdur!» — dedi. Janob Rasululloh: «Urniga oʻshani soʻya qolgil, ammo bu sendan keyin biror kishiga joiz ermas!» — dedilar».

12-bob. Kimki jonlig'ini namozdan ilgari so'yib qo'ygan bo'lsa, (namozdan keyin) o'rniga boshqa jonlig' so'yadi!

Anas raziyallohu anhu rivoyat qiladilar: «Rasululloh sallallohu alayhi va sallam: «Kimki jonligʻini namozdan ilgari soʻyib qoʻygan boʻlsa, (namozdan keyin) oʻrniga boshqa jonligʻ soʻysin!» — dedilar. Shunda bir kishi: «Bugun ishtaha birlan goʻsht yeydirgan kundur!» — dedi-da, kambagʻal qoʻshnilari haqida gapirdi. Ushanda Janob Rasululloh uni ma'zur tutgan erdilar. U: «Menda yana bir echkicha bor, u ikki qoʻydan ham afzalroqqur!» — degan erdi. Janob Rasululloh unga oʻsha echkichasini qurbon qilmoqqa ruxsat bergan erdilar, ammo bu ruxsat boshqalarga ham taalluqli erdimi yo yoʻqmi, buni bilmayman. Keyin, Janob Rasululloh ikki qoʻchqorni soʻydilar, shundan soʻng odamlar ham oʻz jonligʻlarini soʻyishdi».

Jundub ibn Sufyon rivoyat qiladilar: «Men nahr kuni Rasululloh sallallohu alayhi va sallamni koʻrdim. Ul zot: «Kimki namoz oʻqimasidan burun jonligʻ soʻygan boʻlsa, oʻrniga boshqasini soʻysin, kimki hali soʻymagan boʻlsa, endi soʻyaversin!» — dedilar».

Barro raziyallohu anhu rivoyat qiladilar: «Rasululloh sallallohu alayhi va sallam bir kuni: «Kimki bizning qiblamizga yuzini qaratib bizning namozimizni oʻqigan boʻlsa, namozdan uyiga qaytguniga qadar jonligʻ soʻymasin!» — dedilar. Shunda Abu Burda oʻrnidan turib: «Yo Rasulalloh, men namozdan burun soʻyib qoʻyibman?» — dedi. Janob Rasululloh: «Shoshqaloqlik qilibsan-da!» — dedilar. Abu Burda: «Menda yana bir echkicha bor, u ikkita katta qoʻydan ham yaxshiroqdur, oʻshani soʻysam boʻlurmi?» — dedi. Janob Rasululloh: «Mayli, oʻshani soʻya qolgil, ammo bu sendan keyin hech kimga joiz ermasdur!» — dedilar».

13-bob. Jonlig'ning biqiniga oyoq qo'ymoq haqida

Anas raziyallohu anhu rivoyat qiladilar: «Rasululloh sallallohu alayhi va sallam ikkita shoxdor, semiz ola qoʻchqorni biqiniga oyoqlarini qoʻyib turib oʻz qoʻllari birlan qurbon qilgan erdilar».

14-bob. Jonlig' so'yish vaqtida takbir aytmoq haqida

Anas raziyallohu anhu rivoyat qiladilar: «Rasululloh sallallohu alayhi va sallam ikkita shoxdor, semiz ola qoʻchqorni oʻz qoʻllari birlan qurbon qildilar. Shunda qoʻylarning biqiniga oyoqlarini qoʻyib turib tasmiya va takbir aytdilar».

15-bob. Kishi jonligini qurbon qilish uchun (Ka'baga) joʻnaqa, unga hech narsa harom qilinmaydi!

Sha'biy raziyallohu anhu rivoyat qiladilar: «Masruq Oisha onamizning huzurlariga kelib: «Yo mo'minlar onasi! Kishi o'z jonligini qurbon qilish uchun Ka'baga jo'natadi, o'zi ersa

jonligining boʻyniga uning qurbonlikka atalganini anglatadirgan alomat osib qoʻyishni tayinlab, shaharda (uyida) qoladi. Ushal odam jonligini joʻnatgan kundan to hojilar ehromlarini yechgunlariga qadar ehromda qolib, hojilar qilishi mumkin boʻlmagan narsalarni qilaveradi», — dedilar. Masruq bunday deydilar: «Men Oisha onamizning parda ortidan (gapimni ma'qullab) chapak chalganlarini eshitdim, soʻng moʻminlar onasi: «Men Janob Rasulullohning jonliglari boʻyniga alomat osib qoʻyish uchun tizimcha (chilvir) yigirib berar erdim, keyin ul zot jonligʻlarini Ka'baga joʻnatar erdilar. Shunda ul zot hojilar qaytgunga qadar xonadonlaridagi erkaklarga halol qilingan narsalardan mahrum qilinmas erdilar»,— dedilar».

16-bob. Qurbon qilingan jonligʻlar goʻshtini yeyish va ehtiyot qilib qoʻyish haqida

Jobir ibn Abdullhu raziyallohu anhu rivoyat qiladilar: «Biz Rasululloh sallallohu alayhi va sallam davrlarida qurbon qilingan jonliglar goʻshtini Madinaga (olib ketish uchun) ehtiyotlab qoʻyar erdik».

Ibn Xabbob rivoyat qiladilar: «Abu Sa'id uyida yo'q erdi, qaytib kelgach, oldiga go'sht keltirib qo'yishdi. Shunda Abu Sa'id: «Bu qurbon qilingan jonlig'larimiz go'shtidanmi? Olib ketingizlar, buni tatib ham ko'rmayman!» — dedi. Abu Sa'id bunday deydi: «Keyin, men o'rnimdan turib uydan chiqdim-da, birodarim Qatoda (onamning birodari) huzuriga yo'l oldim. Ul kishi Badr g'azoti ishtirokchisi erdilar. Huzurlariga borgach, bo'lgan gapni aytib berdim. Shunda ul kishi: «Sendan keyin bir ish sodir bo'lgan erdi»,— dedilar».

Salama ibn al-Akva' rivoyat qiladilar: «Rasululloh sallallohu alayhi va sallam: «Sizlardan kimki jonlig` Qurbon qilgan boʻlsa, uchinchi kun tong ottirmasingizdan burun uyingizda undan hech narsa qolmasin!» — dedilar. Kelgusi yili odamlar: «Yo Rasulalloh, bu yil ham oʻtgan yildagidek ish tutamizmi?» — deyishdi. Janob Rasululloh: «Yengizlar, yediringizlar va ehtiyot qilib ham qoʻyingizlar! Usha yili odamlar och qolgan boʻlib, men birbirlaringizga yordam qilingizlar, deb erdim!»— dedilar».

Oisha raziyallohu anho rivoyat qiladilar: «Biz qurbon qilingan jonligʻlar goʻshtidan tuzlab Janob Rasulullohga (Madinaga) olib borar erdik. Shunda Janob Rasululloh «(Qurbon qilingan jonligʻlar goʻshtidan) uch kundan ortiq yemangizlar!»— dedilar. Soʻng, goʻshtga istamaygina qoʻl uzaqalar-da, undan yegilari keldi. Yana Olloh taolo oʻzi yaxshiroq biladi!».

Zuhriy rivoyat qiladilar: «Ibn Azharning mavlosi Abu Ubayd Qurbon hayiti kuni Hazrat Umar al-Xattob birlan birga boʻlganini aytib bunday degandi: «Hazrat Umar xutbadan avval namoz oʻqidilar, soʻng odamlarga xutba qilib «Darhaqiqat, Rasululloh sallallohu alayhi va sallam sizlarni mana shu ikki hayitda roʻza tutmoqdan qaytardilar. Ammo, ikki hayitdan biri — sizlar ogʻiz ochib roʻzangizni tugatadirgan kundur, boshqasi ersa — sizlar qurbon qilgan jonligʻlaringiz goʻshtidan tanovul qiladirgan kundur!»— deb aytdilar. Keyin, men Usmon ibn Affon birlan Qurbon hayitida birga boʻldim, oʻshal kun jum'a kuni boʻlib, ul kishi xutbadan avval namoz oʻqidilar soʻng odamlarga xutba qilib: «Ey odamlar, bugun sizlar uchun ikki bayram bir kelgan kundur! Oliy martaba ahlidan kimki jum'ani kutmoqni istasa, kuqin va kimki (uyiga) qaytmoqni istasa, men unga ruxsat berdim!» — deb aytdilar. Soʻng men Hazrat Ali ibn Abu Tolib birlan (ham) Qurbon hayitida birga boʻldim. Ul kishi (ham) xutbadan avval namoz oʻqidilar, keyin odamlarga xutba qilib

«Darhaqiqat, Rasululloh sallallohu alayhi va sallam qurbon qilgan jonlig`laringiz go`shtini uch kundan ortiq yemog`ingizdan qaytardilar!»—deb aytdilar».

Abdulloh ibn Umar raziyallohu anhu rivoyat qiladilar: «Rasululloh sallallohu alayhi va sallam «Qurbon qilingan jonligʻlar goʻshtini uch kun yengizlar!» — dedilar».

ICHIMLIKLAR HAQIDA KITOB

Olloh taoloning qavli: «Darhaqiqat, mast qiluvchi ichimliklar, qimor, butlar va qur'a o'qlari — bular hammasi nopok bo'lib, shayton ishlaridandur, bas ulardan saqlaningizlar, shoyad najot topsangizlar!»

Abdulloh ibn Umar raziyallohu aihu rivoyat qiladilar/«Rasululloh sallallohu alayhi va sallam «Kimki bu dunyoda mast qilguvchi ichimlik ichgan boʻlsa-yu, keyin ichganiga tavba qilmagan boʻlsa, oxiratda tavba qilmoqdan mahrum qilingaydur!»— dedilar».

Abu Hurayra raziyallohu anhu rivoyat qiladilar: «Isro' kechasi farishtalar Rasululloh sallallohu alayhi va sallamga ikki qadah keltirdilar, birida (mast qilguvchi) ichimlik va birida sut bor erdi. Janob Rasululloh qadahlarga bir nazar tashladilar-da, sut solingan qadahni oldilar. Shunda Jabroil alayhissalom «Sizni tabiatga (borliqqa) hadya qilgan Olloh taologa shukr! Agar ichimlik solingan qadahni olganingizda, ummatingiz gumroh boʻlur erdi!» — dedilar».

Anas raziyallohu anhu rivoyat qiladilar: «Men Rasululloh sallallohu alayhi va sallamdan shunday bir hadis eshitganmanki, uni mendan boʻlak hech kim sizlarga aytib bermagay! Janob Rasululloh bunday degan erdilar: «Qiyomatning asosiy belgilari shulki, jaholat kuchayib, ilm (islom ilmi) susayadir, zino birlan ichkilikbozlik kuchayadir, erkaklar kamayib ayollar kupayadir, hattoki ellikta ayol uchun bir erkak toʻgʻri keladir»

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Mo'min zino qilmaydi, zino qilayotgan vaqtida ersa mo'min bo'lib qololmaydi. Mo'min (mast qilguvchi) ichimlik ichmaydi, ichimlik ichayotgan vaqtida ersa mo'min bo'lib qololmaydi. Mo'min o'g'rilik qilmaydi, o'grilik qilayotgan vaqtida ersa mo'min bo'lib qololmaydi!» — dedilar».

1-bob Uzumdan tayyorlangan (mast qilguvchi) ichimlik haqida

Ibn Umar raziyallohu anhu rivoyat qiladilar: «(Mast qilguvchi) ichimlik harom qilingan vaqtda Madinada uzumdan qilinadirgan hech qanday (mast qilguvchi) ichimlik yoʻq erdi».

Anas raziyallohu anhu rivoyat qiladilar: «Mast qilguvchi ichimlik uning harom erkanligi haqidagi oyat nozil qilingan vaqtda bizga harom qilindi va biz oʻsha vaqtda uzumdan qilinadirgan mast qilguvchi ichimliklarni Madinada juda kam uchratar erdik, mast qilguvchi ichimliklarimiz, asosan, xom va pishqan xurmodan tayyorlanar erdi».

Ibn Umar raziyallohu anhu rivoyat qiladilar: «Hazrat Umar minbarga chiqib «Ammo ba'd, mast qilguvchi ichimliklarning harom erkanligi haqida oyat nozil bo'ldi, ular besh narsadan — uzum, xurmo, asal, bugdoy va arpadan tayyorlanadi. Mast qilguvchi ichimlik — aqlni ozdiruvchi narsadur!» — dedilar».

2-bob Mast qilguvchi ichimlikning harom erkanligi haqidagi oyatning nozil boʻlishi va mast qilguvchi ichimlikning xom va pishgan xurmodan tayyorlanganligi haqida Anas ibn Molik raziyallohu anhu rivoyat qiladilar: «Men Abu Ubayda, Abu Talha va Ubay ibn Ka'bga xom va pishgan xurmodan tayyorlangan (mast qilguvchi) ichimlikdan quyib berib o'ltirgan erdim. Nogahon, bir chopar kelib (mast qilguvchi) ichimlikning harom qilinganligini ma'lum qildi. Shunda Abu Talha: «Turgil, ey Anas, uni to'kib tashla!» — dedilar, men uni to'kib tashladim»

Anas raziyallohu anhu rivoyat qiladilar: «Men mahallada amakilarimga xom xurmodan tayyorlangan ichimlik quyib berib turgan erdim, (ularning orasida eng kichigi men erdim). Shunda odamlar mast qilguvchi ichimlikning harom qilinganligini aytishib: «Uni toʻkib tashlangizlar!» — deyishdi, biz uni toʻkib tashladik.

Mu'tamirning otalari bunday deydilar: «Men Anasga: «Ular qanday ichimlik ichishayotgan erdi'»—deb aytdim. Anas: «Pishgan va xom xurmodan tayerlangan ichimlik»,— dedi».

Anas raziyallohu anhu rivoyat qiladilar: «(Mast qilguvchi) ichimlik harom qilindi, o'shanda u xom va pishgan xurmodan tayyorlanar erdi».

3-bob Asaldan tayyorlanadirgan (mast qilguvchi) ichimlik haqida

Muoz raziyallohu anhu rivoyat qiladilar: «Men Molik ibn Anasdan «fuqqo'» (arpa yoki mevalardan tayyorlanadirgan ichimlik) haqida soʻrab erdim, ul kishi: «Mast qilmasa, zarari yoʻq»,— dedilar».

Oisha raziyallohu anho rivoyat qiladilar: «Odamlar Rasululloh sallallohu alayhi va sallamdan «bit» (asaldan tayyorlanadirgan ichimlik) haqida soʻrashdi, bu ichimlikni yamanliklar ichishar erdi. Janob Rasululloh.: «Mast qilguvchi har qanday ichimlik haromdur!»—dedilar».

Anas ibn Molik rivoyat qiladilar: «Rasululloh sallallohu alayhi va sallam: «Dubbo' va muzaffatda sharob tayyorlamangizlar!» — dedilar». Abu Hurayra (avvalgi jildlardagi) o'z rivoyatlarida bunga xintam va nagirni ham go'shib aytganlar.

4-bob. Xamrning (musallasning) aqlni ozdiruvchi ichimliklardan erkanligi haqidagi hadislar

Ibn Umar raziyallohu anhu rivoyat qiladilar: «Hazrat Umar Janob Rasulullohning minbarlariga chiqib bunday deb xutba qildilar: «Xamrning harom qilinganligi xususida oyat nozil boʻldi. Xamr besh narsadan — uzum, xurmo, bugʻdoy, arpa va asaldan tayyorlanib, u aqlni ozdirguvchi ichimlikdur. Men sizlarga yana uch narsani aytmoqni istayman: «Janob Rasululloh aka-uka va ularning farzandlari oʻrtasidagi oqibaqizlik hamda sudxoʻrlik borasida nozil boʻlgan oyatlar hukmlarini bizlarga tushuntirib berib, soʻng dunyodan koʻz yumdilar».

Sha'biy rivoyat qiladilar: «Ey Abu Umar! Gurunchdan ham biror ichimlik tayyorlanar erdimi?» — dedim. Ul kishi: «Bunday ichimlik Janob Rasulullohning (yoki Hazrat Umarning) davrlarida sira ham bo'lmagan»,— dedilar».

Abu Hayyon: «Uzum oʻrniga mayiz(dan foydalanilar) erdi»,— deydilar.

Ibn Umar Hazrat Umardan nakl qilib: «Xamr besh narsadan — mayiz, xurmo, bugʻdoy, arpa va asaldan tayyorlanar erdi»,— deydilar

5-bob. Xamrni (mast qilguvchi ichimlikni) halol deb hisoblab, uni boshqa nom birlan atovchilar haqidagi hadis

Abu Omir (yoki Abu Molik) al-Ash'ariy rivoyat qiladilar: «Rasululloh sallallohu alayhi va sallam bunday deb aytdilar: «Mening ummatim orasidan chinni idish, harir kiyim, xamr (mast qilguvchi ichimlik) va ayshu ishratni halol deb bilguvchi qavmlar chiqadi va (bir kuni oʻshal) qavmlar bir togʻ etagiga kelib manzil tutishadi. Kechki payt (bir odam) ular uchun bir choʻpon ayolni boshlab keladi, u bir zarurat birlan ularning oldiga kelgan boʻladi. Ular (ayolni olib qolib), unga: «(Sen hozir ketaver), oldimizga ertaga qaytib kelarsan!»—deb aytishadi. Shunda Olloh taolo ularni uyquga ketkazib, (ustlariga) togʻni qulatadi va (omon) qolganlarini qiyomatga qadar maymunu toʻngʻizlarga aylantirib qoʻyadi».

6-bob Xum hamda tosh, mis va yogʻoch idishlarga mevalarni solib ezib suvini chiqarib qoʻymoq haqida

Abu Hozim rivoyat qiladilar: «Abu Usayd as-Soʻidiy kelib Janob Rasulullohni oʻz nikoh toʻyiga taklif qildi. Toʻyda kelin boʻlmish (uning xotini) shaxsan oʻzi mehmonlarga xizmat qildi. Bir kishi: «Bilasizlarmi, kelin Janob Rasulullohga nima quyib berdi? U tunda bir qancha xurmolarni tavrga (tosh, mis yoki yogoch idishga) solib ezib suvini chiqarib qoʻygan erdi, ana oʻshani quyib berdi»,— dedi»

7-bob Janob Rasulullohning xum va meshlardan foydalanmoqdan qaytarib, so'ng (yana) unga ruxsat berganlari haqida

Jobir raziyallohu anhu rivoyat qiladilar: «Rasululloh sallallohu alayhi va sallam meshdan foydalanmoqdan qaytardilar. Shunda ansorlar «Bizning undan foyda-lanmaslikka hech ilojimiz yoʻq, u bizga juda zarur!» — deyishdi. Janob Rasululloh «Ichimlik tayyorlashdan boʻlak maqsadlarda foydalansangizlar, mayli! — dedilar»

Abdulloh ibn Umar raziyallohu anhu rivoyat qiladilar: «Rasululloh sallallohu alayhi va sallam meshdan foydalanmoqdan qaytarganlarida, ul zotga «Hamma ham meshkobchini uchratavermaydi!»—deyishdi. Shunda ul zot chinni koʻzadan foydalanmoqqa ruxsat berib, mumlangan idishdan foydalanmoqqa ijozat bermadilar».

Hazrat Ali «Rasululloh sallallohu alayhi va sallam qovoqdan yasalgan va mumlangan idishlardan foydalanmoqdan qaytardilar»,— deydilar.

Ibrohim rivoyat qiladilar: « Men Asvadga «Sen moʻminlar onasi Oisha raziyallohu anhodan qanday idishlarda sharob tayyorlashdan qaytarilgani haqida soʻradingmi?» — dedim. U: «Ha, soʻradim. Men moʻminlar onasiga: «Janob Rasululloh qanday idishlarda sharob tayyorlashdan qaytardilar?»—deb aytdim. Moʻminlar onasi: «Janob Rasululloh bizni, ya'ni barcha xonadon a'zolarini qovoq va mumlangan idishlarda sharob tayyorlamoqdan qaytardilar»—dedilar»,— dedi. Men unga «Ammo, chinni va koʻk koʻzalar xususida aytmading-ku!» — dedim. U «Nimaiki eshitgan boʻlsam, senga aytib

berdim, endi eshitmagan narsam xususida ham aytib beraiinmi?!» — dedi»

Abdulloh ibn Abu Avfo roziyallohu anhu rivoyat qiladilar: «Rasululloh sallallohu alayhi va sallam koʻk koʻzadan foydalanmoqdan qaytardilar. Shunda men «Oq chinni koʻzada ichsak boʻlurmi?»—dedim. Ul zot «Yoʻq!» — dedilar (Koʻza xoh oq va xoh koʻk boʻlsin, undagi meva suvi achib, mast qiladirgan boʻlib qolgan boʻlsa, ichish mumkin ermas!)»

8-bob. Mast qilmaydirgan xurmo suvi haqida

Bu yerda 6-bobdagi hadis takroran keltirilgan.

9-bob. Boziq to`g`risida va har qanday mast qilguvchi ichimliklardan qaytargan kishi haqida

Hazrat Umar, Abu Ubayda va Maoz tiloni (biroz qaynagach, uchdan biri buglanib ketgan uzum suvini) ichsa boʻladi, deb xisoblaganlar. Barro va Abu Juhayfa qaynab yarmi buglanib ketgan uzum suvini ichishgan. Ibn Abbos «Uzum (meva) suvini muzdakligida ichgil!»—deydilar. Hazrat Umar «Men gaplashayotib Ubaydullohdan sharob hidi kelayotganini sezdim. Agar mast boʻlib qolganida darra urgan boʻlur erdim!» —deydilar.

Abu al-Juvayriyya rivoyat qiladilar: «Men Ibn Abbosdan boziq (qaynatilgan uzum suvi) haqida soʻradim. Ul kishi «Janob Rasululloh boziq haqida oʻz hukmlarini aytib ketganlar, nimaiki mast qilsa, u haromdur!» — dedilar». Shunda Abu al-Juvayriyya «Uzum suvi halol va pokizadur!» — debdilar. Ibn Abbos: Halol boʻlgandan keyin, «pokiza» deyish ortiqcha, zero harom — oʻz-oʻzidan ma'lumki, nopokdur!»—deb aytibdilar.

Oisha raziyallohu anho rivoyat qiladilar: «Rasululloh sallallohu alayhi va sallam halvo birlan asalni yaxshi koʻrur erdilar».

10-bob. Agar mast qiladirgan boʻlsa, xom xurmolarni pishgan xurmolarga yoki (mevalardan tayyorlangan) ikki xil nonxurushni bir-biriga qoʻshmaslik lozim, deb hisoblagan kishi xususida

Anas raziyallohu anhu rivoyat qiladilar: «Men Abu Talha, Abu Dajjona va Suhayl ibn al-Bayzoga xom va pishgan xurmolar omuxtasidan quyib berayotgan erdim. Shu asnoda xamr (mast qilguvchi ichimlik) harom qilinganligi haqida xabar kelib qoldi. Shunda men ularning eng kichigi boʻlishimga qaramay, uni uloqtirib yubordim. Biz oʻsha vaqtlarda xom va pishgan xurmolar omuxtasini «xamr» deb hisoblar erdik».

Jobir raziyallohu anhu rivoyat qiladilar: «Rasululloh sallallohu alayhi va sallam mayizdan hamda quritilgan, xom va yangi uzilgan xurmolardan (sharob tayyorlamoqdan) qaytardilar».

Abdulloh ibn Abu Qatoda otalaridan naql qiladilar: «Rasululloh sallallohu alayhi va sallam quritilgan xurmo birlan endigina rang kirgan xurmoni hamda quritilgan xurmo birlan mayizni bir-biriga qoʻshmoqdan qaytarganlar. Bularning har biridan alohida sharbat tayyorlanadi».

11-bob. Sut ichmoq haqida

Olloh taoloning qavli: «(Oshqozon) axlati va qon ichidan ichuvchilar uchun musaffo xushta'm sut (hosil qilgaymiz)»

Abu Hurayra raziyallohu anhu rivoyat qiladilar: «Isro' kechasi Rasululloh sallallohu alayhi va sallamga bir qadah sut va bir qadah xamr (mast qilguvchi ichimlik) keltirildi».

Ummulfazl rivoyat qiladilar: «Odamlar Janob Rasulullohning arafa kuni roʻza tutgan yoki tutmaganlaridan shubha qilishdi. Shunda men ul zotga bir idishda sut yubordim, ichdilar».

Jobir ibn Abdulloh rivoyat qiladilar: «Abu Humayd Naqi' degan yerdan Janob Rasulullohga bir qadah (idish) sut keltirdi. Shunda Janob Rasululloh unga: «Bir choʻp birlan boʻlsa ham, ustini yopib olib kelmadingmi?!» — dedilar».

Barro raziyallohu anhu rivoyat qiladilar: «Rasululloh sallallohu alayhi va sallam Abu Bakr birlan birga Makkadan keldilar. Abu Bakr bunday deydilar: «Biz (kelayotib) bir podachining yonidan oʻtib qoldik, Janob Rasululloh chanqab qolgan erdilar. Men bir idishga sut sogʻib qonib ichdim. Shu payt Suroqa ibn Ja'sam oldimizga ot minib kelib qoldi. Janob Rasululloh (otni kechikib olib kelgani uchun) uni duoi bad qildilar. Shunda Suroqa: «Meni duoi bad qilmangiz, qargʻishingizni qaytarib olingiz!» — deb Janob Rasulullohga yolvorib erdi, ul zot shunday qildilar».

Abu Hurayra raziyallohu anhu rivoyat qiladilar: «Rasululloh sallallohu alayhi va sallam: «Eng yaxshi sadaqa — sersut sogʻin tuya boʻlib, u atoi xudodur, sersut qoʻy ham atoi xudodur, u yoqqa borsang ham, bu yoqqa borsang ham, (sut toʻla) idishing oʻzing birlan!» — dedilar».

Ibn Abbos raziyallohu anhu rivoyat qiladilar: «Rasululloh sallallohu alayhi va sallam sut ichgach, (suv birlan) ogʻizlarini chayqab tashladilar-da: «Sutda yogʻ bor»,— dedilar (ya'ni, tahoratli kishi tarkibida yogʻ bor biror ichimlik yoki taom iste'mol qilgach, ogʻzini suv birlan chayqab tashlab, soʻng namoz oʻqishi lozim)».

Anas ibn Molik rivoyat qiladilar: «Rasululloh sallallohu alayhi va sallam bunday dedilar: «Men (osmondagi) Sidrat al-Muntaho degan joyga koʻtarildim, qarasam ul yerda toʻrt daryo mavjud erkan. Ikkitasi — koʻzga zohir va ikkitasi — koʻzdan pinhon. Koʻzga zohiri — Nil birlan Furot boʻlib, koʻzdan pinhoni (Salsabil va Kavsar) jannatda erkan. Ul yerdan menga uchta qadah keltirildi, birida sut, birida asal va yana birida xamr (mast qilguvchi ichimlik). Men sut quyilgan qadahni olib, sutni ichdim. Shunda menga: «Sen va sening ummating islom va hidoyat ramzi boʻlmish qadahni topdingiz!» — deyildi».

Hishom, Sa'id va Hamom Qatodadan, ul kishi ersalar Anas ibn Molikdan, ul kishi ersalar Molik ibn Sa'sa'adan naql qilgan rivoyatda: «Uchta qadah» xususida eslatib o'tilmagan.

12-bob. Chuchuk (totli) suv ichib lazzatlanmoq haqida

Anas ibn Molik rivoyat qiladilar: «Abu Talha Madina ansorlari ichida eng xurmozori koʻp kishi erdi. U xurmozorlaridan koʻproq «Bayruhoni» yaxshi koʻrar erdi. «Bayruho» masjid

qarshisida boʻlib, Janob Rasululloh kirib ul yerdagi chuchuk (totli) suvdan ichib turar erdilar. Olloh taoloning «Uzingiz yaxshi koʻrgan narsalardan nafaqa (ehson) qilmaguningizga qadar taqvoga erishmaysizlar!» degan oyati karimasi nozil boʻlganda Abu Talha oʻrnidan turib: «Yo Rasulalloh! Olloh taolo: «Uzingiz yaxshi koʻrgan narsalardan nafaqa qilmaguningizga qadar taqvoga erishmaysizlar!»—deydi. Mening eng yaxshi koʻrgan molim ersa «Bayruho»dur, oʻsha molim Olloh taolo yoʻlida sadaqa boʻla qolsin! Men uning tag-tugi birlan Olloh taolo yoʻlida sadaqa boʻlmogʻini istayman. Yo Rasulalloh, uni Olloh taolo oʻzingizga amr qilgan joyga sarf qilingiz!»— dedi. Janob Rasululloh: «Bayruho ajoyib (bozori chaqqon) mulkdur. Men sening ne deganingni eshitdim. yaxshisi uni qarindosh-laringga ehson qila qolgil!»—dedilar. Abu Talha: «Shunday qilgum, yo Rasulalloh!»— dedi-da, uni oʻz tugʻishganlari birlan amakisining farzandlariga boʻlib berdi».

13-bob Sutga suv qo'shmoq haqida

Zuhriy rivoyat qiladilarki, Anas ibn Molik raziyallohu anhu Rasululloh sallallohu alayhi va sallamning sut ichganlarini koʻribdilar. Ushanda Janob Rasululloh uning uyiga borgan erkanlar. Uyidagilar bir sovliqni sogʻib sutga quduq suvidan qoʻshishibdi-da Janob Rasulullohga uzatishibdi, ul zot qadahni olib ichibdilar. Shunda chap yonlarida Abu Bakr as-Siddiq, oʻng yonlarida ersa bir badaviy turgan erkan, sutning qolganini oʻsha badaviyga beribdilar. Soʻng: «(Avval) oʻng(dagi), soʻng yana oʻng (dagi odamga uzatish lozim)!» — debdilar.

Jobir ibn Abdulloh raziyallohu anhu rivoyat qiladilar: «Rasululloh sallallohu alayhi va sallam bir sahobalari birlan birga bir kishining uyiga kirdilar-da, unga «Agar bu kecha meshda saqlagan (tindirilgan) suving boʻlganida erdi! Bulmasa hovuzdan ham ichib ketavera-miz»,— dedilar. Shunda xonadon egasi bogʻini sugʻorib turgan erdi, Janob Rasulullohga: «Yo Rasulalloh, menda tindirilgan suv bor chorpoyaga chiqaveringiz!»— dedi. Soʻng, oʻzi ham ular birlan chorpoyaga chiqib, (meshdan) qadahda suv oldi-da, unga sut qushdi. Janob Rasululloh uni olib ichdilar, keyin ul zot birlan birga kelgan kishi ham ichdi»

14-bob Shirinlik (halvo) va asal yeyish haqida

Zuhriy bunday deydilar: «Inson peshobini ichish qat'iyan man' qilinadi chunki u nopokdur! Olloh taolo «Sizlar uchun pokiza ne'matlar halol qilindi»,— deydi»

Ibn Mas'ud ichkilikbozlik xususida bunday deydilar: «Olloh taolo o'zingizga harom qilingan narsalarni iste'mol qilishingiz oqibatida sodir bo'ladirgan dardlardan sizlarni xalos qiladirgan davoni yaratmadi»

Oisha raziyallohu anho rivoyat qiladilar: «Rasululloh sallallohu alayhi va sallam halvo birlan asalni yoqtirar erdilar».

15-bob. Tik turgan holda (suv) ichmoq haqida

Nizol ibn Maysara rivoyat qiladilar: «Hazrat Ali raziyallohu anhu masjid maydoni eshigi oldiga keldilarda, tik turgan hollarida (suv) ichdilar. Soʻng, odamlarga Ba'zi kishilar tik turib (suv) ichmoqlikni rad qilurlar, vaholanki men Janob Rasulullohning hozir ne

qilganimni koʻrgan bulsangiz, shunday qilganlarini koʻrganman»,— dedilar».

Abdulmalik ibn Maysara rivoyat qiladilar: «Hazrat Ali raziyallohu anhu peshin oʻqib, soʻng odamlar ishini hal qilmoq uchun Kufa maydonida asrga qadar qolib ketdilar. Keyin, ul kishiga suv keltirishib erdi, ichdilar yuz-qoʻllarini yuvdilar va boshlari birlan ikki oyoqlarini esladilar (ya'ni, boshlari birlan oyoqlariga mash tortishni unutgan erdilar, keyin ularga mash tortdilar) Soʻng, oʻrinlaridan turib tik turgan hollarida ortib qolgan suvni ichdilar. Keyin odamlarga «Ayrim odamlar tik turgan holda suv ichmoqlikni rad qilurlar, vaholanki Janob Rasululloh men qilgandek qilganlar»,— dedilar»

Ibn Abbos rivoyat qiladilar: «Rasululloh sallallohu alayhi va sallam tik turgan holda Zamzam suvidan ichdilar».

16-bob Tuyasini minib (Arafotda vuquf qilib) turgan holda sut ichgan kishi haqida

Ibn Abbosning mavlolari Umayr rivoyat qiladilar: «Ummulfazl Rasululloh sallallohu alayhi va sallamga, ul zot kechqurun (tuyalariga minib) Arafotda (vuquf qilib) turganlarida, bir qadah sut yubordilar. Shunda Janob Rasululloh uni qoʻllariga olib ichdilar».

Abunnazr raziyallohu anhu «tuyalariga minib» deb qo'shimcha qiladilar

17-bob. Ichishning (avval) oʻngdagi, soʻng (yana) oʻngdagi (odamdan) boshlanmogʻi haqida

Anas ibn Molik raziyallohu anhu rivoyat qiladilar: «Rasululloh sallallohu alayhi va sallamga suv qoʻshilgan sut keltirildi, shunda ul zotning oʻng yonlarida bir badaviy va chap yonlarida Abu Bakr as-Siddiq turgan erdilar. Janob Rasululloh sutni ichib, soʻng (qolganini) badaviyga uzatdilar-da «(Avval) oʻngdagi soʻng (yana) oʻngdagi (kishiga uzatmoq lozim)!» —dedilar»

18-bob. Kishi biror ichimlikni uzatishda oʻzining oʻng tomonidagi odamdan: «Avval sendan kattaroqlarga uzaqam, maylimi?» — deb izn soʻraydimi?

ibn Sa'd raziyallohu anhu rivoyat qiladilar: «Rasululloh sallallohu alayhi va sallamga meva sharbati keltirishib erdi, undan ichdilar. Shunda ul zotning oʻng tomonlarida bir yigit va chap tomonlarida keksalar oʻltirishgan erdi. Janob Rasululloh yigitdan «Avval anavi keksalarga uzaqam, ruxsat berursanmi?» —deb soʻradilar. Yigit: «Olloh taolo haqi, yo Rasulalloh, sizdan tegadirgan nasibamdan voz kechmagayman!»— dedi. Shunda Janob Rasululloh uning qoʻlini chimchilab qoʻydilar?

19-bob. Hovuzdan suv ichmoq haqida

Jobir ibn Abdulloh raziyallohu anhu rivoyat qiladilar: «Rasululloh sallallohu alayhi va sallam bir sahobalari birlan birga bir kishining hovlisiga kirdilar-da, unga salom berdilar, saxobalari ham salom berdi. Xonadon sohibi alik olgach: «Yo Rasulalloh, ota-onam sizga fido boʻlsinlar, shunday jazirama vaqtda nima qilib yuribsiz?!»—dedi. Shunda u bogʻini sugʻorib turgan erdi. Janob Rasululloh: «Agar meshda tindirib qoʻyilgan suving boʻlganida erdi! Boʻlmasa hovuzdan ham nchib ketaveramiz!» — dedilar. Bogʻini hanuz

sugʻorishda davom etib turgan xonadon sohibi: «Yo Rasulalloh, menda meshda tindirib qoʻyilgan suv bor»,— dedi-da, chorpoyaga (supaga) chikdi, soʻng bir qadahda suv olib, unga sut qoʻshdi. Janob Rasululloh (undan) ichdilar, keiin qaytarib berib erdilar, (qolganini) oʻzlari birlan birga kelgan kishi ichdi»

20-bob Kichiklarning kattalarga xizmat qilmog'i haqida

Anas raziyallohu anhu rivoyat qiladilar: «Men yoshim kichik boʻlsa-da, mahallada amakilarimga sharob quyib berib turgan erdim. Bir mahal, mast qilguvchi ichimlikning harom qilinganligi haqida ma'lum qilib qolishdi. Odamlar «Uni toʻkib tashlangizlar!» — deyishdi. Biz uni toʻkib tashladik» Mu'tamirning otalari bunday deydilar: «Men Anasga; «Ular qanday ichimlik ichishayotgan erdi?» - - deb aytdim, Anas «Yangi uziltan va xom xurmolardan tayyorlangan ichimlik erdi» — dedi». Anasning oʻgʻli Abu Bakr «Ushanda Anas ularning xamri (mast qilquvchi ichimligi) boʻlganini inkor qilmadilar», -deydilar

21-bob. Idish ustini yopib qo'ymoq haqida

Jobir ibn Abdulloh raziyallohu anhu rivoyat qiladilar: «Rasululloh sallallohu alayhi va sallam bunday dedilar. «Tun qorongʻusi tushishi birlanoq bolalaringizni uyda mahkam ushlab oʻltiringizlar chunki bu vaqtda shaytonlar chor atrofga tarqaladir. Tun qorongʻusi tushgan-dan bir soat oʻtgach ersa, bolalaringizni uy ichida qoldiringizlar-da, tashqariga chiqib «Bismillohir rahmonir rahiym» deb eshiklarni yopib kelingizlar, shunda shayton yopiq eshikni ocholmaydi. Keyin, «Bismillohir rahmonir rahiym» deb meshlaringizning ogʻzini bogʻlab qoʻyingizlar, soʻng yana «Bismillohir rahmonir rahiym» deb idishlaringizning ustiga biror narsa yopib qoʻyingizlar, keyin chiroqlaringizni oʻchirib yotingizlar!»

Ato Jobir raziyallohu anhudan naql qiladilar: «Rasululloh sallallohu alayhi va sallam bunday dedilar: «Tunda chiroqlarni oʻchirib, eshiklarni tambalab, meshlarning ogʻzini bogʻlab hamda ovqatu ichimliklar ustini bir choʻp birlan boʻlsa ham yopib, soʻng uyquga yotingizlar!».

22-bob Meshlarning og'zini buzib ulardan suv ichmoq haqida

Abu Sa'id al-Xudriy raziyallohu anhu rivoyat qiladilar: «Rasululloh sallallohu alayhi va sallam meshlarning og'zini buzib ulardan suv ichmoqdan qaytardilar»

Ubaydulloh ibn Abdulloh Abu Sa'id al-Xudriyning bunday deb rivoyat kilganlarini eshitgan erkanlar: «Rasululloh sallallohu alayhi va sallam meshlarning ogʻzini buzmoqdan qaytardilar».

Mu'ammar yoki boshqa bir roviy. «Meshlarning ogʻzini buzmoq, ya'ni bevosita ularning ogʻzidan suv ichmoq demakdur»,— deydilar.

23-bob. Meshning og'zidan suv ichmoq haqida

Abu Hurayra raziyallohu anhu rivoyat qiladilar: «Rasululloh sallallohu alayhi va sallam «Garchi kishi qoʻshnisining oʻz hovlisida hatto qoziq qoqmogʻiga mone'lik qiladirgan darajadagi odam boʻlsa-da, mesh ogʻzidan suv ichmasin!» — dedilar»

Bu yerda yuqoridagi hadis qisqacha takrorlangan

24-bob. Idish ichiga nafasni kiritmoq haqida

Abu Qatoda otalaridan naql qiladilar: «Rasululloh sallallohu alayhi va sallam bunday deb aytdilar:

«Birortangiz (suv yoki boshqa biror ichimlik) ichsangiz, idish ichiga nafasingizni chiqarmangiz va agar birortangiz peshob qilsangiz oʻng qoʻlingiz birlan olatingizni poklamangiz va agar birortangiz (ketingizni) artadirgan boʻlsangiz, oʻng qoʻlingiz birlan artmangiz!»

25-bob Idish ogʻzidan ikki yoki uch bor suv ichib, har gal nafasni tashqariga chiqarmoq haqida

Sumoma ibn Abdulloh rivoyat qiladilar: «Anas idish ogzidan ikki yoki uch bor suv ichib, har gal nafaslarini idish tashqarisiga chiqardilar-da, «Rasululloh idish ogʻzidan uch bor suv ichib, har gal nafaslarini tashqariga chiqargan erdilar»— deb ta'kidladilar».

26-bob. Oltin idishda ichmoq haqida

Ibn Abu Laylo rivoyat qiladilar: «Huzayfa Madoin shahrida erdilar, chanqab qolib suv soʻradilar. Shunda qishloq oqsoqoli ul kishiga bir kumush qadahda suv uzatib erdi, uni olib otib yubordilar-da :«Men kumush qadahni undan foydalanmoqdan qaytarish maqsadidagina otib yubordim, u boʻlsa buni anglamadi. Darhaqiqat, Rasululloh sallallohu alayhi va sallam bizni harir va deboj kiymoqdan, oltin va kumush idishda ichmoqdan qaytarib, « Harir va deboj kiyimlar, oltin va kumush idishlar bu dunyoda ular (ya'ni, oxirati yoʻqlar) uchun boʻlib, oxiratda ersa sizlar uchundur!»—deb aytganlar»,— dedilar»

27-bob. Kumush idish haqida

Mujohid ibn Abu Laylodan naql qiladilar: «Biz Huzayfa birlan birga yoʻlga chiqdik. Shunda Huzayfa Janob Rasululloh haqlarida eslab aytdilarki, ul zot «Oltin va kumush idishlarda ichmangizlar, harir va deboj kiyim kiymangizlar, chunki bunday narsalar bu dunyoda ular (ya'ni, oxirati yoʻqlar) uchun boʻlib, oxiratda ersa sizlar uchundur!» — degan erkanlar»

Janob Rasulullohniig jufti halollari boʻlmish Ummu Salama rivoyat qiladilar: «Rasululloh sallallohu alayhi va sallam «Kumush idishda (suv, ovqat va boshqalar) ichadirgan odamning qornida haqiqatan ham jahannam oʻti gurkiraydi!» — dedilar».

Barro ibn Ozib rivoyat qiladilar: «Rasululloh sallallohu alayhi va sallam bizga yetti narsani (qilmoqni) buyurib, yetti narsani (qilmoqni) man' qildilar, kasalni borib koʻrmoqni, janozaga bormoqni (ergashmoqni), aksa urgan kishi «Alhamdu lilloh!» desa, unga «Iarhamukalloh va yashfiyk!» deb javob qaytarmoqni, taklifga ijobat qilmoqni salomga alik olmoqni, mazlumga yordam qilmoqni va qasamga vafo qilmoqni amr qildilar hamda tilla uzuk taqmoqni, kumush idishda ichmoqni (yoki kumush idish tutmoqni), miysara, qassiy, harir, deboj va istabraq (kiyimlar) kiymoqni man' qildilar».

28-bob. Qadahlarda (suv, sut va boshqalar) ichmoq xususida

Ummu Salama rivoyat qiladilar: «Odamlar Rasululloh sallallohu alayhi va sallamning arafa kuni roʻzador yoki roʻzador ermasliklari haqida shubhalanishdi. Shunda men ul zotga bir qadah sut yuborib erdim, ichdilar»

29-bob. Janob Rasulullohning qadah va idishlaridan ichmoq haqida

Abu Burda rivoyat qiladilar: «Abdulloh ibn Salom menga: «Rasululloh sallallohu alayhi va sallamning muborak lablari tekkan idishda senga biror ichimlik quyib berayinmi?» — dedi».

Abu Hozim rivoyat qiladilar: «Sahl ibn Sa'd raziyallohu anhu bunday deb aytgan erdi: «Rasululloh sallallohu alayhi va sallamga bir arab ayoli haqida so'zlashdi. Shunda ul zot Abu Usayd as-So'idiyga o'shal ayolga odam yubormoqni buyurdilar, u odam yubordi. Keyin, ayol Banu So'ida bog'iga kelib tushdi. Janob Rasululloh u tomon yo'lga chiqib yetib bordilar-da huzuriga kirdilar, ayol boshini quyi solib o'ltirar erdi. Janob Rasululloh ayolga gapirgan erdilar, u «Olloh taolo meni sendan qutqarsin!» — dedi. Janob Rasululloh «Seni o'zimdan qutqarib bo'lganman!»—dedilar. Sahobalar unga «Sen bul zotning kim erkanliklarini bilurmisan?»—deyishdi. Ayol: «Yo'q»,— dedi. Sahobalar: «Bul zot Rasululloh sallallohu alayhi va sallamdurlar, seni o'zlariga xotinlikka so'ragani kelganlar»,— deyishdi. Ayol «Men shundan iztirobdaman!»— dedi. Janob Rasululloh o'shal zamonoq uydan qaytib chiqdilar-da, Banu So'ida ayvoniga borib o'ltirdilar, sahobalar ham borib o'ltirishdi. Keyin, ul zot menga «Ey Sahl, bizning tashnaligimizni qondirgil!»—dedilar. Men bir qadah olib chiqib, ularning barchasiga suv quyib berdim»

«Sahl bizga oʻshal qadahni olib chiqib berdi,— deydilar Abu Hozim — biz unda qonib (suv yoki boshqa biror ichimlik) ichdik. Keyin uni Umar ibn Abdulaziz oʻzlariga sovgʻa qilmogni soʻradilar, Sahl sovgʻa qildi»

Osim al-Ahval rivoyat qiladilar: «Men Rasululloh sallallohu alayhi va sallamning qadahlarini Anas ibn Molikning uylarida koʻrdim, u darz ketgan boʻlib, darzi kumush zanjir birlan bogʻlab qoʻyilgan erdi (Afsus) u sof yogʻochdan qilingan kattagina bir yaxshi qadah erdi. Anas Men bu qadahda Rasululloh sallallohu alayhi va sallamga falon va falon martadan ortiq suv ichirganman» — deb aytgan erdi».

Ibn Sirin bunday deydilar: «Uning (qadahning) temir halqasi boʻlib, Anas uning oʻrniga oltin yoki kumush halqa oʻrnatmoqchi boʻldilar. Shunda Abu Talha ul kishiga «Rasululloh sallallohu alayhi va sallamning oʻrnatib qoʻygan narsalarini oʻzgartirmagil!» — deb erdilar, temir halqani oʻz joyida qoldirdilar».

30-bob Tabarruk qilib berilgan suvni ichmoq va tabarruk suv haqida

Jobir ibn Abdulloh raziyallohu anhu Solim ibn Abu al-Ja'dga bunday deb aytgan erkanlar: «Sen oʻshanda meni Rasululloh sallallohu alayhi va sallam birlan koʻrgan erding. Asr vaqti boʻlib qolib, mesh tagida qolgan suvdan boʻlak suvimiz yoʻq erdi. Shunda biz meshning ogʻzini pastga qilib toʻnkargan erdik. Janob Rasululloh kelib qoʻllarini meshning ogʻziga tiqdilar-da panjalarini yozdilar. Soʻng «Ey tahorat olguvchilar Olloh taolodan baraka tilangan suvga oshiqingizlar!»—deb nido qildilar. Shunda men meshdagi suvning

ul zotning barmoqlari orasidan otilib chiqayotganini koʻrdim. Odamlar oʻsha suvdan tahorat olishdi, ichishdi. Qani endi qornimdagi suvning menga naqadar huzur baxsh etganligini bilsangiz erdi! Men uning ichishim birlanoq haqiqatan ham tabarruk erkanligini sezdim!» Men Jobirga «Ushanda qancha kishi erdingizlar?» — dedim. Jobir «Bir ming toʻrt yuz kishi» — dedi».

Online o'qish: http://forum.ziyouz.com/index.php?topic=836.0
Internet uchun Laylo va Doniyor tayyorlagan.

www.ziyouz.com 2007